

中華律藏

中華律藏 第二十二卷


歷代大藏經律部文獻・中國撰述（十三）

國家圖書館出版社




餘杭靈芝蘭若元照錄


二、此下例示




十三 提舍尼○	十四 衆學成○	十五 七減譯○	十六 四譯○	初 總釋	二 第下列釋六	三 批下結示	○ 二起成差別二	初 總釋	二 第下列釋十	初 叙名略解二	初 標章	二 起下正釋二	初 通示五受二	二 此下料簡二五二	初 明上法二	二 第下簡作業二	初 分示六種二	二 然下結顯通別	二 僧尼通別二
初 標章	二 依下隨釋三	五 五部分張二	初 標章	二 然下隨釋二	初 本部初分二	二 此下五部重分二	初 三藏口傳	二 佛下文殊問經	初 標章	二 前下隨釋二	六 分總別二	初 總微	二 一下別釋五文如	初 古下今義	二 又下今義	初 正示	二 釋妨二	初 引婆論總示	二 摩下引諸文別簡三
二 第下列示相傳三	三 然下正顯不分	初 第一師	二 第二師	三 又下後三師	初 通叙所因	二 又下引經委示二	初 大衆經七文如	二 若下遺教法律	初 通分諸部二	二 專論四分	初 正明	二 問下釋妨	初 問邊地獨言持律二	二 問違信不同殺盜	初 問答釋通	二 因下因問二事二	初 總問	二 解下別釋三文如	初 正明





初 標 章	七 五 受 潮 頤 二	二 問 下 約 多 義 釋 通 三	初 引 安 居 例 難	二 釋 通 疑 妨 二	初 引 示 二 解	五 釋 二	四 八 敬	三 三 語 二	二 上 法	初 善 來	二 善 下 隨 釋 五	初 標 章	六 發 戒 時 節 二	三 羯 磨 應	二 三 歸 八 敬 二	初 善 來	二 依 下 隨 釋 三	初 標 章	五 位 列 凡 聖 二
初 舉 頓 速 漸 以 問 二	二 別 問 羯 磨 二	初 通 示 五 受	五 具 戒	四 十 戒	三 八 戒	二 五 戒	初 翻 邪	二 一 下 列 釋 五	初 總 舉	二 據 母 論 答 通 二	初 引 智 論 立 問	二 釋 疑 二	初 正 示	二 問 涅 槃 差 別	初 問 經 律 相 違	七 問 俗 人 得 果 二	六 問 上 法 不 同 二	五 問 僧 無 還 信 二	四 問 尼 無 論 義
初 叙 問	三 又 下 約 時 法 以 憫	二 又 下 據 所 屬 以 分	初 舉 不 結 反 破	二 又 下 約 說 相 得	初 約 受 歸 得	三 首 下 簡 判	二 答 釋 二	初 叙 問	二 問 時 節 三	初 明 簡 淨	二 釋 妨 明	初 正 明	二 又 下 約 義 通 外 凡	初 華 婆 論 局 內 凡 二	二 釋 妨 解	初 正 解	三 又 下 約 從 勝 答 二	二 又 下 約 俱 得 答 二	初 約 方 便 答
















九就報異	八就罪異	七就時異	六就方異	三就供齋不同	二明殺聖非例	初會經論相連	二引經立疑	初據論正明	五二僧異	四就界異	二引邪例難	初正示人數	三就教異	二假佛異	初僧不同	二第下隨釋	初標懸	三二破異	二指下別釋
初正引	二釋疑	初正示	二釋疑	初正示	二引解四	初叙門	二一下引釋四	初叙問	二引難	初正解	二又下就法輪解	初約二破解	二問下會通經律	初正示不同	三若下就教	二三下第三	初一下	二一下隨釋	初標懸
初約義釋通	二問破別名僧	初問破二結一	四又下不可澳解	三又下兼不兼解	二一下障不障解	初可不可解	四又下二輪通局	三又下二僧差別	二一下大小兩異	初得解不同	二問約界成局	初問唱告不同	二如下引證	初正明	二約得罪轉難	初引本律正難	二釋疑	初正明	二引和以難

<p>初立時非時 二現僧各二</p>	<p>初下隨釋四 二第下隨釋四</p>	<p>初標章 二時下別釋二</p>	<p>初時非時 二時下別釋二</p>	<p>初問僧有疑初二 二問俗犯有不二</p>	<p>初問無過逆制二 二問僧有疑初二</p>	<p>初問下釋疑二 二問下釋疑二</p>	<p>初正明 二故下引示</p>	<p>初正明 二故下引示</p>	<p>初正明 二故下引示</p>	<p>初正明 二故下引示</p>	<p>初列示二解 二就下指二部類知</p>	<p>初就一部以示二 二就下指二部類知</p>	<p>初總釋 二時下別釋二</p>	<p>初問答無所以 二問答無所以</p>	<p>初問答釋疑 二問答釋疑</p>	<p>初約義釋通 二約義釋通</p>	<p>初引釋疑三 二引釋疑三</p>	<p>初約義釋通 二約義釋通</p>	<p>初約義釋通 二約義釋通</p>	<p>初約義釋通 二約義釋通</p>	<p>初約義釋通 二約義釋通</p>	<p>初違律相持疑二 二引文疑二</p>	<p>初斥後解 二非時二種</p>	<p>初時中二種 二非時二種</p>	<p>初約緣以疑 二約緣以疑</p>	<p>初約義釋通 二約義釋通</p>	<p>初轉釋通 二轉釋通</p>	<p>初約義釋通 二約義釋通</p>	<p>初約義釋通 二約義釋通</p>	<p>初約義釋通 二約義釋通</p>	<p>初約義釋通 二約義釋通</p>	<p>初約義釋通 二約義釋通</p>
------------------------	-------------------------	-----------------------	------------------------	----------------------------	----------------------------	--------------------------	----------------------	----------------------	----------------------	----------------------	---------------------------	-----------------------------	-----------------------	--------------------------	------------------------	------------------------	------------------------	------------------------	------------------------	------------------------	------------------------	--------------------------	-----------------------	------------------------	------------------------	------------------------	----------------------	------------------------	------------------------	------------------------	------------------------	------------------------





初 標 示	二 姪 下 配 釋三	初 姪 姪 戒	二 殺 盜 二	三 妄 語 二	初 示 犯 相	二 引 首 解	四 本 制 與 立二	初 標 章	二 論 下 隨 釋二	初 約 義 以 明二	二 又 下 引 教 以 示二	五 先 後 次 第 對 治二	初 通 標	二 受 下 別 釋三	六 沙 彌 任 運二	初 標 章	二 如 下 隨 釋二	初 約 教 不 立二	二 首 下 就 義 可 立二
二	三	四	初	二	三	初	二	初	二	初	二	初	二	三	初	二	初	二	初
盜三	殺三	妄二	明	證	妨	相	解	明	妨三	文四	解	後	第二	治	明	妨二	難	難	義
初 沒 心	二 若 下 就 心	三 若 下 別 就 人 題三	初 正 明	二 故 下 引 證	三 釋 妨	初 問 對 制 不 同	二 問 對 戒 制 戒	三 問 尼 八 相 對	初 本 律 盜 戒	二 薩 婆 多 論	三 大 集 經	四 善 見 論	初 正 明	二 釋 疑二	初 問 大 小 列 相 不 同	二 若 下 難 全 斷 不 應 蓋 俗	初 對 戒 有 無	二 若 下 三 世 通 局	三 若 下 受 時 得 否

七略解四戒二	初標章	二習下隨釋四	初經二	二又下盜五	初定錢體二	二又下示盜處	三鼻下明非畜	四又下辨離處	五問下簡境想二	三問下殺三	初父灶被逆四	二問下墮胎輕重	三問下殺後不同	四問下妄四	初問佛實語	二妄下總明妄語二	初列五種	二總下簡判三	三問罪不待信三
二此下配戒三	初對五八不同	二此下辨二離通塞三	初標示	二梵下隨釋二	三通下指略	初引示諸解	二引首師詳定	初正示五	二此下結指	初問成逆約知不知	二問得聖犯幾變	三問變尼例打罪三	四此下明謗法不入逆二	初明非逆	二又下顯成逆二	初總判	二若下細論	三此下定虛實	初普解
初梵難	二其下命難四	初其下盜經	二若下殺妄	四妄下妄	初殺盜不同問	二處分非緣難	三掘地結犯難	四後心乖文難	五無闡達律難	初約義釋通	二引殺例打	三變諸例尼	初正明	二問下釋妨	初約義釋通	二引事例案	三首師定判	初立義	


四問獨安自言二	▲中 卷 分二	○九十三僧殘二	初 賾 章	二 第下正釋七	初 配 三 毒二	二 配 三 業二	三 自作教他二	初 先 下 釋三	初 自作教人二	二 若下教遣人	三 若下沙彌任運	四 配戒種類二	五 持犯方就二	初 唯 下 釋二	初 總對諸戒	二 二下別示雙持二	六 僧尼同異二
二 首 解三	二 題 目	二 撰 號	二 撰 下 釋二	二 身 下 釋二	二 有 下 別 釋三	初 自 重 教 輕	二 次下自教俱重	三 又下自重他輕二	二 如 下 釋四	初 明名體同異	二 此下作持句法二	初 標 示	二 上 下 列 釋三	二 有 下 釋二	二 初 標	二 初 標	二 初 標
二 問下釋疑	三 祇下示異	初 先分遮往	二 此下正配三毒二	初 祇 下 引 證	二 祇 下 辨 意 地	二 意下辨意地	初 正 明	二 釋 疑二	初 問漏失違諫不同	二 問能所重輕乖互	初 二 下 盜 經	二 十 下 殺	四 十 下 妄	初 上 品 一 句	二 中 品 四 句	三 下 品 四 句	初 漏 失






初 牒 章	○十一 三十 捨 墮 三	五 僧 尼 有 無 二	二 答 釋 五	初 叙 問	二 問 治 人 差 別 二	初 問 業 罪 不 同	五 罪 別 釋 二	四 僧 別	三 默 罪 二	二 犯 處	初 篇 案	二 一 下 釋 五	初 篇 案	二 通 塞 同 異 二	初 篇 案	二 昔 下 釋 三	初 篇 案	三 最 初 同 異 二	三 首 師 解 五	二 次 師 解 二
初 總 示 三 義	初 引 古 解 三	二 一 下 釋 四	初 標	五 又 下 治 業 不 同 釋 二	四 又 下 首 後 引 罪 釋	三 又 下 近 遠 通 別 釋	二 又 下 相 對 有 無 釋 二	初 息 疑 除 釋	二 引 滅 證 俱 有 難	初 約 戒 本 有 無 問	二 問 下 釋 二	初 標	三 問 下 後 師 解 二	二 問 下 次 師 解 二	初 師 解	五 問 下 釋 疑 三	四 又 下 引 疑	三 若 下 顯 非	二 首 下 立 義	
初 明 成 關 初 三	四 驅 損 重 輕 釋	三 尼 無 獨 行 釋	二 互 舉 可 不 釋	初 列 犯 多 少 釋	二 此 下 明 現 前	初 明 自 言	二 何 下 辨 無 四	初 明 有 三	二 此 下 釋 二	初 標	二 今 下 立 正 義	初 斥 他 解	二 舉 立 治 疑	初 引 婆 論 疑	二 釋 疑 二	初 立 義	二 立 疑	初 定 罪	三 問 所 犯 罪 二	

二隨釋三	三捨下結示	初釋名前後二	初釋名	二三下前後	二依位別解二	初標章	二第下隨釋八	初明捨不捨二	初標示	二凡下正釋二	二犯人同異二	初標示	二一下正釋二	初僧別對顯	二同下同活有無三	三自作教他二	四重犯輕重二	初標示	二四下正釋二
二坐下別配戒條四	三強下料簡諸戒二	初別戒	二異下料簡三	初異資淨施二	二問下白色三衣	三高下高牀等戒二	初正示	二引難	二又下仲正義二	初難破前解六	二是下結示正義	初五戒不同	二七戒不定	三十八戒有同不同	初標示	二自下正釋二	初通明諸戒	二又下別解洗染	初標舉
二財下三戒闕第一二	三食下十二戒闕第二	四財下八戒闕第三	初正示	二釋疑二	初難過三以問	二引販賣轉難	初正示	二釋疑	初難鉢藥	二又下難奪衣	三又下難過鉢資淨	四又下難五數具	五又下難洗染等	六若下難五數等	初通示自他	二若下別釋教人二	初十七戒直爾教人	二有下十三戒教人爲已	初十誦





初長衣戒四	初先列二	初相染釋二	二又下喜犯釋二	二婆下諸緣二	初正明	二問答	三問下德衣三	四此下長量	五又下開十日	六問下淨主	七問下著用二	八拾財二	九還財二	初問還衣遠近	二問作法須不	十作三衣三	十一又下制前有無	十二緣開數日	十三此下淨主命終
二傍下豎通豎染	初正明三	二此下結願	初立理	二釋疑四	初問德衣五長前後	二問三戒獨開迦絺二	三約食戒不列之意	初約義釋通	二菩下引二異相	初問脫著不同二	二問衣食不同二	初舉別染難忘物	二問下明須捨之意	初長衣開作	二重縫拈分	三問制前後	初正釋	二難破	初問所離輕重二
三若下釋疑妨	初約義釋通	二以下準決三衣	初引律疑無染二	二引房衣疑販賣	三引緣相難量外	四引白色難成受	初問答釋通	二引戒比難	初問	二	初畜心輕重釋	二又下內外兩安釋二	初正解	二難破	初叙問	二釋通二	初約要心釋	二約開制釋二	初正釋

十四有下重物非淨二	二差下根轉法失	二問下轉錄
二更下離衣戒四	三離衣不分	初雙問
三月望衣戒三	四所開衣時二	二別答二
初定時非時	初僧祇	初答所離
二此下引文顯與三	二多論	二十下答時長短
三義下約義決通二	三善見	初問三衣何染
四取尼衣戒二	初正示	二問長衣染否
初問衣鉢不同	二釋疑三	三問少財染否
二問僧尼輕重二	初約義釋通	初問三戒舍制
五使尼浣衣戒四	二引與尼衣以難	二問不制重鉢
六過知足戒	初問鉢無勸增	三問新衣非重
七增衣似戒二	二引乞鉢例難	四又下明二衆何輕
八乞衣戒	初問增不增犯	初約義釋通
九勸二家增價戒三	二問勸不至三	二引古爲證
十忽切索衣戒二	三問勸三合作二	初問鉢無過索
十一著棉二毛三戒二	初問結毛捨別	二問望誰結罪
十二減六年臥具戒	二問寶藥膝捨	初問臥具互相反
十三不操坐具戒二	初叙問	二問制捨有何意二
十四寶寶戒二	二答釋三	初約義釋通
十五販賣戒	初問鉢無通轉開	二比過量以難



初正示僧尼二	二九下隨釋二	初標章二	四僧尼差別二	二次下止犯二	初止持二	二今下正列句二	初標指事二	二作二	初總示三	二九下隨釋二	初標舉二	三持犯方軌二	二有下隨釋二	初標舉二	二自作教他二	二九下隨釋三	初標舉二	初三業成犯二	二第下隨釋六
初準文二	二今下今解二	初古解二	二有下別列二	初總標三	二上下別列三	初總標二	三今下結顯二	二昔下斥古二	初正明二	三餘下七十六戒止持作犯	二次下二戒作持止犯	初十二戒雙持犯三	二此下因示遮性	初正明教他二	二七戒口止業共身心犯二	初十一戒口作業共身心犯二	二論下別配二	初三下身口犯二	初三下身口犯二
初總標	二以下點示	初立品	三下品	二中品	初上品	二釋經	初正結	二覆下辨覆藏	初明七日藥	二此下總示四行	初別列隨戒	二有下教人不為已	初自作教他同犯	二比下義決	初正示二	三有下五戒自身作假他口	二次七戒自口作假自他身	初十九戒自口作假他身	二一下別示三






◆牛經


六 一 〔生〕食	初 一 下 別 釋 三	初 食 有 豐 儉
七 檀 越 送 食	二 若 下 所 別 二	二 作 法 不 作 法
八 沙 彌 非 別	初 能 別 別	三 損 有 輕 重
九 此 下 法 食 龍 所 三	二 問 下 閉 緣	初 病 時
十 九 種 開 緣 二	三 問 下 閉 緣	二 作 次 次
十一 結 罪 不 同	初 叙 問 釋 六	三 施 次 船 乘
初 明 九 緣 二	二 答 釋 六	四 道 船 乘
二 釋 疑 防 二	初 配 時 非 時	五 大 衆 乘
初 對 時 通 局 三	二 引 作 衣 比 疑	六 沙 門 施 二
二 有 緣 不 白 二	三 問 別 立 無 用	初 引 論
初 舉 入 聚 例 問	初 問 獨 開 餘 食	二 釋 妨 論
二 引 別 住 轉 疑	二 問 不 開 六 緣	初 叙 問 釋 二
十五 足 食 飭 尼 二 戒 五	三 境 想 不 同	二 答 釋 二
十六 非 時 食 戒 二	四 獨 立 勸 足	初 依 祇 律 在 內
初 明 二 方 時 限	五 問 教 勸 開 合	二 據 婆 論 明 外
二 伽 下 引 伽 論 以 證	初 問 道 俗 輕 重	初 示 實 數
十七 殘 宿 食 戒	二 問 九 十 六 種 二	二 以 下 列 算 法 四
十八 與 外 道 食 戒 三	三 示 尼 犯 相	初 胎
十九 四 月 受 藥 過 戒	初 引 僧 諫 例 同	二 問 胎
二十 違 諫 戒 二	二 舉 勸 學 以 誡	三 須 大

二十一 佈池戒三	初問緣示意	四 布薩
二十二 其實淨戒	二 舉殺以難	三 計下顯得不
二十三 疑惱戒	初約義釋通	初 御滄
二十四 訪僧殘戒	二 引造房難	二 五分
二十五 覆龜罪戒	初示今昔二解	三 母論三
初問本制之意	二 首下依首師出算三	初 正引
二 問疑心犯重二	三 故下引諸文證成六	二 義下義決
三 此下開塔胎問三	初明三舉不同	四 僧紙二
二十六 減年戒三	二 解下會諸文示相	初 引文
二十七 隨損沙彌戒二	初引安居難結犯	二 解釋
二十八 不攝耳聽戒二	二 舉不學難重輕	五 十誦
二十九 毀毗尼戒	初問給犯違文	六 五分
三十 聞聲戒二	二 引兩舌較異	初問鉢何定量
三十一 非時入聚戒	初問衣鉢制異	二 問佛衣定量
三十二 過量尼師壇戒	二 問鉢何制量三	三 問鉢無等量
三十三 拂衣等量戒二	初 總分	初 總分
○十三 提舍尼二	二 就下別釋二	二 就下別示三
初 標舉	三 而下示罪	初 私屏
二 第下隨釋四	初托內起邊二	二 若下衆中
初存四所以三	二 托外起過二	初 案落




念 藥 書

初 釋 章	二 自下隨釋二	初 示罪治不同二	二 問法藥差別二	初 叙 問	二 答 釋二	五 滅人多少二	初 標 章	二 二下隨釋二	六 藥病相當二	初 標 章	二 藥下隨釋二	初 言 釋二	初 明通塞二	二 問增減二	初 叙 問	二 答 釋二	二 竟 釋二	初 明通塞二	二 問增減二
二 其下治人	初 正答同別	二 所下餘四不出所以二	初 標 問	二 一下引解二	初 正明多少	二 依下引示諸相三	初 憶 念	二 妄下自言	三 祇下免罪	初 總配三品	二 此下別彰四釋四	初 叙 問	二 答 釋二	初 正 答	二 然下別示二	初 明能斷僧	二 若下示行舞法三	初 叙 問	二 答 釋二
初 誠不究竟	二 第下有定不定	初 二 義 解二	二 又下隨略解二	初 通 釋	二 如下別示四	初 現 前	二 自 言	三 多 人 語	四 辨 覆 地	初 明 當 用	二 如下不當用二	初 簡 覓 釋	二 其下簡犯釋	初 作法差人	二 三下三釋行舞三	三 此下量衆可不	初 顯 露	二 若下覆藏	三 若下耳語



拾毗尼義鈔科文終



四分律鈔批目次

卷第一 卷第一本

六門分別

卷第二 卷第一末

六門分別之餘

釋十門義

標宗顯德篇第一

卷第三 卷第二本

重釋十門義

釋第六隨文判釋已下

卷第四 卷第二末

重釋十門義之餘

第三對外宗教興意之餘

卷第五 卷第三本

重釋十門義之餘

十門通俗七部立教通局意第七已下

標宗顯德篇第一

重釋

卷第六 卷第三末

集僧通局篇第二

足數衆相篇第三

受欲是非篇第四

卷第七 卷第四本

通辨羯磨篇第五

結界方法篇第六

卷第八 卷第四末

結界方法篇之餘

若錄律文亦不加字等已下

僧網大綱篇第七

卷第九 卷第五本

受戒緣集篇第八

卷第十 卷第五末

師資相攝篇第九

說戒正儀篇第十

安居策修篇第十一

卷第十一 卷第六本

安居策修篇之餘

第三作法不同門中已下

自恣宗要篇第十二

通攝那衣法附出

卷第十二 卷第六末

篇聚名報篇第十三

卷第十三 卷第七本

隨戒釋相篇第十四

卷第十四 卷第七末

隨戒釋相篇之餘

入隨心無作已下

卷第十五 卷第八本

隨戒釋相篇之餘盜戒第二之餘

卷第十六 卷第八末

隨戒釋相篇之餘十三僧殘篇第六已下

卷第十七 卷第九本

隨戒釋相篇之餘第三篇三十捨聖第三戒已下

卷第十八 卷第九末

隨戒釋相篇之餘九十單提初已下

卷第十九 卷第十本

隨戒釋相篇之餘九十單提中第三十三已下

卷第二十 卷第十末

隨戒釋相篇之餘九十單提中第四十五已下

卷第二十一 卷第十一本

持犯方軌篇第十五

卷第二十二 卷第十一末

持犯方軌篇之餘七雜料簡已下

卷第二十三 卷第十二本

懺六聚法篇第十六

卷第二十四 卷第十二末

二衣總別篇第十七

卷第二十五 卷第十三本

四藥受淨法篇第十八 鉢器制聽篇第十九

卷第二十六 卷第十三末

對施與治法篇第二十 頭陀行儀篇第二十一

僧像致敬篇第二十二 訃請設則篇第二十三

卷第二十七 卷第十四本

導俗化方篇第二十四 主客相待篇第二十五

瞻病送終篇第二十六 諸雜要行篇第二十七

卷第二十八 卷第十四末

沙彌別行篇第二十八 尼衆別行篇第二十九

諸部別行篇第三十 跋

四分律鈔批目次終

上卷本
卷一

四分律鈔講前加行方便卷第一

江東杭州華嚴寺沙門 大覺 撰

原夫至理凝粹超然言象之先妙道冲微悠哉視聽之表曇華耀色藻慧日以流光貝葉騰文猊祥風而散彩靈源杳杳標指月而尋玄實際空茫假筌蹄而致遠鷲山真軌隨性欲而宣慈象屬尋章順機緣而授法始自鹿苑啓四諦之微言終于鷲林演三伊之秘藏毗尼標律行之首泥洹辨常樂之宗於是導七衆而轉法輪截四流而宣戒品遂得五篇垂範七聚分宗流福祐於四生廣紹隆於萬載昇淨天之妙足越險道之神車者豈非尸羅之力哉自化掩雙林韶光千載雖凝神實際而妙旨可詮是以摩訶迦葉紐其玄綱優波毘多秉其茂緒道味純一人無異見泊乎夢源中濁教水邊清條分七葉之義華散五師之部然則上座大眾創分結集之場五部十八流宗百載之後自爾衆峰互舉各競先驅法勝法尙之殊途西山北山之異執斯亦金柯折幹玉嶺分峯輕重之相雖乖持犯之儀靡隔蓋由情見有限受悟無輪各

擅已宗自題聲教然則曇無勝藏朗日月而彌高無作標宗浩溟波而罕測遂得駐歸中夏法水東流金相乘機玉門揚化邪翻信立正道彌新白馬肇建於洛陽赤鳥聿興於江左曇摩創軌始闡毗尼十誦之本已傳四分之宗猶隱爰有佛陀耶舍秦言覺明方傳四分之宗斯文盛茲東土今言四分律者顯宗目也蓋是法尙先師傳稟之教矣四分乃五部之殊稱律是三藏之別名帶數標名故云四分從法作稱目之爲律遊辭削略故曰刪繁詳集本文名爲補闕對務秉宗故言行事決擇要義復稱爲鈔序者由也顯宗由致發起之端稱之爲序又云陳教起之因由作法興之漸始故曰序也故云四分律刪繁補闕行事鈔序

將釋鈔文略開六門一教起所因二結集所由三分部時節四律本翻譯時代不同五釋詮宗各異并辨題目六判文解釋

初教起所因者就中分三初通明制教意二明制廣補略意三明制廣利益意今初門通明制教意者斯

乃大聖降臨創開化本將欲拔濟諸有同登彼岸然煩惱難淨得道無由故大聖設三學行攝濟群生最初先制戒學者戒爲萬善初基佛法之壽命故經云依因此戒得生諸禪定及滅苦智慧若無此戒諸善功德皆不得生是以三乘學人必由斯迹故律云爲調三毒令盡故制增戒學又戒本云戒淨有智慧便得第一道又多論云爲開泥洹門故制戒也又毗尼有四義餘經所無一戒是佛法平地萬善由之生長二一切佛弟子皆依戒住一切衆生由戒而有三趣涅槃之初門四是佛法瓔珞能莊嚴佛法二明制廣補略意者佛初成道十二年前唯說一偈諸惡莫作諸善奉行自淨其意是謂佛教故戒經云於十二年中爲無事僧說是戒經從是已後廣分別說卽其義也卽律中云佛成道已與諸比丘遊行蘇羅婆國漸漸遊行至毗蘭若受婆羅門請安居一夏唯食馬麥爾時舍利弗於閑靜處作是念言過去六佛何佛法得久住何佛法不久住卽時問佛佛言毗婆尸式棄拘留孫迦葉佛此四佛法得久住除二佛法不久

住所以爾者此二世尊但說略教不說廣教故佛法不久住餘之四佛爲諸弟子制廣教故法得久住舍利弗因謂願同四佛制廣之益令法久住佛言且止我自知時爲我弟子未有名聞故未得利養故未生有漏故未制戒也後十二年後因須提那子最初壞略制廣補之三明制廣之益者且據律文佛制一一戒皆招生十利功德一攝取於僧者謂下座持戒則爲如法之衆攝在衆中二令僧歡喜者謂若中座持戒有所施爲悅可衆心也三令僧安樂者謂若上座持戒則光飾衆僧能蔭益徒衆也四未信者令信謂戒德內充外生物善發人信敬堪爲師範弼之以度世是以未出家者信樂出家從其出家五已信者令增長既度弟子復能教授令其護持增進心行也六難調順者令調順謂徒衆之中有違教犯禁不順威儀則能如此治罰摧伏令改也七慚愧者得安樂者謂徒衆之中若有道心人失意犯罪常懷愧懼改往修來求乞洗過復能救拔作歸依處也八斷現在有漏者已生之惡既除身心清淨現應布薩行無缺漏

也九斷未來有漏者。未生之惡永不起也。十令正法久住者。持戒之人自行清淨。復能令他持戒。匡益時衆。化相承千載不墜也。上來三段不同。總是初門教起所由也。

第二結集所由者。付法藏傳云。佛告迦葉。汝今當知。我於無量阿僧祇劫。爲衆生故。勤修苦行。一心專求。無上勝法。如我昔願。今已滿足。今將涅槃。以此深法。用囑累汝。汝當於後。敬順我意。廣宣流布。令不斷絕。迦葉答言。善哉。受教。奉持正法。後時如來。常與迦葉對坐說法。時諸天人。謂言世尊。師於迦葉。於是迦葉。卽辭如來。往耆闍崛山。賓鉢羅窠。經行禪思。宣揚妙法。度諸衆生。四分五百結集。佛於拘尸那城。入般涅槃。千軀纏身。金銀銅鐵。四棺盛之。滿盛香油。積衆香。薪持火然之。天卽滅火。時阿那律。得天眼。故語諸人。諸天滅火者。爲待迦葉到耳。于時迦葉。在波婆國。至世尊般涅槃時。放勝光明。大地震動。便作是念。將非如來欲入涅槃。現斯相耶。卽入三昧。以天眼觀。卽見如來於剎連河邊。全身捨壽。作是觀已。慘然不悅。

○家作文作

○住疑評

○住疑評

○家作文作

如來涅槃。何期駛哉。世間眼滅。不善增長。卽與徒衆。向拘尸城。於路作念。我當得見。未燒佛舍利。不耶。諸天知迦葉心作如是念。是故滅火。迦葉前行。逢一梵志。右手執持曼陀羅華。在道而行。迦葉遙見。問言。汝從何來。答從拘尸城來。復更問言。識我師不。答言。我識。入般涅槃。已經七日。一切天人大設供養。我從彼處。得此華來。迦葉與五百弟子。聞是說已。皆大悲惱。中有未離欲比丘。聞世尊已入涅槃。舉身投地。譬如斫樹根。斷樹倒。諸比丘亦爾。號哭。咽淚。下如雨。咸言善逝涅槃。何乃大早。或有跪轉在地。猶如圓木。爾時有跋難陀釋子。在於衆語。諸人言。長老且止。莫大憂愁。我等於彼摩訶羅邊。便得解脫。彼在世時。數教我等。是應是不應。當作是不當作。是我等今者。便得自住。欲作便作。欲不作便不作。時大迦葉聞之不悅。告諸比丘。且起。疾捉衣鉢及世尊舍利。未燒。我當得見。且速前進。於是迦葉與五百比丘。往拘尸城。至雙樹間。繞棺三匝。稽首作禮。而說偈言。

超越三界家 永度生死流 寂然無相願

往付法藏傳

◆本本文作
大

微妙難思議 佛日甚明淨 能除痴暗冥
積劫修苦行 誓度諸苦人 云何於今日
棄捨本慈悲 全身處金梯 寂然安不動
唯願天人尊 顯現金色身 普令一切衆
興起無量願

爾時世尊於金棺內千張氈中出金色足光明照曜
猶如盛日棺氈無虧而足顯現於時迦葉偏袒右肩
接足作禮重說偈言

如來足蹠滿 千輻相輪現 指纖長柔爽
合綬網成就 大悲濟衆生 斷世衆疑網
是故我今日 頂禮最勝足 我證四眞諦
說佛功德聚 已讚歎供養 宜還歛足入

◆供養本文
作法
◆開持本文
作佛已即句
四字

說是偈已告比丘闍維世尊舍利非我等事何以故
國王長者求最勝福自當供養我等宜當結集法眼
無令法炬速疾磨滅爲未來世當作照明紹三寶種
使不斷絕五百結集云迦葉未到燒火不然迦葉前
至如來棺所棺卽自開世尊現足時大迦葉見世尊
足下輪相垢汗卽問阿難世尊顏容端正身作金色

◆得入於生
二字

◆若字疑刪

誰汗足下輪相阿難答言女人心裏前禮佛時泣淚
墮上手捉汗世尊足迦葉聞之不悅於時迦葉禮世
尊足時諸四衆亦禮佛足時世尊足還內棺中隱不
復現迦葉哀歎遠棺七匝其火不燒而自燃也十誦
律云舉佛舍利入拘尸城八國諸王集兵圍繞奪
取時姓烟婆羅門語諸王言如來大慈何有鬪戰諍
佛舍利因分八分與八國王卽爲八塔四分律云時
天迦葉以此因緣集比丘僧告言我先在道行時聞
跋難陀語諸比丘作如是言長老且止等廣說如前
我今可共論法毗尼勿令外道以致餘言譏嫌沙門
瞿曇法律若烟世尊在時皆共學戒而今滅後無學
戒者諸長老今可科差若比丘多聞智慧是羅漢者
時卽差得四百九十九人皆是羅漢多聞智慧者次
差阿難亦在數中迦葉不許以阿難在學地猶有愛
悲怖疑不應令在數諸比丘復言阿難是供養佛人
常隨佛行親從世尊受所教法彼必處處疑問世尊
今宜在數又云佛涅槃後諸大羅漢皆欲入滅迦葉
卽往忉利天上以打提槌而告之言諸大德且莫取

滅應報佛恩。大德乘佛聖教。皆得解脫。今應結集聖教。以示後人。令法不墜。是報佛恩。我是上座。遠上座命。佛制吉羅。諸阿羅漢。順佛語。故不違上座所命。於是方集得四百九十九人。善達三藏。具二解脫。二解脫者。慧解脫。心解脫也。若准智論。則云。千人欠一次取阿難。卽共量議我等。當於何處集法。毗尼多。饒飲食臥具。無乏皆言。唯王舍城房舍。飲食臥具。衆多。宜可共往論法。毗尼迦葉。作白。白已。俱往。時阿難在道。行心念。言。譬如新生犢子。猶故飲乳。與五百大牛共行。今我亦爾。猶是學人所作。未辦。而與五百羅漢共行。時毗舍離國有跋闍子。比丘有大神力。觀知阿難。猶是有欲。令其生厭離心。卽說偈言。

靜住空樹下 心思於涅槃 坐禪莫放逸
多說何所作

時阿難聞此偈。已獨處精進。心不放逸。寂然無亂。是阿難未曾有。法夜多經行。明欲出時。身疲極。卽時小坐。方欲臥。臥頭未至枕。於其中間。心得無漏。解脫得羅漢。已卽說偈言。

多聞種種說 常供養世尊 已斷於生死
霍曇今欲臥

既證無學。果夜中逕迦葉所。值迦葉閉房。迦葉語言。汝若已證無學。入來相見。卽從戶鑰入。見迦葉時。諸羅漢從毗舍離往。王舍城。迦葉問言。先結集何藏。卽共和白。先結集毗尼藏。毗尼藏者。佛法壽命也。卽取憂波離迦葉作白。差之一夏之中。八十度誦出。大毗尼藏。上來總明第二結集所由門竟。

第三分部時節者。就中分二。初明五師傳授。二明分部所由。今先明五師傳授者。謂如來化緣將畢。衆生感盡。將入滅時。法付迦葉。於涅槃經云。我今所有無上正法。悉已付屬摩訶迦葉。是故迦葉於佛滅後。次宣正法。廣利衆生。閼王見之。自投象下。請言。尊者涅槃。可報我等時。大迦葉所化事畢。重自思惟。我極年邁。身爲老困。是爛之體。甚可厭患。涅槃時到。卽便思惟。遍禮如來舍利之塔。禮敬畢。已還王舍城。阿難恒逐未曾捨離。恐入涅槃。或不覩見。於後迦葉語阿難言。汝獨入城。我亦當往。因此獨入王舍大城。到閼王



●現抄作誤

宮門告守門者爲我白王門人答言王今正睡眠不敢驚覺語言王若覺者可宣我意阿闍世王夢屋梁折即便驚悟門人具宣王即尋逐尊者已往雞足山入於闢寂故婆沙一百三十五云大迦葉波入王舍城最後乞食食已未久登雞足山山有三峰如仰鷄足尊者入中結跏趺坐作誠言曰願我此身并及衣鉢久住不壞乃至五十七俱胝六十百千歲付法藏傳云九十六億慈氏如來出世之時施作佛事發此願已尋般涅槃時彼三峰合成爲一掩蔽尊者儼然而住云云又付法藏傳云迦葉至雞足山跏趺坐已作是願言今我此身著佛所與糞掃之衣自持已鉢乃至彌勒令不朽壞使彼弟子皆見我身又念闍世王若不見我沸血必當從面流出命不全濟若使闍世王與阿難來者山當爲開令其得入若還去者復當還合即便捨命大地震動帝釋諸天雨華燒香供養舍利悲感號哭共相裁抑還歸天上阿闍世王於睡眠中夢屋梁折尋便驚覺心生遑怖門人白王摩訶迦葉欲入涅槃來與王別正值眠息令我致意王聞闍

今致通行

絕舉聲大哭涕淚交流我何薄祐諸聖涅槃不一觀見卽詣竹園禮阿難足卽將阿難向雞足山王既致已山自然開迦葉在中全身不散曼陀羅華以覆其上王時發聲號哭舉身投地積諸香木將欲荼維阿難止言迦葉以定住身待於彌勒不可得燒彌勒出時當將徒衆九十六億至此山上見於迦葉時彌勒衆皆作是念釋迦如來弟子身形卑陋若此彼佛亦當與斯無異於是迦葉踴身虛空作十八變變爲大身充滿法界時彌勒佛卽就迦葉取僧伽梨是時大眾見其神力除憍慢心咸阿羅漢王供養已還歸本國時雞足山還合如初問迦葉有三謂童子迦葉摩訶迦葉十力迦葉未知世尊付法是何迦葉答准大悲經彌勒歎言住勝頭陀少欲知足卽童子迦葉以此自誓受戒或曰金色或曰無欲常行頭陀故知是也若爾既是童子迦葉何故經言摩訶迦葉答此非是兄弟三人中大者但以能行頭陀少欲知定常行大法故言大也但迦葉將欲涅槃以最勝法付屬阿難作如是言長老當知昔婆伽婆以法付我今我老

朽將欲涅槃。世間勝眼。今當相付。汝可精勤守護。斯法阿難受教。秉宗被時。阿闍世王請阿難曰。如來迦棄入般涅槃。自我多歎。悉不覩見。尊若滅度。唯願垂告。阿難曰。善。阿難後時至竹林中。聞有比丘誦法句偈。

若人生百歲。不見水老鶴。不如生一日。而得覩見之。

阿難聞已。便語比丘。此非佛語。不可修行。汝今當聽我演佛偈。

若人生百歲。不解生滅法。不如生一日。而得解了之。

爾時比丘向其師說師告之言。阿難老朽智慧衰劣。言多錯謬。不可信矣。汝今但當如前而誦。阿難後聞猶誦前偈。即問其意。答言。尊者吾師告我。阿難老朽。言多虛妄。但依前誦。阿難思惟。彼輕我言。或受餘教。即入三昧。推求勝德。不見有人能迴彼意。便作是言。世間衆苦甚難久居。我於今日宜入涅槃。復作是念。阿闍世王與我有要。我應之語。即詣王宮。告守門者。

● 闍下疑度
世字

爲我白王門人答曰。王今睡眠。若設覺悟。罪我不少。阿難語言。王若覺者。可宣我意。阿闍世王夢蓋。折失。即便驚悟。門人具宣王聞。闍絕良久。乃蘇。闍神白王。阿難今已向毗舍離。即嚴四兵。往恒河側。阿難乘船在河中。流於時大地六種震動。時雪山中有五百仙見斯相。已飛空往詣求哀出家。即化恒河變成金地。爲諸仙人如應說法。鬚髮自落成阿羅漢。咸悉俱時入般涅槃。阿難昇空作十八變。入風奮迅三昧。分身爲四。一分向忉利天。與釋提桓因。一分與大海娑伽羅龍王。一分與彼毗舍離子。一分授與阿闍世王。如是四處各起寶塔。有人云。阿難在河中流入涅槃者。爲護闍王及毗舍離意也。所以不進不退耳。心疏云。乃至第三師末田提。第四商那和修。並是阿難親承。諮奉阿難將滅。以法通付二人。田提化在闍室。和修盛行中國。是則同時分地而王也。第五大師者。名憂波毼多佛。在世將彼爲尼乾名曰薩遮。高才利智。論義絕倫。深生憍慢。擅聲天下。銅鑠纏腹。首戴火冠。謂智盈滿。以鑠自饜。世間昏闇。無所覩見。欲以光

今合得解脫
應本其作其
所度脫

明照其盲冥來至佛所欲誦言辨白言罷。我欲出家智慧若與舍利弗等心則甘樂設不及者吾當還家。佛言假使汝積百千萬身欲望得及舍利弗者終無是處其人聞已辭佛而退其去未久佛告衆言我滅度後滿一百年此人爾時得羅漢道廣化衆生令得解脫不可稱數商那和修觀其出代往詣其父令與出家語其父言佛記此人於百年後大作佛事饒益衆生父即將付商那和修還至僧坊度令出家與受具戒羯磨亦訖即得羅漢三明八解巧於言辭所演無盡心自念曰我於今日已觀法身未見如來相好之體思惟是已深生哀戀爾時有一老尼年百二十曾見如來憂波毼多知彼見佛欲至其所尋遣使者告比丘尼尊者趣多欲來相見時比丘尼卽以一鉢盛滿中油置房屏後趣多到其所止當入房時棄油數滴共相慰問然後就坐問言大姉世尊在時諸比丘輩威儀進止其事云何比丘尼言昔佛在世六群比丘最爲麤暴雖入此房未曾遺我一滴之油大德今者智慧高勝世人號爲無相好佛然入吾房

中其下本文
有字下本文
下其論字

中其下本文
有其字

中其下本文
文作其字上

棄油數滴以是觀之佛在時人定爲奇妙趣多聞是語已甚自悔責極懷慚愧比丘尼言大德不應自生耻恨如佛言曰我滅度後初日衆生勝二日者三日之人益復卑劣如是展轉福德衰耗愚痴闇鈍善法羸損況今大德去佛百年雖復爲作非威儀事正得其何足爲怖多後於異時集衆說法施戒論生天之論呵欲不淨出離爲善魔王愁怖恐境界空便來壞衆意於說法時雨金雨寶雨華嬰珞化作白象七寶莊嚴現爲女人端正奇特舉會觀視無聽法心於三日中演深法味乃至無有一人得於道者趣多入定觀其所由魔復以眞珠華璎著其頂尊者知是魔作便以三屍謂蛇狗人化爲華髮感魔令至而謂之曰汝與我髮深感厚施今還以此用相酬贈魔大歡喜舒頸受之受已見屍虫疽欲出臭爛難近盡其神力去之不脫踴身虛空向諸天衆求脫不得復詣梵王求脫死屍梵王答言十力弟子所作神力吾如之何假使劫燒旋藍猛風不能得脫如因地倒還扶地起汝若皈依憂波毼多容可得脫魔卽受梵王教往

尊者所五體投地。自言大德佛初成道。坐樹王下。我率官屬而往。惱亂不可稱數。未一惡言而見輕毀。汝阿羅漢少慈忍。力於天人前而見陵毀。尊者答言。汝以聲聞比校。如來欲以芥子等須彌山。螢燭之光。齊暉日月。牛跡之水。同大海量。如來大悲。不相加報。今我狹劣。少悲忍心。故相毀辱。汝於正法。更莫燒害。當為汝解。汝昔曾親如來色身。宜為我現。魔王言。我現佛身。勿為吾禮。魔王入林。變形如佛。三十二相八十種好。光明照耀。儀相安祥。化為比丘。前後圍繞。若鵝王趨從林而出。龜多見已。便說偈言。

咄哉無常 無悲愍心 能壞如是

上妙色身

說是偈已。一心瞻仰。目不暫捨。內懷踊躍。又說偈贊曰。

快哉清淨業 能成是妙果 非自在天生
亦非無因得 面如紫金色 目淨如青蓮
端正超日月 奇妙勝華林 湛然若大海
不動如須彌 安步猶師子 顧視同牛王

金剛經本末作

無量百千劫 淨修身口意 以是故獲得
如此殊妙身 怨見尙歡喜 況我不欣慶

說是偈已。不覺為禮。魔王驚怖。即復本形。問言。何故如此。答言。波旬。我知世尊久已滅度。見此形貌。歡喜內發。是故禮耳。城中男女百千萬人。聞於尊者。摧伏惡魔。皆共雲集。聽其說法。百千萬人。悟於初果。萬八千人。得阿羅漢。從是已後。所化無量。時阿育王。於三寶所。得不壞信。每與尊者。歷觀勝迹。處處化度。無量衆生。皆得羅漢。其得道者。一人一壽。壽長四寸。滿一石室。室高六丈。縱廣亦爾。於是名稱滿閻浮提。世皆號為無相好佛。化緣已訖。將欲涅槃。即告大衆。却後七日。我當滅度。爾時即集十萬羅漢。及諸學人。淨持戒者。不可稱數。即現十八變。使諸衆生。大信心。於無餘涅槃。而取滅度。以室中。壽而用耶。維十萬羅漢。亦入涅槃。譬如大象。既去象子。亦隨也。云云。此上五師。跡傳化。是故號為異世五師。上來明五師傳授門竟。

二明分部所由者。就中分二。先明五部不同。後依宗

●目錄

輪論廣明二十部離分由緒先明五部者然諸經論互說不同今略出二三以知途路案遺教三昧經五部僧分別服飾品云佛在世時有比丘羅旬每行分衛輒空而還佛知宿行欲現殃福并正明戒佛使衆僧分爲五部著五色衣令其日隨一部乞食於是隨其戒儀至於度世後號稱各各奉其所著服色薩婆多部者博通敏達智道法化應著絳袈裟疊無德部者奉執重戒斷當法律應著皂色袈裟迦葉遺部者精慙勇決救護衆生應著木蘭袈裟彌沙塞部者禪思入微究暢幽旨應著青色袈裟摩訶僧祇部者熟學衆經敷演義理應著黃色袈裟佛因羅旬乞食不得使諸比丘知有報應遂分五部使日隨一部部求食卽皆不得乃至五部隨者並然佛令羅旬寺內灑掃餘人請食於一日中不作其事舍利弗爲其請食在道遂翻鉢中食盡不得食遂云我既薄福何須久住遂以飡沙飲水而人涅槃私云此雖僧分五服學戒猶同定無乖諍所以知者案闍王十夢經云夢見白氎從天飛下至地分爲五段王時憂惱來問世

尊佛言非王之事是我法中我滅度之後諸弟子衆分我毗尼以爲五部既言滅後故現不分謂佛在世但有懸記而未分爲五段也且依衆經列五部名遺教三昧經五部者一薩婆多部著絳衣二疊無德部著皂衣三迦葉遺部著木蘭衣四彌沙塞部著青色衣五摩訶僧祇部著黃色衣舍利弗問經五部者一摩訶僧祇部著黃色衣二疊無屈多迦部著赤衣三薩婆多部著皂衣四迦葉遺部著木蘭衣五彌沙塞部著青色衣大集經五部者一疊摩德多部二薩婆帝婆部三迦葉毗部四彌沙塞部五婆蹉富羅部六摩訶僧祇部同此經已列六部名何因言五部古來多釋今且一解僧祇既能廣博遍覽五部經書明知不別執宗是故據宗但唯言五部上來略釋五部名義竟次明二十部義并列其名案宗輪論云佛般涅槃後百有餘年摩訶陀國俱蘇摩城王名曰無憂王統攝瞻部是時佛法大衆初被謂因四衆俱議大天五事不同分爲兩部一大衆部二上座部論云卽於此第二百年大衆部中流出三部一一說部二說出世部三雞胤部復大衆部中更出一部

●插入說字

●插入會判二字

名多聞部次復大衆部中出一部名說假部次復大衆部中出三部一制多部二西山住部三北山住部已上大衆部次其上座部經爾所時一味和合三百分破義竟年初有如諍事分爲兩一說一切有部二雪山部上座部次復從說一切有部流出一部名犢子部次復從犢子部流出四部一法上部二賢胃部三正量部四蜜林山部次復從一切有部出一部名化地部次復從化地部出一部名法藏部次復從說一切有部出一部名飲光部次復至第四百年初從說一切有部流出一部名經量部亦名說轉部如是從上座部離分成十一部上來五部二十部中今四分律當三昧經疊無德部舍利弗問經疊無屈多迦部大集經疊摩多部又二十部法藏部上總明第三分節時節竟

第四律本翻譯時代不同者前雖戒法相傳律本未至或單羯磨或別翻戒心且被時機未遑繁廣後來二藏方譯律文西國五部流傳此方唯感四部此中十誦律者六十一卷天竺僧弗若多羅秦言功德華

以秦弘始六年誦出本文羅什法師爲譯之知記之第二四分律者六十卷晉國沙門支法領西越流沙遠期天竺路逕于闐遇疊無德部闍賓沙門大乘律師佛陀耶舍秦言覺明至長安以弘始十二年誦出律藏時集持律沙門三百餘人於長安中寺譯出涼州沙門竺佛念譯其梵語秦國僧道雲道含等筆授與長合同譯其人樂廣故文詞頗富故肇公云請大乘律師於石羊寺新出律藏本末精悉若觀初制僧祇律者四十卷有平陽沙門釋法顯遠遊天竺於摩竭國巴連弗邑阿育王塔南天王寺具寫本文費還晉地以晉安帝義熙十二年十一月於陽都道場寺就迦維羅國僧佛陀跋陀羅晉言覺賢翻出五分律者三十卷梵本亦法顯持來有闍賓三藏佛陀什宋言覺壽以宋景平元年於揚州龍光寺譯沙門釋智勝爲譯以上翻譯時代不同竟

第五約藏教明分齊並釋立宗題目者今茲律典三藏之中乃是攝第二毗尼藏差別名自律藏東流諸師立宗旨者不少叙教體者多家統而言之略有九

家爲頌曰

止作受隨止惡宗

教行因果制一代

第七止善八戒行

第九三輪爲教宗

立破此諸宗旨義廣如記之然今南山律師用三輪爲宗謂世尊一化不越三輪今由蒙俗愚識未曉正邪雖爲闡揚事如聖賢故須顯現奇異驚駭耳目令其伏信是聖人故須神通輪爲無信也二者物既生信身雖伏從若不示以法言智開無路故次第二有說法輪爲無解也然信解乃明煩惱結非可口說謂得淨除義須依行尅證在已故須有憶念輪今此戒學後輪收何以知之經中所叙前必現奇令現信後說法戒則不爾約過則制無待放光等六事隨相持犯卽事易明故曰三輪爲宗若偏論此鈔宗旨以法體行相四法爲宗次釋題目者四分律者蓋是法尙先師傳稟之教也此教之目名義有殊何者如四分卽離中之別稱律則總內之通名非則無以顯總故先標四分之目非總無以顯別故後顯律之名言離中別稱者四分是五部之內一部之別名也若論

◆現疑信

◆釋人二字

能秉彰名應言響無德此云法尙又云法護亦云法鏡今就所乘題目故云四分據本文分者比丘戒本爲初分尼律下至受說二法爲第二分從安居法下至法毘度爲第三分房舍法下有二毘度并大小持戒毘度及條部律五百七百兩結集及諸增一等文訖此律部爲第四分故曰四分也律者法也從教爲名斷割重輕開遮持犯非律不定故律訓法也刪繁補闕者上明四分律者是其部之名從刪字下已下是今撰者意釋云削彼繁詞名曰刪繁增其道漏名曰補闕刪所反刪由定也行事者此鈔意在行事非無生觀門故曰行事云云鈔者直取要文言不次叙不事義章故曰鈔則鐵劣義也序者述也由也致也謂述此鈔由致也作者非無標名顯別者初作此鈔未題道宣之名其相州礪律師後見此鈔因寫一本恒看之謂此鈔是首律師之所作也後知宣律師所作卽標名顯別故曰作者非無等也京兆者天子所居之處也卽都城也崇義寺者宣初在作鈔寺也沙門者息心還本原號爲沙門釋者舉其種姓道宣者

標其別名撰述者顯其所作文言故曰四分律刪繁補闕行事鈔序作者非無標名顯別

第六隨文判釋者就中分四第一釋序第二略列三十篇名第三釋十門第四廣釋三十篇之義於第一釋序中又分爲三段第一從初戒德難思下至群籍息唱來明其三學相形優劣不等義第二從大師在世下至同異區別來明其師資傳法興替所由義第三從自非統教意之廢興下明其除疑決滯撰結今文謂正序此鈔之意義也於此三段之中更分爲二從初至遺風無替來明其是二從逮于像季下則明其非兩段不同今卽是初

夫戒德者夫是發語之端也戒德者諸經論嘆戒文多戒爲萬善之因基當三乘之標首趣菩提之正道越生死之良規是佛法壽命則行人之方軌故曰戒德也言難思者有其二義一體難思二相難思言體難思者無作戒體非色非心萬善初三乘正因故曰體難思言相難思者從體起行行則假相而證相周法界亘塵沙境一一境上發諸律儀彌亘既寬故

曰相難思冠超衆像者此正嘆戒尊高借喻首飾冠是人首嚴也衣服等諸相人身上勝具如冠居衣服等衆像最上今此戒居定慧等萬善上首故喻以冠衆像者是定慧等萬善也戒能生定慧定慧所依故德超二學故曰冠超衆像爲五乘軌導者爲訓作也三乘并人天爲五乘軌者則也正訓導也導者引也今此明戒正是五乘之本能持則出離三途得人天乘三乘之果故曰爾定三寶舟航者寔由實也止也是也亦取其義明戒能運載行人度生死大海至三乘聖位喻之如船舟是船之總名航是舟之別稱此正明衆生沉淪於欲海取濟無由佛示以三寶令其歸仰乘戒舟而迥濟被愛海之流故曰也依教建修定慧之功莫等者謂若能依此律教建立修行定慧方從此生也戒則居先功高定慧故曰莫等所以遺教經云依因此戒得生諸禪定及滅苦智慧也推功歸本故言莫等也住持佛法羣籍息唱者住持佛法非戒不能故文云毗尼藏者佛法壽命毗尼藏住佛法方住也群籍者餘二藏也

上來三學相形優劣不等。義竟自此已下。偏約毗尼藏。嘆戒功能也。自大師在世。偏弘斯典者。佛說經教。不簡時處。人說今此律教。則不爾。局佛自說。要在僧中。唯被內衆。故能闢不諱之門。示祕密之深術。故廣張教網。大樹嚴儀。示輕重之兩儀。明止作之二行。簡時簡處。不對俗陳。故曰偏弘。爰及四依遺風。無替者。爰由及也。於上也。既佛在。皆自弘宣。今明滅後。四依出世。亦弘宣於法。而不替也。四依者。汎論三別。謂人法行也。行四依者。卽常乞食。樹下坐。糞掃衣。腐爛藥。法四依者。依法不依人。依智不依識。依義不依語。依了義經不依不了義經也。人四依者。約大小乘合論。若大乘四依。如涅槃中八大人覺。爲初依。斯須二果。爲第二。那含爲第三。羅漢爲第四。就小乘明者。初七方便人爲第一。餘三同前大乘所列。名也。遺者。與也。謂佛既滅後。留此教法。遺比丘也。替者。改也。滅也。去也。止也。待也。明此教法。比時無廢。復無改變也。風者。佛之教也。風有靡草之能。教有除非之用。故曰遺風無替也。

●加入立字

上明佛在及滅後住持之德。從此已下。明其失也。逮于像季者。逮由及也。像者。似也。季者。末也。正法能眞像。但相似。故言像法。此明去聖日遙。教有陵遲之損。失像季者。尼若能行八敬者。今屬像法家之末。故曰像季。若尼不行八敬。此季則屬末法之限。故此季字有二意。解時轉澆訛者。立云澆訓薄也。訛者。如物無稜角。非方非圓。曰訛也。又云訛濫也。轉者。謂是變動也。爭鋒唇舌等者。鋒者。鋒刃之端。銳利之義也。濟云。今評論佛法者。皆以勝負之心。互立是非。以舌相害。故曰爭鋒唇舌之間。雖口說空行。猶在有中。不能依教修行。但以寄在唇舌也。故古師云。言在飛龍前行。在跋鼈後是也。鼓論不形之事者。鼓是動也。此明動卽論不現之事。鼓動唇舌。高談遠理。云罪福無主。色空雙泯。以其眞如理相。既深非可見。聞故曰不形。形由現也。又云虛說至理事。同鼓聲。檢其業行。心未證知。內全無實。但以假說。不形無名相之理。如鼓之聲。內空無實。故曰也。所以震嶺傳教九代聞之等者。此下明教流東土傳。

持損益震者震且也嶺者葱嶺山也此山已東名震且國所以名震以日初出曜於東隅故曰震且傳教至此故曰震嶺傳教九代聞之者從漢明帝永平五年夜夢已來佛教東傳迄至今時經於九代所言九者謂漢魏晉宋齊梁陳隋唐名之爲九謂昔代高僧名僧等雖有智術神通拔萃以一時生物信心而不能任持佛法亦不依律教訓時故曰智術而已由止也

欲明揚顯行儀等者此欲明二字冠下數句謂如上智術之人欲明揚顯行儀欲明匡攝像教欲明垂範等不可得也行儀者行謂戒行儀者是軌儀匡是救也正也垂範者垂者常也又器名也範者由法也謂楷式法則也將此律教之常法垂布訓於後來之人名為訓末學糾既絕之玄綱者此下是喻說也如網有綱能整其目今佛法之網用戒爲綱若不持戒則絕其綱綱絕時亂佛法網若有人能維持教網不令斷滅佛法是名紐絕玄綱樹已賴之大表者此明世中表刹等標記處所有所表彰如津濟之處豎

如其所表

其大表若人迷途失濟使人遠望此表知其方所若能標之表忽倒則迷所標之處也忽有一人能更豎茲表者還令得知津途方所昔以戒法既無事同表倒今更有人能傳律藏使三寶隆安是樹已賴之表也賴者倒也佛法之中用戒爲表表於定慧斷生死之迷向涅槃之路戒表若倒則失菩提之路今能依教修行是樹義樹者豎也可得詳而詳之者此明詳評律教者要是上來豎已賴之大表紐既絕玄綱者方能平章律藏通塞也自非斯上之人不可平章此義故曰可得可得者謂豎得也

豈非馮虛易以形聲者此句覆結上言鼓論不形之事句也馮者托也附也虛者不實也形者現也謂托空而說者如言不生不滅色即是空理無三際逆絕來去者是應道理之言易得形聲也聲謂聲譽也如前鼓論不形之事人談無相理易得聲名稱譽由空理不可見談者言多相濫誰究其非聞者皆信易以形聲也軌事難爲露潔者此句結上欲明揚顯行儀等句也軌者法也則也露者顯也潔者清也謂談無

●托鉢作託

相之理者。易以形聲理不可見。故今軌事依律教而行者。則難得清顯。由一事錯誤。則人識知。故俗云。盡鬼魅者。易爲巧圖。犬馬者。難爲工。卽其義也。

然則前修托鉢藏者。前學諸師。名爲前修。言指事披文而用之者。事謂衣藥鉢等事也。如持衣加藥。當部缺文。應取他部。豈得手持而已。前代有師。不閑通塞。直信律文之有無。不取他部。故曰披文而用之也。則在文信實錄等者。大律藏中。明其持犯。行相是實錄也。但行事之人。不解去取。卽有濫耳。如上不取他部。持衣之人。人間何故。不用外部持衣之文。彼答言。非故不用。但律文分明。直言受持。不稱加法。此並出於實錄。故曰信實錄。寄緣卽繁。蓋者勝云。如且初安居。法律文云。依其聚落。某伽藍。若在聚落。除伽藍之言。若在於伽藍。除聚落之稱。而不能思。審隨文總牒者。於事卽繁。於法成濫。故曰寄緣繁濫等。如以學非精博者。博由廣也。學若精博。則能除繁去濫。也不識五部之通塞。名爲非博。不練當宗之軌。用名爲非精。臆說等者。如上學非精。博人心爲師。制法不少。故曰臆

說尤多。尤甚義也。取類寡於討論者。謂不解類例。取外部持衣文等。而用故曰討論者。討尋文義。共論量也。生常異計等者。上寡討論之人。既學非稽古。一生常習異計。相承相准。師弟同迷。故曰爾。

致令辨析蠶戾者。由其習俗。生常不閑通塞。便更斷割。持犯分別重輕。故曰辨析者。開也。辨者。解也。蠶者。罪也。重罪曰蠶。輕罪曰戾。輕重倍分者。謂判輕入重。斷重入輕也。如屬常住物。判入現前。得夷屬現前。物判入常住。得蘭。故曰倍分也。衆網維持等者。此明上學不精博等人。執見不同。維持僧衆網網法。則乖異也。謂弘持衆法網網之人。故曰衆網維持也。言區別者。謂若網維衆法。不依律教者。則令他方異處。與此行用不同。寺寺各別。故曰。

從此已下。正當第三門。除疑決滯。撰結所由義也。自非統教意之廢與者。謂自非兩字冠下二句也。言自非博解教之有與有廢。何能遺通累等也。言廢與者。如結淨地十誦。則廢先有須解。先無不應。結四分令結免內宿等罪。此與也。如是廢與非一者。諸說之虛。

◆述經

實者考由定也。謂考定諸部經律意之虛實也。如魚肉爲正。食經禁律。開約教而論。始則爲虛。終則爲實。又云。諸家所作。與教相應爲實。與教不相應是虛。故曰。爾孰能關重疑者。孰由誰也。關者開也。明誰能開重疑。自非上所列。執教意之廢與。人考諸說之虛實。人已外無能。故曰。孰能也。前代懷疑。今亦致惑。故曰。重疑。又云。師疑弟子。疑其來既久。今悉爲開。故云。關重疑也。孰能兩字。冠下四句。遣通累者。遣由除也。累是沉累。罪累。擔累之義也。言不識教之機。與學非精博者。則不能開此重疑也。則通於教中有所累也。今能遣者。迷除通家大累。故曰。遣通累也。括部執者。明諸部異執文也。詮行相者。謂顯了義也。今明自古諸師學。非精博復懷重疑。何能得詮戒行之相也。上論文疏廢立者。古師章疏中有廢昔義。辨正義。廢昔非顯。今是故曰。爾問答要抄者。前代諸師所述。章中假設賓主問答。以爲要抄。故曰。爾至於顯行世事者。顯山現也。現行當途法事也。如持衣說淨說戒等法。是名世事。方軌來蒙等者。前人所作方軌法。則以

訓末代蒙冥之人百無一本也

時有銳懷行事等者。銳由利也。謂精神俊利。人不依聖教。多用意言。故稱義集。或復多列遊辭。而逗機未足。者廣作義章。不應時用。故曰。遊辭機者。機緣也。逗者說文云。止也。方言云。逗者住也。或單題羯磨成相。莫宣者。古德雖出羯磨正文。而不出如非等相依文。直誦前事。不成。故曰。爾

所以尋求者等者。上單題羯磨之文。是碩學經遠者。方能了知。准而行用。餘者不知。故曰。爾

余因聽探之暇。願呵羣篇者。余由我也。謂我於聽律之餘。暇看古師章疏也。呵說文云。邪視也。通非屬意者。屬由當也。著也。言觀前代師傳所作文。皆有其失。不當我情也。俱懷優劣者。上句單題羯磨是優。成相不宜是劣。有是等失。故曰。斐然作命直筆具舒者。立云言未彰口曰。斐命者。召也。直筆者。不事義章。名爲直筆也。又斐然者。此謂緝綴文章之貌。作命者。今作此鈔。以命召後人。依行。故云。作命。命即召也。包異部誠文者。謂包括諸部律內要文。將來入此鈔。

括衆經隨說者。涅槃楞伽大集十輪阿含遺教等經。與律相應。即將入鈔也。及西土賢聖所遺者。如付法藏傳百論多論智論見論成論等。並是西方羅漢及菩薩所作也。故曰搜駁同異者。搜由取也。駁者除也。謂當部無文。取外同見。文故曰搜也。若有異見。或文繁則刪。却名爲駁也。言窮駁者。窮由究也。駁者研也。長見必錄。以輔博知者。應師云。輔者助也。博者廣也。謂諸經論律中有長遠之義。我悉錄之。助成今鈔之知見也。蓋述必剪者。謂先德諸師多有蓋述。如杏子湯爲非時藥等。皆蓋述。今則剪此諸蓋。故曰言用感通意者。謂我親諸師之所述。群篇並懷優劣。多有蓋述。由此常使吾心不通。今日作鈔。剪其蓋述。以遂我本情。我意已通。故曰用成通意。

或繁文以顯事用者。如下受戒篇中所爲事大。故須繁文。前明能受有五。所對有六。更明八種調理等。故曰也。或略指以類相從者。且如單白羯磨。自有三十九種。今鈔中直舉說戒一法。釋其體相。句數多少。增減不同。除悉例之。或文斷而以義連者。深解云。當

部文斷義。取外部文來連也。如持衣加樂狂顛足數。文雖不具。義合有之。今取他宗。故曰義連。或微辭而假來問者。明今鈔中自有問答。如問云。尼等四人狂中。三人不足。數爲自言。故不足。爲體不足。是等也。如是始終交映。隱顯互出者。謂爲結前文。故言如是也。始終者。深云。謂此鈔中自有交映。如足數中。箇六十餘人不足。數下羯磨文中。更不出也。亦如羯磨中。明十種緣已下。諸羯磨中。更不明之。如僧殘中。將夷謗他。戒列犯相。具緣已下。九十中。將殘罪謗他。直指十三中。犯相具緣。令取解也。前則爲始。後則爲終。今須將有以映。無將前以映。後故曰始終交映也。隱顯互出者。謂與欲中有自言。故不成持。欲故曰顯。無僧知故曰隱。足數中有僧知。故不足。數故曰顯。無自言。故曰隱。故名隱顯互出。

并現行羯磨者。今鈔中說戒受戒自恣等諸羯磨。是常途現行之事故。曰現行也。諸務是非者。謂諸行事務中。明法則之得失。故曰是非。如受日中緣。如故曰是緣。非故曰非也。導俗正儀者。此序下導俗化方篇。

本經和

儀則法式五八戒儀入寺等法式軌則是也出家雜法者此序下諸雜要行篇也用濟新學之費功者立云若觀此鈔竟一切法式儀則皆悉解也不假別處尋求無費其功夫也

然同我則擊其大節者立云謂同我見者則能唱知言大善大好也如一人唱歌一人拍掌故曰擊大節也異說則斥其文繁者謂情見不同者嫌我鈔文繁言何須如此繁說俱錄三五番羯磨將以行事便足故曰文繁音義曰斥是不用也三蒼云斥者推也又呵也除也必不急之言等者善來上法受緣受體末代無緣名爲不急我若廣談非鈔之意故曰所諱今圖度等者度徒各反量也圖者廣正云度也議也亦計也務兼省約者省是減也見字林減緘歸反約者限也少也以兼省故則不繁以兼約故則不多也救急備卒者急謂新受戒僧尼觸事面牆不識教相交印作罪梵行之難事若倒懸今此鈔示方軌離破毀之過名爲救急備卒者忽有緣須看文印解名爲備卒如下導俗化方分亡人物等事卒至鈔備擬之

故曰救急備卒也

若思不贍於時事固有關於行詮者思謂緣慮也不贍者不豐足義行者戒行也詮是能詮之教也謂我思不及既闕失能詮教所詮行故曰關於行詮則略標指趣以廣於後者立有兩解初云我今雖作此鈔但略指而已餘有未盡付將來碩學之人廣明詮序又云今鈔中略標指宗意廣則於後三十門中明也上卷則攝於衆務成用有儀者攝者統也衆者僧也謂統攝僧家之法事故曰衆務中奉遵於戒體持犯立儀者謂戒體者受時無作體也持犯者隨中二持兩犯也立儀者儀六聚罪中卷盡論此事故曰下卷隨機要行托事而起者謂要行者衣藥受淨等種種事也托事而起者導俗化方受五八戒并看病送終等法皆是托茲病終等事而起故言托事而起下卷此事盡論故曰想無案亂指下文三十門中委寤無亂也案文運反尙書云亂也但境事寤繁者此言生起三十門題目意也境者情非情境也事者持衣說恣等也此境與事非一故曰

今加入首題

四分律鈔批卷第一末

寔繁也。今取物類相從者以標名首者。且如結界總有七種。大界有三。小界有三。并戒場爲七。今直標名云結界方法。雖有七相從一名。餘二十九篇列之可解。又如說戒。卽有心念說戒。及對首衆法說戒。而今合言說戒正儀。故曰物類相從也。

至於統其大綱者。此下生起十門來。意大綱卽指十門之意。爲大綱也。恐條流未委者。條者卽三十篇題也。謂一一條事也。流者篇下所明事類也。謂我三十門中條流之內有用他部文有輕重不同教與所由等此大綱之意。致三十門中未委故作十門辨統卽名此十門爲大綱。綱領下三十門之毛目也。謂恐三十門中未識其大家綱紀。故以十門示之。方鏡曉遠詮者。方由常也。常由勝也。又方由當也。鏡者照也。曉者了也。明也。遠詮者近而言之。謂述此十門則照鏡下三十門中之意。由此十門托下三十門中二持兩犯名曰遠詮也。

犯名曰遠詮也。

今加入尾題

四分律鈔批卷第一本

今成證

上來第一廣釋序義已竟。從此已下第二略列其三十篇題目也。其三十篇者。束爲偈。

標僧數非辨 戒網受師儀 安恣篇隨犯

六衣四鉢治 陀像設俗客 病難沙尼部

上來第二略列三十篇名。竟從此已下第三正釋十門義也。

第一序教興意者。就此門中大分二。別初至上則通明教興來是明教興通意。二從今據當宗以辨下明教興已當宗中自含差別之意。就通意中自有三別。初至人下明對機制戒意。二對外道下對彼外道之無法以明制戒之意。三對異宗下對他宗御法例通於無淮以明制戒之意。

夫至人興世者。謂佛爲至極之人。故曰至人。唯佛一人得稱至人。獨盡苦原。故益物有方者。方由法也。佛既興世。說法度生。皆稱利益。故曰益物有方也。隨機設教。理無虛授者。謂佛說萬法。皆爲利益衆生。非爲

虛授善知性相隨於根機所宜欲得人天即說五八欲至佛果即說大比丘無願毗尼宜聞三乘即說三車等喻宜聞一乘則會三歸一說常樂我淨故曰隨機設教皆欲引至菩提故曰非虛授也論云依大慈門說毗尼者毗婆沙論第一卷明之云修多羅依十力故說毗尼依大慈故說阿毗曇依無畏故說大慈門者如涅槃云如來有三種慈一緣衆生慈此緣五陰衆生願與其樂二緣法慈此緣衆生所須之物而欲與之三無緣慈不住法相及衆生相是名無緣慈也依此三門佛說毗尼故曰依大慈門等也

故律云者律即四分第六十卷云佛在跋闍國中問諸比丘以何心謂我爲汝說法耶比丘答言世尊以大慈故爲我說法故曰慈念故等

二爲對外道無法自居者外道無可軌則之法故曰無法自居非謂無邪法顯佛法人尊道高故等者以佛是三界大師人天尊貴無有與等爲世特尊故曰人尊所說之法能軌成物善依之修行便隔凡成聖如此之法可珍可貴異於彼見故曰道高也

增學字註釋

觀下律中凡所制者等者律增三文云世尊何故制增戒學爲調三毒令盡故制增戒學學意明盡茲三毒定慧復明惑盡解滿斷諸苦際名曰異術故云云若不撰結等者文謂四分五百結集文也即其文云勿令外道以致餘言等云云餘言者外道言瞿曇沙門入滅彼法律亦滅盡也由此迦葉普告大衆結集法藏以息餘言也上釋外道無法自居義竟

三爲對異宗教來者此下第三段對外宗教興意也言宗多別者從佛滅度後至于四百年後五部十八等部宗多別故曰

且如薩婆多部戒本繁略者十誦戒本中齊整著內衣及著三衣有十二个戒此則爲繁無不敬塔戒嚼楊枝等戒復名略故曰繁略言指體末圓者指指擬也體者戒體其宗云作無作俱以色爲體此宗無作戒以非色非心爲體謂彼宗指擬戒體末圓故曰也接俗楷定於時數者謂與俗人授五八戒名爲接俗也五戒要終身八戒要一日一夜不許延促是時楷定也受五戒定五不得分受一二三受八戒定八不

中波羅

得增減是數。楷定薩婆多。雖執此義。自與本律相違。案十誦皮革法中。億耳優婆塞與諸商人入海採寶。船波失濟。伴死獨存。迴還經餓鬼城。到一樹下。見有男女。顏貌端正。著天寶冠。共相娛樂。夜過女減。即有狗來。噉男女肉。億耳恠問。何緣乃爾。答言。我先作屠兒。迦旃延化我。我言。先祖常習此業。何得不作。遂教我。云。當既屠殺。可受夜戒。由是今生。業報如是。億耳前行。復至一樹下。見有男女。晝日娛樂。如前廣說。此由好娼迦旃延化。言夜既食娼。應受晝戒。故我等今生。晝樂夜受苦。億耳還來。具說所見。因就迦旃延出家。受戒。據此律。亦有分受。御法例通。無准者。御謂秉御。執法。即羯磨也。若作單白。加白二。亦衆多白。若作白二。加白四。亦加衆多白。羯磨皆得。唯得增爲不得減。故言無准。

今聖無德部人法有序者。立云。一人唯得心念法。二人對首法。四人已上秉羯磨。衆法少。則不成。名爲人法有序。又有衆多異說。如記軌用多方者。謂用法濟時。多有方便。提誘唯存生善者。實云。依成實宗。五戒

中波羅

中波羅

十戒要盡形受。唯有八戒。隨時長短也。任前人好樂多少。授一戒。乃至八戒。不限一年一月。唯存生前人之善。開發信心也。立教意。居顯約者。顯者明也。約者限也。謂單白。白二。白四。此三種羯磨。對衆宣唱。文須明名之曰。顯不得加減。限齊於此。故曰約也。

上則通明教興者。結上三段之文。是通家大教之興意也。今據當宗以辨者。生起下文有五段。如文可尋。問前言對異宗。故來與今。據當宗以辨有何異也。答前對異宗。四分之教。顯異餘部之意。今此言當宗。辨者。明四分教興意。故異也。

夫教不孤起。若謂若無機緣。佛則不說。故曰教不孤起也。言起必因人者。謂有漏病生法。藥隨被也。如須提那。還家乞食。因行不淨。卽制初戒。復因林中比丘等。及檀尼迦比丘等。類制戒。此皆依人起。故曰故攝誘等者。弘由廣也。濟謂救濟也。此語同前軌用多方。義實在得其本詮等者。此明佛制教意。貴存斷惑終獲道益。依教趣涅槃。爲得本詮。本詮卽涅槃也。言誠難。聚其條緒者。條是枝條。緒是端緒。佛立教意。欲令

識根本所詮之趣其枝條次緒實難尋但得本不須
論末故曰所以約開等者如儉時聞人事曰開豐時
還禁曰制又爲五種根性開制三衣百一衆具等皆
爲人也故曰顯持犯諒意存無過者諒者高也高由
相也顯持犯相意存無過也故曰

遮淫等者如掘地壞生體非違理但妨亂修道招世
譏謗故名遮也能遮正道故言遮惡言性戒者如十
不善等體是違理無論大聖制不制若作違行感得
苦果故言性惡禁性惡故名爲性戒此之性惡能遮
於福前遮惡能遮道故佛制斷性惡則通於化制者
如殺生姪盜等經中還結棄道之罪制教中又結夷
等罪也故曰通化制也遮戒因過便起者謂以彼外
道俗人計其草木有命佛因制故曰

然則性戒文緩義急者濟云如怨逼行姪開與境合
是緩三時禁樂是義急也謂隨諸重戒並有開文者
如戒戒下有開通文是也文雖是開開實結犯者如
姪戒若爲怨逼開與境交雖開境交若三時中隨一
時受樂還結犯故曰開實結犯要啓等者說文云啓

之補入開字

者呵也文顯也既是根本等者謂結上二文故知等
者此句通結上文

遮戒一往制等者如安居是一往制若有坐善滅惡
緣故開受曰去是開也開之過與等者如三衣是一
往制後爲寒苦即開耆長故曰有登便開既因開故
貯畜過多招譏妨道名曰開之過與因即制說淨故
曰開之過與還復令制也豈非爲存化俗等者此句
是通上文意也謂俗人因毀僧後生必須墮地獄故
佛爲哀愍衆生故設教故曰爾大慈設教意唯檢失
者此下通結遮性二戒教與之意也檢失者檢慈云
印著封閉之義也應師云檢者攝也釋名云檢者禁
也失者過也即身口過失也

母論具立復急二儀等者論文如記相承云比丘欲
行姪聽捨戒還家是緩乃至不得共畜生是急無三
時樂等也盜無主想不犯是緩下至草木不得取是
急殺人非人想殺無罪是緩下至蟻子不得殺是急
妄則說時前人不解不犯是緩下至戲笑亦犯是急
故云具立緩急二儀也言令尋之以通望者謂二百

五十戒皆有緩急二儀。今應將此二儀通望一切戒上來釋遮性往分義。

二以開制往徵教則通於二世者。教中有開制。今據此開制之文。徵教與之意。教通現未二世。謂如五分雖我所制。餘方不為清淨。則不應。用雖非我所制。餘方有益者行之。故制已更開。開已還制者。謂如儉時入事儉。開豐還制。此教雖是佛在時制。然亦通於未來行。用故曰通未來教也。五分雖我所制。乃至不應。用者五天竺之外名曰餘方。如西國用牛糞為淨。雖是佛制。而邊方為不淨。不得用也。

雖非我所制。不得行者。如國王制。僧不得入城市。等佛教中有緣。開白人聚。故言非我所制。由王不許。須依王教。故曰不得。不行此如來在世教也。者謂五分教。佛自彰。故曰在世教也。

然二教相融互兼。彼此者五分曰彼。四分曰此。五分現在教與四分未還教。互得相通。故曰兼彼此。

三以報有強弱。教亦強弱者。根機有上中下。故曰強弱。下根弱。故曰已後。開故曰重聽。如開音長。

●印人題字

更開十日。令說淨。又忘更開。不犯。故言重聽。聽即開也。就制則深防。限分者。如用虫水是深防。飲虫水是限分也。故曰約行山世不同者。且如蘭若無人處。開自煮食等。亦開從牛受食。在聚落中。則不許。故曰山世不同。曰者。蘭若也。世者。聚落也。上來釋第三報有強弱教。亦重聽義。

四以機悟為先等者。大聖制教。初與本無異。轍後人神解自異。隨機悟入。不同。致有五部之差。乃至十八之別。所見既不同。教門即輕重致隔。故機悟為先。言輕重者。僧祇四錢三角犯重。四分得輕等也。五部異執等者。此句結成上機悟不同之意也。

五以事法相對者。如三衣一鉢。是事。如法受持。是法。將此法被於前事。故曰相對。既有其事。則須有法。由對事須法。故有此教興也。法唯措式者。法者一切羯磨也。措是則也。式是法式。乖旨等者。旨是佛意。乖佛本制。意作法不成。事亦不成。事通情性者。此明法所被事情者。謂有情之類。如受戒治瘡等也。性者。謂是金木水火土五行也。如結界功德衣亡人衣等。並是

●持律作記

非情事也。隨境制其得失者。立云。隨情非情兩境制其得失。持是得也。犯是失也。故曰得失。或托三性之緣者。卽善惡無記也。善性犯者。如比丘拔塔上草。爲女說法過限等言。惡性者。如瞋心打搏殺人等言。無記者。如不攝心意。壞生草木掘地等。或隨世譏而起者。如非時乞食。夏中遊行不受食等。皆被譏呵。故曰隨世譏而起也。

且略引諸條等者。卽指上來五例言。薄知方詣者。爾正云詣者。進也。至也。到也。謂我上引五條。薄知制戒本之方所及所詣之處。卽是下文心懷泥。曰是所詣之意也。方謂方所也。總撮舉者。謂總一化教興始終之說。觀於教興之意。只令衆生。至於無上菩提之道也。

云何爲學者。將欲解其學義。且假同生起教興來。由故曰云何也。爲求四果者。積生植因。方證四果。極小三生持戒。方證初果。是利根也。或七生持戒。或經六十劫修行。方獲爲聲聞。上首如身子目連等。止隨前事者。此明下三十門中。雖各各有制意。皆是

上會本疏卷
上之二

對前所爲之事。而明制意。非是大家教興之意。尋條知本者。謂下三十篇是枝條。此教興一門是本。若尋下三十門之枝條。不識其意者。須尋此門。則識根本制意也。上來廣釋第一序教興意義竟。

第二制教輕重意者。所以此門來意者。爲下諸篇中。既持犯有輕有重。恐人不諫。故立此門。序不同之意也。故來裁斷寔難者。判割重輕。唯佛能知。末代僧尼。不識機教之通塞。故言難原。彼能施之教者。則是佛也。教主亦佛也。所爲人者。上中下根性人也。藥病相扣等者。此明機教相感。故曰藥病相扣也。豈可情斷等者。自意云。明佛是窮機。故識輕重。今人異佛。故不能裁斷於重輕。故曰豈可情斷等也。

雖然重嚴遠標者。實被來裔者。裔由末也。裔亦遠也。嚴者實也。標者望也。教也。此明制教意。遠通遐代名遠標也。在文自顯。何假證成者。文卽律文也。今序斯大略有七者。序其輕重兩意。不過此七種義也。若識此七條者。輕重之義可解。

一與厭漸顯者。與由起也。厭者飽也。今舉事明之。如

起厭善心盡一時犯一切戒名。頓得罪即重。若隨前後別別犯一二三名。漸得罪即輕。此約起厭善心。漸顯明輕重意。二結正業。科者立云。佛以達了業體輕重。故便結戒。還約此業而科。故有輕重不同。且如殺人。戒以人多智慧。既是道器。戒報勝。故殺者得夷。畜生非道器。愚駭無知。殺結墮罪。乃至下篇約結正業。有輕重故。曰三報果不同者。如目連問罪。報經說初篇夷罪。如他化自在天。壽六千歲。墮泥梨中。於人間數九百二十一億六千歲。如是六聚罪果。報輕重不同。亦如五八十具。感人天聲聞。為異持菩薩戒。乃至成佛果為重。故曰報果不同也。四攝趣優劣者。且約初篇四戒說。若犯姦於三趣境。皆得重罪。下三戒者。則有優劣。如盜人物。重非人畜。生蘭吉。漸輕殺人。則重殺非畜。蘭提。漸輕。妄語人則重。非畜。蘭吉。並是約趣有優劣。故結罪有輕重也。優則長也。劣由短也。五起情虛實者。且如殺戒。人非人。想非人。人想是虛。結方便則輕。若人作人想。是情實。結重盜約無主。作有主想。是虛。結方便則輕。有主物有主想。是實。

結夷名重。故曰起情虛實也。六開制互立者。立云。如大妄語制。波羅夷是重。開其戲笑說。還犯吉是輕。故知開制皆有輕重也。亦如離三衣宿制。墮是重。若不得會開捨而得闕衣。吉羅是輕。七約行彰異等者。如上行居蘭若。即許離衣。六夜下士居於聚落。不許離衣。是也。誼者謂聚落靜謂蘭若也。此約行明輕重也。並制教之本懷者。謂佛本制教有輕重之意者。不過此七種義。此七是制教之本意也。言據斷之宗體者。若欲斷割重輕。理須據斯宗體。此七是其輕重之宗體。故曰據斷宗體上來七段不同。總是釋第二制教輕重意門義竟。

第三對事約教判處意者。此門來意者。為明行事及判罪之時。須識本宗。恐橫加穿鑿。妄引他部。故有此門來也。對事者。謂三衣一鉢。結解諸界安恣。分亡人衣並名對事。言約教判處者。既有前事。理有法被法。即教也將教檢事。故曰約教判處也。判謂判割處。謂處分也。且如對亡物為言。須判斷是非。處分輕重。可分不可分。故云判處意也。

●●●
●●●
●●●

言佛法東流幾六百載者。從西方流來。此方故曰東流。幾六百者。幾音其久訓近也。此明佛法東流。自漢明夜夢至今。貞觀年中。猶少二三年。不滿六百載。故口幾六百年。判割是非。競封同異者。如昔有依十誦。偕衣鉢受具。而誦四分羯磨。判爲是者。非也。言競封同異者。封由閉也。謂封執其懷閉塞不能開通。故曰競等。

良由尋討者不識宗旨者。謂各依當部受戒。及至行事之時。並不識其本宗指。所以卽有競封同異。只是不識當宗之旨也。濟云。不識五部之宗旨。輒以已宗定他持犯。故曰不識宗旨等也。言行事者。昏於本趣者。明行事之人。於當部中斷割輕重。猶尙昏迷。不知本部輕重之相。故曰昏於本趣。昏者暗也。須依本受之宗行事。今若取僧祇持衣文。來此部行。名曰昏於本趣也。

執教必佩眞文者。佩由帶也。謂案律藏之文。非爲那教師。旣帶眞文。則識宗旨。由識宗旨。故行事不昏。由不昏亂。故不招他譏謗毀辱之耻也。論乎咄責者。論

謂沒也。溺也。沈也。噉若博正云。輕也。字書云。笑也。應師云。噉_反之。謂輕侮也。今明執案眞文。並免輕噉重責之過也。

豈得異部明隨者。本是四分受戒。今隨行中。還約四分行護。四分文義具足者。則但用之。豈得用十誦僧祇等文。而判割也。

猶恐不曉大綱等者。謂如前所說宗旨。本趣名爲大綱。欲明上雖梗概。略約總相。說此大綱。猶疑今人未了。故曰猶恐不曉。今欲曉明。示誨。故曰更示其分齊。自意云。更示分齊者。通指此門也。脫羅魯失者。脫是不定之辭也。又脫者。誤也。羅_反力知。網也。慙者。說文云。過也。失也。失者。過咎罪也。欲明偏用此一宗。判他輕重。持犯。誤他前人。悔罪不滅。自身獲罪。彼復得讐俱墮罪網之中也。言其唯不學愚痴者。此明上來將已所學之法。判他持犯。非但他令罪不除。自復增其不學無知之罪。故曰愚痴愚痴。卽無知也。

今通立定格。共成較准等者。勝云。此明前執一隅。但識當宗。不識餘部。今立三十門通顯諸部。一一出十

●藏下
○八十三字
○下
○下
○下

誦僧祇等名爲定格格者正也。謂引諸部共成此一宗各示其名。卽定正也。共成較准者。今將此四分教文判事被事。若不同則引諸部共成此一宗行事。使周備分明。故云成較。准較者。明也。准者。平均也。度也。爾正一披條領等者。指下三十門爲條。諸此一門爲領。欲明三十門中約教所被事。引諸部文一往處斷持。犯受體與隨行輕重相違不相違等。不等義恐迷引文。癸結在懷。將其此門照之。若披此門下則疑癸悉除。名釋然大觀釋者。除也。廢也。解也。觀者。照也。第四用諸部文意者。爲三十門中皆用他部。恐人不鍊其意。故有此門來也。如前序云。苞異部誠文括衆經隨說。卽應此門也。

本實一文者。原佛制戒。唯是一文。佛既滅後。大迦葉波結集法藏。誦異世五師相承傳授。更無異見。故曰本實一文也。但爲機悟不同者。礪解依眞諦三藏傳云。一百年後分爲五部。二百年後分爲十二部。四百年後分爲十八部分。爲五部者。憂波越多在世末後育王大集論師共論佛法。是時諸人各以情見不同。

有所偏執。趨多不能判正。遂分此藏爲茲五典。故曰機悟不同等是也。言諸計岳立者。高山名之爲岳。如諸五師各執已見。曰計謂執計情。欲各自稱言我所見解。是高是長。既各稱高。故曰如岳。

競採大眾之文者。初結時。則分爲上座大眾二部。城內爲上座部。城外爲大眾部。其上座部迦葉滅後。五師傳持過一百年。離分五部。今言採者。前上座部其衆大故名大眾部。非前所論城外結集之大眾也。今鈔文言蓋

輕重異勢者。如祇四錢三角犯重四分。但得輕也。摩觸二戒四分通體。闍伽論云。意在男者。闍意在女者。殘等也。故曰輕重異勢也。持犯分途者。如結淨地十誦爲犯四分。爲持故曰分途也。有無遷出者。立云四分有庫倉僧祇有樓閣多論有道行界五分。水界十誦有可分別不可分別。聚落四分有三種受日十誦有三十九夜祇有事訖。磨磨如是事非一不能具錄。故曰有無遷出也。廢與互顯者。如結淨地四分十誦俱有文。但廢與不同也。一有一無名互顯也。又歌聲

誦戒五分所廢四分爲與故曰互顯

二隨本者重制名爲隨本如林中制三趣同犯也三法師語四意用文顯也今引此論意欲取第四句意用義成今門中之意也及三藏等廣說者等者約三藏教非約人也先觀根本者此却釋上一本起句文次及句義者却釋前二隨本句也後觀法師語者却釋善見論主五百無著之所說也與文句等者用等者立云釋前第四意用文然今引此論中四法來者此是用他部文意門便正取第四句意方便度用等文也

然行藏之務實難等者行者則取也藏者則捨也欲明諸部既輕重異勢持犯分途有無遞出廢與互顯今欲取欲捨大難也且述其大證以程無惑等者證是能證大教也上既明取捨不易今則欲明我取外宗之文意故曰述大證程除刑限也量也法也我述大證之意者人若識之量應不疑惑也

謂此宗中文義俱圓者此下正是釋述大證也文義俱圓者如四分宗中四重之戒文義俱足亦結界一

七部入論子

法文義俱足約結界事更無缺少故曰約事無缺也餘有律文不了事在廢前者如律中用魚肉爲五正食此是不了之文涅槃教興後一切悉斷律文不了之教是涅槃廢時之前故曰事在廢前也有義無文無文有義等者如四分有持衣加藥之義而無其文卽用十誦文無文有事者如受鉢坐具三衣七日藥亦道行水界解戒場並無其文而有其事也

必取義勢相關等者如四分十誦護衣同護明相此名義勢相關故取十誦文成四分持衣也必緩急重輕等者且於受日十誦三十九夜祇事訖是緩四分約緣有三品是急祇護衣通夜一會是緩四分限明相急言重輕者如祇盜四錢三角得夷是重四分犯蘭是輕是非條別者十誦和上不見前受戒名是四分爲非五分借衣受戒得戒爲是四分爲非十誦白衣受戒爲是四分爲非故云是非條別也言准論不取者卽善見論也論云與文句等者取不等者莫取今正指此文也故文列四說者謂律文有四大廣說卽增四文中明也一人云我從佛邊聞如是語二

從四人已上和合僧邊聞三從三人已下衆多人邊聞四從一人邊聞者未得卽信應勘校三藏教法同者應語云大德所說與教相應不相應等云云今引此四說顯前句與文句等者用不等者莫取也十誦墨印義者同四分四大廣說也墨印者異說云云不定動合規猷者規者圓也則也方也猷者法也謂動合方法法則也理何晦沒者晦者暗也謂我今作文者其文義明顯無有暗沒故云也

若不鏡覽諸部偏執一隅者謂不見諸部明文直取四分一文鏡明也照義也覽者見也涉事事則不周者事謂如持衣加藥等事則不周者謂無文被前事故曰不周也謂如第一師而但手持口不陳辭是不周也校文又無可據者立云如下第一師云我校四分律無持衣加藥之文可據故但卽手持而已耳互指爲迷誠由無教者謂取他部者指不取者爲迷不取者指取者爲迷如是互是非實由不通諸教故曰誠由無教也

若四分判文有限等者立云四分衣鉢不具是不得

戒之限不可取五分借衣之文也

或二律之內者當宗爲一律除三律通爲一律故曰二律文義雙明者且如五分四分名爲二律俱受十五日一月日之文則是雙明任情當宗採用也親自披閱者有二說初說行事時須自披尋聖教勸後人義也二云此句正是自述意也云我今取他部者是自披閱竟不是傳聞故云六師中一二文顯也第三師意者四分捨戒文中但謂對狂人不成捨戒足數文中則不明得不其義含有律文不了此師依十誦了文廣明足不足之相使用他部也餘無此義者此師亦不取第四師歌聲誦戒結淨地等文明了而但依他部所廢故不用

餘亦參取者參由同也亦云雜也得失隨機知時故者此明諸師執見不同若取外部文用者名之爲得不取外部文者名之爲失言隨機者得失俱名隨機取外部者名爲隨機而得若不取者亦是隨機名失也以此得失取捨並是隨於機宜然以用須知時故也

第五文義決通意者此文來意前門中云有義無文無文有事今則決通元意故下引年代眇邈等

夫理本絕名者此明真如至極理本絕名言言語道斷故曰絕名故立名標其宗極者此謂將名召於理也且如一切名字皆詮於理然眞理雖絕名言要假名言方能識理如月雖非指至終假指以見月今若不標名莫知理之至極如眞如涅槃實際彼岸安樂解脫並是假名若不立此名將何詮無相之理故曰立名等名隨事顯者事即情非情事也對此之事約爲名此是假名世諦之法故曰故對事而備斯文者如對衣鉢結界安居等事卽有受持文結解文也然考斯律藏言事並周者考由定也謂律中言教對事對法俱周備故云言事並周眇邈者是深遠貌也聲采者謂佛說法必假言聲聲者教也采者色也卽佛身微妙色也法爲時移者佛滅度時眇邈隨時法滅故曰實云近時西國有惡王毀滅佛法時有一長者情深慨世無僧可供養忽於道路遇一老僧卽請還家設純乳粥飭食一口悲慘長者恠問粥不好耶

其僧報言長者識我以不我是佛子羅睺羅也所以悲者今此粥雖是純乳自覺其味不如佛世純水麥粥其味勝此佛在水勝今之乳我思此故以悲耳准知法水亦轉滅故云事多殘缺者法本被事今法既不足故事有缺也卽如四分無持衣等文不能辨前持衣之事故曰殘缺也加以五師等者五部異執也

今總會之以通大見者自意云五部之律言義矛盾輕重相乖不可以情通不可以意解古來執諍連代不消今總會通故言爲大見也

若文義俱闕舉一以例諸者立云如非時食戒則無開文復無開義此一既爾餘戒例然此說不然鏡中說對此門科文爲四初至今總會之以通大見辨決定通取諸部之意謂本藏具有爲多緣故闕文非本無今通之是括部執成前補闕之意第二文義俱闕下四句正辨決通之應不中有四句初文義俱闕句者不須取次有三句並判令取也第三然文義決通誠難廢立彰決通用是難也第四故律云卽下文證



難決通之意。第二文義俱闕等者。若此五部之內文義俱闕者。是不合取他部文。此門大意本四分一部之中文義互闕者。取諸部文義來爲成此部文義。既其俱闕。何必取他部文。故知此句不應取也。舉一例諸者。四分律內文義俱闕。戒多有且舉非時食一戒。例諸戒。故曰此釋大覺記說也。或就理有而成前事者。如持衣說藥之例。義理合有。而成其持衣之事。故取十誦文。成此部持衣事也。故曰。或在文雖具而於義有闕等者。亦取諸部意。如五正食是文。雖具義則有闕。涅槃教廢。故今取涅槃經文。定四分闕義。故曰義定也。論者前善見論。意度用義也。或義雖必立。當部無文者。如結大界濶狹四分。但言一日往反。今義准取僧祇文。三由旬爲量。故曰以息餘謗者。謂不取十誦加藥持衣文。外人卽云。汝宗中教法不足。外宗現有明文。何以不取耶。也。蓋封懷守株之人也。

然文義決通。誠難廢立者。正結上文也。開遮者。聽制也。不然。便有累於自心。故無益於他境者。若不誠決通之意。秉法被於前人。自他無益。謂前事不成。自又

得罪是也

故律云。文義俱同者。四分增十二文。也有四句。初句云。文義俱同者。如僧尼二部各有五篇。第二句云。文同而義異者。如用飲虫水。同護命。故文雖是同。所表義異者。如數胎閏。謂減年戒。未開胎閏。受戒。健度中亦開胎閏。兩文雖同。其義各異。減年戒。未爲開和上墮罪。健度之中。爲開弟子得戒。故是義異。第四句文義俱異者。如僧尼不同戒也。并隨經律者。如遺教善生涅槃楞伽是也。

十誦有三事一本起者。卽是須提那也。二結戒者。因茲本起。佛卽集僧制戒禁之是也。三隨結者。卽林中制也。二部戒律者。十誦律文。初列僧尼二衆戒本。是也。并及義解毗尼者。謂十誦律一部。大藏通名毗尼也。謂彼律中初列戒本。已下卽一一牒解所解者。通是毗尼。故曰也。增一者。十誦增一文也。謂從一至十。一上加一。故名增一。開遮輕重者。如五大色。名不淨。不許服名爲遮。非五大色。是淨許服。卽是開。開卽是輕遮。卽是重。故云輕重。也是不淨遮等者。卽彼律文

也如是等籌量本末等者即彼律前後文也

比丘能知五相者一緣起二結戒三隨結四辨相五
開通辨相者入毛頭許等也開通者心亂痴狂等皆
名開通不看他面者即自有明解心無疑畏豈復看
他顏色故曰文略同上廣如彼說者謂了論文中有
五相前三略同上十誦三事後二相如了論廣說故
曰也

第六教所詮意者前門決通令取諸部合文具足未
知其文所詮何等因有此門也教者是能詮也所詮
者謂二持兩犯也

詮教之文者謂即是律文也其大趣者謂持犯也故
曰止明持犯

境通內外者謂持犯二行或用內心爲持犯之境或
用外事爲持犯之境故曰內謂行心結業者謂於識
想受行四心行前三心此屬無記不能成業流至行
心隨作善惡方成結業言結業者結何等業謂結持
犯之業內起三毒是犯將毒爲境內起三善翻此三
毒名持即將善心爲持境也此之二境俱結在行心

●五鈔作義

●持入草字

非前三無記也故曰外謂情事順違者情是有情境
事即非情境也此之二境上俱有持犯故曰順違但
令教行相循始終無犯者教謂律教也行者是心行
也循者深云循是環謂是不間斷義也勝云循者巡
歷也但將教約行將相巡歷不與犯緣相應者皆名
持也慈云循是相應義也與教相應也言始終無犯
者初受具已曰始一期報盡曰終護之光潔名之無
犯若生來不學於法無聞者謂從初受具已來名曰
生來非出父母胎也不識持犯輕重開遮如非之相
故曰於法無聞何以得知受具已來名爲生來律序
偈云佛戒所生者爾乃是眞生猶如鴛鵲魔如來所
記別是兼福罰者如新受戒人不知教相見塔上草
淨塔拔草望心得福望違佛教得提故曰兼福罰也
事情虛實者謂可學九句中識事識犯則結根本此
情實也不識事不識犯及疑等亦結根本名之爲情
虛事虛實者境想五句中一二句境實第三句有虛
實可知非人畜來替也初句結夷後句結蘭罪夷蘭
雖殊莫非是犯故曰不問等此通名持犯者謂汎於

情事上明其持犯未辨其輕重等相故曰通等

若結篇正罪者謂結五篇之正罪也。窮諸治罰者謂斷割罪時先須窮其輕重也。束其方便等者謂攬方便爲果罪也。先須問其情所犯觀其所犯與教何處相應爲與方便相應爲與果處相應也。此則量據覈其實情義也。輕重得於理教者理者謂業道違理罪教謂違制教罪。卽違理重違教輕。今斷割人好識其輕重乃得分其理教二種分齊則斷割皎然。蕪者草穢地曰蕪。謂既覈得實情與教相應斷其持犯者無有濫科之過也。此別名持犯者此約對治爲言故曰別明持犯。

◆明於作名

◆言於作立

第七道俗七部立教通局意者七部出家五衆在家

二衆名爲七部言教者化制二教也

顯理之教乃有多途者謂佛隨機設教皆爲顯理如之理衆生機有各別教則隨機差別故有多途雖然不出化制二門故曰大分爲二

但汎明因果者謂但汎明善惡二因感苦樂兩果修善行福作惡得罪忍辱端正不殺生長壽等故曰汎

◆持人曰字

明等也。識達邪正者卽涅槃經云此是佛說此是魔說八不淨物畜者是邪不畜者是正畜者是魔眷屬非佛弟子又不信因果是邪歸依三寶是正廣如涅槃邪正品說科其行業沉密而難知者且如化教但論不應殺生而不分殺生有輕重之門今欲科其輕重之業不知故曰難知顯其來報明了而易述者如持五八十善戒人得生人天等也現觀因則知來報故曰明了而易述

二行教等者南山律師云言行教者依教興解非行不成故曰行教亦曰制教教由制興故曰制教也定其取捨者若依教如法者乃可行之名取若是違教非法者不可行之名捨立其綱致者五篇七衆名綱致也決於疑滯者謂疑犯疑持疑於輕重難滯積年於事不了一見律文解便通達故曰決於疑滯也指事曲宣等者謂行教一一戒皆指一一事曲宣說不同前化教汎說姪盜不顯於境犯處等今律教卽顯其境三趣優劣得罪差別分齊一披盡解故曰不假重攬事有再科之慙者如犯殺盜等罪者科違戒罪

●持律作記

復加業道一罪故云再科科謂科罰也

然則二教循環非無相濫者。濟云化教中亦有制教制教中亦有化教。故曰相濫。何者是邪。如涅槃楞迦遺教豈非化教。其中即明戒律之義。又如四分受戒鍵度。初明如來度五俱隣等說四諦十二行法輪。乃至三輪度外道等。豈非制教中而亦有化教。故曰非無相濫也。舉宗以判理自彰矣。者立明化教用理爲宗。約心以明得失。亦云用心業爲宗。行教約事爲宗。則用身口業以明得失。上既云循環相濫。今舉此二宗分判道理。自分故曰自彰也。

謂內心違順。托理爲宗者。如若內心違理起心。則成犯。若起心順理。則成持。犯成就皆托理生。故曰托理爲宗也。則是化教也。外用施爲等者。此明行教。身口不動。雖復起心未違行教。待動身口。方可科罰。故曰心護身口。則依行教也。

故經云者。此善生經文顯也。所以更分者。此是生起今明意也。諸教雖明化制二宗。恐人不練。故我分別作此一門也。

恐迷二教宗體者。化教以防內心爲教。宗制教唯防七支爲教體。作此分別者。恐後人迷。故所以我更分之也。妄述業行是非者。如依制教之人殺畜得提罪。憊已不知業道。妄述已之清淨也。復有僧尼依化教者。見受苦衆生殺之。應有禍。有何過失。雖無業道。而不知與制教中具緣相應。得違教罪。妄述我是清淨也。故曰承者長也。獨者除也。簡也。謂除上妄述之見所由也。

第八僧尼乃至通塞意者。通塞者。立云如受戒懺罪。僧通得作爲尼名通也。自餘結界受日等。但可自衆相對而作。互不得通名之爲塞也。

同戒同制事法相同者。如五篇中僧尼同戒。皆名同戒。安忍受說此皆同制事法相同者。謂情非情事。卽長衣鉢等皆同也。法謂羯磨對首心念法是同名事法相同也。行用儀式具在諸門等者。立明如安忍等法。並在三十門中任意詳用也。隱而難知具在隨相者。立云下隨戒釋相中。僧尼二衆之戒廣釋其名相也。故曰具在隨相也。

●如鈔作在

謂輕重不同者如尼摩觸得夷僧得殘漏失僧殘尼提尼不安居犯提僧得吉故曰輕重不同也有無互缺者僧無洗淨過三節戒四獨言人紡績戒等唯是尼有而僧無也尼無輒教日暮等戒僧有故曰有無互缺也犯同緣異者高云如與外道食戒犯同與緣有異僧與出家外道尼與出家在出家外道皆犯又如畜鉢戒僧開十日不說即犯尼入手當日不說即犯提其罪是同開緣有異故曰犯同緣異

此但分其宗類等者謂且分兩位有同異互缺輕重等然未明不同之意也猶未顯其來證者未顯僧尼之戒不同有無之所以也具如大疏者如首律師疏中具說所由也

第九門下三衆者式叉及沙彌沙彌尼名爲三也若約戒體同大僧無作者明其所發無表之戒體最同大僧故下云隨行類等塵沙又報恩經云沙彌十戒比丘具戒始終常一隨時立名譬如樹葉春夏則青秋時則黃冬時則白隨時異名而其樹葉始終是一葉戒亦如是當一戒隨時有異資云若受沙彌戒

時與大僧同發得無表戒體者沙彌時既得具足戒更不應受具戒又違婆沙文彼論云近事受勤策律儀不捨五戒受得十戒爾時成就十五律儀勤策受苾芻律儀爾時成就得二百六十五律儀論既分明言十戒位但得十五律儀至具戒位方加其數何容沙彌普緣普發耶答論據十戒成沙彌性不遮普緣普發無表故無妨也

自外行法不同者勝云五德十數等又安忍說戒等故曰取捨有異者如壞生爲供養三寶緣則開餘無此緣則制制則名捨開則名取亦云持則名取犯名捨也

式叉摩那六法等此是外國語也此翻式叉爲學法摩那爲女故曰學法女謂學具六法防四重六法者頌云染心摩觸盜四錢斷畜生命小妄語五非時食六飲酒同諸三衆學之者大僧與大尼爲二二衆沙彌爲三也勝云僧尼爲一沙彌爲二沙彌尼爲三故曰同諸三衆學也

第十門僧祇律是根本部者僧祇部外國云摩訶僧

◆釋人部字

祇此云大衆。此是城內前結集者。名上座部。以迦葉在座年老得名也。衆既五百名。大衆部呼此上座部。爲大衆部耳。實非城外結集之大衆部也。今茲五部皆從前上座之大衆部出。故呼僧祇城外大衆部。非四分之根本也。所以將僧祇爲五部根本。據大集經云。廣博遍覽五部經書。是故名爲摩訶僧祇。既言遍覽五部。明知非五部數。故判爲根本部。若依宗輪論。舍利弗問經言。初破分爲二部。一大衆部。二上座部。是中上座部。則四分之根本也。然大集僧祇律。卽是四分等根本也。二論者謂大小乘論也。

愚叢者有云。一人無智曰愚。十人聚一處曰叢。余智同螢燭者。此是謙遜之辭也。云我智若螢光。以我之解。助佛之化者。喻若螢光。助於日也。深云螢若晝出。則無其光。夜出則微有小光也。余亦然。若正法之時。不敢助佛。化助亦無力。如螢晝出則無光也。今末代之中。隨分助佛弘化。如螢之夜出。似有小光也。故曰同螢燭也。

言疎庸者。不親佛法曰疎。非文非武曰庸。應師云庸。

◆一字疑

謂常愚短者是也。心不節慎。口無法言。惡人爲友。名之爲庸也。輕侮猷言等者。三蒼云。侮慢也。猷者。法也。謂我何敢輕慢法言。戲論者。若言非非。有非非。卽卽名戲論謗也。

學有所承等者。謂我親承首律師所也。聽講律得二十餘遍也。承必知本者。謂師師相承。相傳不絕。故曰承也。親知如來制之本意。故曰承必知本也。每所引用。先加覆檢者。謂今鈔中。且引諸經論及古人章疏等。必先勘覆看其如非後。方引用。故曰先加覆檢等也。於一事下。廢立意多者。如律中犯重比丘。開其學。悔古人判云。若犯已未覆開。悔曾覆竟。不開悔。今廢此義。但使臨懺之時。盡露一切開悔。此義須立。又律中云。餘處行古人解云。是餘房行此義。須廢。今解謂是出界外此義。須立。如是等事。非一。故曰一事下諸師所存。情見繁廣者。古人立五種得戒義等。廣釋受緣受體發戒時節。當今闕緣多。述無益。是繁廣。故曰情見繁廣也。

及教通律論理相難知者。教者律教也。謂論解律名。

教通條論言難知者如諸論中或云表無表作無作
教無教又多論云作戒以色爲體無作以非色非心
爲體如是判釋理相難識通解論文者方能了達也
故曰難知也

而抄略證文多不具委者今鈔中取經律論文具述
來但是相應之言卽引將來入其宗也欲知其始末
者且如破僧違諫戒始末繁廣不屬今時現行若欲
更窮所由非鈔之意也

隨機有用等者謂如對受說安念訃請等事卽披文
而用之不勞問於他人也豈復疑於罪福者既執事
案文何所疑罪福者福持罪犯豈疑持犯也

不急之務者謂遊辭也眞宗蕪穢者指鈔爲眞宗謂
若更加不急之文便是蕪穢致使後人行用則昏迷
不識其意故曰鳥鼠之喻等者此況眞僞如蝙蝠鳥
取不得鼠取不得其鈔中若加不急之文竟致後行
事之人直取不得僞取不得故假喻鳥鼠也
此之十條總束諸門者是都結上十門也謂此十門
是綱領以分別橫括下三十門也

夫宅身佛海者謂此夫字已下生起立三卷之意宅
由居也謂居身在佛法海中也故曰言食味法流者
謂心服於道水故曰形則僧位者廟由間廁也言行
唯三位者謂今三卷攝三位行盡也

識達持犯乃至體相具矣者謂中卷廣明戒體相狀
及隨戒之相故言體相具矣外德彰用者謂識達持
犯具如中卷方能秉法被時善解匠物故曰外德彰
用綱領存矣者謂上卷是佛法綱領統收萬法下卷
乃是綱目還是綱領之所攝持舉領則毛端提綱則
目整也自他兩德成相多途者明下卷之文難行乃
有益物及自利也卽導俗化方是利他若頭陀等是
自德故曰自他兩德問上序中明三卷之意前明上
卷次明中下此何故先明中卷次明上下者答大有
所以上序中明者是大家衆法次第故先明衆行住
持然後明受戒懺悔之別行也今此所明將中卷居
前者欲明自是立身本體相既立方能秉上卷家
僧衆之法所以先明中卷

然則事類相投更難量擬者應師云擬者向也說文

●會本疏卷
上之三

云擬由度也。此也。類者例也。如受戒事則有受戒類。如結界事則有結界之類也。今若不從類例標名題者。但散亂而說者。尋討則難。故曰也。若長途散釋。寡討論者。勝云。若今十門更長途一一散說。下三十門事。意此則不可盡其底。故曰。寡於討論也。討由治也。使舉領提綱。毛目自整等者。將此十門名為綱領。下三十門中所有諸事。盡是毛目也。若識此十門綱領者。下三十篇毛目自顯現也。載由則也。隨事隨依者。勸勵僧侶精進護持。永離破戒之穢。流蕭然而得解脫。上來第二總釋十門義竟。

○標宗顯德篇第一

將釋此篇大分為二。初標宗。次引文成德。就初又為二。初至法輪不再轉乎。已來明出家之人於眾別二行有依。不依招其損益。勸捨損從益。以令教行。第二從今略指宗體行相。已下正明宗體。就初復二。從初至與替在人。也已來明不依眾別二教於法有滅失之損。二從深崇護法者。已下明依二教有建修之益。就初又二。初明淨眾教不容非約喻。以顯勸釋等義。

二從容致謠委以亂法。司已下明非法眾主御於眾行。正明有滅失之損。就初文中分四。第一法喻雙舉。以明眾不容非不宿。不越。不宿即眾行不越。即別行。眾別二行攝。第二從故凡則預下勸成上不宿不越。一切行盡故。第二從故凡則預下勸成上不宿不越之義。言尅須清禁無容於非勸上不宿之義。沐心道水等。乃至無染於世等。勸成上不超越限之義。所以若染於世。即違聖戒限。故第三長由非法無以光其儀。已下釋上不宿不過。所以令不越不宿。為欲光道顯德。故第四而澆末淺識。已下轉釋第二勸意。何意苦勸云。無容於非無染於世耶。釋云。為澆末淺識庸見者。多雖形服參繙。侶而行不依律。若不苦勸。便容非染。世故須勸之也。四文中此初文也。此文中言律海沖深者。即法喻雙舉也。律法也。海喻也。沖虛也。問何以將律喻海耶。解云。海中有八不思議。法戒中亦有八不思議。故以為喻。津通萬像者。津潤也。亦度之義。謂如大海津及無邊為一切人物濟度之處。律儀亦爾。慈津及塵沙之境。為潤眾生之芽。涉生死流。到涅槃之岸。濟度之處。故曰津通萬像。萬像即萬善也。雖



包含無外而不宿死屍者。謂如大海具八不思議。雖無物而不包。而終不宿死屍。律海亦爾。雖復普恩流萬品。攝受一切。而終不宿犯重死屍。設有則羯磨擯出。故曰。喻不宿死屍也。騰岳波雲而潮不過限者。馬走曰。騰高峯極峻曰岳。謂如大海之波浪騰涌如山岳。如上雲而至潮終不過限。律海亦爾。今治犯重僧尼及犯僧殘人時。其羯磨作法威力德用亦大。同彼海波浪而若有犯重僧尼不得非法治打杖罰。但得以白四擯出。置於衆外。故曰。喻潮不過限也。

●釋入道字

故凡廁預玄門至無容於非者。此則勸成上不宿死屍。義謂身居三寶位。欲廁玄妙定慧之門。人宜不應容犯重非法人也。故曰。沐心道水者等者。此則勸成上不過限之義。謂出家入道。僧尼淨心持禁戒。不樂人天之樂。求出世之樂。故曰。故能德益於時。乃至亦超塵網者。此則結上二句。謂淨心尅持禁戒。希出離道人者。道德內充。嘉聲外聞。能生物善。匠導衆生。加以速出六塵五欲之愛網。故曰。德益於時。迹超塵網也。超由出也。良由乃至無以顯德者。此則釋上不宿

●戒法

屍不過限二句。所以謂若不依律法修四威儀者。其外儀則不可觀也。何得生物善。內心無道。由何顯其外德。故曰。非法非道。無以光顯其儀德。此上辨得此下辨失。

而澆末淺識等者。此下明滅法之人。謂雖受得佛戒。而無護法之心。令滅疾滅也。此文澆末者。澆者薄也。謂末代澆薄之流也。庸見者。庸淺近薄皮名皮膚。昔名參繼服者。參由同也。雜也。縉者黑也。學非經遠者。積年集學名爲經遠。如上淺識之人。不能經遠。尋師故曰。情既疎野等者。不親佛法曰疎。心在理外曰野。野是逸義也。謂情常蕩逸。無係念於法。故曰。疎野言寧究竟要者。寧由安也。焉也。謂其不親法律人。則不進生定慧。安知出離之道。出離之道名爲眞要。封懷守株者。封由閑也。謂閑執愚心也。言守株者。草木根也。宋時有人逐兔。觸株而死。後更於中終日守待。時人號爲守株而待兔也。言志絕通望者。謂受得戒。謂究竟不知戒是菩提之因。又不修習定慧等。出離之益。故曰。絕通望局之心。首無詣者。謂受戒竟。謂爲

金社殿加

果滿其出言亦無至趣故曰爾正云詣由進也造奏詣進此是一義也意雖論道不異於俗者謂受得此戒在身說此戒善功德狀似論道但求其名利都不忻求出離生死故曰不異於俗也況談世論孰能體之者上句明學者尙自不知今此下明今不學者孰由誰也謂談世論之徒誰復能體斯戒法容致蓋委至于與替在人已下明非法衆主御衆行正有滅失之損此文中容者受也委者任也迷也安也謂容受此非法無德之人蓋安法主之處則蓋亂佛法故曰亂法司也肆意縱奪等者肆由放也謂如止蓋法司之人不依法教放縱身口於徒衆有愛憎憎則犯輕而重斷愛則犯重而斷輕此名縱奪於愛是縱於憎名奪言專行暴越者專由一也任也謂於所真之人境上非理加罰故曰專行暴越尙非俗節所許者謂俗中高士尙不可吐杖捶能行仁慈況乃出俗僧徒而反行之新學困於磐石者磐石謂大石也謂此非法衆生畜養門徒常令酤酒買肉不教法用至年長大欲往遊方聽學遮不與去有三意故一恐

中下疑脫
者以二字

學問勝已我便墮負二恐彼識達教相見我等過知我是非既不許出如大石壓草不得出也故曰律要絕於羈縻者在身名羈在口名羈是馬之羈縻也戒律名羈縻謂不依戒律放縱身口造種種過狀如馬無羈縻故言絕也言正法玄綱者詔戒爲玄綱亦名定慧曰玄綱謂今既不依教行無人能續故云玄綱覆蔭也

故知與替在人者此一句通結上文也與字結上述超塵綱文也替字結前澆末等之文也深崇護乃至法輪等者若能爲衆主人勸門徒後生人欲令其學問紹隆佛種即是深崇護法也既能依修行即是轉法輪也故曰何患今略示宗體行相者此生起下四種是其宗體也

夫戒器爲功者器者衆生根器也器有大小戒亦有大小故言隨器也行者以領納爲趣者謂能受戒人即領納所受之法也如白四羯磨一念之頃領納妙法居懷也而能善淨身心稱緣而受等者謂身無遮難發斷惡修善心師僧清淨衣鉢具足羯磨成就



如是內因外緣兩種相應方發無作戒所發戒體能與聖道相應故名相應之道。若情無遠趣差之毫微等者謂不知因此戒法能至佛果無心希求名無遠趣因緣小差受者無心空作法無益故曰徒染法流。言將何以爲道之淨器者。夫戒者爲萬善大器以戒爲器能盛萬善功德故稱道淨器。道則萬善也。爲世良田義復安在者。謂剌染爲相持戒爲性性相兩具堪爲福田。今既受戒不獲福田之義安在。安由寧也。清身行徒等者。徒是今行門徒衆也。謂清身心入行門之徒衆意。惛惛之果故曰遠惛圖果也。言無宜妄造者。反。謂受戒者須遠求菩提莫希人天之樂。造由趣也。謂也言令契入無滯者。至心緣其戒善功德令與我心相應更無滯礙也。一說名無作戒體爲無滯也。言故經云等者。即惛惛經明無作戒體今引此經證成上無滯之義。據此明後釋爲當。

但戒相多途非唯一軌者。軌有二音。一音逸字統云過也。一音反。謂車軌即當此用多途者。謂境通塵沙境相放曰多途。心有分限取之不同者。隨意欲取

五八十具戒等故曰若任境彰名等者。所發戒境無量從此彰戒數名則有無窮之稱也。且據極要者廣正云。極是門曰也。謂戶必依樞住。凡聖皆依此四法住。故喻極要。

語法而談不局。凡聖者謂若凡若聖通有此戒法也。如香婆受戒也。直明此法至出離之道等者。謂我今更不論其不局。凡聖之所由。且明其戒法之義。故言直明此法也。言必能軌成出離之道者。謂此戒法可軌可則能出離生死成無漏道也。要令受者信知有此者。謂能受戒人須信知有此聖法在身乘之得出離生死也。

今所受者就已成而言名爲聖法等者。謂聖人乘此戒法得至聖果。故知今所受者即是聖法。就已成聖者爲言。故云就已成而言也。上來就戒法中分三段。中此第一則出法名體即所求之法也。

但令返彼生死等下至長養此心使隨人成就者。教令發心即能求心也。即緣境立心也。此恒沙善法者。因緣未具時不可得。說但信有此法爲因所起。起竟

命持入者
二字

中釋入
者三字

此法在身能軌生出離之道。此則第二教令發心也。第三乃可秉聖法在懷者。謂上二段令信有塵沙二諦善法爲所緣境。又教令立心。此二因既具已。乃堪可秉聖法也。此中未卽已秉聖法居體。乃可堪加聖法習聖行耳。故曰上文高栖累外者。栖由息也。累者生死罪累也。謂既有斷惡修善返生死之心。此高昇三界之表。栖息於塵累之外。故曰高栖等也。言隨法之行。勝云受持此聖法在身。起動施爲皆須護持。名爲隨法之行。

二明戒體等者。通論者通律之論也。成論多論等。唯明其所發表無表戒體。今直明其能領心爲戒體。故曰直陳心相也。相者卽法界塵沙二諦等相也。以心緣此相。故言心相。故名爲戒體也。

要期者。斷惡修善誓願也。施造方便者。受前八條也。請師求戒等方便也。惻思明慧等者。惻由悲也。病也。悲念衆生也。此心卽名明慧。愚心不悲痛。故前法者。指前門戒法名爲前法云云。此要期之心等者。上持戒心與塵沙境妙法相應。相扣三羯磨。竟於彼

上會本疏
十一卷六
一〇空

中釋入
者三字

二種法上假緣引發生起。此戒名曰緣起。願納在心。名爲戒體者。將受戒人能領之心爲戒體也。

必須廣修方便者。深云廣修四正勤也。謂未生之善方便令生。已生之善令增長。未生之惡令不起。已生之惡令滅也。檢察身口等者。卽防身口七非。此名戒也。言威儀之行。者上檢察身口能防名戒。其相是。今則於微細威儀行住坐臥四儀可觀。故曰威儀之行。尅志專崇高慕前聖者。尅由能也。明諸佛羅漢並此戒能得出離生死。因茲戒德降魔成道。我亦効之。故曰高慕前聖也。持心後起義順於前者。此明前要心受時誓持不犯。今已受後能順前期不違本心。故曰義順於前也。

四分律鈔批卷第一末

四分律鈔批卷第二本

江東杭州華嚴寺沙門 大覺 撰

第十隨文判釋者。就中分四。第一釋序。第二略釋三

●釋入文字

十篇名第三釋十門第四廣釋三十篇之義於第一釋序中又分爲三段。第一從初戒德難思下至群籍息唱來明其三學相形優劣不等義。第二從自大師在世下至同異區別來明其師資傳法興替所由義。第三從自非統教意之廢興下明其除疑決滯撰結今文謂正序此鈔之意義也。於此三段之中更分爲二。從初至遺風無替來明其是二從逮于像季下則明其非兩段不同。今卽是初。

夫戒德者。夫是發語之端也。又云凡言夫者。下蘊深旨也。而戒是因而德是果。由先能持戒卽是其因。當知招樂報是得其果。故云戒德故持地云。二十二相無差別。因皆持戒所得。故稱戒德。德卽得也。亦云爲物所稱曰德。欲顯佛弟子若能持戒。外有善聲。內除煩惱名之爲德。又云戒者衆善所依。故稱德也。又酬功曰德。由今有無作戒體集在身。集生衆行。當來必招解脫之果。果酬今因。故曰德也。又德者字統云。外德於人。內德於己。常無所失。故謂之德。今明猶戒施造有其軌。能得一切諸行成就。故曰德也。故道教

經云若無此戒諸善功德皆不得生。故知有戒卽生功德。故曰戒德。自意云但諸經論嘆戒文多。戒爲萬善之因。基當三乘之標。首趣菩提之正道。越生死之良規。是佛法之壽命。則行人之方軌。故曰戒德也。言難思者。濟云如一白三羯磨。竟發得無作之戒。於一切有情及草木大地虚空無邊境上。發以戒善功德。豈是情能思量。故曰戒德難思。立云戒從境發。境通萬有情與非情。斯境無量。戒豈有邊。邊不可求是。稱難思。又云因戒發定。因定發慧。能斷除煩惱。越菩提之因。藉戒爲本。功深萬善。故曰難思。深云非情之所測。名曰難思。有云超逾圖度之外。故曰難思。也。然難思者。有其二義。一約體難思。二相難思。言體難思者。兼白四教法。第三羯磨。竟一刹那頃。發於無作之體。非色非心。萬善初基。三乘正因。故曰體難思。二相難思者。以其從體起行。行則假相。而詮相周法界。亘塵沙境。一一境上。發諸律儀。彌亘既寬。是相難思也。故善生經云。虚空大地草木衆生。此四喻比量。豈是心慮能及。故曰難思。謂量同大。虛德周大地。此指戒

今在字後

今在字後

體難思量也。亦得云。約教明難思德。既衆矣。非心之所思。故曰戒德難思也。冠超衆像者。此正歎戒尊高。借喻首飾也。未著曰冠。^{平聲}著之在首曰冠。^{去聲}如衣未著曰衣。^{平聲}著竟曰衣。^{去聲}如冠著之在首。衆衣必以隨之。喻戒能居上。定慧必隨後起。以戒爲先。故冠定慧及萬善之首也。戒超萬善之頂。如冠幘在在衆衣之上。首超言勝也。言衆像者。衆由多也。像由似也。萬善之行。名爲衆像。戒居其首。故稱超也。又云。因戒發定。定能發慧。慧即多聞。故解脫解脫。故涅槃。誠由戒力。推功居前。故曰超也。又云。如人著冠在首。超於靴履。衫帶上名爲超也。卽此靴衫曰衆像。今定慧萬善曰衆像者。皆因戒發。戒則居尊。喻之於冠也。深云衆像。謂衆色。象也以戒非色。非心爲體。故超萬色也。有人云。聖教無邊名爲衆像。戒最居上。故言冠超勝云。戒者能生定慧。定慧所依。故德超二學。故經云。依因此戒得生諸禪定及滅苦智。慧慈云。非但定慧二學由戒而生。一切諸行皆由戒立。故稱尊貴。若無此戒。萬行不生。何能剋聖。故經云。若無此戒。諸善功德不得生。

今在字後

今在字後

是以當知戒爲第一安隱功德住處。以此推之。從所依立名。推功皈本。故云冠超衆像。爲五乘軌導者。爲訓作也。三乘并人天是五乘也。軌者則也。字統云。導者引也。示也。今此明戒正是五乘之本。能持則出離三途。得人天三乘之果。若分行亦能得人天等。如五戒得人十善。得天乃至盡持得佛果也。亦云戒能軌導衆生。至於五乘之果。故曰也。又釋爲五乘軌導者。勝云。此句顯行因有盛果之用也。軌者正訓。轍也用。轍訓法也。故諺云。閉門造車。出門合轍。此明楷模定義。論云。能生物解。有法則故。故名爲軌也。導者左傳云。通也。引物使通曰通也。故論語云。導之以德。應師云。導者度量也。字從寸。作此明受道於人。寸思度量。故曰爲五乘之軌。導三釋皆當。寔三寶舟航者。寔由實也。甚也。亦取其是。義明戒能運載行人。度生死大海。至三乘聖位。喻之如航。舟是船之總名。航是舟之別稱。此明衆生久沉淪於欲海。取濟無由。佛示以三寶。令其歸仰。乘戒舟而過渡。截愛海之漚流。故曰也。又字統云。並船曰航。單船曰舟。由戒在世。故三寶不

譬以戒能載運三寶令佛法光顯不沒故曰三寶之舟航也。故華嚴云：具足受持威儀教法，行六和敬，善御大眾，心無憂悔，去來今佛所說正法，不違其教，能令三寶不斷法得久住。又見論云：毗尼藏者，佛法壽命。毗尼藏住，佛法方住；卽舟航義也。依教建修定慧之功，莫等者，謂若能依此律教建立修行定慧，方從此生也。戒則居先功高，定慧故曰莫等。非謂餘之二藏當分無建修之功也。但由慧起，假於定發，發定之功，非戒不弘，但推本於戒耳。故成論云：戒如捉賊，定縛慧殺，功由戒捉，故曰莫等。卽遺教經云：依因此戒，得生諸禪定及滅苦智慧也。又解三藏之功，由鼎三足，功無優劣。今論佛法創首，必戒爲先，何以故？以戒爲一切所依，故約斷煩惱而論要，假明觀云云。有云：依教者，通約依佛三藏正教修行也。簡除邪教，如外道鳥雞鹿狗等戒，則非可依。又釋依三藏聖教修學，戒是初基，能生定慧，定慧由戒而生，推功皈本，故言莫等也。住持佛法，群籍息唱者，住持佛法，非戒不能。故文云：毗尼藏者，佛法壽命。毗尼藏住，佛法方住也。故

●釋人律法
二字

經云：我不滅度，半月一來，又云：若我在世，無異此也。故知毗尼之藏，功被末代，又善見論云：毗尼者是汝大師。又云：以律師持律，故佛法住世五千載，豈非毗尼之力也？若修多羅、阿毗曇、二藏，但說沈澁之義，明因辨果，其理幽深，言無所寄，不能住持佛法也。又解經教之中，談理無窮，是群籍義群者衆也。薄書曰：籍卽修多羅、毗曇二藏，詮於定慧，定慧之教，但能遣有滅空，空不異色，論色色不異空，此乃至空卽色，何曾滅色求空，卽色卽空，不勞離空而求色，論茲妙理，群籍盛談，若欲住持佛法，俱須息唱，故律中簡集智人，要是明解毗尼者，方得留在衆內。若但解餘經論二藏，談說大乘，雖廣博衆經，而不免駢出也。上來明三學相形優劣，不等義，竟自此已下，偏約毗尼藏嘆戒功能也。自大師在世，偏弘斯典等者，夫教不孤起，必假人宣，真人唯佛稱主，明茲律藏不同餘經，經則不簡人，與時處諸天諸仙菩薩聲聞，但能說之人爲佛印可者，則得名經，又隨至一處一時說法師，卽名爲經，而經教又通道俗，今此律則不爾，局佛自

說要在僧中唯被內禁故能關不諱之門示秘密之深術故廣張教網大樹厥儀示輕重之兩儀明止作之二行簡時簡處不對俗陳故曰偏弘又解佛在半月每自說戒後因過起万命別人故曰偏弘濟云佛說經教但一時說更不重說故不得言偏弘也若毗尼之教佛前說竟後若未聞者復重述乃至涅槃常制戒律故曰偏弘也言典者此是經書典籍也如尙書云作堯典典外學家釋曰典者常也言可爲百代常行之道故曰典也爰及四依遺風無替者爰由及也於上也既佛在皆自弘宣今明滅後四依出世亦弘宣於法而不替也佛雖滅度用此教法付大迦葉乃至異世同世五師及至四依出世弘佛所遺之風不廢替也言四依者汎論三別謂人法行也行四依者即常乞食樹下坐糞掃衣腐爛藥法四依者依法不依人依智不依識依義不依語依了義經不依不了義經也人四依者立云約大小乘合論若大乘四依如涅槃中八大人覺爲初依斯須二果爲第一那含爲第三羅漢爲第四就小乘明者初七方便人

爲第一餘三同前大乘所列名也皆謂小乘羅漢大乘羅漢等如涅槃中所明此是大乘四果盡是菩薩假爲此羅漢等之名云云尋涅槃疏中亦有此意如涅槃所明者總是菩薩耳又約榮疏解四依大小乘相對辨者一者如涅槃云有人出世具煩惱性是名第一即地前菩薩以擬小乘七方便人同爲凡夫未真斷惑是故說爲具煩惱性爲初依人也須陀洹人斯陀含人是名第二初地已上六地已還菩薩同在欲界以擬小乘苦忍已上斯陀已還此之二果雖入聖位同未離欲界是故合爲第二依人也或云初地至七地也然聲聞以見諦爲應思惟爲細菩薩以三界爲應習氣爲細今六地終心斷三界結盡猶如須陀洹斷見諦結盡也七地始侵習氣如斯陀含侵思惟結也以其疆細盡不盡同故將初地至七地以擬二果也阿那含人是名第三者七地已上九地已還菩薩離分段身入深法位以對小乘阿那含人已出欲界同爲第三依或從八地已上數之也阿羅漢人是名第四者十地菩薩學位已得擬羅漢所作已辦爲第

四依人也。此無學果。正使已盡習氣未盡也。迦葉起
 憐身子起。嗔難陀悅色。畢陵伽闍河神等。皆是習氣。
 然此但是煩惱餘氣之勢分。也不能成業。無有體性。
 也。今正取人四依。明其人能弘傳律藏。大師遺教。
 之風。無有廢替。故曰爰及四依也。遺者爾正云遺也。
 去遺者與也。謂佛既滅後。唱此教法。遺去比丘也。替
 者改也。廢也。滅也。謂絕滅也。去也。止也。待也。明此教
 法。此時無廢復無改變也。風者佛之教也。風有靡草
 之能。教有除非之用。故曰遺風無替也。

已上明佛在及滅後住持之得從此已下明其失也。
 逮于像季者。逮由及也。像者似也。季者末也。有云正
 法純真像但相似。故言像法。此明去聖日遙。教有陵
 遲之損。言像季者。此一季字。兩意解之。准知正法合
 得千年。緣為度尼滅正法五百歲。若能行八敬者。還
 令正法千年。以此類之。尼若能行八敬者。今屬像法
 家之末。曰像季也。若尼不行八敬。此季則屬末法之
 限。亦是季義也。明末法自是季。當像法中欲盡還是
 季末。故曰逮于像季也。時轉澆訛者。立云澆訓薄也。

訛者如物無稜角。非方非圓。曰訛也。喻此末代僧尼。
 無方圓規矩之用也。又云訛者謠也。所言時轉者。謂
 是變動也。時絕純厚。故人隨澆薄也。爾正云訛者。偏
 也。淮南子云。訛由薄也。爭鋒唇舌等者。鋒者器刃之
 端。銳利之義也。謂末世比丘講說論義。喜相嘲調。利
 口綺語。用為智能。但能說無相之理。口為說空。行在
 有中。不能依教修行。但以寄在唇舌也。古師云。言在
 飛龍前行。在跋鱉後。是也有云。人有三表。刀筆二表。
 殺人可知。舌表亦爾。用此舌表論。雖殺前人。此上三
 表俱能害人。如鋒刃之器。故曰也。齊云。明今有評論
 佛法者。皆以勝負之心。互相是非。以舌相害。故曰唇
 舌之間。然所爭是何。謂爭空也。故下句即云。鼓論不
 形之事。不形即是空。謂空爭無相之理。而身不行。故
 曰也。鼓論不形之事者。鼓是動也。此明動即論不現
 之事。鼓動唇舌。高談遠理。云罪福無主。色空雙泯。以
 其真如理相。既深非可見聞。故曰不形。形由現也。此
 謂心不達理。故言不形之事。心若達者。見理而談。不
 拘此例。又有人云。鼓者。但有其皮。曉其腹則空擊之。

空有其聲而無其實此人亦爾虛說至理事同鼓聲檢其業行心未證知內全無實但以假說不形無名相之理如鼓之聲內空無實故曰也

所以震嶺傳教九代即之等者此下明教流東土傳持損益立云還是慈嶺東名震旦國亦如秦川之南名秦嶺又云白木條國之東震旦也宣驗記云震旦國者亦曰真丹梵言輕重東曰震西曰兌慈嶺已東名震旦者以日初出曜於東隅故曰震旦傳教至此故曰震嶺傳教也言九代聞之者從漢明帝永平五年夜夢已來佛教東傳迄至今時更於九代所言九者謂漢魏晉宋齊梁陳隋唐名之爲九北人數者除陳取宇文周所以取二家不定者勝云宇文處在中原而不得玉爾陳得玉印不在中原故所以取之不定玉印者即玉璽也此等金縷玉印古先帝代獲者稱王不獲稱帝皆憾也拔萃出類智術而已者如草木盛時長短齊平忽有一萃超透衆萃之上名爲拔萃出類萃亦類也亦是聚聚義東齊海岱之間謂萃爲聚又是草叢之貌也類謂同倫類也亦曰流類

出者謂拔群之意也如百千人同類中有一人秀逸超群名爲出類此況昔代高僧康僧會澄蘭等但有智術神通以爲拔萃但是一時生物信心不能任持佛法亦不能匠物量由不依律教訓時故也智是能術是道也法也謂但說智能之道術耳此明古來雖有名德但是智能談道理而已至於匡建之行曾所不論故曰智術而已由止也

欲明揚顯行儀等者此欲明二字冠下數句謂如上智術之人欲明揚顯行儀欲明匡攝像教欲明垂鑒範等者不可得也將明智術之人非斯任持之匠故假設此諸句語竟即云可得詳而評之可由豈也言行儀者行謂戒行儀是軌儀謂此教是行門也亦是威儀匡是救也正也攝是統御義也所言像教者謂教流像法有人匡攝此教令不斷也垂鑒範者立云垂謂下垂陰覆之義如經云鑒鑒垂布明是下也勝云上命應下謂之垂鑒者字有多義亦祭器名也亦曰常也見爾疋說文云彝宗廟器也非今用範者爾疋云範由法也謂楷式法則也通俗文云規模曰範即

是其義也。又云竹作曰範，木作曰模，畫曰圖，量曰度。今言垂範者，謂將常所行之法流布後進也。謂是更能重垂佛之常則於世不墜也。故律序云：衆人之所學古昔之常法，明上德之人將此律教之常法，垂布訓於後來之人，名爲訓末學也。又訓末學者，訓由誨也。後生學者，名爲末學也。紐，既絕之玄綱者，此下是喻說也。如網有綱，四周齊正，提綱則目整，舉領則毛端故，綱須有綱，復須得紐，或有綱而無紐，或有紐而無綱，皆不可也。今佛法之綱，用戒爲綱，維持之法爲紐也。前明像季時，訛此是玄綱絕紐，今由能揚顯行儀，卽是紐已絕之玄綱也。立云佛法以戒爲紐，無漏定慧爲玄綱，其義未詳。玄者深妙義也，又玄者黑色也，遠也。如天遠蒼蒼不可辨於其色，曰玄天也。勝云紐謂鈎紐也。如網雖有綱，復須鈎紐，紐若無者，網亦無用。欲明雖有毗尼之教，教卽網也。若無人弘持，教則無施，遂令法滅。若人能弘如網之有紐，紐屬弘也。樹已頽之大表者，此明世中華表剝等標記處，所有所表彰如津濟之處，豎其大表。若人迷途失濟，

使人遠望此表，知其方所。若能標之表忽倒，則迷所標之處也。忽有一人能更豎茲表者，還令得知津途方所。昔以戒法無既事，同表倒。今更有人能傳律藏，使三寶隆安，是樹已頽之表也。頽者倒也。什也。佛法之中，用戒爲表，表於定慧斷生死之迷，向涅槃之路。戒表若倒，則失菩提之路也。今能依教修行，是其樹義樹者豎也。夫樹不生而已生，則聳擢陵空，喻戒法居宗衆教之上，謂戒不有而已有，則能建立正法，居其衆善之上。故曰樹已頽之大表，樹者立也。凡有豎立，皆曰樹。樹亦種殖也。可得詳而評之者，此明詳評律教者，要是上來豎已頽之大表，紐既絕之玄綱者，方能平章律藏通塞也。自非斯上之人，不可平章此義。故曰可得者，謂豈得也。評，謂平量曰評，切韻云平量曰評，平量曰評也。

豈非憑虛易以形聲者。此句謂覆結上言，數論不形之事句也。憑者托也。附也。虛者不實也。空也。形者現也。謂托空而說者，如言不生不滅色卽是空理，無三際迹絕來去者，是應道理之言，易得形聲也。豎，謂聲

譽也。如前鼓論不形之人談無相理。易得名稱。譽由空理。不可見談者言多相濫。誰究其非。聞者皆信。易以形聲也。又解形聲者。影響也。凡有形必有影。有聲必有響。舉形聲以成影響。顯前說者不證其實。理但影響而已也。相州恪闍梨親問南山云。憑虛易以形聲等者。無相之理本無有。然談其理以聲爲教體。卽用此聲以之爲形。故曰形聲毗尼之教。以事爲形。此形可見。有軌有則。難可應法。故曰難爲顯露。難得清潔也。無相之宗。旣信聲爲形。形旣不可見。誰驗是非。故易談也。口說無難。但行之不易。說無難。故故曰易以形聲軌事。難爲露潔者。此句却結上欲明揚顯行依等句也。軌者法也。則也。露者顯也。潔者清也。謂軌事依律而行者。則難得清顯也。如今僧尼著衣喫食。並俱不鮮。若令如法軌行者。難有此清露無過之人也。若上說空無相之理。理易爲形聲。若約律教案法而行。則難得鮮潔清顯也。又解露潔者。露非清不結。必以清潔者方結爲露。人則非清淨者不能軌於行儀。匡儆像教者也。若作此解。須作結字。若作結字。則

如前釋也。濟云。前句約說空之人。易得形聲。由理難見而異說。故談則相濫。故易也。若軌事修行。如作羯磨行事等法。若落非人。卽知於非作惡違戒之人。卽知見也。故曰難爲露潔。謂顯露也。無相道理隱微。故易談律儀之行人。見難作。故諺云。畫鬼魅者易爲。巧圖犬馬者難爲。工卽其義也。然則前修托律藏者。前學諸師名爲前修托者。附託也。謂前代諸師附律藏中行事也。言指事披文而用之者。事謂衣藥鉢等事也。如持衣加藥。當部缺文。應取他部。豈得手持而已。前代有師不閑通塞。實信律文有無。不取他部。故曰披文而用之也。則在文信實錄等者。大律藏中明其持犯行相。是實錄也。但行事之人不解去取。卽有濫耳。如上不取他部持衣之人。人間何故不用外部持衣之文。彼卽答云。非故不用。但律文分明。直言受持。不稱加法。此並出於實錄。略四分文爲實錄也。又如亡比丘分衣羯磨中。若有三衣六物。與看病實勞。忽無其物。羯磨隨有無。陳之。若但信律文所錄。謹誦。曾不改張。故曰。也有人云。如四分

其註其次

一切器皿不可分十誦明斗量三斗已下應分今須依之若不依直信四分文則謚也又如四分喚戒場爲小界有師判是三小界卽無難結於三小而受具者此亦是謚以律開難故結耳又如下結界文云當唱方相從東方爲始此是實錄今須從東南角爲始方得無謚也今若信文不臨時隨改者是信實錄寄緣卽繁謚也又如律文白四羯磨云第二第三亦如是說今則依誦名信實錄也勝云在文信實錄者且如安居法律云依其聚落其伽藍若在聚落除伽藍之言若在於藍除聚之稱若不思審隨文總牒者於事卽繁於法成謚也又如律懺捨墮法律列四人僧中卽用四人懺捨以受懺人牒名入法爲僧所量不落僧教今用四僧者卽是其謚須依僧祇五人爲定義也加以學非精博者博由廣也學若精博則能除繁去謚也不誠五部之通塞名爲非博不練當宗之軌用名爲非精又解不識教相違犯禁戒名爲非精識解若局狹名爲非博慈云精者舉初學人不善明一部也博者舉舊學人不善博覽五部故曰學非精

博也臆說尤多者臆是皆臆尤是甚義只爲學不精博卽自出智臆諛情而說量爲師心制法者不少故曰臆說尤多取類寡於討論者謂不解類例取外部而用也如僧祇護衣暗去明來此與四分全別十誦同護明相義與四分不殊四分既闕持文卽須類用十誦若用祇文加法名爲取類寡於討論護衣加法既爾餘事例然若於文義之中對於取類故曰寡於討論也然討論者討尋文義共論量也檢祇文云日光未滅去至明相出時還是名失衣日光滅已去至明相出還無罪日光未滅去明未出還無罪但是夜中一度得會卽不失衣也生常異計斯集者小正云常謂習常也四尺曰捌倍仍曰尋倍尋曰常謂舒兩臂也此只是習俗生常之義也上寡討論之人既學非稽古一生常習異計相承相准師弟同迷也又解不依正教恒緣邪務名爲異計一生永爾名爲生常所計非一名之爲習又解執自己宗爲是名曰生常兼復前師代代傳習習俗生常常作如此行事故言生當不順正理名爲異計又但執四分一文望餘他部

亦成異計斯集也

致令辨拆毀戾者由其習俗生常不閑通塞便更斷割持犯分判輕重故曰辨析者開也辨者解也毀者罪也重罪曰毀輕罪曰戾戾亦曲戾也見說文亦云乖戾也林字亦是止也亦云緣戾於教反今直取其罪義謂上生常異計之人如斯釋判致令得大小之罪也又毀者謂外賊曰毀起自邊表內賊曰匿起自牆之內也謂諸候作亂於邊疆之表曰毀賊起牆之內名匿又毀者血祭也有人作逆斬首取血祭墳陵七廟名爲血祭亦產判取血塗於鼓面名毀也此毀正是逆義耳世人云毀逆卽斯義也上言牆者鄭玄云牆之言肅也牆謂之屏君臣相見之禮至屏而加肅敬焉是以謂之牆也輕重倍分者謂判輕入重斷重入輕也如屬常住物判入現前得夷屬現前物判入常住得闕故曰倍分也儀云障子入輕五百段絹入重重輕天反故曰倍分謂分其輕重倍異故也衆網維持同異區別者衆是僧衆網是法網也維者應師云維聯結也亦維持也亦繫也明上學不

精博等人執見不同維持僧衆之網網法則乖異也謂弘持衆法網網之人故曰衆網維持也言區別者謂若網維衆法不依律教者則令他方異處與此行用不同寺寺各別有處罰錢禮或立堂罰使等或鳴鐘禮佛施則不同由不依律教故也若依案聖教雖相去萬里而佛法亦同故下文云遊化諸方而無怯懦是也今言區者應師云區去馬反區域異種區別也爾正云區者數也又云區者分也從此已下正當第三門除疑決滯撰結所由義也自非統教意之廢興者謂自非兩字冠下二句也言自非博解教之有廢有興何能遺遺累等也言廢興者如結淨地十誦則廢先有須解先無不應結四分令結免內宿內養文云邊方靜處結之此是興也如歌聲誦戒五分廢四分興也又如魚肉爲正食律則興涅槃則廢今若博識方能了斯興廢之意也宜作四句分別一始興終廢如十誦淨地五分歌聲涅槃斷魚肉是也二始廢終興如捨淨地彼部廢此正興是也歌聲亦爾彼廢此興二始終俱興如五正食中飯

中華書局
影印
二二二

麤乾飯等四始終俱廢。始食正食生肉血始終俱斷也。考諸說之虛實者。考由定也。謂考定諸部經律意之虛實也。諸謂不一之名。卽五部之文也。亦云三藏教中有虛有實。如魚肉爲正食。經禁律開約教而論。始則爲虛。終則爲實。飯羹等始終不禁。俱稱實也。勝云諸說者。謂諸家之作。亦須考覈與教相應是實。與教不相應是虛。如僧祇明聚落界七樹六間有師言。七間難事三小界有立標。相此並諸說虛實也。孰能闢重疑者。孰由誰也。闢者開也。明誰能開重疑。自非上列統教意之廢與。人考諸說之虛實。人已外無能。故曰孰能也。前代懷疑。今亦致惑。故曰重疑。又云師疑弟子。疑其來既久。今悉爲開。故云闢重疑也。又云重疑疑者。是何且如受日羯磨。有云牒乞辭入羯磨。又云不牒乞辭入羯磨者。復有不須乞者。如此諸執。疑不能定是也。意云孰能兩字冠下四句。遣通累者。遣山除也。累是沉累。罪累。滯累之義也。言不識教之廢與。學非精博者。則不能開此重疑也。則通於教中有所累也。又云昔日所解不正。並爲垢累。今能遣昔

之迷。除通家大累。故曰遣通累也。括部執者。明括諸部各執已宗之文也。如十誦分器。四十分。不許分等。也。僧祇四錢三角五錢得重等。如下第三十篇諸部別行是也。大乘基諸經序。且如制多山部。西山住部。北山住部。說一切菩薩不脫惡趣供養塔廟。不得大果雪山部。計無有外道得五通。無天中住梵行者也。詮行相者。歟者。通俗文云。釋言曰。詮說文云。詮具也。案具說事理曰。詮。又詮謂顯了義也。今明自古諸師學非精博。復懷重疑。何能詮得戒行之相也。若有能詮之文。必有所詮之行者。戒也能詮之教。若立所詮之行。亦足欲得不識教之廢與。不知虛實。固行相不足也。言者歟者。應師云。諸野反。說文云。制事之辭也。亦明下句出也。牒本釋之。故重言者也。歟者。語後之辭。又云嘆也。常恨前代等者。謂慨古來諸師所留文疏。或出羯磨互有繁略。行用而不周足。鬱快在懷。已經永歲。故曰常恨止。論文疏廢立者。謂斥古師章疏中。多明廢立之義。如相州律師疏中有廢昔義有辨正義是也。破

中其結

同
中其結

中其結

昔非者曰廢顯今是者名立故曰廢立也問答要抄者前代諸師所述章疏多有假設賓主問答來往大成非要如問善來上法發戒在何時此並當今甚爲閑耳言要抄者謂用此問答以爲要抄傳寫於後也至於顯行世事者顯由現也若現行常途法事不能濟辨言世事者如持衣說淨說戒自恣安居受日捨懺方法分亡人物此並顯行於世悉不論之自佛法東傳之後作章疏者二十餘處由非通解不堪久行傳其來襲也方軌來蒙百無一本者方由法也軌者則也人來呈我義言如來我得見之曰象也謂我象見前代所作無有一本而堪屬當我懷故言百無一本又解前人所作方軌法則以訓末代蒙冥之人也如易云童蒙來求我非我求童蒙是也易有蒙卦山上有水名之曰蒙又易有長赴者是國亂無主時世難也如有中定九五者名蒙故衆欲立爲君主故言蒙來求我我非求蒙也謂古師所出法則示來蒙者百無一本言百者謂舉成數故云百也言百無者舉多以況少一本者舉少以況多何故著者字應師云牒

本釋之故重言者如前已解

時有銳懷行事而文在義集者銳由利也說文云銳者芒也謂行事時用俊利之心而行謂逞精神俊利多信意懷不能辨於前事藉俊利之美不依聖教以用意言故稱義集又解如古人疏中約偷蘭之位對諸重戒成者夷不成者闕而章疏中不引文來直集在義門中但言爲因故之爲果五爲辨成他他成故爾作此言者包來一切闕盡故曰文在義集也或復多列遊辭而逗機未足者廣作義章不應時用故曰遊辭也如礪大疏但論其義科十章五段廣張門戶廢立是非如明善來上法三皈八敬受緣受體明發戒時節其文雖廣當今無緣多述何益今時現要用者存略不陳逗接機緣因於不足說文云逗者止也方言云逗者住也或單題羯磨成相莫宣者然羯磨聖法要藉緣成緣須具十或立八九古德雖出羯磨正文而不出如非等相依文直誦前事不成如京中昔有滿律師直錄數番羯磨更不論於成壞前後方便稱量與欲等故曰也又解云是曹魏時曇諦律師

直出羯磨云一切羯磨皆須四緣卽簡衆與欲問答不明僧集法起托處等後人便於自然地上秉羯磨也上言滿律師非是西塔滿意律師更別有此人耳並言章碎亂者碎謂瑣碎無其綱紐次第故言亂也所以尋求者非積學不知者明此列遊辭單題羯磨之文要是碩學經遠者方能了知准而行用也如前統教意之廢與考諸說之虛實者此人乃可知其義理也

余因聽探之暇顧呵群篇者余由我也謂我於聽律之餘暇竊看古師章疏我非故意看汝章疏謂正業之暇然後顧目看之翁視曰呵左右視曰顧又云傍論曰呵說文云呵者邪視也自關已西視秦晉之人名視曰呵見方言群者衆也著述非一故言群篇篇者章品之嘉名分段之別號故云篇此義廣如下篇聚文更釋也通非屬意者屬由當也著也言觀前代師所作之文皆有其失不當我情其失是呵下卽出之謂或優或劣也俱懷懷劣者明上多列遊辭及單題羯磨之家各有優劣何者是耶多列遊辭是優還

同
論延帶次

金剛經作包

機未足是劣單題羯磨是優成相不宜是劣又解若一往而判多列遊辭是優單題羯磨是劣今言俱懷優劣卽如上解好也斐然作命直其具舒者詩傳云斐者文章之貌也立云言未彰口曰斐命者召也亦云報也明我今觀此滯優滯劣之文心噴噴口斐斐今筆舒之以示於後也述曰此解非理口斐斐者字從心邊作也應作悱字見論舒者叙也伸也肇師傳云命者告也直筆者文家有韻曰文無曰韻筆有云不事義章名爲直筆也具舒者謂舒張顯現也又言作命者如有人命令我作也云命作此鈔以命召後人依行故云作命命卽召也又解斐然者此謂緝綴文章之像貌又斐者字林云分別之文也苞異部誠文者苞由羅也誠者實也謂苞括諸部律內要文將來入鈔如四分中無者謂取十誦持衣加藥之文及可分別不可分別聚落五分水界多論道行等界是也括衆經隨說者謂括檢隨經之律卽取涅槃楞伽大集十輪阿含遺教等經與律相同者卽將入鈔涅槃七法治人八不淨物等是也及西土賢

聖所遺者。聖之言正無所不通。曰聖今鈔。並搜求賢聖所作之論。將入宗也。如付法藏傳。百論多論。智論見論成論。並是西方羅漢及菩薩所作。以遺於後。故曰西土賢聖所遺也。此方先德文紀者。紀由記也。玉篇云。紀者錄也。古德諸師所述章疏。高僧名僧之傳。僧史僧錄。出要律儀。僧祐薩婆多師資傳及普照沙門道安開士所集布薩儀及諸師抄疏等。總是此方先德文紀也。搜駁同異者。搜由取駁者除也。謂當部無文。取外部同見相應者。入來名為搜也。若有異見。或文繁則刪。即名為駁也。又云。駁者獸名。其狀可畏。似馬鈎爪。鋸牙。頭上一角。居在深山。常食虎豹。今不取此義。直取除駁之義。自意云。駁者不純一也。今鈔取諸部文。亦班駁而取。則不純一處取也。應師云。字體作駁。反補角字林云。班駁色不純也。經文多從交作駁。獸名。鋸牙食虎豹也。言同異者。謂律文有同異如十誦四分。護衣則同。僧祇則異。有云。長見必錄。是搜。蓋述必剪。曰駁。長見名同。蓋述曰異。故云同異。窮。窮者窮由究也。覈者研也。長見必錄。以輔博知者。應

師云。輔者助也。博者廣也。謂即助其廣知之見。明於諸經論律中得長遠之義。我悉錄之。助成今鈔之知見也。且如夫子定禮亦然。如禮記具舍三禮。謂行夏之時。乘殷之輅。服周之冕也。今取第十三月為正者。是行夏之時也。周則十一月為正。今車是殷之車也。冠冕即用周之冠冕。皆是取長者則用。故云長必錄也。蓋述必剪者。立謂先德諸師多有蓋述。如杏子湯。非時藥是蓋也。又如甘蔗是時藥。有將非時藥者。蓋也。今則剪此諸蓋。甘蔗是時藥。押汁水作淨。是非時藥。作石蜜。是七日作灰。是盡形也。又解諸師言餘處。行是別房者。蓋也。捉遺落寶得提捉。非遺落者。但吉。此之消判亦名蓋也。言用成通意者。謂我親諸師之所述群篇。並懷優蘊。劣多有蓋述。使吾心恒介然。常恨不通。謂使我心中壅滯。今日作鈔。剪其蓋述。以遂我本情。我意已通。故曰用成通意。濟云。我不局一文。今會計諸部共行。以成此鈔。故曰通意也。或繁文以顯事用者。如下受戒篇中所為事大。故須繁文。前明能受有五。所對有六。更明八種調理。豈非

繁文顯受戒事家之用故曰也又如畜寶戒盜戒壞生戒別衆食戒對文所以繁解者由人喜犯故廣明之顯盜家之事使人行用也深云此句對上多列遊辭之句謂我繁文不同汝遊辭但爲顯其事家之用耳或略損以類相從者且如單白羯磨自有三十九種今鈔中直舉說戒一法釋其體相句數多少增減不同餘悉例之又如三舉四擯七法治人此等由事希故但釋初一呵責羯磨餘悉略也深云此句對上單羯磨之句我雖略指義有相從不同汝單題或文斷而以義連者文謂律文如諸部並無解戒場羯磨及受七日之文則義用受半月文准如法也解戒場則義斷結爲解故曰義連也深解云當部文斷義取他部文來連也如持衣加藥狂顛足數文雖不具義合有之今取他宗曰義連也又如道行水界四分無文豈無其事故義取他部文來連也私云應是指今鈔文或有斷處如受戒篇中其受戒人須先與受沙彌戒對文不立其法但言應須得少分法此是文斷然義則該含至下沙彌篇中方出與沙彌戒法也

◆中篇十

或徵辭而假來問者明今鈔中自有問答如問云尼等四人狂中三人不足數爲自言故不足爲體不足是也又如問自然界廣六十三步爲身一面取六十三步爲身四面取耶又如問自然界者爲方圓耶此並是徵辭假問也如是始終交映隱顯互出者謂爲結前文故言如是也始終者指鈔中文言前則爲始後則爲終始有終無始無終有名爲交映也二文對明故名交映映謂傍照見潘岳石榴賦深云謂此鈔中自有交映如足數中箇六十餘人不足數下羯磨文中更不出也亦如羯磨中明十種緣已下諸羯磨中更不明之如僧中將夷謗他或列犯相具緣已下九中將殘罪謗他直指十三中有緣成犯取解前則爲始後則爲終今須將有以映無將前以映後故曰始終交映也勝云如足數篇中體境俱非云僧知故不足不知故成足指如與欲時彼與欲篇中云自陳故非是僧用若不自言相中同順如足數中取僧知故亦不成持欲謂與欲中有自言故曰顯無僧知故曰隱足數中有僧知故曰顯無自言故曰隱故言隱

顯互出也

●現抄作見

并現行羯磨者立云。指官所撰之羯磨。題云。曇無德者是。恐非也。應是鈔中。自有羯磨。如諸篇中。各出羯磨。受戒自恣等。是常途現行之事。故曰現行也。諸務是非者。謂諸急要行事務中。明法則之得失。故曰是非。如受日中緣。如口是緣。非故曰非也。導俗正儀者。立云。此序下。導俗化方。篇儀則法式。五八戒儀入寺等法軌則者是也。出家雜法者。立云。此序下。諸雜要行篇也。用濟新學之費功焉者。立云。若觀此抄。竟一切法式行儀。何事不解。不假別處尋求。無費其功。失也。

●與經失

然同我則擊其大節者。立云。謂同我見者。則能唱和言大善。大好似識曲也。如一人唱歌。一人拍掌。更相應和。得其節也。有云。如左太仲賦云。巴姬彈弦。漢女擊節者是也。又如劉遺民與陸師書云。頃已領諸學徒。屢有擊其節者是也。亦如陳思王撫琴。諸人識曲。皆擊節。和謂同其所見也。勝云。如裴玄新言曰。陳蕃字無龍。爲刺史。部下。有徐孺。孺小兒子也。每談論今

●與經失

古龍有榻。常以高懸。無人堪昇。唯孺來。卽獨昇。榻去。則懸之時。人語云。徐孺下陳君之榻。是也。元龍子默。徐孺字子哩。下榻。席高。談辯論。今古。偏偏如也。同堂則。指其掌擊節。唱善。稱快也。今若斥文繁者。謂曲高和寡也。如有善琴者。鼓琴於都市。陽春白雪之曲。和者三五。爲巴里之曲。和者數萬。所謂曲彌高。和彌寡也。有云。宋玉對楚王曰。客有歌於郢中者。其始曰。下里巴人。國中屬而和者數千人。其爲陽阿薤露。國中屬而和者數百人。爲陽春白雪。國中屬而和者數十人。引商刻羽。雜以流徵。國中屬而和者不過數人。是以曲彌高。和彌寡也。又呂氏春秋云。伯牙鼓琴。鍾子期聽之。志在太山。子期曰。善哉。巍巍乎如太山。志在流水。子期曰。洋洋乎如流水。水子期死。伯牙擗琴絕絃。終身不復鼓琴。以爲世無知音者也。異說則斥其文繁者。謂情見不同者。嫌我鈔文繁言。何須如此繁說。但錄三五番羯磨。將以行事便足。故曰斥文繁斥者。安斥由陳遠也。斥指斥也。漢書云。乘輿車馬也。音義曰。斥是不用也。謂乘輿不用車馬。乘車馬人不用

●文獻作古

發明今坐禪師見此鈔則云用此何爲文太繁廣名異說也三蒼云斥者推也又呵也有云此字丁音罕又音移也移下作干謂我自在家中何用汝來干我也上畫是屋下是壁也文繁誰所樂之者謂疎上句也謂文繁非我所樂但恐行用不周事不獲已須述此也何者若略減取梗概用事恒有不足者謂我今此鈔應須盡會諸部取外宗持衣等文用事取足若更存略恐同上單題獨磨人也必橫評不急之文於抄便成所諱者此句對上句出文家之意也明過略則用事不足過繁是鈔所諱不急之言何即明善來上法受緣受體末代無緣今成廢教名爲不急我若廣談非鈔之意故曰所諱諱者忌也若更橫論此義何異前多列遊辭之輩也有云此句正指斥前多列遊辭及文在義集之人也明此義集遊辭不濟時要名爲不急也

今當度取中者謂双去繁略唯存一中當也畫曰圖畫曰度應師云案諸定古文宣書云當圖二形同胡達反下徒各反當正云當者度也議也亦計也度者量

●已釋世

也明今此鈔不繁不略名爲取中也務兼省約者省者減也見字林減緘略反約者限也少也以兼省故則不繁以兼約者則不多也有人云三種獨磨更無增減是約不事遊辭是省下文云立教意居顯約即此義也救急備卒者急謂新受戒僧尼獨事面牆不識教相交即作罪梵行之難事若倒懸亦如嬰兒仰資乳養無越此急今鈔示文軌離破壞之過名爲救急備卒者忽有緣須看文即解名爲備卒如下導俗化方分亡人物等事多卒至鈔備擬之故曰救急備卒也

若思不瞻於時事故有闕於行證者思謂緣慮已謂我心力神思不及之處則闕於行家之證也行謂戒行證是能證之教教爲能證行爲所證能證既失所證亦亡此鈔主謙言也又解我今此鈔恐心所不周贈之事者則是於時事闕能證之教非但闕能證之教亦闕所證之行故曰闕行證也只是神情思慮不逮之處則是闕行家之證行證即教也謂我若不解能證之教則所證之行亦闕故曰也則略標指趣以

今等字註

廣於後者立有兩解。初云。我今雖作此鈔。但略指而
已。餘有未盡。付將來碩學之人。廣明詮序。又云。今鈔
序中。略標指宗。意廣則於後三十門中明也。深云。我
既不賒處分多。今且略舉指趣。望後人自廣解也。
義張三位者。卽三卷文也。上卷明衆法中。卷明自行。
下卷明雜務要行也。上卷則攝於衆務成用有儀者。
攝者。統也。衆者。僧也。務事。謂統攝僧家之法事。故曰。
衆務明。羯磨論其成敗有其軌。則故曰儀也。中卷遵
於戒體。持犯立懺者。卽明受時發作無作之體。隨中
二持兩犯之行。持謂專精護持。犯則具緣成犯。犯已
聖開洗懺中卷盡論。故曰也。問受中有緣體中。卷明
體不明緣。隨中有持犯。應當說持不說犯。答緣體持
犯相依起。理合一處明。但爲受緣要假僧。故從上卷
衆法辨。若爾懺重悔殘。皆衆作何。故居於中卷等答。
懺通僧別受。唯衆作謂懺夷殘。要是僧提吉。唯是別
人作也。下卷隨機要行托事起者。謂衣藥受淨等事。
盡曰要行也。言托事起者。導俗化方受五八之戒。比
丘同住有病有亡。故立看病送終等法。並是托茲病。

今托如律

事而起。故言托事而起。想無紊亂者。指下文三十門
中委審無亂也。有云。亂糸曰紊。文運反。尙書云。亂也。
但境事寔繁者。此言生起作三十門題目意也。境謂
所對情非情之境。事謂對境修行如持衣說念等名。
爲事故。智對境卽有其事。亦可事者。羯磨也。四諍中
有事諍。卽羯磨爲事也。若此而明下三十篇無非境
事。又解一切情非情是。境事謂人法事也。如受戒殺
盜等是。情非情卽說恣壞生掘地。此事境既多。量
難科條擬宜也。擬亦是比擬也。今取物類相從以標
名首者。且如結界。總有五種。大界有三。小界有三。并
戒場爲七。今直標名云結界。方法界雖有七。相從一
名。餘二十九篇例之可解。又如說戒。卽有心念說戒。
及對首衆法說戒。而今合言說戒正儀。故曰物類相
從也。
至於統其大綱者。此下生起十門來。意大綱卽指十
門之意爲大綱也。恐條流未委者。謂三十門下各有
枝條流類。未能委悉。其中大綱意致。更以十門橫括
三十門。乃知三十門中各含十門之義。謂皆具教與

意輕重意用諸部文意等大綱者卽十門意是也條流者條卽三十篇題也謂一一條事也流者篇下所明之事類也謂我三十門中條流之內有用他部文有輕重不同教興所由等此大綱之意致三十門中未委故作十門辨統卽名此十門爲大綱綱領下三十門之毛目也只恐三十門中未識其大家綱紀故以十門示之須喚十門爲綱也方鏡曉遠詮者方由常也常由勝也又方由當也鏡者照也如懸鏡高堂萬像斯現曉者了也明也遠詮者菩提道也意欲將此十門之義明照下三十篇無法而不周謂佛何故制此教門良由必有所謂之處遠趣涅槃之果近招人天勝報故曰遠詮又解制戒之內不卽顯相在於文外詮斷惡義名爲遠詮故文云爲調三毒令盡故制增戒學又解遠詮者近而言之謂述此十門卽照鏡下三十門中之意由此十門括下三十門中二持兩犯名曰遠詮也

上來第一廣釋序義已竟從此已下第二略列其三十篇題目也問上既云十門例括卽須序後次明十

成世界

● 戒律學
● 戒律學

門何以先列三十篇題而十門仍在後出答云文勢起盡理合然也所以知者上文可不先云今取物類相從以標名首此則生起三十篇名已在前也故今列位依生起之文次第其三十篇束爲偈曰

標僧數非辨 戒綱受師儀 安忍篇隨犯
六衣四鉢治 陀像設俗客 病雜沙部尼

其三十篇生起古來相承講說至下諸篇首自出其勢今聊復預明至時任兩存取夫言立教要須先識教宗此宗所明正論持犯若順持違犯德行尊高故須第一有標宗顯德篇來也然戒德既備須有施爲卽益物度生秉御時衆秉御之最莫先作法作法之始前須集僧故次第二有集僧通局然僧雖通集未明淨穢淨便應法穢不在言故次第三明足數之相然足不離分恐中含背別淨僧雲集身口詳和穢僧星散任時語默淨若乖競作法不成故有別衆法附然僧雖華集足別甄分但情事難恒因明軌範若有緣礙聖開逸心表無乖異故有第四受欲篇也斯之四段通稱在人人體既如堪御正法法之

●區別

大要無越羯磨故有第五通辨羯磨篇也。又云上有能秉法之人。明所秉之法。作持之行。羯磨結其大科。故有羯磨篇也。然羯磨大法。隨務不同。所被之緣。通情非情之二境。次明結界。正被非情。故有此結界篇來也。又解羯磨大法。藉界為基。故有第六結界法也。然界相既明。所依之處已立。即須興建正法。滅惡生善。滅惡之方。勿過三舉四擯。此是住持之儀軌。攝御之宗綱。故有第七僧綱大綱篇也。然僧能弘法。滅惡已消。內德外部。堪生物善。生善之本。無過受體。故次第八明受戒篇來。然受本護持。寧死不犯。脫有緣難境。容生毀破。聖開遺淨。使來去無瑕。故有捨戒法附。且衣鉢受持。無宜替忘。且防六聚之罪。故有六念法附。然雖受聖法。未解護持。觸事生迷。要資師匠。為成已益。示離顛尾。故有第九師資相攝篇。然師弟位立。戒相須知。若不半月宣陳。無由警策。時衆故次第十明其說戒篇來也。然衆已聞戒。勇勵專精。理應三月靜緣。九旬進業。若遊行無度。損物招譏。故制安居端坐修道。是故第十明安居篇。然安居制限不可來去。

●不疑亦

●名一作集

●指歸

任情但為忽有緣。投自他兼益。要必須計聖不開聽。但住既立。儀去須有法。故有受日法附。然九旬同住三月共居。永時長恐多憊。過故遞相懺謝。恣僧陳舉。故有第十二自恣文來。然安居德備。自恣無憊。僧別清高。任其受利。德衣蔭大功。被行人。故有迦絺那衣法附。此上十二篇。屬於上卷。謂總明僧法。其中隨務雖通。別人攝末歸本。通名衆務。次篇聚名報已下。應有四章。屬第二卷。局在別人之行也。夫欲明持犯。使離過行。成須先示犯報淺深。使懷歡戚。故於隨戒之首。且明篇聚名報。既知持毀得失。報果差分。即須依位顯相。照彰消釋。故有隨戒釋相篇。然隨戒之中。相貌雖顯。然心境大趣。其指猶迷。故次一章通用該括。名持犯方軌也。然持犯兩相。名體已彰。上士則專精護持。中人犯已能悔。悔則復本清淨。還同白法。但懺之儀。軌律有憲章。故次有懺六聚法篇也。次下十四章。屬於下卷。謂隨機之務。托事而興也。中卷明示持犯洗滌形心。形心既淨。堪受衣食。食則充內。以遣氣虛。衣則資外用。障寒苦。故有二衣總別篇來也。上

雖衣足蓋形復須食以充口。故次明四藥受淨篇也。上明四藥食體已辨。須得能盛之物盛持之要。無越鉢器。故有鉢器制聽篇也。然鉢盂應器。佛制隨身。用將分衛。猶如鳥翼隨緣長。道去留無礙。但中下之流。未堪此教制。令分衛終喪溝壑。聖開房舍什物。故有五行銷度法附也。但衣食義足。房舍事周。若受納乖儀。翻成罪累。故有對施與治篇也。食觀已委。離染行成。罪累不立。宴坐修道。頭陀之行。超卓不群。故有迦葉糞衣佛親分座和先節食名供養人。故有頭陀篇也。但自行雖修。事須謹敬。恐藉勝業。自恃輕人。故有僧像致敬篇。敬儀既立。禮儀被時。進止可觀。能生物信。多有請福。須立規模。對事無倫。見不生善。故有赴請設則篇也。但道俗形乖。雖福慧兩別。相依而形心獲安。既受彼事。資須報以法藥。義有開導。須得其方。故有導俗化方篇。雖七衆奉儀。一方清肅。恐異域瞻仰。有觀化上賓。舊住新遊。焉無主客。理須接待。義響遐彰。故有主客相待篇。然賓主之禮。儀已知通。塞然坏形幻質。生滅是恒。百一易侵。四蛇難養。道朋同住。

遞運供承。報盡緣離。斃骸須瘞。故有瞻病送終篇。上雖隨事科擬。然雜務猶多。齊聖所言。寧容脫漏。故立一篇明雜要行。故有諸雜要行篇也。此上諸門。出正業。僧別二行。大僧厥儀。下位相依。須明軌則。故有沙彌別行篇。上雖約戒。有具未之殊。莫非男位。但尼女暗弱。觸事生迷。若不宜示軌模。理行何由可識。故有尼衆別行篇。上但一家行事。採集相成。至於諸部別途。非無異執。若不略披相貌。將恐後進。懷疑。故最後一篇叙分諸部同異。故曰也。

上來第二略釋三十篇名。竟從此已。下第三正釋十門義也。

第一序教興意者。就此門中。總分四別。一序佛在世對機制戒教興意。二明佛滅後對外道有結集教興意。三對及宗教興意。四明當部教興之意。有此四別。如文可尋。又解云。就此門中大分二別。初至上則通明教興來。是明教興通意。二從今撮當宗以辨。下明教既已興。當宗中自含差別之意。就初通意中。自有三別。初至人下。明對機制戒意。二對外道下。顯於廣

上機止

方機高

教異彼外道之無法顯我有法意三對異宗下明廣教被於多機各自遵行俱得獲益然當部最爲勝意後分文好

夫至人與世者謂佛爲至極之人故曰至人唯佛一人得稱至人獨盡苦原故又云如來至真等正覺是也爲化衆生出現於世王宮誕質八相成道曰與興由起也法身無形爲物故形示同衆生故使可見迹如來去應現曰與益物有方者方由法也佛既與世說法度生施造方便皆稱利益故曰益物有方也隨機設教理無虛授者謂佛說方法皆爲利益衆生非爲虛授善知性相隨於根機所宜欲得人天即說五八欲至佛果即說大比丘無願毗尼宜聞三乘即說三車等喻宜聞一乘則會三歸一說常樂我淨故曰隨機設教皆欲引至菩提故曰非虛授也佛有二智謂根本後得也若根本智常緣真如不動若後得智流化三界度脫衆生分身化物也又解此律教之興務先益物但由群生滯欲欲本所謂我心大聖隨其所懷開示上心之法然則心爲生欲之本滅欲必止

平機手

心原止心由平明慧慧起假於定發發定之功非戒不弘故知此教之興隨機說也又解隨機設教理無虛授者如世大醫將藥救病以識病故無不獲損如來法王知根解法將法投根無不利益故無虛授除佛一人餘無能也如舍利弗教金師之子骨觀浣衣之子數息觀爲佛所呵不知機故金師之子應令數息浣衣之子應教骨觀可知又解隨機設教者如教有廣略不同爲機有利鈍不等也如初成道所化機利但說略教即能護持未假廣教示其名種即如戒本下文七佛之偈通名略教是也於後根機漸鈍即說五篇等教如上加行卷中已說四佛制廣二佛制略損益義竟論云依大慈門說毗尼者明如來於四無量心中以大慈心中闢不諱之門示秘密之深術曲授秘方偏賜內衆下文以秘故勝故不爲俗說意在此也論謂毗婆沙論第一卷明之云修多羅依十力故說也毗尼依大慈故說也阿毗曇依無畏故說也自意謂佛有大慈悲十力四無所畏等也言大慈門者如涅槃云如來慈有三種一緣衆生慈緣於五

陰所成衆生願與其樂二緣法慈緣諸衆生所須之物而欲與之三者無緣慈不住法相及衆生相是名無緣慈也經文廣不寫疏家出意如此耳又解慈有三者一緣衆生慈緣於五陰假名衆生也二緣法慈者謂緣假名之法也三無緣慈者謂衆生及法皆無有實也

故律云世尊慈念故而爲說法者律卽四分第六十卷云佛在跋闍國中問諸比丘言汝等謂我爲衣食臥具床蓆等爲汝說法耶比丘言不也佛言汝以何心言我爲汝說法耶比丘答言世尊以大慈故爲我說法耳

二爲對外道無法自居者此下第二段明結集之意又可明佛在日對外道有此教興也所以知者故今文云故制斯戒豈是結集家制耶思之言無法者望無可軌之法非謂無邪法如五熱炙身投巖赴火等是也如彼立法云若犯姪者不得姪師妻自餘婦女通皆無罪若盜唯不得盜師金此得重罪論殺唯不得殺牛餘盜殺者皆無有罪此等並是無法自居也

顯佛法人尊道高故制斯戒者以佛是三界大師人天尊貴無有與等爲世特尊故曰人尊所說之法能軌成物善依之修行使隔凡成聖如此之法可珍可貴異於彼見諸邪之教故曰道高也

觀下律中凡所制者並懷異術者下律增三文云世尊何故制增戒學爲謂三毒令盡故制增戒學意明盡茲三毒定慧復明惑盡解圓斷諸苦際名曰異術又言凡所制者此指一切是佛制者有異意如五八十具明約機而立取其遠意皆至菩提是異術也又解因佛制不壞生掘地王臣息心不得策役比丘是異術也自解云觀今文意言異術者謂異於外道如律云瓶沙王請佛同外道八日十五日聚集來往我因得供養佛因制半月說戒不與外道同故言異術又一一戒中皆不與外道共有故言異術也如五篇七聚外道皆無也所以得知今文云異術是異外道者尋下句來意故得知也故下句云若不撰結則令外道以致餘言等明知異術之語是異外道耳故文云若不撰結則令外道以致餘言者文謂四分五

中經釋

中經釋

百結集中文也。其緣起廣如律文可尋。四分別鈔緣首疏云。如來在世。隨機施教。利同塵沙。今滅盡應。還將其泥。曰。委囑迦葉。波離阿難。欲使傳佛誠言。載傳竹帛。利益末代。意在流通。若無撰集。則令教法崩頽。又招誹謗。即律下文云。勿令外道以致餘言。沙門瞿曇。法律如烟火盡。烟滅。佛在世之時。比丘皆共學戒。今既滅後。無學戒者。是以迦葉唱言。普告大眾。如來既滅。世間無師。傷失匠益。諸所念法。心重。令結法藏。以報佛恩。令法不滅。所以於須彌山。揚槌說偈。集此羅漢。勸莫涅槃。且結集法藏。以報佛恩。欲使佛教流通。末葉息外道餘言也。上釋外道無法自居義竟。

三爲對異宗故來者。此下第三段對外宗教與意也。言多別者。如羯磨序云。初則二部五部之殊。中則十八五百之別。謂根本唯是上座大眾。二部一百年後。分爲十二部。二百年後。分爲二十四部。百年後。十八部并根本。是謂二十部。所言上座者。佛滅度後。大迦葉波於閻浮提得五百無學。於王城結集。迦葉年老。

中經釋

時居會首。因此立名。名上座部。後有異方小聖不聞。此會自於城外結集。人數既多。名大衆部。故知當結集時。已分二部。故宣云。原夫上座大眾。創分結集之場。五部十八流宗。百載之後。雖分五部十八取後流傳。今行世者。其唯五部。然五部者。皆從上座部流出也。後乃離分。既非其一。故云多別。至時可尋分部圖。臨講誦出。

且如薩婆多部戒本繫略者。明十誦戒本中有太繁大略之過。且如衆學戒中。明齊整著內衣及著三衣。有十二个戒。此則爲繁略。無不敬塔嚼楊枝等戒。復名略也。四分則不爾。直云齊整著內衣。攝無不盡。濟云十誦戒本於衆學中。不滿百戒。曰略。其單墮中有九十一。墮曰繁也。今詳浪破。然此四分律中。亦有繁略。如尼單提中。比丘尼以香油胡麻。塗身。總立七戒。一香油自塗。二胡麻澤自塗。三使大尼塗。四使式叉塗。五使沙彌尼塗。六使白衣女塗。七使外道女塗。皆波逸提。此豈非繁。唯壞生掘地自作教人合制一戒。今遂約境乃立多戒。豈不是繁也。言指體未圓者。

立云指是宗亦云教指指由心也。體謂戒體。明彼宗之中言表無表戒俱用色爲體云。表既是因。無表是果。因既是色。果何非色。此宗不然。作戒是色。無作非色。心以色可惱壞形段。方所無作之體不爾。故斥彼未圖其指字。須從手作。指謂彼宗擬戒體未圖。故曰也。接俗楷定於時數者。謂與俗人受五八之戒。名爲接俗也。五戒要終身。八戒要一日一夜。不許延速。是時楷定也。受五定五。不得分受一二三。受八定八。不得增減。是數楷定。云多論所明。受五八戒具受方得。卽難云。何故經云。一分乃至滿分。憂婆塞者。答此據持有多少。故云一二分等。非謂受中一二也。薩婆多雖執此義。自與本律相違。案十誦皮革法中。億耳憂婆塞與諸商人入海採寶。船破失濟。伴死獨存。迴還經餓鬼城。到一樹下。見有男女。顏貌端正。著天寶冠。共相娛樂。夜過女滅。卽有狗來。噉男女肉。億耳恠問何緣。乃爾。答言。我先作屠兒。迦旃延化我。我言先祖常習此業。何得不作。遂教我言。晝既屠殺。可受夜戒。由是今生。業報如是。億耳前行。復至一樹下。見有

男女。晝日娛樂。如前廣說。此由好淫。迦旃延化言。夜既貪淫。應受晝戒。故我等今生。晝樂夜苦。億耳還來。具說所見。因就迦旃延出家受戒。據此律。亦有分受。然多論第一婆沙百二十四諸大論師共會此文。且婆沙云。如是所說。當云何通。謂若不許晝夜分受。如上律文。當云何通。答彼妙行。攝非是律儀受妙行。果非律儀。果是以無過復有說者。是彼尊者迦旃延神力化作。非是真實。令俱瞋_{億耳}。獸世間故。故不須通復有說者。亦得分受。許曰。前說爲善。晝夜戒。故今若許分受。乃當婆沙不正之義也。若准成實第十二卷七善律儀品云。若但一日。或但一夜。若半月。若夜。隨能受得。准此成實。則許分受。部別故也。若准俱舍十四頌云。近住於晨旦。下座從師受。隨教說具支。離嚴飾晝夜_{迦旃延}。要晨旦受此戒。也要經一日夜也。下座者。要就卑座也。從師受者。無容自受。故也。隨教說者。要遂師語。勿前勿俱也。具支者。要具八支也。離嚴飾者。離綺逸故也。晝夜者。終晝一夜。至明便捨也。俱舍論主依大毗婆沙正義造此論故也。御法例通無准者。御謂

秉御也。法即羯磨。明秉羯磨聖法。若作單白。加白二。亦成衆多白。亦得。若作白二。加白四。亦成作衆多白。衆多羯磨。皆得。唯得增爲佳。不得減。故言無准。若作白四。加至白五六七。皆得。故曰例通。以類於僧四人說戒。此且約少爲言。五人六人。豈不許說於戒耶。人既得加法。亦應爾。

今曇無德部人法有序者。立云。一人唯得心念。二人對首。四人秉羯磨。衆法少。則不成。名爲人有序。又解。人謂能秉法人也。如十誦用四人。五陰實法爲僧體。此宗不然。直取四人和合。謂同戒見等。以爲僧體。羯磨疏云。僧者以五陰實法爲體。總陰成人。人爲別用。謂一人秉心念別法。四人和聚成於僧用。故俱舍云。僧和合者。以不隱沒無記爲性。行陰所攝。又有人云。約律准論。取成實意。攬指成拳。攬陰成人。人假爲體。實法無用。四人假用爲僧之體。而用更無別體。還以四人陰本爲體。如身口業無別有體。還以色聲爲體。今存後義。此名人有序也。又慈解云。人有序者。人謂所爲之人。法謂將五八戒法授與前人。皆有由序。

●增入爲字

也。亦可人者。此四分受戒。須十人清淨。十誦破戒。和上黃門。和上不現前。皆名受具。又釋言。人法有序者。指羯磨之法。皆有由序。單白。白二。白四。及對首心念。乘法不成。有其楷定。又白等三法。必有指約。不得加之。不同彼宗。加多爲善。故戒本疏云。獨斯一宗。未懷支派。良由師稟有由。知時不墜。故也。又解。法有序者。不同上多宗。戒本繁略。此宗戒本。正有二百五十何者。如四重四提舍尼。爲八加二。不定爲十。加九十。爲一百。加衆學爲二百。以十三配七。減爲二十。加三十。尼薩者。爲五十。正成二百五十。此名法有序也。又解。此宗以非色非心爲無作戒體。指體也。國故言。人法有序也。言軌用多方者。謂法用濟時。多有方便。亦多有方法。提誘唯存生善者。對上接俗。楷定時數也。賓云。依成實宗。五戒十戒。要盡形受。唯有八戒。隨時長短也。提誘誘引俗人。爲受八戒。不局長短多少。隨能與法。不限時數。一年一月一戒。二戒。任彼前人好樂多少。如受一戒。名一分優婆塞。乃至盡受名爲滿分。務存生前人之善。開發信心也。立教意。居顯約者。對上御。

法例通無准顯者明也。約者限也。謂法明如秉臬白。白二不成。若秉白二白四不成。故文云如白法作白。如羯磨法作羯磨也。翻前無准三種羯磨對衆宣白。文句須明名之曰顯。不得加減限齊於此。故曰約也。上則通明教興者。結上三段之文。正是通家大教之興意也。今據當宗以辨者。生起下文第四當宗教中有輕重開制持犯之意。就中自分五段。如文可尋。問前言對異宗故來。與此文。中令據當宗以辨有何簡異。文相似繁答。前是對異宗明四分之教。顯異餘部之意。今此言據當宗辨者。明四分教興意。中自有五段之異。

夫教不孤起者。謂若無機緣。佛則不說。故曰教不孤起也。言起必因人者。謂有漏病生法藥。隨被也。如身子請佛制廣教。佛言且止。我弟子未有大名稱。未有利養。未有有漏法。所以且止。我自知時後。因此丘不勝名利。造有漏業。壞其略教。有須提那。還家乞食。因行不淨。卽制初戒。復因林中比丘起過。制三題同犯。及檀尼迦制盜戒等。皆因人起過。隨制禁之。或有一

人犯多戒。有多人犯一戒。也。人既不同。教亦非一者。立謂人人各犯緣起不同。二百五十隨犯卽制。非一時頓制也。又云如五八十具。皆因人根不同。故教非一則也。故攝誘弘濟。軌用實多者。弘由廣也。濟謂救濟也。謂佛大慈救濟衆生也。人既不同。故攝持誘引方法則多。此語同前。軌用多方。義也。貴在得其本詮。至條緒者。此明佛制教意。實存斷惑。終獲道益。教爲能詮。道爲所詮。藉教見道。本詮之意。意在道也。故一毫之善。皆趣涅槃。語涅槃爲本詮也。言誠難覈其條緒者。條是枝條。緒是端緒。明佛立教意。欲令識根本所詮之趣。問其枝條次第。實難尋。遂測覈。謂須得本何須論末。說文云緒者絲端也。廣正云緒由末也。餘也。亦事業也。誠者信也。覈者實也。明四分律藏條數極多。一戒一經。總有六百一十四段。中間教法既多。實難尋究其本末。故曰條緒也。皆是趣果眞詮軌聚。但使識其本意。何須覈教之始末條緒也。條緒卽如或在其處。制其戒。或爲其人。緣其事。今若一一覈其人處所事。實亦難尋。故曰也。所以約開制驗。指在爲

人者如儉開八事曰。開。豐時還禁曰。制豈非爲人又云。隨三品根性不同。卽有三衣之制。百一開聽之教。並爲人也。又如分別功德論中。天須善提七寶房舍。一夜得道。豈非爲人。故開餘非爲道。一杯之水。一納之衣。亦不開之。況七寶房舍。耶。顯持犯。諒意存無過者。諒訓信也。謂顯持之與犯信。存離過也。又釋云。諒者。亮也。亮由相也。顯持犯相。意存無過也。勝解云。如來所制。是持是犯。並皆可信。卽言持犯可信。卽須遵行。不令有犯。故曰。意存無過也。今束一律藏。以五例分之。至可見等者。謂教中差別。不出此五種例也。一。過性往分者。宣云。如斫伐草木。墾土掘地。體非違理。威儀塵醜。不光俗信。聖未制前。造作無罪。由非正業。無妨福善。自制已後。塵染更深。妨亂修道。招世譏謗。故名遮也。所言遮者。能遮正道。故言遮惡。解云。由遮故。累禁遮惡。故名遮戒也。言性戒者。如十不善等體。是違理。無論大聖制以不制。若作違行。感得苦果。故言性惡。是故如來制使防約。若不制者。業報三途。不在人道。何能修善。故因過制。從本惡以立名禁。

性惡故名爲性戒。此之性惡。能遮於福。若前之過惡。能遮道。故首律師疏云。若論性戒。捨惡以求福。若論遮戒。捨福以求智。此是道分善。故龍樹論云。十善對十惡。名爲舊戒。五篇七聚。名爲客戒。前十善惡不假制。有若論篇聚。必假聖制。意明今將此遮性二文。徵其教與之意。則得識遮性之與本意。故曰。性徵等也。性惡通於化制者。如殺生姪盜等。經中還結業道之罪。制教中又科夷等罪也。亦如五逆十惡二教。同有其罪也。遮則不爾。唯犯制教一罪。無違化教之德。又准心疏。言謂性惡之罪。俱違化制兩教也。以其體是違理。無論制與不制。作俱有罪。如三千威儀四句辨之。或有犯佛法罪。非世界罪。如制戒後畜財離衣等。是。二是世界罪。非佛法罪。如來未制戒前殺盜等。三俱是者。制廣教後犯姪盜殺等。四俱非者。未制廣教前殺草木是也。以此義推。未制廣教前無問道俗。雖無教可違。隨作性惡。但犯業道。故經云。是殺生殺生報。雖是妄語。妄語報。此見化教。佛制廣後犯者。又得違教之罪。此是制教。故曰。性惡通於化教也。遮戒因過

便起者。謂爲俗所訶。沙門釋子。壞生草木掘地等事。夏中遊行。闢傷物命等。佛卽制安居。以彼外道俗人。計其草木有命。佛因制之。亦如不受食。食爲人所呵。等。廣如下九十中。不受食戒明也。

然則性戒。文緩義急者。濟云。唯約性戒。文緩義急也。其遮戒。不得云。文緩義急。如怨逼行姪。開與境合。是文緩。三時禁樂。是義急也。又解。一一戒下。皆有開通之文。是文緩。若心境不差。並結正罪。是義急也。謂隨諸重戒。並有開文者。如戒戒下有開通文。是也。如殺戒。人作非人。想畜生。想闍。皆開不犯。重餘性戒。例知。今言隨諸重戒者。謂初篇四戒。名爲重戒。二篇已下。防其重戒。既從重戒而生。故曰隨也。四重。既有開文。下戒隨此四重。是性戒者。亦應有開文也。准濟解云。文緩義急。惡局性戒。今隨諸重戒者。但合是隨四重之性戒也。謂皆是四重之種類。不得是遮戒也。又上言性戒。文緩義急。既的語性戒。明非遮戒。遮戒下門。會自別明耳。文雖是開。開實結犯者。慈云。如大妄語戒。開文若戲笑說。開不犯。重還得吉。竊故言開實結。

犯夷吉雖殊犯義。是一又如姪戒。若爲怨逼。開與境交。雖開境交。若三時中。隨一時受樂。還後結犯。故曰開實結犯也。又勝解云。文雖是開。開實結犯者。釋上義急意也。隨諸重戒。並有開文者。釋上文緩意也。縱成持也。持之寔難者。諸如姪三時之中。難以禁持。縱得成持。持之大難也。下卽出難持之由。且舉姪姪二事也。毀咎始終慈救者。說文云。咎者呵也。鄭玄云。口毀曰咎。意明毀咎。皆開通文云。若慈心毀咎。弟子不犯。謂心有慈濟前人之意。令彼因我咎。故改惡從善。若有此心。咎他不犯。雖然。縱有此心。始終難。一初罵曰。始罵了曰。終故曰。始終深云。宜作四句料簡。一內有嘆心。外無利益。謂自心懷毒。皆其前人。前人不改者。是也。二內無嘆心。外有利益。三內無嘆心。外無利益。四內有嘆心。外有利益。四句之中。唯第二句得行。皆法。謂內無三毒。外復益他。也。既是根本貪瞋等者。謂結上二文。姪是貪爲因。咎是瞋爲因。此是衆生心中之毒。故曰根本。期之本毒。無始鎮懷。雖復欲禁。憤習難捨。故曰何能。禁心無逸也。故知義存急護者。此

句通結上文於姪三時無樂是急護毀皆始終懷慈亦是急護也上來總是明性戒文緩義急之意也遮戒一性制止有益便開者意明遮戒一制已後不令應開爲有其益体非違理隨人情故所以取開如至儉時聽開八事爲安身存道有益故開也又如安居是一往制若有生善滅惡之緣故開受日去是也又如壞生掘地當時制竟忽有野火燒寺聽護伽藍聖開掘伐是也又如行險欲倒聽捉草木枝葉隨捉隨斷更開後捉爲護身故是益便開也開之過與還復令制者如上險開八事若至豐時還後招獵不生俗信名曰過與還復制也又解如本制畜三衣是一性制止後爲寒苦不能進道爲其安身之益故即開畜長故曰有益便開既因開故貯畜過多招獵妨道名曰過與即制說淨故曰開之過與還復令制也豈非存化俗恐墜枉坑者此句是通上文意也又可云結上文也枉坑者地獄也書云罪福無門唯人所召今謂儉時行八事俗見不訶豐時猶開者俗人必生驚勝既讓且誇生報必然今愍其生報須遠讓疑莫

於豐時行八事等故曰爲存化俗也諸地獄爲枉坑者順理而行不墮地獄橫造非法故落其中名爲枉入也大慈設教意唯檢失者此下通結遮戒二戒教與之意也檢失者慈云檢是印署封閉之義故經云檢繫其身卽斯義也意明大聖見過卽制不令爲作如封罌身口不令有過失也爲口是禍門舌是破身

四分律鈔批卷第二本

四分律鈔批卷第二末

江東杭州華嚴寺沙門 大覺 撰

斧欲得體安全閉口不須語卽其義也又解且取檢閉其俗人譏呵墮枉坑之失故制遮戒恐招惡報之失故制性戒也應師云檢者攝也釋名云檢者禁也失者過也檢亦繫也故律中云沐浴疎頭速疾檢髮據此檢是繫也立又解檢失者如厠庫官物封印門戶一閉已後不許人開名之爲檢如來制戒亦爾一受已後不得毀破喻如封印不得輒開此是檢義也

則得罪此是失義罪卽失也。只是檢閱身口過失也。母論具立緩急二儀。至以通望也。等者檢彼論云。犯罪凡有三種。一緣卽須提那與本二行欲他。二制謂因犯卽制。若比丘行非梵行。波羅夷不共住。三重制卽是林中與畜生及死馬等行欲也。復有三處決斷。非犯一緣二制三重制。緣者佛未制戒前初作者是緣也。二制者謂最初作姪人不犯是制也。三重制者若比丘爲強力所逼行欲不受樂不犯名爲重制。此三處決斷不犯此上約姪戒作也。更約盜戒作之。如檀尼迦盜瓶沙王材木是緣。若比丘不與物盜心取。乃至不共住是制。後有遣使取燒埋壞色佛制同犯。是重制。重制有二。一緩二急。下至草葉不得盜是急。若有主物無主想取不犯是緩。復有三處決斷不犯。准前思可解。餘下一戒例然。論文如此。講人相承云。比丘欲行姪聽捨戒還家是緩。乃至不得共畜生是急。若爲怨逼與境合是緩。三時禁樂是急。盜約無主相不犯是緩。有主下至草木葉不得取是急。殺則迷人無相殺無罪是緩。下至蟻子不得殺是急。妄則

●釋字九字
經子注

說時前人不解不犯是緩。下至戲笑亦犯是急。故云具立緩急二儀也。言尋之以通望者。謂二百五十戒皆有緩急二儀。今應將此二儀通望一切戒。若解其緩急之意。則識大聖制教意在檢失也。又可引此二儀意者。欲成上句義存急護之言也。上來釋遮性往分義竟。

二以開制往徵教則通於二世者。明教中有制有關。今據此開制之文。徵教與之意。故知此教通於現未二世也。謂如五分雖我所制。餘方不爲清淨。則不應。用雖非我所制。餘方有益者行之。如多論寒國用皮爲三衣等。比丘命過此皮三衣同十種衣分之。此一既爾。餘亦例然。但非破戒之事。則餘方一切皆開也。故制已更開。開已還制者。如五百結集。中迦葉集。既了時。有長老富羅那聞王舍城五百羅漢集法。毗尼智度論結集有千人也。卽與五百比丘往至王舍城。到迦葉所。自言我聞如是事故。來欲豫其次因。更問憂波離。乃至更集爲三藏。一如前說。彼語迦葉言。如向說者。我悉忍可。唯除八事。我親從佛聞。憶持不

忘佛聽內宿。自煮自取食。及僧俗二食。水陸兩果。此四不作餘食。法皆聽得食。迦葉答言。實如所說。但世尊以穀實時。世人飢餓。乞求難得。慈愍比丘。聽此八事。時世還豐。食飲多饒。佛還制斷。彼復作是言。大德。迦葉。世尊是一切知見。不應制已。更開開已。還制。迦葉答言。世尊是一切知見。故宜制已。還開開復制耳。爾問如來結戒。何故或制或開。答凡聖人制戒。開則通其益。遮則防其過也。此通未來教者。立云。如迦葉所答。儉開豐制。明此教雖是佛在時制。然亦通於未來行用。故曰。通未來教也。有人云。此通未來教也。者。緣有通字。義則難見。正意只道五分教是佛自說。故曰。此如來在世教也。四分教則是結集時。迦葉說此言。以據佛在日。望結集時名。未來也。自意云。通未來教者。卽是迦葉能開通於未來教意也。謂佛在日。開此八事。猶未再制。未有制言。迦葉結集之時。時豐爲更制約。其諸比丘。競呵迦葉。如上已明此義。竟五分雖我所制。餘方不爲清淨。則不應用者。立云。五天竺之外名曰餘方也。猶如西國用巨摩塗爲淨用。

手搗食。此等制雖是佛立。且如此土邊方。將爲不淨。不得用也。又如佛制比丘云。有出家者。制與剃髮。不由國王。卽由父母。此方國法。不得自度。要由國王。豈得仍依本佛教也。雖非我所制。餘方行者。不得不行者。如國王制。僧不得入城市。非時午後。道行入俗等。佛教中有緣。開白入聚。故言非我所制。由王不許。須依王教。故曰。不得不行。故多論中。違王制。故吉羅。又如提匙。筋箸。靴履等。並非我制。而餘方將爲淨者。必須行之。此如來在世教也。者。謂如五分教。佛自彰言。故曰。在世教也。有云。此五分教。正制未來。傍兼現在。所以知者。既語於餘方。不爲清淨。等。明知佛意。當來餘方有此事也。上四分則是正制現在。傍通未來。謂現在已開制於八事。竟未來飢儉。還例准開。故前云。此通未來教也。

然二教相融互兼。彼此者。覺云。五分曰。彼四分曰。此五分中。教亦通四分。四分中。教亦通五分也。此解是二教者。五分現在教。及四分未來教。名爲二教也。融者。明也。兼者。并也。此明上之二教。互得相通。未來教。

通現在現在教通於未來如此釋者只是結會上文也上來釋第二開制往微義竟

三以報有強弱教亦重聽者立云如上根人制四依行中品畜百一物下根畜長衣乃至房舍等言重聽者有云下根弱故開已復開故曰重聽如開畜長十日令說淨又忘更開不犯故言重聽聽即開也謂聽上加聽故曰重聽也亦可根強者制是重報弱者則開是聽如上行之人教則重即四依行也下品人教則即七寶房舍也以隨報故若一向唯制無開中下則絕分若唯開無制則上行慢求故須二教被於三根有輕重之異也就制則深防限分者如用水是深防飲虫是限分也又殺是限分打搏是深防故戒本疏云深防限分者初解深防有通有別通者無聖戒制為止業因造業之來必由三毒非可卒禁且約身口二業制戒防心故制四重以爲道體對四制也餘並號爲深防恐犯四根本制餘令護何以知然如配戒種類說如下持犯篇中廣明此義所言別者如禁微防著例曰深防如尼觸臂犯夷等類所以爾者

◆持入後字

◆牛耕手

女人性懦制不由已恐被違逼情亦自發故須深防餘同前解此後釋應今釋也言限分者亦有通別言通者通爲防心一切緣想無非我倒因之結業遂墮生死故隨限分還制其心故律本云發心作心念作皆名犯也言別者如先云制爲當機止存力分若不能行雖作無犯如漏失僧得僧殘尼得墮罪者即是限分之根也所以爾者僧是丈夫煩惱輕薄其情易制故得重罪尼是女弱煩惱垢重若斷重罪苦惱衆生存其力分制其輕過後解當今文也有人云聲聞具防身口未能禁心菩薩一向制心斯並限分義也約行山世不同者山謂闍若閑靜之處世即聚落之間欲明上士居山而求道下士依世而養身此約報力義也且如闍若無人之處開遣淨人火淨米已自養食等亦開從牛受食及無知小兒畜生等並成在聚落中則不許也若論報強弱上品制頭陀闍若之所修行中下品者聽依聚落不妨修行故曰約行等也此解應文深云如是具已佛令五年學教依止師僧女有上行樂靜之人處山閑離依止無非此是約

行山世不同義也。此上深防限分約行三種皆據報有強弱設教所以不同。上來釋第二報有強弱教亦重聽義竟。

四以機悟爲先教門輕重等者。大聖制教初與本無異。後人神解自異。隨機悟入不同。致有五部之差。乃至十八之別。言機悟爲先者。謂樂欲不同。悟有先後。悟既有其先後。所見則亦不同。見既不同。教門即輕重致隔。故曰爲先也。言輕重者。僧祇四錢三角犯重。四分得蘭是輕。如五分想與疑俱結根本以疑心通是非。故殺人起疑心爲人爲非人。作此疑者結重。四分但闕又如十誦一切器皿二斗已下應分是輕。四分一切器皿不分是重。又如說廣略二教本是。被機有宜聞略。即說一偈有宜聞廣。即說五篇云云。五部異執豈不然耶。若此句結成上機悟不同之意也。對此須明異世五師同世五師五師之緣如上卷談云。第四分部時節門中廣明此義竟。

五以事法相對者。如受戒等是事。羯磨是法。又如三衣一鉢是事。如法受持是法。謂將此法用被於前事。

故曰相對既有其事則須有法。因對事須法。故有此教興來也。法唯楷式者。謂一切羯磨辭句不得增減。要須軌定。且如持衣說淨之法。要須辭句分明。不得錯脫。故曰楷式。式是法式。楷是則也。乖指則事不成者。立云指由意。謂是佛意也。由作法乖儀則乖佛意。以乖故作法不成事亦不就也。勝云法唯楷式。乖指則事不成者。此明法托事而起。即制法以楷定。若乖本制意求法亦不成。如開離衣羯磨。本緣人病衣重。今人病衣復不重。若乞法者乖本制意。故曰乖指。雖復加法事無不成。何以故。以事不應法。故也。事通情性者。此明法所被事。事含情性也。慈云且約情通智慮利者。曰情智慮鈍者爲性。如新生小兒體性自知苦樂憂喜名之曰性。漸漸長大更增其智名曰情也。如云大有情思等。又言性者。謂人生世間稟五常之性。亦是性識之性。並通善等故名爲性也。情者。謂人各有情欲不同。遇善遇惡情相染習。故云情也。又解情性者。情謂有情之類也。謂如爲人受諸戒及治穢等是情事也。言性者。謂是金木水火土五行。此曰非。

● 戒律部

情即如結解諸界分功德衣亡人衣等並是非情事也。性中攝之謂有識之者曰情。無識之者曰性。所以爾者如地水火風各有體性。如地以堅爲性。水以濕爲性。火以煖爲性。風以動爲性。又如火上水下風輕地重。皆是其性。性取不改爲義。隨境制其得失者立云。謂隨有情無情之兩境制其得失。如持是得犯。則是失。且如情中有持犯者。如不殺是持名得殺。則是犯名。失性中亦有得失者。如不壞生掘地是持名得若掘是犯名。失又勝解有情家得失者。如爲人受戒身無遮難者。發戒名得有難不發名失。無情得失者。結界唱相托處分明。結成者名得唱相不明作法暗托結界不成名失。濟同此解。又如治人或有藥無病。或有藥有病。施不相當。並名失也。或托三性之緣者。卽善惡無記也。善性犯者如比丘拔塔上草爲女說說法過限等言。惡性者如瞋心打搏殺人畜等言。無記者如不攝心意。懷生草木掘地等。又談話世俗是無記也。又如俗祇律文摩帝互用三寶物山中坐禪比丘食殘宿食一乞留多日不惱俗人自得靜緣。

修道此並善心。由此三性而造罪。故有教與也。又解三性者。謂貪瞋癡爲三也。若貪三境行姪者。名從食起。若姪怨家名瞋心起。若共母女姊妹六親行姪名從痴起。就盜論者。樂財故盜是貪。盜怨家物是瞋。謂無業道而行盜是痴。戒疏中約緣之三性。明不論心之三性也。疏云。託善緣以與教者。如坐禪誦經講導開悟。必以正命居懷制伏煩惱。此名善法。師求名利邪命。自居相離是善。反成貪毒。壞心障道。勿過於此。是故大聖與教防之言。不善緣以與教者。如十惡等體是不善。能感三途增憊障道。故聖因過起立教防之無記緣。以與教者。如草土體雖無記。若作不已。外彰譏醜。故制防作者。犯墮謂就草木緣性是無記。此上三種並從緣說。非就心思之此解。應文或隨世譏而起者。如非時乞食。被女悲詞云。寧破腹莫非時食。又夏中遊行被呵。不及鳥獸。尙有巢窟。故制安居。如不受食。呵言不與。而取與賊何殊。又如教尼逼暮早從城入。譏言夜共姪樂。晝便放還。又斬草捉寶等。并因譏而制。故云或隨世譏而起也。

且略引諸條等者。卽指上來五例者是也。言薄知方
諸者。爾正云。諸者進也。至也。到也。彼云。造。造諸進也。
造者。諸也。適也。明我上引五條。薄知制戒本意之方
所及所詣之處。卽是下心懷泥。曰。是所詣之意也。方
謂方所也。又解云。諸者。還也。謂引上條。卽知制教之
趣向也。又諸者。佛果也。謂制教之意。全乎佛果三乘
等名。此果處爲詣也。私云。方諸者。謂觀上五條。則知
本制與之意。有此五種差別。約此五處爲方詣也。
從此已下。言總撮包舉教與意耳。上五條是別教與
意。今言方詣者。且結上別門之義也。總撮包舉者。謂
總一化教與始終之說也。觀施教與之意。只令衆生
至於無上菩提之道也。

制增戒學者。首疏云。始於外。凡專加護持。悟達生空。
理解益成。戒品牢固。餘勝於前。故曰增戒學也。云何
爲求四學者。欲解其學義。且假問生起來。由故曰云
何也。爲求四果者。積生植因。方證四果。極少亦須三
生持戒。方證初果。或至盡漏。亦云七生持戒。不犯得
證初果。濟云。相續七生持戒。乃入初果。入初果已。人

天七反生死。卽入羅漢。今我凡夫。創始發心。初生持
戒。此第一生。但是種解脫分。善未得名。修第二生。修
其解脫。第三生。始證此約利根。三生卽證。故羯磨疏
云。第一生。種解脫分。善根。第二生。修。第三生。證是也。
上言七生證初果者。此約鈍根也。今須勤修。則解脫
可期。故南山云。非聖學聖。謂已入聖位。更不學聖。唯
是凡夫。應須勤求學於聖耳。若大羅漢。如身子目連
等。要經六十小劫。修行方護爲聲聞。上首若佛果。須
三大阿僧祇劫。初一阿僧祇。修至初地。次第二阿僧
祇。修至七地。次第三阿僧祇。修至十地。更須百劫。修其
相好。因方得成佛也。新經論中。四果名殊。第一預流
果。第二一來。第三不還。第四無學。舊言阿羅漢。此翻
乞士。殺賊皆是義翻。總名應供。已永害諸煩惱。故應
不復受分段。故應受人天細妙供養。故言佛果。三阿
僧祇劫。名苦婆沙。一百七十八云。於初劫中。逢事七
方五千佛。最初名釋迦牟尼。最後名寶勝。第二劫中
七萬六千佛。初是寶勝。最後然燈。第三劫。七萬七千
初卽然燈。後卽勝觀。故俱舍十八頌曰。三無數劫滿。

道次達勝觀燃燈寶髻佛初釋迦牟尼又俱舍云彌勒菩薩釋迦菩薩過去俱爲底沙佛弟子舊名弗沙彼佛觀此二人何當成佛乃見彌勒在釋迦前九劫又更觀二人所化衆生何者成就乃見釋迦衆生已成熱彌勒衆生全未成熟底沙念言此二菩薩既此差互念欲方便使不差互又念言寧可迴一人就多人不可迴多人就一人謂欲迴彌勒就後釋迦置前不可迴所化生以就化主卽作方便入石窟中放大光明奇異之相令釋迦見生顙樂心于時釋迦從外行來見佛光明心生歡喜口說一偈忘下一足經七日七夜翹足誦偈更不暫捨由此精進超彌勒九劫偈云天上天下無如佛云云新經論云天地此界多聞室云云解此偈詞如下文僧像致敬篇中至彼當說言超九劫者且一相說總計會諸文總超三十二劫也

止隨前事者此明下三十門中雖各有制意皆是對前所爲之事而明制意非是大家教興之意如對姪戒且述制姪之意耳尋條知本者謂下三十篇是

●會本論
上一之二

枝條此教興一門是本若尋下三十門之枝條不識其意者須尋此門則識根本制意也勝云指三十門是條尋此三十門知佛本制心懷泥曰是本也謂尋條得本似如尋樹枝條得其柯根本也上來廣釋第一序教興意義竟

第二制教輕重意所以此門來意者爲下諸篇中既持犯有輕有重恐人不練故立此門序不同之意也裁斷寔難者明判割重輕唯佛能知末代僧尼輒爲斷割不識機教之通塞故言難也若佛在日明了機緣識知輕重明練通塞則不爲難也何者原彼能施之教者此明上既嘆斷輕重爲難須出離之所以徵其意故言何者言能施之教者則是佛也佛是能施教之人教是佛之所說衆生是所爲之緣教主窮機之人者謂佛是能施之教主也故言教主此之教主能窮機緣窮是盡也機是衆生心機人謂佛也明佛窮達衆生心機盡識上中下品之性故說教有輕重也又推此所爲之人等者如上根之人制其重教但三衣乞食等也中下機弱不堪此教卽許喫僧食受

長衣等。此教則輕教則是藥。教有輕重。被三品人。人既與教相應。故曰應藥之器。明其人是初教之機。故曰應藥之器也。又云如須提那子名之曰人以犯經。故曰病佛即制。戒是藥。即能依行。不復更犯。此是應藥之器也。所以藥病相和。利潤無方者。明機教相感。故曰藥病相和也。謂佛知機制。教機有上下不同。教有重輕之異。機既發。教藥亦興。教經云。應病與藥。令得服行。藥病相投。利益無方。方比也。豈可情斷等者。自意云。明佛是窮機。故識輕重。今人異佛。故不能裁斷於重輕。故曰豈可情斷等也。此句是遠結上文。輕重兩意。裁斷寔難之句也。雖然重嚴下等者。自意云。雖如上斷。輕斷重出。在教主窮機之人。豈可以今凡情能斷等也。然雖非今人情之所斷。言論所測。然亦有可斷之義。何以知然。謂佛說一切教皆通末業。據此容有斷割之義也。

言重嚴遠。標實被來。變者。變由末也。應師云。餘制說反。說文云。裔謂衣裙也。以子孫為苗裔者。取其下垂之義也。變亦遠也。數者。實也。標者。望也。教也。此明制教意。

遠通遐代名遠標也。在文自顯。何假證成者。文即律文也。明佛制教。皆被末代衆生。故不繁引證也。故四分佛受毗闍若婆羅門。請夏安居。以時儉故。佛與諸比丘一夏唯食馬麥。目連欲反大地。取其地肥。以供時衆。佛止不聽。又欲以神力往北方。取自然粳米。佛亦不聽。許又欲牽轡單越地。連此閻浮佛不聽。皆言止。汝等丈夫。有故神力。可得如此。未來弟子。無神力者。當如之何。據此文證。大聖立教。皆通末代。約教既通於末代。故今約律文。亦得處斷於輕重。以應機。故有云。在文自顯者。如戒戒中。皆有十戒。令正法久住。豈非教通遐代耶。勝云。在文自顯。何假證者。即五篇輕重在文自顯次第而證也。今據此後解。亦有一途道理也。明上既云。教通來變。我既是變。亦合裁斷。約律文篇聚裁斷。自知輕重。故曰。在文自顯。文是律文。律文自明。顯輕重可證。不假外求餘證。故曰。何假證成。此解應文。今序斯大略。有七者。明序其輕重兩意。不過此七種義也。若識此七條者。輕重之義可解。一與厭漸頓者。與由起也。厭者。飽也。謂起厭之時有。



漸有頓何以知然類下結正業科門報果不同門起情虛實等理令然也不得云與即忻也此解錯也今舉事明之如起賊善心盡一時犯一切戒名頓得罪即重若隨前後別別犯一二三名漸得罪即輕又如盜人錢若一時取二三四名為漸結蘭是輕若一時取五名為頓結夷是重又如行姪動身就境忽諸緣礙不能得遂罪住方便名之為漸即得輕罪若直至境所身手相加入如毛頭名之為頓即得重罪若起賊惡心亦通漸頓濟云且如有人賊惡漸時且受三歸次受五戒後受十具等名漸則是受其輕教若於惡境頓起賊心即頓受具戒此具戒則是重教此上是正義相承解云與賊者作過起無害心三時業重為與如怨逼情所不願為賊何故此門中明漸頓義謂事漸教則輕事頓教則重也二結正業科者立云佛以達了業體輕重故使結戒還約此業而科故有輕重不同也何者是耶且約五篇相望上下重輕皆是約業道不同故結罪所以有異也且如殺人或以人多智慧既是道器形報勝故殺者得夷畜非道器

愚昧無知殺結墮罪乃至下篇身口越散其等是輕則科小吉以其科罪與業相應故云結正業科也又約五篇正果之罪與方便罪相望重輕如正果之罪業思既暢得罪是重如犯姪盜殺妄作竟結夷若犯下四篇亦是果罪業思還暢隨結殘提舍者此皆名重若諸篇方便之罪既未成根本業思不暢聖不極科皆悉名輕如盜滿五即結正重得四已下即是正輕故云結正也今斷其罪須問其犯為住方便為至果處果處則重方便是輕又解云故犯則重誤犯則輕皆約情之虛實故業則輕重約此業因之異故制戒則隨其輕重也濟云如初篇四戒是性罪則重下篇隨有遮戒則以性罪有業道故若遮罪無有業道結時望此業道則重故曰結正業科也三報果不同者如目連問罪經說犯初篇夷罪如他化自在天壽六千歲墮泥梨中於人間數九百二十一億六千歲犯殘如人間二百三十億四十千歲犯蘭人間五十億六十千歲犯提人間二十一億四十千歲犯提舍尼人間三億六十千歲吉羅九百千歲墮於地

獄中也。夷則科重。乃至吉羅最輕。若能持者。趣果亦
乃不同。如五八十具。感人天聲聞。爲異持菩薩戒。乃
至成佛果。爲重。濟云。約人根器。上下不同。以根器是
報力。約此報力。教有輕重。故曰。報果不同也。四攝趣
優劣者。且約初篇四戒說。若犯姪於三。趣境皆得重
罪。下三戒者。則有優劣。如盜人物。重非人畜生。爾吉
漸輕。殺人則重。殺非畜。爾提漸輕。妄語人則重。非畜
爾吉漸輕。並是約趣有優劣。故結罪有輕重也。濟云。
如殺人。夷非人。爾畜提若能變化。畜殺亦爾。此皆約
趣論也。若約受戒。唯人趣得受。餘道趣劣。不得如律
中。龍變爲人。來受具。佛言。畜生於我法中。無所長益。
因制不許是劣也。人則爲優。優則長也。劣由短也。復
約人中。亦自有優劣。自無遮難得受。是優。身含遮難
不得受。是劣。故曰。攝趣優劣也。五起情。虛實者。且如
殺人。非人想。非人想是虛。結方便。則輕。若人作人
想。是情實。結軍盜。約有主作。無主想。此句無罪。無主
作。有主想。是虛。結方便。爾是輕。有主物。有主想。是實。
結夷名。重也。約大妄語。若未得道。向他說云。得者是

九說作隨

虛犯重。若實得向俗人道。得犯提。向同意說。無犯。此
名實是輕。皆約心明。虛實若心境相當。名爲實。卽制
重。若境差。心轉名爲虛。卽制輕。又想對於情。則重。想
對非情。則輕也。又解如境想五句。前一句由情實。故
重。後四句由情虛。故輕。故曰。起情虛實也。六開制互
立者。立云。如大妄語。制波羅夷。是重。開其戲笑。說還
犯吉。是輕。故知開制皆有輕重也。亦如離三衣宿制。
墮是重。若不得會。開遊捨而得闕衣。吉羅是輕。又如
安居。是制。受日是開。長衣是開。說淨是制。說戒是制。
有難。開七略。一直去。是開。儉時八事。是開。豐時便禁。
是制。此皆是制中有開。皆約時約緣而立。正制時不
開。正開時不制。故言互立。犯制則重。犯開則輕。或復
無罪可思之。濟云。開中有制。制中有開。故曰互立。如
姪是制。若爲怨。逼爾與境合。此是制中有開。雖開。若
三時有樂。卽犯。此是開中有制也。七約行彰異等者。
如上行。居爾若。卽許離衣。六夜下。士居於聚落。不許
離衣。是也。言誼者。誼謂聚落。靜謂爾若也。又如山中
開自煮食。自泥房。從畜受食。聚落不開。故知山中則

開此教曰輕聚則制之此教名重此約行明也亦同上約行山世不同之義

並制教之本懷者謂佛本制教有輕重之意者不過此七種義此七是制教之本意也言據斷之宗體者若欲斷割重輕理須據斯宗體此七是其輕重之宗體今人欲斷輕重者須問爲是漸爲是頓爲情虛爲情實等爲趣優爲趣劣約此得知持犯輕重之意上來七段不同總是釋第二制教輕重意門義竟

第三對事約教判處意者立明此門來意者爲明行事及判罪之時須識本宗恐橫加穿鑿妄引他部故有此門來也故下文云輒將已之所學判他犯此乃蓋是不識宗指也言對事者對前受懺說恣等事約其教法而定是非也法卽始乎心念終乎白四之法也謂三衣一鉢結解諸界安恣分亡人衣並名對事言約教判處者既有前事理有法被法卽教也檢事故云約教判處也判謂判割處謂處分也且如對亡物爲言須判斷是非處分輕重可分不可分故云判處意也處有二解若作去聲卽處分義也若作上聲

同
七種義

七種人等
第三字

卽是處量之義也故說文云處者安也謂安處也

言佛法東流幾六百載者從西來此故曰東流猶如

水流流者流行取其通往之義也幾六百者幾字有

三用一音^{其新}二音紀三音基基謂漸隱也亦云時也

若音紀者謂是不定之數也若音其者其由近也此

明佛法東流自漢明夜夢至今貞觀年中猶少二三年不滿六百載故曰幾^{其新}六百年故云也判割是

非競封同異者如昔有依十誦借衣鉢受具而誦四分羯磨判爲是者非也又如將祇持衣文入四分家

用此亦非也言競封同異者封由閑也謂封執其懷

閑塞情犯不能開通故曰競封同異也

良由尋討者不識宗指者謂各依當部受戒及至行事

之時並不識其本宗指所以卽有競封同異只是不

識當宗之指也又云教起本宗之意前競封同異之

計各判成懷如律中爲難結三小界古師亦有無難

而結者乖本宗意亦如結戒場不以大界圍遯者亦

不識宗意意卽指也此上斥諸師不識當宗之意故

曰也濟云不識五部之宗指輒以已宗定他持犯故

本師疑即

曰不識宗指等也。言行事昏於本趣者。明行事之人。於當部中斷割輕重。猶尚昏迷。不知本部輕重之相。故云昏於本趣。昏者暗也。行事之時。須知本是何宗。受戒須依本受之宗。而行事。今若取借祇持衣文來。此部行名曰昏於本趣也。

故須學師必約經遠者。此明學貴承師。承必智本。故論語云。勤學不如擇師。好師必有弘益。所求之師。復須經久。淵遠見而學問者。器量宏博。方堪依之。外書云。學而不思則罔。學不尋思。其義師罔者。無也。然此之人都無所得也。又解罔者。謂聞若不思。則心中罔罔不了也。又言思而不學。則殆。殆謂危殆也。謂學不承師。師心自思。則有濫解之失。故曰學非經遠也。執教必佩真文者。佩由帶也。謂案律藏之文。非為邪教師心之計也。既帶真文。則識宗旨。由識宗旨。故行事不昏。由不昏。亂故不招他譏。謗毀辱之耻也。論手哩責者。論謂沒也。溺也。沉也。哩者。博正云。輕也。字書云。笑也。兩用皆通。有人云。笑不露齒曰哩。應師云。哩。充之。謂輕侮也。字從口。作非體。見蒼頡篇。今明執案反。

本中疑用

本師疑下

本中疑用

真文。並免輕量重責之過也。豈得異部明隨者。謂本是四分受戒。今隨行中。還約四分行護。四分文義具足者。則但申之。豈得用十誦。付祇等文。而判割也。若當部不足者。方得取用外部之文。故下文云。當部不足。取外引用。即其義也。

猶恐不曉大綱等者。自意云。如前不識宗指。昏於本趣。是不曉大綱。詔此宗指。本趣為大綱也。欲明上雖梗概。約略總相。說此大綱。猶疑今人未了。故曰猶恐不曉大綱也。今欲曉明。示誨。故曰更示其分齊。分齊是何下。即出相。故從謂字。已下是釋其相也。謂不得將此所學之教。判他外部持犯。故此為示分齊也。自意云。更示其分齊者。通指此門也。脫羅。魯失者。說是不定之辭也。又云。脫者。誤也。羅。力知。兔網曰。羅。網曰羅。大而言之。羅是網也。又云。羅者。憂也。慙者。說文云。過也。失也。失者。過也。咎也。罪也。爾正云。羅者。毒也。又云。遭憂也。皆是遭罪之意。欲明偏用此一宗。判他輕重。持犯。誤他前人。悔罪不滅。自身獲罪。彼復得饗。俱墮罪網之中。如兔之墮羅網也。又解如分亡比丘物。

亡人本是四分受具。今將亡人衣物依十誦而斷重。輕分之復不識輕知重。自身得罪現前僧等並皆得罪。名為脫羅譽失也。由不學故。彼此得罪也。言其唯不學愚痴者。此明上來將已所學之法。判他持犯。非但令他罪不除。復增其不學無知之罪。故曰愚痴愚痴者。卽是無知。以聖制令其學教故也。

今通立定格。共成較准等者。勝云。此明前執一隅。但識當宗。不練餘部。今立三十門。通顯諸部。一一出十誦僧祇等名。爲定格。格者正也。謂引諸部共成。各示其名。卽定正也。又云。通立定格者。前言受既四分。不得餘部。明隨卽顯諸部。各自依當宗。以判持犯。格者至也。各至當宗之所共成。較准共成。較准者。共成明了當宗。而有准則約受顯前。故無雜亂也。又言共成較准者。謂行事須依四分爲本。今若不了。則引諸部。故下三十門。一一出十誦僧祇等名者。明此四分文。將教判事。若被事不同。所以故引諸部共成一宗行事。使周備分明。故云較准較者。明也。應師云。較亦擊短略也。爾疋較者。比較也。准者平均也。度也。案周

禮云。匠人之法。平物以水。曰准也。欲明今時取諸部明文。而各明較比。校皆使與本受宗不相違。名爲平准。若輕重等類者。則取不等類者。不取此是准義。故曰共成較准也。一披條領等者。指下三十門爲條。詔此一門爲領。欲明三十門中。約教所被事。引諸部文。一往處斷持犯。受體與隨輕重相違不相違等不等。義恐迷引文。繫結在懷。將其此門照之。若披此門下。則疑難悉除。名大觀也。釋者除也。廢也。解也。觀者照也。此明上文。古人不識宗旨。昏於本趣等。不名大觀。今日由有學師。復約經遠執。佩真文。立茲定格。較准。既披下條。領釋。然照了識於宗旨。不昏本趣。處斷得。所名爲大觀。

第四用諸部文意者。爲三十門中。皆用他部。恐人不練其意。故有此門來也。如前序云。包異部誠文。括衆經隨說。卽應此門也。

本實一文者。原佛制戒。唯是一文。佛既滅後。大迦葉波結集法藏。名八十誦。異世五師相承傳授。更無異見。故曰本實一文也。又解云。律教所與本爲防非止。

過名爲一文。故戒疏云。適化雖殊。防非義等。防非雖是一文。機悟防過。取解不等。致使教門。隨被不同。分爲五部。十八異。今若行事有闕者。取用有何過也。但爲機悟不同者。礪解依眞諦三藏傳云。一百年後。分爲五部。二百年後。分爲十二部。四百年後。分爲十八部。分爲五部者。憂波毼多在世末。後育王大集論師。共論佛法。是時諸人。各以情見不同。有所偏執。毼多不能刊正。遂分此藏爲五典。故曰機悟不同等是也。言諸計岳立者。高山名之爲岳。如諸五師各執已見。曰計謂執計情。欲各自稱言我。所見解是高。是長。既各高。故言如岳立。如似五岳各自據立。互不相望。不相許可。五師亦爾。遂爲情見有限。受悟無倫。各擅已宗。自題聲教。故曰諸計岳立也。

競採大衆之文者。佛涅槃後。迦葉結集時。憂波離是高座。誦出大毗尼藏。迦葉年老。時居衆首。因此彰名。名上座部。後有諸方賢聖。不及前聞。遂於城外更請憂波離。再誦毗尼。以集法藏。以衆多故名大衆部。其上座部。迦葉滅後。五師傳持過一百年。離分五部。今

言採者。採前上座部其衆亦大。故名大衆部。非前所論城外結集之大衆也。今鈔文言。臨有智當思。

輕重異勢者。乘如祇四錢三角犯重。四分但得輕也。摩觸二戒。四分通體。爾伽論云。意在男者。爾意在女者。殘又如尼律。輒度賊女。四分犯殘。祇即犯提。故曰輕重異勢也。持犯分途者。如結淨地十誦爲犯。四分爲持。又如僧祇不捨淨作三衣犯提。四分不犯也。有無遞出者。立云。四分有庫倉。僧祇有樓閣。多論有道行界。五分有水界。十誦有可分別。不可分別。聚落四分有三種受。日十誦有三十九夜祇有事訖。羯磨又如五分有輕三師提。四分則無。四分有不受諫。戒五分則無。又如持衣十誦則有。四分則無。又如祇單墮中無此。不受諫戒。疑憊戒。彼有入尼住處。教誡不白。提故曰有無遞出也。廢與互顯者。如結淨地。四分十誦俱有文。但廢與不同也。一有一無名互顯也。又歌聲誦戒。五分所廢。四分爲廢。又如僧祇欲法中。時集與清淨。非時集與欲。當今四分正是廢教也。今立四分爲本者。卽明今鈔用四分爲本。故下文云。其四分

律鈔者所宗當部文缺故引外文共成也必須用諸部者諸是不一之文也

善見云毗尼有四法者一本彼文自解謂一切律藏也一切者但是佛所制戒一一之戒爲結集者名律藏也二隨本者立云如姪戒初制不得姪人後林中過與制三趣同犯將此重制名爲隨本也濟云隨本者謂是隨律之經隨律之論等也其中明戒律者並名隨本也三法師語者即五百無著名爲法師習是論主也佛先說本者即大毗尼藏也滅後五百羅漢流通作論解釋者是也四意用者謂是五百論師意方便度用非是凡夫意用也今引此論意欲取第四句意用義成今門中之意從謂宗已下是釋第四句意用文也言及三藏等廣說者此約三藏教文即是經律論也先觀根本者謂觀一切律藏中如來所說制戒皆有緣起非無因緣而制也相承解云此却釋上一本起句文也次及句義者却釋前二隨本句也謂若有重犯即便隨結如林中等也後觀法師語者却釋前善見論主五百無著之所說也與文句等者

之說而結

用不等莫取者立云釋前第四意用文者是也然今何故引此論中四法來謂此是用他部文意門故引此論中四法者前三是便明正意取第四句意用即方便度用等文也欲明我既用他部之文應須效彼論文方便度用也注第六卷中廣明律師法者彼論云若律師者有三法然後成就問曰何謂爲三答一者於戒本誡誦通利句義辨習文字不忘二者於律本中堅持不離三者從師次第受持不令忘失若具此三法是名律師若是律師衆僧共集判諸諍事律師於中先觀六事安詳而答問曰何謂爲六答一者觀處二者觀本三觀文句四觀三段五觀中間罪六觀無罪也解云若草若樹葉應覆身而來若不覆身裸形入寺者得吉羅如是觀罪相已即取律本爲證而滅諍法是名觀處觀本者若故妄語得提如是五篇中可一一觀罪性即取本爲證而滅諍法是名觀本觀文句者身未壞者得偷蘭遮如是七聚罪相可一一觀罪性即取本爲證滅而此諍是名觀文句觀三段者僧殘有三段波逸提有三段於一段中觀

卽取本爲證而滅諍法是也。觀中間罪者舉火捺得吉羅罪如是。戒本中觀中間罪取本爲證而滅諍法是也。何謂觀無罪謂姪不受樂無盜心無殺心無妄語意如是一一罪相觀以本爲證而滅此諍是也。若比丘知四毗尼法又善三法觀六事已成滅法者如佛在世無異。文極繁廣故不盡抄也

然行藏之務實難等者。此下裁量取捨爲難也。謂用之則行名取捨之則藏名捨行是取藏是捨欲明諸部既輕重異勢持犯分途復有無遞出復廢興互顯。今欲取欲捨大爲難也。且述其大證以程無惑等者。謂是能證之大教也。上旣明取捨不易今則欲明我取外宗之文意故曰述大證從謂字已下卽是釋其大證。然大證之意只是述其用外宗之文意所以也。言以程無惑者應師云程除刑程猶限也。證記云程者量也。詩云程由法也。明我述大證之意者人若識之量獲不疑惑也。

謂此宗中文義俱圓者。此下正是釋述大證也。文義俱圓者立云如四分宗中四重之戒文義俱足不勞

● 經疏

外求又如結界一法。文足義亦足。約結界事更無缺少。故曰約事無缺也。餘有律文不了事在廢前者如律中兼肉爲五正食。此不了之文。涅槃教興之後一切悉斷。今取終教爲定。明此兼肉之事是廢前之教。卽不了之說。故律文不了之教是涅槃廢時之前也。又如十誦銅器二斗已下入經已上入重四分並重。名爲不了之教。今言事在廢前者。謂我家之制是彼廢家之前。故云也有義無文。無文有事等者。如四分有持衣加藥之義而無其文。今取十誦又以狂癡之人四分有不足之義而無不足之文。今皆取其十誦也。言無文有事者。如受鉢受尼師壇道行界水界受三衣受七日解戒場並無其文而有其事也。

必取義勢相關者。如四分十誦護衣同護明相。此名義勢相關。故取十誦文成四分持衣也。必緩急重輕乃至准論不取等者。如十誦受日三十九夜僧祇事。訖是緩四分約緩而有三品。是急僧祇護衣通夜一會。是緩四分限明相是其急也。言重輕者。如紙盜四錢三角得夷是重。四分犯闌是輕。此乃僧祇用四分闌

爲夷四分用僧祇夷爲蘭又云四分用祇重罪爲方便祇用四分方便爲重果也故涅槃云或說四重以爲偷蘭或說偷蘭以爲四重卽是此義也是非條別者立云如十誦和不現前受戒名是四分要令和上現前此指彼是爲非彼指此非爲是五分借衣受戒得戒爲是四分爲非又十誦白衣受戒爲是四分爲非故云是非條別也言准論不取者卽是善見論也故論云與文句等者取不等莫取今正指此文也故文列四說者立謂律文有四大廣說卽增四文中明也一有人云我從佛邊聞如是語未得卽信應勘校三藏修多羅阿毗曇毗尼同者應語云大德所說與修多羅毗曇毗尼相應若不同者應語云大德所說與修多羅毗曇毗尼不相應此非佛說應須捨置二有人言我從四人已上和合僧邊聞亦須如上勘定三人云我從三人已下衆多人邊聞四人云我從一人邊聞亦須如上勘定今引此四說顯前句與文等者用不等者莫取也上言從佛聞者非唯要親面見佛若尋經所說亦名從佛聞也十誦墨印者

十誦文中無墨印事直指在經但有四大廣說同四分義也立云墨印者諸解不同初一解云嘿然之義如佛在日菩薩聲聞諸佛說法此有嘿許故曰墨印今云不然此但論教是非論何嘿許既云嘿許爲許是許非耶又一解用墨爲印故言墨印亦如此方用朱爲印濟同此解今亦不然論教是非何論朱墨之印又解墨者一切三藏聖教皆是文墨今亦不然若便文墨卽名聖教外道經書豈非文墨既是墨印應得依行耶又解云墨是外國事此名曰度以六尺爲度五度曰墨五墨爲印卽是定義也西國名爲五印度以五天竺皆用此印度也各言我德是定立亦取此解也景云墨印者是喻也謂將印家之事是楷定不改之義喻前四大廣說爲定義也十誦律中名四大墨印以勘校印定三藏聖教一如四分四大廣說豈曰文然而乖其致哉又解云印者信也信文而成其事謂承宣卽能成於事也可尋十誦抄云云若此以明心鏡相照者以心度量聖教應取不應取與事相符事卽境也謂心與境明白的然無復疑慮

心淨境明故曰相照也。動合規。猷者規者。圓也。則也。方也。猷者法也。謂動合方法。動合法則也。應師云。自作規。規圓也。字從夫。從見。言丈夫之見必合規矩也。矩者方也。猷亦道也。見毛詩。繁略取衷者。謂離繁離略。名為取衷。衷者正也。善也。應師云。衷知中。左傳云。繁辭我衷。衷者中當也。言晦沒者。晦是暗也。如月盡夜名晦。以暗故。其日不明。俱有魄。在猶有圓輪之相。故名魄。謂不令沒但處暗也。如月末夜雖無日。明空中猶有月形。但以暗也。名之晦。魄魄是陰。神魂是陽。神說文云。晦者月盡也。朔者蘇也。月初三漸。漸蘇醒。號月生也。謂我今作文者。其文義明顯。無有暗沒故云也。

言偏執一隅者。謂不見諸部明文。直執四分一文如下六師中第一師之執也。鏡者明也。亦是照義。覽者見也。涉事事則不周者。謂如持衣加藥等事。不周者。謂無文被前事故曰不周也。謂如第一師但手持口不陳辭是不周也。按文文無可據者。謂檢按覓文無可憑據也。立云如下第一師云。我按四分律無持衣

中插入者字

加藥之文可據。故但即手持而已耳。互指為迷。誠由無教者。明諸師不取他外部文者。遂即互相非斥。謂取他部者。指不取者為迷。有不取者為迷。誠由實也。謂實由不通諸教。故曰誠由無教也。又解。誠由無教者。謂不廣識諸部之教。致使偏執。故曰也。自意云。互指為迷者。非是。取他部不取他部。二人相指也。謂俱是不取他部之人。於中自互相指為迷也。謂既當律無持衣之文。名為無教。由無教故。各自師心不同。即互相指斥云。汝迷我是也。向若有取他部者。與不取他部者。相指斥。則不得云。誠由無教。取者即是有教也。承上文意。此解相應思之。

若四分判文有限。則事不可通行者。立云四分衣鉢不足。是不得戒之限。不可取五分借衣之文。又如四分受戒。要須出家相。具此是有限。不可取十誦長髮而為受。故言不可通行也。遠用他部之文。以成他部之事者。如為長髮僧受戒。十誦許僧者。還秉十誦羯磨。以被此人。成其受戒之事。又如十誦許借衣得戒。還須秉十誦羯磨。不得用四分羯磨也。又如依祇文

行事者即得判四錢三角成重也

或二事之內文義又明者當宗爲一律取餘三部通

名一律故云二律文義又明者且如五分四分名爲

二律俱受十五日一月日之文則是双明任情隨當

宗採用也慈云如四分與欲中云受他欲已自言我

是十三難等不成欲十誦則云取欲清淨如取時若

取竟自言我等不成今則須依當宗行事也

親自披閱者立云閱者簡也欲明行事採用之時須

自披尋聖教若信問餘人之言恐有傳聞之謬也亦

云此句正是鈔主自述意也云我今取他部者是自

披簡竟不是傳聞也言親自披閱者手自舒卷名爲

自披眼自看文名爲自閱故云也

略有六焉者佛法東流已來此土諸師雖各執不同

古今師匠人雖無數不出此六攝云得盡有云其第

一師雖不取他部亦是一家道理不可判其云是非

法矣

注云持衣加藥之例文無等者南山闍梨云然四分

一律衣鉢加受之文文中缺者以覺明論士誦本東

傳云至於當時隨出便寫貴存一本無暇覆校尋復

返西此無行用故多缺也十誦番弘當已隨缺譯者

問之故文繁矣注謂狂頑足數者謂四分捨戒文中

但謂對狂人不成捨戒足數文中則不明得不其義

令有律文不了此師則依十誦等了文廣明足不之

相使用他部也餘無此義者此師亦不取也四此部

文義具明而是異宗所廢者立云此是四文之師便

依他外部廢四分之歌聲結淨地等也但依他部所

廢故不用歌聲及結淨地等也五兼取五藏謂四合

及雜藏爲五也礪云集一切長經爲長阿含二謂集

一切中經爲中阿含從一事至十事從十事至十一

事爲增一阿含又云一上加一故言增一雜比丘此

丘尼憂婆塞憂婆夷諸天雜帝釋雜魔王雜梵王集

爲雜合此上有四合也又如善因緣經方等經未曾

有經譬喻經憂婆提舍經句義經法句經波羅延經

雜經經聖偈經如是集爲雜藏此謂結集三藏家

作此次第出在律文明也首律師疏引多論云此諸

天世人隨時說法集爲增一是勸他人誦習爲利衆

卷之四

生說諸深義名中含是學問者所習說種種隨佛法是雜阿含。是坐禪人所習亦名相應。阿含破諸外道。是長阿含。說諸外道事也。又如分別功德論云。結集之時阿難思惟契經大本。義分四段。何者。文義混雜。冥當以事理相從。大小次第。第一增一次名曰中。第三名長。第四名雜解。云以一爲本次。至十一二三。隨事增上。故曰增一。阿含也。中者不大不小。不長不短。事處中道。故曰中阿含也。長者說久遠事。歷劫不絕。本末原由。事運七佛。聖王七寶。故曰長也。雜者諸經斷絕。難誦難憶。事多雜碎。喜令人忘。故言雜也。言雜藏者。非一人說。或佛說。或弟子說。或諸天贊頌。或說宿緣。三阿僧祇菩薩所生文義。非一多於三藏。故曰雜藏。注云。不令更試外道者。彼長含經。則令直度。恐後異計。不須試也。其緣如長阿含抄所說可尋。云云。律中所引。令試者。南山闍梨云。諸見外道。我倒未亡。忽爾發心。歸投大法。若不試練。輒與受具。者性既未調。恐返成難。且爲沙彌。四月同住。以事陶冶。得信方開爲受。

通局兩見者。立云。其第二第六師。是通第一師。是局也。其第一第二相望。初則是局。第二曰。通乃至第六師。最爲通也。第五師更進節耳。阿含等經所見更長。第四師也。意存第三第六者。申此二師。既用外部。是通見。故取也。其第三師。爲本文不明了。而有足數之義。今欲取外部明文。將用顯本文之意。故須存此師也。其第六師。謂本文闕禁魚肉。今取涅槃後制。從今日去。不得復食一切肉也。故知出家之人。宜修四等。亦欲明四分是大乘宗。皆共成佛道。故復須存此師。由此二師所見最長。故用爲宗。故言意存第三第六也。餘亦參取者。參由同也。亦云雜也。謂除初一師次第三。除第六。此三取捨已定。自外所有三文。亦參取。故云餘亦參取也。得失隨機。知時故者。立此明鈔家之意也。謂上諸師。若是得者。我今則取。若是失者。我今則不取。也。此明諸執見不同。若取外文用者。名之爲得。不取外文者。名之爲失。言隨機者。得失俱名隨機。取外用者。名爲隨機而得。若不取者。亦是隨機名失也。以此

得失取捨並是隨於機宜然以用須時故也

第五文義決通意者且明此文來意者勝云據前第四取諸部文意門云有義無文無文有事今則決通無意也故下引年代渺邈等則知其義識文缺之由故曰決通又如下文文同義異等亦須決通文同義異之意然此決通之義或有就諸部決通或於當部文中上下自相決通也

夫理本絕名者此明真如至極之理本絕名言言諸道斷心行處滅離四句絕百非寂然常住何名言之所有故曰理本絕名也然非至理絕名今一切萬像皆不離真理亦本絕名但是假名而已也故立名標其宗極此謂將名召於理也且如一切名字皆詮於理然真理雖絕名言要假名言方能識理如月雖非指終假指以見月今若不標名莫知理之至極如作真如涅槃實際彼岸安樂解脫並是假名若不立此名將何詮無相之理亦如三藏教法隨緣詮理如毗尼名詮於行相即戒之宗極也修多羅標定宗毗曇標慧宗此並立名標於宗極據理而言實言說之得

也今世中方像亦體離名言然假立名以標其體然

實性皆非名言故盛云物無當名之實名無得物之功此上皆是將欲明其對事備斯文故且作勢約邇而來舉本令知其末也名隨事顯者立云如唱涅槃真如之名此名約世俗中事相而立對事假作此名詔於真理約事建名故曰名隨事顯也無名相中假名相說也勝云名隨事顯者且如指色是空利觀之徒於斯見理鈍根之類於斯還迷故色中分色聲香味觸盜殺等廣示名種於此即被斯文又云名隨事顯者事即情非情事也對此之事約為名也此是假名世諦之法以衆生計是有故佛隨其所計即約所計之事以立事之名也故對事而備期文者如對三衣事即有受持衣文對結界事即備結界文如對淫盜等事即有五篇七聚之文對安居事即有安居之文來也

然者斯律藏言事並周者考由定也律藏者藏是蘊藏為義謂蘊積衆旨故名為藏非藏無以蘊文義也謂八十誦通名律藏明佛制戒所被時機滅後結集

言周事足謂律中言教對事對法俱周備足故云言
事並周今不周者由年代渺邈等卽是出不周之由
也由有四事一年還二五師摺據三翻譯失旨四抄
寫錯編爲斯緣故所以相承傳謄也但爲年代渺邈
者渺邈是深遠之貌也明大聖收光千有餘歲教流
東土六百餘年故曰渺邈也聲采靡追者聲謂如來
在世之時聲教流布三千故云聲也又云明佛說教
體必假言聲聲者教也采者色也明佛說教教益廣
大教有光澤曰采故論語云德潤身富潤屋是也又
采者如來具四八之相光采如金山人天瞻仰有色
可觀名之爲采故聲屬佛之言教采謂如來色身離
由無也大師去世時淹如日久沒斯之聲采難可見
聞故曰也法爲時移者明佛滅度年代既遐時有遷
謝法亦隨流因多失落卽羯磨序云人既從緣法寧
證正是也且如商那和修道高四果德踰九居及歸
物故教隨那滅文云七萬七千本生諸經滿足二萬
阿毗曇藏具足八萬清淨毗尼和修既終法亦隨滅
又賓云近時西國有王暴惡毀滅佛法一時蕩盡有

一長者蓋信情深慨世無僧可用供養忽於道路遇
一老僧形儀瓌偉卽請還家設純乳粥僧食一口頻
眉悲慘長者怪問粥不好耶其僧報言長者識我以
不我是佛子羅睺羅也所以悲者今此乳粥雖是純
乳自覺其味不如佛世純水蒸粥其味勝此佛在之
水勝今之乳我思此故故以悲耳然佛子羅云據聖
教中無涅槃處今猶尙在有緣時現鬚髮霜白西土
來人傳之云爾事多殘缺者法本被事今法既不足
故事有缺也卽如四分無持衣等文不能辨前持衣
之事故曰殘缺加以五師摺拾等者方言云摺謂拾
掇取物也亦云捨遺曰摺景云如來在世及滅後百
年之前而情無異見及百年之後五師異見各於大
毗尼藏採摺同已見者集之爲部不同置之不錄故
有五部之差然五師者古德相承皆言卽是魏多弟
子然無教可准今詳五師非全魏多弟子也亦有是
者亦有非者案宗輪論五部名字流出之處各別不
同豈其教主皆魏多弟子也昔經論未具古人誤判
由未達部執之原妄加決判也重由翻譯失旨妄生

◆ 經部

◆ 經部

構立者如昔有外國三藏來至此方翻譯欲翻師子
奮迅三昧此土三藏不解其語二彼俱不相解所以
外國三藏即將水洒猶猶即奮迅示云如此事也因
茲此方三藏乃悟之識也即云爲拜土沙摩三昧後
進英邁改之名爲奮迅三昧據此以言翻譯大難故
容有失指也且以儒學古文變猶紕謬世人今謂傳
尙參差況凡聖殊倫東西隔域要識梵言乃閑正譯
薄閱蒼雅粗諳篆隸方能翻譯也言構者架也既由
翻譯失指即自構立其法出自胸臆故曰妄生構立
也濟云然亦不欲說古人之短但古人翻譯失處不
無至唐三藏譯經稍盡義理且如維摩舊本毀譽不
動如須彌今垢則言八風不動如山王毀譽乃是八
家別名當其二數脫餘六種豈得稱能亦如諸經之
初古本皆言佛在舍衛等據其梵本皆有薄伽之字
譯人略之直言佛也故佛地論云謂薄伽聲依六義
轉也一自在義二熾盛義三端嚴義四名稱義五吉
祥義六尊貴義如有頌云自在熾盛與端嚴名稱吉
祥及尊貴如是六種義差別應知總名爲薄伽長行

◆ 經部
利字
上聲反

◆ 經部
利字
上聲反

釋云謂諸如來永不繫屬諸煩惱故具自在義涅槃
智火所燒鍊故具熾盛義妙三十二大士相等所嚴
飾故具端嚴義一切殊勝功德圓滿無不知故具名
稱義一切世間親近供養咸稱嘆故具吉祥義具一
切德常起方便益安樂一切有情無懈廢故具尊貴
義或破壞四魔怨故名薄伽梵然此一名總稱衆德
是故經首皆置此名或云婆伽婆婆伽摩皆梵音一
轉聲也眞諦三藏譯經多分雙著言佛婆伽婆有其
四句一是佛非婆伽婆即二乘無學證二涅槃故名
爲佛不修功德故非婆伽婆二是婆伽婆非佛即大
菩薩修諸功德未涅槃故三俱非者即凡夫人若單
言佛即蓋二乘若單言婆伽婆即蓋菩薩若雙置者
無前二蓋然梵本中單言婆伽婆眞諦義加佛字故
唐三藏皆單薄伽梵也古人就省直置佛者豈非失
他爾許義意故云重由翻譯失旨也又爲抄寫錯漏
者且如四分一部之文又皆缺少者以覺論士誦本
東傳至於翻時隨出便寫實存一本無暇覆尋復
返西此無行用故多缺也

中經疏

紛慮良多等者。紛是紛紜。慮是疑慮。欲明上既備此諸失。若至尋究時。心地紛紛。意中疑慮。於事不決於義莫知。疑滯鎖心。難決通也。今總會之以通大見者。立云律藏雖互殘缺。皆由五師情見不同。抄寫錯脫。等然其大藏原本是一。今則會之。若文足者以義補之。若當部又不足。則取外宗。若彼此俱無其文。則義通決例。不同諸師局執。不能通見。今我會通名為大見也。又解通大見者。即如下明文。義俱闕則舉一以例。諸名為通大見也。又或理有而成事。亦是通大見也。又如或在文雖見於義有關。便以義定之。亦名通其大見也。有人解云。通大見者。由前五師情見不同。不名大見。但名小見。今會五為一是為大見也。又自意云。五部之律。言義銓盾。輕重相乖。不可以情通。不可以意解。古來執諍連代。不消今總會通。故言為大見也。

若又義俱闕。舉一以例。諸者立云。如非時食戒。則無開文。復無開義。此一既爾。餘戒例然。又如初戒。被怨逼三時無樂。不犯是有文。義若云三時有樂。開不犯。

之則子延刻

是無文義也。又如大妄語戒。出家之人。言須稱實。內無道分。誑他得聖。制其重罪。言了結犯。若云言了不結犯者。則文闕義亦闕也。深云如僧祇中有尼寺。不得畜女。淨人等。此律則文義俱闕。又如大集。苦使不得過兩月。又如多論。違王制者。吉羅。又五分。不相識人不許雲霧。暗中為受戒。四分。並無文。其義復闕。今此則取餘部文。決通此律也。又如看病。具德須三衣。賞勞是有文。義若無德而將賞者。在文不許於理。檢括亦不合。賞故曰文義俱闕也。或就理有而成事者。立云。如本法。尼往大僧中受戒。無請戒師之文。以義理合。有則須依理。請之成於受戒之事。又如二百五十戒律中。列二十六戒。有境想餘戒。不列理合有之。且如非時食。有時想。非時想。疑等。又如下文義立七非。皆就理合有也。或文雖具於義有關者。立云。如分亡人衣中。具列三衣六物。合與看病人人。須具德。今既人不具德。於理不合。賞之故曰於義有關也。言便以義定者。此明若有德。義合賞之。無德義不合。賞故曰也。深云如結界文。合囑方相名在文具也。不言。



參詳入二字

四維名於義闕。今須義立從角而唱名以義定也。又如受日羯磨律文。則具名爲在文雖具。則不明得重。受不得重。受名爲於義。有關義既不周。致令諸師各執云不許重。受今須義定之。隨有緣來皆得重。受故云也。故論云以理爲正。故也。者慈云。卽前善見論文云。以意度用卽斯義也。或義雖必立。當部無文者。如前序云。或文斷而以義連是也。如聖啞不足之例。須取十誦。又如結大界闊狹四分。但言一日往返。今義准取僧祇文三百由旬爲量。故曰以息餘誘者。謂若不取十誦加藥持衣。外人師云。汝宗中教法不足。外宗現有明文。何以不取耶。蓋並封懷守株之人也。然文義決通誠難廢立者。正結上文也。故上云。今總會之以成其大見。然諸部復輕重不同。如四錢三角等。今若廢彼立此。廢此立彼。難可決通也。又解是嘆。今門意難行也。又勝解云。且如羯磨單白中分爲二。第二句中緣本俱牒至第四句單牒根本。更不牒緣。今若有本牒緣者。此是剽來。則便廢此。剽句立其單牒根本也。如此廢立實難。故曰也。自非深明律相善。

逮開遮者。開是聽遮是制也。不然便有累於自心。故無益於他境者。謂若不如上善達開遮深明教相者。爲他斷罪之時。容有重則斷輕。輕則斷重。令他懺罪不出。自復招過。是自他俱累也。又解若不議決通之意。秉法被於前人。自他無益。謂前事不成。自又得罪是也。

故律云文義俱同者。四分增十二文中。佛在跋闍國。告諸比丘。言汝等諸比丘。應和合歡喜於毗曇中。種種諍語。應語言長老所說文義相應。不應共諍二者。復作如是言。文異義同。莫共闕諍。三復作如是言。長老所說文同義異。不應共諍。四復作如是言。語長老所說文義俱異。莫共闕諍。若作如是和合衆僧有諍事。起應和合如是。觀察律文如此。其禪解云。明其佛告諸比丘。若欲評理。莫相矛盾。勿生諍也。初句云文義相應者。如僧尼二部各有五篇。豎義者。言文義相應。論義者。言男女位別。既分二說。文義俱不相應。而生其諍。第二句豎義者。言文雖少異。而義是同。如用飲虫水。同護命。故屏露二敷坐具。同護僧物。故打搏等。

類同防殺憐故論義者言文既是異何得義同而生其諍耶第三豎義者言文雖是同所表義異如數胎閏及增十七中利益損減等論義者言文既是同何得義異而生其諍謂與減年受具戒本之中有開胎閏及受戒健度中亦明開胎閏兩文雖同其義各異減年戒爲開和上墮罪健度之中爲弟子得戒故是義異增十七利益損減者謂如增十七文中五德舉罪中利益不以損減此言與增十二中言舉罪之人於所舉罪人邊作念故我得少憐於彼無害有受利益能令捨不善作善法則應舉罪此二言同曰利益如何取別謂增十二中望自身於已無惱增十七五德中利益者於所舉無惱故曰也又彌云豎義者言應語等性惡重媒房等遮惡經論義者言既同一篇何得輕重有異也第四句豎義者言文義俱異論義者言科以一文漫相比決而生諍也疏云豎義者言文義俱異如僧尼不同戒論義者言同是聖說文義不異而生其諍也寶云豎義者言且如四諦四義各別故曰文義俱異論義者言四義既不同應不同名

今註疏

諸益諸名雖同苦集名義別又復四種雖同名諸苦集既有漏滅道亦齊是有漏耶故生其諍律中四句初文義相應二文異義同三文同義異四文義俱異鈔文類倒第二三句者欲取聲也今時何故引律文四句來爲上既嘆文義決通是難故既引律中四句是其諍本難可決通一人云同一人云異既難決通亦如我此門意也具科進止不勞叙釋者指律文中自明同異不繁全述釋也即指增十二之文如前所出是也

然決判是非者二持名是二犯名非故曰也并議隨經之文者謂隨經之律即如道教善生涅槃楞伽是也涅槃盛顯八不淨名之類等也十誦云比丘有三事一本起者即是須提那還本村乞食爲緣故曰本起二結戒者因茲本起佛即集僧制戒禁之是也三隨結者前雖結戒緣起是人未云三還防過未盡後因跋闍林中共畜舉過陳佛亦制夷罪滿足戒本故曰隨結二部律者即十誦文初列僧尼二衆戒本是也彼名二部波羅提木叉鈔家改

云戒律也。并及義解者。檢十誦中前列二部戒本。次明增文。從一至十。故曰增一次。卽解釋上二部戒本等相。一一牒來。隨次解釋。故曰義解。亦如四分調部相似。毗尼者。謂十誦律一部。大藏通名毗尼也。亦可連續云。并及解毗尼也。卽檢見彼律中初列戒本已下。卽一一牒解所解者。通是毗尼。故曰也。增一者。十誦律中有諸文。亦如四分無異。從一至十。上加一。故故名增一。賓云。增一者。初段之文是增之一。已下諸文以一增之。故云增一文。云以一爲本。一上加一。故言增一言。開遮輕重者。如五大色名不淨。卽不許服名爲遮。非五大是淨。許服卽是開。開卽輕。遮卽是重。故輕重也是不淨。遮等者。彼律中復有淨不淨。若青黃赤白色是不淨。則遮非此色。若壞色名淨。則不遮。又云五歲得離。依止名淨。年二十得受具名淨。四比丘說戒名淨。五比丘自恣名淨。乖此皆名不淨。文中說淨不淨。義極廣也。如是等諸量本末已用者。彼文中自明云。如是應籌量輕重。本末已應用如上。壞色應用。非壞色不應用。非遮應用。遮者不應用。言本末

者。彼文意令觀律之前後。前是本。後是末。亦可本起名。本義解及淨不淨是末。計意應是須作如此決通。上下文義之意也。

比丘能知五相者。一緣起。二結界。三隨結。四辨相。五開通。言辨相者。入如毛頭。與離本處。言牽了知此名。辨相也。心境迷忘。或戲笑等。痴狂心亂。皆名開通。不看他面者。彼了論疏。自解云。既自有明解心。疑畏。豈復看他顏色。故曰也。意明既識五相。能善決通。不假問他。承仰觀其顏色也。有云。如人面上。下塵垢。則攬鏡自看。名爲自看。面若知面上有垢。若問他人。於事成。就名看。他面。今若了教。如前攬鏡。不用問人。若不了教。承他顏色。曰看他面也。濟云。毗尼教名爲五處求。謂觀緣起。乃至辨相。開通等。則知是真。僞也。修多羅教名爲次第。求謂觀經文。若有次序。問答次第。卽知真僞。僞經也。問毗尼名爲分別。求亦名通。分別文略同上。廣如彼說者。謂了論文中。五相前三略同上。十誦三事。文言廣如彼說者。如了論中。廣說五相也。第六教所詮。意者。教是能詮。詮於戒行。行是所詮。所

及疑反

詮之相不過時犯二事其二持兩犯攝行得盡以其
二持二犯爲所詮之意故云教所詮意也

誣教之文文雖浩博其大趣止明持犯者明能詮之
教卽是律藏此律藏雖復廣大其中意趣不出持犯
故曰止明持犯如律本中前僧尼二部戒本是止持
及則名作犯下二十犍度是作持違則名止犯境通
內外者立謂持犯二行或用內心爲持犯之境或用
外事爲持犯之境內謂行心之結業者約五陰中前
一是色後四是心就四心中謂識受想行行前三心
此屬無記不能成業流至行心隨作善惡方成結業
言結業者結何等業謂結犯之業內起三毒是犯將
毒爲犯境內起三毒翻此三毒名持卽將善心爲持
境也此之二境俱結在行心非前三無記也外謂情
事之順違者立云情是有情境事卽非情境也於情
事二境上俱有持有犯且如殺戒則是於情上有違
名爲犯若不殺是順名爲持若如壞生不受食等是
於事上有違名爲犯不壞生等是順名持也今直一
解令人易解謂對情之與事於教若違卽名犯於教

若順卽名持皆望自心與前情事有違有順故曰也
但令教行相循始終無犯者行是心行教是律教將
相循歷其心若相應無違則名持皆謂行心作事不
違其教且如教中不得壞生掘地今隨行中依教不
違是此義也深云循是環謂是不間斷義也勝云循
者巡歷也但將教約行相巡歷不與犯緣相應者皆
名持也慈云循是相應義與教相應者卽是與教中
具緣成犯相應也言始終無犯者初受具已曰始一
期報盡曰終護之光潔名之無犯若生來不學於法
無聞者謂從佛法中初受具已名曰生來非出父母
胎也若學三藏聖教不識持犯輕重開遮如非之相
卽是於法無聞何以得知出家受具已名爲生來者
卽律序偈云佛戒所生者爾乃是眞生猶如鴉鵂魔
如來所記別是也其鴉鵂被邪師教之令殺千人用
指爲嬰後時出家時王波斯匿尋討欲殺來至佛所
佛語王言其人生來未曾殺人云云如賢愚經至時
付在說者修造善惡義兼福罰者如新受戒人不知
教相見塔上草善心淨故拔望心得福望違佛教得

提今則不論善心。但使違教。卽得罪。也不問事虛實。者。自意云。約持犯篇中。可學九句。明之謂識事。識犯。亦結根本。名爲實也。虛者。謂不識事。不識犯。及疑等。亦結根本。名之爲虛。更加不學無知之罪。由事是可學。以不學。故不識聖。不開之此解。與文相。當此名情之虛實。何者是事。虛實。且如境想五句中。初句殺人。作非人想。是境實。若非人。畜元來替處心。緣畜元作人想。殺亦結闍罪。夷闍雖殊。莫非是犯。故曰。不問事情虛實也。此通名持犯者。立云。結上文也。謂但通家。況於情事上。明其是持。是犯。未辨其輕重等。相犯之分。齊因果差別。下則約篇別明也。

若結篇正罪者。謂結五篇之正罪也。明其上。既是通明持犯。未的約篇聚所明。今欲約篇聚別明。故今先生起下文也。窮諸治罰者。謂若斷割罪名。皆先問其前人爲犯。夷。爲是殘吉。爲住方便。爲至究竟。若至果處。則重無方便。若未至果。則輕須窮。覈其輕重。約篇聚明之。束其方便。攬成業果者。謂攬方便。爲果罪也。若作事不成。則但結方便。方便故。可攬至果。不可攬。

● 增入尾題

也。須問其情。所犯觀其所犯。與教何處相應。爲與方便相應。爲與果處相應。故曰。輕重得於理教也。然者。芒也。又云。草穢地曰蕪。謂既覈得實情。與教相應。斷其持犯者。無有濫科之過也。此則名持犯者。謂此約對治爲言。故曰。別明持犯。又可解云。約對事的。明。故曰。別名持犯也。

四分律鈔批卷第二末

四分律鈔批卷第三本

江東杭州華嚴寺沙門 大覺 撰

十門道俗七部立教通局意第七

第七道俗七部立教通局意者。出家五衆在家二衆。名爲七部。所言教者。卽能詮之文。通約三藏。齊稱爲教。教雖衆多。不出化制二種。化教是通。通於道俗。制教是局。局被僧尼。以化教中。總明因果善惡二業。教化令修出離之道。故曰。化教。言行教者。五篇七聚。禁約緣非教。由制與。故曰。制教。言通局者。謂化教通七。

衆制教局五衆故曰也。又解通中一向是通更無有局。若是局中則有通如制教中得與俗人受五八戒是也。局中復有局如制教雖通僧尼若犯邊罪十三難等受戒不得及犯重僧尼不預僧事是故局中復有局也。

顯理之教乃在多途者。謂佛隨機設教皆爲顯真如之理。衆生機有乖各教則隨機差別故有多途。雖復多途不出化制二門。往收皆盡。

一謂化教者南山師云如阿含等中開演導化令識邪正因果業性言無所墮義通通俗教本化人令開導解故曰化教。然此化教三藏之中修多羅藏攝或云修妬路或云素怛纔皆是梵音一轉聲也。東塔云修多羅訛者非也。然妬路恒纔多羅是一轉之聲有輕重也。如悉曇章中有十四轉聲或十六轉聲一轉之中自有轉重數種豈有訛也。但汎明因果者謂但汎明善惡二因感苦樂兩果修善得福作惡得罪忍辱端正不殺長壽等此皆是汎明也。識達邪正者卽如經云此是佛說此是魔說若八不淨物畜者是邪

不畜是正畜者是魔眷屬非佛弟子又如不信因果是邪歸依三寶是正廣如涅槃邪正品說料其行業沉密而難知者且如化教但論不應殺生而不分殺生有輕重之門今欲料其輕重之業故曰難知又如盜不言滿五不滿五則不知結業分齊若行教中卽有夷殘等分齊立明此化教中但論心中所有善惡或起三毒四倒或起慈悲念定但在心外相難顯若將化教料其罪福輕重之相難知也。顯其來報明了而易述者謂觀今因知來果驗現果知過因如殺生得短命報故經云是殺生是殺生報是惡口是惡口報是邪行是邪行報等又如持五戒生人中持十善生天上若不受五戒當來墮三途不忍辱來世定醜但觀現因則知來報故曰明了而易述。

二謂行教唯局於內衆者。云毗尼大藏匠御出家五衆發足興行終登道益隨言卽行但以隨言行故是使能詮之文判爲行教故曰也。亦曰制教以此教門約勅五衆許無違犯故曰制教南山律師云言行教者依教興解非行不成故曰行教亦曰制教者教



由制契故曰制教也。定其取捨者。若依教如法者。乃可行之名。取若是違教非法者。不可行之名。捨又言取捨是得失之義。如受戒時。若要期三世境。因緣具則得戒。是取。若反上受戒。不得名失須捨也。立其綱致者。立三綱。是綱。綱即綱家之綱。致是意致。亦是心致。取五篇七聚為綱致也。又云佛法之中。所以結界受戒。說戒自恣。如此等法。並佛法之綱致也。決判疑滯者。有云如前了論。能知五相名解毗尼是也。若能明識二部戒律之相者。有疑問者。須為決之。又解決疑滯者。謂疑犯疑持疑於輕重難滯積年於事不了。一見律文解便通達。故曰決於疑滯也。指事曲宣文無重覽之義者。覽由見也。且如大律藏中。僧尼戒本行用儀式易解。皆是可學。顯於緣起犯相。開通且如殺人得夷殺畜得提。無心不犯。如此之說。皆是指前事曲見分明。不繁再見。謂一一戒皆指一事。委曲宣說不同。前化教汎說淫盜不顯於境犯處等。然今行教即顯其境三趣優劣。得罪差別。分齊一披盡解。不假重覽。事有再科之態者。明其犯行教中性戒罪。

◆ 律部作記

◆ 見疑立

◆ 釋入殺字

◆ 論疑釋

者如殺盜等科。違戒罪復加業道一罪科罰之義也。濟云取重犯義。故曰再科。如前作犯夷後亦得夷。故曰再科也。然則二教循環非無相濫者。應師云循環謂旋還往來也。巡也。遍也。明其二教互有相涉。猶如兩環相鈎之相。然雖相鈎。終自各別。欲明化行二教雖復相濫。然理各別。言相濫者。且如殺畜生二教俱明得罪。而化教中但明業道之罪。而無違制之譽。若制教中先結違制教之罪。復受業道之罪。即是相濫義也。又解如化制二教起心造善惡。心有相濫。大乘制心小乘亦制心。故律中心念作是也。然大乘單心起即犯小乘有擬動身口之心。方始結犯。然此二教防心是同。但假身口為異。故言濫也。濟云化教中亦有制教。制教中亦有化教。故曰相濫。何者是耶。如涅槃楞伽遺教。豈非化教。其中即明戒律之義。又如四分受戒。羯度初明如來度五俱降等說。四諦十二行法輪乃至三輪度外道等。豈非制教中。而亦有化教。故曰非無相濫也。舉宗以判理自彰矣。者立明化教用理為宗約。

七持律作疏

心以明得失亦云用心業爲宗行教約事爲宗則用身口業以明得失上既云循環相濫今舉此二宗分判道理自分故曰自彰也又解舉宗以判者未動身口但有起則違化教未犯制教若起心擬動身口則違制教兩宗如此今若違制教得二罪即是違教及業道也若違化教但得一罪是業道罪故云理自彰也

謂內心違順托理爲宗者上文云舉宗以判理自彰矣若爲自彰欲解其意故曰謂內心等謂內心有違情順情二心起者以托真如一來之理爲宗若違理起心是名犯也若起心順理則成持也只道起惡心違於真理卽結業理之罪此是化教之宗如此也此但名破大乘無相戒以大乘局制心犯故云內心違順托理爲宗此屬化教私云化教制心謂內心纔起惡念與理相違卽結業道是其化教之宗趣也外用施爲必護身口等者此明行教唯約身口不動雖復起心未違行教要動身口方可科罰然犯化教但受業道一報違行教重增聖制之罪者

戒疏云化教所明即業性罪犯者唯有二義一是違理惡行二者能妨道具此二義也若佛制廣教後犯具三義兩不異前有違佛制罪也上云業道者論中解云業者意也意從中行故曰業道也故經云者案善生經戒品云有二人共同作一罪一者受戒二不受戒已受戒者犯則罪重不受戒者犯則罪輕何以故以毀佛語故

言文廣自明者遍指一切教中之文也所以更分者此是生起今門意也諸教雖明化制二宗恐人不練故我分別作此一門也恐迷二教之宗體者化教以防內心爲教宗制教唯防七支爲教體作此分別者恐後人迷故所以我更分之也妄述業行之是非者立云恐有人言律師殺牛犯提同殺草木無異殺草還提今共作提罪懺悔二罪俱滅不知總報雖滅別報未亡既不識業道之罪直言罪滅此名妄述是非也又解妄述業行是非者勝云如依制教之人殺畜得提罪已不知有業道妄述已之清淨也復有僧尼依化教者見受苦之衆生殺之應有禍有何過失雖

無業道而不知與制教中具緣相應得違教罪妄述我是清淨也永者長也獨者除也謂除上妄述之見所由也

第八僧尼二部行事通塞意者通謂同戒同制之處如安居自恣說戒結界等僧尼同用義有相涉名之曰通言塞者互有互無如教誡等法是也立謂行事通塞者如受戒懺罪僧通得爲尼名通也自餘結界受日等但可自衆相對而作互不得通名之爲塞也同戒同制事法相同者卽四重等是也但是五篇中僧尼同戒皆名同戒安恣受說此皆同制言事法相同者事謂情非情事卽長衣鉢等皆同也法謂三藏羯磨及對首心念是同名爲事法相同也行用儀式具在諸門隨事詳用者立明若同事法如安恣等法並在三十門中任意詳用但改作尼爲異若辨成犯相戒本自分者謂二衆戒本中自明持犯之相二部自分故不同也隱而難知具在隨相者立云下隨戒釋相中僧尼二衆之戒廣釋其名相也然釋相中雖約僧戒解釋然尼戒名相同者亦皆寄在大僧隨相

中辨之故曰具在隨相也

約位之戒者謂僧尼兩位各別故曰約位也謂輕重不同者如尼摩觸得夷僧得殘漏失僧殘尼提尼不安居犯提僧得吉故曰輕重不同也有無互缺者僧無洗淨過三節戒四獨言人紡績戒等唯是尼有而僧無也尼無輒教誡至日暮等三戒二房戒僧有尼無故言有無互缺也犯因緣異者高云如與外道食戒犯雖是同與緣有異僧與出家外道犯尼與出家在家外道皆犯又如畜鉢戒僧開十日不說卽犯尼入手當日不說卽犯提也其罪是同開緣有異故曰犯因緣異禪云犯同緣異者如背正足食犯提同而開緣不同者賓云僧有餘食法背足別制尼無餘食法合制一戒也僧開餘法故曰開緣不同也又復減年一戒受緣不同者尼與式又作本法也僧卽與沙彌而受其十戒也過量浴衣生犯緣同謂過量作用僧尼同犯緣不同僧則用者時限謂屬夏中尼則聖開長時常用此似分其宗類等者謂且分兩位有開有異互缺輕

重等如此然未明不同之意也。猶未顯其來證者。未顯僧尼之戒不同有無意之所以也。又解未顯尼制教來由教證之意也。言具在大疏者。如首律師疏中具說所由不能繁述也。

第九下三衆隨行異同意者。卽式叉及沙彌沙彌尼名爲三也。三衆隨行中行事與大僧大尼有同有異。須出其異意所以也。

若約戒體同。大僧無作者。明其所發無表之戒體。量同大僧。故下云隨行類等。塵沙舉喻如春時草木枝葉盡出。未經盛夏。色未變黃。過五月已盡作黃色。明下三衆所發戒體律儀具足。未乘白四如樹未變色也。故報恩經云沙彌十戒比丘具戒始終常一。隨時立名。譬如樹葉春夏則青。秋時則黃。冬時則白。隨時異。故樹葉則異。而其始終故是一葉。戒亦如是。常亦一戒。隨時有異也。賓云古人此判稍違道理。若受沙彌戒卽普緣境應普發戒。卽應沙彌已具獲得二百五十如是便違婆沙論百二十四云近事受勤策律儀不捨五戒。受得十戒爾時成就十五律儀勤策更

受苾芻律儀爾時成就得二百六十五律儀。論旣分明言十戒位。但得十五至具戒位。方加其數。何容沙彌普發耶。答論據十戒成沙彌性。不遮普緣普發無表。此卽十戒立爲律儀。所餘無表善而非戒。設便違犯通名惡作。不可卽名犯戒惡作。爲調機器令普學戒也。唯顯於十者。卽戒相中且明十事。餘則不出。礪云沙彌旣死無作。同大僧發何故。但只說十答以非具位且就力分。故唯說十。復以惡作義通。故戒戒結吉不得。但以說十。卽不令分學其猶大僧豈可盡說五篇耶。結罪居第五篇者。立謂所犯之罪無問輕重。通結吉。雖若犯初篇但以滅擯吉。羅爲異吉。羅居第五篇。故云然也。就位在諸戒末者。僧尼二部律中戒戒下皆云沙彌沙彌尼突吉羅是也。

自外行法不同者。勝云說五德十數等是也。意云沙彌亦有安居自恣說戒等。故言行法不同。謂不同大僧大尼之類也。取捨有異者。勝云如壞生爲供養三寶緣有則開餘無此緣則制。制故名捨開則稱取亦云持名取犯名捨也。言各就別篇所明者。謂下更有

沙彌別法之篇也

式又摩那六法等者。此是外國語也。此翻式又爲學法。摩那翻爲女。故名學法。女謂學其六法。防於四重六法者。何一與染心男子摩觸。二盜四錢已下。三殺畜生。四小妄語。五非時食。六飲酒也。言防四重者。觸防姦盜。四防五殺。畜防人小妄。防大妄。若犯此六者。更從初與法要。滿二年方得受其大戒。若學法時犯根本四事者。則減擯上六法。是其學體。故曰是其學宗。其人位居大尼之下。在沙彌之上。要先受沙彌尼十戒。已方加此六法。所以制學六法者。南山羯磨疏云。六法以淨其心。二歲學戒以淨其身。言淨心者。以女人志弱。愚教者多。隨緣造過。特由學淺。是以聖制增位勸學。言淨身者。由曾出適。言婦事人後。爲夫喪從道。懷胎受戒。誕育懷殃。穢過由生。故限二年。可知染淨。即律中度妊身之緣是也。戒體更不重發者。明受沙彌尼戒時。發戒體已竟。但是更加學法。無別式叉之戒可發也。同諸三衆學之者。大僧爲一大尼。爲二。二衆沙彌爲三。也。勝云。僧尼爲一。沙彌爲二。沙

彌尼爲三。故曰同諸三衆學也

第十明鈔者。引用正文。去蓋傳眞者。蓋有三種。一謂律藏中自有蓋。二謂經論中有蓋。三謂佛法東度已後。諸師集疏行事有蓋。今則剪截浮辭。傳其眞教。以斟酌也。言傳眞者。謂取正錄眞經實論。是抄所用也。言斟酌者。科是科條。酌是斟酌。謂除僞就眞。取多取少。任自斟酌。故曰也。初明引用正經等者。就此門中。分有三在文易見。何故前明正經後明僞說。今解云。非無有意。先例眞者。爲顯抄中之所用。故須前列後明。僞者。顯知抄中不容僞蓋也。又欲眞僞相顯。知取眞捨僞。故以先眞後僞也。

僧祇律是根本部者。僧祇部外國云摩訶僧祇。此云大衆。此是城內前結集者。名上座部。以迦葉在座。年老得名也。衆既五百名。大衆部呼此上座部。爲大衆部耳。實非城外結集之大衆部也。今茲五部皆從前上座之大衆部出。故呼僧祇爲根本也。齊云。此古師立爲本部。今據宗輪論。僧祇非四分之一。根本部也。其宗輪卽是部執論異名。爲翻時前後所以立名不同。

耳謂同本別譯也。所以古人及鈔主將僧祇爲根本。非五部數者。據大集經云。廣博遍覽五部經書。是故名爲摩訶僧祇。既言遍覽五部。明知非五部數。故判爲根本部也。又宗輪論舍利弗問經。皆言初破分爲二部。一大衆部。二上座部。大衆即僧祇也。私云。宗輪論中上座部是四分根本也。然大集僧祇律。即是四分等根本也。此與宗輪論不同。部執疏中乃判摩訶僧祇部是四分根本也。所以知者。彼云根本有兩部。一上座部。計五陰及涅槃。皆是。有。二大衆部。計五陰涅槃。是假。故與今四分義同。據此大衆即當根本。如前已廣叙訖。今鈔言僧祇是根本者。或可依部疏說也。如上文云。競採大衆之文。卽是其義也。薩婆多部此翻一切有部。賓云根本并枝條合二十部。此方傳者。其唯六部。一僧祇部。宗輪論名大衆部。二薩婆多部。此名一切有部。卽十誦也。三彌沙塞部。卽化地部。今五分是也。四曇無德部。論名法藏部。舊人亦翻法敬法密。並是也。部執疏中云。法上部者。舊名曇無德者。蓋似不然也。五迦葉遺部。此唯有戒本論中名飲光。

部六正量論。卽了論所明者是。據其此方傳斯六部也。二論者謂大乘小乘之二部也。法聰律師下此引諸師。直是關中及已北者。若江表蜀地名僧。並未詳錄。隨朝久已焚除者。有本改爲禁字錯也。言愚癡者有云。一人無智曰愚。十人聚一處曰叢。亦如四樹名林。其義相似也。且述與律相應者。謂如上所列僞經。古來有師。濫用此經。由此經與律相涉。故今簡出明。我不用異古人也。卽前序中云。蓋述必剪。是此義也。餘文存略者。餘更有僞經極多。不能盡列。且字略也。余智同螢耀者。此是謙遜之辭也。云我智若螢光。以我之解。助佛之化者。喻若螢光。助於日也。濟云。螢若晝出。則無其光。夜出。則微有小光也。喻余亦然。若正法之時。不敢厝心。助化。亦無力如螢晝出。則無光也。今末代之中。故助佛弘化。如螢之夜出。似有小光也。言疎庸者。不親佛法。曰疎。非文非武。曰庸。應師云。庸謂常愚短者是也。心不節慎。口無法言。惑人爲友。

名之爲庸也。輕侮戲言等者。三蒼云。輕也。慢也。言戲者。法也。謂我敢輕慢法言。若輕慢則成戲論。言動成戲論者。若云有是增謗。若云無是減謗。非有非無。卽相違謗。若言非非。非無卽名戲論。謗故我何敢綴緝也。

雖然學有所承等者。此明我雖不敢綴緝。然亦所承有本。謂我親承首律師所學。聽講得二十餘遍。其首師者。但是所承學問正行之師。非是和上。和上卽日嚴寺贊律師也。言承必知本者。以下仰上。曰承明古來世世相承。上到波離相傳不絕。親知如來制之本意。故曰承必知本也。每所引用。先加覆檢者。明今鈔中。但是引諸經論及古人章疏等。必先勸覆看其如非。後方引用。故曰先加覆檢等也。於一事下廢立意多者。如律中犯重比丘。開其學悔。古人判言。若犯已未覆開海。曾覆竟不開悔。今廢此義。但使臨懺之時。盡露一切開悔。此義須立。又律中云。餘處行古人解云。是餘房此義。須廢。今解謂是出界外。此義須立。又如不可學九句中。古人判姪盜殺妄之事。是不可

學。今須廢之。若心境迷忘。是不可學。須立也。又如捉寶戒。古人云。旣拾遺爲緣。起名拾遺。落寶戒。若捉遺落寶。卽提除。非遺落者。不犯。今廢此義。一切捉者。俱提是立也。又自然界。體古人永執。或云。方圓今則約實定。方須廢。若云圓者。須立。又云。若有異界來邊。亦不定。圓濟云。廢立意多者。約律文中。雖復具列。則義有須廢者。有須立者。如五正食用魚肉等。此義須廢。又如破僧等義。末代豈有耶。皆是廢教。故曰廢立意多也。諸師所存情見。繁廣者。古人廣明善來上法三歸。八敬廣釋。受緣受體。發戒時節。當今關緣多。述何益。是繁是廣。故曰情見繁廣。

及教通餘論。理相難知者。立明毗尼之教。有通諸論也。謂論解於律名教。通餘論也。今言難知者。如諸論中。或云。表無表。或云。作無作。或言教無教。如多論中。作無作。戒俱色爲體。成論中。作戒是色。無作非色。非心爲體。如此釋判。理相難知。要是博達及通解諸論文。方能了達也。而抄略證文。多不具委者。明今鈔中。取經律論文。不

具述來但是相應之言。卽引將來入其宗也。知其始末者。勝云。且如破僧違諫諸部。始末大繁。不屬今時現行。若更窮所由。非鈔之意。故前序中云。橫評不急之言。於鈔便成所譯是義也。毗尼母論。佛令引要言。妙詞者。檢彼論云。諸比丘問佛言。若說法時。從修多羅。乃至憂婆提舍。隨意所說。十二部經。欲示現此義。復有疑心。若欲次第說。大衆大文。恐生疲厭。若略撰集好詞。直示現義。不知云何。佛言。聽諸比丘。引經中要言。妙詞。直顯其義而說。

臨機有用等者。謂如對受說安恣訃請等事。卽披文而用之。不勞問於他人也。豈復疑於罪福者。旣執事案文何所疑也。福則是持罪則是犯。謂我不疑其持犯也。

加諸不急之務者。謂恐後代人加閑言遊辭。增其鈔中。故曰加諸不急之務也。使眞宗蕪穢等者。指鈔爲眞文。若更增加不急之文。便是荒穢。致使後人行用。則昏迷不識其意。則眞僞兩取。俱不可知。烏鼠之喻等者。況眞僞也。烏取不得鼠取不得。喻其鈔中若加

金瓶梅詞話

不急之務。竟致後行事之人。眞取不得。僞取不得也。濟云。今時口說大乘之人。是烏鼠之流。或加大乘之言。益其鈔中。卽是不急之務也。又解。蝙蝠雖有烏鼠之盛。但愚者迷之。有智之人。知其非烏非鼠。欲明後代。愚不知眞僞。智者洞開三藏。豈復迷耶。

此之十條總束諸門者。是都結上十門也。諸此十門。是綱領。以分別橫括下三十門也。又解。此十門。來下三十門中。一一分拆其義意也。若攬收不盡。自下別論者。謂將此十門。攬收三十門中。有不盡者。下三十門。還出其法。相不必須此十門。統括也。

夫宅身佛海者。從此夫字已下。生起立三卷之章。宅是居也。明居身在佛法海中。也。又解。五陰身是火宅。今將此宅身。投在佛法海中。故曰也。言食味法流者。謂心服於道。永故曰也。形廁僧伍者。則由問也。廁在於僧行伍也。言行唯三位者。明今三卷稱三位行盡也。蓋今鈔主立茲三卷。用稱三行。據磻解云。然實行雖衆多。略明不過有兩。初謂自行之法者。謂四依八正行之所依。生行之軌。別人所行不假衆成。是故名。

爲自行之法。三言衆行法者。如說恣等理合詳遵許。無乖異。同崇水乳軌。以僧用要假共成。是故名爲衆行之法。所以要須此二法者。若無自行之軌行。無由立行。既不成。寧能戒禁定靜。發智斷惑。終皆出益。是故便有別行之法。別行雖成。若無御衆之方。任持綱統。何成僧寶。益利世間。故須衆法管攝。僧徒方成衆益。是故要須此之二法也。

識遠持犯。乃至體相具矣者。明中卷廣明戒體相狀。及隨戒之相。故言體相具矣。外德彰用者。謂既識遠持犯具。如中卷方能秉法。被時善解匠物。故曰外德彰用也。綱領存矣者。明上卷是佛法綱領。統收萬法。下卷乃是毛目。還是綱領之所攝持。舉領則毛端提綱。則目整也。自他兩德成相多途者。明下卷之文。雜行乃有益物及自利也。如導俗化方是利他。若頭陀等是自德。如看病。篇望看前人得差。是他德。自復得福是自德。故曰自他兩德也。毛目顯矣者。宣云。明上兩卷已具。僧體卽是綱領。下卷卽目也。然上卷僧體雖立。此乃自行未兼化他。放下卷接俗看病遇客等。

並是化他之行。如頭陀等是自行也。上二卷既是綱領。依此綱領能起餘行。若綱目之在。綱如裘毛之依領。故曰毛目顯矣。問上序中明三卷之意。前明上卷次明中下。此何故先明中卷。次明上下者。何答大有。所以上序中明者是大家衆法。而言故須作法次第。先明衆行住持。然後明受戒懺悔罪之別行也。先僧後別義次第。故今此所明將中卷居前者。欲明自行是立身之本體。相既立。方能兼上卷家僧衆之法。所以先明中卷也。

然則事類相投。更難量擬者。應師云。擬者向也。說文云。擬由度也。比也。類者例也。如受戒事。則有受戒類。如結界事。則有結界之類也。今若不從類例標名題者。但散亂而說者。尋討則難。故曰也有人云。事類相投。更難量擬者。言若總牒三十門中。一一事類。將來此十門更對門子細解釋者。此則更難量度。故曰更難量度。但可今此十門中。梗概而明其意。故曰隨宜約略。若長途散釋。寡討論者。勝云。若今十門更長途。一散說下三十門事意。此則不可盡其底。故曰寡於。

討論也。又解今十門中不可作散亂解釋。隨意即說。居作如此。散亂說其意者。後代之人尋討。則不識門戶。故曰。寡討論也。濟云。此是自謙之辭。謂我若廣釋。則復闕尋討論也。論語中馬融釋。討論者。討由治也。治而論之。詳而審之。故曰。討論也。必隨相曲分過在繁碎者。明今十門不可約略。

通結指歸者。正結十門之意。但約略如此。通家結束。爲十意之義也。使舉綱提綱。毛目自整等者。將此十門名爲綱。領下三十門中所有諸事。盡是毛目也。若識此十門綱領者。下三十篇毛目自顯現也。載舒載攬等者。載由則也。謂則舒則攬耳。言隨事隨依者。勸勵僧侶。精進護持。永離破戒之穢。流蕭然而得解脫。上來第三總釋十門義竟。

○標宗顯德篇第一

上來明序總序一鈔之意。於其序後。次列三十篇名。顯鈔中有若干事也。從列三十篇名。已下次作十門。總束三十篇中之意。此三節已竟。自此已下。約三十篇一一舒之。廣張其相。所以此文先來者。欲明夫所

撰集要先識其宗旨。非宗無以顯德。非德無以立宗。要須識其宗德。故須前來也。又復戒法戒體能生成。諸行諸行所依。故先出宗本。然後顯諸行相。故下釋法文云。乃可秉聖法。在懷習聖行。居體故得名爲隨法之行。

言標宗者。標是表幟。音之處也。宗是尊也。亦云主也。亦云總也。今取其意。總義濟云。標者舉也。謂總標舉一鈔之所尊也。謂此鈔用何以爲主。即欲舉其所尊也。有云。明此法體行相。此四是諸行之總宗。故下文云。此之四條並出道之本。依成果者之宗極。故標於鈔表。令寄心有在也。然今此鈔用此四種爲宗。若古來諸師立宗旨者。不少。叙教意多。家統而言之。不過有九束。其九師立宗。以爲頌曰。止作受隨止惡。宗教行因果制。一代第七止善。八戒行。第九三輪爲宗。宗如斯。九宗之義。廣上第一卷中大段第七戒法星羅詮宗各異門已。辨竟言顯德者。既標其宗。則須顯德。德者從果彰名。謂顯功曰德。以能持戒萬善從生。若非此宗。無以顯斯德也。德雖無量。不過二種。一謂斷

德二謂智德以修道故惑盡解滿有此二德由惑盡故是其斷德由解滿故是智德也此約羅漢能證斯法也夫德者得也明佛三大阿僧祇劫修諸萬行以持戒故功圓果滿萬德具備此屬佛德也佛由持戒故德之非唯諸佛自然而有此德然菩薩位間亦有隨分之德明今比丘是佛弟子若能持戒現世名譽當招勝果亦名為德又解為物所稱曰德又如下引諸大小乘經論將來證成顯戒功德明其勝用盡是德義也言篇者戒疏云篇字從竹乃是簡名自漢以前本無紙筆例用竹木兼之執素而用圖錄後漢蔡倫創造於紙用易簡素古書簡策可有一章以章編之號為一篇故宣尼讀易韋編三絕是也若從草作篇者此止是草名邊殄反之世號篇竹是也篇謂古用竹簡為書以皮韋之一束簡名一篇也言第一者第由居也如王侯之宅曰第此篇居三十篇之首故云第一注初出宗體後引文成德者私云此注者正釋篇之題目兼生起下文之意也立明指下文中戒相多途非唯一軌略舉樞要不過法體行相四種

總而言之並名宗體也言後引文成德者謂下先引小乘經論次引大乘經論嘆戒之功能故曰引文成德也就此序中且分為三意初從律海冲深下至非道無以顯其德來是序冠下文謂順教則三寶住持辨比丘事文意二從而澆末淺識下至寧不覆墜耶來明是序下文違戒便覆滅正法翻種苦業文意三從故知與替在人下謂通結上兩意也三段不同今即是初

夫律海冲深者應師云冲是虛也深者濶也淵也言律海者大毗尼藏能詮之教名之為律即此教門略言則八萬四千廣說則無邊無極故喻之於海也又如律中佛告目連海有八奇者束為頸曰衆流皆投不失潮五河失本無增減同一鹹味及死尸珍奇大寶形居處釋曰第一一切衆流皆投於海者謂如我弟子漸次學戒皆歸我法中二海水常不失潮法者謂如我弟子住我戒中乃至於死終不毀犯三令五大河皆投於海而失本名者謂於我法中四姓出家皆稱釋子四此五大河及以天雨盡歸於海無有增

滅者謂於我法中捨家學道入無餘涅槃界無餘涅槃界無有增減五同一鹹味者謂於我法中同一解脫味六不受死屍設有風飄岸上者謂如我法中不受犯重死屍七海水多出殄貴異寶陸地所無者謂於我法中亦出殄寶所謂三十七道品謂三四二五單七隻八也八大形衆生之所居處身長百由旬乃至七百由旬者謂於我法中亦受大形謂四果四向也涅槃經亦同此說此名海義也言云海爲衆流所歸戒爲衆善所集故喻海也體同法界故曰沖深又云清潔離染性不容穢有同於海故曰律海等也又云大海弘廣包控衆流戒善周通德收衆行故曰律海沖深也津通萬象者此明律海津潤無涯咸難與大喻之於海此解津者取津潤之義今又取津濟明義亦好如論語云子路問津鄭玄注云津者濟度之處也濟云其津既是濟度之處者將喻此戒亦是濟度衆生至成佛道皆從戒中過度而得通達至於彼岸故曰津通也言萬像者如海納百川衆流包含萬物律海亦爾能集生定慧萬善功德又包受三乘賢

聖備在其中由萬善因戒而生即名萬善爲萬象也雖包含無外而不宿死屍者濟云海包萬川之水無水而不含故曰無外也喻律教之中若有衆生欲來受三歸者亦聽欲受五戒八十具戒者並悉包取故曰包含無物而不受故曰無外明此海雖包納百川衆流不限多少兼有大身衆生之所居止復具八味無物而不受故曰包含無外然終不宿死屍設有則爲猛風吹之於岸上今律海亦爾雖復恩流萬品終不宿犯重死屍設有則羯磨擯出故律序云譬如有死屍大海不容受爲疾風所飄棄之於岸上諸作惡行者猶如彼等云云騰岳波雲而潮不過限者馬奔走曰騰高峯極峻曰岳明大海之水波浪洄復騰涌猶如山岳之高謂波濤上湧足於山岳故言騰岳也波雲者謂潮波上拂雲霄也濟云潮波猶如雲也波似雲之緣蓋故曰波雲也云律海中將四棄滅擯僧殘之罰其法嚴峻喻若騰岳波雲也若是逸提吉羅此治則輕如海中小波浪也雖夷殘等騰擯可畏而不得過分治罰罵打楚毒之苦故曰也言而潮不過限

者明大海雖復波浪高騰然潮終不失時節故曰不過限欲明上之騰岳波雲波雲喻如七法治人羯磨威力德用高大雖然羯磨威勢同彼海潮若有犯重僧尼不得非分治打杖罰但得白四擯出置於衆外復有三舉四擯五篇七聚自有科治之今若杖打即名過限又解潮不過限者依教不犯戒者名為依限若造惡違是戒名過限故律自解潮不過限者如我弟子住我法中乃至於死終不犯戒故涅槃第三十云海有八不思議第四潮不過限者如經中制諸比丘不得受畜八不淨之物若我弟子有能受持讀誦書寫解說分別是涅槃典者寧失身命終不犯之是名潮不過限也

廁預立門者立云廁者雜也間也玄謂妙也謂是玄妙定慧之門故老子云玄之又玄今佛法用無漏定慧名為玄門又言玄天之貌言黑色也遠望於天蒼蒼深遠難測也此句明身居三寶位也沐心道水慕存出要無染於世者洗身曰浴洗手曰盥洗足曰濯洗頭曰沐沐即洗濯之義謂洗心頭入佛道也明今

僧尼曠劫已來被色聲等六塵所染今若入道先須洗除此垢心也此句已下明心所趣向者欲擬反原志存出離之道也上何故著沐心之言既洗頭曰沐明今以道水洗沐心頭故曰沐心道水也言慕存出要無染於世者明既出家人道僧尼能持淨戒須越出人天二乘之縛名為出要不染人天之樂故曰無染於世此句明心志崇道也故能德益於時者此明既能不染世樂淨持禁戒心希出離道德內充嘉聲外逸能生物善匠導衆生秉法被時千載不墜故曰德益於時也此句結前身居三寶位也言迹超塵網者迹是行迹超是出也塵是五塵網是愛網亦是俗網也謂上既德益於世故行迹能超出六塵五欲之愛網也此句結上志存道也良由非法無以光其儀者立云其依教法修行四儀庠序可觀光顯外朗能生物善者良由律法光顯使之然也此句合前廁預立門身居三寶位句也非道無以顯其德者謂有道在懷方稱有德內若無道何德可明要居道內心外德光顯故曰也此句合上沐心道水之句也此上辨

得今此已下辨失

而澆末淺識等者。此下明滅法之人。雖以受得佛戒。而無護法之心。令法疾滅。澆者薄也。謂末代澆薄之流也。言膚見者淺也。近也。淺近薄皮名皮膚也。亦有小作唐爾雅云。常也。謂常愚短者。心不節慎。口無法言。惡人爲友。名之曰庸。名參者。參由同也。維也。維者黑也。言學非經遠者。經文涉遠。積年集學。名爲經遠。如上懈怠淺識之人。不能經遠。長時尋師而學。問也。情既疎野等者。立云不親佛法。曰疎。心在理外。曰野。野是遊野。謂情常蕩逸。無係曰野。野是逸義也。明佛三輪化物。律教當憶念輪。謂情常係念於法。故律云常爾一心念除諸蓋。今既此之心。故曰情之疎野。言寧究眞要者。寧由安也。焉也。謂其不親法律人。則不進定慧。安知出離之道。即此出離之道。名爲眞要也。封懷守株者。封由閉也。濟云。謂閉執愚心也。慈云。如有人雖受淨戒。身參道服。而情還順本俗之業。不能防護身口。情貪五欲。謂封著於欲情。故曰封懷也。又解封懷者。雖復持戒。但貪人天世樂。執著戒取。無希出

● 諸經

離名曰封懷也。言守株者。謂草木根也。宋時有人逐兔觸株而死。後更於中終日守待。時人號爲守株而待兔也。言志絕通望者。慈云。受得戒。竟雖復斷淫殺妄等。謂究竟而志求更不求聖果。故言絕通望也。謂不知戒是無上菩提。因不知依教修行。進生三昧。發智斷惑。無心希出離之益。故曰志絕通望也。局之心首等者。慈云。受得此戒。謂爲果滿。更不求學其餘定慧。永不知此戒是定慧之基。既不知所趣。故曰局也。而言無詣者。謂出言無有主趣。亦曰出言無至向也。爾正云。詣由進也。造奏詣進。此是一義也。意雖論道。不異於俗者。慈云。如有檀越。請齋或轉經行道。而作生善緣迹。如以道接而不那情。規財利口平章錢。或稱量某家布施厚薄等。既論財利。何異於俗。俗前在朝爭名入市求利是也。又解受得此戒在身。說此戒善功德狀似論道。而但求其名聞利養。都不忻求出離生死。何異於俗。俗以求此名利故。又云。北丘貪淫嗜酒。與估販賣。何異俗人。故曰不異於俗也。與世同流事乖眞趣者。趣由至到也。欲明順於俗心。營事乖逆眞

卷七

趣原其出家本應逆俗。今既與俗同流。乖本所趨之望也。研習積年。猶迷暗托者。謂習學積年。猶尙於事於法。恒疑不了。如暗中托物。或著故曰也。況談世論。孰能體之者。上句明學者尙自不知。今此下明不學者。舉學以況不學。謂學者尙暗於緣。不學故忘言也。孰由誰也。謂談世論之徒。誰復能體斯戒法也。容致濫委以亂法司者。慈云容者受也。又云容是不定之義。委者任也。亦迷也。安也。亦安也。司者至欲明。容受此非法無德之人。濫安法主之處也。又解云。如今曹司名爲曹主。寺主也。委者付也。謂不可將佛法委付此談世俗之人。若以戒法委此人者。卽是濫亂佛法。故曰以亂法司也。肆意縱奪等者。肆由放也。陳也。信也。習也。今取放義如市中店肆。陳列貨物。任人撰擇。此是肆義也。字書云。肆者所陳貨鬻於市也。亦云。講肆者。謂法師說義。恣人撰擇。亦名肆義。亦取放義。如上濫法司之人。不依法教。放縱身口。陳唱醜辭。師心觀於徒衆。有其愛憎。憎則犯輕而斷。重愛則犯重而斷。輕此名縱奪於愛。縱於憎。名奪私云於情。

愛者有罪。而不論於情。憎者吹毛而覓過也。慈云縱奪者。明上法主之人。放縱情懷。而於同情則縱其作惡。於異情者則奪其所有功能也。言專行暴。尙者謂於所瞋之人境上。非理加罰也。專者。應師云。專由自是也。專由一也。任也。論語云。尙伐怨欲不行焉。可謂爲仁矣。馬融曰。尙好勝人也。伐者自伐其功也。怨忌小怨也。欲者貪欲也。尙非俗節所許等者。謂俗人尙云。不以親而不誅。誅其有過。不以疎而不賞。賞彼有功。豈得任意縱奪。又解俗中高士。尙不呵吒。杖捶能行仁恕。況乃出俗僧徒。而反行之。新學困於盤石者。盤石者。謂大石也。明此非法衆主及摩訶羅畜養門徒。常令酤酒置肉。不教法用。至年長大。欲往遊方聽學。遮不與去。有二意。故一恐學問勝已。我便墮負。二恐彼識達教。相見我等。過知我是。非既不許出。如大石壓草。不得出頭也。又和上解云。如國家諸王卿相。名爲盤石之任。爲取相繼嗣。永固不移之義。義如盤石。故名盤石之任。喻此僧中無知衆主法主。亦名盤石之任。以處斷縱奪。不依聖教。而後生新學。弊斯法。

●百緣

主故云困於盤石。深云易中有困卦。解云進踐於
 葵。葵退又困於盤石。陰陽閉塞不通。名困卦也。如今
 官人先異。尅爲惡。被人糾。吉進被罪。刑退失官。爾今
 之法。主若縱奪任情。後若命終。退失道果。及失人天
 勝報。退入三途。猶如困卦也。律要絕於羈勒者。在身
 名羈。在口名勒。只是馬羈勒也。欲明新學之人。不
 識教相。不依戒律。放縱身口。造種種過。狀如馬無羈
 勒。故言絕也。今此直詔戒律爲羈勒也。故經云。佛所
 立禁戒。如猿著鎖。亦如利轡勒。卽其義也。正法玄綱
 寧不覆墜者。立云。無漏慧爲玄綱。戒是玄紐。因戒發
 定。用定發慧。今既毀戒。定慧不生。故云覆墜也。又解
 只詔戒爲玄綱也。又言寧不覆墜者。如經云。我諸弟
 子。展轉行之。則是如來法身常在而不滅也。今既不
 依教行。絕於展轉。無人能續。故云玄綱覆墜也。
 故知輿替在人者。爾正云輿。由起也。替廢也。此一句
 通結上文也。輿字結上迹超塵綱文也。替字結前澆
 末等之文也。深崇護法。乃立法輪不再轉手者。濟云
 若能爲衆生。不專行暴尅。所有門徒後生。令其出外

●托修作正

學問不與作盤石之礙。意欲令其學問紹隆。佛種卽
 是深崇護法也。立云如上。沐心道水迹超塵綱之人。
 既能依教修行。卽是法輪更轉。何慨佛日不再。曠乎
 卽如經云。當知此則是汝大師。若我在世。無異此也。
 則是法輪再轉於閻浮道光重。映於千歲者矣。
 今略指宗體等者。此正生起下四種是其宗體也。言
 後進興建有托者。謂今後學之人。欲興顯建立者。應
 倚托此四種有所憑據。托由附也。
 夫戒以隨器爲功者。立云身是戒器。故婆沙云。以功
 德所依名爲器也。器有大小。故戒亦有大小。故言戒
 者爲隨器也。如五戒卽人器。十戒卽天器。二百五十
 戒是聲聞器。十重四十八輕戒卽菩薩器。又解以受
 時有上中下品之心。亦隨發得三品之戒。故名隨器
 也。慈云此戒隨衆生器量所期。如器盛物。不擇香臭。
 欲求人之福及勝果等。皆隨所期。感尅戒品。故名隨
 器也。濟云戒者隨衆生。根器大小。所受多少。隨得戒
 亦不同。如俗人器小。則受五八戒等。器若大。則受具
 戒。故曰隨器爲功也。行者以領納爲趣者。謂能受戒

●戒律作元

人卽領納所受之法也。如白四羯磨一念之頃領納妙法居懷也。而能善淨身心稱緣而受者。謂身無遮難是淨身。誓斷惡緣境起心慕求出要有上品之心是名淨心也。言稱緣而受者。謂師僧清淨衣鉢具足羯磨成就總在緣復能淨其身器有其求之心名曰因。將此自因投其前後因緣具故理應發戒。以其因不乖緣故曰稱緣而受也。言方尅相應之道者。既淨心器稱緣而受。以內因外緣兩種相應而發此戒。則與無作戒善相應。卽此相應之道是其無作戒體也。尅者能也。又一解詳下文云。將何以爲道之淨器。卽名此所發之戒體。能與聖道相應故名相應之道。謂既稱緣而受。則與無作相應後得成於佛道也。二解。若情無遠趣差之毫微等者。謂無持戒斷惑之心。不知此戒法能至寂滅無上之果。無心希求名無遠趣也。言差之毫微者。謂顯因緣不具也。因緣小差卽非得戒之限。又因緣雖具。白四之時心緣除善不緣三世境作斷惡之心。一念有差。則非得戒限。謂差之毫微失之千里也。則徒染法流等者。謂受者無心空

●攝入失字

●攝入戒字

加作法無益。故曰徒染法流。言將何以爲道之淨器者。夫戒者萬善所依而生定慧藉之而起用能盛貯取喻於器名戒能盛萬善之功德。故稱道器。故經云。若無此戒諸善功德皆不得生。卽其義也。爲世良田義復安在者。謂剷染爲相持戒爲性性相兩具堪爲福田。今既受戒不獲福田之義。安在安由寧也。故智論云。爲世良田者實由戒體故也。佛藏經云。若不能除我。倒不得受一杯之水。一納之衣。五分亦云。不爲解脫出家者。不得受於僧次意可知也。

清身行徒等者。徒是今時徒衆也。此衆執戒律而行。故曰行徒。今欲受戒入茲徒侶。誓願護持寧死不犯。故曰清身。意明肅此身入行門之徒衆身。雖處此行徒心何所爲。謂怖於佛道涅槃之果。故曰清身行徒。遠怖因果。則言無宜妄造者。草造反。明受戒者遠求菩提。若但希人天之樂名妄造。若希二乘亦是妄造。造由趣也。語也。適也。專志斷惑等者。應師云。專者自是也。亦任也。亦云一也。慮者念也。思也。謂以其一心注想於戒善也。言令契入無滯者。慈云。專志修行擬契入

圓寂涅槃無相真理。虛通無有滯礙之處也。私云只是志心緣其戒善功德。令與我心相應。直爾契會。直爾趣入。直爾發得。使中間更無滯礙也。又解只名無作戒體為無滯也。以成實宗中將非色非心為體。故名無滯。若薩婆多宗戒是其色。即有滯礙也。故經云雖無形色者。即涅槃經明其無作戒體也。今引此經證成上無滯之義。據此文意。前解無滯義。用後釋為當。

但戒相多途。非唯一軌者。軌有兩音。一音逸字統云過也。一音妖。反。田結謂車轍。即當此用。言多途者。約境相明。境通情非情。且周法界。故曰多途。亦云止作二持犯也。亦云遮戒性戒。亦云五八十具。亦云上中下品等。故曰多途也。非唯一軌者。如車足踐地為路。則千車同於一軌。以車大小一種故也。車若大小後車被前車拗破。若無大小。故得千里同軌。戒相不爾。乃至多途。不同於車軌也。心有分限。取之不同者。謂有上中下品之心。亦隨取得上中下品戒也。亦云隨欲取五八十具。隨受何戒。即得也。亦云三乘之人。隨

受得不同也。若任境彰名。乃有無量者。謂約法界情非情等。皆是所發戒之境。若從如此等境。彰於戒數之名者。而戒則有無窮之稱也。且據極要者。廣正云。樞是門白也。又云。樞機動轉之主。謂樞本也。如戶有樞。方得動轉。欲明此戶必相要。藉今舉四法。亦為要者。喻之於樞。故云。且據極要略標四種也。

語法而談。不局凡聖者。此謂若凡若聖。通有此之戒法也。如聖人亦受此戒。即是沓婆摩羅十四出家十六證。阿羅漢年滿二十。羯磨受戒。此是聖人。亦有斯事故。曰不局於聖也。言凡者。即今一切比丘。白四羯磨受者是也。直明此法。至出離之道等者。謂我今更不論其不局。凡聖所由。且明其戒法之義。故言直明此法也。言必能軌成出離之道者。謂此戒法可軌。可則能出離。生死成無漏道也。要令受者信知有此者。謂能受戒人。須信知有此聖法。住在身乘之得出離生死也。謂不局。凡聖皆受得此戒在身。只喚此戒音身名為聖法。要須信知有此戒法也。

今所受者。就已成而言。名為聖法等者。慈云約羯磨

竟發得此法名爲已成爲聖道。其能成聖故名爲聖法。亦可已成者明此戒法能取於聖。就尅果邊名爲已成。已成聖故。方名聖法。謂佛菩薩聲聞乘此戒法得至菩提。故名聖法。今凡受者雖未得望。從因望果。呼爲聖法。又解聖人乘此戒法得至聖果。故知今所受者卽是聖法。就成聖者爲言。故云就已成而言也。漢亦云。雖復凡聖通有此法者。結上文也。就已成而言者。明今凡僧受者。因緣具足。受得戒者。故言就已成而言也。

但令返彼生死。仰則僧徒者。明昔在生死順流長往。今發心遠離。則在僧位。故曰仰。則向上曰仰。前言返彼生死。是垂下也。今則仰。則是向上之義也。建志要期。高栖累外者。以名返彼生死。超離煩惱。名爲建志要期也。累是生死罪累。既有斷惡修善。返生死之心。此心乃高昇三界之表。輟息於塵累之外。故曰高栖等也。又解今發心受戒。志出三界。高謝四流。名爲高栖累外也。必須長養此心者。立云若發此如上建志之心者。要須預前長養此心也。復發上品之心。擬

三聚淨戒。若至臨時。師僧擬教。相尙自虛。何能教於前人。發此心也。使隨人成就者。謂隨十人百人同時受戒。隨有長養。返彼生死。起上品之心者。受得其戒。則名成就。若無此心。則不成就。皆謂隨有長養此心者。不限人之多少。故云隨人成就。慈云。隨有求四果。或期緣覺菩薩等。隨人心之所期。卽得尅獲。故言隨人成就也。習聖行居體者。既秉羈磨聖法。發得戒竟。卽須依法修行。名爲聖行。故曰習聖行居體也。名爲隨法之行者。勝云。隨受得此聖法。在身起動施爲。皆須護持。名爲隨法之行。上來釋其戒法義竟。

二明戒體。若依通論。明所發之業體者。慈云。通論者。通律之論也。如成實等明。所受發其業體者。約作無作。以辨名業體。以發身口之業。故論云。作者身動身方便。無作者身動滅已。與餘識俱。名爲無作。故知作與無作。就業以明。故戒疏云。或就業辨。卽作無作也。立云。今此通指諸論。如多論。明作無作用色爲業體。如成論。作戒以爲色業體。無作以非色非心爲業體。此等論文。皆是明其所發之業體。故曰也。若如此廣

辨對今未明。今且直明能領之心。謂對第三羯磨竟時發得無作業體。此業體之義是所發也。今未暇論。且明能領之心。呼爲戒體也。今就正顯直陳能領之心相者。顯由明也。明通論中。但辨所發之業體。但明其所則不辨能。今此直就能領心邊。以爲戒體也。言心者。卽是求戒之心。因此心發無作體。只名此心爲體也。言相者。要假此心。方能緣於外相。其相是何卽法界塵沙二諦等相。以心緣此相。故言心相也。約此義邊。並爲戒體。故曰直陳能領之心相。

謂法界塵沙二諦等法者。卽謂行者心中能領得法也。二諦卽是空有也。空卽眞諦。有卽俗諦。何故用二諦爲戒境。且明眞諦滅理。涅槃如謗聖教。言非佛說。滅理涅槃言非畢竟寂滅。皆獲重罪。今反成福。並入戒門。言俗諦者。謂反彼生死。斷一切惡。離殺盜等。此皆俗諦盡是戒境。故曰二諦以已要期。施造方便者。要期斷惡修善。寧死不犯也。施造者。卽壇場胡跪合掌禮拜求哀乞受。皆是施造方便也。惻思明慧等者。廣正云。惻者悲也。說文云。惻由痛也。思者謂思惟也。

欲明受戒之時。悲念一切衆生不起殺盜諸惡。和加也。謂我及一切衆生久流生死。造諸罪業。今痛昔迷。故云惻思也。言明慧者。謂要假明慧方能傷痛。三有衆生若是愚痴。何能有此心也。又勝云。言明慧者。爲須了此戒法是衆善根本。能成大果。知有勝用。故起增上心。受得此戒。修定習慧。擬會正道上報佛恩。下化群有。名爲明慧。要須了了知佛戒有如此功益了知分明。故曰明慧如此發心。方能與無作之體相應。故曰冥會前法也。又云冥會前法者。冥由暗也。謂既能慈惻明慧立志如此。必冥然暗與白四聖法相應。相應是何謂闇與理會。故曰相應也。言前法者。指前門戒法文爲前法也。亦可懸指教中羯磨之法也。以此要期之心與彼妙法相應者。請要發此持戒之心。乃與法界塵沙等境妙法相應也。於彼法上有緣起之義者。由緣故起。故曰緣起。或名緣成。謂緣會故成。故名曰緣成也。立云受者有心衣鉢具足。師僧清淨。羯磨成就者。則第三羯磨竟一刹那頃於塵沙法界情非情境法上領得此無作之體。名爲緣起之義也。

勝又解明此戒是因緣生法。然求戒心誓等是因師僧衣鉢羯磨等是增上緣。二種相扣。因緣和契。至三羯磨竟。於彼二種法上。假緣引發生。起此戒名曰緣起義也。又解云。於彼法上者。看此文意。指前法界塵沙二諦等法名爲彼也。謂於此一切境上。發得戒體。第三羯磨竟。時舉得一切戒法。起注身心。中名爲緣起。謂由緣師僧衣鉢羯磨自求心等之因緣。故有法起。卽於一切境上有戒善功德而生。名此爲起。故曰緣起之義也。領納在心名爲戒體者。將受戒人能領戒之心爲戒體。問此戒體門與前戒法何別。解云。若論法者。不由受與不受。任運有此法體。能成出離之道。若論體者。緣身口發得此法在身名體。故羯磨疏云。戒體者。納受聖法於心胸。卽法是所納之戒體。詳此文意。望能領邊爲體。所領者爲法。此是勝同也

三明戒行者。謂依戒修行名爲戒行。上旣明戒法戒體。並受中之事。今卽辨隨行之中。廣能策進心行也。上旣受體在身。今則廣修方便。隨戒而行。義順於前。故曰戒行兼之在心者。兼由執也。謂執之在心。

此字上作禾頭下是古手字也。謂以手執不名之爲兼。若兩兼並者。兼名之爲兼。謂左右兼執不斷也。必須廣修方便者。謂不犯一切戒者。皆由有方便作護持之心。故能對境不染也。故下文云。若光嚴淨識。托對五塵。欲染不生。由前方便故也。深云廣修四正勤。何者爲四。一未生之善。方便令生。二已生之善。令運增長。三未生之惡。令不起。四已生之惡。令滅。卽儀洗之法是也。檢察身口等者。卽防身口七非。此名戒也。言威儀之行。此明上檢察身口能防名戒。其相是。羣今則於微細威儀。行住坐臥四儀。可觀。故曰威儀之行也。尅志專崇。高慕前聖者。尅由能也。明諸佛羅漢等。並持此戒。能得出離生死。因茲戒德。降魔成道。我亦効之。故曰高慕前聖也。持心後起。義順於前。者。此明前要心受時。誓持不犯。今已受後。能順前期。不違本心。故曰義順於前也。經云。雖非觸對者。有云。涅槃經也。明無作戒體。雖非色非心。若修方便而護持者。身得清淨。由非色心故。故云非可觸對。

四明戒相至稱法等者。立云。若直明則二百五十戒。

是也。若更廣論。一切情非情萬境。是戒相也。此解非今文明戒相言隨所施造。則稱法者有云。如不捉寶不觸女人。不與女宿。不非時食。此皆名動則稱法。隨行住四儀中。皆稱法也。由此稱法。故美德外彰。色相清潔。堪生物信。故美德光顯。名此為戒相也。並出道之本依等者。謂三乘之道。皆依此四條為根本。而得出生死也。言成果之宗極者。謂依此四條為宗。能成於四果及佛果也。如五戒用人為果。極十善。用天為果。極今此四條。是聲聞中為果。極也。謂一切果極之基。皆因於戒。以尸羅既淨。能集生三昧。發智斷惑。終獲道益。故曰。出道之本。依成果者之宗極也。故標於鈔表等者。表由外也。明此四法。標在鈔首之初。故曰也。言今寄心有在者。謂令後人寄心四條之中。自知身佩聖法者。必堪為六道福田等也。紹隆佛種。興建法幢。功德不可思議等者。紹由繼也。隆者盛也。六道福田三寶因種等。既有多許功德。非心思口議得盡也。豈惟言論能盡者。明心思既不及。言說亦難窮。此都結上文也。直引聖說。誠證者。立云。結前并

生後也。言直引聖說是結上也。誠證是生後文。引大小乘經論也。意謂不然。但是都生起文也。令持法高士詳而鏡者。立謂有始有終。曰士。從一至十。數終也。一則為始。十則是終。下作一。故曰士也。榮云。夫靡不有始。鮮尅必有終。有始有終者。其唯聖人乎。鄭玄云。別是非知義理。謂之為士。上來釋其第一宗體義。竟從此已下。當第二引文成德門也。辨比丘事者。立明比丘之事。取辨大難。若依教修行。受持禁戒。能自行化他。識知法相。名之為辨。若毀禁戒。廣造非法。不閑法相。不足僧數。名為不辨。比丘事也。覆滅正法。翻種苦業。者。立明既違聖教。任持義絕。使佛法陵遲。良為無人弘之。故曰覆滅也。當受戒時。專擬斷惡修善。望離生死。向若不受無戒。可犯今受。而不持死墮地獄。豈非翻種苦業也。今通括一化所說正文者。簡其偽經。則不引來。故曰正文也。發趣萬行。戒為宗主者。明戒是衆行之初基。萬行從戒而生。居宗在首。故曰宗主。故經云。若欲生天等。必須護戒足者。有云。此善生經也。淨三藏云。據梵本合

言戒跡不足戒足梵言波荷此翻爲足若言波荷陀此翻爲跡梵本既言波荷陀明知是迹也謂戒者前佛學此戒法而得聖果後人尋此前跡而學之亦得道果故曰迹也濟云觀此解釋亦有道理不得一向撥他三藏然千里之馬時有一蹶人誰無失從長處而用他既能辛苦數萬里往彼取得經論來此教化衆生豈顧不少信耶又經云戒者行根住持即喻如地者檢善生經云戒是菩提道初根本地名之爲戒如是戒者亦名初地亦名平地亦名等地亦名慈地亦名悲地亦名佛迹名一切功德根本亦名福田以是因緣智者應當受持而不毀於戒也上釋小乘經嘆戒義已竟

道品樓觀以戒爲柱者寶云三十七道品相扶持成道喻之樓觀將戒爲此樓之柱也禪定心城以戒爲樞者度生死河戒爲橋梁入善人衆以戒爲印者入直正田戒爲疆畔如田無畔水則不住如是若無淨戒則定水不住也立云入善人衆者三乘賢聖名爲善人衆也

須者看之戒則不礙者明彼論中嘆戒文多若見彼文則勇勵常忻護持故戒不礙也

毗婆沙者此翻爲逐分別謂逐律文後解釋分別也亦翻爲廣解釋也只是羅漢作論解釋經律事同此方章疏也戒言尸羅亦言行也者婆沙第三十四卷云言尸羅曰行者如人有足能行至餘方如是行人有尸羅足者能行至善道及至涅槃也亦云守信者彼論解云言尸羅曰守信者此是世俗言說之法若人善護尸羅者言是人名守信不能善護尸羅者是人不可信也是故世俗言說尸羅爲守信立云本受誓持今隨行中能持不違本心故曰守信也言亦名爲器者彼論解云以是一切功德所依之處故曰器也

尸羅言冷無破戒熱及三惡道熱者彼論第二十五卷云云何尸羅義答冷義是尸羅義所以者何破戒能令身心熱隨持戒則令身心冷第二十四卷又解云破戒者三惡道中熱持戒者人天中冷應師云音靈謂是悟解之意也亦云冷然清淨之貌也礪云音靈

謂戒法清涼無鬱蒸之惱故曰冷也。三惡道者地獄餓鬼畜生也。亦名善夢者。彼論解云尸羅言夢持戒者身心不熱常得善夢故立云持戒之人諸天衛護常得好夢也。亦名爲習者。彼論解云尸羅言習持戒者善習戒法故亦名爲定者。彼論解云尸羅言定若依戒住心易定故立云言尸羅既淨三昧現前亦名爲池群聖所浴者。彼論解云尸羅言池如佛說偈法衆戒水池清淨無瑕穢聖浴身不濕必到於彼岸。或名瓔珞等者。彼論解云尸羅如瓔珞有瓔珞嚴身有少時好中年老年則不好有中年好老年則不好有老時好少年中年則不好戒瓔珞嚴者三時常好立云世人用香華瓔珞而嚴身出家僧尼用戒爲瓔珞故大集經云佛言菩薩有四種瓔珞莊嚴一戒瓔珞莊嚴二三昧瓔珞莊嚴三智慧瓔珞莊嚴四陀羅尼瓔珞莊嚴故菩薩戒經云戒如明月月亦如瓔珞珠微塵菩薩衆由是成正覺卽其義也亦名鏡者。彼論解云又尸羅如鏡鏡若明淨像於中現戒清淨者無我像現立云戒淨故發定能發慧以定中觀身無

我相可得也。又名威勢者。彼論解云又尸羅言威勢如來所以三千大千世界有威勢者皆是尸羅力故也。何以故爲戒無缺犯故言餘如駟龍事者。難寶藏經及論共明云佛滅度後七百年闍賓國有一惡龍王名阿利耶。受性暴惡故作災害惱國人民悉皆患之。去其住處不遠有僧伽藍時有五百羅漢皆共集會入於禪定各盡神力。驅遣此龍令出國界。其龍有大威德雖五百羅漢神通動地。驅遣此龍不能使動。時有一羅漢名祇夜多。最後而至時諸羅漢具以此事向祇夜多說。祇夜多不入禪定直三彈指語言。賢善遠比處去。龍聞彈指聲卽便遠去。時諸羅漢語夜多言。汝以何禪定力令此龍去。我與仁者俱得漏盡。我盡神力不能令動。尊者何以三彈指令其出去。還入大海耶。夜多答言。我以彈指力者。直以我從凡夫已來謹慎於戒。護突吉羅猶如四重無異。我以戒力故令此龍去。是故尸羅名爲威勢等也。又戒名爲頭能見苦諦諸色等者。彼論解云又尸羅言頭如人有頭則能見色聞聲嗅香嘗味覺觸知法如是行人有

色陰等法總相別相是故尸羅言顯

名也論中大引此人之言

尸羅顯者能見苦諦等色聞名身等義嗅覺意華香
嘗出離無事寂靜三菩提味覺禪定解脫等觸知行
色陰等法總相別相是故尸羅言顯
尊者瞿沙說曰乃至能至涅槃者彼論云尊者瞿
沙說曰不破義是尸羅義如人不破戒足能有所至
如是行者不破尸羅故能至涅槃也言瞿沙者是人
名也論中大引此人之言
上來解小乘經論讚戒善竟從此已下次明大乘經
論廣嘆其戒也華嚴經云具足受持威儀教法等者案
華嚴經明法品說彼有三番明義今試叙云謂約三
種三寶故有三番也初云能令眾生發菩提心令佛
法不斷開示演說十二部經甚深法藏令法寶不斷
受持一切威儀教法令僧寶不斷第二番云讚嘆大
願謂菩薩令佛寶不斷分別顯示十二緣起令法寶
不斷修六和敬令僧寶不斷第三番云下佛種子於
衆生田生正覺芽令佛寶不斷護持法藏不惜身命
令法寶不斷善御大衆心無憂悔令僧寶不斷此三
番中各有階降先就佛寶彰其階降初番能令發菩

提心趣求佛果第二番中贊大願者贊起行願令其
修習第三番中下佛種子於衆生田作成行種次就
法寶彰階降者初番演說十二部經是其教法第二
番中顯示緣起是其理法第三番中護持法藏是其
行法後就僧寶彰其階降者初番受持威儀法者僧
行方便第二番中修六和敬者行成不乖第三番中
善御大衆德熟攝他故也
如餘佛土等者大集經十九卷後有護法品云說此
經時爾時有十方世界諸大菩薩從他方來集論道
說道義爾時十方世界菩薩白佛言諸佛如來爲如
是等五淨衆生制於禁戒唯願如來爲法久住復制
禁戒所謂身戒口戒意戒不得受畜一切惡物等如
餘佛土所制淨戒佛言止止佛自知時因緣未出如
來則不預制禁戒也說此經時佛成道已第十二年
中也今有鈔本作王字者多相傳解云如善國王皆
立嚴制不許造罪等此並人語謂本作王字者甚錯
其來久矣卽十門中云抄寫錯漏相承傳謬斯言明
矣

不得疥癩野干者。檢薩遮尼健子經云。有薩遮尼健子。與八十千方尼健子。遊行諸國教化衆生。次第至鬱闍延城。爾時國主名曰嚴熾。其王敬重迎之。受學其人。廣爲王說種種法門。次爲王說沙門瞿曇名稱功總相好利益等事。王問如此法身從何而得。尼健答。再以戒爲本。持戒爲始。若不持戒。乃至不得疥癩野干。身何況當得功德之身。大王當知。以戒淨故。不斷法種。僧種以戒淨故。功德無量。王聞是已。發菩提心。云云。

雖有色族多聞者。立云色是顯色。端正亦是色勢。族是高門。大姓多聞。即是明解世俗經書。乃至經論。而不能持戒。取喻可知。禽獸者。飛曰禽。走曰獸。雖廣解聖教。名曰多聞。若不能依教而行。如鸚鵡。鵲。鸚。脚。是以經云。譬如死人。著金環。多聞破戒。受他供養。亦復如是。故重引之。

令誦心首者。上已先明持破者受報不同。其言要妙。今又再出。故云。重引緊要。慙慙。故曰。令誦心首上來。釋大乘經竟。

雖山居苦行。乃至空無所得者。出要正路。唯入聖道。攝一切行。無行不盡。入正道中。有正戒正。正正慧。今此之人。雖復得定。此定非依佛戒而發。名曰邪定。名有漏慧。不能越證正果。故曰。空無所得。持戒之人。壽終之時。風刀解身等者。檢智論云。持戒之人。壽終之時。刀風解身。筋脉斷絕。自知持戒清淨。心不怖畏。如說。偈言。大惡病中。戒爲良藥。大怖畏中。戒爲守護。死闇冥中。戒爲明燈。於惡道中。戒爲橋梁。死海水。中戒爲大船。言風刀解身者。經云。臨終之時。色黑者。定墮地獄。色青者。墮畜生。色黃。墮餓鬼。若色如常。赤白。生於人中。倍如常。赤白。端正者。得生天上。此是風刀之相也。

持地三十二相無差別。因皆持戒所得者。濟云。其三十二之因。有通因。有別因。如報恩經。明無見頂。相。卽以無憍慢爲因。乃至手網縵。卽以其事爲因。皆名別因也。若持戒卽三十二相之通因也。言三十二相者。一足平如。底相。二足下有輪。輪三手。纖長。四足跟長。五其身直。六網縵。指七手足。更相。八節。踰相。九

身毛上麤相十鹿王膊相十一其身圓滿相十二手
過膝十三頂有肉髻十四有馬陰藏十五皮膚細黑
十六身毛右旋十七身有金色常以明曜十八一切
處滿十九柔輿聲二十缺骨充滿二十一師子上身
二十二臂肘纖二十三四十齒白淨齊密二十四四
牙相二十五師子頰二十六味中上味二十七廣長
舌二十八好梵音聲二十九目睫紺青三十兩腋下
滿三十一眼眇如牛王三十二有白毫相是爲三十
二相如此之相皆是持戒所得故云三十二相無差
別因皆以持戒所得也

此出名
義集中

十住婆沙有讚戒戒報二品廣列深利具如彼說者
彼論第十四卷有此二品初明讚戒品云略讚尸羅
少分尸羅者最是梵行之本尸羅卽是功德寶積又
是功德住處亦如大地萬物依止尸羅度人能過生
死猶如牢船能度大海尸羅能滅煩惱患猶如良藥
能消衆病又尸羅能度人出諸惡道如度深水得好
橋梁如是種種讚尸羅功能並一例義文繁不錄次
有戒報品明菩薩能淨尸羅得離垢地

謂第
二地常作轉

中廣沙作問

輪聖王十善化人七寶自然文中廣明七寶之相嚴
麗等事功益之力文廣不錄也上來四段總釋初門
化教義竟

從此已下正明第二制教門也不欲有疑悔請問他
人者明既秉持戒識遠聖教不假問他也遊化諸方
而無有導者立云十方佛法理同無別若也不識聖
教至處多怖若順教而行遊方使無怯懦濟云若明
閑法律一切僧事皆解出路逢他人諸羯磨誦戒作
法事皆解爲作情則無礙也若答不解心則懷恐故
曰也

一戒品牢固者彌云數雖有五義約爲三初一自行
次三匡衆之行二行善成便能秉法被時千載不墜
是故末後一句興建正法行念捨智等令戒清淨不
爲緣壞故曰戒品牢固二破戒之人與持者相違義
同於怨內心清淨超勝於彼故曰善勝諸怨三既無
瑕累處衆斷理情無懼憚故曰決斷無畏四曉了持
犯能決人疑滯故曰善能開解第五若不持戒法不
久住此義易知又得十利者四分中一攝取於僧二

令僧歡喜三令僧安樂四未信令信五已信者令增長六難調順者令調順七慚愧者得安樂八斷現在有漏九斷未來有漏十令正法久住其十利之義廣如上第一卷中教起所因門已釋竟

乃至三世亦爾者過現未來名爲三世也

調生世出世善者了疏云第一能將引生種種勝利是毗尼義謂能引生世善於中有兩一能引生四萬二千功德正法二引生不悔之心由不悔故心喜得定乃至解脫立云迦持戒近招人天果報是生世善遠趨菩提是出世善又解若有爲有漏是世善無爲無漏是出世善又如智論云若下品持戒生人中品持戒生天此是世善上品持戒成聲聞乃至佛道是出世善二能教身口二業清淨及正直者眞諦疏云第二能教身語清淨正直是毗尼義由此法遮身口不令起惡名之爲教不爲煩惱濁業濁之所汙故名身口清淨不爲見濁之所染故名爲正直私云五見名見濁以清淨故向善道以正直故得涅槃也謂持戒之人身離三過口離四過卽是正直也三能滅罪障

者了疏云第三能滅罪障是毗尼義於中復兩一滅方便二正滅罪正滅者謂得擇滅涅槃由戒能遮諸罪障故名滅方便由障不生故得罪滅此兩俱得稱爲毗尼第四能引勝是毗尼義能引在家人令得出家引未離欲令得梵住從梵住得聖住從聖住得阿羅漢從阿羅漢有餘入無餘後轉勝故名爲引勝也言乃至引到梵住者立云梵住卽四無量心聖住卽是三解脫也其住總有八種頌曰境界依止與威儀未捨梵住及天人第七聖住八佛住如是次第應當知檢維摩疏云佛在毗耶離或言在或言居或言住義實一也然住有八種一境界住謂十六大國是所遊之界也二依止住謂一切僧伽藍是佛依止故也三威儀住謂行住坐臥也四未捨壽住謂未涅槃前住無漏五蘊故卽五分法身也五梵住謂四無量心多住大悲故六天住謂八禪多住第四禪故七聖住謂住三昧亦云三解脫門卽三三摩地也入空滅見也入無願滅愛也入無相滅無明也佛多住空定心惑盡故也八佛住無生無滅在實相法中故寶云第八佛

住者如來住首楞嚴等無量三昧十力四無所畏十
八不共法一切智慧乃至如是等種種諸佛功德是
佛住處佛於中住此八住中若約三身而論初四是
化身住次三是報身住後一是法身住就能所而明
者初二能住後一是所住諸經中多舉八中境界
住及依止住爲化在家出家二種人也謂境界住爲
化在家人依止住爲化出家人也今文所舉者欲
明戒能引人至如此諸住及有餘涅槃無餘涅槃者
謂是無餘依也煩惱障盡苦依身在是有餘依苦依
身盡無餘依也第五勝人所行是毗尼義佛是最勝
故云也次獨覺及聲聞是此等勝人所行事故又凡
夫中亦是勝者方能行事故_{已上}問獨覺出無佛世
如何有此毗尼答緣覺有兩一麟角辟支出無佛世
獨一無侶喻如麟角此人自悟觀樹生滅得證真理
故曰也二部行辟支謂多群類共行也體是聲聞之
人以不值佛故成辟支如須陀洹第七生已盡令證
羅漢由第七生盡值世無佛法不蒙他人化導任運
生盡名曰辟支據其遠因亦是聞佛法故證得初果

望今成不由他教故謝辟支_{部行者行字}平去談
之以多人同修一行則今感報一時故曰部行_{平去}談
時多人共行此法今得此果故曰部行_{平去}此人與聲
聞相似但聲聞人假佛聲教而語故曰聲聞此人悟
時不假聲教故曰獨覺據其遠因非不假教賓云獨
覺出無佛世自然得五不作戒亦名木叉不假佛世
也問獨覺出無佛世形如何答婆沙四十六釋初果
云初果若滿七生無佛出世彼法爾成佛弟子相乃
得極果如五百仙人在伊師迦山中修道本是聲聞
出無佛世獲爲現佛弟子相彼皆學之證獨覺果無
學不受外道相故若五分律化地部宗俗人亦得羅
漢也
具斯四義功強於彼者毗尼既住持佛法功強於定
慧二藏指上餘經爲彼也
下至五人持律在世者此約住持僧說五人下引大
集經云若一寺一村一林五法師住鳴榔集四方僧
是名衆僧如法住大功德海若無量僧破戒但令五
人清淨如法護持佛法等已上文證五人是住持僧

數若減五者不名如法

四乃至二十人如法出罪者初從一人懺悔迄至二十除罪故言乃至若持五戒卽見法身謂但能持五戒卽見法身況具戒耶立云五分法身中戒爲其初今但持五卽見見法身也

如飲水殺蟲之喻者僧祇云佛在舍衛城時南方波羅脂國有二比丘共伴來詣舍衛問訊世尊中路渴乏無水前到一井一比丘汲水便飲一比丘看水見虫不飲飲水比丘問伴汝何不飲答言世尊制戒不得飲虫水此水有虫是故不飲飲水比丘復重勸言長老汝且飲水勿令渴死不得見佛答言我寧喪身不毀佛戒作是語已遂便渴死飲水比丘漸漸行往到佛所頭面禮足却住一面佛知而故問比丘汝從何所來答言我從波羅脂國來問有伴不答有二人爲伴道中渴乏無水前到一井井水有虫我卽飲之因水氣力得逢觀世尊彼守戒不飲卽便渴死佛言癡人汝不見我謂得見我彼死比丘已先見我若比丘放逸懈怠不攝諸根如是比丘雖共我一處彼離

我遠彼雖見我我不見彼若有比丘在海彼岸能不放逸精進不懈毀攝諸根雖去我遠我常見彼彼常近我又准十誦云二比丘往佛所一飲虫水一不飲水其不飲者命終生三十三天上得天身具足先到佛所禮佛足已佛爲說法得法眼淨爲受三歸五戒已便還天宮時飲水者後到佛所佛見其來佛時披憂多偈示金色身汝痴人用見我肉身何爲不如持戒者先見我法身佛卽說偈

色身但不淨 汝見欲何爲 內有脂肉血

外爲薄皮覆 彼爲渴所燒 猶行恭敬戒

至死護我戒 彼見汝非見

愚劣不堪護持此戒者戒經云有智動護戒便得第一道愚聚不持墮三惡道上來數段不同總是釋第一門中順戒住持辨比丘事竟

還約二教雜明者謂化制二教也一比丘小得心已便謂已聖者立謂如今坐禪人稍得少許道理寂念謂我功齊於佛便卽呵斥戒律此直是法滅之相三捨世間業出家破戒者譬如愚人吐已還食是也五

十不字廣則

乃至羅漢亦被打罵者十誦文云破戒者多人佐助
有持戒者無人佐助五無不罵者乃至羅漢亦被
打罵是爲五非法在世鈔加打字也

一自不修身戒心慧者涅槃二十九卷明修身戒心
慧試爲引之可詳其意若比丘不觀身無常不淨可
惡猶如冢墓九孔常漏臭穢可惡常與諸虫共在一
處若不能如是觀者名不修身戒者若不觀戒是一
切善法梯橙亦是一切善法根本如地悉是一切樹
木所生之本是諸善根之導首也如彼商主導諸商
人戒是一切善法勝幢如天帝釋所立勝幢帝釋與
修羅戰
得勝故建勝
幢於殿前也戒能永斷一切惡業及三惡道能療惡
病猶如藥樹戒是生死險道資糧戒是摧結惡賊鎧
杖戒是滅結毒蛇良呪戒是度惡業行橋梁若不能
如是觀者名不修戒心者不能觀心輕躁動轉難提
難調馳騁奔逸如大惡象念念迅速如彼電光躁擾
不住猶如獼猴如幻如炎乃是一切諸惡根本五欲
難滿如火獲薪亦如大海吞受衆流乃至周遍二十
五有猶如疾風吹兜羅茸所不應求求無厭足迷惑

愛著生死臭穢猶如獄囚樂獄卒女亦如團瞎樂處
不淨若不能如是觀者名不修心慧者不觀智慧有
大勢力如金翅鳥能壞惡業壞無明闇猶如日光焚
燒邪見猶如猛火慧是一切善法根本佛菩薩母之
種子也若不能如是觀者名不修慧故云不修身戒
心慧也四與淨人沙彌共住不知三相者彼十誦云
比丘與淨人沙彌相近住不知三相三相者謂掘地
斷草用虫水澆濯也律文齊如此說今相承解者謂
遣他掘地壞草不解言知是看是謂作知淨之語也
澆水者謂不安澆具也

持法者即修多羅師也持律者即毗奈耶師也持摩
夷者即阿毗達摩師也然摩夷者梵音訛略應言摩
但理迦此云本母即阿毗達摩之異名也謂諸法相
從論出生故名本母善見十八云摩夷者二部波羅
提木叉賓云譯者謬也木叉與摩夷俱是梵語豈可
梵語以翻梵語必不然也言謬譯者蓋是當時譯善
見曰西方梵人指其戒本意欲申說本母之義且如
律中釋相輕重皆從戒本之所出生欲似諸論出生

法相而漢人不領本母之義乃謬翻爲二部木叉此必然也

多有上座長老比丘學律者十誦文云佛在舍衛國時諸比丘廢學毗尼誦讀修多羅阿毗曇遠離毗尼佛見是事已讚歎毗尼通利者面前讚歎諸上座長老比丘見佛如是讚歎毗尼便念憂波離持毗尼中最爲第一我等當學毗尼諸上座長老比丘即從憂波離受誦毗尼也

雜含云若長老上座中年少年者從一夏至九夏曰年少從十夏至十九夏名中年從二十夏至四十九夏爲上座從五十夏已去名曰耆年長老也言初不樂戒不重戒乃至我不讚嘆者檢雜含云佛告諸比丘言若諸上座長老比丘初始不樂戒學不重於戒見餘比丘初始樂戒重於戒者復不隨時讚嘆如是比丘我不讚嘆所以者何若大師讚嘆彼者餘人當復習近親重同其所見以同其所見故長夜當受不饒益若是故我於彼長老不相讚嘆者爲其初始不樂學戒故如長老中年少年亦如是鈔云我不讚

出家經作本

嘆者謂佛自稱我也我若讚此上座由此上座既不能嘆美樂學戒人佛若嘆此上座者恐餘人同其上座之見也若同此見死入地獄長夜受苦故也

言故畜八不淨乃至如彼說者八不淨物者帶數釋也云何爲八一田宅園林二種植生種三貯積穀帛四畜養人僕五養繫禽獸六錢寶貨物七旃褥釜錢八象金銀牀及諸重物是爲八不淨也

袈裟變白者立云袈裟名味今明雖著袈裟無袈裟之味故曰變白也濟云非謂染衣不著但是心不染法故也卽涅槃云汝諸比丘身雖淨眼袈裟染衣心猶未染大乘淨法卽其義也又袈裟梵語此名爲味欲明其人不得袈裟解脫之上味也

其處如家者明此家中多有死屍可惡破戒死屍甚大可惡亦復如是也又失諸功德如枯樹者有云枯不受潤此人不善法功德之潤也立云枯樹多聚虫故人並捨離濟云樹若鬱茂人則愛樂今既枯死人皆捨遠故曰失諸功德也我爲佛賊者此人生爲佛賊死爲鬼囚制不由已故菩薩戒云信心出家受

佛禁戒不得毀犯聖戒若有犯者不得受一切檀越供養不得國王地上行不得飲國王水五千大鬼常遮其前鬼言大賊若入房舍城邑宅中鬼復常掃其腳跡一切世人罵言佛法中賊一切衆生眼不欲見破戒之人畜生無異木頭無異若毀犯聖戒者是大佛賊也

有人言罪不罪等者此是智論中自立此問也不解本文故曲疏出者私云智度論云大品故指於大品爲本文也一自害者破戒之人生報地獄自貽伊戚名曰自害也

十誦有十法令正法疾滅者約鈔文數十相極難分今檢十誦云憂波離問佛有幾法令正法滅沒佛言有五法何等爲五一有比丘無欲鈍根難誦句義不能正受二亦不能令他解了三不能令受者有恭敬威儀四有說法者不能如法教誨諍言鈔闕引此句直云乃至五不在阿練若處亦不愛阿練若處此五法令正法滅沒下文更有五句令法不滅即反上句是又不隨法教等者佛言復有五法令正法滅一謂有比丘不隨法教隨非法教

四分律鈔批卷第三本

二不隨忍法鈔不引此句三不敬上座無有威儀鈔改此句四上座不以法教上座說法時愁惱令後生不得受學修多羅毗尼阿毗曇五上座命終已後比丘放逸習於非法失諸善法是名五法滅也反此五法言不敬上座無威儀者據彼文意謂不敬上座名曰無威儀非謂上座無威儀不相致敬也好作文頌乃至甚可怖畏者菩薩戒經云有佛經律大乘法而不能勤學修習反學邪見二乘外道俗典阿毗曇雜論書記是斷佛性障道因緣等即其義也

四分律鈔批卷第三末

江東杭州華嚴寺沙門 大覺 撰

○集僧通局篇第二

此篇來意者上既標宗顯德僧體已備理宜益物濟時興建正法秉御衆行使千載不墜據其能秉非僧不辯故凡有所秉必先集僧故有此篇來也又云前

門明宗體顯其戒德功用。法既增上。何人能行。僧是勝人而能行也。故功德論云。由勝密故。非俗人所行。故不令見。若欲弘法。必假於僧。故次第二明集僧篇來也。

言集僧者。身口詳聚名之曰集。具六和敬。故稱爲僧。又言集者。如律文中七種集法。量影破竹等。此名集之方也。又言集僧者。集何等僧。即如前篇具四義者。乃堪僧用。隨一有闕。無德可彰。未堪僧用。今不須集。故約前篇之後。即辨集僧首云。然僧通凡聖。實乃無量。今舉要略。就教分二。一羯磨僧。以無勝德。可彰就應。羯磨教法和合。以標其德。故曰羯磨僧也。二名法輪僧。佛說淨教契理之說。軌成行者名之爲法。即此之法。能摧結使轉。凡爲聖名之爲法輪。此就喻得名。上羯磨與法輪。非是僧體。此是成僧之因。皆是就事辨耳。若論僧體者。論中諸說不同。今約本宗辨僧。取假名攬四以成僧體。四外無別體也。指四人爲體。故律文云。僧者四人。若過四人等是也。羯云。辨僧體者。二論不同。若依多宗。以四比丘五陰實法爲體。謂

彼論宗多計一切法是有。今五陰亦是有也。人是五陰。故用五陰實法用爲僧體。依如成論。謂四人和合。有其假用。然用無別體。還以實法五陰爲假用之體。此宗多計一切法是假故也。欲明五陰實法之僧。一人無用。未成僧體。假此四人和合之用。方是僧體。言實法無用者。謂五陰若各不相假。而無有用。由五陰相假。得成人身。謂彼宗意云。五陰實法中。假立衆生也。此名重虛累假。以五塵成四大。四大是假。五塵是實。四大成五陰。五陰是假。四大是實。五陰成衆生。衆生是假。五陰是實也。於五陰實法中。假立衆生名。即此衆生有名無體。名曰假名。於中命根體亦是假。離陰之體。今亦如是。各各人別不相假者。非僧體也。以相假。故四成僧體。如四樹成林。亦是相假。單樹豈成林耶。又云。攬指成。攬攬陰成人。人假爲體。實法無用。四人假用爲僧之體。而用更無別體。還以四人陰本爲體。如身口業無別有體。還以色聲爲體。今存後引餘如羯磨疏明也。言通局者。如說戒自恣。通集四界之僧。四界者。謂戒場界。外空地。大界。俱須盡集。曰

通律云見相須求若叛得罪卽其義也若受戒讖罪分功德衣施安居物受日等事但局界內不須界外日局故云集僧通局又云處有廣狹集有遠近用有多少故曰通局也

僧者以和爲義者賓云和有二種謂事理也於其事理絕於違諍故名爲和初約理和者謂滅諍之理彼此是同如十方法界隨有比丘遠四諦理則同知苦集是苦集等豈有一人執苦爲樂若見苦爲樂不名爲諦既所見是同必無違諍故曰理和謂約所證之理是一故能觀之智無二也且如京師一人證悟真理與此南吳一人所證理者無有異見所契所解一而無二故曰理和此屬第一義諦僧也二曰事和身口詳集作法之時更無乖別之見於事同崇故曰事和此通凡聖僧也如後廣叙六和是也立云六和者戒見利身口意也羯磨疏云卽如經中修六和敬令僧不斷是也戒者同稟釋迦一化白四教法所受之戒也由戒是衆德之基同受故須同行有缺緣成不名僧也其戒雖同要同一正見爲入道之本故又云

異見雖同界成別衆不相足數如調達邪受五法者是也故須見同若見異法同不名僧也戒見既同理紀邪命須同利養故曰命同亦曰利同疏云雖同戒見淨行須同邪命利乘財法不共又非僧也上三是據於僧體至於時務成濟要以三業爲相故曰應來集者謂身和也應與欲者謂心和也應阿不阿謂口和也既備三體須順三和能成僧義此且初心疏云別明也僧者梵曰僧伽此翻和合衆有二種謂人法也言人和者雖復殊方異質品族不同若至同聚則胸襟莫二事順心同如水乳合故曰也言法和者卽戒見行命羯磨說戒有必齊遵無宜乖逆故曰也然僧義大約六和爲先身口心和所謂人也戒見利和所謂法也人法乃具數須成四三人已下未謂此名今言僧字者羯磨疏云具存梵音應言僧伽此土先無其名比衆以譯也有加和合乃是義用故文云僧者四人若過此乃時衆以譯也有加和合者約羯磨說戒所用故也如經中佛法衆也若以衆翻則通二三據別顯德非四不成故存僧名知非三也餘經云衆者彼

不明僧義。故從此譯律中恐濫故存本也。恐濫二三之人也。
相有乖離者。謂身口心三業之相互有不集。便成別衆。故曰相有乖離。御法則無成決之功等者。御謂秉御也。應師云。案乘馬曰御。又云。御者治也。欲明相既乖離作法不就也。言被事必據入非之位者。立云。僧若不知相非足數。若秉聖法。卽落人非也。
當敷座打鍵。毘者問曰。何故先敷座而後打相者。答大聖設教。義不徒然。但以佛在日時。直鳴三下。後爲緣故。方始打長三下。正是集僧未敷。先鳴三下者。使僧衆來集。交無坐處。故制先敷後乃打相者是也。
當唱時至者。立明中國多有此事。居士請僧設食。自來僧坊中唱時至。佛及衆僧卽著衣持鉢往。計今時兩京時行此法。謂僧往赴會時。俗人若營辦食。竟卽執香爐來上座。前互跪唱云。時至。僧卽收經而食。此卽當作相也。應打三通者。立明最後三槌聲盡。方打名曰三通。故羯磨疏云。聲絕之後。復加三槌。故云三通。又云。此三通者。集三乘僧也。初一道集聲聞僧。第二通集緣覺僧。後一通集菩薩僧也。除漆毒樹者。謂

能損傷比丘手。故須除也。若唱二時至者。卽大小二食時也。

十誦居士請僧。自於寺中鳴鍵者。彼律云。凡諸檀越欲請僧者。多有自來寺中先鳴鍵。毘諸比丘問欲作何事。乃云。我欲請僧設供。云云。送食。女人者。立云。緣爲比丘在於闍。若有女人送食來。亦自鳴鍵。

如來信鼓者。有解云。阿難承如來信。而擊鼓集僧。今時但云。將此鼓爲信也。濟云。信者命也。阿難奉命而擊鼓也。廣如增一阿含抄云云。

無人彈指者。保云。若徒衆闍亂時。不得發言呵。但舉手彈指。令其警覺。故曰彈指。言維那者。出要律儀音義云。維那本音毗訶羅。波羅解云。毗訶羅者。曰寺波羅者。曰護謂寺護也。持律者云。維那言悅衆聲論云。正外國語。應言波邏。翻爲次第者。謂更遞知僧事故也。

若淮文中七種集法者。文謂四分文也。羯磨疏云。召僧七相不離聲色也。云何爲七。淮律中一量影。二破竹作聲。三打地聲。四作烟。五吹貝。六打鼓。七打鍵。椎

言燈影各立明。取木燈。日中齊爾許。影將以爲則也。言作烟者。立明如富家烽火也。已上並謂先與僧相知作法用也。言破竹者。立云。取大竹破其一頭。全其一頭。以手捉全頭。打作聲也。言健槌。反。家。立云。反。家。立云。反。家。今檢出要律儀音義中。只作寒字。此翻爲鐘也。應師云。若存梵音。應言健稚。謂所打之木。或銅。此無正翻。以彼無鐘聲故也。但以健稚相蓋。所以爲誤。又矣。多少節解之法等者。檢三千云。健稚有五事。一者常會時。二者且食時。三者晝飯時。四者暮投盤時。賓解云。蓋收盤器也。五者一切非常時。是爲五事。復有七法。一者縣官。二者大水。三者大火。四者盜賊。五者會沙彌。六者會優婆塞。七者呼私兒。賓解云。蓋呼淨人小兒也。而翻譯時。胡語不正。筆受者謬抄。復當知上來十二時。健稚常會時。當先從小起。稍至大大下擊二十。稍小二十下。稍小小十下。復大三下。且食大下三通。晝食一通。非常者。隨時視時。縣官水火盜賊。亦隨時會沙彌。三下。優婆塞會。二下。呼私兒。一下。賓云。古來未見南山圖樣儀式。而義立云。初三下者。名

警鐘。謂徒衆整理衣服。次長打者。名引衆鐘。謂衆赴也。覆生槌者。名靜衆鐘。謂赴堂集已。嘿然靜坐也。鐘聲既絕。方爲法事。死入千頭魚中。乃至白令長打。使我苦息等者。付法藏傳第三卷云。佛滅度後七百餘年。時安息國王。性甚頑暴。將領四兵。伐月支國。其月支王。者旃檀。屬賦吒。亦即嚴。誠兩陣交戰。刀劍繼起。屬賦吒王。尋便獲勝。殺安息人。凡有九億。問群臣言。今我此罪。可得滅不。諸臣答言。大王殺戮。凡九億人。罪既深重。云何可滅。時王尋置大錢於七日中。煮湯令沸。洄涌騰波。熾熱炎盛。以一金環。置斯湯內。顧問群臣。誰巧方便。能得此環。時有一臣。來應王命。便投冷水。隨而取之。手無傷爛。尋獲金環。王告臣云。我所爲罪。如彼沸湯。悔必可滅。猶如冷水。處於錢也。吾所殺人。雖有九億。其罪重者。唯一人半。我當殺時。有兩賢信。臨被戮。稱南無佛。而我殺之。斯罪深重。其一人者。口言南無。未知是佛爲當。爾那我復殺之。故名半人。爾時有菩薩羅漢。比丘見屬昵吒造斯惡業。欲令彼王恐怖。悔過。卽

以神力示其地獄所謂斫剝輪解形悲叫哀號苦
 增難忍王見是已極大惶怖心自念言我甚惡癡造
 此罪業未來必受如斯之苦若吾先知如是惡報正
 使我身支節分解終不起心加害惡賊況於善人生
 一念惡爾時馬鳴菩薩即語王言王能至心聽我說
 法隨順吾教令王此罪不入地獄王即受教於是馬
 鳴廣爲王說清淨之法令其重罪漸得微薄爾時其
 王統攝天下廣集勇將嚴四種兵所向皆伏如電摧
 草三海人民咸來臣屬爾時王所乘之馬於路遊
 行足自摧屈王語之言我征三海悉已歸化唯有北
 海未來降伏若得之者不復相乘吾事未辦如何使
 爾爾時群臣聞王此語咸共議曰爾時王貪虛無
 道數出征伐勞役人民不知厭足欲王四海咸備邊
 遠親戚分離姑斯之苦何時寧息宜可同心併除之
 然後我等乃當快樂因王病危以被鎮之人坐其上
 須臾氣絕由聽馬鳴說法緣故生大海中作千頭魚
 餓輪迴注斬截其首續復尋生次第更斬如是展轉
 乃至無量須臾之間頭滿大海時有羅漢爲僧羅那

王即自言今此餓輪聞健捷音即便停止於其中間
 苦痛小息唯願大德垂哀矜愍若鳴健捷者延令長
 久羅漢愍念爲長打之過七日已受苦便畢而此寺
 上因彼王故次第相傳長打健捷至於今日齊云往
 季有大使至蒲州簡入入軍八縣兵夫並集唱人名
 入軍其便若聞寺中鳴鐘聲則手搭文書上殿心待
 鳴捷了即舉手看是手下之名者皆放不入軍也增
 一阿含乃至諸苦並皆停止者羯磨疏云凡業有定
 不定故苦有止不止若作業必定聖所不免不定業
 者無緣則受有緣便止也立云如持犯方軌中明造
 罪有八句三時明心若具三時心業則定也有闕一
 時之心則業不定也此並因緣相召等者羯磨疏云
 罪者遇善爲因打者發願爲緣故得聲傳苦滅自然
 感應故曰自然之理不亡亡由無也欲明受苦之人
 先微有善心爲因今日鳴鐘比丘運念曰緣故曰相
 召自然符合也故知今時鳴鐘作相雖爲集僧心須
 存其拔苦也被鬼神送物者續高僧傳云唐西京大
 莊嚴寺隋時名東僧智興律師俗姓宋洛州人也謙

約成務。履行堅明。悲心洞徹。樂行無諍。大業五年仲冬之月。次掌維那。時有寺僧三果者。有兄從南幸。江都中路遇患。身死。初無凶忌。忽連夢其妻曰。吾從駕達於彭城。不幸病死。生於地獄。備經五苦辛酸。臣言誰知吾者。賴以今月初日。蒙禪定寺僧智興。鳴鐘發聲。響振地獄。同受苦者一時解脫。今生樂處。思報其恩。可具絹十疋。用以奉之。并陳吾意。其妻從睡驚覺。惟夢所由。與人共說。物無信者。尋又重夢及諸巫覡咸陳前說。經十餘日。因問奄至。恰與夢同。果乃奉絹與之。而與自陳無德。並施大衆。或問何緣感此。答曰。余見付法藏傳。屬託王劔輪。停事及增一阿含鐘聲功德。敬遵此微苦力行之。每至登樓寒。歷切骨露。手提杵肉。烈血凝。致敬注心。厲意無怠。又初則願諸賢聖。同入道場。後則願諸惡趣。俱時離苦。不意微誠遂能遠感也。

知淨之語不通於俗。乃至早須廢捨等者。立謂俗人不須云知淨語也。如掘地等俗。直得作不須知淨之言。故曰不通於俗也。言及以自爲者。謂此知淨之言。

亦不通比丘自作也。謂不得他比丘掘地云知地等也。此解非也。慈云。道知鐘之語。亦不得語俗云知鐘。自打時亦不得言。我知鐘。故言不通此意。明俗人與僧同得作者。不用作知淨語。故言不通於俗。及以自爲也。若唯俗得作。僧不得作者。則須知淨之語。此解與羯磨疏同。故彼疏云。有人言。知鐘者云是淨語。言打鐘者不淨語也。無此知淨自不得爲令他作之。故云知也。鐘則不歸自他通用。不有種相。何須避之。當部言打其事。極多人畜非情。咸有其戒。可改之爲知淨乎。故智論樹提阿含。擊提槌五分打三通。註中。槌擊鐘鼓也。然以知淨之言。別有所爲。故翻經之家。隨以此方一相往翻。莫非物觸聲發也。故知鐘之言。雖非巨害。然是知法之人大忌也。上來釋集僧軌度義竟。

若作法界則有三別者。謂大界戒場。三小界也有戒場。四處集僧各得行事等者。深云。雖明四處集僧。不相妨礙。若准羯磨疏。明若作說念。則內外通收。以是攝僧網紀。使內外同崇。不許逃避。乃至外界戒場見。

相便求即其事也。勝云。既言四處集僧。各得行事。詳此文言。全無通意。但得名局。准羯磨疏中云。行法不同。若作其餘羯磨。則隨界分局。人不相集。即如今文。四處集僧。各得行事也。若作說戒自恣。則內外通。故以是攝僧綱。紀如前已引。

當律無文。諸部詳用者。即如下引聚落道行水界。並是他部文也。

初聚落有二。者即可分別。不可分別曰二也。其可分別復有二。種一僧則在無易委。二聚落既周。院相可悉。云何名爲聚落。村伍爲聚。隣里曰落。蓋此方言也。又解村伍曰聚。疆畔曰落也。

隨聚落界是僧坊界者。檢十誦云。諸比丘。於無僧坊聚落中。初作僧坊。未結界。爾時應齊。幾許佛言。隨聚落界是僧坊界立。云此據聚相既周。制依聚集。若有僧坊。僧坊相周。但依坊集。濟云。准鈔主意。更別立伽藍。自然界與聚落界。雖四相是同。然名則別。約十誦及古師。唯有聚落界不立伽藍界。今文中既立。隱於聚落位中。若藍相不周。則准不可分別聚落齊六十

三步集也。藍相若周。則齊藍集事。同可分別聚落也。雖然終不以俗人宅院周。即同名可分別。要齊一大村聚爲言耳。注下文齊行來處者。此指十誦下文律第四十七云。憂波離問佛。若比丘聚落中。初造僧坊。齊幾許作界。佛言。隨聚落界。齊行來處律文如此。賓云。十誦衣界。僧界勢分等也。彼律第五離衣界云。聚落界者。若鷄飛所及處。若慚愧人。大小便處。若箭射所及處。並准有百步。許僧界云。齊行來處者。古人義准應百步也。立云。齊行來處。謂箭射所及。雞飛所及。處齊此內。須集勝云。齊行來處者。此制分齊者。約制檢校。攝僧分齊。非是界相。恐門外有近僧入。妨法。故遠召之。故云。齊行來處也。故羯磨疏云。齊行來處者。此制通接。恐妨界內。必作法時。身在門外。亦得兩成也。注云。四分聚落界。取院相者。謂齊院相內集。不同十誦齊行來處也。四分自然衣界。有勢分。此僧界無勢分。須知十誦僧界有勢分者。部別不同。問僧界衣界二種。自然何以自然衣界。獨有勢分。自然僧界乃無勢分者。答。咸是開急就緩。故所以爾也。衣以遠

爲緩故開勢分。僧以近爲緩故無勢分。若僧從衣有反成難集。若衣順僧無衣成大急。故使二界有無理別更問作法。衣界便無勢分。自然衣界則有勢分。既是衣界何以有無不同。答開不重開故也。賢云本制隨身。今開結攝衣界者。已是一開更許制分。則是重開之失也。又依大界成故。又復作法限約故也。蘭若處有僧坊欲結界等者。此問意汝既聚中無藍。則依聚相集。向若有藍但依藍集。我今蘭若亦有藍。得依藍集。不此問蘭若意欲顯其可分別聚落。謂借蘭若之藍以顯聚落之相。欲明蘭若合齊五里。但爲有藍故依藍。然此藍相與我聚相義既不殊。明知依聚而集。即得也。問意如此。

答十誦隨聚落。即僧坊界者。此引十誦文取其文下之義以答他問。謂十誦聚落與藍義是同。無藍有聚則當藍。今此蘭若既有藍。直用依藍。不須依蘭若五里也。

故下文無聚落蘭若等者。即十誦第五十三卷中波離問佛。若比丘阿蘭若處。初起僧坊未結界。是中齊

幾名爲界。答面一拘盧是中。諸比丘應一處和合說戒。及作羯磨。不得別聚。意云初起者。謂先無僧坊。今欲作之。故曰初起也。

僧村四相。二界不別者。謂藍聚二界。僧用離牆。牆柵爲四周之相。故曰四相不別。勝云四分律第一卷中。明盜戒。顯村有四種。一圍匝垣牆。二周匝柵離三離牆。不周匝者。四周屋也。此名村四相。後至離衣戒云。此僧伽藍等。釋其藍相。如前盜戒中說。既將藍指村。當知二界不別也。濟云。今欲明可分別聚落者。約據大羅城相。周名一聚落。或可村中四邊周匝柵離。名一聚落。不得約俗家一宅。雖四相周不得名聚落。不得約此宅集僧。且如二京諸坊坊中。雖周匝院牆。亦不得名聚落。以有大羅城圍遶。故若於此處集僧。皆須六十三步。爲其中有人來去。不可分別知之。故也。必院相不周。乃可依蘭若者。此猶結蘭若界意也。此上是可分別聚落。今作兩句束之。若聚復無藍。須作六十三步。若無聚有於藍。不依六十三步。濟云。此意顯有伽藍自自然界也。十誦既云無僧坊聚落中。則依

聚落集明知先有僧坊聚落中即依僧坊集此文中心意只是欲顯伽藍相屬不須依聚落集上解可分別聚落義竟

若聚落有僧不可知者此下明不可分別聚落羯磨疏云不可分別有二或約僧之來去難可知者或約處所散落不知際域故進祇文齊六十三步以村聚散落無有垣墼又僧離闍往返難究指步爲限檢括易成也僧祇文中名爲菴婆羅樹界謂舍衛城有一婆羅門種菴羅樹開佛世尊具一切智便往問佛云何方便種菴婆羅樹能使根莖堅固枝葉茂盛華果成就扶疎不相妨礙佛告言以五肘弓量七弓種一樹如是種者能令其樹具於上事其人得佛示已即去時憂波離因問若有處所城邑聚落界分不可知者若欲羯磨應齊幾許名爲善作羯磨便令異衆各各相見而得成就就不犯別衆佛言五肘弓量七弓種一菴羅樹齊七菴羅樹相去爾所作羯磨者名爲善作羯磨雖異衆相見而無別衆之罪也同前解乃至廢立者謂不同昔人之解也古師及礪皆云七間

故羯磨疏云昔云七十三步半者錯筭七間也僧祇疏中七樹六間猶如四分衣界八樹中間諸師衣界止計七間如何僧界七樹非六間也有人執舊見云樹限兩頭各有勢分故各分半還是七間又云周圍種樹猶如月暈故有七間又改僧祇爲八樹字斯之我愛穿鑿太甚何處有樹即以樹量律約世情假以相顯中間七樹二衆兩頭各行僧事相對既爾縱廣四維例集可知律尅二身故以樹限若取當分皆半折之則自分之界唯三十一步半耳准羯磨疏云凡集僧有兩位一者聚落二者闍行水界若不立道言聚落者引可分別一同鈔說文言僧祇八樹中間者七十三步半以爲分齊此就不可分別大聚落說據此今鈔破於礪義也二明闍若集僧一如鈔中賓云僧祇律七樹章云八樹者以其此律護衣戒中闍若言有八樹影帶此文即言八樹然疏意云僧祇數間故云七樹間即七間也此律數樹故云八樹理實二律同實八樹疏意雖然應言七樹六間六十三步者好疏主以見此律護衣戒中八樹之間即將祇律七樹之

間相和會也。謂二文相似。據理有八樹之內。則有七間。故祇言七間也。四分言八樹者。即據樹體祇言七樹。即據樹之間有其七也。於此蘭若。略有六種差別也。

謂頭陀者。謂頭陀之處。蘭若也。去村五百弓。弓長五肘。亦不明其蘭若大小之量。但明去村遠近。如下頭陀篇述也。寄衣者。蘭若比丘。佛爲法僧事。和上闍梨等事。將衣寄村。身往東西限之六夜。盜戒者。空野棚外處。如祇中有比丘。聚落外空地。盜他衣。佛問汝云。何不聞我制戒。不得不與取耶。答言。我知制戒。自謂城邑聚落。不謂空地。佛言。癡人。聚落與空地。皆是不與取。有何等異也。僧界者。即自然僧界。是此所明也。衣界者。謂於蘭若護三衣。四分得齊。八樹之間。故下文云。假以樹量大小是也。然彼蘭若與僧界。蘭若大同小異。同者。謂量同。但衣界有勢分。僧界無勢分。又衣界則不定。謂有樹車等界。後來則隨界。攝若僧界。不論樹車之來。去常有齊限。限五里也。若有難准見論。唯七槃陀量已。上並立解景云。衣界蘭若。唯得二十

五肘。難事者。景云。謂蘭若有賊難等。寄衣置不良家。是不作日限也。彌律師不云。難事直有安坐受食也。且明僧界餘下。廣明者。謂頭陀篇中。自明蘭若盜戒。隨相中。自廣明衣界。隨相三十中。自明難事三十中。明之上。雖列六五。是汎明也。意欲正明。第四僧界。若無難五里集僧。若有難齊。七槃陀集僧。計得五十八步四尺八寸。此論集僧遠近。若結界隨其大小。如下結法中。彌羯磨疏云。見論蘭若分齊。計七槃陀。羅一槃陀。羅二十八肘。合一百九十六肘。肘各一尺八寸。計有三百五十二尺八寸。總計成五十八步半一尺八寸。私云。還是五十八步四尺八寸。一同鈔說。彌羯磨疏云。槃陀者。量之極名也。由如此方丈尺。亦是量之極名也。注云。一鼓聲聞者。立云。此未可依。羯磨疏云。鼓則轉義不一。故其聲亦有遠近也。轉是小鼓也。鼓者大鼓也。齊云。鼓有大小。聲亦遠近。不可約之。且如屈隨音聲。此是胡樂中有轉鼓。其聲全小。次則平常。隨音聲。中三個鼓者。其聲稍大。亦未能遠。如太常家。排五帝師子及陣大定。破陣樂。則打大鼓。此是武樂。其

聲則遠。此皆表武聲也。常手音聲。此是文樂也。更有大鼓。如天子禮事。則大備打振威鼓。聲應百里也。已上如文武皇帝封華岳。竟大備入京打振威鼓。聲至蒲州。此鼓聲遠。豈爲量也。

雜寶藏翻五里者。檢彼經中。明鹿子母夫人緣。一同報恩經云云。山中道士令女往餘道士住處乞火。步步跡下有蓮華。出。事明其兩道士住處相去有一拘盧舍。秦言五里也。

五十八步四尺八寸等者。爲有難故。如此上釋蘭若義。竟六百步爲拘盧舍者。十誦云。拘盧舍者。長五百弓。弓長四肘。則計一弓有七尺二寸。如十誦律說。則有六百步也。

潮水不得者。謂潮來是水界。潮去是陸地。疏云。以乍溢故。及水中樹根者。檢見論文云。水中自然界者。若擲水若擲沙已外。若有比丘不妨取水。常流處深淺皆得。作自然界。潮水不得。若在船上布薩。應下可下。可者。此明船上作法。要須住船。若別人對首法者。隨去亦得。成。就若下相不得繫著岸。若崩岸有大樹根。

在水中不得繫著。若擲水內有樹根。應斫去。若不斫去。與陸地界相連。爲界別故。所以不成法事也。若水中石木。悉是水界。謂離地者。立云。此明離陸地。非謂離水底之地也。有人問云。水中石木。既與水底地連。何故判得答舉。例如比丘脫衣在岸。入水洗浴。明出失衣。此比丘脚豈非著地。由是水中與陸異故。亦失衣也。

今更總論二界之體者。卽作法自然名之爲二也。若三種作法者。卽大界戒場。三小界也。隨其分齊。亦無方圓等者。卽是院相。山谷林樹等也。不可分別人解不同者。謂不可分別聚落。古人各解不同也。

此二衆相望。不論界相者。立云。今由兩邊各作法。故相去六十三步。恐兩衆自然相交錯也。若但一邊秉法。唯須一面三十一步半。今言不論界。相唯三十一步半耳。今言一面六十三步。非是自然界相。有若干也。今行事家深防。故半倍之。

答諸說不同者。勝云。有說六十三步爲界。餘僧在外。不妨有說六十三步爲我界。分彼異衆界。分亦有六

十三步須在我界外。若在內有錯涉。故二衆相望須一百二十六步。方得行法也。注云不問秉法不秉法者。勝云對於古師。故有此言來也。古師意秉法有界分。不秉法處無界。從不秉法處縱在我界分邊。無過下文云恐有錯涉。過者意在此也。

言無錯涉之過者。濟云此明兩邊各秉法各有僧要相去六十三步。恐兩家自然界相涉。卽是重界。故不得減六十三步也。據其實體一家只有三十一步半。若兩家相望則共有六十三步。若減則有錯涉也。四維有餘無教可准者。應師云維者隅也。只是四方之角也。故俱舍云方五斜七圓三直一。此明所圍若一尺能圍則有三尺。故知言定方者非也。方取角則有長也。故明了論合角量取意正。防此文云弟子隨師方面遊行等者。立明十誦云方一拘盧舍。古人云界方者非也。但是身面所向之方。卽喻如弟子隨師方面遊行。豈不得向四維耶。故知變方也。了論合角量取乃至。

定方須廢等者。若方量取四維有餘。故約角量明知

圓也。應作高音。謂八方各有若干之量也。

上明處竟從此已下。正明用僧分齊也。此宗四種論僧者。謂四人五人十人二十人僧也。此是四分之文。故曰此宗所爲之人。通及能所者。如捨墮懺主爲他懺罪。爲能若秉單白爲衆所量。是所又如威儀師在衆被差遣問難時。是所迴來單白。是能又如自恣時五德被僧差時。是所至自單白和僧時。是能則是足所則非足。由所爲僧所量。故不得入今用數也。言相有乖越不入僧數者。此明別衆之人。固非入今用數也。通而辨僧有七種等者。鈔主對古師之言。以古人但四人成僧。三人非是僧。故羯磨疏云有人但取四人爲體。以三人以下不名爲僧。故文云大衆者四人若過。雜心云四人名僧。非三人。故由大聖鑑物知三人已下。辨法未盡。四人已上作法成。濟更標勝德。故獨名僧。宣破云。今若互約衆別兩法。互有通塞。俱非盡辨。應不名僧。然則不爾。當分通辨。號弘法者。何得不名秉法之僧。古人迷名。謂僧異數。今翻爲衆。止是數。收云何爲七種僧。今則略出其相。一者對心念。

●和修作僧

法立一人僧二謂對首法立二人僧三對展轉法立衆多人僧四對於衆法立四人僧如說戒等五者五人僧如自恣等也六者十人僧中國受戒也七者二十人僧爲出殘罪也下五人十人二十人爲緣故分也各有成敗不同廣如別鈔者羯磨疏云有人但依律本約數明體謂一人衆多至於四人並取三根清淨無非法相便成僧體如對一人持說告白若非足數雖舉不成故僧祇云僧無破戒不清淨也又十誦云清淨同見是名爲僧也

前之四相若取能秉法名僧四人實辦一切羯磨者立明四人僧能秉一百三十四番羯磨但爲自恣事要須五德受戒事善心難生故取十人爲增上境也若論出罪四人亦合秉法理亦應成但爲成多僧表作法是難使懺人惡重故也今隨事用故須三則者卽謂約上受戒自恣出罪之事事須用五用十用二十等故曰分三則也以四人實能秉一切羯磨由邊方受戒用牒和上名入法卽是所爲不在僧數故須五人自恣由牒五德入法故須五人標其羯磨但四

●僧本文補

人僧用十人二十人僧亦約事須故曰三則又可云應是約心念對首衆法曰三也故羯磨疏云明立僧相之所由者古師云凡人法本興元爲前境境殊三位位分三法隨法立人故分三相卽如上一人至十僧也莫不由事有優劣故使人殊多少以法對人人分三位將人約法法亦三乖異法分人自有區別故須隨事便立三相就後位中分爲四別一者四人二者五人三者十人四者二十人僧也禪云僧雖有四四人五人十位約爲兩前二法爾後二逐情言法爾二者四人僧爲成說戒防未起之非五人僧爲成自恣除已起之罪言逐情爲二者十人受戒爲欲生善二十人出罪元求滅惡位事兩通離成四僧亦可約受隨分別五人十人對受立二中邊不同故若四人二十人對隨立兩已未不同四人說戒防未起之非二十人出罪殄已起之過也作此分別攝法斯盡以一切法不在受隨故也問能秉法僧既有四位十三十所秉之法但唯三者單白白解云非是一僧不得乘其三法四僧通用三法但以受隨情法故立四僧

如前已釋法中唯立三者就所作事有上中下異故對斯三義立三羯磨如說恣是常所行既是輕小但用單白等如結解諸界受日差違事是中品故用白二如受戒懺罪呵舉擯諫由事是大故用白四也羯磨疏云有人言僧雖有四體相分二初一爲體非四不名爲僧後隨事分故有三別自恣邊受體須四人但陳已罪即須舉處若非德用齋坐僧倫故差一人爲僧事境和白面告元言表淨也方隅僧少前受心慙四實濟緣事須別問若不差遣無由輟往問淨返白前緣方辨事兼受隨通用五人也中國僧多善心浮雜前受生慢故倍前五爲十人僧二篇隣重犯悔情浮故倍中受爲二十人僧也三僧乃異莫非約事濃薄半倍增人方成前境猶如受日法三品倍增類知可解問受隨同五邊受減半據受此殘邊方出罪亦開十人以不答非類也邊隅僧少俗緣拘礙若不聞聽永沈生死開有益也懺殘不爾初既誓持終便順犯本無慚愧垢心厚重若開十僧增長諸惡謂懺易成則乖機候故不開十所以要須二十故戒本文

云若少一人不滿二十衆是比丘罪不得除即其義也

若據自行以成僧體並須清淨者立云若望自行邊須清淨要須體淨故下文云以犯者不得聞戒等也以有犯者不得說戒者羯磨疏云戒法體淨擬救將犯今自沉溺何能拯救故不可也不得聞戒等者說序之時文言具悉有罪者當懺淨者嘿然今心停罪端然應淨虛欺賢聖甚自負責又不可也言不得向犯者懺悔者以其罪積思除引證對息前既有瑕無由遣累又不可也犯者不得受他解罪者懺名上起前可染汚何能生他後斷之本故制不可也即如經云自既有縛能解彼縛無有是處即其義也廣如足數法中者下足數文云若聽以天眼耳看僧淨穢者人誰無過若聞說者則妨亂事多以斯緣故不聽說也故云但以肉眼見聞等

○足數衆相篇第三

上來雖明集處遠近未陳染淨若體兼眞僞相雜則非應法徒集無用故有此篇來者爲簡擇其浮蓋先

明來意者。上言集僧遠近兼明數滿。至於應法須具緣成。若淨穢混同人非應。法徒施作法於事不成。故此篇來也。注欲明淨穢不足之相者。然僧雖現集約體清淨。或恐相有乖違。義非僧用。即成別衆。故有別衆法附也。立云由別衆與足數義相關涉。故附此篇出也。

上已明其來集者將欲生起今文來意。故且結前篇也。而用僧須知應法者。即是生起今文也。欲明僧雖已集。集須辨事。然僧有多種。即如多論云。略有五別。一者群羊僧。二者無慚愧僧。三者別衆僧。四者清淨僧。五者第一義諦僧。言群羊僧者。不知布薩行誡說戒。自恣羯磨。一切僧事盡皆不知。猶如群羊。故得名也。言無慚愧僧者。舉衆共行非法。如行姪飲酒過中食。凡是犯戒非法。一切同住名無慚愧僧。言別衆僧者。如羯磨亡比丘。物以食穢。心客比丘來不同羯磨。凡是隨心別衆。羯磨名爲別衆僧也。言清淨僧者。一羯凡夫僧持戒清淨。衆無非法名清淨僧。言第一義諦僧者。即四果四向名爲第一義諦僧也。今言應

●托鉢作託

法者。取其第四凡夫持戒清淨之僧也。若托事無違。雖非僧體。堪成僧用者。立謂內雖犯重。外無三根。又未自言。故開成用。相非隱沒。離見聞同集行事。故云托事無違也。必於緣差脫不妨清淨。入非僧攝者。立明如下。初門中人體是清淨。由隱沒離見聞等。以相乖故。是不足限。以此二途。故當料簡等者。結前生後也。取捨自分者。立明我今作此分別得識。其是非若是足者。須取非足。須捨。故曰自分也。

就中例四者。謂總作四門收束。下則一一隨釋。初明體是應法。於事有違。故不足者。此明第一門總依諸部列出。雖是淨僧。以隱沒睡定等。由於相乖。故非足也。二體境俱非假緣。亦不足者。立云十三難。人本受不得戒名體。非尼中四人名境。非雖假其三根。未彰之緣。亦不足緣。此是古師義鈔主。雖引來用爲標門。下解釋中則異此意。亦云標門順古言釋中違古義。至下文則云。若爾自言亦得足數。若言竟始是不足。古人則言體是不足。縱不自言作於淨想。亦是不足也。恐此解非也。未必標門與後解對面相違。今詳文意。

極自調直言體非者卽十三難尼等四人故羯磨疏中尼等四人邊等十三及白衣等並屬體非也言境非者三根外現也雖假緣者謂雖假不隱沒不睡定之緣亦不足也第三門問云體雖非僧於緣成足何故不言境者以境一向是如故不須論也謂無三根可顯名境如也雖自體非以爲境如故足也言於緣成足者非爲隱沒等緣也此解又言體非僧用於緣成足者卽第二門中人也十三難等尼等四人由來自言三根未練雖體非僧以假不自言之緣或可假非隱沒之緣故開足也四約緣有礙不妨成法少分不足等者謂呵責等四羯磨人不足證他治舉羯磨得應其餘生善法事故言不妨成法雖得應他餘羯磨不得呵羯磨以行法在身奪三十五事中不得呵羯磨故言少分不足也又解此四法人及懺殘等人雖應一切餘生善羯磨然於呵責等法及與他除罪各自不相足故曰少分等

上來分門已竟下則一一牒釋四段不同今卽是初所爲作羯磨人者卽是乞法人爲僧所量不落僧數

故不足也從此已下約鈔映羯磨疏中通計諸部有六十人不足數四分有三十二人十誦有十五人伽論三人僧祇九人五分一人卽病人背羯磨者是也今文中約四分前列二十八人更將下行僧懺殘四人加之准瞻波中唯列二十八人體不足數今義取懺殘等四人故成三十二也然僧殘等四人少分不足非體不足故瞻波不列故別列之到下文更平章故成三十二人十誦前列十二種人還將下懺僧殘二人成十五人何故二文雙列由四分則正行懺十誦則行竟以遠近有異也僧祇九人者卽隔障等四并行住坐臥四儀互立及與欲人爲九也餘者可尋若此計會下文易見今初門中四分列六人十誦列十二人前正列有十一後加白衣成十二人伽論列三人可尋僧祇有九如前已釋下文十二種人者此是句家枝分也其下第四門中行僧殘人與呵責等四羯磨人有異故有不足別懺殘等人以犯次死罪深難拔雖行法在身根本未拔壞衆義備故不足數若四羯磨人但犯小罪情過可呵故足數收首疏引

多云以不足數都合六十三人不足數合七人偏不足數行覆藏等四行竟等三故是七也言偏者謂此人大分得足但望悔殘出罪等法名爲不足故言偏也

餘非無此義故捨戒中乃至謂不足數也等者立明四分不足數文中且列此六文則不云頑狂等不足也然非無不足之義下捨戒則云對頑狂人捨戒不成捨對啞聾人捨戒不成捨今案此對首小法尙爾羯磨大法固然也但是文闕義合有之故曰餘者非無此義也

十誦睡眠比丘若聞白已睡得成擯人者謂且舉擯人一法餘須例之又復是十誦本緣也檢彼律云憂波離問若睡眠比丘衆僧擯得名擯不答若聞白已睡眠得名擯又問若衆僧睡眠擯一比丘是比丘得名擯不答衆僧聞白已睡眠得名擯若憤亂語等皆約擯人上作之必聞白已亂語憤鬧者皆成擯事此上約能所通論也立云聞白已開成者爲已知梗概也亂語人等者約口業不足也言憤鬧人約心業

不足立謂心攀緣覺觀也樹上比丘十二種人者羯磨疏云樹上者則須知比丘在界內外若枝葉界外地者身在界內是名別衆界外非別若不委地內外俱別而是不足數收也

餘同十誦者深云伽論明不足之人更多今列三者是與諸部不同者耳彼文中猶有但相同十誦故云然也

祇文半覆半露等者謂有兩出相竝而明之前句半覆半露但論施隔不論申手相及後句半覆半露則云申手不相及則無隔障也如別衆中者如此篇下文別衆法附文也

義加醉人者此非約醉人乘法也謂醉人在衆中坐不足數也言自語不解者此既醉竟出言自亦不解也顛倒異言前人不練者謂醉人自言尙自不解忽聞僧秉羯磨或顛倒或異言之時其醉者何能委練也詔此醉者爲前人不解之人是不足攝者喚醉者爲不解之人也

就中相隱難知隨初解拆乃至不入僧用等者謂更

牒前文來以釋也。隨前解釋故曰隨初等。餘亦可知。四人受日四僧不列亦應得成者。此難意緣前既云所爲之人不入僧數者。何故律文瞻波法中解四種僧云。四人僧者除受大戒。自恣出罪。餘一切羯磨應作。五人僧者除中國受戒出罪。餘一切如法羯磨應作。十人僧者除出罪。餘一切如法羯磨應作。二十人僧者一切羯磨應作。前四人僧列所除中。既不云除受日。明知四人即兼受日。謂我身是一并身。外有三即成四人。何須五也。據四人僧中所列除者。不除受日。明知所爲之人亦入僧數。答一人所爲三非僧。故不能兼法等者。此意云。律所列者皆取能兼之人。以成四僧之體。若所爲之人本非其數也。言文不列者。指律文也。言事同五人者。立謂受日之事能所是五人也。此正答前問云。事須五人。非謂法須五人也。若法但須四人耳。礙對此即問云。自恣亦含所爲之人。是五。即列出五人僧中。受日亦含所爲之人。是五。何故列在四人僧中。答。差自恣五德之時。及五德和白之時。實是四人僧用。今正取白竟受自恣時。是五人

六米註義

用故始終須五不同受日也。事同五人並是所爲者。何故言並是所爲。此文難消。今以情求。謂受日中論所爲則是五例。其餘一切羯磨。譬如處分杖。擯離衣。六年等皆是約能兼是四。若論所爲受日離衣杖等。能所今五。故曰並是所爲也。今言並者。只是將離衣杖受日等同。然故曰並也。故云。自恣要五人。若但四人不成差治。故要五人。方成僧用。若爾受日處分離衣六年等。亦須五人。應五人僧收答。受日是別爲不得五。皆受日。故所以非類也。述曰。謂自恣爲衆而作。故五人皆各陳詞。自恣受日爲別人。不可五人同皆受日。但是四人爲一人受日是也。故受日等唯四人僧攝。若爾我亦五人盡須受日。更互作法。應不得成。答五俱受日者。理是成限。然非一時作羯磨。故前後而作。即是別法上言不成差治者。差五德也。治謂舉得罪法。懺治也。爲僧作故者。不爲自己。所以四人得成也。

井竈者。如北人掘地爲孔。中安床榻。夏入承源。比丘若處其中。衆在其外相望。成別非足。

其相如室宿中說者勝云下隨相中明室有四一四
周障上有覆即同一堂二前敵無壁即長行房樣三
隨覆不遍即周匝同院一門四雖覆遍而有開處編有
障障上少此約室相戒在此室內不得離見聞也若
室相不成離申手外即不足數也立約室相不成作
九句亦指隨相中與女同宿室相九句三三三之初
三者盡覆半障二盡覆少障三盡覆無障次三者一
盡障半覆二盡障少覆三盡障無障後三句一半覆
半障二少覆少障二無覆無障此九句室相不成在
此室中離申手即不成足恐立引此不當今文約離
見聞合引室成者以辨若室相不成唯論申手何論
見聞前勝解與文相應如義鈔說者勝引羯磨疏云
問見離聞中爲俱爲互約誰辨離成不足解云皆望
此座展轉不約作羯磨者如轉輪高座說戒八萬人
自念何由善聞但取相連即非別衆故是足攝故五
分中三種羯磨房少不容聽出在前後檐下及庭中
坐雖不了語皆爲法來並得廣如彼說
別住者即界外人也濟云古人解言別住者謂是界

內餘房不肯同集名爲別住也南山闡梨則云是異
界名別住只是界外也濟今助闡梨一解云亦非界
外亦非餘房直是圍輪別住之例謂言是我界內之
所攝即將入數故有此非法也以界分不知冥然在
外至故云不足者謂是前代人結界後進不知標相
處所則於界相中間作法三人在內一人在外今蓋
此外之一人謂言在數故曰冥然不足也
由前界外不成謂言在內得者明其此人傍於前文
也前既界外非足我今在戒場既是大界內應當得
足今解不足由中隔自然與外自然何別也此二界
同在自然不同一相是別界故者私云言此二界者
一約界外盡充數者一約戒場上此二處俱在自然
之中故曰也立明大界在外自然之內戒場在內自
然之內莫非俱處自然之中界相復別故也羯磨疏
云雖爲大界所圍兩不相接中留空地即異界敗也
准此僧數必多亦許成就者明具如受戒唯用五人
今若長有七八縱有兩人睡定但是五人之外亦應
成法縱在房中睡眠醉亂理亦開成者立明既在衆

中睡定不足。僧數開非別衆。今在房中睡眠。亦開非別。其此義稍難用。須知餘同羯磨法中者。指下通辨羯磨中更明此義也。

狂等三人。乃至不得別他等者。立云。若常憶常來。是足。是別。不憶不來。非足。非別。若互憶忘此人。若得法。已非足。非別。若未得法。是足。是別。狂者十誦五緣。故令人狂。一因失財。故狂。二因失親。故狂。三因四大不和。故狂。四因田業人民失故。狂。五宿業因緣病報。故狂。痛惱心亂。同狂。三者深云。痛惱纏身。使心悶亂。不同重病。但是心之不樂。此心亂人。與狂同也。痛有輕重。或常有痛。復有時痛。不痛。故曰也。若常痛。常不憶者。非別。非足。若少痛。或時時痛者。是足。是別。

痴鈍人者。且如受戒。雖久。絕不學問。痴無所知。不閑教相通。是此攝若在露地作法。與痴人相同。坐二堪足人。坐處相望。中安痴鈍之人。申手不及足人。雖及痴人名爲不足。數亦名別衆量。由痴者雖在若無。無知新學。不識羯磨。如非亦復如是。必言解羯磨齊文而已者。羯磨疏云。今約痴鈍事義。須知夫羯磨者。爲

通和忍隨文解意。則非愚限。故卽世行事。只論身足。及問是非。渺同河漢。今出愚相。略有五焉。誦文合眼。恐有停延。緣入非違。傍無人覺。此一迷也。或同誦一法。前後無乖。文相能所。不識彼我。此二迷也。或約文謹攝。深練自他。增減乖謬。事法錯謬。不召令住。此三迷也。或文句乃明。牒事非謬。人有別緣。是非通默。此四迷也。或人法乃具。事局界境。成不冥然。端拱送忍。此五迷也。觀此五迷。深明四法。微爲弘獎。僅涉僧倫。齊五所收。義歸不足。

與欲之人心。同身乖者。謂通四內作法。不成。雖心同身乖。故也。疏云。堂中作法。通收欲者。以入現數。故非也。

謂同覆障。而別隔不成。同相者。謂同一堂中。上有覆四周有壁。中間更施隔。相成非足也。

半在階下

半在階下。中間施隔。乃至並非同住之相等者。深有二解。一云。如一室內。齊揀一邊。覆一邊。不覆也。二云。半僧。階下。半在階下。中間施障。亦非足也。齊云。半在階下。卽是半覆。半在階下。卽是半露也。

露地申手不及者。濟云。今時露地說戒。羯磨戒師在高座上。有其高座。或高一丈。如安國福壽之高座者。即高座上。人與地上。人申手不及。即是別衆。非足數也。古人云。屏不離見。聞露不離申。手述曰。准祇文立也。深云。要直交手兩邊相及。若低身交手及者。亦名不足。其覆處室相要四周。或三周有壁。亦名室相。若兩面周。即同露地。皆須申手相及坐也。此言相顯者。謂在露地名爲相顯也。要在申手內。此上並約淨僧相乖故。不足亦須相內者。即前乞法之人是也。上釋體是應法於事有違。亦不足數人義竟。

二由具二非者。即體非境非也。十三難人本受不得戒名體。非尼中四人名境。非此解非立。又云犯重比丘及十三難人尼中四人三根。若現名境非之解言。假緣不足者。假身相同集。非隱沒緣也。

若爲比丘羯磨。以比丘尼足數者。濟云。此明尼作比丘。繫束詐稱僧也。有人問云。尼人合著大比丘衣。不答據諸聖教。無文制不許著。然以義求。即不合著案。四分下文。佛三月靜坐。唯除一供養人。時和先等六

●釋入育字

十頭陀來見世尊。佛種種稱贊頭陀之行。時諸比丘。捨衣成大穢作非。時二部現前。施會中既有尼。諸比丘不敢將僧衣與尼。問佛。佛言。聽與比丘尼。非衣非衣者。即衣財段未成衣相。故曰非衣。據此文意。尼若得服僧衣。何以但將非衣與之。明知尼不許著僧之衣服。

答解者。多途者。羯磨疏云。有人解言。僧取體如上。既乖法。宴然不足。彌疏云。三舉二減十三難等。雖不自言。未有三根約體。亦不足數。但得成持欲。以是直通僧命。故不自言得表情和。故成與欲足數。約體雖不自言。亦不足數。雖此執終違十誦明文。彼律約未自言。三根未顯。開足數也。故今鈔者判之。得足引與欲文。及和上四句來證。彼不自言得足其數也。言如與欲中者。立明彼與欲文云。受他欲。已自言我是十三難人。三舉二減十八種人。由自陳故。非是僧用。若不自言得成持欲。今據此文明。知體雖非僧。以衆不知得足其數。彼與欲中亦指此文。故序中云。隱顯互出。即其義也。不同前門中知與不知俱不足者。指第

一門體是應法相乖故不足也。彼以體是僧故不問衆僧知其隱沒不知隱沒俱不足也。此第二門要是知故方不足耳。和上中四句料簡者。檢律中一有從犯戒和上受具後疑佛問汝知和上犯戒不答不知。佛言得戒二復有從犯戒和上受具後疑佛問知和上犯戒不答知汝知不應從如此人受具不答不知。佛言得戒三有從犯戒和上受具後疑佛問汝知和上犯戒不答言知汝知不應從如此人受具不答言知汝知從如此人受戒不得戒不答言不知佛言得戒四有從犯戒和上受具後疑佛言汝知和上犯戒不答言知汝知不應從如此人受具不答言知汝知從如此人受戒不得戒不答言知佛言不得戒四句之中前三得戒問破戒和上律開得戒餘師僧等何義不開礪解云和上是根本恐留難故是以佛開餘師非根本故不聽開質難和上是根本尙恐留難而佛開餘既非根本何不恐難亦開許故知不應理也。應更釋云和上是僧所爲之緣故聖開之餘僧體須是僧故不開許謂餘僧是能秉法人要須清淨故也。

亦應辨

亮亦云疏解大羯和上是根本既開餘非根本理合更開何得不開。所以文中及十誦並安若言者卽四分失欲文中明也。若言我是犯重若言我是十三難若言我是尼等也。

卽將破戒和上置十人之外乃至不得用他部者十誦中將和上置十人之外彼言和上被牒名入法故非十數今不得依此文故曰不得用他部也。未亮云昔人謂破戒和上四句中前三句不知故得戒者和上要十人之外也。若在十人之內無同住作法之義則不得也。此解非理。破戒若不堪作和在十人之內及外俱不堪破戒若許作和在於內外俱應許何須將破戒和上置十人之外也。昔人以體不合故不足者昔人意云足數皆約體明以體不淨和合之義義不生故也。此古義亦理實亦礪疏同古足數約體雖不自言亦不足也。若論傳欲一時僧使但不自言卽成持欲亮云疏雖此判計理不然若不自言亦堪足數亦堪持欲也。十誦中加一白衣者卽謂十三難元本受不得戒仍

本爲名故稱白衣。非是俗人爲白衣。下更明之。

上明僧相並形同出家相有蓋。故得共法事。必著俗服相形明了。亦無同法義等者。相承解云。此明白衣者是著法服。相同於僧。由本受戒。不得故名白衣。若身著褲衫。理不在言。故曰無同法義。自意疑之。應是通明上來十三難人。尼等四人相貌同僧。故得共爲法事。必帶本形。誰肯同法也。亦有受後難緣。須著俗服者。亦應同法。乃至方無別衆等者。立明此是本如法受戒人。因王難等。暫時還俗。亦名白衣。此人則足數不得別。他不類前之白衣。體是無戒故也。羯磨疏云。有人云。先雖具戒。有緣須著俗服者。故不足數。以無僧威儀也。南山意不同之。不以威儀而定僧體。狀內具戒。見財法。應僧外。虧道相。爲有難緣。亦得如五大色。不合受持。爲緣服用。豈不同乘於法。可以例也。三舉人乃至廣如衆網中等者。既本無信。故作重治。棄在衆外。義無同法。故不足也。言廣如衆網中者。彼文云。倒說四事。法說非法。犯言不犯。或不信善惡。二因感苦樂。二果邪見在懷。障於學路。或不達教知而

●本文論云

故犯以僧問云。何不見犯。答云。不見僧即遮舉。與作不見舉。治之爲欲折伏。從道且棄衆外。不同僧事。目之爲舉。作此正法治。不見罪人。故曰不見舉也。言不懺者。彼衆網中云。罪無定性。從緣而生理。應悔除。應本清淨。而今破戒。見四法犯。不肯懺安。陳蓋說言。不懺悔垢障。尤深進道無日。故須舉棄。得伏方解。故云不懺舉也。言惡邪不捨者。彼云。欲實障道。說言不障。邪心決微名之爲見。見心違理。目之爲惡。亦於戒見四法倒說。不信須僧舉棄。永不任用。隨順無違。方乃解之。此七治法。寔爲妙藥。持於正法。謫罰惡人。佛法再興。福流長也。故律云。如來出世。爲一義。故制呵責羯磨。乃至惡心不捨舉。所謂攝取於僧。令僧歡喜。乃至得令正法久住等也。

並入應滅擯中者。此人雖犯重禁。衆無知者。若有一人見此。聞疑則非堪足之例。故曰也。第三體雖非僧。托緣成用。即前門中人者。此指第二門中人。雖犯重已。據未自言三根未露。故成足也。此中那不言境。當知境是如呼無三根爲境。如也。若雖

本則律文

言竟無人知者此謂除方言竟此方未知故得足也則詐作比丘者即賊住沙彌詐稱大僧是也本白衣時破戒人者謂破五八之戒也

我犯姦盜之類者以自陳說故不在言也

四體雖犯法者是不有戒人但犯過在身不得足他被治羯磨得應除法事呵責擯出等四人立云唯不應當位四種羯磨并不足廢殘等四種得足餘一切羯磨云呵責等四羯磨人但言對此羯磨體是不足既應除法故不列在不足數二十八人之中此四羯磨亦不足廢殘等四法羯磨也以俱是被治故此是定義

但爲僧治故不得呵者由奪三十五事故也此義瞻波中廣明云此人得滿足不得呵疏家作四句解釋一得滿數不應呵二不得滿數應呵三不滿數不應呵四得滿數應呵律文自解初句是呵責依止等四羯磨人當今此鈔文也第二句是欲受大戒人第三句不足數文列二十八人是也東爲頌曰餘舉滅難爲二十三神隱離別場此五兼成餘者尼等四衆爲人也

餘衆也第四句即反上二十八人是也禰解云初句四羯磨人情過輕微治法亦輕故得滿數以行法在已不入呵限第二句欲受戒人以未有戒不得滿數根本事重是以聽呵此聽呵者亦局在兩番羯磨耳謂是受戒法中前單白及正受自餘之羯磨既不聞秉義不在言問此沙彌若爲得識羯磨成壞而言聽呵解言謂沙彌聰明聞初遍已識後遍非或可曾作大僧故識成壞下二句可知上第三句中二十八人不足數不應呵者呵亦不成呵且如所爲作羯磨人如受日差遣人等呵不成呵以不足數故不成呵也縱羯磨聞呵不成呵不止非以二十八中所爲作羯磨人是其一人之數也餘二十七人呵並不成呵須知

覆藏本日者四分列四人十誦列三人此由遠近有異故重列之四分所列是正行懺十誦所列是其行竟行竟則近正行是遠十誦中自有七人今但取其三人餘四同此律故不出也禰疏云瞻波法中通計四分不足數文但列二十八人不足別住六夜等四

人此瞻波法中足數文中不列到下文覆藏幢度中。乃云別住等四人不得互相足數。明呵責等四人類亦然亦互不足數也。合七人不足應。僧殘等羯磨者。此明懺殘四分四人十誦三人成七人還兼不足下。呵責等四法能足一切羯磨。不妨應除法事。即結界受日等事。並待足其數也。上來四段不同。總釋第一足數義竟。

別衆法附者上四段文雖明足與不足其堪足者有乖越則成別衆。故有此文來足通淨穢。別則唯局淨。故下立四句可知。

初應來不來者。此明淨僧體是應法理。須同集。今若不來名爲別衆也。二應與欲者。不與欲來是身心不集者。謂是淨僧有緣合得與欲。若使與欲則是送心違身。名身心集。而身本有緣事不合。赴來無有得呵之義。故不得言口不集。今不與欲反之故。言身心不集。不得言口不集也。三現前得呵人。呵是口心不集者。謂是淨僧身來在衆。無身不集爲心不同。口發言呵。故云口心不集。

初人三業俱集者。上反前應來者不來。此則是應來者來也。羯磨疏云。應來者來。謂應羯磨者便來。簡餘十三難等不須來也。要唯德行具足堪識是非者。可有同法之義。故須來也。中者口心俱集者。此反前第二應與欲者。不與欲來。今則是與欲來也。應與欲者。即簡非法之緣。雖與不成。今有堪與欲緣。開還心違。僧即表無別。故與欲來是名心集。欲即心也。身既有緣。無身可集。以心同和口說與欲。故曰口心俱集。有人云。在心既同。口必不呵。望口不呵。邊名曰心集也。後人身口集而心不集者。謂身來至僧口又不呵。心雖不同。但嘿不呵。亦得成法。故曰而不集也。此反前第三得呵人。呵今則是得呵不呵也。羯磨疏云。即簡不合呵者。義無證正也。舍利弗見衆僧如法羯磨等者。立云。其人見僧如法。謂言非法。心中不同。仍不發言。呵名如法也。

別衆之稱。唯據清淨一色者。深云。此言是前第二第二門中。尼等十三難。無有別衆之過。雖謂是僧。若別冥然無過。但有不足義耳。自意云。唯據淨一色者。

●
二
人
上

約不犯夷名為清淨僧殘已下皆未壞根本不得別他故。彌疏云行覆藏本日六夜出罪此四人不互足數不互秉法不得別他則犯別也正以已自有縛兼在法不能緣生物善解於他縛故制不聽更互足數以其非是壞根本故不得別之。義張四句料簡如別者即羯磨疏云一是足數非別衆者即淨比丘三業俱集在同秉也。又云即律中善比丘同住等由身參衆侶行德昭彰故兼兩位也。別為兩二是別非足者謂應來不來即淨僧在房并隱沒離見聞懷殘等七人亦有通局。即是少如前僧祇中隔障四別等實而應法能得僧事故名別衆身不在僧非足數也。三是足是別者如現前得呵者呵也身圓僧中通在數限口須忍默乃有呵制即非同和故是別也。乃至僧坐而彼行立背而僧中等是也。四非別非足者即四分尼等四人邊等十三人三舉二滅等或是報別法。乖報別即尼等四人或是行違治重。即三舉體既乖法乖即沙彌也僧不能為別也。別亦無過則是中間者立謂學悔之人上不及大僧

下不同沙彌名曰中間也

二解成不者謂所別是何人何人成別何人不成別故下更明也。或本非是僧者謂總却結上所列人即十三難人本受不得戒故曰本非是僧也。或中途被罰形差病報緣導故開等者被罰謂三舉二滅也言形差者即尼等四人也亦云形差者罷道人也言病報者即狂中三人也言緣導故開者明都結上言也。謂此病等人既有病緣以來相導故開別之無過也。又解即與欲人是緣導故開與欲則亦不成別衆未論足別者明其既非足數亦非別衆也。又云謂此上諸色之人未足堪別只是如此之人不預我別也。若對首作法前境蓋真例取僧中乃至更顯明之等者蓋是機也。真謂淨也欲明作對首之法亦須簡却蓋僧亦有同別之相例如僧法如十三難等豈堪對首耶下羯磨中約對首亦有七非意在此也。衆取威儀相同不用心順者謂如僧祇四儀互作不成要坐立相同也。又如舍利弗見僧羯磨心不同亦成法事即下文云心虛實者但令相順心違亦成正

上卷
一之五

法卽斯義也。明知心不同得成法也。深云此謂明其非是別衆。若論足不足要假心同病人。背羯磨者病人來至僧聽。仰眠覆眼得成。若背成別也。

二心虛實者。深云心同曰實。心乖曰虛。自意云此門從前文三四處生也。前總明一門竟後鈔主更作義。謂料簡云。今行事者多有別相。是從更顯明之已下。此中有兩意。謂衆取威儀相同是二也。言威儀者已下兩行則釋上威儀相同意也。心虛實者則是釋上不用心順是也。勝云約心和。不和名虛實也。此門從前行事者多有別相。文生也。同前解

○受欲是非篇第四

上篇簡僧淨穢體若應法理宜同集。但爲形居世累緣礙忽生。大聖知時事難通約。若不開送心表欲成規太急。故立此儀。彼我同濟。故有此篇來也。言受者領納得名。欲者希須爲義。如法之緣通許非法之務。

今示歸來

則遮故曰受欲是非篇也

夫事生不意等者。慈云本擬同僧秉法。忽有病等緣。尋及佛法僧事。忽爾而生。故曰不意。此正明事來非我心作。故言事生不意也。言法出恒情者。立云堂頭僧家所秉一切之法。是僧衆恒情也。如說戒自恣之法。是僧恒務。故曰法出恒情也。濟云既有緣來理合開其欲法。故曰法出恒情也。故對情而順其心者。立云對僧家之情。我心順僧無違。故言對情而順其心者。乃是自已之心。順前僧情也。又解謂對其有緣事之情。佛以開其欲法。順其心情也。言心順則於法無失者。立明以心順僧情。故使僧秉法得成。故言於法無失名爲欲也。此上總通明欲意如此。從然則已下正明立今門意也。然則情事相反者。勝云謂情欲赴僧同秉緣事。礙故不獲身赴。故言相反。又解佛法僧病患等名事也。情是已之心。情謂不爲前事而詐與欲者是。故反義也。若實有事不。不即非相反也。上來解並弱。今更正解。謂此下生起此篇之意。謂情亦是僧情。事是已家病患等事。以有事故不赴僧家之

情故言相反以有如此相反故即須聞其與欲之法也故立法以檢之者濟云既有事礙其情故立欲法令其陳辭達僧則知其情狀故曰檢也謂檢核能說欲人為定有事無事若緣不如者不開說欲也今立此欲門檢其如非之相故曰檢則有事必明也若明故對門而辨者謂立此一門辨其欲也又云由檢其事得明顯故則對我此受欲一門之法也

言機教莫同將何拔濟者明佛立教教本隨機今病等緣事是其機須設與欲與欲之教若不開欲教未隨機既不隨機義非拔濟方能彼此俱辦緣此故開與欲等者謂既開與欲僧事成更無方便得別衆故自復濟於病等緣事僧和兩遂故曰彼此俱辦上釋制意義竟

釋名乃至名為欲法等者有云欲是貪義謂貪樂作前事也文中解希須為義此解非理故賓云舊解欲者怖所為名者不然也此中欲者欲樂忍可也故伽論云樂隨善共同也梵言闍陀阿路者耶弭述闍陀此云欲也阿路此云說也者耶弭此云我也迴文讀

之謂我說欲也謂作法時樂欲忍可也梵言伊^上車^聲此云欲也此即怖須之欲也梵言迦^{去聲}摩^{呼之}此云欲也此是五欲之欲也梵音各別其義亦殊上釋欲名義竟辨體者羯磨疏中釋欲體者有其多種從相以論色聲為體或動其身色或動其聲相也從事以論則有兩種一自有單僧須者如受懺等二僧私互須者如說念等至期必說說必在僧若不求覓僧便有罪必私逃叛遠出亦犯是知俱須今此鈔如後所立約事以辨也

自有單僧須者如受懺等僧須我和我不必須者大疏意云此望欲法各須不須謂或僧須我和我不必須或二彼相須如說念等然實義兼開制謂病患等緣皆開與欲曰開也單提中若比丘不與欲者波逸提何問我須不須但一切羯磨不與欲者皆制提罪故曰制也乃至說已後悔亦制提罪

上來三段不同總釋第一制意義竟從此已下第二次明開遮之義也雖非明文非制故者立明律中唯制結界無欲餘事不遮說欲律雖無文合餘羯磨說

合字難斷

欲然無制處云不得說謂不同結界不許說也。既唯制結界一法。除者不論明知事非正制。故言以制。故結界不開欲羯磨疏云。具有三義。一者結界是衆同之本理。須通和餘法衆同之末。並依後起故開欲也。二者自然地。勢力所不勝。三結界本興爲存限域。護夏護衣事。須委練如十誦云。作羯磨人死不知相者。應捨已更結。

從此已下第三正明緣之是非。義由事非故不成。者謂不合受欲不成。僧法深云。不合說欲得少罪不成。僧法是別衆。故羯磨疏云。無如法緣說欲。以事非故不成。是別衆也。賓云。不然。若非法緣而說欲者。前人自犯妄語。然僧作法得成。由前人心不違。僧故其理決然也。然疏中亦判無緣及非法緣說欲不成。如受戒事。身合含遮難則羯磨不成。受戒不得夏中無緣及非法緣。受日不成。破夏得罪。藥有八患。加法不成。類今無緣及非法緣說欲亦不成。亦復如是。而六群作衣說欲至僧行之者。此明六群比丘惱亂衆僧。僧欲治罰。恐其不受。見彼作衣。僧即集衆云。今有僧

爲本堂作

事並須盡集而六群之內便遣一人持五个欲來云。我作衣僧作法治之。故知欲法得成。今案此明知作衣得說欲也。其六群比丘者多論第四云。一難逾二。跋難陀三。迦留陀夷四。闍那五。馬宿六。滿宿七。此是六群名也。僧祇守房等緣。並如別顯者。檢彼律云。說戒不來者。闍若爲衣鉢王賊禁閉守房等緣。是開欲也。欲明今時伽藍廣大。有多房院。僧盡集堂。容有賊盜。故開守房與欲言。並如別顯者。僧祇中說也。謂無病言病。乃至一人邊三提者。約與約說二俱提也。南山閣梨存急云。得提古師但說不成。得別衆罪小。吉初中四分文不具足。義設云者。此明正加法中。羯磨疏云。律中廣說不正出文。今比轉欲故。裁出也。文分四句。初大德僧聽告前。憶持二我某甲比丘。自言名號三如法僧事。牒所爲事四與欲清淨正陳心。本心疏云。夫言大德僧聽者。有人言斯即贊美。誠勅之辭也。大者謂出家四果。乃是眞僧。無學最高。故曰大也。雖僧未階。必得無障。以出家者必得解脫。因中談果亦云大也。又云三寶爲言。僧田最勝。義通餘

卷之五

律部

二如愛道施緣能生大福故言大也。又有人言諸義不無今所論僧爲簡小學但取無願故云大也。所言德者有所得也。以得善居身故名有德。出家捨着福度含靈戒善自修滅諸過業修習定慧斷結成道備此美稱乃稱有德之人也。所言僧者名和合衆義如集僧篇初已廣釋也不須紆紆取他外部者謂四分一說卽成不勞依祇文三說也。

問說不稱欲等者前問意不稱病患等緣也。今問亦從前問生欲前後問二所顯義一謂前問意不稱佛法病患等緣成不答云稱者人語不稱是正本卽更問若云不稱是正本稱者是人語今縱稱此病患等不應於正本然欲法得成以不卽答得成餘可解上言說不稱欲稱去聲勝亦有人詳此呼爲去聲謂是事不相稱作此釋者應下但說相貌之文上云稱人謂出要律儀中明說欲辭具牒自身佛法僧病等因緣并僧家所秉之法事也。彼梁武所集豈非人語由文正制不同僧祇獨行廢教者彼律云時集與清淨非時集與欲當此四分所廢教也。以此律說戒律

度中六群與欲不與清淨僧中事起不得說戒律。自今以去應如是言我與欲清淨故曰文正制也。言如法僧事等者彌云謂僧家所秉之事是如法也。唯明言如法僧事不得的稱僧所秉某事與欲等但。是僧事皆與欲若稱事者非法卽難何故自恣文云與欲自恣解云不聽稱者羯磨所爲前事自恣者謂說已行恣僧舉罪稱僧家所秉事也。此非類言簡非法事不須欲者立明若堂中作法事和僧媒嫁立非法制限等若非法事如衆網中者彼下文云寺則立制多不依教飲酒醉亂輕欺上下者罰錢及米或餘貨賕當時同和後便違拒不肯輸送因茲犯重或行杖罰枷禁鎖鎖或奪財帛以用供衆或苦役治地斬伐草木鋸木取刈或周年苦役或因遇失奪便令倍償乃至露立僧中伏地吹灰對僧杖罰如是等例皆非聖旨良由綱維不依法網故下文云衆生有力非法律多如法比丘像末又少縱有三五伴勢無施卽其義也。皆通作無障者立明我既與欲已不問僧中說戒受日分衣隨彼所作故曰通作無障也。毗尼母

云得齊七反者。彼論云七相應法者。受已轉與一人。如是至七皆成欲清淨也。而文有具缺者。明四分中有五種初四分略是缺後一廣是具。此下文自顯。良以病有輕重者。謂四分中但有病人五種說欲法。廣略不同者。良由病重者略也。病輕者即廣說也。其最廣說之文與五分文同。故引五分斷事中欲文證知健人須廣說之。

五分斷事說欲起去文者。檢五分文有僧斷事不與欲起去戒犯提若與欲去者不犯欲辭云。應對一人言長老一心念。今僧斷事我某甲比丘如法僧事中與欲文直齊。今鈔引此文證不病人要須廣說彼為斷事有緣起去其辭與四分廣文無異。故曰相似而取欲者須知同別相。方得成就者。明病人雖現相舉動身口須看察其心為是和故。現相為是不肯放現相也。若不肯之相即搖頭若肯與之相則擺頭也。終為別眾者以心不同。妨僧作法名為別眾也。上明與法竟從此已下。正明對僧說法若眾多比丘隨能記者一時合說者有比丘受二人欲不知成不

佛言應受復有比丘受五人欲不知成不佛言應受乃至十人佛言應受。僧祇云病比丘與比丘房比丘欲乃至但不受者得罪者立云今引此文證自入僧中說欲得成也為四分無此文故引祇也。

答行法不同。或一時來至僧前禮已同時而說等者。三明古來諸師不同。或一時或前後如文自顯。賓云據祇律即往上座前胡跪者。准此文意既令向上座前明知不得在僧背後而說也。今時京中大寺或百人五十人說欲皆向佛前着三行五行次第而說。前行人說理是成。限第二三行被前行背即不成。成亦見有寺於本座說後床說者亦被他背即是不成。白馬寺威律師亦同此說。若准此據今正說時有人行立即是別眾說則不成。若准鈔中文似寬容。由有忘誤或復得罪者立明忘則無犯故不說得吉羅也。其由忘誤此屬上句也。謂律不說開成者由悟故開也。若故不說得吉然欲亦成。或曰或復得罪或字已下別呼也。必無正緣不得通用者立云若無難緣不得云眾多比丘須一一別說。故云不得通用約

准外宗一一說是者。即准如五分令至僧中爲我稱名字說。不爾法則不成也。此言彌顯者。謂引上多許文證明須說也。上來多段不同。總是釋初明與欲法門竟。

不簡病人之所及。以僧中者。謂受欲處是病人所也。欲明至僧中及道中及病人邊。亦有失義也。

四分有二十七種者。若羯磨文中。有二十八人。今且計會諸部。令下文易見。四分二十八人者。十三難三舉二減爲十八也。十九在空二十隱沒二十一離見聞二十二命過二十三出界二十四罷道二十五入外道衆二十六別部衆二十七至戒場上二十八明相出賓頌曰。命過餘行罷人外道別部戒場明相出難舉滅神聞。此上有二十七人也。祇有十一人。一隔障二半覆露中間隔障三半覆露申手不相及四露地申手不及五四儀互立六在界外受欲七持欲出界八與欲已自身出界九與欲已自至僧中十因難驚起壞衆失十誦有三人。即行覆等三人也。五分有八人。謂尼等四人狂等三人并倒出衆成八也。總計諸

部有四十九人名失欲也。羯磨疏中計會一如前說。都有四十九人。此是定義。禪問上不足數中二十八人。與此持欲文中二十七人同異如何。解言有二十一人彼此俱同。但此欲中別有六人。彼足數文無之。彼足數中別有七人。此欲文無之。此無七者。謂尼等四人別住隱沒所爲作羯磨人等是也。頌曰。大尼式叉等四人別住隱沒并所爲如式叉及沙彌尼。此二無受欲義不成。故無所爲之人。成持欲故。故無此三。是理無別住隱沒。此二略無尼及沙彌若無持欲義。即是所以故無。同前理無若持已捨。謂受他欲已捨。或作沙彌成轉。根爲尼即是失。欲今文不遺。或可是略以不定故。而此欲文不彰也。言此欲文有六足數中無者。頌曰。命過餘行罷入外道別部第六明相出如次應當知。命終者此取往來容受已失。彼足數中取身來在坐死無集義。故關不論餘處行人。但可失欲不可即合體。非比丘罷道可知。入外道別部等二往來故有失欲足數不據來往故無不足明相出者。失欲分齊足數。但取在坐豈可經夜使不足數。故所以無此約四分一宗辨之。

相中同願如足數中者深云明十三難人等若未自言相同僧故得持欲也如前足數中若未自言得成足數也

自說罪人至反上即成等者深云如今三階師常稱是犯罪人此人不得持欲今時人汎汎常云我是犯罪人例此也立云自說罪人者謂告人云我犯姪盜之類等皆名清淨欲不成等者立明清淨及欲二法俱不成由自言是十三難等若不自言得成不到僧所

又有七種者即四分家人也將此足前十八人成二十五人下更有之若命過者謂取他欲已命終而僧猶用前欲也羯磨疏云受欲者命終約在房中及道定知失欲名爲不到若在僧中事須分別有說云未說不成已說在僧成復有說云說與未說俱名欲到如忘等例或云不爾忘有人持死無識也云何成持

上言忘者謂至僧中忘不說亦成也

若餘處行者出界外也疏云以轉在異域非本欲也。磬亦云是出界外也如自忘中云若出界下更明此義若

罷道者羯磨疏云受他欲已言還俗也尋悔本心又將前欲入僧作法謂不失也但由中隔俗情欲非俗法也若入外道衆者立明邪見外道在僧寺內若持欲過此衆中則失也此外道衆在寺內若在寺外出界已失未假入中方名失欲羯磨疏云僧寺之內外道居處中國至今此事多有不如此方釋李乖也若入別部衆者羯磨疏云即調達之黨五法爲宗或同在釋門而見殊戒等如五部十八部故律文中同界各說兩別俱成磬亦云謂情見不同彼爲別部即如十誦五分之部也若至戒場上若明相出等者由是異界中隔自然也羯磨疏云疏前出界是失謂言在內不失此局內也中分異界與出不殊也磬問既云出界失竟何須復有人戒場失解云前言餘處行是出界失今言戒場失者亦是出界以其戒場本大界內復是作法之處人情或謂不失故復須入戒場失也

明界出者可如下明自忘明文無餘處行至出界外也者謂上言餘界行失欲是說戒健度中云餘處行

中藏經序

則無出界外之言也。至自恣癡度亦明失欲義。即云若出界外則無餘處行之文。故曰無餘處行也是二文互出。致古師云餘處行是餘房也。羯磨疏云設戒法中云餘處行自恣文中辨緣一同。便言出界。羯磨在時故失欲也。者明出法謝故失也。七萬自恣者檢祇文中。但言若大衆六千八百。不畏不竟者。應減出界外自恣也。未詳那

四分又有三種等者。即并前成二十八人。謂神足在空。雖沒離見聞等者。謂此人既持他欲來。自身別紫欲豈得成。濟云如京西明寺殿頭階高。小師多跳行。兩足舉時即在空也。欲即合失言。離見聞處失者。羯磨疏云三處俱有失也。謂病人處及中道并僧中也。初言病人處者。謂受他病者欲已作不送意。未離與者見聞或互離見聞。勢分未越。故未成失。若俱離與者見聞則失。中道者望伴可以例之。有伴可爾無則如何。今解不同。有伴無伴。但作不送意。離生念處約俱離失互亦未失。若至僧中離見聞者。如後更明。今言離者有四種。一隱沒二倒出三隔障四遠坐。若

初受欲時及中道據隱沒論。若至僧中具兼四失。謂此四句中正是約僧中辨離明失義也。然上之四句所以並失者。莫非持者入別非足故也。礪云離見聞失者。願律師解云若作送欲之意。雖離見聞處亦不失。今言失者。謂受欲已作不送意。而以離見聞爲失。欲分齊礪難云若爾神足在空亦應同。彼有心送欲在空不失。無心送欲在空方失。若但在空即失不問心者。彼亦如是。故今正解離見聞者。謂離常所行道見聞處行也。即無事緣入餘房及過諸處行是也。若俱離失也。互則不定者。謂則有失不故曰不定。若爾鈔文明互不失。此約不失以明義也。羯磨疏中有四句者。此約失以明也。疏云一聞而不見失。如僧祇不問覆露但有隔障。即失成別也。又如五分雲霧黑闇中。先不相識。人不得受戒。又如背說戒師坐。即爲別衆。既持他欲自別豈成也。二見而不聞失。如五分若在屋內倒出衆則失。及露地去僧一尋外是也。三亦見亦聞失。如十誦空有互與皆非法。故即如四分神足在空亦是也。四俱離如僧祇中一切覆處不得

中入見字

離見聞不成受具上之四句所以並失者莫非持者入別非足故也必互離有失據隔障等之緣者立云如同覆處中間隔障聞不見是失也即如疏中四分第一句是也今此鈔中列二句明互見聞者此就不失以明義故言何由得見作法者而等羯磨疏中四句互離辨失者約失明義也故今文云據隔障等緣也

前言離見聞失等者即指前四分有三種失文也第三離見聞失今指此文如五分解謂同覆障等者立謂同一堂內各在一角說不成也引彼文來說知同在堂中由離見聞亦失也

僧祇五種謂隔障等如足數中說等者謂僧祇有十人此且略指五人同篇下更出五人云僧祇多種是也此中五人如足數中明若隔障二半覆半露中間隔障三半覆半障申手不相及四露地申手不相及五四儀互立爲一由自身別衆持欲亦失若在屋中隨幾過出至一尋並失等者立謂一度二度出皆失幾是不定義也此言防巧故問幾過答一

中入見字

過失未繁多過此名倒出衆也檢五分中有僧斷事不與欲起去戒犯提若與欲去者不犯欲詞云應對一人言長老一心念今僧斷事我比丘某甲如法僧事中與欲此說也於此戒中即明若屋下羯磨隨過一一皆提若露地羯磨去僧面一尋提自意云此直明不與欲提講鈔者言名爲傳欲人倒出衆失欲者恐用錯也

僧祇多種一在界外與欲者羯磨疏云此則能所俱非也二持欲出界者疏云此受者非法也令與者成別三與欲已自身出界者疏云此與者自非然僧法得成也四與欲已言至僧中者疏云因病人與欲已聞僧中有好大德來說法毗尼自力就坐久疲默出以先欲故更不重說此愚教失欲本送心今身到僧前緣久疲故須後說五因難驚起者羯磨疏云若暴風雨賊急火起驚散走盡名壞衆失立云問持欲人至僧中說竟爲僧持爲傳者持答二解昔云傳者持若爾自說而去者復是誰持答自說去僧持傳餘人者正是傳者持今云若說竟僧持未說傳者持也有

◆人論作者

一人住則不失者。此據說竟。因難起者。有一人住則不失。若衆人盡未說而驚起者。縱一人住亦不失。誦與別住人等者。即是懺發人也。景云。三人不住持欲者。以奪七五等事中不許也。

當更與餘人欲者。爲上諸緣不堪。所以更與餘人而上說明失法已竟。

從此已下。正明過緣不說得成義也。在開緣明者。謂如上若睡忘若故不說等皆成者。在說戒健度中。開成以律文中辨成。故曰在開緣明之。若在道並名不到者。謂本意擬說。至於僧中不說。故開成法。若於路中作意不擬說者。於路已失。皆名不到僧也。有比丘無想作法不成者。以實有故。所以不成。若實無比丘而作有想者。作法得成。僧得小罪也。

不往如法治者。此正明事訖。須往僧中。若不去者。即犯吉羅。要須令懺此罪。言如法治。謂如吉羅法治也。緣謝欲成者。且如直歲及餘一切緣事者。不得身來理。須說欲事訖。合往不得端。然緣謝其欲。雖成不免違教之罪。故上文云。若事休應往如不往者。須依吉

羅法治。即其義也。上來釋四篇義竟。

四分律鈔批卷第三末

四分律鈔批卷第四本

江東杭州華嚴寺沙門 大覺 撰

○通辨羯磨篇第五

此篇來意者。凡施法事。必具四緣。一人二法三事四處。始自標宗。終於與欲。並明集之方便。簡德如非。此並法家由漸總攝。在人人既和。具將堪求。法法之綱。要莫先羯磨。故此一篇。正屬於法問羯磨所托。依界而生。界是教法所依。義須先顯。何以居後。答云。准界是所依。理合居前。但緣界不自成。結藉羯磨。故將羯磨居先。法界後列。意可知也。言通辨者。夫羯磨雖多。要分爲八。始從心念。終乎白四。各有成濟之功。故律通標一號。言成濟者。且衆法心念能濟其說恣之事。對首濟持衣之事。約法階降。大小不同。直論有三分。則有八。此篇具明。故曰通辨。又言通辨者。對首所執。故言通也。古人唯約僧衆者。名爲羯磨。今言通約一人。心念已上。至于八種。皆名羯磨。故云通。故疏云。事法兼通。大小齊降。若欲明教下所被。無非成業爲功。謂之通。故曰通辨也。言羯磨者。疏云。羯磨。天音人翻。

爲業諸部亦稱。鉢者。蓋取聲之不同也。羯磨梵音。此翻業者。業謂成濟前務。必有達遂之功也。今所以不題業者。然以業義通於道俗。謂作此法。非局在僧。故存梵言。簡異通者。知羯磨事。非俗行。故但唐梵翻譯。詳數未通。師徒傳授。習俗難改。乍聞爲業。絕聽驚心。今依舊名。且云羯磨。自古至今。有翻爲辦事者。非無此義。但用功能往翻。然能事乃多。要唯有二。初謂生善事。如衣食受淨。人法結解等。二者滅惡事。如穢罪治擯。滅諍設諫等。並隨前事而得成濟。故曰辦事也。注云。明了論疏云者。卽眞諦所解也。彼疏翻爲業云。相應覺處也。注云。所作是業者。約羯磨所被前事爲業。遂卽爲業也。注云。百論云等者。所依是事。卽生善滅惡。明此羯磨能辦前事。必有果遂之功。故云事也。僧爲秉御之人者。立謂堅持禁戒。故名僧。僧無破戒。不清淨者。由清淨和合。故則是能秉之人。法不自與弘由人也。以僧爲能秉法。是所秉也。御者。應師云。乘馬曰御。御亦治也。如羯磨疏云。然佛法兩位。通曉道俗。唯斯僧寶。獨據出家明功上。隣極聖。顯德下。濟群。

生但由僧海宏廣行位殊倫或內外以分途或凡聖而啓路或約發通於縉素或就儀辨於持毀至於事尋符會要以情見相投同和則上善可登同忍則下惡可滅非假聲教何以通之是以如來體斯弘理故制御僧方法隨有別住普使同遵但得具緣無非成遂言所統其唯羯磨者立謂統是攝義明羯磨統攝諸法僧既是能束之人羯磨是所束之法亦云羯磨是攝僧之大要羯磨是僧之作業若作持之行羯磨攝盡止持之行戒本攝盡攝云夫羯磨者衆軌之宏綱隨事之要術自非義尋教旨究曉如非寧能對事秉宗得無虧缺冀諸行者同務斯趣故律云如此比丘利益多人令正法久住若也不違前法奉行衆軌者恐平地顛墜指及自他故律下文遮法遮毗尼令多人不得利益作諸苦業以滅正法拔群迷之重累者立明群是衆義迷是昏倒累是擔累罪累欲明犯戒僧尼生報地獄名為重累若洗心悔過僧以白四之法拔其重罪當然清滅故曰也此句是滅惡亦云拔苦下句是生善亦云與樂羯磨疏云羯磨有翻爲

辦事事雖衆多要唯有二初謂生善如衣食受淨人法結解並隨行善而得生也言滅惡者如懺罪治穢滅諍設諫名通善惡理在除慙皆由羯磨而得清蕩又生善之極勿過受體由作法和便發戒業道同太虛共佛齊位也滅惡之大勿過懺重若不洗過生報便墮由此羯磨拔之能令九百二十一億六千歲阿鼻苦報歟然清淨豈非滅惡耶言出界分之深根者此句名生善亦云與樂也欲明無始沉淪於三界不能出離今日值佛出世樹立此法制十僧清淨授以戒品能專護持遠趣佛果是出界分也言深根者無量久遠種三界有漏之業是深根也又云一切作持之法皆名羯磨且舉如持衣說淨等法皆稱羯磨以作此法故遠通佛道近報聲聞並是出界分深根之義也德實無涯威難與大者約能生善滅惡如上二句功益威力無能過此也說文云岸高邊曰崖尙書作涯宜伊反涯浹也無涯際也宣云然涯一字世蓋者多或山下安厓則山邊險處若水邊安厓則水邊畔際今喻邊界不可兼山此中用意欲明羯磨功德

既廣無邊畔。也有人云。威難與大者。明羈磨有大威勢。有犯罪者。治出衆外。不與共住。如前騰岳波雲之喻相似。

而世尊極光既久者。既由已也。極是止義。亦是宿義。處義如鳥宿於林。曰。極欲明如來示滅。又林義如極宿。顏容不可見也。故涅槃云。於及林間。入大寂定。衆不見。故唯有三藏教法。遠流末襲。故言遺法。被世使諸比丘。依此修學。故曰可得而聞。然佛身終不可得見也。齊云。極猶息也。謂佛息却光顏也。但爲陶染俗風者。應師云。徒刀詩云。上帝陶陶。然陶者。變也。慈云。陶者窯也。只是養育之義。如世窯師。假食烟火。而能養育諸器物。今食受惡法。六塵五欲。生長鄙情。喻之養育也。立云。陶師器皿用火爲食。得成器皿。今惡比丘用俗塵爲食。能成身器也。義同慈述。若進上變義以解者。明大聖雖隱教法。尙存但末代。僧尼染世風俗情變動也。能京教人心既變。異所學之教。故訛替也。言情流鄙薄者。謂情既染於俗風。恒流鄙陋。可薄之處也。廣正云。鄙者羞耻也。亦云鄙陋也。言成瓦

礫者。謂既常染俗風言。亦鄙賤。常說虛妄之言。賤如瓦礫也。又發言都無軌則。故云瓦礫言妄。參真淨之文者。參由同也。雜也。慈云。言不稱教。妄云與真教之文相應。口云我是大乘。多說無相之理。色空不二。姪欲是道。故曰妄參也。深云。如上人妄乘聖教。不識如非何堪參涉。羯磨之文也。行乃應庸虛。在三之數者。立云。塵是六塵五欲之境。行染此塵。故口也。庸是常也。庸庸之流。謬稱三寶之位。有云在三者。一君二父三師。今此之人。蓋在師數也。內無戒德名。虛響也。私云。書言何名在三之教。謂君父師也。致使教無成辦之功等者。立云。既本非僧體。即非能秉之人。致使教被前事。事法不成。則教無功也。復是人非不稱其法事。則不成。故曰事有納非。又云。教由人弘。人既如上之惡。致使教無威力也。並由人法無宗轄者。慈云。約體曰。宗約用曰。轄人以四僧清淨體。能辦事爲宗。以秉聖教成僧之法爲轄。若體非足數。後陶染俗風。行雜庸庸。是人無宗之尊也。不堪應羯磨之用。如不識如非是人無轄也。言法無宗轄者。約羯磨之體。

露出生衆行衆行所依藉此爲主曰宗宗亦主也猶如車輪所依故轆有助軸之功轆失軸則有損故文云失轆折軸愛卽其義也失轆喻犯僧殘折軸喻犯四重今若事如依教所乘羯磨無有錯脫作法成就名法有轆若緣事既非不如白法作白顛倒錯脫羯磨無施用之功是無轆也應卽云轆謂端微也說文云轆由鍵也謂軸頭鍵者是車之所要也言得失混同歸焉者立云得則是如失則曰非如非成壞未分是混同之義明矣言歸焉者謂得亦歸一處失亦歸一處得失同攬將歸不能分別盡將爲是也

當隨順文句令增減逕法毗尼等者此是一句當如是學者別向下讀謂勿令增減莫增減卽是不違法毗尼也勿令增減勿令違法毗尼也雖復僧通眞僞於緣得成前事羯磨亦漏是非等者立云清淨持戒曰眞十三難三舉二減曰僞雖淨穢二別若無自言得足僧數而成前事假此未自言無三根之緣堪足僧數故曰於緣得成前事也羯磨法則不爾但使落非不問知與不知皆是非法漏者落也難曰穢僧衆

知不名足不知便是足亦可羯磨錯脫有知方不成不知應得成若使羯磨知與不知皆不成亦可僧則言與不言俱不足在僧不言得稱足羯磨不知何不成答僧不據自言自言方不足羯磨據錯脫冥然自落非言亦漏是非者濟云是漢兒語體也如言亦到來卽去是也又解對上眞僞故有是非之言是非義齊故言亦然非眞僞雖據成與不成則異故曰乖違號非法也又釋而乖違別號爲非法者謂羯磨若落非則是乖其進式縱無人知終是非法故曰號爲非法不同前僧僧則通眞僞羯磨唯眞不通僞今欲剗剪浮言至案文進式等者立云上來所明言成瓦礫妄參眞文之人言既離理故言今欲剪之取其眞教也又浮言者如物輕浮則浮遊於水上茲賤類也若珍瓊寶必沈在下不妄顯現也今銜述言聲或同時衆非浮何謂也

人謂受戒捨懺等者謂稱量受戒人衣鉢師僧具淨不身無重難輕遮不若捨懺則稱重所犯輕重財体合捨不用僧多少等方始集僧然望所受法卽是聖

教應是法收但法思依人能受爲名也法謂說戒自恣等者立明須稱量口時有難無難略衆具華籌等但以說恣非淨不預理在爲人但僧別通行違崇教方故專在法也事謂地衣等者如結界淨地須問標相遠近等衣者深云是攝衣界但約非情依處加法應由人與然和告所唱唯是法也合此兩緣所指則同皆爲界限故唯各事也或單乍離乍合等者只指上人法事三種也或時直受戒不說恣等是單或時盡作三事謂結界懺罪說恣等一坐之中盡秉者是具故口也交絡得七句三單三双一合言乍離乍合者如人鍵度中行僧殘罪同篇有犯十罪各各乞行覆名離一時乞行六夜出罪名合前合後離亦爾以不定故故言乍也又如受戒三人同番羯磨是合人人別秉是離

二約處以明至唯結界一法等者謂雖明結界一法總有七法不同大界有二小界又三并戒場是七故知七個白二俱得自然地而秉也

三正明集僧方法者廣如集僧通局中七種作法已

不
明
原
本

如彼釋竟

須知用僧進不簡德優劣者謂觀前事若說戒須四人自恣須五受戒須十出罪二十人僧也淨戒是優汗戒是劣人雖五百一一人中簡之不足也且如教尼須簡取具十德具二十夏具德須進不具德須退曰止又如前篇明足不足足者須進不足者須止足者優不足爲之劣又如迦不至白衣家羯磨差人懺謝須具八德等餘可例知濟云若說恣懺罪必須體淨名德優若受戒等法此並生善之門但使相淨堪生物善不廢壞而三根未露或犯二篇已下縱三根露但能生善皆成僧用名之爲劣從此已下正明和合之相

須知嘿然呵舉之相如前說等者立云此是上座約勅大衆之辭汝可須知如此事等如法僧事須知忍默若作非法事即須呵舉若無善伴亦須嘿忍又云羯磨若成須嘿不成須呵言如前說者有云如前別衆又中應來不來三業不集非和合也翻非成如是名和合嘿然者舉舍利弗事也呵者取現前得呵者

阿也。畢者如約六群往說戒處立。恐僧舉也。並是別衆非和合相。

即隨次出如沙彌別法中者。立云。夫言說戒時。沙彌若說五德十數已上。座須告言。若聞三下聲。可須集來也。餘有住者。須明足數不足之相。如前者立云。此是對衆簡德也。前第四門簡德優劣。則是屏處簡之。與此不同也。

二違心立治及無心領則無乞詞等者。如三擯四羯磨。並是違心立治也。如治調達。豈有肯來乞也。言及無心領者。即與狂痴羯磨是也。應作舉憶念證。正知法者。舉謂僧中德人舉告僧言。某比丘犯罪。舉已爲作憶念者。謂某處某時共某人作某罪等言。證知法者。凡欲以事陳告。得其情要。須知法智人證正其罪。然後加法濟云。證正知法者。即調達破僧說五邪法已。佛令僧作羯磨。差舍利弗往報白衣證。正調達知其所作非法非毗尼非佛所教。故曰證正知作此羯磨。故云法也。双牒事法者。說念是事羯磨是法。並例准知。

廣如別法者。立云。此明下結界文中。自明不得說欲安居文中。自明受日無有乞辭。故知若具九緣處至當處。文自明。故曰也。亦可指羯磨略疏中云。就此十緣通簡有五一相攝。二有無三先後。四成壞。五廢立。初相攝者。謂將律中僧法事界以來。攝此十緣也。第三四五六七等五緣。並攝在僧九十兩緣。並攝在法初八二緣。通攝歸事。第二一緣。則攝在處。問如第四緣僧集約界文。盛談處。豈是僧收答界爲法。托如第二緣。今此第四約界。明僧集之遠。近能集在僧。不唯界也。二有無者。有人言。結界無欲。故削第七受日。差人無乞結淨。不唱其相。故削第八。今解不然。並須具之結界。無欲立緣。顯之受差。無乞豈不須告。告即第八陳情事也。結淨不唱。此不尋文。律云。應唱房名其事。極顯若不先陳。何由結法。故須具十。乃鏡是非。豈唯衆法須此十緣。對首心念非十不得。但指對首一法。以歷十緣。如受衣法。五大上。色義加不成。即初緣也。事通兩界。即第二緣。口召對人。即第三緣。約界明集。有則對首。無則心念。即第四緣。前對相可。即第

中知殿如

中本文義等

中本文義等

五緣痴鈍非數即第六緣取欲非法即第七緣執衣
言議即第八緣勅前審諦即第九緣答問可者即第
十緣也三明前後者法事分二諸律先和後欲由取
答緣以應欲務也四分先欲後和又如戒序後德衣
法中由說欲時但言如法知何不通必和居先義亦
無妨不由前後即說成敗二事前後者如結界豎標
須在第三如標唱相還復第八如是例舉可以情求
也四成敗者第二四五六七等五緣事現方成或有
闕名壞何以然耶二界分相爲法不同少有差違不
成羯磨除之四緣通是別衆或是非數不成人用其
第三緣則有不定若分衣食要打健隨但打不集隨
集無犯此是約相以通法也若作羯磨者律中雖令
作相不來更相檢校故知初雖約相終須身集不以
鳴槌使免別衆故不作相有得成也問答兩緣正是
和舉不問失法理亦通成其第一緣通誦四法最須
加彌餘九方陳其第八緣通有成敗布薩衆具有闕
法成但是作法軌儀其實在說行淨違教輕罪若結
界標相少缺不成由羯磨所牒准標結相故也第五

廢立者謂古師立緣互有出沒如并部願律師依德
衣法以立六緣一僧集二和合三簡人四取欲五問
緣六答意至於界托全不顧之致令依文在自然之
地輒行受戒斯一迷謬至今不革若如相部律師通
收爲七或云六五一者假界二能秉僧三簡異衆四
與欲清淨五因本起六問答緣七正作法此則合緣
同本根條混亂問答分人題相各別義不容一又云
差人具六無因本也結界具五以無欲故今云若不
列欲何以知結界無欲故不可略此上十緣乃異諸
師非敢苟異理自不可同也略述如此上來十段不
同總釋第一作法具緣門義竟

二明立法通局者深云衆法及對首約無人時通心
念作者曰通若但心念不通上二曰局初相攝分齊
者深云相攝對上通字分齊者對上局字也濟云言
相攝分濟者一舉法則攝八種羯磨二舉事則攝情
非情等一切羯磨所被事也三舉人則攝一切僧俗
有七種差別始從一人終至二十人俗也四舉界則
攝一切作法自然自然有空曠不同作法亦有大小

差別也。二別舉成壞者。法不孤起。終須四緣。隨義明。非不過七種。七種之義。廣如下釋。既有二門。分別今。即是初。

一法者。卽心念對首衆法也。二事者。卽羯磨所被之事。如受戒懺罪等。三人者。卽一人僧。乃至二十人僧也。四界者。卽作法自然也。今且略標下則一一牒釋。事是微小者。謂六念及悔輕吉是微小事也。或界無人者。卽如受衣是對首法。說念是衆法。由界無人。開其心念也。今自行成無犯戒事。乃至作法不成等者。且如比丘有衣須得說者。犯於捨墮。則是犯戒。由界無人。開以心念說淨。令其不得罪。是無犯戒事也。如受衣說淨名爲自行成也。

上來辨心念義。竟下明對首之法。謂非心念之緣。及界無僧並令對首等者。卽但對首也。言及界無僧者。卽明衆法對首也。此通三三人或至四人如下說。乃至同秉法等者。此卽是衆法對首也。如二人三人俱開秉之。

言或至四人者。謂自恣時。若有四人對首不得秉衆。

法一人爲五德三非僧。故若是說戒。四人得成。又如懺捨墮四人。但秉衆多人法也。

二衆法對首。同前衆法心念者。謂同前四種法也。故上文云。謂本是僧秉亦界無人。故開心念心念是何。卽說戒自恣。僧得施及亡人衣等是也。事或輕小者。如懺捨墮。單白和僧也。如欲出家者。單白與剃髮。又如單白捨功德衣也。

或常所行者。卽說戒也。及自恣單白也。據此說戒等。事實是大事。但以常行。故不須懃懃直作單白也。或是嚴制一說。告僧便成法事等者。約作餘語。及以觸懺羯磨也。以闍陀比丘身口二綺也。謂調戲耶。綺躁擾亂僧語。嘿亦常法儀。天度故立制。白斷改名餘語。觸懺亦然。立云身綺者。衆僧若坐。彼卽立。衆僧若立。彼卽坐等口綺者。由數求懺。僧作法。諫彼言爲共誰說。爲論何事等。僧問汝何處來。答云過去來。問何處去。答未來去。佛令制單白。斷斷已更作犯提。未制白前作者。但吉景云。如五百問中。衆僧立制單白。不許入市也。

由事參涉義須通和乃至故云白二等者立云謂事參雜涉濫於大小也有小故名參涉若受日白二爲別人作是小結解諸界白二爲僧故作是也深云單白是小事若至白二以涉入於大事故須來也事通大小情容乖舛者立謂受戒是大懺重是小呵諫等亦通大小如諫破僧及伴助是大諫習近住是小治舉亦有大小三舉是大四擯是小濟云受戒懺重三舉是大四擯是小今詳鈔中且一相而判略云大小若准礪疏三種羯磨細分有九謂單白白二白四各分三品初單白者如說忿常行和情則易名爲下品形法二同別人利益和情稍難判爲中品餘諸觸惱以由惱僧情過是重情和極難判爲上品白二三品者結解諸界衆所要務情和最易曰下品也受日差遣事兼爲衆或專私已情和稍難曰中品離衣六年處分之類事專私已情和最難曰上也白四三品者如憶念毗尼謂清人被謗卽查婆也僧作憶念證其不犯以衆同知查婆是淨情和則易曰下痴毗尼以狂時故作聖開不犯從狂止來更不復作今被

他舉僧作法此證其不犯以由前雖是狂觀但外相誰辨狂之虛實故今情和稍難曰中也罪處所者以其前引後違或前引重後引輕言辭不定事最難悉和情極難名爲上品也言情容乖舛者如滅擯諸諫治舉等是違情也立治之法是乖舛也若受戒懺罪乞法是順情也欲明白四之法非全違情故言容者不定義也濟云約能求法僧或情見不同故曰乖舛如有言自種華果教種等或通供養此是好事何勞治擯等或有言此是汚家須治由此言見不同故言乖舛也故云白四等者礪云此並事有三品故法折半如邊地開五人受戒者以中邊折半故如受日三等羯磨對事爲三之類言中邊折半者謂中國用十人此邊方用中國之半故但五人也受日三等者亦是折半十五日是一月家之半七日半月家之半羯磨對事爲三者謂亦是折半白二是白四家之半單白是白二家之半此皆約事輕降故法隨減也若通前一則一百八十四法者前二卽對首并心念

也。明前但心念中有三對首。心念有七衆法。心念有

四衆法。對首又四合成十八也。其但對首復三十二

并十八是五十。將此五十配衆法一百三十四。應是

一百八十四法也。其但對首文中唯列三十一法。今

則除尼白入僧寺并尼請教授唯二十九法在。更將

白食前食後詣他家及受波利迦羅衣。此云雜碎衣亦曰助身衣

及捨卽是三并前二十九是三十二也。

答此乃總標非定如數者。此答意云常聞百一羯磨

者非唯數有百一也。還如日一供身物可卽唯有百

一也。然百是數之極名耳。故羯磨疏云如常所傳百

是數之總名。隨事皆一羯磨。故言百一羯磨也。其十

誦中有百一羯磨。故言亦可引用十誦也。故伽論

有百一謂單白有二十四白二十四十七白四三十也

細尋此一門上下橫括庶無差貳等者。謂將此一門

冠下諸篇而用之。如受戒說恣等文中更重明直須

望此一門成。得識其相也。言庶無差貳者。庶由望

也。立云差貳者。只爲差故成貳。向若不差只是一也。

應師云貳之言二也。爾正云貳疑也。言有二心皆疑

惑也。

答四分三語中及白衣說法中者。謂未制羯磨之前

三語受戒卽三歸是也。初則三歸受戒後爲無和上

闍梨。故無人教授則犯戒。種種非法著衣不齊。整乞

食不如法。處處受不淨食。於大食小食上高聲大喚

如婆羅門聚會法。所以佛令立和上闍梨羯磨受戒。

前三歸者。既見羯磨受者法式既多。疑我前受不得

白。佛言前三語受是名善作。如法羯磨卽是受戒

也。言及白衣說法中至言是羯磨等者。謂說戒健度

中爲俗人受三歸五戒等皆名羯磨也。欲明羯磨既

名辦事。事亦何簡大小如心念之法亦辦衆法等名

爲衆法。心念者是也。

上來釋法義竟。從此已下就於事明也。謂羯磨所被

之事乃不重明者。謂羯磨所被之事也。如前總列一

百八十四法。應須更列一百八十四事。由前轉法竟

不更重明所被事也。直顯非也。又云羯磨是法。法必

銜事。事必銜法。此文但明法不更出事相也。下諸篇

中自顯其事。如說恣懺事等。問今言更不重明者。此

文意似前已明事。竟答即前十門中。初稱量前事門及第八陳本意門已辨事訖。

所被事中。通非情者。如捨懺治。損受戒。是情結解諸界。是非情也。若一緣有差。悉並不成等者。然今文中。自解緣有差之義也。從何者。已下即是解緣差義也。濟云。且如情事中。爲他受戒。於身無遮難衣鉢。已有是前境實也。非情事中。卽如結界。標相分齊。如教而立。亦是前境實。故曰。並合前境是實。若反此者。卽名一緣有差也。

不覆藏與覆藏。獨磨等者。如犯僧殘。竟有懺何須與覆藏法也。此謂有藥有病。施不相當。佛判不成者。彼瞻波中。舉三舉四。擯等約三舉。人有二十一非七句。番成如二十一非。正是施不相當。言二十一非者。不見不懺。不捨爲三。不見不懺爲四。不懺不捨爲五。不捨不見爲六。合三爲一成。七三遍數出。卽是二十一非。翻非成如者。有罪翻前。二不見翻後。兩云。非情事中。二房羯磨。妨難不成者。上旣言所被事中。通情非情。此下則解非情也。有主房無主房。要無妨。

多投投下
同

無難作處分羯磨得成。若互有若俱有。雖與處分羯磨皆不得成也。離衣等必須兩具者。立明有病衣重名爲兩具。作法得成。雖有病衣輕無病衣。重加法不成。杖者卽老病開杖。絡囊要須身病又老故名具非。謂直爾投杖。卽須乞須明了。論中極有明文。有人解云。平常投杖。卽須乞法。此大妄也。此是濟解南山意。云老病之流。故聽投杖。今人無病不假快。羸常策杖。杖作大物相。此令長慢。正乖法式。亦不許投。及如三階家鉢。卽是絡囊。亦犯此條。據佛教中鉢。唯手捧上來。釋事義。竟從此已下。就人以明。下有三人者。卽是僧衆多人一人也。僧中有四如前所說者。集僧篇中具明四種。用僧分齊義。竟四種者。卽四人僧五人十人二十人僧也。故知僧中有四。今此更不重明。直列三人一人法等。也法之與事。決定不得者。立謂上四種之僧。但得兼於僧法。不得作但對首。但心念法之與事。若將前四僧。兼此二法。一向非也。有云。法謂說念等事。謂結界淨地等事中。還有法攝法。以從事。故得事名。或攝事以從法。故得法名。

同經問

二三人中具立二法者立謂二人僧三人僧但得秉
但對首并衆法對首二人秉但對首三人秉衆法對
首故曰也。兩界無僧盡須集之乃至更須改法者卽
作法自然要須盡集方無別衆若二界有人則是根
本衆法所攝不得對首秉也。三十捨墮須問邊人者
攝機主受他請時須問邊人非是正懺罪時也亦有
通須問者此是五分律明其九十單墮若在覆處須
問邊人及露處一尋內亦爾上明九十單墮不用問
者一往判耳今則明其懺三十九十但須問邊故曰
通須有人云亦有通須者謂通問不同也只是有通
用問有不通問若覆處卽用問故曰通須問若露處
尋外卽不用問故曰不在通問也若持衣說淨不論
通別者謂不須問邊人此則全不通何須言之故曰
不論通別又解若持衣說淨不論通別者立明持衣
等一向不須問邊界中無有制令盡問故曰不論通
亦無別攝五三合問故曰不論別也若是心念一向
非分者謂心念法但自秉之一向不須問他也有云
心念之法若將對首秉者非其分也必有其事隨緣

作之者謂心念之法如六念悔輕吉等得緣卽作不
須問於邊人也

若據所秉如前法中者齊云指前大門有四一法二
事三人四界今却前第一門法之文故曰法中也立
明如前相攝分齊文中明也立解是若作但心念法
不論同別者謂作此法無有別衆之過也

四約界者四種自然者卽爾若聚落道行水界此四
界上若約衆法唯得結界及一二三人衆中雜法者
立云分亡人物說恣等名雜法雖是衆法今若無人
唯得對首心念秉之亦得自然地上作也四人自恣
並得秉之但須盡集者立明界有四人欲作自恣猶
是對首而作故得在自然界也亦得通二人者卽僧
別也言法通三種者卽心念對首衆法也

數人說戒者文中言齊靈許比丘坐處結之故曰數
人也此三小界因難曲開但作一法乃至非久住法
等者齊云謂三小界結時文各不同唯得各作一法
不得互用如說戒小界則更不得於上作自恣等法
唯得各作一法卽須解却故曰但作一法

中助字
歸類

四者戒場乃至大界並有通塞隨相可知等者。景云說戒自恣乞鉢捨憊亡人衣無難不得在戒場。要在大界作故言塞有難。則通若受日解界一向不得在戒場上。是塞此是通論。若如先依蘭若安居後結界者。隨二界受。曰此不定。餘二定也。有云。說恣乞鉢捨憊等要大界作名案也。餘通二界曰通也。立云。就中並有通塞。如說恣有難。得在場曰通。無難局大界曰塞。又云。如是乞鉢捨憊下有八法。要本大界名。塞此是大界家塞也。若其餘不列者。事通戒場與大界。乘之此名通也。故知局大界作者曰塞。通二處作曰通。有云。如結界羯磨亦有於自然地上。乘亦有於作法地上。乘即衣食界是也。此曰通。若其餘羯磨要作法地。乘曰塞。此解好上言乞鉢捨憊是一事也。非謂衣財之捨憊須知實云。此乞鉢行憊。罰令用舊持新。奪其好者。將入僧厨。留一惡者。僧中展轉取最惡者。與之令持。既奪入厨場上。無厨不許於場作法。亡人衣法者。謂亡人輕物。利通十方。不許於場而獨分也。受日者。由場不許僧住。則不許僧住。則不於中作夏。何

中助字
歸類

得於上受日也。解界者。結解俱不許。遙何得於場解大界也。結衣界者。攝令人衣同處。故結不失衣界。場非僧住之處。何得於中攝衣。又復衣界。稱大界起。故解則淨地者。本防宿糞。場無僧住。何須結淨。又復淨地。依大界起。故受功德衣者。本為夏勞。開受場非坐夏之處。故也。此中略辨其理。未盡。准疏中更有處分。癡狂四月覆鉢。八德不禮學家。亦局大界造房。處分表衆同知。別向場作大衆。寧委故祇中。尚不許異界客僧來此。處分故定局本住處也。癡狂為障。說戒或來不來。故與羯磨。然場不許說恣。何得於上與狂法也。四月者。試外道也。隨順衆僧表信。已具須與受戒場中。非僧住處。寧得於中作法。四月共住。耶羅鉢者。制衆不往場中作法。衆不知故也。八德者。若八德人報覆鉢家。此語俗士制僧勿往。差人報彼欲使改謝。若於場作。僧既不知。後往不息。不禮者。為僧作也。於場作。尼衆不知。恐後見此僧。猶加敬也。學業者。作法不往。須衆同知。場中別制。衆去寧絕。上來釋相攝義。已竟。下明成壞之義也。法不孤起。終

須四緣者。卽上十緣。東爲四也。卽人法事界。此四上已明是也。此已下明非也。言成壞者。如卽是成。卽非名壞。壞相雖多。不過有七律中。淮約單白。白二。白四。明其七非對首。心念未見其解。今鈔家義立。通有七非。心念旣得名羯磨。何獨不辨其非。但律缺耳。卽序中云。文斷而以義連。卽斯事也。今以將人法事三種作三單三雙。一合爲七辨非也。

謂以此法對人而作者。本合獨乘。但心念今對人作。卽是人非。口不明了。法不稱教者。心念之法。要須口說。令自耳聞。今說不分。明是作法。不稱其教也。六念等事。一一非法者。其六念中有背請別衆。食衣鉢具。缺受時年夏。此屬事也。每日牒誦事。須稱實。應其教法。今則妄牒。黑月云。白衣缺云。具妄陳言。說故曰事非。

數同於上。隨事對法各有別相者。謂指前文約法而明辨對首。心念有其七種。卽安居說淨受樂受七日受三衣及捨受鉢等。故曰數同於上。隨此事來。則有法相對。故曰隨事對法各有別相也。

自不依他者。界中有人不依對首而作。故曰人非。又解夏中安居不依持律者也。濟云。謂不對人而作。非是依第五律師也。時非夏限處有緣難等者。卽四月十六日。方是夏分。今乃四月十五安居。故名非。言難者。師子虎狼。世界內別衆自犯六聚者。明此說戒。本是衆法爲無人。故方開心念。今界有人。心念獨作。故落人非。又說戒之來。本被淨者。今犯六聚。不應說戒。卽律文中犯不合。聞犯不合。說不陳三說者。立明心念說戒文云。我某甲比丘清淨。還須三說。今若一說。目是法非衆。具有闕者。謂先須洒掃。次辦華鬘香水等。鳴鐘待客。若無來者。方開心念。今不依此。故曰事非。言時非法者。立云。平旦而作。名非法。由不待客比丘。又解約日時之非。謂十四十五十六日名時異。此時非也。

有呵者。呵者此屬人非者。羯磨疏問曰。呵不止非。與得兩人呵。有何別耶。答約人明。呵情不同。故成別衆也。約法不止。異同詳乘。故入法非。又解德人吐辭。義須依住。住則是別法。不可非。謂聞呵卽住。但是別衆。故言別。但是人非。無有。

●印字原

法非故言不住非法人法俱非謂先呵之人望不合
法不可非 呵此屬人非今聞呵
不止又是法非故疏又云得呵人呵者能敗法人是
曰人法俱非也
別衆也聞呵即止雖止亦非即人非也若不止者
自是法非但以法假人弘有呵須住自言我是聞呵
故去去是法隨住是非不忍而說義非獨建故是法
敗也故礪云汎論呵者含有二義一謂情乖故呵呵
成別衆二情同故呵呵成呵不止意謂上是人又云
非下是法非
凡呵羯磨者自呵或語傍人此亦成呵故五分云若
同界比丘乃至使比丘座間是爲成呵准此文者雖不
對秉法人呵直共比丘座評論成否亦是呵限即落非
也此皆約正誦羯磨時也五大色者青黃赤白黑也
及以上染者眞緋眞紫也財是不淨者即五邪販博
所得故知販博邪命得財作衣加法不成也
五衆法對首四人秉法第五受欲者謂界內五人應
須盡集一人說欲餘四對首自恣故名入非也互相
陳等者知他有犯不舉發也言說不明了者此謂正
自恣時說文詞不分明也時非夏末等者謂佛令安
屈竟自恣今夏未竟而作是事非也言衆難不具者

●有疑
●不於法

謂僧衆若有難事開增自恣今有難而作屬事非也
界內則衆人不清淨者此明懺悔要對淨戒以犯戒
故不得受他解罪名人非也輕重同法者謂如應量
衣應作提懺不應量衣須作吉懺今總作提懺者名
爲輕重同法也又解根本提重覆吉是輕又可根本
覆吉是重從生是輕又經說嘿安是重從生是輕今
則同時而懺不陳名相直合而悔故言輕重同法持
犯不分等者立明曾經說淨是持非犯未經說淨是
犯非持今既混亂俱將盡捨故云不分亦可約犯捨
之衣著用得吉今未著用妄言犯吉若經說戒懺
妄有犯今未經說戒妄言有犯是也亦可如離大
衣隨離者順牒今但言離三衣是也言妄陳言說者
謂衣不犯捨今言犯捨是妄陳說也財非合捨等者
立謂應風法非今望財體是淨不合捨故今則名爲
事非也如羯磨疏云衣財散落染淨未分通將入捨
以是事非又如畜貲二寶但合還主今捨與僧是名
不合捨也文乞蠶衣但令斬壞不合捨之與人今將
捨者故稱不合也言有過不陳者謂提吉兩懺不陳

●托物作託

多少言界非作法者。謂在自然。輒乘羯磨也。衣物不
集者。十衣犯長。但捨七八。故曰不集。妄托人之類
者。言我此犯長衣。遙心捨與某比丘。竟心元不斷也。
立云捨懺之時。衣物不盡。還來見本所忘之物。方言
我將施人。由本無心所捨之衣。還爲所忘者。染也。
七白二中。不盡標盡相而集者。景云。標謂欲結界分
齊。相謂自然界分。此即標寬自然界。狹須盡標集若
盡自然而集。即犯別衆。此舉標寬相狹。爲言若標狹
相寬。盡標集也。舉院相圍。即院爲標也。此相謂自然
相也。若准古師。但盡相集。何須盡標。由未加法。無別
衆罪。鈔主從急。故制盡標。據了論三。由旬齊內。須集
意可知也。私云。了論文。別鈔家錯。准下當廣破得呵
人呵者。簡餘被治七羯磨人等名。爲非得呵人也。礪
云。此中呵者。情乖故呵。呵成別衆後。文呵不止者。情
同故呵。由乘者非謂言我是聞呵不止。即屬法非名
爲呵不止。非作法聞托又呵不止等者。立明唱相既
不明。了致令作法之時。無所依准。不知畔齊。如箇中
托物也。又云。不識標之處。所妄指山谷。藍婆林樹也。

●插入後字

●違於律議

標相及體三種分齊。混然一亂者。立云。牆壁樹石等
是標相者。所唱者是也。若從內唱。標在相外。若從外
唱。標在相內。言體者。即所結之地也。羯磨疏云。唱者
之所據曰標。羯磨之所據曰相。作法之地曰體。今不
識此三種名。混亂也。不知彼此者。以標望相。標則是
此。相即是彼。以相望。標相即是此。標則是彼。二界錯
涉等者。立謂大界戒場相交。涉中間不分。自然空地。
故曰也。亦可約二個別住。作亦得重結交互者。前人
既結後人不知。更於上結者是也。即此重結前後互
作。故曰交互也。遠唱遙結之類。並不成就等者。明有
人於戒場上結場。竟即於中遙結。大界是不成也。又
有人先立三種標。竟於大界內坐。先遙結戒場。亦非
法不成也。
人雖五百等者。景云。此是縱詞。謂聊舉五百耳。言一
人中五十餘法者。立明如足數文所明也。通諸部
簡人合有六十三人。今言五十餘者。有十二人是義
立也。自意云。足數文中。列懺僧殘四人。謂行覆藏人。
本日治六夜出罪。并十誦三人。將爲不足數。故有六

十三人此是通家不足數義若約受戒四分中開停僧殘行法應他受戒是生善緣開濟前務此文既明受戒除七卽有五十餘種此解受前進止八種調理者立明受戒篇中前有八門條牒及至受時當第九門頌曰請置差往喚乞白檢羯磨至受戒當見今明於八門中雖復調理次第及至受時卽白讀羯磨故曰執文無差也又解八種調理及與正受俱不知法也

當法自成不相通練者立明東良爲三離分卽八皆是約界人數多少得秉何法隨人多少各相成不相通也又云如白四法不練餘心念對首等法又如但心念亦不通練餘對首心念法也又如本是對首之法豈得將爲衆法也本唯有三約緣故分八相耳別衆一法多或通之者謂但心念但對首則無別衆其餘衆法對首衆法心念若界有人便成別衆若界無人則無別衆有無不定故言或通之也或是不定詞也欲明上之八法約界無人離成此八界若有人唯歸三法若界有人更爲八者容有別衆之過故曰也

上來多段不同總釋第二成壞門義竟從此已下次釋羯磨正文也見增減一字謂爲非法等者立明鈔意云我若不具明通塞恐餘人見增減一字疑其非法然成敗實由一字但不可膠柱其心須知處所若羯磨正體不得加減若所牒緣牒事增減無失言不得雷同者借以外事也如天雷時百鳥同驚萬雉咸雖故曰雷同今用此言者欲明見他增減一字須知處所不得雷同謂言俱不得加減也

曾不改張有無者且舉受日羯磨文中有佛法僧事受過七日法忽有看病緣卽須改張除文中佛法僧事之無增看病之有未解如此改動故曰曾不也言張者如琴弦若惡須更別張今借此言用也書云罕或更張是也或第二第三等者此是出法家語今依文誦可怪之極老師多犯或無文稱事者景云如受日羯磨無乞辭輒內乞詞者是也慈云如看病實勞無六物將餘物實者無文但有其事又如蠶綿不合入捨今將入捨無文有事今若妄牒入法皆非也此中數句皆是欲釋羯磨且商略諸迷之背也有文無

事者立明如分亡人物中有實勞三衣六物之文今
 關衣物名爲無事或可約看病者無德亦名無事今
 依律賺衣實名之皆非法也又如結淨地律有結文
 而無唱相事以羯磨賺唱相事亦不應法也此有藥
無病亦
不稱俱有俱無者謂有病衣重開離大衣名俱有也
 無病衣輕無文開離是俱無文又云如亡人有三衣
 六物看者具德名爲有事律文俱賺合與名爲有文
 其事與文兼備故曰俱有此是有藥有
病故稱法也若六物既無
 費病缺德名爲無事律不許實名爲無文今輕加法
 者一向不成也致使傍人加改重增昏亂者立云此
 上不識聖教之人見他作羯磨或時有增減自心轉
 疑惑昏亂也此解深云傍人加改者謂秉法人既不
 識增減之意傍人即教使此秉法之人轉加昏亂也
 闕而不入心府至久聞等者府由舍也謂不入心舍
 耳言執文高唱等者即白讀羯磨也言呈露久聞者
 呈由示也露者顯也謂我曾見聞此白讀之人故云
 也

觀事乃同於法者且如受戒一事謂三衣等師僧如

●義疏

法身無遮難是事白四聖教是法人問云若个是事
 若个是法乃答言身無遮難衣鉢師僧如法是法白
 四羯磨是事一對反之故曰觀事同法也又解羯磨
 五句中第一第三第五句是法第二第四句即衣鉢
 等名是事今則不了此事法見法言事見事言法聞
 他增減事中之言謂亦同法不得增減故曰觀事同
 法也此解而人事兩緣冥逾夢海者人是能秉法僧
 事謂所被之事如前七非中人非事非俱不識也逾
 是越義亦是過義明其冥漢不識人事兩義過於夢
 中見物又如遠望海中不知其深淺際畔也量時取
 法全是師心者立明如有難佛開略自恣說戒然難
 有遠近故略亦隨長短今難猶略遠即便單白云略
 作自恣者即是量時取法故云全是師心也又如戒
 場上唱三相結大界者並是量時取法也結罪罪當
 深罰等者不以愚痴得脫隨作犯根本更增無知不
 學罪故曰深罰也

言同法之儔者二人爲伴四人曰儔也

正宣情事者立明今僧白月十五日是情布薩說戒

是事事順法應也。者字林云應。反與應者當也。謂事法相稱曰應也。今明所作說戒之事順於聖教。衆既清淨和合無諍人。如事如在緣。既具秉羯磨法。則成法能破事。法有成濟之功。事無納非之目。故曰事順法應也。

各有其志也。者謂意志也。謂上雖明單白解釋已竟。但是明說戒單白。今則是白四家單白。由二文不同。故重引解。准理不用更明。然恐後學生迷也。又言各有其志者。單白白二兩意不同。故言各有其志也。二是沙彌某甲從和上某甲。乃至牒緣。正宣情事者。立云從此某甲和上某甲。乃至今從衆僧乞受具足戒。是情也。從自說清淨無諸難事。年滿二十衣鉢具者。是事故。曰宣情事。言緣兆者。應師云兆猶機也。事先現也。亦曰形兆。有云如萬物初欲萌曰兆。運運生長欲明單白之時。猶未得戒。但是發戒之萌兆也。謂有兆朕耳。今羯磨受戒一發已後。能生萬善。運運增長。至於佛果。如上萌兆漸向生長也。立云兆還是緣也。如世卜筮於吉凶則事出於封兆。明今受戒要

今合

假其緣。即衣鉢師僧也。今欲知其得不驗緣。乃知得戒不得戒也。得與不得出自緣兆。緣具則得不具不得也。又解兆者。表示也。意明今集僧作法。告僧今聽欲作何事。舉此緣來表示擬作受戒之事。如龜書之封兆表吉凶之事也。

告衆重聽。乃至決判之緣等者。白中已言大德僧聽。今復言之。豈非重聽也。正辨牒緣及以根本至量其可不等者。謂從此某甲從和上某甲。乃至年滿二十三衣具來。此是牒緣也。從僧今與某甲受具足戒。某甲爲和上。此是牒根本。故曰正辨緣及根本也。從謂字已下。是釋成根本意也。單牒根本決判成就者。謂但言僧與某甲具足戒。不更言此某甲今從某甲乃至三衣鉢等。故言單牒根本不更牒緣也。若事輕小無有緣起。至不牒事等者。總舉白四事大。皆有緣起。故有第二句就輕小中無緣起乞辭。則無第二句無緣起者。如差人等。但有四句有緣起者。如諸結界。須比丘唱相如說戒。則行壽唱告。皆是緣起。則具五句又無乞辭者。俱有四句若有乞辭如受戒。

微罪等則具五句也。則白中五句除第二句者。卽如受日羯磨文是也。若有第二句內乞辭者。卽如受戒羯磨文是也。

文隨事顯。故限局等者。立明以牒緣之文。隨前事而顯。如作說戒。牒其說戒不得云。自恣名文。局也。義則通是。告僧故曰。義存告衆。言決判成就。故通一切者。謂此第二第四兩句。文雖局。事義則通一切。單白也。由一切白中皆有牒事告衆也。

白二白四中。間牒緣牒事者。且如白二結界。則有緣有事。文云。此住處比丘。稱四方大界。相此曰牒緣也。從僧今於此四方相內。結大界。此曰牒事也。又言牒緣。牒事隨機不同者。羯磨疏云。試爲舉之。如結界云。舊住比丘。謂牒緣也。牒方相者。謂事本也。說戒白云。今僧十五。日亦是緣也。布薩說戒亦事本也。受戒白云。某甲從和上。乃至三衣鉢具。並是緣也。今從僧乞受戒。卽事本也。如是例通一切。羯磨緣本皆同。至第四句中。單牒根本。略却前緣。不得雙牒。所以知者。故結界文第四句云。於此相內。結大界。豈非單牒本所

之義詳見下

爲事也。說戒第四句云。和合說戒亦是本也。受戒第四句云。僧與某甲受具亦是本也。本義是同。故曰義通也。上約白中如此。就後羯磨中亦然。故疏云。羯磨法中亦有單復不同。謂誰諸長老忍前緣本。雙牒長老忍已後單牒根本。勸僧和忍。今約文作如結界。此住處比丘爲緣。僧今結界爲本。誰諸長老忍僧今結界下直明結相。竟下牒於舊住。此略緣也。白二。誰知受戒亦爾。誰諸長老忍前還誦白中第二句緣本。雙牒長老忍後單牒本云。僧今與某甲戒者。嘿然不忍者。說餘白四例。然據此模軌。豈有浮亂誦文亦失者。只爲不辨前事。所以卽失也。

羯磨中頭尾一言不可增略者。立云。舉一例諸羯磨正文。骨有四句。在文可尋。景云。此舉頭尾也。誰不忍者。說之中間。豈得增略。舉頭尾以兼中間也。此解不然。濟云。此非約單白上明之。真是約後羯磨中明之。羯磨中唯有四句耳。兩句是法。兩句是牒。事從僧已忍下。非羯磨正體。直是結勸辭也。今云頭尾一言者。頭謂大德。僧聽尾謂誰諸長老忍。此解有言大德僧未詳。

聽是頭誰不忍者說是其尾也

增繁減略詰訓不同者應師云詰訓者古文作詰今作故同用姑護反音故說文云詰訓者古言也訓由導也又羯也欲明古來翻譯音旨不同致令繁略不定如或云大戒或云具戒等文義不失詰訓所傳非無兩得者如云大戒具足戒皆得且如和上一義隋朝彥琛譯取梵音烏波弟耶唐三藏即云漚波駄耶舊云和上皆是梵音輕重不等此正翻或爲親教或云依學以漢類梵彼此皆成故言非無兩得雖語有別取義兩得也

然羯磨戒本作法相似者律云若不誦戒羯磨盡形不離依止故曰相似豈不合誦耶

羯磨聖教佛制誦持況於呪術者此語倒也應云呪術尙令誦持何況於羯磨此解自意云況於呪術者此謂誦況也謂律序中將戒以比況於呪術也故律序云爲一切人故降伏諸魔鬼神仙五道人造設於呪術爲彼慚愧者攝諸不慚愧如來立禁戒半月半月說已說戒利益稽首禮諸佛欲明佛制教況於呪

術呪術被事未聞白讀羯磨被事豈不須誦無有此法者無有白讀羯磨之法也

答律中十誦尼爲僧作不禮等者律中即四分律也與十誦合明故云律中十誦也礪云四分尼爲僧作不禮羯磨事起迦留陀夷罵打比丘尼或唾或水灑說麤語陵辱云汝多婬欲事云云諸尼舉過白諸比丘比丘爲白佛佛令尼作白一羯磨不禮此迦留陀夷比丘後若隨須尼須爲解四分唯有此一法耳十誦尼得與僧作四羯磨不禮不共誦不供養不問訊前一與四分同故今鈔唯顯四法也齊云迦留陀夷初惱亂尼佛教尼莫禮猶得共語敬畏問訊迦留陀夷既見尼不禮又即嘔罵佛令不須共語猶見時相敬又復生嘔罵佛即令尼見時不須共敬等不須現前自言者約尼爲僧作此四法只得遙作不須喚僧來也作此法竟無違八敬之法也餘不互通者如上來三法僧爲尼得作此法尼不得與僧作故曰不互通也

除所爲作羯磨人者謂雖不得對尼及對俗人說戒

●鈔本文字

羯磨若爲尼出罪及爲俗人受戒得對前秉也立云此中有通塞不得一向而斷若如尼欲學其法得聞僧家作法若爲求解則不許見聞也下三衆一向不合見聞也獨爲王說戒令心淨者立云爲王疑比丘半月常集不知作何事所以開令王問使心淨信故四分十五嘿者如律雜揅度中舍利弗見羯磨心不忍嘿有三五十五種初五不和合五種非法嘿然一若見如法羯磨嘿二得同意嘿三若見小罪羯磨四則住嘿五戒場上嘿二五種如法嘿一見他非法嘿言不二見無好伴二重罪羯磨四同住五在同住地前十種有是有非三五和合五種一若如法羯磨嘿然住之二若與欲三從可信聞四若先在中五嘿然而坐也

●會本疏卷上二之一

不同前解等者謂不同古人解故云前解也古師云至誰不忍者說此是竟時也今不同之既云不忍者說若說云何故知約結歸之文是竟也謂僧已忍下方是竟處必無人呵亦可同古師解故言任意兩得也

○結界方法篇第六

先辨此篇來意者前既明僧是能弘之人次明羯磨卽所秉之法人法已具必有所被所被之事隨務不同約情非情通應於法今茲結界正被非情然界是諸法所依衆同之本攝僧大要故有此篇來又解初第一篇顯其宗體次有三篇總辨其人人卽備矣乃堪御法故羯磨一篇統收其法但法不自立起必託處故此一篇正明所托之處也又可上雖明羯磨如非欲作何事之所要莫先於界故有此篇來也次釋名者禰云作法限約局此斯同目之爲結彼此分隔各有差別名之爲界曰結界又解依其限約加以羯磨稱之爲結各有壇場分局目之爲界若准了論疏中西音名四摩此翻別住謂此住作法不通餘處各不取欲名別住若依律本俱云界者加法約處除彼局此故曰界也律中云何界現前白二羯磨唱制限者是也此中廣明其七種結之儀則故言方法禰解開結意者良以羯磨說戒任持正要匡救綱統法無過此宜應同遵理無乖隔但以自然盡集致衆勞疲妨修廢業特是可愍大聖知時聽境局結當處同

法爲斯故是以須開一開已後凡秉衆法非界不成。古人依了論界者梵言四摩失者錯也。應知界者直四摩也。失屬下句自是漢語失語過失也。失義有五種。故了論偈云及四摩失有五種。失謂過失。論自釋立破國土謂王不許破國土地結爲別住。此結不成。二破僧伽藍云云三別住相接爲一相謂兩界共以一石爲相兩邊各結此亦不成。若共一山兩邊結成由相大故四別住半過本別住謂相涉入五以別住圍遶別住謂不留自然地也。此曰五失古師不細尋文乃將失字連上讀之也。立云就此序中大分爲二初從至許無乖隔來明開結有益二說序文來明不結有損今卽是初。

結界元始本欲秉法者由律文云非作法地不得行僧事故須結界以秉於法其原字律下作白白下作水謂清白之水曰泉由原也取其元始本義也。由羯磨僧宗綱要者謂羯磨聖法之綱紀要務也。衣以領爲要綱以綱爲要僧以羯磨爲要也有生善滅惡之功能匡救佛法之用也故前篇云僧爲秉御之

人所統其唯羯磨卽斯義也。像運任持功歸於此者。像是像法時也。還是轉義欲明時移遷謝從正法至像從像至末也。若論任持佛法功益之先歸於羯磨。但羯磨之設假界而通此言皆欲遠生起結界之意也。齊云佛法唯以界爲根本若結界不成一切佛法皆覆滅也由界不成受戒不得羯磨不成更復有何佛法可有也。廣說如感通傳明戒場力等事也。理宜十方同遵許無乖隔等者立明佛在之日三千界內一化之中凡有法事並皆同集故曰十方同遵言許無乖隔者謂一化內謂皆須盡集不許乖背隔越也。上明結界有益義竟但爲剎浮州境不是第二不開結有損也。此卽闍浮州也亦云剎浮州處大海中洲渚之上也。彌是遠也。且是包圍義也亦云遍也。此且字上盡是天下盡是地中間安曰謂上極於天下極於地中包於日是遍滿義也。

期要難尅者立云有二種難尅一時難尅如說戒或十四十五十六日也二事難尅謂或是說念或是機舉生善滅惡之事也。母論云佛在世時常在王舍城

中說戒至十五日諸比丘遠近不避疲勞詣王舍城聽佛說戒。佛知諸比丘勞苦，即問諸比丘：「方所隨其方所住處說戒也。恒事奔馳者，謂有得羅漢者，神通而來不爲頓極，若未得聖者，疲苦難言。」

一攝衣界如衣法者，謂攝衣以屬人，使無離宿之過。如下二衣總別法中廣明。二攝食界如藥法者，謂攝食以障僧令無宿糞之過。如下四藥法中明也。二攝僧界，是此所明者，謂攝人以同法，即是今篇正宗也。未制作法已前，統通等者，謂同盡一化之地，並是統通自然也。此謂汎明天下自然之地，有此聚落，蘭若水道等事也。

或空有不同者，此明空是蘭若，有曰聚落，言水陸差別者，水謂水界，陸即道行界也。謂未開隨處局結作法之前，即此空有水陸並盡，須集等故曰也。先且一化集僧，後因難集，即開作法，須期齊幾集僧，則須四種自然。約此以爲集僧，結其作法之界，不可更盡一化集也。故知非是先開四種自然，但是相因，故有檢諸律文，并諸人共議意，並如此。既立宗竟，今須消文。

古者鈔作異
中手疏平

如下後因難集，便開隨境攝各有分限等者，此謂因開作法，則明集僧可齊此爲限約。隨前自然之境，各攝其僧，故言隨境攝，謂爲有結界，即開隨自然之境。攝僧作法，非是先開自然之地，而秉法也。約處四種者，即是蘭聚道水等言，定量分六和者，謂約上四蘭若有難無難聚落，可分別不可分別，并道水爲六。

二者作法界等者，此正明作法界之意。上雖前明自然之義，非先開自然，真是今文預前手章自然集僧限齊也。由自然限約等者，謂此意云：向不開我作法，直欲單開四種自然者，則不可我情，又復若直匡開四種自然不開結作法者，又地弱不勝羯磨，故下文云：或作大法，地弱不勝，即其義也。故知開作法之意，爲自然不堪秉法，又大小不可依，故不堪單開四種自然。故佛開結作法也。立云大共京中大德平章此事，咸云：先一化集，既疲，即開四種自然齊量，同集得秉衆法。故今鈔文云：聽開隨境攝，即斯事也。謂聽齊自然境內攝僧耳。既自然大小不可我情，又不可用不可捨，即開結作法，住處大小結之。若此而明，先開

金鈔第一字

四種自然後開作法。此解亦順文可尋。設有大小教文已定者。此明欲結大界之意。爲護夏衣攝僧等。若依此自然。則不遂我意。復不可增減。爲教文已限定。故如齊六十三步。一拘盧舍水洒及處等。此並佛之誠言。制此限約。不可不用。有人云。設有大小者。大謂盡一化集。小謂隨聚落等。四處集也。用則不可捨。則非制者。此有二解。初明自然定量。有六制之大小。故爾。今若依用。未堪稱遂我心。謂或有人欲得闕。此則大狹。後有人欲得狹。此則大闕。今若可用不愜。我情。今若捨不依。又乖佛制。或作大法地。弱不勝者。即明羯磨法。有生善滅惡之功。故云大法欲明自然之地。體分薄弱。不勝此羯磨也。令措式軌定。任情改轉者。此明開結之意。是模範軌則之義。不可移改也。非此作法。餘不能辦者。謂若非此作法之地。不得秉羯磨之法。餘諸自然不能辦羯磨事也。

准強一百里者。此明不知界量大小。如何引四分文中十四日說戒。十三日先往不得宿欲者。計應當日行至合有一百里。欲出故曰強也。雖有二文者。即上

金鈔無百字

四分并毗尼母論也

施三百由旬爲量者。梵之量名也。或言由延。或言踰。句。或言踰闌。那皆訛也。疏云。正音踰繕那。此無正譯。乃是輪王巡狩一亭之舍也。同此方驛。豈局里數大分爲言。四十里相傳爲定。何故有大小不同。立謂亭住處亦不定也。如今時驛頓等。豈定里數。或三十五里。隨中邊山川水草之便。即置。故有三品不同。合角量。取者立謂此防巧也。今若直量。四種有餘。故令角量。證前自結定員非方也。濟云。今言角量者。恐從四方而量。角則長也。今合角量。不廢界亦界。方但四方。則減從角爲量也。此謂中邊山川不同。致行李不等者。中謂中國。邊謂邊方。山則高川。則下。如住此山頭。望彼山頭。邊道可有十里。若更下山行。去至彼山頭。長有十五里也。欲明約地高下。故由旬有大小平地。則四十里。山處則六十八里也。檢多論云。如一拘盧舍者。有四百步。拘盧舍者。摩竭國量。摩竭國一拘盧舍。當於北方半拘盧舍。以中國地平是故近也。北方山陵高下是故遠耳。又云。中國多風。遠則不聞。

鼓聲近則聞之是故近耳北方少風遠聞鼓聲是故遠也所以南北有遠近者以聞鼓聲有遠近故云拘盧舍者是聲名也凡言鼓聲所及處是一拘盧舍律師云此是定義四分衣法中由旬准有八十里者四分琉璃王殺釋種時諸釋子善射放箭射王兵士或十里二十里的著王邊或三十四五十六七十七里的中王邊者或由旬箭至王邊者釋子皆持五戒其箭不傷人及馬但至馬前後或中轡轡其王大怖退歸欲休時有智臣諫王莫退釋子持戒必不傷人王即前進殺釋子蕩盡也云云今既言七十竟即云一由旬明知由旬應是八十里也

通用所歸准律文意應百二十里以下品爲定等者謂今通會諸文之說有指歸須准上引四分文強一百里之意應是百二十里也言以下品爲定者謂上引智論由旬有三品下者四十里今准下品三个由旬故百二十里也

尼結界准得方一拘盧舍者立謂即五里也若有難亦得准僧祇解本界更結三由旬也

以僧數有四人衆起乃至二十人衆起者齊云中間越却五人十人衆起故曰乃至四人衆起非謂設戒說戒令同集豈得獨於作蓋是懺中品之蘭用四人僧五人衆起者即是准祇中懺墮五人僧也不得言是自恣五人僧也自恣一年一迴作豈得云數有也十人即受戒二十人即出罪也又四人衆者即杖囊等亦是也戒場極小容二十一人者爲懺僧殘時能所有二十一人也大者須四十一人通爲尼出罪也礪間大界不得名場小界獨得稱場名者答言大界處所寬遠又具僧住處本非專爲滅惡生善故從大受稱不與場名結界場意本爲別人生善滅惡有簡穢取精如似世人治五穀之場就喻彰名故云戒場若爾餘三小界亦是生善滅惡何不名場也解云豎標結者久固作法之處可與場名餘三小無標非是永久作法之所且從數人處滿以受其目一爲受戒開結小界立初且齊坐處結之後沙彌來時師僧退少許處使受沙彌半身作法即得成也舊准戒場身外有界等者此明古師立此小界便

卽豎標唱相今則廢之何者結此三小本爲纏繞連
惡比丘今若身外有地未免人呵是以依文取義必
不然也又云諸比丘坐處已滿齊爾許比丘坐處結
之明知無外相也言如正加中者指下正作法結文
中也彼中廣料簡受戒法云僧一處集顯知集處之
外無別界體又律文中界外呵不成呵若有外相卽
納呵人乖於文意也二爲說戒事下至四人直坐者
立明齊坐處結之行籌時卽退少許合行籌者容一
師在界內卽得三自恣五人圍坐者立明四人四面
相向五德在中央四向自恣

若事作已卽制令解不同前二者謂前大界戒場爲
二也此之小界制令解者既無標相恐後人於上重
結不成也

位則有三者謂大界戒場三小也

四分文中亦結村取者謂結衣界云除村村外界明
知僧界不簡村也又云旣言除村村外界明知大界
上先有村也以其僧界前生衣界後起耳

除常有橋船得結者此明開也如多論設有河水大

之及註

道亦得合結但取岸相爲定及淺水無難准理應得
者此明深水無橋是有難淺水有橋是無難故云應
得也獨不能度此通界內外者立明尼律中不得獨
度水不問界內外皆犯今據此文明知尼界得合水
結也僧尼亦合同之私云此解亦通只是大陳上旣
言律云何者除常有橋船等也顯界內得合水結竟
今引尼律意者乃顯淺水卽得合結取深水不合也
又云水者獨不能度此通界內外者謂尼獨度水戒
由水深故褻衣度之被辱爲緣向若淺水不致此惱
故曰獨不能度也知結界深水不合取也言通界內
外者便言其外正意取於內義也

答一肘已上者得良引了論疏如一大山各結別住
等者立明山東人指山爲標山西亦指山爲標兩家
同一山爲標者亦得也肘者大者尺九小者尺八又
引二繩別住謂繩尙得爲標繩下是界體繩兩邊作
兩相餘物明知得爲兩相也言二繩別住者如一大
聚落兩寺相並一欲結界一不肯和由不同意故卽
用一繩圍戒場一繩圍大界引出蘭若唱相結之結

竟鑿其闌若處爲坑恐有比丘入中作聚落中之別

衆如了論疏第三末亦如
下引賓師條宗明之

答若園者取內中央等者立云如樹要取中心爲相
恐樹長大欲意可見也景云如取大樹以爲界標應
取樹中分相內外即是正與標分相應也言或取外
畔者立明如取柱爲隨於內外也若尖斜之物隨取
一分爲限等者此明標或尖斜則隨指一分爲相不
定須記尺寸處所餘他物准此者今論石木除斯以
外皆與他名

或標即體等者相在標外言或標異體者相在標內
也言相必體外者此明其界相必接其體外也臨時
處分三所不同者即是上之標相體也

文中若東方有山稱山者謂四分文但作此明也合
從東方而唱在後諸師皆從東南角唱使易知分齊
若從東方唱至四維則難擬當也破夏至護食等緣
者即依界安居也言離衣者謂依界結攝衣界也言
護食者即是委知界相不得將僧食出界實云古來
行事之家監大界小及一寺中結多界者從置食處

取食將至界外監內及至寺中別界之內皆言犯盜
者今詳不然事緣一寺義同一家豈由界隔便爲局
礙且如食同法別界者不解舊界直結食同故知不
由界體局食而論法同食別界者須解舊界更結法
界故知結界本意爲法而不爲食以此推求故知不
犯若言決定界局食者儻有兩寺同結一界即應食
通若許通者反招盜罪又若決定界局食者謂莊嚴
所應不許噉於常住僧食又解依界上結淨地也
後說若將空地爲處空則無相可指等者景云謂空處
不得爲界相以無可指故言必有其事隨時准行等
者立謂如結小界名爲隨時故言或是一席作法以
是一時說恣等不通於後集名爲一席作法言聊知
空礙兩分者濟亦云立明空是自然之地礙是今僧
作法結三小界之所也聊者頃也率也景云空礙兩
分者如三方有山石一方則空亦得取一方空邊爲
相分齊也

善見云相有八種者彼文云一山相二石三林相四樹
相五路相六江相七蟻封相八水相既有八門不同

今卽是山相下至如象大者若直指山還是不識分齊要須約植尺寸峯略處一門也下至三十秤若漫石不得等者實云一秤十五斤合四百五十斤纔可方圓三尺許言漫石不得者謂有衆多石通漫也實云平漫小石也三林相者草竹不得體虛不實者實云草林體虛義在不或然竹林逕冬不死何曰體虛不許用者應是竹則引根散生莖之相似生既不息根移謂之不定故不堪爲相也五路相者要經三四村人行來往始得爲相若汎爾向河取水路向井取水路向田之路並不得爲相覓柴路等亦爾也六江相四月不雨等者要經百二十日不雨此是極旱時也若是潮水不得爲相潮來是江湖去只是陸地故不許也故彼見論云好王治化五日一雨不以爲相一如鈔文四月不雨常流方得作也八水相者彼論自然池水得作若通水入田或塢盛水悉不得作界相五分云以衆生及烟火者謂指牛馬猪羊等以爲界相或指聚火烟火等皆不成爲相也准論徵律城邊等緣者卽善見徵四分律也四分明城邊汪水今

將見論來徵之城邊得成故言可知餘汪水草等則不得也

主客俱委無有蓋矣者既題勝示欲令主客識知界相故云無有蓋疑上來釋標相竟

從此已下次明界形隨方屈曲住處辨形等謂界形不定親檢善見論中有五種一方二圓三皺形四半月形五三角形也明了論疏有十七種皆謂曲直量沓不同今略舉多少以爲神解之路頌曰圓角水山巖月性圍門土四繩尼塞壙滿狂等別住一長圓別住二四角別住三水波別住四一山別住五山巖別住六半月別住七自性別住八圍輪別住九一門別住十方七別住十一四廂別住十二繩別住十三比丘尼別住十四優婆塞別住十五離壙別住十六滿圓別住十七巖狂別住若解其相如了論疏第三卷末又如節宗記第八卷初釋也今且依實節宗釋曰別住有十七種謂邊地形有十七異安際相竟先結布際界次結攝衣界次之十七皆一長圓別住中間狹長兩頭形圓相去一又二四角別住形方三水波別住地形細曲四一山別住山角四角

中入字

爲五山設別住。用一山巖六半月別住。形如七自性。別住。或水爲限。八圍輪別住。先小別住。或三或四。地於外別結大界。圍造九一門別住。一邊開門。猶如。如鐵圍山。圍天下。一門別住。門基基中之地。即是自然。若門穿過。便成兩。十方土別住。色併爲一。郭界。但由不遇。故號爲一門。界十一四廂別住。居頭相接。十二三繩別住。郭中結。難知。或復有人。不肯與欲開。以繩圍所欲結處。結處若。欲作大小界。須安二標。若不結小。但須一相繩。過二標。引出郭外。至半由旬。別作小界。亦以繩繩。過二標。郭中界。僧集外。先解不離衣。界次解尼。布薩界。次解比丘。布薩界。起除繩。若郭中集郭外界。亦須與欲。欲法。等故。須繩。結郭外界。十三比丘。或繩。繩。刺不合。僧入二繩。相連。因以爲號。尼別住。爲尼。結。故。人。解。尼。寄。僧。界。作。病。歷。時。須。白。比。丘。僧。聽。方。得。尼。於。僧。界。若。自。結。界。後。若。作。法。不。復。十四優婆塞別住。僧爲作羯磨。結也。若無此結。須白。十五離牆別住。以繩圍。十六布薩須取結餘處。優婆塞。十五離牆別住。以繩圍。十六塞。若有此界。則不須。十七頗狂別住。頗狂。比丘。不可制。錄。滿圍別住。形如十七頗狂別住。頗狂。比丘。不可制。錄。要在界中。若其出界。僧作羯磨。僧則得罪。故狂。至處。接。界。更。結。令。作。法。時。狂。在。界。中。具。誦。云。此。解。不。可。此。人。在。界。不。與。僧。欲。云。僧。得。罪。何。容。出。界。反。得。罪。耶。

一丈五尺以石次之者。此正明如今山谷既高。下如水波。欲結此下爲界。其上嶺頭。則高幽谷。則下。若直安四標而唱者。則不知分齊。故須石石相望。則易明。

也。實云非地形高下如水波也。謂界邊畔出入四出。猶如水波也。無戒滿閭浮提者。只爲結界不成受戒。不得名曰戒也。

從此已下。正明唱法。今行事者。據易爲之者。謂律文。令從東方唱。然今若從東方唱。至東南角。則難名目。今須從角唱。爲齊限。則易顯也。

不容訛謬者。禮記云。訛由錯也。謬者亂也。如上者。謂。如上空野中。唱相云。大德僧聽。爲僧唱。四方相等也。若有隔障穿牆過等者。此謂唱法。驚怖而度。非謂破。壁過也。上來數段不同。總是釋第二豎標唱相門義。竟。

三明集僧與欲者。非謂結時。須欲。故立緣簡之。使知。結界無欲也。此是舉有以顯無也。若標竟界。狹盡標。集之者。謂依標集僧。不依自然界也。古師不許此義。如下更明。僧祇云。避難界者。景云。以夏中有命梵二。難合結百二十里。避之後。若更有應展轉避之。亦不限多少也。今鈔引此。證知須知盡標。據彼文中。有。比丘呼來之語也。下引有師云者。是曠師也。從有師。

云下至故須集之來。直是古師言也。從准理不然。下是鈔家語也。策云。其標寬界。狹願律師亦令盡標集。礦進盡界集也。上言若出界已作法結之者。謂三由旬內有僧呼來。如其不來。令出界也。然後加法檢祇文云。有一住處。諸比丘前安居。後安居日已過。有事難起。若賊難若王難。若奪命若破戒。若水多虫。遮不能得淨。欲至餘精舍。避此諸難。去三由旬內。若彼有比丘。若呼來。若出界去。羯磨結之。此祇文意。別乃是避難至彼精舍。喚彼精舍中人共結界。其彼精舍去本難處。有三由旬。豈是齊三由旬集僧也。直是到他精舍中。喚他集。若不肯集。令出去。已即合結取三由旬也。無正教可准者。謂在律不言名爲無教可准。斥其古師之執也。汝言不取標集。無教可准也。若標內有村。縱自然內不欲取村。乃至村內比丘不須外集者。濟云。此明於蘭若處。結大境界。既闢大中間有聚落。故曰村也。今不欲取此村。故唱村除之。其村院相既周。即名可分別聚落。乃與蘭若界別。何須外集來也。本意只爲不欲取村。故唱內相除之。非爲

中欲下餘有者具二字

比丘在內故須唱也。向若不唱。出無別衆之過。由聚界與蘭若界別。故又言村內比丘不須外集者。景云。以村院相周。故村內不集。不犯別衆圍輪別住者。立云。如一聚落中有衆多別住。各各自結爲界。今有人更合盡結大聚落爲界。則各各唱內相除。諸小界然後唱外相結之。舉喻如般盛盤也。如了論疏可尋上明集僧義竟。

二不得受欲有三義。一結界是衆同之本。者有云。對後法爲言。餘法是衆同之末。並依後起。故開欲也。二自然地弱不勝羯磨者。立明欲本應羯磨。以自然地弱但得乘二三人法。必不勝羯磨。何勞說欲若是別人之法。又不勝羯磨也。故羯磨疏云。以欲之所在。必緣僧務。自然薄弱力所不勝。有人言。結界白二乃前開欲是末緣。必憑僧起。界是作法。強故攝之三。令知界畔至護衣等者。若開欲緣終非委練。故羯磨疏云。界須制限。若結開欲終不請委。故須通集。礦云。結界無欲三義釋之初。一同鈔可解。第二云。自然地弱不勝羯磨等者。謂未有界。故自然中作法弱。故不攝

欲餘羯磨遮界而作強故攝欲三令識界分齊不礙
僧事又無破夏離衣之難也策云然此三意顯是人
情但知四分不開與欲何勞推究尋其所由若准他
部結界亦有欲法故隨機不同不可和會言護夏者
請依界安居須識限域也言別衆者不問法別衆食
別衆皆約界內有別外非犯言護食者常住僧食不
得出界忽若藍大界小將食還房豈非犯盜此義非
理如前賓已破訖蓋是約界結淨地也言護衣者依
界結攝衣界也上來釋初緣成門義

二正加聖法等者賓云唱相人不得作羯磨羯磨人
不得唱相由秉法時牒唱相人言此住處比丘爲僧
唱四方大界相豈可自牒已身然唱相法律文不制
三遍今行事者爲耳素律師唯一遍又唱時令穿牆
壁者諸部無文卽是非制而制須知濟云親問南山
國梨云不用三遍恐唱者或不明故令三遍耳據
律只一徧卽得又唱相比丘不得稱名又羯磨結時
亦不得牒唱相人名者表無別爲故也若稱人名恐
人生疑專爲此人結也然五分文則稱名作法四分

僧祇皆不稱名礪云加法文中云同一住處同一說
戒者卽問稱事與欲餘事不成今此云說戒類似稱
事應專得說戒此問意如說欲若云其事與欲則不
通餘事而用謂稱僧所秉事也今此結界既稱同一
說戒亦是稱事結此界應但得說戒不通秉餘法耶
答此先後不同故使有成不成謂說欲稱事欲法在
前作羯磨在後故不成也今稱事結界先言於此四
方相內結大界後乃稱事言同一說戒故也今雖有
此料簡然是佛立法一時不同何可會也宜問結戒
場中何不言同一說戒者答戒場本爲衆大集難別
開結也說戒通制本據住處場非住處故不云同一
說戒也問說恣二法須戒場僧集餘法不須集者答
此二不攝僧法位居行淨之人故制界之內外普同
導故羯磨餘法所被多途無局於時多緣別務若開
通集還復相勞徒有前開終無後益故作法時異界
有人不兩相集

從此已下正明戒場之義也必須細心方應遂事等
者夫欲結戒場大界要須三重堅標若以疎遺於中

命朱疑成

不結字家本

乘法不成。致使受戒不得。故上文云。但爲三相難明。恐法不練。略引圖示。然依圖唱相。使難學曉。迷卽其義也。言細心者。簡麤心也。遂事者。諸事如法也。從此已下。正引圖示學衆也。圖下注云。乃至餘方。准此者。謂且據南北爲言。其東西四維。亦須准此也。注云。若結作法。已隨相標。遠近等者。謂結界已各有法。事隨作法。標相集之不須依自然。朱方也。五相遠近者。謂今且舉不可分別聚落明之餘。有可分別聚落。有難無難。蘭若道行水界五種之相。例此法也。若作二法。竟乃至不妨二處者。謂若結戒場及大界二種。羯磨竟後二處有僧互不相妨也。若明外相。必在院外唱之等者。謂既有戒塲帖牆。今唱大界外相。要須從牆外唱。若從內唱。則與大界內相合。是以不得又不得入大院牆唱之。由不見其相者。立云。如土牆或闊五尺六尺等。謂唱牆下中央爲相。故言不見。濟同此說。若不依此解。坐餘處亦准不得者。謂若不解此圖於餘別處。准行亦不得也。

後發後

五分云。應先結戒場等者。首疏云。謂彼律中。先於界外結場。後因賊難。故還僧坊結之。卽須先結於戒場。彼結大界也。若先有大界者。可捨已後結場。竟更結大界。據此文意。同鈔所執。然與鈔中間答之意不同。此五分文。令捨大界已結場。鈔中卽云。應捨已更結。卽道是捨戒場已更結。豈非錯耶。礪云。令先結大界。後結戒場。以大界內令安場。故然。此義亦合。通成以結大界。還留戒場及空地。故今鈔不許者。當部雖無文。五分母論。皆先結場。後結大界。今須依彼毗尼母善見亦同此說者。濟云。母論應先結攝食界。次結戒場。後結大界。最後結攝衣界。若欲解時。先解衣界。次解大界。次解戒場。後解食界。今猶有人先結大界者。濟云。卽礪律師也。亦是相承古人之執也。古八噤律文。次第文云。以大界內安戒場。故以律中。先時未開戒場。先結大界。復有緣開結戒場。戒場之文。乃在於後。古人卽謂場是大界之後。不究義意也。緣起雖令大界內安場。蓋是據後結大界邊場。故場居大界內也。若據緣執事者。如飲酒戒。

卷四

梁伽陀辭臥道上爲俗所誡以爲緣起亦可今房中
自欲應不結提又如須提那故二爲緣今時起者豈
論新舊又古人執受日要受七日次半月後一月
者亦據律文次第今時約緣來即受何得論斯次第
也賓云疏意令先結大界後方結場謂作三重標已
先唱大界外相次唱內相謂留場及空地等羯磨結
大界已方集場中結場非謂遍結大竟於上結場也
但不成後法故須解之者立明後法謂有人於中受
戒懺罪不成也則通僥倖者羯磨疏云非分遇福故
日也有云僥倖者遇也倖者慶也應師云僥倖者謂非
其所當而得之也小正云非分而得謂之倖也欲明
先結大界後結戒場於中受戒不得若不知是先結
大界後結場者事同佛未制前開得戒也賴有此不
知之路而開得戒故曰也

總唱三相已具加二種羯磨者立謂有師行法便於
場中具唱三重相即結戒場併於戒場中即遙結大
大界也故曰具加二重羯磨上言界內不集者即不
盡自然集也或有界內通唱三相已隨界加法者謂

卷四

卷四

有人行法則時一時唱三相是非法也應須先唱戒
場外一相即須加其法結之言隨界加法者加法雖
如唱相非也此是自然界內唱也立云其大界還得
成但戒場不成耳或於大界內遙結者謂有師於大
界內唱三相已即遙結場也各唱各結方得成就者
以界別故同結不成餘亦可知

從此已下明其相也結已餘僧且坐處將四五人知
法相者立謂恐繁勞大眾故將四五人往結也若盡
往者彌善先明唱相有二不同者初謂先唱內相三
周次唱外相三周後乃總結二謂別唱內外一層已
隨總結之

四分律鈔批卷第四本

四分律鈔批卷第四末

江東杭州華嚴寺 大覺 撰

若據律文亦不加字等者景云一口但云於此四方
相內等者是義自通也意云四方相內此語通也外

口口口

相亦是四方之內相亦四方之內是同直言四方相內則兼二也何須加內字耶故魏末光律師明解律宗時當僧望每望講說常有千人後因結界共他諍此是內字之義諍猶未已時有新學少年便出言曰若以相望相相有內外以體望相體必相內其口結舌然久答言亦應如此故知不用加字

不同大界集僧者謂大界是無難五里集僧今此爲難齊七槃陀故曰不同大界也對此四分無異至來難易見者立謂善見論中云爾若有難者齊七槃陀羅集僧與四分但明有難須結三小界既有七槃陀之文今依見論七槃陀也其文二俱是難故言無異此解非窮磨疏云有人云並由難事起未須依界隨集坐處卽以爲定故引文云坐處已滿等此意卽令齊坐處集不用又有師云此非正量不可依承須依律文不同意承出界疾疾結之明知恐同自然故知以界爲限

既云有難緣不比常途宜用見論七槃陀量集也以彼文云不同意與此四分一也今言對四分無異者善見文中云爾若有難分齊極小方圓七槃陀羅一

槃陀羅二十八肘若不同意者於外得作法事四分亦云不同意未出界疾疾結之故曰無異也齊亦云對此四分無異者四分云不同意者於外得作法事故曰無異通計七槃有五十八步四尺八寸官問如拘睢彌國亦不同和如何同處別說開也答此不同彼彼則事見兩乖便非僧義故開別說此見同事別於事不知得成呵別故開別結也言必在聚落不開等者立謂聚落中不開難事結小界謂聚落隱屏牆壁陰曠爲難比丘或隱俗舍在七槃之內則成別聚惡比丘來不得見也爾若過露未難易見故開也上明集僧遠近義竟已下第二明無方相也言隨人多少卽爲界體者謂無標相用坐處爲體卽相卽體也

比人行事若結小界受戒多立院限等者立謂古師云此三小界中若受戒小界須立院相若說戒小界自恣小界此二不須立院相須直齊坐處此解並非今則俱無院限也齊云并部舊來不識教者至受戒時爲他師僧多於俗人家結小界受戒亦不齊身結

小戒

亦不立標。直將腕向前鈎云齊爾許地結爲界。時人呼爲腕鈎界。戒若新受戒人來至晉州同州蒲州多被人調弄云汝不從彼腕鈎界中而受戒耶。初云僧一處集者卽是難事受戒也。中云爾許比丘集者卽難事說戒也。後云諸比丘坐處已滿者是自恣也。

若准僧祇等者立謂是并部願律師云小界有標相。彼師引僧祇齊坐處一尋外作羯磨據此明知有標相也。今鈔不同之謂祇小界者彼律文中爲捨穢事。大界僧難集又無戒場故開於大界外別結小界事。同攝僧大界戒場之法以所結小故名爲小界。便立標相結之坐外更開一尋是名小界不得同前三小。今願師蓋執謂是三小若據小名將爲三小者亦可。四分呼戒場爲小界豈卽是其三小耶。今斥古師明不用立相也。

足開一人之分者濟云此是鈔家令如此也。謂結界已卽僧促勝劣容受者半身卽得古人立法亦有令小分齊坐處結然別開少處如熨斗柄欲使受者於

中爲受今亦不可忽有惡人上柄呵之奈何

四面自恣此人加用未必如此者謂難事自恣要令圍坐者此乃人語未必須然古師意言故名人加用也。已下明結法餘有三種界別者立謂上來所明唯是人法二同之界但是當界內自同耳。今此已下更有三界與上有異今重明之故曰餘有也。彌云大界有四或時稱三種者一是人法二同界謂別說戒別利養但是當界內自同耳。今時常途者是二者法食二同界謂先是二界一有法無食一有食無法今各解共結同說同利或名合二法食同三法同食別界謂先有二界法食各別今各解共結同說別利亦名合二唯法同四食同法別亦謂二界各別今則別說戒同利養亦名二單食同。此後一界無結解之事直謂守護住處白二作法結之使食通彼羯磨文似如結界法然不唱標相亦不牒標相准理而論不合名界但數爲四者以同是結法故相從爲界名或時數大界唯三者正不論此後者也。有人云合前二爲取後足成三者非釋也。一別說別利欲同說同利者此

名法食二同界卽上礪釋第二者是也。初既二別後欲二同者。以法食缺互今則互須取法濟心之方。取食濟形之術。心形卽道之具。機至何教不通。故佛聽之各解同結。

二別說別利欲同說別利者。此法同食別界卽上礪釋第三者是也。由彼此利豐一住無法出家。所爲以法爲先。慧命將近。法身成立。必因此也。故佛聽之三別說。別利欲別說同利者。此名食同法別界卽礪釋第四者是也。此無解法。但是和僧送食給濟他。處此法殆盡者。殆由免也。滅也將也。毛詩云。殆也。廣述云。殆者敗也。鄭玄云。殆者幾也。幾由近也。

從此已下明解法也。若有戒場先解大界者。立明如著衣服著則先內後外。此喻結時也。脫則先外後內。喻解界時也。

舊羯磨中用大界法解之者。此是光律師行事也。所以者羯磨疏云。故光師出羯磨文子注云。此一羯磨通解二界。隨其大小更無偏局。今不同之戒場不許說戒。何得驟解者。此明古師用解大界之文。將解戒

場今不同。此解大界文中同一住處同一說戒。今戒場本不許說戒。何得用彼文也。今准難事翻結爲解等者。謂三小界翻結爲解。今准此義欲解戒場。但翻結爲解卽得也。言理通文順者。於理亦通於律文亦不違也。

金凡論鈔作
答凡云

見論戒場上不得立房等者。檢彼論云。有勢力王於戒場上立房。名爲難房。應令莫於此作妨。我布薩自恣等。若三語不止者。有慚愧比丘。別壞此房。唯置佛殿及菩提樹壤。已勿用次第舉置。遣送與住比丘。於妨難起房文意應是同。如世祭壇郊祀之所等者。立明如國家有郊壇在國南七里。於中祭祀天神。名曰郊壇。去城七里。曰郊。二七里曰甸。反古養三七里曰林。四七里曰野。爾正云。邑外謂之郊。周禮以宅田任近郊之地。鄭玄曰。司馬法云。王國百里。曰郊。二百里爲州。三百里曰野。儒生曰。郊者交也。謂小國諸侯來朝。則國中大臣出迎。至此交接也。去國百里。文解南郊祭天。北郊祭地。以於中祭與天交接也。或名戒壇者。西國有北天烏場。國亦曰烏。纒國立戒壇。高一丈四尺。有三級。

大如法也。對此可明清官之壇南山積香泥水際而上爲之也。

解三小界同前結法者與翻結爲解也。

上來總是釋第二依位作法門義。竟從此已下正明第三法起有無義也。由作善法即發善無作者立云。若作惡事發惡無作。今結界是作善法故發善無作也。言屬善行陰攝者。立明五陰之中前三無記至行心是有記。能成善惡業。因今此結界之法是善業也。是善行心。由善行心故發得無記之地有善法起也。問地是無記。何得發於有記之善。答地雖無記。不知善惡。由心有記。加其善法。被無記之地能令此地有善法起。非謂與無記地連非不相及等者。羯磨疏云。何是無記。非情所收。然結界處非心不起。地是依報。濟云。衆生感報比而住。謂地是衆生所依之處也。如善心招淨國惡業感穢土。豈非地是依報耶。乃至衣食利養皆依報所攝。何得隨心業力有法依地。故遍標內皆有業力。卽如五分多論以界威力故善神所護也。言非不相及者。有云明相及也。立謂舉喻如水

波離水無波離破無水。水以濕爲性。波以動爲性。其性雖別。終要相依。亦如報色與方便色。不一不離。鼓動之時。名方便色。異熟之身。名爲報色。方便不自起。依報色而動。名方便色。報無別體。還是身口所運動者。說爲報色。既相依而立。不可說爲二也。然方便通三性。報色唯無記。故不可說爲一也。終要相依相藉。然今善法要必依地。地雖非記。但由僧善作法。故齊標內有善法起。離此標外則無善法。其由波性與水性二性雖不同。乃得相合。我亦地性雖無記。何妨與有記之善共合。故曰非不相及。

昔云無有法起。乃至不論法起有無者。卽羯磨疏中有人言。是礪律師也。立云。願律師也。檢礪羯磨疏云。昔解准善見論。似有法起。今釋不然。如行者造業發。生無作與行者心俱。謂於心邊有得。可得故有業也。今此結界。非別所爲。能作是情。所爲非情。何有法起。誰領繫者。實述此意云。凡言無表。是身語業。豈得無情成就。無表若爾。善見如何會釋。答此是制限之內。非謂法起。但是約界集處。卽引律文。滅靜健度中云。

也。下。於。有。界。字。

何界現前謂在內作羯磨有制限者是也。謂是作法之處簡異自然無別法起如是類知衣藥等界。但是曾經作法得無罪累非是有法起此舉衣藥鉢等者。實云物體之上雖無無表其作法人身中亦起持戒無表。結界亦爾。所結之地雖無無表其作法人身中亦起結界功德無表色也。如前五分所明者謂如前結大界中多論及五分結取村善神所護引此文證知有法起若無法起善神那護小法滅盡者此是經名劫火起時者深云此鈔明不為劫火燒者此明小劫也。若大劫時天地洞然此非言限今此且明小劫火也。一大劫中有八十小劫。謂二十小劫成二十小劫住。二十小劫壞。二十小劫空。乃至金剛為土臺者。立明地行夜叉鬼行於地中猶鳥飛空。若至曾結界處不能得進由結界竟至金剛輪際有善法起故也。至此可引感通傳中明戒場力事云云。

上來釋三段已竟。從此已下正明第四結處失不之相。諸比丘捨僧房去作念不還者立明於寺內作念不還出門即失。若出寺方作念者則不制捨以界外。

遙捨不成故

前善見並言不失等者此問意前善見云上起三重屋乃至掘至水際不失何故。今則一宿不還便失此云失者作不還意有捨界心等者此釋通上智論文也。謂若作不捨心則同上善見不失也。若作永捨心則同上智論十誦也。治故伽藍不失淨地者此言證前所作捨心則不失也。案藥健度中文云時諸比丘不知何處是淨地佛言應結若疑先有淨地應解然後結爾時治故僧伽藍不知為作淨地不佛言得作淨地。既言不知何處是淨地明知此處曾已絕人足顯故藍也。又下句故藍之中比丘不知得作淨不但直判云得作淨地明知古伽藍界法不失先以憑界上結淨故淨既由在界定不無。

若作法捨衣食人界俱失者此明衣食二界依大界結今若解其大界所依既謝能依冥然自失此論其本攝僧之界故曰人界也上明失義也。

一非法惡心捨淨地不成例准者立明引此言證上文惡心捨界不失也亦如比丘惡心觸僧食佛言不



成獨但觸者得罪羯磨疏中有六種不失合此第四失界相第五空本處兩處爲一便有異見互結不失由見異故兩無別衆同界別說佛判得成又有邪正互結不失并此惡心僧尼中邊爲六也四失界相如善見中者謂同善見論水瀉成坑等不失也五空本處者立謂不作檢意故非失限首疏解云空本處者屈地令空也

不得相又者景云謂無敬讓故不許也立有兩解初云不得相街名相又也如尼於僧界上結須稱僧界而結不得一半在僧界上一半在自然僧於尼界上結亦須稱尼界而結也濟云南山羯磨疏云不得相又恐出僧外非成同法義故此意明尼若於僧界上結者要可僧界而結也若尼界大於僧界尼坐之時容有在僧界外之義爲本法尼受具之時則二衆不相攝非成與僧同法之相若尼結小於僧界者則僧坐時容有在尼界之外亦非二衆同法之相由斯義故故須相可又云僧不爲尼結尼不爲僧結故云相又謂是互也若如後解字不相應應作差字然五百

也食本疏卷
上二二二

問法元不可依明法法則乖宗結罪罪頓輕重改訂云卑摩鄙語慧觀裁錄都人擅寫紙費如玉上釋六篇竟

○僧網大綱篇第七

上篇明界是僧所依之處托處既立復須興建正法攝御時衆夫照彰裔業住持運往必須依憑教行方能光遠大法故有此篇來也言僧網大綱者借喻世網之綱能正其綱目今此一篇是僧家法網之綱紀也住持之大要曰綱細行之儀軌是綱亦得云僧衆綱目之綱領故曰也說文云持綱大綱曰綱也僧法若乖紊亂失緒舉此一篇無法不證故上序云初既絕之立綱即斯義也濟云今言衆主三綱亦取謂綱網由綱也綱即衆僧也以衆主能持於僧故如綱能持其綱也深云就此序中文分三段從初至光揚慧日來明依教任持使三寶建立二從若法出恒情下至必遵聖法來明遵教滅法自招苦報三從今欲下訖序文來明欲集法匡時則發揚聖教重光道化也三段不同今即是初

方字疏釋

一方行化立法須通者立明一方住持依教立制
須通聖教若立制不應聖教名爲塞也由三藏教法
十方普同若依而行之處處通也故云立法須通處
衆斷量等者立明處是居也明其居衆主綱維斷割
是非要須憑附律教由教有格式法則軌定義無乖
越故也令遠域異邦等者說文云域者邦也廣疋云
邦域國名也言翹心有所者明一方住處若依毗尼
弘建者能令他方遠虔處誠欽仰由如日月故云翹
心有所也界中行若安神進業者由衆主立制行化
於時與教相應能蔭覆後生安心進道業也若不依
教立儀使諍論紛紜何能安神進修佛道也若斯御
衆何事不行者若斯謂如此也結其上文耳御者治
也欲明上之化下如風靡靡今若上座依教法而行
下座豈有不依皆從風靡之化也何人不事者欲明
能依教而行道俗貴賤誰不瞻奉加敬也豈止僧徒
等者若此依教立法何但僧中徒衆濟濟可觀亦使
息世俗之緣歸趣菩提之理也方能扶疏道樹光揚
慧日者謂非直內自息俗隔眞復能外揚輝慧日也

前云深崇謬法何患佛日不再耀法輪不再轉是也
道樹喻佛法能蔭覆衆生離煩惱鬱蒸之熱也扶疏
者說文云木枝柯四布之貌也

從此已下第二明違教法減自招苦報義也若法出
恒情等者立謂習俗生常不依聖教唯信胸臆師心
制法故曰法出恒情言不依律名無所據科罰同鄙
俗者立謂罰錢及米名科罰同鄙俗也濟云好俗人
亦不作此立教但是鄙俗故有此教也行杖鞭撻
枷大棒恣意譴罰是教網重羅也所被多喧亂者立
謂能立制既是非法所被之人不從順者遂喧亂也
加之教非法橫治他人則不伏互相怨訟是喧亂
也生地獄如箭射者濟云猶如鑽鋒離手必至於地
此人亦爾命亦斷時必墮地獄百千人不得同住者
立明然僧住處要以法食二同今既無法理不得住
故下文師畜弟子若無法食相攝不問晝夜須去義
可知也
從此已下第三正明重光道化也使制與教而相應
等者明今欲立僧制須與三藏聖教相應如下文七

● 十經合

羯磨治人是與教相應也。言義共時而並合者。欲明立制要必知時。如呵責等亦須知時。舉非亦須知時。不乖其道。理故曰。也有云。謂今所立制。亦合時宜。亦合義理。此解非制不制者。謂非法之制不立也。是制便行者。明如法之制。今行也。

● 受戒受

上來三段不同。總釋序義已竟。則爲斷三寶種奪衆生眼者。彼大集中。佛告頻婆娑羅王言。若未來世。有我弟子。饒財多寶。有大勢力。王所親受。一切大衆。不能擯治。如是等人。汝等當治。刹利婆羅門毗舍首陀。不能治者。如是四姓。則爲斷我三寶種。姓能滅法炬。破壞法船。奪衆生眼。譬如一人奪一切眼。於意云何。是罪多不甚多。世尊不可稱計。佛言。若有四姓有大勢力。見我法滅。捨不守護。其所得罪。亦復如是。雖無量世修戒施慧。則滅失者。佛告大王。若有國主。於無量世修戒施慧。見我法滅。捨不擁護。如是所種無量善根。悉皆滅失。其國當有三不祥事。一殺貴二兵革三疫病。一切善神悉捨離之。其王教令人不隨從。常爲隣國之所侵燒。風雨不時。內外親信咸共謀叛。其

● 當經常

王不久當遇重病。死後生地獄中。若宿善追及。還得人身。無量世中。當盲無目。貧窮乞食。常生惡心。因此惡心。復墮地獄。頻婆娑羅耳聞是語。悲泣鳴咽。收淚而言。我值如來。猶故不能如法治國。況未來世。放逸諸王。不能持戒修行。精進治羣比丘。護持佛法。不能紹繼三寶種。姓如是。諸王長夜常行於三惡道。爾時諸王及一切人。發願護法。佛言。汝等若能建立此事。則爲供養三世諸佛功德無量。若有犯過比丘。乃至一國四國等者。佛問頻婆娑羅王。大王國法何名大罪。王言。我之國法有四重罪。一斷他命。根二偷至五錢。三姪他婦女。四爲五錢故。大衆中作妄語。如是四罪。犯者不活。佛言。我今亦爲未來弟子制。是四重罪。復言。曰。如我國法。有作罪者。必死不疑。或打或罵。閉繫輪物。擯出國界。如來法中。其義如何。佛言。我之法亦復如是。有犯罪者。或令苦使一月二月。或不與語。共坐共食。或不共住。或擯令出。或出一國。或至四國。有佛法處。治如是等惡比丘。已諸善比丘。安樂受法。故使佛法久住不滅。

若有鈍根衆生乃至營事福處者觀彼經意明不修正業之人恐其沉溺既是鈍根又若住處不肯遊方學問故勸料理福業也

抄云十輪

我知衆生心所趣向者彼十輪云我知衆生種種體性心所趣向能生信解爲利彼故除其黑暗乾竭駛流得涅槃樂爲欲調伏破戒衆生地獄等苦

除其多聞及持戒者立有二解初謂多聞持戒二人爲世所重能說法化人亦開不須治也又解今欲治罰前人者要是多聞持戒方能治他也能示天龍八部珍寶伏藏至佛想施心等者檢十輪云佛言若有依我法出家造作惡行如是比丘盲無所觀此非沙門自稱沙門此非梵行自稱梵行爲諸煩惱之所敗壞如此之人猶能開示一切天龍夜叉乾達婆乃至人非人等一切善法功德伏藏爲善知識由剷除鬚髮披著法服能爲衆生增長善根故也言應作十種勝想者若新翻經名十種殊勝思惟舊翻經名十種勝想一者破戒比丘作眞佛想二觀破戒比丘作持戒想三慳貪比丘作布施想四多瞋比丘作忍辱想

五詭曲比丘作實直想六懈怠比丘作精進想七聚落比丘作蘭若想八散亂比丘作禪定想九愚痴比丘作智慧想十生死比丘作涅槃想東爲頌曰破律破持慳貪施瞋忍詭曲質懈怠精聚落蘭若散亂禪愚痴智慧生死涅槃言佛想施心者立明略舉十種中二事也謂是於破戒者作眞佛想慳者作施想故曰也宰相譴罰況餘輕犯等者說文云都革罰也通俗文云罰罪曰譴字林云譴罪過也又云責也說文云罪之小者曰譴也言罰者折伏也言況餘輕犯者故十輪云依我出家若持戒若破戒我悉不聽轉輪聖王大臣宰相不得譴罰繫閉加諸鞭杖截其手足乃至斷命況復餘輕犯小威儀也牛黃麝香等者十輪云佛言破戒比丘雖是死人是戒餘力猶如牛黃是牛雖死人故取之亦如麝香死後有用能大利益一切衆生惡行比丘雖犯禁戒其戒勢力猶能利益無量人天衆生譬如估客入於大海斷於無量衆生之命挑其兩目持阿摩陀那果撻籊和合成其寶藥若有衆生盲冥無目乃至胞胎而生盲者以此寶藥而用

塗之衆病得除其眼明淨如是若諸破戒比丘雖破
禁戒造作惡行於佛法中名為死人復能令他一切
衆生使得清淨智慧法眼能令見者當得如是況復
爲開示說種種法也又譬如燒香香體雖壞熏他令
香破戒比丘亦復如是自墮惡道能令衆生增長善
根一切羯磨說戒律處悉皆驅出不得在衆而悉不
聽王及大臣加其鞭杖佛即說偈

瞻蔔華雖萎 勝於一切華 破戒諸比丘

猶勝諸外道

瞻蔔者正言瞻博迦此云黃華樹小而香西域多有
此林也新翻十輪偈云

瞻博迦華雖萎悴 而尚勝彼諸餘華

破戒惡行諸惡藪 猶勝一切外道衆

爲不信所燒者立明此合前燒香之喻香體雖壞能
熏外物破戒者亦然雖復爲他信心供養所燒猶能
增他善根示人天聖道慈有二解一云破戒之人由
不信因果遂破淨戒長夜受苦故曰也又解爲信施
所燒同前立解故唐三藏新翻此經云信施所燒也

又云若有比丘於性重罪中若犯一罪者雖犯重罪
和合僧作羯磨治之其本受之戒猶有餘勢譬如妙
香雖無香質餘分芬馥不可輕蔑破戒比丘亦復如
是無戒白衣不應輕慢雖非法器於賢聖毗尼中退
沒墮落不得受用四方僧物由本受得戒餘不犯者
其戒香氣多有勢力是故不聽白衣譏罵況餘堅持
禁戒清淨行者耶言二世僧物者房舍臥具事通三
世過去修治得今受用今復修補用通未來其惡比
丘三世僧物飲食敷具皆不聽用以其破戒非是僧
故不合得分故云皆不預分也

若非法器云何驅遣等者十輪經中波離從座起問
佛若世尊作如是言是法器及非法器悉不譏訶他
未來時作諸惡行如是比丘非沙門而作沙門非梵
行而作梵行今當云何呵責其心驅遣令出佛言我
悉不聽俗人譏訶若有比丘造作惡行共僧中住其
有清淨比丘威儀具足成就五法應是五德語惡比丘言
我今欲舉汝罪是實不虛是時不非時慈心軟語爲
使佛法久得安住爲欲熾然一切佛法若聽我說我

當如是舉。汝若不聽者。當依毗尼中滅諍法治之言。比丘得作者。謂佛答波離言。我不許俗治。比丘得治。故曰也。立問大集令王治十輪。不許治如何。會通解云。大集令治。據比丘作惡。外彰十輪。不許治。據比丘內缺其行。外猶生善說法。化人故不聽治也。復有十種非法。即得大罪等者。彼十輪經云。何爲十一。若僧不和。合於國王前而譏訶者。是名非法。二若僧不和。合於婆羅門衆中而譏訶者。亦名非法。三者僧不和。合於王眷屬及諸大臣前而譏訶者。是名非法。四者僧不和。合於白衣中而譏訶者。是名非法。五者僧不和。合於婦女小兒等中而譏訶者。是名非法。七僧不和。合於僧淨人前。餘言如上。八者僧不和。合於比丘尼衆中。餘言如上。九者僧不和。合於本怨嫌人前。餘言如上。十者僧不和。合以瞋恚心而相譏訶。是名非法。有如是等十法。不應譏訶。假使舉得少罪。亦不應受。若復少有佛法。譏訶者亦不應受。上雖有九疑。女爲二也。由有等字。餘句無。是開小兒婦有等字。鈔引文略可對思之。下具出舉法如律法中者。立云。卽遮法中明也。

行惡行有果報故者。卽此治罰是果報也。濟亦云。只此罰之是惡果之報。上釋化教義竟。

上品之徒。見影依道者和。上云上根之人。猶如快馬。舉鞭見影。卽走。遲驅楚毒。而不肯行。此喻下根人也。首疏云。佛法中有三種人。謂上中下上品之人。專精不犯。堅守禁戒。如鷲珠草。緊理須恭敬。不得治罰。如轉輪王神寶之馬。一日之中。周回天下。不勞加罰。中品犯已。自悔深生慚愧。如好良馬。見鞭影便行。不須加罰。下品之人。無慚無愧。破戒犯罪。續作不止。自非治罰。寧容肯息。如似鈍驢。不加鞭杖。無由取路。准此文。中約犯過者。取第二人爲上品。慈云。見影者。取教爲影也。以見教中治罰之人。卽改過故也。又智論第二十六卷云。佛有時苦切誡諸比丘云。汝狂愚人者。此苦切語。爲憐愍衆生。故無有垢心。瞋罵也。自有衆生。與語善教。不入道。檢要須苦切。應教乃得入法。如良馬見鞭影。去鈍驢得痛。乃行。復有四種良馬。喻如難含經抄可尋云云。

倭革等者。倭七錄。改也。見字書。案意有所改革。謂之。

據又謹敬貌也。言革者說文云獸去毛曰革。革更也。斯言允矣。者尙書云允信也。周易云允者當也。四分中凡欲治罰舉人乃至具如律本遮法中說者。律文即遮健度中明也。時有六群比丘作如是念。世尊無數方便教諸比丘。展轉相教。更相受語。便舉清淨無罪比丘。佛言聽先求聽能舉之人。須具五德。乃至窮問爲見。聞疑何處見。見何罪犯戒。見犯威儀。耶問答一一如法。犯者臣已乃可依斷律文中盡論此意云。

一言呵責者。礪云此人輕蔑僧衆。情存鬪亂。破壞彼此。故以苦言切勒。名呵責。祇律名折伏。羯磨涅槃名呵責。羯磨十誦名切勒。羯磨二門不同。今卽是初四分等律總處明之等者。謂等取諸部十祇五律此中合諸部共明立治之法。

若對僧比丘前者。僧者四人已上比丘者。據一人二人等也。倒說四事者。戒見威儀邪命爲四事也。倒者犯言不犯。不犯言犯。邪言不邪。不邪言邪也。羯磨疏云戒見儀命理須順奉。四反倒說。壞亂俗心。卽斯義。

也。謂六十二見者。將此六十二見破其正見。故言破見。濟云此是舉能被以解所破也。謂是將斷常邊邪等以破其正見。故曰也。言六十二者。榮疏云且明五見一身見亦名我見。見身爲我。從其所取故名身見。計身爲我。從其所取故名身見。計身爲我。從其所取故名身見。故名我見。二邊見斷常乖中說爲邊見。三邪見謗無因果乖違法理。故名邪見。四戒取執牛狗戒等以爲眞道。從其所執。故名戒見。五見取取上諸見等以爲正。故言取因是五見。生六十二見。一云因五見之中身邊兩見。生六十二見。何者。因身見生五十六見。欲界五陰各有卽離四見。成二十言約卽離成四句者。一卽色是我。二離色是我。三亦卽亦離是我。四非卽非離是我。餘受想行識亦然。色界亦二十無色無色陰唯有十六總成五十六也。因邊見生六見。謂三界各有斷常成六見。六配前五十六成六十二也。又云只因五見中一個邊見。生六十二見也。現在有常無常四見。約五陰爲二十。未來邊無邊又成二十。過去如去不如去。復成二十。俱不離斷常爲六十二見也。

未上座說
爲初說三字

解云一常二無常三亦常亦無常四非常非無常此
四屬現在一有邊二無邊三亦有邊亦無邊四非有
邊非無邊此四句屬未來一如去二不如去三亦如
去亦不如去四非如去非不如去此四句屬過去五
陰爲言一陰有四句五陰成二十三世成六十此妄
計皆以斷常爲本故成六十二言常無常等者外道
計身是常或言是無常或云半常半無常等故曰也
濟云三災起時欲界人皆生初禪初禪下界有梵天
卽色界初天也知三災欲起卽下來人中教化修初
禪一切人民學初禪故皆捨命生初禪未免火災故
梵天又爲諸天衆說法令修二禪其人皆修二禪死
後並生二禪得免火災以二禪未免水災故更教修
三禪雖生三禪猶未免風災諸天爲說四禪衆生卽
修四禪得免風災初梵天教人修禪時皆發還人生
上界去盡然後自捨命生彼上界如是生二禪三禪
四禪皆是最後而生至風災卽散梵天前下生三禪
衆人後生見梵天在謂言本來不死計之爲常至水
災退時梵天又前生二禪衆人後生見之謂言本在

不死計以爲常至火災退時梵天從二禪下前生初
禪中衆人後生見梵天在本不滅計以爲常後欲世
界成立梵天亦先下人中諸梵天衆尋後復生見本
梵天謂言是常以去時在後來時在前衆生不知謂
言是常則計梵天是常餘皆無常故言亦常亦無常
也言邊無邊等者有計四方有邊或云無邊或言上
方有邊東方無邊或言盡無邊盡有邊等故曰也言
如去等者疏云如從前來去向後世亦如前來改名
如去也不如去者有人宣說身死永滅不如前來向
後世去名不如去也亦如去亦不如去者有人宣說
身與神異身死神在如從前來向後世去名如去也
身則永滅不如前來向後世去名不如去也非如去
非不去者有人宣說神如虛空不可說去及以不去
名非如去非不如去也依南山闍梨於五陰上明先
將色爲窟宅受居其中二色爲窟宅想居其中三色
爲窟宅行居其中四色爲窟宅識居其中次將受作
頭亦得四句想行識等例爾各爲四句四五便成二
十三世則成六十并根本斷常爲六十二見也言四

聚者一波逸提二提舍尼三惡作四惡說也

一詐現異相者謂寒暑夏衣夏披寒服詐作貪相心怖他物也二說已功德者謂我是律師坐禪持經頭陀知僧事令他信故三高聲現威者謂高聲叱吒示現威嚴令他畏難謂有勢力彼當思惟後必能爲我作損益便持物施入手並入邪命攝也激動令施者立謂說已所得之利意令他施說云昨日張家得一疋絹今朝王家復送一疋紬怖求人施故名激動應師云激者發也說文云水急疾曰激也

從此已下明四邪義也通使四方者立謂今有此丘詔曲爲官人家作使往來等是也上觀星象盈虛之相者立謂象謂日月星星辰也故易曰玄象莫大於日月也謂觀五星二十八宿星即象也觀天文星宿若觀了了曰盈不了是虛即耕田種植者此名下邪亦名下口食也今時多有犯者謂言我不負信施是我自力所得不思犯邪命之罪

若無根破戒見者立謂雖破戒見威儀以三根未現不得治也若與呵責羯磨名爲非法

若不知不見五犯聚謂波羅夷等者五犯聚即五篇名也立明此人不知此罪相或犯夷殘謂言是提或犯吉謂言是殘故曰不知不見須作呵責法也又須一事若犯夷不得作此法即依作減擯法也故下文作二十非中廣明是也至如今懈怠不學聖教者亦合此治

九親近白衣等者即與俗人交往結義等也故偈云出家莫近俗近俗使心迷時時長煩惱日日損菩提即其義也

言餘如前說者與尼女身口習近與黃門等同上言菓蘇相授者樹生曰果蔓生曰蘇也與惡人爲友等者同志爲友也言擣菹者勑奴反又謂收擣也博物志云老子作之用卜今人擣之爲戲廣如重輕儀記釋也云云不親附善人者謂不近善知識也如阿難白佛言善知識者是半梵行佛言阿難善知識者是全梵行如我昔日值善知識遇定光如來受記等是也上來明過對比丘前比入呵責若對俗作四事者即與擯出依止遮不至白衣家法治之對僧犯既爾

對一比丘犯亦然類例而然故言比入也

此與餘羯磨有異故前明之者立云此呵責羯磨與下六種羯磨不同其下六者或時犯過於俗此一呵責法犯過對僧故曰有異也勝云明此治法是違情立治須僧證正其犯五德舉告爲作憶念令其伏首方作羯磨故出一番以例下六也餘有作法順情者不須證正故曰也此律當文緣起十種如上者謂上羯磨篇中凡秉法前具十緣此舉罪證正當其第八陳本意也注云德人舉告僧言者即舉罪五德也此呵責羯磨律緣是智慧比丘盧薩那比丘二人喜相閑諍口出刀劍互求長短等律文可尋

犯不應懺罪乃至不成得罪等者謂犯夷復覆此不可懺應與滅擯不合呵責言及人法二非並作法不成得罪者此中有二十七句也云云

不得早入聚落逼暮還者謂常須白日在界內行遜謝法求僧爲解今既早出夜還不領於僧故不許也注云指下篇爲餘者今爲吉作呵責指何處爲餘則無下可指也應闕此句耳又不得指上篇爲餘即與

所疑不

下第三句若復重於此有妨也言重於此者若爲下四篇作呵責可言重於此若爲夷作呵責則指何處爲重於此昔解皆非今解夷本滅擯何有呵責直是學悔者奪三十五事則指餘覆之夷爲餘也二若相似若從此生者彌云言相似者與本罪種類同也如爲故妄語作呵責後更犯兩舌綺語等若從此生者謂從根本之前方便之罪生也由前方便能成根本故知根本是從方便生故云若從此生也

不應共善比丘諍者其人犯罪在身理須細心卑下如何無禮更與他人相諍事既紛紜甚所可也

注云彼二比丘亦爾者此謂二人被治一人乞解其彼一人亦須別乞解也今言彼二比丘者即第二比丘也

二擯出羯磨者彌云此汚家之人壞彼信心僧以作法加罰遣出本處故曰也涅槃名爲驅遣羯磨十誦名驅出羯磨事起馬宿滿宿二比丘在聚落中汚家也舊云馬師滿宿謬矣親檢十誦云爾四分名富那婆婆比丘及阿濕卑比丘在騎連聚落行汚家惡行

餘比丘住乞食不得云此比丘不與我曹言語慰問
迎逆乞食比丘舉過白佛佛令白四擯出令身子目
連往治反謗衆僧云懷愛悲憫即設諫違諫犯殘臨
時付口言故須遣出本處者謂遣出聚落汙家之處
也使世俗識非違正等者立明六群既在聚落汙家
自種華菓教人種等所得利養將與一家不與一家
致令俗人謂言佛法應爾今作法治此六群使俗識
知是非分齊也

牒其過已離此住處爲異者濟云此擯出羯磨之文
亦同前呵責羯磨文也但須牒其汙家惡行之緣已
即言僧今爲此比丘作擯出羯磨離此住處加此離
住處之辭與前有異故曰爲異也

若有諸請推屬本師者立明本師卽和上也以此比
丘既被僧治奪三十五事不得與餘比丘共住還以
和上須二時教誡令其改過從僧乞解令師僧中代
陳故疏云除師徒尼伴也謂師弟子互被治佛令教
勸改過無隨順罪尼若犯者制不離伴尼隨順亦
開無過

卷四
比丘尼
戒

三依止者涅槃名置羯磨謂安置有德人所也律緣
是僧獨比丘年老無知數微數犯所以聖制令依有
德比丘然初令依處後復處壞佛令依人人後復死
所以令依但有德者即便依之後識違持犯方得作
法爲解

言癡無所知者立謂此人非不識世事如與博販賣
談論世法無事不通但不識持犯開通輕重法相故
曰也

餘如師資法中者立明此與師資法中依止大同少
異此則依止衆僧彼則依止別人若教授承事依止
等行一同彼也

四遮不至白衣家者彌云涅槃名爲舉罪羯磨彰過
於外俗人前悔故曰舉罪十誦五分稱爲下意羯磨
祇律名爲發喜謂發白衣歡喜也緣起四分呵責難
度中云卽迦尸國寶多羅居士謂身子目連具辦飲
食盡世間二味時有善法比丘舊來往其家見彼作
異常飲食心生嗔恚作見惡言居士所辦飲食無味
不有唯無胡麻滓此言譏毀居士也此居士素有押

幽之樂居士聞此言已深乃不樂便語比丘言如何
內懷如是多寶根力覺意禪定正受作如是顯言我
今當說譬喻有智之人以喻自解譬如有國土無鷄
是中買客持雌雞來至國中彼雞無雄雞便與鳥共
通時鷄後生子不作雞鳴復不鳥喚即名之爲鳥雞
今汝亦爾懷禪定正受而作此顯言善法比丘言居
士罵我今欲去居士苦留不住云欲至佛所語言可
白世尊無令增減說可當還來至我所時比丘往白
佛佛無數呵責之云何彼居士有信作檀越多有利
益供給衆僧乃以此下賤之言罵於他耶即告諸比
丘爲此善法比丘作遮不至白衣家白四羯磨然後
差八德人卽有阿難具此八德前此比丘往謝白衣
其八德義如下廣明

不肯者具有遮不者立明俗人若歡喜者僧則爲此
比丘解之若俗人再三不受懺悔者卽與作覆鉢法
也勝云律中檀越若所受犯罪比丘應自往懺悔故
曰也濟云一迴往謝不受後更教往以得喜爲期也
更總明四三羯磨同異等者謂更明上四種羯磨并

下三舉羯磨之義也

但壞其行心猶有信者彌云不壞信者約不壞自信
非不壞他俗人之信就呵責等四羯磨中言壞行者
行雖無量略明唯二一內護行謂出家人順教修行
衆法成立攝法在已千載不墜名爲內護佛法行二
外護行謂在家俗人敬信三寶授護佛法使不墜沒
名爲外護就上內護有二謂衆法內護自行內護若
壞衆法內護行者與作呵責治若壞自行內護者與
作依止治就上外護行亦二謂有違順之異若順情
生過不問總別多家一家並須擯出治卽是護令生
於正信若違情惱物不問多一皆作不至等治之便
是護令無惱以爲生惱故隨事差分立四治法又七
羯磨人前四治輕得足僧數後三邪故治罰法重不
滿僧數前之四人既是僧數無隨順罪後三人邪邪
見壞心不足僧數有隨順罪又隨有輕重若隨前二
不見不懺人者但得吉羅隨後惡邪得提可知又此
七羯磨人前六人無倚傍無倚傍故不須設諫後惡
邪不捨以倚傍聖教言說相似是非難分須付設諫

開示是非改過從善也。所有資產入同舉僧者。立明此三舉人。生時不同僧。利今死後衣物不合僧分。但是入當時同舉僧也。濟云。其三舉人。古人舉喻猶如犁樓陸。秋月不用舉。置閣上。到時方用。此三舉人亦復如是。既卒無用。故亦舉之於衆外。待心改已。僧爲解之。

並合此治者。明上蓋學大乘之人。絕無修道之心。廣造罪已。口云罪無形相。有何可懺。如此之輩。並合依犯而治也。五涅槃名爲不可見羯磨也。賓云。既起邪見。未可得正見也。又解。雖犯罪已。邪心不信。未見有犯。故曰未可見也。此不見不懺二事。事起闍陀比丘也。

或由不達教者。如經中明淨穢二罪。雖非內外求。不可得。不可觀見。今此人或不了達此言教。即便言不見也。

六不懺舉者。礦云。涅槃名爲滅羯磨。謂治罰前人。使信懺滅罪。故也。謂犯罪已。不肯懺悔。云罪性空。有何可懺也。如有問。言經中盛說罪性空。有何可懺也。如

有問。言經中盛說罪性皆空。今有何義。令我懺耶。應爲分別。經說性空。是談理觀。汝未除妄。如何說空。又法性空。但應除病。豈當廢事。方始談空。若空廢事。空應礙有。有礙有故。即不成空。由不成空。理應須懺。若不礙有。應不礙懺。既不礙懺。亦應須懺。進退遭難。犯過無逃。又復難言。空不礙有。亦不礙空。不應不懺。亦不應懺。何須執我。令我懺。復爲分別。汝不懺空。違我懺空。是於衆僧。要須治汝。言妄陳謬說者。言罪性如虛空。持者爲迷。倒是以邪見。蓋於大乘也。

然後乞解者。以此人心意調順。方始爲解。若不如此。一向不合也。

七惡邪不捨者。事起阿利吒比丘也。礦云。涅槃名爲未捨惡見。羯磨明了。論若比丘不見自有罪。若見不肯行對治法。或不捨邪見。作不共住羯磨。此了論言含三舉人。

律云。如來出世爲一義。故等者。立云。無佛與世所制戒。檢及此七法。治人者。意令莫犯。使戒淨。故定慧從生。斷惑出塵。至無上果。名爲一義。我在果也。然下文

自解一義之意四分增一文云佛告諸比丘如來出世以一義故爲諸比丘制呵責羯磨攝取於僧以是義故如來制呵責羯磨佛說如是諸比丘聞歡喜信樂奉行下有諸句約攢出依止遮不至三舉等乃至說戒自恣及單白白二白四三種羯磨及覆藏本日治出罪法及四波羅夷乃至衆學七滅諍等一一句中皆如呵責羯磨說皆言如來出世以一義故爲諸比丘制攢出羯磨乃至爲諸比丘制四夷七滅等疏家總爲二百八十戒具在律文謂前言制呵責羯磨下有三十个法次言爲諸比丘制四夷即是二百五十戒配前成二百八十也所謂攝取於僧令僧歡喜等者卽戒之十利也此是解上爲一義故之意故曰所謂也

無量劫不復人身者以隨惡比丘語故獲如是罪也理合治之如後二經者卽是涅槃大集等也依後爲定者卽依涅槃經者也兩存亦得者謂若外有善相者須依十輪莫治必以慙闍自慙可依涅槃治也言廢前又是者廢十輪依涅槃也猶如勅文後勅廢前

必存廢在

勅也問此三舉人既云舉之衆外爲但是不同前法名爲衆外爲存寺外解云在僧坊也不得預僧法事故稱衆外

言惡罵治至亦當舉汝等者賓云要犯四重拒而不受故與惡罵治之若殘罪已下事罪俱不引者但與嘿擯治今尋鈔意不然犯重諱者下文自有滅擯治也今惡罵治者不問所犯輕重若拒諱不見者犯卽合此治言汝所往處亦當舉汝者立明此人不肯受治欲往餘寺者僧卽差人往餘寺報言此比丘犯罪若後至來可須治之故曰汝所至處亦當舉汝不應從求聽者彌云謂屏處作過若爲他舉來必須求聽假得自言方行治罰此卽對衆公然而非虛義同自言義同求聽直須治之故曰不應從求聽等也

五分云梵壇法者檢五分文云闍陀比丘在拘舍彌觸惱衆僧不共和合有一比丘安居竟往迦葉所以此事具白迦葉迦葉語阿難汝往拘舍彌以佛語僧語作梵壇法治之阿難受使與五百比丘俱往其所闍陀聞阿難來出迎問言何故來此答言欲利益汝

問言云何利益我答言今當以佛語僧語梵壇法語
汝即問云何梵壇法言梵壇法者一切比丘比丘尼
憂婆塞憂婆夷不得共來往交言闍陀聞已悶絕躡
地語阿難言此豈不名殺於我耶智論若心強續如
梵天法治之者佛涅槃時於娑羅雙林中北首而臥
阿難親愛未除心沒憂海不能自出時長老阿泥盧
豆語阿難言汝守佛法藏人不應如凡人愁惱一切
有爲法是無常相汝莫愁憂又佛付汝法汝今愁悶
失所受事汝當問佛佛涅槃後我曹云何行道誰當
作師惡口車匿云何共住佛經初頭作何等語如是
等事汝應問佛阿難聞已悶心小醒得念道力助即
於佛後一一問佛佛言我過去依止於法莫依止餘
觀身四念處勤修精進又從今日解脫戒經即是大
師如戒所說身業口業應如是行車匿比丘我涅槃
後如梵天法應當治之次後我三阿僧祇劫所集寶
藏初應言如是我聞三世佛法經皆如是云云言梵
壇法者勝云謂梵天中若非法者諸梵天將此人置
壇上不與共語治之故曰也以欲界諸地亦通色有

等者然語法通欲色二界此二界以語爲樂不語爲
惱故不與語治之濟云欲界語地等者據瑜伽論中
地有十七種始從欲界乃至聲聞地菩薩地佛地等
云云古者西來三藏唯得最後一地來此方譯名爲
佛地論至唐三藏譯瑜伽論白卷始盡故知佛地與
瑜伽同本別譯然瑜伽是無著造恐不信行托稱彌
勒所造言十七地者一者有尋有伺四地二者無尋
唯伺地三無尋無伺地尋則麤是覺也伺即細是觀
也舊經論名覺觀新經論名尋伺也尋伺是語家加
行也夫欲言語者要先行尋伺論云欲界及初禪有
尋有伺地若中間禪無尋唯伺地二禪已去無尋無伺地
言中間禪者謂初禪已去來至二禪名中間禪也賓
云承前諸師解未至禪云是中間禪者錯也初禪已
前未至初禪名未至禪亦名未來禪亦名斷律儀也
言中間禪者即是初禪已去二禪已前梵王住處名
中間禪也其梵天在初禪之上二禪之下未屬四禪
二十五有中自當一有也亦名梵輔天齊此已下皆
有語言故曰欲界及初禪有尋有伺地故舊經云覺

觀在初禪卽其義也。二禪已上無復語言。若中間禪無尋有伺。則梵天無有言語。今不語治人。故喚爲梵天。法謂同梵天之不語也。又解梵天雖無覺有觀。然由有言語爲樂。二禪已上方無覺觀。故不語也。梵天中有罪者。嘿法治之。故曰也。言亦通色有者。以色界中唯初禪有語。故曰亦通等也。勝云。梵天定地。彼無語法。今以不語法治也。計理二禪已上應無語法。大梵天王已下亦有語。故不語治之。順鈔文也。賓云。尋伺語言加行也。夫欲出語時。必先心中有尋伺方便。然後發言也。又云。犯僧殘已下。事罪不引者。但作此梵法治也。下文惡馬治者。要犯夷罪。事罪俱不引者。方作惡馬治也。謂其人拒諱不肯引事。引罪也要犯夷者。方與惡馬治也。知之三種調伏法者。立云一柔軟調伏。二剛強調伏。三柔軟亦剛強。故名三種也。猶不調殺之者。謂先以柔軟剛強諫之。若不從者。卽作不共語治之。故殺也。

從此已下。明滅擯法義也。不得共住共事者。立謂共住卽說戒自恣二種中共住事者。羯磨也。一切僧家。

諸餘羯磨法事。亦不得共作也。所以知羯磨是事者。四譯之中。有事諍卽因羯磨而諍者是也。

多論大眾有知不須自言與四分令自言。乃至目連被呵中說等者。此二文何故相違者。解云。四分約五德三根不了。故須犯者自言。多論據三根明了。故不假自言。直得治也。言目連被呵中說者。據僧祇律云。昔日佛自說戒時。有國王爲佛作金鏤蓮華。至布薩時。佛坐其上。諸比丘集欲作布薩。有金蓮華鏤墮地。有一比丘恣心取挾。腋下佛卽嘿坐。不作布薩。阿難初夜已過。請佛令說。乃至中夜後夜。白佛言。衆僧坐久。願佛說戒。佛言。衆不清淨。時目連念言。誰不清淨。便入定觀見此惡比丘。擒身衆中而坐。卽到其所。左手擒捉。率出至戶。右手推出。語言。汝從今日。非復沙門。佛呵目連。須待自言。因此佛語。諸比丘從今日後。汝等當自說戒也。所以佛不自說者。謂佛左右有五。百金剛若三問清淨。時不如實發露者。金剛卽杵擬碎之。如微塵也。立云。據此文意。與前多不同者。今解云。若內心犯罪。三根未現。須依律文待其自言。若公

然作罪畜妻抱子者何假自言可准多論直爾減損鈔引二文來意者其義如此

大衆容之自他同穢者謂自身犯律體壞非僧不合聞戒不沾僧利養死入惡道名爲自穢今身蓋在僧中乘法不足僧數作法不成誤其衆僧此名壞他上來釋第一化制二教明相不同義竟

二約僧制衆食明通塞者淨戒及時曰通若破戒及時有德非時是塞也犯重囚禁遭赦得免者謂有此丘犯重罪已衆主禁著空房待有國家恩赦到來相放此名非法佛法之中何有此事一者不合緊閉加禁二者不關王赦也或自貨賕得脫者說文云枉法受財曰賕又云以財枉法相謝也欲明犯重罪被禁牢獄多將錢賈僧與衆主大德求脫也或奪賊物因利求利等者謂僧家立制若有僧私之物爲賊盜者後須奪取此非法制是名賊奪賊也言因利求利者謂如落華師爲他說法令他捨怪遂求財物入已者是也慈云如識官人與他求事將物與官即自留餘者是也

不令同法如後引之者以下諸文皆有無力無伴自去等文也如下十誦白僧滅之不者餘處去等也僧祇若作非法制乃至止得三人者案僧祇云時瞻波諸比丘共諍同住不知一人舉一人乃至衆多人舉衆多人諸比丘白佛佛言從今日聽作見不欲見不欲者若僧中非法羯磨事若有力者應遮語言諸長老此非法非毗尼不應作若前人凶惡有大勢力恐爲我梵命難者應作見不欲作是說此非法羯磨我不忍與見不欲如是三說作見不欲時不得趣爾人邊作應同意人邊作不得衆作見不欲得二人三人作餘者當與如法欲已捨去若僧中非法斷事不遮不與欲不作見不欲並越毗尼罪若作是念隨其業行如火燒屋自救身得護心相應無罪是名見不欲也自意云上言不得衆作者謂作見不欲但許三人作不得四人作故言不得衆多也羯磨疏云見不欲者卽六和中見不同也謂既是見異非同和之義也問何不盡說欲起去答若具說欲者欲卽是情和也母論見衆非法獨不能諫應作嘿然如上說者前

通辨羯磨篇中引母論比丘見非法事若有三四五件可得諫之獨一不須犯非法制罪者此得吉也上釋非法制義竟

五分雖我所制餘方不得行者謂佛在時有出家者佛令爲剃髮今則國王不許故言不應行景云如佛制夏竟遊行今時王制若無故離寺十日皆判還俗又不得行也故注云俗王爲僧立制不依經本卽其義也

罰舍利弗日中立之者檢祇云佛在舍衛城制諸比丘作尼師境竟諸比丘在講堂中共議云佛制尼師壇大小若敷坐處兩膝則無若敷兩膝坐處復無諸比丘以此事白佛佛問諸比丘僧中上座是誰答言舍利弗佛語舍利弗衆多梵行人作此論說汝云何嘿然而聽今當罰汝日中立之舍利弗受罰卽立日中諸比丘各至佛所懺悔愆舍利弗懺悔言日月星宿猶可迴轉舍利弗心不可迴轉以受我罰心堅不可轉也以過去曾作蛇來云云濟云身子是法輪大將有過尙治今末代僧尼有一行一能則一切時中

違越衆命義非依教也問何故五百聲聞中身子目連獨稱法輪大將者何答以調達破法輪僧身子目連是第一雙力能摧殄當日還和所以故稱大將如今國家大將軍能破怨敵也則稱大將調達破僧僭稱爲佛則是大鯨敵也則是破法輪之賊身子能平故稱大將又解身子常能伏佛說法卽經云大智舍利弗能隨佛轉法故稱法輪大將也

先語僧制法式等者此是如法之制理須奉行非法立條縱違無過上釋僧制義竟

二約僧食以論通塞者先約僧俗明次於僧中約持破明又持中約時明並有通塞時則是違非時是塞故也乞食可得不等者佛在世比丘皆乞食也佛亦乞食也非唯比丘然佛自乞食且論有四意一三世諸佛法爾乞食二爲充軀資身長道自行益故三福利施主反報益故四爲聲聞弟子仿佛成規故古師匡衆之法等者匡由正也卽是隨朝長安志相寺靈祐法師寺語也其僧善以能卜值小周滅佛法仍避亂終南山子時奉勅搜揚僧伍並令還俗其不

肯者勅令深剝而祐身披俗服遂領門徒在山每出賣卜得錢餘米以供門人後值隋家御宇蒙補爲僧統充十大德之數因於本居之山爲置志相寺而法師躬立寺誥云僧寺不得畜女淨人等也貧云靈祐師是依法師和上云卽立獎法師和上也祐本是京師西市賣鰓老婆所生其年十三其時類小兒在西市打連錢看者數百時有一禪師從市中行遇見此小兒衣服極弊上一井闌上打錢打一百下無有失落知是奇物乃往問其所在祐曰近在某街頭卽喚逐我出家能去不答曰由母禪師相將問母母言居家貧窮生此小兒何堪出家又無資給禪師苦勸母卽許之知惜何益至明日禪師自將衣裳來取至於寺中將一打牆鐵鎚令於石上磨之吾欲作斧卽磨之經十六七日不暫休息磨一邊稍似斧刃師來看見知其志操當卽令休吾不復用小兒不休已擬作斧何得中悔以成爲限師深敬惜後授經論無所不達聲播天下立性作行誓願不視女人之面病困臨死尼師來看遙見入房轉面向壁又淨影遠法師卽

是祐弟子於布薩日說欲不出祐從出來直到堂頭衣服靡弊衆皆不識莫有敬者至說欲時制衆且止慧遠房中讀疏乃云法事因緣衆僧說戒豈是魔說使者尋報遠卽走來流淚悔過大衆方知是遠和上言寺是衆僧修道境界者謂僧依寺中修道如王治國依六大城爲境界也注云白衣及中能齋亦得者立明由能齋故是當來得道作出家之因故開與食五分無此相貌廣如隨相盜戒中當序云云唯有任道行之同護法等者任由依也立云任者當也去聲謂當其道理而行也如有僧來依時鳴鐘而給俗來能齋亦給此名依法故曰任道乖此不依道法名爲非護法也今言同護法者謂道俗相依猶如影響若不與食二大彼俗譏故能齋聽與若一向盡與彼復謂言佛法應爾今若作通塞之約者彼則能同護法也言不損檀越事者謂既依道煙而行不損檀越事也事謂四事供養也檀越梵音此言施主也若此以明是非自顯者結略上文也怖四怨之多苦者梵言魔羅此云殺害人善故義言如怨言四怨

者帶數釋也。一煩惱魔謂內起貪等一切煩惱能害善法。二者陰魔謂有漏五陰共相摧滅三者死魔謂無常滅相能壞命根四者天魔居第六他化天上欲界頂有大勢力好壞他善見人入道則來惱亂恐修道會正化他同已空其境界也。四中初一是生死因後一是生死緣。陰死二魔是生死果。又約始終內外明者初受生時即稟五陰有漏之身名為陰魔。曰始形壞命盡名為死魔。曰終內起三毒名煩惱魔。外感天魔故曰內外也。今言怖四怨者謂未出家時畏怖魔故。所以出家由出家已能令魔怖兩向釋俱通前解。好故疏云出家已後以十軍得道故破煩惱魔得法身故破於陰魔得無漏道故破於死魔得不動三昧故破於天魔。十軍者欲是為初軍。乃至自高戔人為十餘可解。言三界者欲界色界無色界也。辭六親者應師云父母兄弟妻子也。言五欲者色聲香味觸也。

忌狹者說文云忌者諱也。又惡也。反見毛詩今言人情狹者欲明此人諱聞遠通之名謂之為狹。有本

作局狹字不亦量乎者。廣正云量者輕也有云笑不露齒曰量。

注云慳食獨噉餓鬼業者欲明餓鬼之因皆由慳習一墮此道報壽遐邇如雜寶藏中有羅漢名祇夜多與弟子向北天竺遊行至一石室城既至城外慘然變色入城乞食食訖出城門復以慘然變色弟子便問何緣憂悲答言我向於城邊見餓鬼子而語我言我在城邊已七十年我母為我入城求食未曾一得。我今飢渴願尊者入見我母語令速來我時入城見餓鬼母語言汝子飢困思汝相見即答我言我入此城七十餘年自我薄福加復新產餓鬼無力雖有膿血涕唾糞穢不淨之食有大力者於先持去我不能得今最後得一口不淨欲送與子門中有大力鬼復不聽出願尊者慈悲將我同出使母子相見食此不淨尊者即將出城母子相見共食不淨尊者問鬼汝於此住為已幾時答言我見此城七反成壞尊者嘆曰餓鬼壽長大其為苦弟子問已厭離生死也云云此乃鄙俗之淺度等者若識達俗士尚以憂道而不

憂食。今此比丘作此問者。同乎鄙俗耳。言瑣人之短懷者。爾正云。瑣由小也。碎玉曰瑣。碎之失也。猶天地之生長者。喻所得無限。山海者。約受用無窮。

故佛藏言。乃至如來白毫相中。一分等者。彼經中佛告舍利弗。我今明了告汝。我此真法。不久住世。何以故。衆生福德善根。已盡濁世。已近自求。善利應生。狀心汝當勤精進。早得道果。我法無諸難事。不念衣食。臥具醫藥。若一心行道者。天神人民。皆同心供養。設使天神諸人不念。但能一心勤行道者。終亦不念衣食。所須何以故。如來福藏無量。難盡如來滅後。白毫相中。百千億分。其中一分供養舍利。及諸弟子。設使一切世間人。皆共出家。隨法行於白毫相。百千億分。不盡其一。如來如是無量福德。是諸比丘應如是念。不應於所須物。行諸邪命惡法也。

猶函蓋相稱等者。勝云。僧依道而受供。如函櫃越爲道而施。如蓋二種相應。故曰相稱。何慈渴耶。言賈者。鄭立曰。賈是乏也。詩傳云。賈竭也。禮記云。有財不賈是也。注由彼行施。普義者。施半謂施設不簡貴賤。實

者好給賤者。鹿給故曰。義然後取。勝說注腐爛僧粟者。此罪業重。如報恩經。佛與阿難入王舍城乞食。已於城外有大深坑。城中人民。擔持屎尿棄此坑中。天雨惡水。亦入其中。中有一虫。其形似人。衆多手足。遙見如來。擎頭出水。視於如來。流淚滿目。如來見已。憐而哀復。慘然不悅。即還耆闍崛山。時阿難問佛。向見屎中虫。先世造何業。行生此水中。爲幾時耶。復於何時。當得解脫。佛言。汝等善聽。過去無量千劫。有佛出世。教化已周。滅度之後。於像法中。婆羅門造立僧坊。供養衆僧。時檀越多送蘇油。時有客比丘來。爾時知事維那心。生嗔恚嫌。油來多。隱匿蘇油。停持不與。客衆言。何不傳蘇油。蜜也。維那答言。汝客比丘言。此是檀越施現前僧。爾時維那凶惡。可畏。即復罵言。汝何不噉屎尿云。何從我乃索蘇油。以此言改從是。已來九十億劫。常坐於如是澆水之中。爾時維那者。今此虫是也。云云。未見道通。而事寒者。此明四事供養。若絕名爲事。寒今但行道不慮未盡。

是第一慈悲人者。謂俗人不能齋。遮不與食。是守佛

教是護僧法若不齋輒噉誤他人地獄卽非慈悲人也以不與食令諸衆生不以此緣墮三惡道名大慈悲也毀損三歸者若不問是非而給者僧俗混同將何以爲歸敬不知尊勝分齊而生賤心卽是毀損之義也自昏時網者謂不解示語罪福是不識時宜不用法網也

准教當擬如隨相中者如下盜戒中准十誦惡賊米至隨時將擬不論多少僧祇若惡賊檀越公匠乃至國王大臣有力能損益者應與飲食多論能損者與有益不合是汚家法上來釋通塞之義竟

二引聖言量者總有三重謂現量比量聖言量也僧祇食時應作四相者僧祇此翻大衆謂僧衆食時須相也檢多論第七卷云是僧所食時應作四種相一打撻提二吹貝三打鼓四唱令令界內聞知此四種相必使有常限不得或時撻提或復打鼓吹貝令事相亂無有定則不成僧法若不作四相而食僧所食者不清淨名爲盜食僧所食聲男女之異也男聲呼之爲僧祈女聲呼之爲僧祇或云僧伽亦是聲

多論修作

之輕重也上祇手吻上伽手祈手此皆悉曇章中一嚙聲同翻爲衆也雖作相而遮亦犯者今時平旦打鐘要須前開寺門閉門而打鐘者此是非法也各有始終僧祇同一布薩至清淨無過等者謂此是法同食別之界既食各別各鳴鐘自集互不相集者無過也善見至空寺有果應打撻提食者立明要是大小二時食若非時不合也有云時非時俱得非時取果押爲漿亦合若言不得今時茶湯何處逃罪言下至三拍手者當打三通也

多論云僧祇食法乃至多少應有常限者量云此舉儉時增減俱犯盜也云南山園梨咸享年中在京師清官道場時年飢儉此處可有五十僧日別料米四斗以供徒衆縱僧來去多少唯盡此四斗爲限是今義也錯得一番餅者景云此約豐儉俱犯望知事人有限定故錯得猶犯盜譬過索寧無罪咎也律云惡比丘來不應與食者有問俗人能齋尚開與食破戒是僧今亦能齋何得不與解云俗人能齋是常來出世之業破戒之類理亦可知

差僧次而簡客翻爲越次者。對此便明有寺堂上行僧次。簡房中人者。皆犯盜罪。又此住處不名僧。所以簡客主。非同和之義等者。此是性戒現犯盜重業報復深。故雜含經云。目連路行見一衆生。身形極大。頭上戴一銅鉢。其鉢燦然。滿中深銅流灌。身體乘空而行。啼哭號叫。佛言。此迦葉佛時。出家人爲僧。知事有檀越。施飲食。令僧行傳時。有衆多客比丘。知事不分待客去後。然將分之。由此緣故。經無量歲。墮地獄中。受大苦惱。既得出已。更受此身。又見一衆生。其舌長廣。燦然。鑊釘亂釘其舌。乘空而行。啼哭號叫。佛言。迦葉佛時。出家比丘。爲摩摩帝摩摩帝。呵責客比丘云。此處儉薄。不能相供養。諸長老等各隨意去。求豐樂。處由此言。故先住之人。悉去。未來之客。不來。緣此慳故。墮大地獄。備受衆苦。既得出已。更受此身。言以簡絕客主。非同和僧義者。僧具六和。既不同利。僧義亦缺也。

狀思生死者。雜心偈云。一切有爲法。生住變異壞。釋曰。一切有爲法。各各有四相。謂生住異壞也。世中起

放生已起。自事立。故住已住。勢衰故異。已異。滅故壞。又應觀此身。從足至頂。種種不淨。穢惡充滿。觀察此色。猶如猛風。飄散積砂。須臾散失。如是觀者。得空解脫。門種子於彼生死。厭離不樂。得無願解脫。門種子於生死不樂。已正向涅槃。得無相解脫。門種子又難寶藏中。佛滅後七百年中。有尊者祇夜多。身得羅漢。國人所重。住在罽賓。時南天竺有二比丘。聞祇夜多有大威德。遠來禮覲。到其住處。道由樹下。見一比丘形體甚悴。竈前然火。二人便問。識祇夜多不。房在何處。卽示處。所前到。見向者然火比丘。疑悔。所以既有如此名德。自然火何耶。尊者答言。我念昔生死之苦。若我頭手足。可然之者。猶爲衆僧。而用然火。況然薪乎。二人便問。往昔生死苦事云何。答言。我憶昔五百世中。於狗中常困飢渴。唯於二時。得自飽滿。一值醉人。酒吐在地。得安隱飽。二值夫婦二人共爲生活。夫便向田婦事。緣小兒出。我時入盜彼飯。值彼飯器口小。我雖得入。頭後難得出。雖得一飽。後大辛苦。夫從田還。卽使剪狗頭。在於器中。時二比丘聞說此事。狀

●附發不

生死苦得須陀洹果。又釋迦如來憶往日閻浮提作
曲蟻鑽閻浮大地。猶如來篩禮也。少欲寂靜。修於念
定者。成實論云。出家之人。雖未得道。以遠離爲樂。諸
白衣等。處在女色。憤鬧之中。終無安樂。又若遠離心
易寂靜。如水不擾。自然清澄。又此遠離法。爲恒沙諸
佛所讚。何以知然。佛見比丘聚落宴坐。心則不悅。又
見比丘空處若睡臥。佛則以喜。以近聚落。多諸因緣。
散亂定心。令應得所得。應證不證。空處睡臥。雖少懈
息。若起求定。則能攝散心。乃得解脫。又空處無色等
相。煩惱易斷。如火無薪。則自然滅。言念定者。卽四念
處也。定者。四禪八定。及九次第定也。付在說者。護戒
慙愧者。薩遮尼健經云。欲離於生死。安隱到涅槃。一
切如來說持戒最第一。戒如清淨地。能生諸善華。亦
如猛熾火。能燒諸惡草。爲是義。故應須護戒也。言慙
愧者。慙國王父母師僧信施之恩。難酬難報。又慙愧
諸佛菩薩。常教導我。我不能行等。是以經言。無慙愧
者。與諸禽獸無相異也。但令五人清淨如法護持法
者。此明五人持律在世得布薩。自念受戒。能令佛法

●治下餘有
其字

久住不滅也

瞻待國王等者。隨相中得用十九錢。供設王臣若多
用者。理須白衆上來多段不同。總是釋第二約僧制
衆食以論通塞門義竟

從此已下。正明第三約法就時以明也。僧不可和當
於說戒前作者。如受日差直歲分亡物等例也

若舉無根無餘罪者。以犯四重故。聚法絕分。義如斷
頭名曰無餘。以三根未顯。故曰無根。能舉之人。雖舉
不成也。遮是舉也。故道不成。遮言治謗罪者。夷謗須
作殘治。殘謗提治。言文亦不顯情之虛實者。立謂其
文中不的。云所舉之人。不問情中有犯無犯。有犯曰
虛。但令能舉之人。不練三根。皆結其謗罪。濟云。其能
舉人。實知他犯。卽是情實。若謗他言犯曰情虛也。今
不問謗與不謗。但問答不相應。卽順治其謗罪。故曰
也。言義須斟酌者。謂能舉之人。必是賢善比丘。雖今
推勘三根不委。亦不必須治其謗罪也

從此已下。明其就時之義也。不祇奉法者。字林云。祇
者敬也

金瓶梅詞話

從此已下正明對人即須糾正者廣正云糾由急也說文云繩三合曰糾糾絞戾也有三種狂痴之中其二人不憶不來此既無知不須與法有憶而來者即常憶常來人不得別他故不須與法與亦或唯或來不來此一須與羯磨爲不定故須法約之立云頗狂羯磨准五分求覓不得須遙與法四分要須現前白二與之又須令其狂者知僧爲我作法方成不知不成如律者實病加法始成虛詐理無容許

中下

已下對處明義也天龍叶贊者應師云叶者和也同也合也十誦比丘衣服不淨非人所呵者立明有多種不淨一謂衣體不淨即邪命販賣所得衣財也又雖是如法之體若不加受持法犯長等亦名不淨又雖離此二過若多垢坏亦名不淨俱爲非人所呵也唱僧跋者大莊嚴論中有尸利毬多長者受外道囑令殺佛以雜毒之食供佛及僧佛即知之令僧待唱僧跋已然後食之即說偈言在於上座前而唱僧跋竟衆毒皆消除汝等盡可食既說偈已其食變爲甘美其緣稍廣可更檢彼論文立云此即當等供之法

也白衣來當與食爲說法者立明爲說福食難消示其因果此解應是准五分能齋者與食食已爲說法授與三歸五八戒等

汙家俳說者皮皆說文云俳戲也案俳者樂人所爲戲笑自怡悅也三蒼云俳者嘯也有云即俳諧之戲如行主之例也

及餘上染者謂眞緋正紫是也

四分入衆五法善知坐起者律下文增五中佛告諸比丘至僧中先有五法一應以慈心二應自卑下如拭塵巾三應善知坐起若見上座不應安坐若見下座不應起立四彼至僧中不應雜說論世俗事五見僧中有可忍事心不安忍應作嘿然比丘應先有此五法然後至僧中若廣解釋下文自出

襖褶者釋名云褶似襦大袖下有兩也如東都大敬愛寺表寺主制徒衆大僧沙彌皆不得服飾遣家人次第檢捉得者脫入外庫此是如法制也

反留穢去淨生死未央者女人穢境養之曰留淨僧退道被諍曰去欲明寺中寄女人是留穢比丘因茲

相染犯重滅擯。還俗名爲去淨。因此人地獄罪畢得出爲畜生等。失於三乘道果。故曰生死未央。

多不結淨。道俗通蓋者。深云寺中不結淨地。妄託云是檀越淨者。蓋也。如隋朝置東西禪定寺。所有飲食盡是國家奉供。本未屬僧。此名檀越淨。若如今時國清寺。亦是陷家置則無食。施所有。但是僧食。今若云是檀越淨者。曰濫。故曰道俗通蓋也。言道者。謂是作法白二結之故曰也。

惡律儀流注相續者。彼維心論偈云。流注相續成善。及不善。戒於一切衆生。律儀不律儀。釋曰。別解脫律儀者。謂受戒於一切衆生。一切時戒不斷。不律儀者。謂住惡律儀於一切衆生。一切時惡戒不斷。所謂屠羊養鷄。猪捕鳥魚。獨作賊。魁。膾。膾。謂殺人自活。此等之例。且如屠羊者。雖不殺餘衆生。而於一切衆生所得不律儀。何以故。若一切衆生爲羊。像在前者。於彼一切悉起害心。一切衆生有作羊理。故若復無作羊理者。於彼亦有害心。故得不律儀。如住慈心。仁想。普周。當知住餘不律儀。亦如是。立云。欲明有惡律儀。

運運常流。無作常生。如受善律儀。戒亦復如是。一發以後。雖入三性之中。善常增長。不斷。故曰相續也。或佛堂塔廟。不遵修飾者。俗中教子。尙敬先廟。丁蘭木母。出告反面。木母舒顏。今我出家。不值真佛。更不敬儀像者。師。稟於誰。立明。今時。僧尼多犯斯過。但修飾已。房。爭事。光顯佛堂之內。塵。穢。難言。口。潤。刺。染。出家爲佛弟子。事師之法。豈合如此。除良可知。聚話寺門。依時不集者。如諸小師之輩。及無知老宿。多在門寺。看他男女行。往倚門坐。立。寺中打鐘禮佛。一人不來。故曰依時不集。定由衆主不聞。攝誘可悲之甚。言上座三師者。五分云上。頭無人名爲上座。非局頭白三師者。謂和上。兩闍梨。名爲三也。餘僧不來。並准此喻者。其病絕重。尙遣收來。況餘無患。理然須赴。從此已下。大門第五。正明教授之法。必先於有過。取欲後諫者。謂先須屏處。問其犯過人語。大德既犯某罪。可得懺。不但戒細人。難持易犯。誰應無。實能早懺。若彼答言。實犯聽衆治者。方得治之。故曰取欲只是求聽之異名也。

餘經云一念之惡等者。餘經即是善生經也。

故律中阿難頭白等者。按律文云阿難有六十弟子。皆是年少。欲捨戒還家。迦葉語阿難言。此衆欲失。汝年少。不知阿難言。大德我頭白髮已現。云何於迦葉所不免。年少耶。迦葉報言。汝與年少比丘俱不善。閉諸根。食不知足。初夜後夜不能勤修。遍至諸家。但行破殺。汝衆當失。又分別功德論云。迦葉每謂阿難爲小兒。阿難有妹。爲尼。聞迦葉此言。大生嫌恨。阿難聰明博達。汝何故謂爲小兒。迦葉報尼曰。阿難有二事可耻。正由阿難勸佛度母人出家。滅佛法五百年。是一也。又阿難有六十弟子。近曰三十比丘。還爲白衣。然佛教度弟子法。若出家。有信來求道者。當試之七日。若外道來求道者。當試之四月。阿難來便度之。是以可耻二也。此三十比丘。所以還家者。其先聞阿難於九十六種道中等智第一。從阿難求度者。欲學等智。阿難不與說等智。故是以不合本心。於是而還。還必誹謗阿難。謂無等智。此比丘尼以悲心向迦葉。故卽現身入地獄也。有人云等智者。世俗智也。亦名後

得智。亦名等智。要前證根本智。然後始證世俗智也。要先證根本智。然後於根本上流出世俗智也。實云舊名等智。新經論中名世俗智。良以俗智遍緣諸法。故立等名。濟云。迦葉是阿難和上。其阿難是親磨受戒也。上可言食不知足者。非是貪。猶財利。此是樂法食也。論謂食其多聞博識。不證無學。故曰也。律文云。食不知足者。是消穀虫也。言又是無學。尙被譏者。今文中言無學者。就今日論。迦葉呵時。猶是學人。結集之時。乃證羅漢。

可准上文者。卽上序云。一方行化立法。須通處衆斷量。必憑律教。卽其義也。上來釋七篇已竟。

四分律鈔批卷第四末

景龍四年六月八日。於東京大授記寺。出略記。隱廵。擬備臨機。諸有見者。庶知遠意。莫以人微廢道也。僧大覺記。

四分律鈔批卷第五本

江東杭州華嚴寺沙門 大覺 撰

●會本圖卷
上三之一

○受戒緣集篇第八

前來諸篇統明僧法顯德彰用秉御次第綱紀佛法住持衆行道德內充堪生物善生善之方莫先受戒故有此篇來也又解上來僧綱一篇除非消濫遵承有則堪能秉御以被於事事雖多途不過生善及與滅惡生善之法即是受戒故於僧綱軌則之後且明受戒使傳囑有由教法不替故經云我諸弟子展轉行之則是法身常在而不滅也言制意者羯磨疏云原夫如來出世不欲增長諸有要求滅欲故立戒學然戒是定慧初基衆行之本本若不立餘何所憑但以佛世利機契動便感戒也末時澆薄聖制縱緣緣集則作業功成緣散則戒德無立託緣定其得否大聖唱言有缺諸緣雖受不獲故須抵掌程露歌儀信非徒爾故今明述又云然出家正務唯戒尊高故立受緣明其法則綱云受緣雖五又若論末代唯有羯磨一受然善來上法三歸八敬羯磨此五受中唯羯

本心經也

磨一受具六義勝一是時長謂通現未二處遍三方除鬱單越三報兼男女四位該凡聖五所被無數六多坐作法者賓云謂於三州同於一時各別集僧爲人受戒也以斯諸義佛法始終以白四羯磨爲宗本能繼續三寶作無邊利益有任持之功莫大羯磨故說爲勝餘四受中善來一受終盡雙林自外三受中間即止又局闔浮不該餘三凡聖位差報局男女對前六義互各闕少紹續功微故稱四少今從勝立唯明羯磨也今言受戒緣集者宣云創發要期緣集虞具納法在心名之爲受卽是受時心防外境名之爲戒磯云創發要期建志成就納法在心稱之爲受受有懸防目之爲戒通律師問云無作擬一形可說是懸防作戒已落謝如何稱懸防答無作由作生故二俱懸防又云立誓要期納法在心名之爲受俱有禁非之用目之爲戒故曰受戒言緣集者師僧衣鉢白四教法爲緣十種調理聚在一處名之爲集宣示軌摸名之爲法故曰受戒緣集法又言受戒緣集者據能領之心心戒謂所納之法緣者明此受戒從緣而

已見

入集字

牛集者聚緣聚會名之爲集故曰也又言緣者如下所列能受有五所對有六並是緣也又云如律五種緣一善來二上法亦名破結使三者三語四者八敬五羯磨也言善來者位在須陀洹已此人乘宿善業而來直佛出世聞說四諦道成初果求哀出家佛命善來即使發戒故母論云善來比丘鬚髮自落袈裟著身威儀庠序如二十年學法者善見云唱善來已八事隨身二者上法者在無學律云若人修道得羅漢即名出家受具是戒其無漏真法超出學表得法最勝故名上法若言破結者此人惑盡解滿道發無學會正理窮自然感戒從所破爲名故曰破結使也三言三語者位在內凡已上此人值佛出世但聞而不見值羅漢授與三歸使證具戒良以積行非遠未登聖位於彼羅漢先有別緣託仗出家得由三語故曰也四八敬者位是女人已得初果深厭生死求出家以無弘道遠化益故抑而不許復還舍衛使自剃髮披衣倚僧房立阿難時爲三語如來爲說敬法遣阿難傳受令其遵奉必具依行即感其戒故因名

也此則受緣唯佛與阿難也其人是佛姨母求佛出家佛初不許佛言若聽女人在我法中多所損減譬如有人多女少男當知其家衰耗不久女人入我佛法亦復如是阿難再三爲請舉三世佛咸度女人又舉四衆一切諸佛皆具四衆比丘比丘尼等也又舉恩養謂佛生七日其母命終以波闍波提乳哺長養應報其恩許其入道佛言若我不出世彼則不識三寶之名今識歸三寶其報恩已畢況復已證初果阿難苦請佛即令傳八敬若能具行可聽入道波闍既蒙八敬云頂戴持復白阿難唯願更爲白佛唯一本甚如何百胝尼禮新受戒僧足乞依夏次致禮佛言若依夏次禮者無有是處五言羯磨者是此所明以此受法雖通凡聖以今末代善根微薄道心難生要假十僧作法成就方得具足羯磨疏云斯等人輩要假強緣扶彼弱因方能發戒緣彼僧衆言下而發戒品隱其能秉就其重彰名故曰也言捨戒法附者非謂受後要應須捨本心所忻仰誓願奉持忍忍行人久參事慢情厭道儀忘在習俗或復脫過難緣非

情可禁帶戒造罪。便能障道。所以聖開聽。使來去無障。不廢後入道也。六念法附者。既受戒已。後衣鉢受持。常須係念。具防六聚。機要莫加。故附出也。言超。凡鄙穢流等者。應師云。鄙由陋也。廣正云。鄙者羞耻也。欲明凡俗隨生死之流。六塵五欲。體是染汚。垢穢行人。令身心不淨。故曰穢也。今此受體。能遠出至涅槃之岸。故曰也。濟云。若極鈍根者。七生持戒無犯。即得須陀洹果。理數然也。若利者。三生五生。必證初果也。言入聖衆之寶位者。謂受得戒已。近入生持僧寶亦位。遠入三乘菩提聖位也。

既慕心彌博等者。博由廣也。明今受時。發廣大之心。如上超。凡流入聖位者是也。言故所緣彌多者。上明能緣之心。既博。今所緣之境。固多。謂緣情非情。萬境有斷惡修善之心。要普周法界也。故善生經云。衆生大地草木虛空無邊等。又解彌多者。約受持作法。能對有五所對有六等。故曰彌多。此皆是緣也。法事攸難者。攸謂所也。欲明所發之善。既多。所爲之法。焉易故曰也。又解能對所對衆緣。既多。故作法則難。故云。

攸難也。以難知故。理須詳檢者。謂所爲既大。今須立法。檢其師僧是非之緣也。

而世情塵染。每昏教法者。謂今時師僧。附六塵爲色聲等染。不能明解聖教。昏於法網也。爲師爲匠。實難者。立謂若持戒清淨。廣解三藏。有法有食。相攝此人爲師。匠秉御戒。易若犯戒非法。不識聖教。無法食相攝。今爲師者。則難也。又解。雖有行解。堪能足數。以應師德。一時壇場爲受。是易。後隨行中教授。使成五分法身者是難也。但由習俗。生常不思沿革者。字林云。從水而下曰沿。順流也。立云。順流曰沿。逆流曰溯。明今末代師僧。不思順佛法之流。依教而行。事但樂習俗。生常耳如借衣鉢而受相承。如此名爲習俗。今應須改。且如俗中有識者。而年五十。尚知四十九非何況學道者。而懷習者。頓不捨前。殊不可也。亂彼眞教者。立明如摩訶羅爲他師。僧不了前事。口云我是大乘。何局限斯小法。名亂眞教也。

執文謹誦者。立謂閉目謹誦。羯磨曾不改張。有無不識。如非所以心執也。或前受遮障。無任僧法者。謂能

受之人身有難離障戒不發不應教法也。禰羯磨疏曰。夫戒者乃是生善之本。滅惡之原。趣涅槃之妙因。發定慧之根本。法既精勝。受之不易。譬如欲請大王。必須淨治宅宇。今請戒法。大王理須皎潔身器。前無重難。後無輕遮。與教相應。戒有可發之義。不然。徒受無益。勞苦自佗。不能生信者。明師僧犯戒威儀不整。不能令受者生信心也。

唐勞一世者。立明唐訓。大謂大勞一世也。亦訓爲虛。虛者勞也。後生還爾者。謂來生還逢如此師僧受戒。不得由今身爲他師僧行非法故。

至機依准者。依此方法受戒。理有得戒之限。上釋序義已竟。

餘道成難者。羯磨疏云。簡餘四趣也。天寶報勝。但著樂多。無求修道。故成難也。修羅懷疑。道在會正。疑故無分。地獄障聖。苦多熱惱。衝心故論云。地獄中陰身猶如融鉄。聚熱惱燒然。苦不可得。譬喻何能懷道而來受戒。鬼神詭譎。不實惡心。亂惱衆生。故畜生報劣。愚昧所收。不能光益佛法。故律中佛言。畜生於我法

中無所長益。故也。唯斯人趣苦輕下。趣樂劣上。天福識念力能崇道業。故得受戒也。且如聞思修慧。欲界具有。以此散地。故有思也。色界有聞修二慧。無思慧也。以是定地。舉心卽入定。故無思慧也。無色界唯有修慧。無聞思二慧。以無色故。無有耳根。故無聞慧。亦是定地。故無思慧也。但祇若減七十。不能作事者。立謂年雖應教約。體無能故。不得也。若過七十出家時。過者立對此舉賢愚經中。福增比丘年百歲。佛許出家事。可尋取用云。

二諸根具足者。羯磨疏云。以但儀貌嚴正。悅動物心。凡所弘闡。觀相易受。若不簡約。污辱僧倫。律云。六根俱淨。方應受法。如眼一絲。二十餘相。並不堪也。聖聖狂亂。不發戒者。六根之中。耳根若壞。不聞羯磨聲。故不得受。是舌根不能乞戒。又誦持之功。於道無分。故不得也。狂者心亂。無心領受。又無布受之心。此三根壞。故判不得。餘者通鑑有得不得者。深云。六根中耳舌意三。如上可知。餘眼鼻身。雖壞容得。故羯磨疏云。耳等三根。進道爲勝。由耳聽法。意緣邪正。有疑通決。

非舌不明有闕此三故非得限餘則能乞能持雖通在遮得在開限

三身器清淨者。羯磨疏云。既爲道器。純淨方堪如欲。請王必須莊嚴宅舍。今所受者。是請法王。道器清淨。方堪受法。又如淨衣。易染爲色。若先染汚。不成後受。磯羯磨疏云。身器清淨。乃至十三難難過等者。然戒法清虛。出道之勝。因法既精妙。致受之不易。論其受也。非身不尅。是以爲身受道之器。心爲納法之主。身心圓淨。得戒已。言若內懷遮難。身器不淨。雖備衆緣。徒勞無益。一生絕分。障不發戒。名之爲難也。

四出家相具者。卽形同也。

五得小分法者。卽法同也。法海不頓漸。開方便。使信樂牢固也。上之五緣。得不分二。前四必具。非緣不成。受事後一制具。若不具者。戒罪兩得上來。釋第一能受有五義竟。

第二所對有六者。古師立義。所對有七。今鈔略其第六。第六緣云。須在佛法時。中謂若佛法滅已。一切羯磨作法及與結界皆不成。就波沙諸論師亦解云。據

未作者則不成。已作者則不失。抄闕此緣。今立亦好。故須第六在佛法時。中間佛法幾時當滅。答據聖教。文正法五百像千末。萬然南山每叙聲聞住法極六萬之遐齡。未詳所據又案傳中。迦濕彌羅國有五百羅漢。佛滅度後。欲集作論。共議何國土中多有資緣。於中造論。見迦濕彌羅國多有供養。但無好伽藍耳。時有一池。池中有龍。其地福德諸羅漢。就龍借其池。地用作迦藍。龍惜不與。有一尊者求一坐處。龍卽許之。尊者入池。坐池內。龍先既許。收悔不得。卽自避去。之臨去時。曰。今將此池奉諸大德。用造迦藍。若後佛法滅時。地當還我。諸羅漢於此造寺。廣造諸論。薩婆多論卽其處造。今時其伽藍中。漸有水濕。伍備之處。水深至踝。許故知佛法非久欲滅。既有六段不同。今卽是初。輒爾寺外。結小界受者。立謂無難。結三小不成。非法一由無難。故二縱有難。亦不合。豎標唱相。故言上已明者。指上結界篇也。

多駕船江中。作法人問其故。答言等者。薩婆多師資傳云。宋元嘉十年。祇洹寺慧照於天竺。僧伽跋摩

所重受大戒時祇誼寺慧義法師爲性剛直見跋摩等更授具戒情有不同怒曰大法東流傳道非一先賢勝哲共有常規忽爲改異立穆衆心跋摩答曰相與棄俗本爲弘法必句傳豈忤衆情云云義卽問曰求那跋摩在世之日布薩僧事常在寺中及至受戒何故獨在邑外等成善法何以異耶答受戒事重不同餘事若餘不成唯得小罪無甚毀損罪可憐夫紹隆佛種用消信施以戒爲本受若不成非出家人障累之原斷滅大法故異餘法事也義法師忻然心伏無復餘言遂令其弟子慧基靜明法明三人度蔡州埤於船上受戒當時有始興寺寂法師評曰觀善惠不及見惡猶探湯義公於可同中立異未經旬月而復同其所異蓋譏其始惑也抄中人問其故答曰等者譏是上文問答也爲世福田者謂受具戒者此明作人天福田能長他福能消他利養者皆是持戒之力近見華嚴闍梨呵諸大德每入內時聖上皆聽將一侍者同入多將沙彌入者皆大非法然沙彌無戒何能消他國家百段五十段絹是一又復沙彌無戒將入宮闈中必造罪

本作給作受

過或見他貨物卽盜或見寶女卽染豈不誤於大德耶然此誠勅大能無奈大德不相用語

二有能秉法僧者謂白四弘通非僧不合邊方無僧曲開五人持律得受者謂迦旃延弟子名曰億耳住於憂槃提國三年求師僧受戒方得磧云致使億耳受戒三年始獲緣此白佛佛開自今已去邊方五人開受言持律得作者濟曰中國十人何以不言持律所以獨語邊方持律得作者以邊方非法者多故須言持律中國僧皆清淨故不言之也此十誦所列者彼律問曰頗邊地有十人但取五人成受以不答得名受具僧得可呵罪伽論亦爾蓋此似是約處定制故

更無方便得別衆故者以同界故皆須盡集若也不來不成受戒則顛倒錯脫者前作羯磨後作白名顛倒遺落文句曰錯脫

六資緣具足者羯磨疏云內忻勝法外假勝儀身心相依如魚有水若無若借俱非具緣

無心不成故者夫欲受戒理須殷重乞求方成受具

若也輕慢不請義無得戒

心不當境者謂師僧衣鉢如法是境但受者無心不稱此境故也。即是境不稱心者謂受者求戒斷惡之心而師僧不清淨者是也。若慳重心則有無教者此明能受之人若有慳重則發無作之戒也。必有受者前證上緣者即統列五緣可依也。上來總釋第一具緣成受門義竟。

二加法中總有十段。前通辨羯磨中明七非云八種調理者謂此十段中除此第一段沙彌十戒門并正衆中受門。但有八門調理是受前也。復有復云始從請師終乎白四九法往來者。正除沙彌須十戒文也。必闕開得戒限故不論之。九法者一請師二跪受者處三差教授四往見問五喚入衆六教令乞七戒師白八檢遮難九正白四頌曰請置差往喚乞白檢羯磨。

如前篇中者如上通辨羯磨中明之也

四律所明者即四分五分十誦僧祇等四部律文是也。不同外道一往頓受者謂今且與十戒者恐受大

戒者不堪護持故漸與之以調其根器事同式叉六法以漸漸而進也。言猶如大海漸深漸入者報恩經第六卷云憂婆離問佛若受具戒攝得十戒何須先受十戒復受大戒佛言雖一時得而染習佛法必須次第先以十戒以自調伏信樂漸增善根轉深次受具戒如是次第得佛法味深樂堅固難可退敗如遊大海漸漸入深如入法海亦復如是。

文云誰請大德爲我和上者彼見論云有比丘爲作白四羯磨受具戒已多作諸惡不案威儀時有少欲知足比丘呵責言汝云何作諸惡行不案威儀比丘答言誰請大德與我戒誰請大德爲作和上時有比丘白佛佛言自今已後若不請作和上不乞戒不得與受具足戒與受者結吉羅罪也。

當具修如上者如上僧綱大綱篇中云凡來僧中律云偏露右肩脫革屣禮僧足右膝着地合掌等五法也。大德一心念我某甲等者羯磨疏云具五句初大德一心念者請專意也。二我某甲至和上者明所祈也。三願大德爲我作等者慈願本望也。四我依得受

具者謂二學由生也。五慈愍故者已述所懷唯願聽許也。答言可爾。總領請詞許爲師也。就可爾中可是答諾下流爾是應酬上位。雙云可爾者未善知言全不可也。

教授汝清淨莫放逸等者。非但事攝亦有法之弘訓也。言清淨者宜重戒本攝持三業言。莫放逸者諸過之原由行放逸當攝情根遠五欲也。四答中古師云律雖列四隨一成答鈔主云意以通四共成一答初是許辭後三相攝義聯類也。下文更有十種答法者至下律增五文廣明彼云十種答法者一能二可三是四修行五不放逸六善七好八起九去十言與是爲十種答法也。

或可和上無德等者立謂受十戒時雖請或可於和上犯戒故曰無德故今須量度有德無德應更請也。言故對二請者濟曰一謂沙彌時對面請并今受具時又對面請故曰二對。

請七證等者此人號爲尊人亦曰尊師見論名爲臨壇師也。十誦正則理例請之者卽前文十云教授次

知字
疑點
六字

知字
疑點
六字

第頭面一一禮僧足已然後請之必在大衆多僧亦未通限者必人衆多但請所指爲尊者餘不須請也。知何不該等者賈逵注國語云明比丘犯重已不得在說戒及羯磨二種僧中共住不足僧數今已知犯重竟卽非同法之人不合同證羯磨將此知字何所不該但知犯重卽不應一切羯磨也。豈獨說戒乎應師云該者備也。方言云該由包也。十師相望約知犯重犯下篇猶得應法若望受者善知師犯吉羅卽非師德也。強受不成者景云謂弟子和上犯戒不應師德無心從受故受不成又如今時受戒人意在彼人爲和上者以知事壇主逼令將餘人爲和上以無心強受不得也。

故九夏和上者立九夏和上開得戒師犯罪若八夏和上一向不得戒同是犯也。

碩德者碩謂大也。方言云齊宋之間謂大曰碩。碩亦美也。七夏已去得作羯磨闍梨者此是了論文威儀及七證須五夏戒師須七夏與四分不同也。

從此已下教授戒緣令一切境上起慈愍心者羯磨

●抄下
應字

疏云。增上心中救諸衆生。卽慈善根。謂佛心也。初明緣境者。謂初且明所緣之境。遍於法界也。後明心量者。卽能緣之心也。

別抄有三十餘紙者。謂京中一僧錄受戒緣境之心。有三十餘紙。每欲受戒者。令誦心首南山闍梨常號爲末代佛。由能曲巧。導示衆生。故也。情與非情。空有二諦。滅理等者。上至諸佛。下及三途。皆是情道。山河大地。名曰非情。言空有二諦者。立謂眞諦是空。俗諦是有。此之二諦。經稱不同。涅槃大品名世諦。第一義諦。菩薩瓔珞經有無二諦。華嚴及仁王般若名眞俗二諦。亦曰空有二諦。言有無二諦者。是有爲無是無爲。言滅理涅槃者。涅槃有四種。一自性涅槃。卽一切衆生同理有也。二無住涅槃。謂如來方便應化衆善是也。三四有餘無餘也。皆約誹謗不信得罪。今翻爲善方發戒也。文字卷軸形像塔廟等者。卽三藏典籍佛制。依學結罪。故是戒境也。言形像塔廟。應須立信。信有此法起恭敬心。故發心也。如戒本中有敬塔戒。又毀壞塔寺。皆得闍罪。故也。法界爲量。並是戒體。

者立謂合是戒境。今稱體者。由從此境發得戒。故詔爲體也。言法界者。雜集云。一切聲聞。獨覺。諸佛。妙法。所依相。故述曰。謂諸法爲戒性。故名爲法界也。

海水無邊等者。約酒約飲。用虫水。又約盜水等。故水皆得爲戒境。如有人賣水。或一擔直五文。三文。若作盜心。皆是罪也。

新受戒人與佛齊德者。約遍法界之境。有攝持之心。善法總起。與佛齊也。復以初受。未有毀犯。戒體光潔。與佛同也。今時既知。此人與佛等德。不可輕受。此人作禮。驅使等事故。多論中。昔有一比丘。應得羅漢。而有轉輪王業障。不得漏盡。佛欲除其障。故卽爲比丘。一正當羅轉輪王。福一時滅盡。卽得無著。以是因緣。若使新受戒人。供給所乏。則滅已功德不少也。瞻蔔華者。立云中梵正音。瞻博迦。此云黃華。而小香西域多有。言破戒勝外道者。外道邪見。乖眞生死。未盡破戒。雖入地獄。遠有出期。次令發戒。下是第二段。明能緣心之量也。當發上品心。得上品戒者。立謂戒是酬一品心因也。

羅漢戒是下品者。立謂此人當受戒時發下品心。後策勤修道證得無學戒。仍下品由當時發一品心定故。

毗跋律等者。立云。唯有一卷律文中。明下品心不得中上鈔文中。上二品是。家家義作。賓云。此毗跋律是大乘文。非全符會。不須引之。言衆生皆惜壽命者。此明救其身。未救心也。中品心云。解衆生疑者。乃是救其心也。由疑心生。今言解衆生疑。是救心也。

金剛經
卷下
三昧經

爲成三聚淨戒。趣三解脫門。求泥洹果等者。立明由此三聚戒品。感報三身。一名誓斷一切惡。無惡而不。即攝善法。戒當來感得法身菩提。二誓修一切善。無善而不修。即攝律儀。戒當來感得報身佛也。三誓度一切衆生。無衆生而不度。即攝衆生。戒當來感化身佛也。言趣三解脫門者。立云。空解脫門。無相解脫門。無願解脫門。佛則承空解脫門而化衆生也。亦名二三昧。新經論中名三摩地。此三解脫門。並法華經是小乘之理。故彼文中。聲聞自叙。但念空。無相。無作。於菩薩法等。心不喜樂。案劉瓛注云。但以三空爲極。

至於遊神度物。菩薩之道。不生一念在樂之心。夫三空之稱。生手盡累。一者。滯有故。爾以萬法皆空。二者。好空復云。空無相。三者。執兼遣。以爲極。便欲施壞造行。復導以無行。可作行。盡心灰。此小乘究竟之名。濟云。三解脫門。大乘中有。小乘中。無法華經言。念空。無相等者。乃是聲聞自叙。我昔日亦翹慕三解脫門。而不肯修。故曰。但念等也。

言如此發心。尙是邪想者。立明發如此尙邪。何況不發者。全是邪見。寧能發上品戒也。凡夫始學邪心中。語者。慈云。雖作是善。以有所得心。故名爲邪心。立謂凡夫具煩惱性。常以六識。魔心。攀緣。覺觀。名。魔心。若入定。觀是細心。若緣其真。如。即名無漏心。此是正心。今無定及出定。即是魔心。攀緣。覺觀。名。邪見心。外道心。今雖復始學。猶是邪心。故曰也。那含人。慢心中。語者。慈云。此人斷見諦煩惱。盡有修道煩惱。未除。以貪瞋慢煩惱。在故。曰。慢等也。賓云。成實宗。中。學人。或時散亂念。故則起我慢。然薩婆多宗。我慢雖通。修道所斷。然不現起。故俱舍第十九云。我慢既由我見所增。

我見已斷皆已斷故聖不能起成實宗中意許初果我見猶有是故我慢亦得現起大乘宗說如唯識論第二云然諸宗所執略有二種一者俱生二者分別俱生我執細故難斷後修道中數數修習勝生空觀方能除滅故知我執即顯那含分別我執難故慢心中雖是我慢生俱慢也易斷初見道時觀一切法生空真如即能除故初見那含分別略盡立明此人斷欲界癡惑盡猶有五下分結五下分結如何即是調戲憍慢無明色染無色染亦云色愛無色愛由此五斷此五盡方得羅漢雖有此五結其慢最多凡所言語皆有慢心故曰慢心中語也羅漢名字語者慈云煩惱盡但順世間名字語言而無執著立明此人斷三界子果而纏都盡不還三界觀世如幻但有名字耳若所發言但是順諦法名字語言故曰名字語亦名世流布語如涅槃三十二云何名世流布語如佛所說男女大小去來坐臥車乘房金瓶衣衆生常樂我淨軍林城邑幻化合散是名世流布語疏解云隨世流布說男女等名爲世流布語也

光師亦判等者即北齊僧統光律師也賓等諸師南山判四分是大乘宗以見本文云欲求於佛道及皆共成佛道等又相命爲佛子等故須令發大乘心今詳此言大失南山羯磨疏云沓婆狀無學知非牢固也欲知僧事求牢固法明知施生成佛道知除非向也成本終云施一切衆生相召爲佛子無異乘也律云佛子亦如是捨衣用非重知心虛通也佛頭陀衣成大塵境非根曉知識了義也成實宗中藏見非見此之二途者即所緣之緣及能緣心量也見境明淨不得臨時方言發心等者立明由能開悟其懷於一切情非情境明白可見也置眼見耳不聞處者立明此中有兩種若受戒時不得安離見聞處則不成受約未受前恐聞羯磨故置離聞處也恐復造過故着眼見處立也若在界外不受具者立明此正明受時正秉羯磨等若雖在見聞處若在界外亦非得戒五分以起過故聽安戒壇外者彼律云比丘偕他衣鉢受具受具已諸比丘喚共著衣持鉢乞食去來新受戒者答言我無衣鉢比丘



之并飾作皮

語言汝豈不知佛制不得無衣鉢受戒耶。答言。我知但借衣鉢。今還他故耳。以此事自佛佛言。自今已去。應將受戒者。若戒境外眼見耳不聞。處羯磨著威儀。師往問。應從座起。問其衣鉢具足未等。云云。順上律文者。立謂順上五分文也。此解非有云。順上界外不成受具文也。

應兩處安置者。此謂若在本沙彌衆中問者。恐餘未被問者。聞之後不尊重。故二處安也。并衣鉢在彼而立者。業疏云。行住兩儀。心躁馳散。坐是安靜。未足稱恭。故立望。併意取翹注也。

致受者慙耻稽留等者。立明由當時對僧中遣脫衣。看沙彌身上有病不肯脫衣。以稽廢受戒事。佛言。自今已去。界外問遮。難不須脫衣。

乃至多人例通問答者。立明若通答者。得爲沙彌。乃至十人百人俱同一壇。盡得通用。此亦約無別僧來去。故得又約衆中無有僧暫出界。若暫出迴來還須更和量。云云。差威儀師時。問誰能作答。我能不稱名。不得成。以羯磨中要牒名字。可云。我耶。至受者所者。即

向沙彌處也

相遮難之中。有得不得者。立明難則一向不得。遮中不定。如不稱和上名及自名。必定不得。若負債作還心。即得。聖聞大聲亦得。

若約律本。但問十三等者。謂律本受戒難度具列十三難緣起。解釋有者不重與受。及至下正作法受戒文中。但問諸遮不見問十三難事。此乃律文互缺。非爲理無。今以義准。先問重難。次問輕遮。故曰。著問遮之前。

蒙龍誦習者。立明古人但直誦出。冥目急誦。前人竟不解。今不同之。須一一解釋。令前人識知。有無濟曰。古人問時。何但受者不解。只自問者亦自不解。其義便語受者言。我若問汝時。但答道無問。眼急問及至問和上字。誰亦即答言。無曾聞。并汾中老僧與他受戒。飲酒已醉。少時登壇。一人醉困。未能得出。場上但有九人。既欠一人。其上座師云。取一束草。豎著下行。將袈裟貫之以當一人。充足十數。夫問答賓主皆須領解。曾見有人講法。華論義者。問云。既稱法喜。憐悅

食未知與三尼寬狹其相如何高座茫然不知何答
三尼者卽蒲闍尼佉闍尼奢夜尼也又見問律師云
夷末提初皆是面門所犯何以輕重不同一邊罪下
就此十三准疏先有五門料簡一制揀淨意二釋名
體三得名廢立四收難多少五類案不同初制意者
光律師云夫欲遠希玄果非戒不尅然戒法清虛乃
出道之津濟法既精妙致受非易論其受也非身淨
不尅是以身爲受道之器心爲納法之主身心圓淨
得戒亡言若內懷遮難於道非淨雖備衆緣徒勞無
益一生絕分障不發戒名之爲難由難障故因檢稽
留故制問之意在此也二釋名者隨唱一一釋下三
門在後明言十三難者帶數釋也頌曰邊尼賊破黃
五逆非畜二言邊罪者曾受佛戒理宜謹奉捉心不
固具緣犯重爲過不輕業果生報不思捨悔返戒更
受義無再攝分在衆外名之爲邊一生永障名之爲
難由邊罪障戒而生故曰邊罪難
乃至准多論白衣五戒等者彌云母多二論准此極
急今解據出家十戒犯者成難謂先是內今甄衆外

道疑向

本云等四字
未詳

本云疑難

對內辨邊五戒八戒但是俗衆無來非內對何以名
邊耶深云今行事者問他還須向說若准論文不得
律則無文准令得戒宋朝有智嚴法師小時曾破八
戒後受具竟見多論文疑身受戒不得便往西國問
諸羅漢至月支國亦云至闐賓見諸羅漢具問斯事
彼亦不決有一羅漢爲往天上問彌勒爲通云不成
難嚴既知身有戒欲還此國未發國亡西國送屍有
凡聖兩墓不知嚴之凡聖欲道凡墓數千人挽喪終
日不動便疑是聖欲置聖墓未假數人驅然得昇嚴
有二弟子還此土述之云爾故不動便疑知五八破
者不成難也
二犯尼者淨具尊境是世福田理宜虔敬生出世福
今乃返慢辱毀壞梵業深羅重雖受無利名之爲難
難由壞尼淨行而生故曰也
言律中不明淨穢今准僧祇據淨言也者律中但是
著袈裟者卽名難也善見論中於尼二處行姪名壞
尼難也須斯二果及凡夫持戒尼前人成難後人不
成等者明此人受欲煩惱未盡受樂故犯戒壞故成

六等註者

雖後人雖汚非名至第二人尼受樂此人即是難也。以要約尼受樂時俗即成難若尼受樂已後更有人汚者百千非難後云二果由愛染已盡今若汚者不問初中後皆是難攝問凡言壞者謂汚戒也聖境不壞何名為難答尊境清勝慢汚成染不待前壞方成戒難濟云准論中辨初二果人俱有俱生煩惱而無分別煩惱如鳥獸相食噉亦名俱生煩惱初二果人雖所造事內心無染名為俱生煩惱不令受樂據此義故與今文相違妨也高云初二果人受樂之時俗則成難即顯此尼煩惱未盡是破戒者何故論中聖人經生得五不作戒又涅槃經中初果生惡國不作惡業今既受樂豈非作惡耶解云望自不故作故云不作惡業望煩惱未盡容有失念受樂雖名破戒由抵債故不受地獄報也且此釋終成相違

六等註者

摩觸八尼汚尼事等立明一个男子汚觸八个尼重境尼則犯重俗不成難言汚尼八事者立明八个男子汚一个尼八事中一事令尼犯重勝云明將第八事汚尼以尼先犯七故成重言八事者一捉手

二捉衣三入屏處四共立五共語六共行七共期八身相倚頤曰捉手捉衣入屏處共立共語并共行七八共期身相倚如是次第應當知

若以白衣俗服強與衣著者此防巧也謂言服別應不成難但約境淨不論儀服若尼自樂著俗服就上行姪等者景云以心作非淨解故不成難也即如今尼樂著俗女裙衫皆是俗習就此行姪亦非難攝此向約尼自欲行非故非成難又約俗人不知此尼是淨境若是淨境還成難也但壞淨境

不論知淨不淨者景云如實淨壞境作不淨想而汚亦成難攝若汚非淨作淨想不成難也然成汚者必取淨境此是鈔主義言耳諸部意者要心境相應廣有廢立如疏義鈔者羯磨疏云但是具戒何論淨穢陵辱慢重故障出家未備位輕在不問攝故文云汝汚尼不明箇下衆由是具戒望於俗人皆是尊境故若准律中曾姪著袈裟者成難此文通三衆也然文列比丘尼又似備故三律俱無正決斯即不了之文宜用僧祇明判淨穢也如前祇言斯須利人成難等

是也

止名邊罪所收者。俗受五戒。尚自問於遮難。況受大戒而犯一面邊收。

三賊心受戒者。沙彌俗人法。非本位形。濫潛上。又盜聖財。非分妄謂。故名爲賊。障不發戒。故名爲難。世財是其難。盜非難。法財不共。具緣方感。此難由賊妄謂而生。故曰也。立云初掠法財名賊心也。彌問此十三難。直是受戒爲難。所以第三獨名賊心受戒難者。答此實不望今受作難名受戒難。故不須並蓋。是無賊心詐稱大比丘。與今爲難。故獨標之。餘非此類可知。若未出家未受不受戒。已受得戒者。立云未受十戒。直爾剃髮名出家也。謂既爲利養。故若已出家者。及未出家者。此二人皆不得受具也。言已受得等者。此明約師僧先不知其爲利養自剃。則先與具戒。又約彼作沙彌。未經說戒等事故也。言曾經說戒羯磨。已受者滅擯者。此約沙彌時其他作衆法。竟今若與受具已理須擯也。

四分若至一人二人三人衆僧等者。此舉對他乘受

法也。立云若至一人者。謂對他乘衆法對首也。若至二人者。謂對他成三人亦乘衆法也。若至三人者。謂配已成四。若作說戒法。即乘羯磨衆法。若自恣猶是對首也。衆僧所共羯磨等者。即入他衆。僧四人已上。僧中作法也。案云言賊住者。准聖教意。要對他乘衆法成難。今若房中偷看聖教者。非難也。彌云賊心入道者。律文有六句。謂是外道爲飢餓。故見僧得利養。輒自剃髮出家。僧問汝幾夏歲。和上問梨是誰等。盡不知之。因仰白佛。佛制不得與受。總有六句。前二句重大四句。輕六句。者何。一或至一人二人三人及衆僧所共羯磨。共說戒第二句。謂或至一人二人三人及僧所共羯磨。不說戒。此二句。佛言若未出家受具者。不應與出家受具。若已出家受具者。應滅擯。即剃髮。第三句。謂或至一人二人三人及僧所不共羯磨說戒也。第四句。或至一人二人三人所不共羯磨說戒第五句。或至一人二人所不共羯磨說戒第六句。或至一人所不共羯磨說戒。此四句。佛言若未出家受具者。不應與出家受具。若已出家受具。佛言聽不



應滅擯律文如此諸師章疏解不同昔人云以法從人秉法故人有二三及秉羯磨說戒等法六句明賊階降以衆法如盜五錢別法如似方便別法不成賊住此後四句至一二三人所作非不秉法佛判非賊礪不同之破戒不爾如對首說念等豈可下衆是其應秉耶又前二重句至一比丘所二比丘所三比丘所衆僧所至四境所共羯磨等佛判滅擯以得法故卽具二倫^{二法}後四句佛判成受具者以是全不得法但是偷形故是以上四句並言不共羯磨等又前二個重句中但盜衆法對首已去不得言偷衆法心念以往一人所通已卽二豈得共秉心念法耶四人已上餘和合法者謂不秉羯磨如今當頭唱白欲作某事和其衆情也

注云下二不合者前一偷形不偷法故不成難下二卽偷法不偷形及俱偷也

不說聽聞不聞及愚癡等者謂四分律但論往聽說戒羯磨不問解語不解語不成難僧祇要記得初中後語者是難也四分不說記初中後語故曰及愚癡

因緣也記得初中後語者如說戒時說夷是初說吉是後中間可知亦可只約一戒卽有初中後若比丘是初行姪欲法是中不共住是後約羯磨作大德僧聽是初若僧時到日中白如是日後比丘尼如法捨戒更受不得者以尼無開捨之法故名難也

四破内外道者礪云箇餘外道歸正非難故言汝非破内法之外道以不宣云正取破内兼實破外志性不順内外無取鬪亂彼此俱不成辨故文云汝不破二道耶五分云捨内法外道人者不應受戒此直取破内也由信心未著捨正歸邪破於内法卽名爲難檢五分文事起王舍城中有一裸形外道極大聰明來至僧坊言沙門釋子誰敢與我論義者時舍利弗念言此尼健爲國人所宗若以一句義問不能通者必失名聞不歸大法今當與之七日論義乃至論言我當與汝七日論義從初一日至于六日論說餘事皆則結舌謂外道至第七日舍利弗說欲從思想生尼健說欲從對起身子說偈世間諸欲本皆從思想

生思想謂內也。尼健以爲難。曰欲若思想生。而有染著者。比丘惡覺觀。便已失梵行。舍利弗復以偈答。欲非思想生。從對而起者。汝師見衆色云。何不受欲。俱舍第八頌云。世諸妙境。非眞欲。眞欲是人分別生。妙境如本住世間。智者於中已除。欲邪。命外道便詰。尊者舍利子云。若世妙境。非眞欲。欲欲是人分別貪。比丘應名受欲人。起惡分別尋思。故時舍利子反質彼言。若人妙境是眞欲。說欲非人分別貪。汝師應名受欲人。恒觀可喜妙色。故婆沙百七十三亦同。俱舍尼健問此偈。已不能加報。便生善心。欲於佛法中出家。時跋難陀在彼衆中。色類姝長。而舍利形容短小。彼作是念。此短小比丘。智慧若斯。而況堂堂者乎。便求跋難陀以爲和上。受具已。問諸經律。悉不能答。便輕賤佛法。謂諸比丘都無所知。還復外道。舉事白佛。佛言。自今已去。應具十夏。有智慧聽度人。尼乾子者。此外道裸形無衣。以手乞食。常行不住。執爲離繫。佛法毀爲無慚外道也。對僧與沙彌戒等者。疏云。沙彌戒。願末是具法。雖破皆無難。問沙彌雖破。而不成難。

何故毀重同爲邊障。答具分乃殊。同壞本也。若爾尼中兩衆式及沙彌尼。犯後四重。應是障也。答前四限分故。違後四枝條深制。言四月試之。使調柔者。檢四分云。羅閱城中有裸形外道。名布薩。與身子論義。屈故出家。見跋難陀。即念沙門釋子。少知識者。猶智慧。乃爾況多知識者。故多智慧。即從跋難陀出家。受具後。時問義師。不能答。彼即念言。沙門釋子。愚闇無知。即還本道。佛言。自今已去。應具十夏。有智慧聽度人。又四月共住。當與剃髮授十戒。已令至僧中。合掌乞四月試。僧即作二法。與共住。僧應觀彼若聞人說外道不好事。便起瞋恚。猶執外道法。不親比丘者。不得與受具。若聞毀皆外道。便歡喜者。心意調柔。得正決正心。當與受具。戒若准母論。結髮外道事。火外道。此二不試。有業因。故按見論第十六云。若結髮外道事。火外道。不須波利婆沙。何以故此二外道有業信。因果過去。諸佛爲善。隨時波羅蜜。皆於此道學。又云。四月之中。修得四禪。亦不得與受具。是戒要滿四月。若得須陀洹。卽爲受具。

足戒若准長含第四云佛告阿難我涅槃後諸異學梵志來求爲道亦聽出家授具足戒無試四月所以者何彼有異論若山稽留則生本見涅槃後分下卷臨涅槃時還令試驗祇律云與四月法竟在沙彌下食應日日在前毀些外道言信邪見種種毀些若言長老莫作是語彼問亦有賢善須陀洹等應語汝還去彼問求阿羅漢若言實無慚愧作泥梨行願拔濟我滿四月心不動者應與出家若中間得聖卽名試竟

中下餘有
年字

五黃門者黃是中方之色也昔刑其勢號閹人於儉反以衛中禁之門故曰也又解曰昔人賁勝三品已上黃色塗其門上此黃色門之家曾有一人犯過王遣割其根治之後因將此人守宮從初出處作名謂此割根人本從黃色門家而出故修有割者此曰黃門也此不男者雖與人類形微志弱無任道器反增欲染雖進學業終無登趣故曰也

鍵作者應師云居言反通俗文以刀去陰曰鍵也十誦有五稍異此律一從生不能姪二半月能礪云謂

今即抄作男

有時節故三姊者見他姪人已形方勇礪云因他以發他息還停故曰也四他姪於已身分方勇五病朽爛若墮虫瞰前四應擯後一聽住捨戒更來應擯應截不截等者令截心中煩惱不須截身也言猶留卽依篇懺者按四分文佛言若截頭及半吉羅若都截莖偷蘭若去一卵偷蘭若去兩卵應滅壞故知須依上懺也准此明未受具已截終無明教者上來所論約受後截者言之若未受戒前截者諸部無明文述也必須准前勘取餘部爲受者須依上五分中準比丘自截分齊若留一卵既令懺罪仍未滅損今旣沙彌欲受若先都截不得與受必留卽或截小分復有志操應須與受也

六七殺父母者人非化生業寄胎報假彼遺陰以成已體養育恩深理應返報方興逆害禍深障厚故成難也礪疏云唯生身父母是難餘非難也若殺畜生父母非逆以勞不滿故又報卑故實人皆釋云畜爲父母有生身恩無養身恩故曰勞不滿今詳生恩重於養恩故婆沙百一十九云如有女人羯刺藍墮有

餘女人收置身中亦云。餘女收取置產門中後所生子。以誰爲母殺害何者。得無間罪。答前爲生母後爲養母。唯害生母得無間罪。羯刺藍依前生。故諸有所作重譏養母。俱舍十八亦有此文。准此論文。但生非養殺之得逆。故不得生。而非養名勞不滿也。應言勞不滿者。父母於子恩愛情微。畜無智。故名勞不滿。子於父母害心不重。以報劣。故疏中云。又報劣。故是也。高云。但生非養名勞不滿者。今時貴勝若生男女。自不乳哺。唯付乳母。可亦得言勞而不滿。殺應非逆。故今正解。畜生父母殺非逆者。由報卑。故故非逆也。上言羯刺藍者。此云凝滑。父母不淨極相。和今蜜和酪受生。七日如酪。上膏凝結肥滑也。八殺阿羅漢者。此人惑盡德圓。福田應供。反加興害。清淨聖境。同上業重障深。故曰也。立曰殺緣覺及三果。皆非難也。由未極福田。故若汚則成難。又云若殺父羅漢。具得二逆。

難若破羯磨僧不成難也。如調達化五百新學比丘。於伽耶山立邪三寶。唱五法是。四依非令三千世界。禪誦不行。此名破法輪僧也。十出佛身血者。如來四等導化衆生。皆憑出世恩深厚。報義在虔恭。乃與惡心。侵出身血。斯業大重。障我名難。雖由惡心而生。故曰也。惡是惡心。出揀餘好心。如耆婆爲佛治病。好心出血。一劫受天樂。調達惡心。出佛血。一劫入阿鼻。彌問何以出血。獨言惡心者。答爲簡好心。出血不犯。故爾餘則但是邊等。誰問心之善惡。故無所簡。佛久涅槃。依舊文問耳者。彌云。今問難之時。雖難有無通塞。以問無不問有。故聖教一制。並須具問十三也。立至此時。廣引調達出血緣。乃至非空非海中。偈等臨時付口。

十一非人難者。報處卑微。形心非器。由斯障戒。故曰也。五分天子修羅子化爲人來等者。彼律中時有一阿修羅子。厭生老病死。便化爲人形。往僧坊求出家。諸比丘與受具。已食一人分。乃至七人分。食猶故不飽。復食僧殘食。亦復不飽。時王舍城中有二居士。同

日各請五百僧。諸比丘同往一家。唯此化比丘獨至一家。須與食。五百人分盡。居士譏言云。何諸比丘度非人。因此發覺。忽便還本。舉事白佛。佛言。受具時應問汝。是人不等。文中不見天子

律中龍變形來受等者。四分律中波羅奈國有善現龍王。厭離龍身。即變作一年少外道。形往僧坊中求欲出家。諸比丘不觀。輒與出家。受具足戒。已與一比丘同一房住。時彼比丘出外小行。諸龍常法有二事。不離木形。一睡眠。二姪。時龍比丘睡眠。身脹滿於房中。彼比丘還來。以手排房。觸龍身。覺肉異。便高聲唱言。蛇蛇龍。聞喚聲。即覺結跏趺坐。直身正意。繫念在前。比丘即入問言。汝是誰。答言。我是善現龍王。厭離此身。故出家學道耳。比丘白佛。佛言。畜生於我法中。無所長益。若未與出家。受具者。不應與出家。若已出家者。應滅損。脫有高遠俗士等者。欲明公王貴士。今來出家。受戒。忽聞師問。汝非畜生。不言。稍可。惟應方便。引問云。世中多有諸龍等畜生。變作人形來乞戒。佛所不許。汝

今非是耶

十三二形者。凡為道器。要須志節清卓。報殊性定。方能弘道。所作生成。今則形挾兩境。志致懦弱。善惡不成。焉能修道。先得戒者。因生尙失。何況現報。方欲感形。即為障障。因二形而生。故曰也。彌准見論。有三種二形。一能自受胎。令他受胎。二能自受胎。不能令他受胎。三不能自受胎。能令他受胎。俱是難攝也。餘諸門義。廣如羯磨疏述云云。

●命本疏卷上三之一

律中略問十六等者。立謂鈔中。但出十耳。六者謂分父母聽為二。則長得一。病中分五一。癩二。癰疽三。白癩四。乾癩五。癰狂也。勝云。十六者。衣鉢離為二。父母為二。病中取四。為六。言有得不得者。遮中如負債。父母不聽。官人債者。約有還心。父母官人。他國得度等。故曰有得不得。

若不自稱名字等者。彌云。召體曰名。表德為字。據此自稱。須道名。問師。須云字。羯磨疏云。汝字何者。依律中法子生三月孩而名之。年至二十冠而字之。隨義別也。愚謂名字猶如眼目。字義無別。當隨機轉問。並

金剛手原本
不明

金剛手原本

改云名得實錄也。又云若自不稱名者無心欲強抑登壇不稱和上者別有所重和上見輕也。言年不滿足不得戒者志幹成立情標處遠堪持戒品忍共惡言一食進道有功德之益方宜授法年少反上或容退敗制不聽受。

以小小似片事者立云片由推也。指也。此明有人爲受者作留難云汝似瞎似短小父母不聽等見他眼小云汝眼似瞎此既障他犯吉難也。濟云小小似片也謂汝片似瞎似短等也。案律中云片者前後文又言片者極多應是律本錯。鞭痕等者謂杖痕也。其痕痕或高或下故云凸凹。上能結反下爲挾反字范云凸者起也凹者陷也

侏儒者通俗文云侏儒謂矮即極短小人也。十誦云諸問持婦智往行久與非人通生子如象頭馬頭等六群比丘喜作罪。好人不肯住邊見是人等心自思惟畜好弟子皆捨我去當畜是人無捨去者遂度出家。

不名者總結師罪等者謂不名清淨如法受戒也。明上來極老乃至印癡等但是此色不應度若已度亦

名受具但僧得罪耳。又云遣書舉手作相不現前等者立謂遣書令爲我受戒不得也。舉手令爲我受等及受人不現前皆非得戒限也。祇云極者不能語用手作語相不應與出家薩婆多得戒者部別不同。四分若無衣鉢不名受戒借衣准此也。

三爲表異相故內德亦異者立明袈裟名慈悲忍辱服外既披之內心應懷忍辱之德也。

引彼證此文不可和者謂不可引彼多論文證四分文也不得用彼部借衣鉢以乘四分羯磨受二文不同故不可和也。

昔人義准四分和上法中者欲明和上四句中最後一句由知和上犯戒故受不得前三句由不知故得戒。古師准此借衣受戒還作四句初句不知借謂餘人與借也。次句知借不知不應借。次句知不應借不知不得戒。第四句知借知不應借知不得戒。方是不得之限。此是人語終違律文今不依之言必敬佛言再受依法者先受不得重受即得先若得者再受增爲上品也。



父母聽不者。父母恩深情相愛戀。若當輒度。惱亂處重。是以聖制。云。生身所藉。義須盡養。比丘輒度。違情。故制。自來兒等者。景云。長大已。自來作兒也。言養兒者。謂是他生得從少即養也。十誦云。養兒來者可問。養母必出家。剃髮。不白父母。衆僧無犯。善見云。若不度。故我當焚寺。作如是難者。度亦不犯。

負債者。出家少欲。儉節。無爲有債。不還。被。他事捉招。譏。醜。累。損。懷。不。輕。故。不。聽。度。如。者。然。疏。云。良。以。位。居。尊。勝。非。卑。劣。所。及。故。律。文。云。盜。度。致。彼。譏。呵。同。是。奴。衆。彌。云。然。慈。佛。法。必。須。勝。人。崇。集。光。潤。僧。徒。利。益。釋。種。既。有。所。屬。理。無。自。專。爲。他。識。認。辱。累。處。甚。是。故。聖。制。此。中。但。吉。不。應。之。慙。或。有。損。財。之。罪。善。見。若。放。奴。時。云。有。道。心。者。放。無。道。心。者。還。爲。奴。如。是。語。者。不。得。度。准。此。主。自。放。開。度。成。受。逆。奴。不。合。

他與奴自來。奴餘處聽度者。立云。約不計直。故自來奴者。今時樂事等是也。

准奴及兒。彼此通允者。謂自來兒。養兒。他與奴自來奴。此四種不同。主放與不放。但是自來投法者。他國

●插入如字

●原疑武

得度。若主必放。彼此國俱聽。今引出家功德經者。明知主放者。彼此俱得度也。上是不聽。故彼此有得而不得。此既聽者。何簡彼此。其兒奴二若主若父母放者。彼此之國通得。故言允也。問何故自來奴。他與奴。彼國得度。此國不得者。解云。多人所識。後不生恭敬。故後知不遣。亦重者。以佛奴無人作主。故所以知與不知。俱犯重僧奴。准此者。此並是五百問論作斯問答也。官人者。彌云。文勇大將也。羯磨疏云。皆謂勳品已上。流內九等文武員者。恐負天朝。可憂有資餘散任。義不在言。彌引五分云。阿闍世王有一大將。力當千人。時號爲千人力士。厭惡世苦。念欲出家。諸比丘便度與受具。戒王聞。嗔罵。卽立嚴制。若復有度官人。當折和上。勒骨。截阿闍梨。舌。與餘僧。重生革沙。鞭八下。驅出國界。佛因制不得度官人。又祇律中。諸比丘度王臣出家。禁官見已。令捉比丘。送與斷事官。云。此沙門私度王臣。斷事官言。取和上打三勒。折戒師。挽舌出。七衆各與八下鞭。受具者。極法治罪。斷官作此治罰。已將見頻婆王。王問官云。此國中誰是王。答言。大

王是王復問言。若我是王何故不白我而輒治人罪。即勅有司取斷事者奪其官位家中財物沒入官庫。諸比丘舉事白佛。佛制不得王度臣也。

有名有祿有名無祿等者立明。如今臺省州縣現任者是言有名無祿者如勳官及散官是。二國俱而得度有祿無名等者立云。如諸王子及品子雖未作官。已得祿俸。也有云如權檢校官是也。言無名無祿者意云應是被解官人是也。

丈夫等者。丈是極形之量。夫是男子之通稱。如孔夫子九尺餘。亦有一丈者爲大分耳。言建志慕遠者遠怖無上佛果也。言卓然者應師云知角反。卓由越也。亦云高也。

病者上四應得者。一癩二癰疽三白癩四乾癆也。狂中有三者。景云一謂令不覺好惡。二有時覺好惡。有時不覺。三一向覺。初人不得爲受。下一得也。

疥癩須陀洹瘡癩羅漢者。此人惑盡此生業終報故。總集受也。檢育王經見此二事。佛滅度後憂婆塞多比丘與弟子入村乞食。至一旃陀羅家。旃陀羅有子。

中法入何字

得須陀洹身有惡病。一切身體爲虫所食。口氣臭穢。爰多語弟子言。汝觀此小兒。是須陀洹受如此苦。弟子問言。何何業所致。答曰。此人前生出家。衆僧坐禪。其爲維那時。僧中有一羅漢有此惡病。搔刮惡聲。維那語言。虫食汝耶。而作此聲。即牽臂出而語之言。汝入旃陀羅室。時羅漢語維那言。汝當精進莫住生死。受苦時維那即懺悔之。既懺悔。竟得須陀洹果。昔維那今此小兒是也。以罵羅漢及牽其出令入旃陀羅室。今得此報也。言瘡癩羅漢者。即阿育王弟名毗多輪。柯信外道法。不信佛法。極大邪見。入山遊獵。見有仙人五熱炙身行諸苦行。即從禮敬。問云。汝止此久。近答經十二年。又問所食何等。答食草木根結茅爲衣。又問有欲心不。答有。問何以起。故心。答見鹿行欲。故我生心。王弟生疑。如此苦行。尚起欲心。況諸比丘食酪乳著種種衣。而言無欲。還白兄言。勿敬沙門。王欲使弟正信。即作方便。權將國務以付其弟。剋滿七日。當斷汝命。七日之內。恣其欲樂。限期既至。王問七日之間爲樂以不。答憂死。至何所樂哉。王便報言。此

丘之法恒觀無常畏三塗苦思惟十二因緣生死無常出息不保入息云何起欲心況汝七日應有樂者其弟即悟便信三寶王亦語言我本方便令汝生信無心殺汝抱弟啼哭非不能言弟既生信便即出家證羅漢果育王統領國內一切夜叉令收一切外道徒黨及外道畫像收來王所悉令殺之一日之中殺國內十萬八千外道後設見者總集師徒安著一處以火焚之時王勅言若有人得一尼健頭者與金錢一枚王弟羅漢後時得病頭皆發瘡遊行人間至養牛處病來日久頭髮髮爪悉皆長利衣服弊惡時養牛女念言今此尼健來入我舍報夫令殺送與育王取王金錢來羅漢信業所對無得脫處即便受死其人將頭至王所王疑是我弟頭衆人共議皆云是也王乃悶絕良久方蘇諸比丘問憂婆笈多笈多答曰皆昔業故具述本業云

必有亦同邊罪者立明十誦長有此問今四分則無文是省要也謂若不捨戒行非是邊罪後勞致此問也

須臾持汝著高勝處者疏云以遮難既無堪爲道器緣成業具位登僧寶豈卑下哉

寄此以爲陶誘者謂不要須示語衣鉢之名此是將問難寄衣鉢之上作誘引方便也此處卽爲受衣鉢者深云五分文也今於問難前且爲受衣或在衆中戒師受者立云問難前加受也羯磨疏云僧祇在戒師前五跪教受鉢後受三衣白已教乞此異部不同也看疏文意似是教授師爲授衣鉢也於此受衣鉢者卽是出外教授之所也

彼教授師還至僧中如常威儀者立云若出界外問難還來更須和僧若在戒場內問者來不用和也合掌者作肅敬意至心諦聽也

注云教已復坐者卽教授師向本處而坐也

我問諸難事等者恐在屏處有謚是故對衆更問取實也

羯磨衆中而問故不須差更有料簡等者羯磨云若言衆中而問不須差者自恣五德亦是對衆作法問答何以要差答但是聖人立法不同耳羯磨疏云戒

師在衆不須差者。五百結集亦是在衆問答。何以須差。答結集爲僧事。大眾情非一。故須定人。誰問誰答。所以須差。今此戒師是爲別人。請師已定。故不須差。無有前緣者。謂律中但問諸難。無有將三衣示名慰喻之緣。相傳行此事耳。善男子。聽今是真誠時者。礪云誠由實也。謂是法身生時。故言真誠時。以前俗生非真誠時也。故受戒事重。不容虛謬。故言實當言實等也。汝若不實答。便欺誑天人。亦欺如來等者。羯磨疏云。以戒法所通下。被上違非緣而受。體是乖儀。欺妄之深。乃通遍也。

注云並隨有無具等者。夫欲受戒。本爲成道。因緣至於問答。遮難皆須據實。若更虛誑。深招罪辜。非現誑師。僧自亦受戒不得也。上來十段不同。總釋第一緣起方便門義。竟大段第二正明受體。

若至此時等者。立明上來能受所對及十種法。並是受前方便。未是發戒之體。此下正明所秉聖教。發其業體。

但深戒上善者。慈云戒根深固。曰深戒。佛菩薩等同。

十五

有此戒。故曰上善。立云當來發佛果菩提。名上善也。令正法久住者。疏云有威德也。言泥洹者。卽是涅槃也。三解脱者。空解脫。無相無願也。三聚者。攝律儀。攝善饒益。有情等發。如是心名爲上品也。

故論云。若此戒法有形色等者。此是多論也。羯磨疏引多論證者。是正歟也。凡愚智淺。何能生智。自非久學。示誨。猶暗此之戒法。出家本務。素非懷大。定難容納。深有致矣。今爲汝羯磨聖法。乃至善法。注汝身心者。疏云此明聖法假緣緣成法。備无正報也。

大德僧聽此某甲從某甲求受具足戒等者。此羯磨文前通辨羯磨篇中已解。竟事既是大。今復重更釋之。令學者取解也。初白云大德僧聽者。謂告衆勅聽令動發耳。識應僧同法也。二此某甲者。牒前問云汝字何等也。從某甲求受具足戒者。此牒前問和上字誰文也。此下牒某緣并情事。謂從某甲求具足戒者。牒緣也。謂和上是得戒之緣。故律云若無和上及和上犯戒。及不現前。不名受具也。從此某甲今從衆僧乞受具足戒者。牒前三說乞戒文。此牒某情也。如前

各持論并

乞辭中有此言訖今牒此乞詞入羯磨乞辭則是其情也。從某甲自說清淨無諸難事者。此牒前問十三難事文也。年滿二十者。牒前問時汝年滿二十未也。三衣鉢具者。此正牒其事。三若僧時到僧忍聽者。此謂僧和集勿事乖違。願僧同忍也。四僧今授某甲具足戒某甲為和上者。重牒第二句根本白意。決判成就忍可為事也。但重牒其根本不牒其情也。五白如是者。表衆令知也。

莫令心沉舉當用心承仰等者。沉謂睡定等舉謂攀緣覺觀憶想世事也。

大德僧聽者。告衆重聽事。既非小諦緣證相也。二此某甲下至誰諸長老忍同前白中第二句之意。辨牒緣及以根本。謂今僧與某甲具足戒量其可不故誰諸長老忍也。三僧今與某甲受具足戒某甲為和上。諸不忍者。說此前重牒白中第四句單牒根本之緣。不牒情事。決判成就也。上言第二第三亦如是者。一則事不成辦多則法有謬非軌。今定限至於此僧已忍下是結勸文。非羯磨體也。

問僧成就不等者。若作羯磨竟不問成就者。犯吉羅也。

直依此語不同上廣等者。若更廣著致受者。生慢師僧復疲怠也。慈濟前生者。指受者為前生也。言如是持已者。已由止也。已下明受人多少記時節及安居方法早晚等義也。

善見受戒已立取腳隨身量影等者。立云如今時齊時量影也。立身於日中量身影有幾脚也。言示春冬時者。立云其受後要為說佛法中唯有三時不同。此俗中有四時謂春夏秋冬等也。言衆數多少者。立云隨數多少待受後一時說相也。言四依者。人法事廣如上序釋其義。竟四重之義如常耳。

不必戒師者。夫說相之法。餘人並得不要和上及羯磨師也。

此新受戒人相同界外等者。此問意云教授師出外間難迴來重更和僧。今此受者亦相是外來何不重和答當處新起者。在此壇上成大比丘。故曰新起已下明說相為緣起。

且制四根本等者。立謂先未制前有受戒者。從壇場出。還在師後行道。逢故二。故二問云。汝何處來。答言。我出家受具來。因即數共行。非後師問言。汝何處來。具答上事。和上呵云。汝出去。汝今非復比丘弟子。恚言。何不早語我耶。因是佛制。先爲說四重。准十誦。則更說十三殘也。

可准下流耶者。謂中根人。須聖上學。豈可准下流也。當餘處學爲長。沙門果者。爲和上年事及命終故。闕教誡也。沙門者。息心達本。原故號爲沙門也。

已下明爲受衣鉢等事。應令將捨作吉羅懺者。問沙彌犯長得吉。今比丘何不犯提解云。其身雖轉。罪體不轉。故依本吉懺。

已下明六念法。六念者。彌云於此六法。繫心不忘。稱之爲念念體。無六隨緣。有六於六生念。故言六念。資云隨緣有六。六爲所緣。念爲能緣也。若准彌疏。諸門分別。今不復出。直言防罪者。通而言之。六皆防吉。以不作念。各犯吉故。若論別防者。初念防二。吉一。爲俗間日月。不知二。知去布薩說戒日時節等。二念防一。

小
新
下
疑
疑
子

提一吉。謂背前家提背後家吉。三念防夷。如見論自長已夏。受施犯盜。四念防長衣。闌不淨等。提三衣。不具吉。五念防別衆提。及破僧闌違僧三。謙殘違屏。謙提六念。防提舍尼。爲知病不病。闌若安坐受食及尼食等也。其第二念。彌云此念須三遍誦。防罪多。故謂根本。不念一吉。背前家向後家提背後向前吉。今不同之上來都料。簡罪竟。既有六念不同。今即是初。此則道俗通知爲尤者。立明答俗人時。但云正月某日。不云黑白。亦得也。濟云。白月是白銀之精。黑月是瑠璃之精。月形如圓。殊半分。黑白從初一日至十五日。白增黑減。故曰白月。十六日已去至三十日。黑增白減。故曰黑月也。

若全不受請者。謂有三色人。全不受請。謂是不受別請人也。若受請者。即第二受別請人也。若有請者。即第有多請人。聽許捨請也。

知受時。夏臘等者。應師云。風俗通曰。漢曰臘臘。由獵也。取禽祭先祖也。此即歲終祭神之名也。經律言臘。即歲義也。或云臘者。接也。新交接故曰也。深云。如國

家歲末放百官遊獵者爲一歲之終。天地太平。五穀豐登。取歲終之月曰臘月也。卽以此月獵禽獸祭七廟。此食名爲臘食。似以此義明諸比丘一夏有功。五事實勞。義同臘食。故曰夏臘等也。

善見佛度比丘至八事隨身者。檢善見論中善來比丘者。有白衣來詣佛所欲求出家。如來卽觀其根緣具足。應可度者。便喚善來。故鬚髮自墮而成比丘。謂佛出黃金色手。以梵音喚善來比丘於我法中快修梵行。速盡苦源。佛語未竟。便成比丘。得具足戒。三衣及瓦鉢。貫著左肩。上鉢色如青鬱波羅華袈裟。鮮明如赤蓮花針縫。斧子澆水囊皆悉備具。此八種物是出家人之所常用。自然而用。威儀具足。此卽佛爲和上。亦是戒師也。如來從初得道乃至涅槃。善來比丘其數有一千三百四十一人。唯佛自度餘三歸上法羯磨其數無邊。

爲比丘與外道相謠。佛令問何時月和上者。立明外道偷人佛法中謠其僧衆。應問何時受戒。若稱秋時者。卽知是外道。以佛法中唯之三時故異。外俗

人也。故心疏云。所以列春夏冬三時。又黑白月者。以道俗位殊。時數亦改。故也。俗則年有四時。道則歲唯三位。略分於秋分故也。然三時之始。冬則在初表無常也。令有心者觀時入道。不容非逸也。

受戒已抄出與之者。如受戒竟各付六念等是也。上來總釋初受戒緣集門義竟。

二明捨戒者。從初訖此總明受緣恐有難緣。大聖開捨受捨翻對。故次明之。准首疏云。昔人云。淫戒久習事難卒捨。又不障初果。故開捨戒得爲此事。殺盜不爾。學悔亦然。今解不然。義該一切。所以知學悔通者。下增四文。若比丘比丘尼若未犯波羅夷終不犯若見都無覆藏心。如法懺悔也。彌云。准雜心論有四種捨。謂作法及命終斷善二形。生作法捨者。違本期故。命終捨者。所依不住。故斷善根者失本依。故二形者依止別異故也。有人云。邪見者乃至拔一髮亦着黃衣。亦准此。彌問。凡言捨戒爲捨已生戒善爲因。義邊爲捨無作戒體。答已生戒善爲因。感果必然。不捨但捨無作戒體。本受要期一形無作任運相續。今心厭

捨使無作不相續起名為捨戒以理為言一者戒法
二者戒業若論捨戒捨戒不捨業為因義成故若論
得果捨業不失法果與因謝故問不捨已生善懺悔
解義不應除彼已起之惡答善順理生惡違理起順
理力强已生不捨違理力劣故可懺除准律文中捨
法有十九律文姪戒具有明文今為頌云捨三寶二
師同梵戒律學受家人塞闕外子非沙門上兩句厭下捨
句新心疏云增一中僧伽摩比丘七反降魔後更受
戒得羅漢果自今捨戒聽齊七反若過非法賢云謂
降煩惱魔也由被煩惱逼故捨戒也高云為煩惱逼
七反捨戒乃是被魔降何成降魔今亦可約七迴受
戒名為降魔也
尼無捨戒法者十誦云尼無捨戒轉為男子者亦得
出家
為來去無障者立謂初來投佛出家是來如法後聽
捨戒還家不帶罪累是去如法無障也令在俗無過
不生譏醜者立云若不捨戒在俗行非招俗人譏責
也今既許捨是在俗無過義也有人云容得為下一

衆故言也上釋八篇已竟

四分律鈔批卷第五本

四分律鈔批卷第五末

江東杭州華嚴寺沙門 大覺 撰

○師資相攝篇第九

上來雖受聖法領納在心但新學之者未解護持觸
事生迷要帶師匠諮受法訓由成已益若不法食兩
攝慧命何存無人誨喻災即作惡臨危事險莫過於
此是故大聖制令五歲依師修學則法身慧命必有
所歸故於受後立此篇也禰云新受戒人創未閑曉
隨師諮稟以成已益輒離師去不蒙訓獎抱迷自滯
違教慙深言師資者玉篇云教人曰師鄭玄云教人
以道曰師也應師云師資謂徒也資者用也又云取
也老子云善人不善人之師不善人善人之資資如
資財也立云師者父也主也亦云匠也謂匠物也資
者廣正云資由用也謂弟子取法於師也又資者與

也此資字兩向用通於師弟也。謂師能教據法相使。行解增固。即是與義弟子能依教修行。即是取義師。以法食相攝弟子。以恭敬侍養交互資益。故言相攝。今若直解以法訓誨於人名師。取受法訓曰資。言相攝者約下文共行法互相訓誨。故曰相攝也。此解亦好

佛法增益廣大等者。此是律文語鈔引爲此序首。彌云佛法增益廣大者。謂以教誡故不壞法身相瞻待。故不損道器。故言久住增益廣大。言師徒相攝者。應師云徒者類也。莊子云孔子之徒。司馬彪曰徒謂弟子也。言寔由者。謂以由師徒相攝。故使佛法久住增長。名爲廣大。若無師徒展轉行之利益。佛法則減。名不廣大也。言相攝者。羯磨疏云師有攝護之勤。資有奉遵之志。故曰相攝也。互相教遇等者。爾正云敦謂相勸勉也。亦是信也。慈云敦亦是努力義。謂互相勸勵以力其心也。遇者如兩人相遇共相勸勉。欲明師弟相依如遇有共行法各相率勵進修道業也。言財法兩濟者。立明財謂攝以衣食法謂示以教訓。然非但師以二事教弟子。弟子亦以二事勸喻師也。若

多於疑故
互疑亦

互疑即下

無衣食則乃報恩供養。下文有共行法是也。如均提沙彌爲報師恩。不受大戒。故賢愚第十六云。尊者舍利弗晝夜三時天眼觀世。應度度之。爾時有諸商人共將一狗至於中路。衆買。願息狗便盜取。衆買人肉於時衆人便互打狗棄置空野。於之而去。身子天眼遙見。以食施與。互爲解說微妙之法。命終生舍衛國婆羅門家。字曰均提。至年七歲。付舍利弗令使出家。修道得羅漢果。自以智力觀過去世作一餓狗。蒙我和上舍利弗恩。今當盡身供給。所須示作沙彌。不受戒也。行久德固等者。謂行德堅牢。故曰久固也。言皆賴斯者。賴由蒙也。指師弟相攝爲斯也。謂行德堅牢。蒙師之力也。

比立教陵遲等者。立明玄由妙也。謂玄妙教法陵遲者。由無師弟相攝故也。陵遲者非疾盛之義。有云陵者上也。遲者不進也。如人欲陵空高難得昇。前謂之陵遲。欲明末代佛法難得流布。喻之陵遲也。言慧風掩扇者。自意云夫言風者是扇動之義。若無風時。有是不扇也。今佛教於此。人不行互。是無有慧風。故言

掩扇也。俗懷侮慢等者。立謂侮由輕也。此明習俗來久。直懷凡俗之情。輕慢教綱。陵蔑師僧也。言道出非法者。立明道由人。弘人既非。法道欠隨滅。放論語云。人能弘道。非道弘人。弘是大也。道在人身。即斯義也。謂如出家僧尼不遵教行。故曰道出非法也。並由師無率誘等者。此下却結上文也。云上來慧風掩扇。玄教遲陵。道出非法者。由師資之過。無其攝誘弟子。無遵奉致也。言率者。應師云。所律謂將領行也。率導引也。二彼相捨等者。師捨弟子。弟子捨師。名為二彼也。師無法食攝弟子。弟子不能承奉法訓。故曰相捨也。言妄流鄙者。廣正云。鄙者羞耻也。亦云陋也。欲明師弟既相捨。致廣造衆罪。多入尼寺酒店。是鄙境界也。欲令光道焉。可得乎者。立明上來如此師弟都無承序。何能住持佛法。光揚道化。必無斯事故。曰焉可得乎。

亦有字原本不明或似篇字
授以安危之方者。新受觸事生迷。臨其罪坑。猶如履危。今師以法相濟。有安其危也。令其二持須取二犯。須捨攝誘訓之。即是方義。方由法也。有人云。今此篇授其師徒相攝之儀軌。正法則不復傾危。永安於千歲也。自意云。從前故拯已下。生起今篇來意也。言幸者。願也。亦訓為寵也。上釋序義已竟。

此無正翻者。此方先無此類。不知何翻。若如水火。彼此俱有呼名。雖異可得對翻。今言力生正行者。此約義翻也。無罪見罪等者。此明弟子雖依教修行。外望似若清淨無罪。而師細檢見其有罪。故曰也。以其無罪中強見罪。故呵責也。檢見論中。佛滅百年有阿育王登位。已來三年。唯事外道。至四年乃信佛法。王於後時設外道及婆羅門食。王於殿上遙見此二衆左右顧視。都無法用。命訖驅出。又於殿上遙見一沙彌名曰瞿陀。從殿前過。行步平正。威儀具足。王念此人屈申俯仰。威儀庠序。當有聖法。信心歡喜。即遣三臣往喚沙彌。王即與食。食竟。為王說法。王聞法歡喜。白沙彌曰。我欲供養珍寶。沙彌曰。善哉。我當迴與師王問。

師是誰耶。答曰：無罪見罪呵責是名我師。復問：何名闍梨。答云：共修善法中教授令知是我闍梨。論傳云：者檢善見論第七卷云：和上者外國語。漢言知有罪知無罪是名和上。四分律弟子呵責和上中亦同者。濟云律中言我如法和上不知我非法和上不知我犯罪和上亦不知據此文與上見論知有罪知無罪其義是同。故曰亦也。疊波陀呵等者此梵音稍訛准羯磨疏云中梵本音鄔波駄耶唐言譯之名爲依學。依附此人學出道故自古翻譯多雜蕃胡。胡傳天語不得聲實故有訛僻。轉云和上如昔人解和中最上此逐字釋不知音本人又解云此翻力生。生弟子力假聖生成得其遠意失其近語。眞諦所明了論疏則云疊波陀呵稍近梵音。猶乖聲論余親參譯委問本音鄔波駄耶此應正也。隨朝彥琮云都波第耶聲相近也。相傳云和上爲力生者。案云此是雲律師解也。闍梨爲正行者。羯磨疏云本隨傳出亦訛略也。如梵正音阿遮梨耶。唐翻教授師彥琮譯云阿遮利夜聲相近也。外道亦號師爲和上者立明一切九十六種

外道皆喚師爲和上非唯佛法爾也

言解從我生者亦云戒從我生名之爲子。有人云若言戒從我生者局對和上可得言戒從我生。若其餘依止闍梨受業闍梨但得言解從我生。又解弟子事師如世人弟之事兄子之事父。故曰弟子也。又解依止闍梨亦得稱戒從我生。謂戒有二種一者受戒二隨戒。依止闍梨雖不能生受戒則終身教授能生隨戒亦得云戒從我生也。

尸迦羅越等者此經從人作名也。佛在耆闍崛山時有長者子字尸迦羅越早起嚴頭洗浴著妙好衣。向東西南北上下六時各禮四拜。佛入城乞食遙見往問何爲六面作禮。此應何法。彼答言父在教我如此。不知應何法。今父已亡不敢違之。佛言父教汝持六意拜不以身拜也。佛卽爲說如別抄之。

能令正法便得久住等者以有尊重方令正法增益廣大。反此法卽滅也。上明師弟名相義竟。

得不依止八人者四分六人十論一人五分一人是爲八人也。

一樂靜者謂弟子欲坐禪隱山等故曰樂靜也。二守護住處者如一方伽藍無其知法比丘要假此弟子住持若去僧物即破落損耗今爲守護雖無依止佛亦開也。三有病者謂有既有病不能依他。

若恐餓死當於日日見和上者律云佛在舍衛國爾時飢餓乏食有一比丘未滿五歲應受依止到親里家四五日住已辭別欲去親里問言何以故去答言我須依止故親里言大德今時飢餓或當飢餓何用依止諸比丘不知云何是事曰佛言若飢餓時可日日見和上處聽住日日來若日日不得來者可至五日若五日不得來者布薩時應來若布薩不得來乃至二由旬半自恣時應來見和上言二由旬半者明其聽離和上兩由旬半處安居夏竟應來請教誡也心生依止如師法而住者此但免不依之罪然不成依止法須知

二須依止十人者四分八人第九與十五十誦文也四和上捨畜衆者立明無問僧尼若欲度沙彌授人大戒時要從僧乞畜衆僧應量議堪者與白二羯磨

開其畜衆今此和上雖先得法今捨之不畜衆自樂坐禪等弟子須依於別人也。六弟子不樂住處更求勝緣者此弟子不樂住此和上目下更欲尋好師勝於和上者

此約行教明之者立云且約行教明若約化教佛亦有師所謂法也僧祇不善知毗尼者檢祇文若比丘尼不善知法不善毗尼不善自立不能立他如是比丘盡形依止鈔文准三欠一志非貞正者立明此人唯見犯即讎且云是知然既數犯數讎不善專精不犯故還須依也以非貞正故數犯多讎若是貞正即能專精護持而不犯也

前之七人等者此語上十種人雖通須依止今料簡須依之義就中十前七是未滿五夏故須後三雖過五夏以無知故須依止也言要德行兼備者礪問德與行何異答行謂始修方便德據終成滿足要德行俱備方聽離於依止五夏失依止約教相而言者景云謂住處無勝已者若取免依止者乃至五分法身方離也謂此約教相中五歲有智慧離若論行体未

合離也下文五分法身成立方許離也

言五分法身者防非止惡爲戒靜慮息心日定觀照空有曰慧累盡惡亡曰解脫於自解脫處了了識知解脫知見也更通諸教佛亦有師等者謂通化教等文也上釋應法義竟

二明依止正行者礪云依者憑也止者住也故曰依止七種共行法者謂師弟互行名爲共行七法頌云不作令僧解悔殘及瞞病移處與除疑捨惡并將護二三種別行法等者一者白事離過二受法資身三報恩供養至下廣釋其義也

若惡見生者謂是邪見撥無因果此見是惡故曰惡見應令捨此邪見住正見故言住善見增戒學等者律云云何增戒學若比丘具足持波羅提木又戒成就威儀畏慎輕戒重若金剛等學諸戒是名增戒學何等增心學若比丘能捨惡乃至得入第四禪是名增心學何等增慧學若比丘如實知苦諦知集滅道是名增慧學首疏云增戒學者始於外凡專加護持悟達生空理解資成戒品牢固踰勝於前故曰

增戒學曰現理靜質云七方便中後四善根人名四現忍也絕去紛動定品成就之始故曰增心學入無相已去證真空無漏質云入見道也卽初果人故曰入見無相已去決定明白故曰增慧學雜含云若比丘住波羅提木又具足威儀見微細罪則生怖畏受持學戒是名增上戒學若比丘離惡不善法有覺有觀離生喜樂初禪具足住乃至第四禪具足住是名增上慧學若比丘此苦聖諦如實知之集滅道聖諦如實知之是名增上慧學也言增心學者此是定學定是調心之故曰心學耳寶問曰此言增戒學心學慧學等然戒則有有漏木又四靜慮戒道共戒定則有有漏定無漏定世禪出世禪等慧亦有有漏慧無漏慧報得慧從聞生慧從思生慧從修生慧既此差殊今所修者是何等戒何等定何等慧答如上汎列多種皆須學之若尅體而言經律論中據漸次修初木又戒以爲戒學也定取根本四靜慮定以爲定學也慧取無漏慧入見道等以爲慧學誦經可知上來釋法護義竟下明衣食護若依止師當持衣鉢

金鈔弟子
二字

出界一宿者。立明出界一宿。卽失下二法。迴來得請別人爲依止。若不出界。直請餘人。則不成。能除弟子食等三毒者。檢祇云。謂依止師。能爲弟子善說法。除貪欲。嗔恚。愚癡。如是師者。最上最勝。喻如從乳得酪。從酪得酥。從酥得醍醐。醍醐最上最勝也。

上釋七種共行義。竟從此已下。正明三種別行之法也。三種交絡等者。此是四分說戒。毘度文也。四位作之初。一如二非爲位次。二如一非爲位次。三種俱非爲位次。三種俱如爲位。初用伴如去處。營事非二去處。如伴事非三事。如伴處非四伴處。如事非五處。事如伴非六事。伴如處非七俱非八俱。如唯後一句得去。前七不得。律文少第六句。處非餘二如句也。疏判律中略少也。高云。非少道理。合無以其伴如事。如豈可往非法之處。

非時白中亦爾者。立謂今日和上。同非時白也。唯除大德一心念耳。應云。至某城某聚落某甲舍等。法事會坐等者。十誦云。小比丘辭和上。闍梨欲進行。和上闍梨應問。汝伴是誰。則答伴名字。若是伴比丘。不知

布薩。不知布薩羯磨。不知說波羅提木叉。不知會座者。和上應留言。會座法者。月六齋日。謂八日。十四日。十五日。二十三日。二十九日。三十日。於是日。無病比丘。應和合一處說法。若外道來論義。比丘應如法難詰。降伏莫嗔惡口。是名會座法。濟云。會座者。謂是設會處之座。卽設供食處也。

若爲初者。字林云。女珍反。初者。案也有剃髮師來等者。檢祇云。若和上闍梨入聚落。後剃髮人來欲剃髮者。應白餘長老比丘。我欲剃髮。師後還應更白。師言白。餘長老者。非白所對剃髮人也。若看文中意。爲他剃髮。受他剃髮。同然。從此已下。明弟子布施法也。當通白欲作染衣事者。語事則統食如燒火取水薪。皆是染衣之事故。曰通也。更須一一白耳。能自建立故者。非但自立亦能立他也。

已下正明二師攝受法。一依止意者。新受戒者。創入佛法等。苦禪云。新受戒人。關於前塚猶如嬰兒。若不教授乳養心。神法身難以成立。須依有德。憑人取訓。故律言。新受戒比丘。無人教授。不案威儀。乞食不如。

法處處受不淨食於大食小食上高聲大喚如婆羅門聚會法等云云。法身慧命將何所託者。濟云。凡夫依識聖人依智。智即慧也。故智爲命耳。律中開洗足飲水者。立明佛在日時有一比丘至處不暇飲水。卽謂依止極理疲困。因此白佛。佛開洗足飲水也。

五百問云。若不依止飲水食飯等。日日犯盜者。景云。非謂直爾犯盜。由不依止無人教誡。故失法受用。僧臥具損壞。就此結盜。不以不依止故。直犯盜也。立云。以不識教相違犯戒。行是破戒人。不合受僧利養事。同犯盜。故下第二十對施與治篇云。破戒受施如賊偷得。卽其義也。若經十夏不誦戒罪。同不依止者。謂同前日日犯盜也。

一出家闍梨者。卽是剃髮師也。五依止闍梨者。此依止闍梨要限十夏。與上四个小不同。上四五夏卽得也和上等等者。立謂此是與和上年歲同也。則不合同床坐。俗云。倍年已上則父事之。卽其義也。除依止者。謂依止替和上處事。同和上要。多已十歲不得同前四種闍梨。故曰除也。

得名何損者。謂未滿五夏亦得名闍梨也。引九夏和上明受得戒。我今闍梨雖未五夏。喚爲闍梨。亦何所妨損也。

眷屬復何似等者。將其門徒爲眷屬也。言若都無者。然後依止者。此謂無上來訟諍等方得。請爲依止師也。成就五法者。謂師具此五法。方得請之。

二恭敬者。謂師性謙下。甚能恭敬於他人也。五樂住者。立謂若馳騁遊行。不堪依之。要常一處住者。方始堪耳。濟云。樂住。注。謂有法食弟子依之修學。法身成立。故云樂住。

長益沙門果等者。謂師能教弟子習學三藏。速證四果也。賓云。極少亦須三生持戒。或言七生持戒。不犯方證初果。今有人持戒未行成熟。不以爲難者。皆由宿習慣習故也。若大羅漢如身子目連等。要經六十小劫修行。方得證聞上首。若修菩薩行。證大菩提。要經三大阿僧祇劫。方獲佛果也。言破戒見威儀者。此明所破戒及以六十二見。破其正見等。不合依附爲師也。因二歲比丘將一歲弟子等者。四分律中有婆先

比丘二歲將一歲弟子往世尊所佛知而故問此是何等比丘。婆先答言是我弟子。佛問汝今幾歲。答言二歲。復問弟子幾歲。答言一歲。世尊即無數呵責已。語言汝身由未斷乳。應受人教授。云何教授人耶。因此制滿十歲有智慧者。聽授人具戒也。五百問其師無非法事。誘將弟子犯重等者。景云此舉損供給力。用計滿五犯重也。言因說老病比丘死緣者。檢五百問云昔有一老比丘。唯有一沙彌。被人誘去。無人看視。不久命終。因此制戒不得誘他。沙彌誘者即犯重也。

二部律者立明僧尼二部律也

四明請師法由和上命終者。舉喻如新生小兒交須乳哺。忽喪其親。須求乳母。今和上既死。合依他人義同乳母也。

五師攝受法大同前法者。謂同前和上法中也。

日別三時教三藏者。五明請教授儀式者。十人二十人同時禮師已互跪一人說詞云尊憶念弟子某甲等。朝請教誡。願尊指授慈愍。故一說師即廣示教。

相竟最後應語言親近善知識。遠離惡緣。伴精勤行道。謹慎莫放逸。弟子答言頂戴持陰界入義者。謂五陰十八界十二入也。五陰即名色屬衆生身也。十八界者外六塵內六根中間分別名六識。即見聞嗅嘗觸知三六成十八也。十二入者約六塵入於六根也。有時言六入者。單就一邊明之。能所雙顯。故有十二也。若受經時共誦時坐禪時。即名教授者。此約與弟子同誦時。弟子或不能便問和上。即當教誡也。今聽講禪乃至成繁重者。立明齋者。齊也。此舉師弟同時齊共聽講。還來不須別教誡也。恐事成繁。故或同共坐禪者。亦爾。不行不誦。徒設何益者。立明上來過成繁重等人。必不依行。何須如此虛設。誦也。下座獨已。肅然者。欲明春末夏初。兩京此時多有受戒。初在壇場。事如師弟及至事訖。下座還房。師弟相捨。蕭然各別也。又解獨取上座一人爲和上。不論有德。其下座縱有德行。無人授請。故曰獨已。肅然此則元無兩攝等者。慈云約師弟彼此無兩攝也。亦可受得戒已。即去師無財法兩攝也。言略同野馬者。莊子

●云疑已

云謂塵埃也。乃是遊氣似有而難取。喻壇場受戒時。似是師弟之相。受後相捨。師義不可取也。受同陽燄者。謂盡底而言。則同陽燄也。也如熟時之饑。似水而無實。喻受時師弟壇場與法。似是相攝。受後也去。更不相知。事同陽燄。求水不可得。求此師弟。義亦不可得也。

若比丘於大師所者。大師謂和上也。敬重下。意義亦可知。

●云疑去

不得以小事留弟子住者。謂弟子欲向餘方學集勝業。不得為小事留之。若賊抄掠等者。立明弟子被賊抄云者。師須覓錢贖和。喻將還若劫取將還。師犯重也。若弟子自偷身出。賊所無犯。且如今時弟子。忽遭災難。彼禁黃沙。師須為計求脫。不者結罪。

已下明老弟子法。不受註云。不如說行與下文反戾。師教少異。欄問此難與語。勿前文不受教句。何異答難與語者。謂師教誨一向。抵拒前不受教者。謂受師語已後。則不如說行。是以有別。

好往看龜鼈者。質云。多散亂人。卽樂看之。卽廢修道。

故應呵之。若准下增五文云。不得往捕魚鼈人家。卽是惡律儀家招議故呵也。

善戒經乃至重於屠兒者。檢善生經云。佛語善生長者云。寧受惡戒。一日中斷無量命根。終不養畜弊惡弟子。不能調伏。何以故。是惡律儀。殃齊自身。畜惡弟子。不能教誨。乃令無量衆生作惡。誘無量善妙之法。壞和合。令多衆生作五無間。是故劇於惡律儀罪。也。立云屠兒不壞正法。不斷佛種。如鴛掘摩殺千人。已後見佛得道。畜惡弟子。不教誨者。壞正法輪。僧寶斷絕。死入惡道。可知。後墮龍中等者。檢五百問云。昔迦葉佛時。有一比丘度弟子。多作非法。命終生龍中。龍法七日。一受對受對之時。火燒其身。肉盡骨在。尋後平復。復則更燒。不能堪苦。便自思惟。我當何罪。致如此苦。便觀宿命。自見本是沙門。不持禁戒。師亦不教。便作毒念。嗔其本師。念欲傷害。後會其師。與五百商人乘船渡海。龍便出水。捉其船頭。衆人卽問言。汝是何人。答云。我是龍。問汝何以捉船。答云。若下此比丘放汝。使去。問此比丘何預汝事。答云。本是我師。不

●本文無受對之三字

●本文無作

●本文無字

教誡我。我今受苦。痛衆人事不獲已。便欲擲著水中。比丘言。我自入水。即便投水命終。

爲具五過。方呵等者。首疏云。如上一無所二無愧三不受教四非威儀五不恭敬。上已問竟。

下正明答其義如何。雜含年少比丘。不閑法律等者。檢彼經云。佛在毗舍離國時。有衆多比丘。入城乞食。中有年少比丘。出家未久。不閑法律。乞食之時。不知先後次第。餘比丘。見以理相語。汝等年少出家未久。不知法律。前後無次而行乞食者。長夜嘗得不饒益。苦如是再三相語。不能令止時。諸比丘。食已還來白佛。具陳此事。佛告諸比丘。如空澤中有大湖水。有大龍象。而於澤中。拔其藕根。洗去泥土。然後食已。身體肥悅。多力安樂。時有異族小象。形跡羸小。効彼龍象。拔其藕根。洗不能淨。合泥土食之。不消。體不肥悅。轉就羸弱。緣斯致死。或同死苦。如是宿德比丘。學道日久。不樂姪戲。久修梵行。大師所教。依止城邑。聚落乞食。善護身口。善攝諸根。專心繫念。能生物信。若得財利。衣被飲食。心不染著。不貪不嗜。不迷不逸。見其

卷之三

過患。見其出離。然後食之。食已。身心悅懌。得色得力。以是因緣。常得安樂。彼年少比丘。出家未久。未閑法律。依於聚落。著衣持鉢。入村乞食。不善護身。不守根門。不專繫念。不能令彼不信者信。信者不變。若得財利。衣被飲食。四事供養。染著貪食。遂不見過患。不見出離。以嗜欲心。食不能令力悅懌。安隱快樂。緣斯食故。轉向於死。或同死苦。所言死者。謂捨戒還俗。失正法律。言或同死苦者。謂犯正法律。不識罪相。不知除罪。故曰也。佛卽說偈言。

龍象拔藕根 水洗而食之 異族象効彼

合泥而食之 因雜泥食故 羸病遂致死

上言貪迷縱逸者。慈云。約六根所緣色聲香味等。縱放等逸也。

火從內發。先自焚身者。濟云。內起瞋心。名爲火發。能燒自家功德。故曰先自焚身。今時縱瞋心。以害前人。卽是食而噉人。先汙其口。依出道清過者。有人云。師依出離之道。清其前過也。立謂依聖教之道。呵責令其弟子清淨。無非法之過。故曰清過也。

註由過極重者非但犯過是重。或雖是犯輕而情處是重亦須此治也。言汝去者出界外也。菩薩得淨心地得無分別智者深云七地已上方得無分別智名淨心也。

引淨度經三百福罰者謂彼經云重罪打三百下中罪打二百下罪打一百皆明打比丘

乃至畜生不得杖撻者濟云今時乘驢馬者騎他背上已是非法更復打他大劇無慈也。

上犯罰黜者應師云黜勅律由去也退也立明如今

臺官有犯退爲外洲遂尉名爲黜明今犯過擯出衆外不得同住義同黜退如地持抄云云

罪同出萬億佛身血等者大集經月藏分云時憍陳如問佛若有爲佛制髮著袈裟被衣不受禁戒或受而犯毀惱亂罵辱打縛此者得幾許罪佛言止止莫問此事時梵天王即起白佛願爲說之佛即答言我今爲略說若有人於萬億佛所出其身血是人得罪寧爲多不梵王言若人但出一佛身血得無問罪墮阿鼻大地獄何況出萬億佛身血佛言若有惱亂罵

持字誤刪

所經無

疑第二字

辱打縛著袈裟不受戒或犯戒者罪多於彼此人雖無戒破戒猶能爲諸天人示涅槃道是人便已於三寶中心得敬信勝於一切九十五種外道勝於一切不出家人若有國王大臣諸斷事者見有於我法中而出家者作大罪業姪盜殺妄但當如法擯出國界不聽在寺不同僧事不同僧利終不得鞭打亦不得口業罵辱若有違法而謫罰者是入於道退落遠離一切人天之善必入阿鼻何況鞭打具持戒者故戒心疏云出佛血者據相無罪以化佛無心非情所惱以損法身所依故結重罪也法僧損益本末例然今打破戒無戒比丘罪重出於萬億佛身血者豈不以形服出世爲聖道相若加輕毀則三寶同壞故重也。上言本末者據今形經。立云調遠出一佛身血尚一劫入阿鼻況萬億佛血耶於道退落必入阿鼻者謂由打僧故自於道退落後入阿鼻也故下文云生執冥然謚自欺誑是也據此瞋心打乃是自損如合血唾人此先汗其口前人業行何能个个稱我息心應須自抑脫見不善事須事須容恕故古德說

偈云。自心恒自使。終日不稱心。他自使云。何稱我心。若作此觀。必不起瞋心打人也。

此小兒晚學。乃至當教勅不作等者。檢祇云。弟子被僧治作三舉四擯者。和上闇梨爲弟子悔謝。諸人長老。此本魚見。今已捨行。隨順凡夫愚痴。何能無過。此小兒晚學。實有此過。今日當教勅。更不復作。悅衆意。已求僧爲解羯磨。

不出其過而呵責等者。彌云。呵責弟子之惡大法具

三一弟子現前。二出其過。現在三呵法現前。謂汝去

與汝具此三法得名。如法反則非法。若被治未相懺

謝而受供給等者。彌云。此明呵責已未懺悔而供給

使作得罪者。謂本作第三法呵云。汝莫爲我。今未施

歡喜。轉爲作使反增觸惱。故得罪耳。若作餘呵。給使

無罪。故下文云。或被餘輕呵而不爲和上等執事。勞

役等得罪者。謂本作第二呵云。莫入我房。容得住。容

得作使恨心不作。所以得罪

僧祇若共行弟子者。謂和上爲受具戒名。爲共行弟子。下明依止弟子。此是別時方請我爲師也。

十誦若欲折伏。剃衣裸形等者。檢十誦云。時六群比丘有大沙彌。隱處毛生。小小違逆。師意。卽裸剃衣身。呵春人所不喜。是事白佛。佛言。不應以小事折伏沙彌。若折伏時。應留一衣。今言不應以小事折伏。謂不應爲小事剃衣裸身。作餘折伏行。

四明辭謝法。乃至師應籌量。彼此丘等者。立問其師。旣無知。不能增長善。何能更籌量。前人答。上言不能增長善法者。非謂師都無所知。但解經論。不閑律藏。故不解畜門。徒也。與食不與法。不應住者。首疏云。所以爾者。夫出家之意。原心爲法。不憚衣食。師旣無德。不能誨以道法。乳養心神。令生解行。虎相攝受。絕於匠益。故須辭謝而去。更請有德。諮彼法訓也。

僧祇大同有苦樂住別者。謂法食俱有。是樂住。有法無食。是苦住。喚汝來取酒來者。琳云。檢見祇文。乃是喚女來也。第二十八九卷中。多有行法者。如祇抄云。不受者。如法治者。謂師不受弟子懺悔。須依吉法治其師罪。

一我如法和上不知者。彌云。謂請教誡白事等法。不

上於作問

解誨御弟子之方也。二我不如法和上。不知者謂不行上法。不知以時教示。三我犯戒和上捨不教呵者。謂任行非法。四若犯亦不知者。謂不識犯相輕重也。五若犯而懺亦不知者。謂不知除罪之法故也。我則是汝。汝則是我者。立明既呵責我。應是汝弟子。汝應是我師。依前二師方便而去者。謂如前若和上不受語者。應捨遠去。若依止師。當持衣鉢出界一宿還等。

下明失師法和上一種無相失義等者。由依得戒故不相失言。或可無德者立明和上犯四重戒名無德也。

若師被僧治罰不失依止等者。謂失下教授一法不失上二法。弟子被僧治三種俱不失者。在文可見。開無隨順罪者。謂弟子被僧治餘人看者犯隨順之提。以二師教誡與語開無隨順罪也。

決意出界即日還失依止者。首疏難云。若使依止師弟互決意出界即日還未經宿失依止者。亦可依界結夏及護衣決意出界。雖當日還應失衣破夏耶。答。

下插入依字

下插入依字

不例依止則兩有捨心故失師決心捨弟子。弟子決心捨師。夏及衣者。但自有捨心。前對非情無捨心故不失也。又衣夏約明相依止約出界即失。又云安居及衣約宿辨失依止約心明失故不例也。又依止及衣夏有四句料簡。一心隔宿不隔失依止。不失衣夏。二宿隔心不隔三種之中。夏不失謂逢難故也。依止亦不失。即如善見弟子隨師行為師持衣值人說法。弟子貪聞法故無離依止罪。而師失衣是也。三俱隔失四俱不隔可知。礪問云。所以心隔失依止不待宿隔。夏衣不爾者。答依止情通彼此各作相捨故失。若不作兩捨意離宿方失離衣及安居正可我有捨彼心彼無捨心故要須心宿俱隔方失。問依止若離失而無罪。夏衣離宿有罪者。何答依止聽離至餘處已。佛制更請依止順教而去失而無罪。離衣破夏佛制不聽是以失破有罪。問所以衣失罪重夏破罪輕者。答三衣之服正服資身要急故所以重安居難破害不廢修故破罪輕。

一死者三種俱失謂諸法相依住法教授法並失二

遠去者失下二法三休道者失三法四犯重者失下
 二法五師得呵責者失下一法六入戒場者立云失
 下二法礪云不待經明相入時卽失所以爾者謂既
 是別行法處年少無知容爲他所誤入時卽失不待
 經宿不同界外道非別行法處故經宿方失可知七
 滿五夏者失下二法八見本和上者立云失下二法
 九還來和上目下住者失下二法礪問見本和上與
 還來和上目下住有何異答有二解依止本補和上
 空處見根本無空可補故所以失和上目下住者先
 捨首髮見而不失今還攝受目下住卽失又解亦可
 見本和上者爲師還行今還也目下住者弟子從外
 界還和意本暫還後至師所制作永也故目下住失
 礪問凡言失依止者復失何法答法有三種失下二
 法上請一法始終不失猶如和上以依得戒無相失
 義依止可爾一請已後請法恒在故不失之此明有
 德之師故不失也若依願律師解不爾言失依止者
 三法俱失何以知然如律下文弟子兇惡或難教授
 等者依止師應出界一宿還卽失依止或師無德不

不問手原本

中合本疏卷
上四之一

堪他弟子便出界一宿迴來依止別人故知失者三
 法盡失此明無德之師決定作門捨之心所以三法
 俱失也若約教失依止者明上五種皆是約教失若
 約行皆謂五分法身成立方始失也

○說戒正儀篇第十

上明師資義立教授之法已彰須託教護持明識戒
 相半月宣唱警策身心獎勵時衆應其道業故此篇
 來也諸家章疏及律文健度次第將此一篇次前受
 後然後律文界無四人令對首乃至心念說戒者良
 由在急然今鈔意若無師資訓導交卽毀犯不合聞
 戒故於受後目辨師資師資軌成乃應於法故有今
 文也今言說戒者立云闡揚聖旨辨宣五篇教彰於
 口名亦爲說卽此說明警策身口有禁非之用名戒
 其中准佛聖教廣明說時軌則故曰正儀又云簡異
 邪說曰正作法有緒曰儀可範行故稱爲法故曰說
 戒正儀篇也

註此云淨住等者立謂以說戒事是清淨共住之法
 律中犯者不得聞說戒故也

言出要律儀等者。依檢彼文云。布薩者。案國語不同。亦呼布薩。亦呼爲轉。亦呼爲常。所言布薩者。此是憍薩羅國語。義翻爲淨。若正翻對。應言善宿。故成實論云。是人善心。離破戒宿。故曰也。又智論云。今日誠心懺悔。身清淨。口清淨。心清淨。受行八戒。是則名布薩。秦言善宿。注二增長功德者。立明以戒淨。故萬善功德依之而生。遲遲增長也。注優言斷者。謂斷諸惡業。令戒清淨也。故母論云。能斷所犯。能斷煩惱。一切不善法。皆名布薩也。注補陀婆言增長者。謂增長善法功德也。羯磨疏云。布薩者。義翻捨惡證善法。故法集者立謂布薩。明不問界內外僧同集也。又云。集者集諸功德也。注爲知爲宜等者。立謂知辨花鬘等衆具也。又云。由作說戒。令知輕重。或發露悔過。或知已識過。不爲應其淨住義也。言爲宜者。立明此說戒法是比丘所宜也。又云。須知時宜有難。無難。宜廣宜略也。注爲同爲共住等者。立謂僧同作此事也。勝云。戒體是同。不問僧別同共作。故言共住者。立明不犯戒。清淨者。相共住也。謂共清淨法中住也。如犯重等不得。

在說戒羯磨二種僧中共住。今以無犯共住說戒。又云。同一界住。故曰共住。注爲轉爲業等者。立謂見罪懺悔。已共作。故曰轉。穢爲淨也。又解說戒是轉法輪也。言爲常者。謂僧所常行。無容斷絕也。勝云。以三世諸佛共制此法。前佛後佛法皆不異。名之爲常也。註長養和合等者。立謂長養功德也。又言和合者。謂僧具六和。方應此布薩之法也。注俱舍名八戒爲布薩護者。依檢論文。呼戒曰護。謂波羅提木叉護。言八戒者。文中云。波羅提木叉護。有其八種。何等爲八。一比丘戒。二比丘尼戒。三式叉摩那戒。四沙彌戒。五沙彌尼戒。六優婆塞戒。七優婆夷戒。八優婆塞婆戒。此八種護。說名波羅提木叉戒云。何名優婆塞。乃至成比丘偈答曰。

五八十一切 惡處受離故 優婆塞布薩

沙彌及比丘

釋曰。於姪盜殺妄酒五種所應離法。受持遠離。故是人即住優婆塞。護於八種所應離者。即八關。是人即住優婆塞。婆護於十種所應遠離法。而受遠離者。是

人卽住沙彌護十所應離者於前八更加受畜金銀等成十也。所應遠離身口二業由受持遠離故是人卽住比丘護等也。賓云正梵音云鄔波索迦翻爲近事^{五戒}。梵言鄔波波婆翻爲近住^{八戒}。兩名旣別不應入戒名。優婆塞南山律師八戒文云我某甲乃至歸依僧一日一夜爲淨行優婆塞者其義大應言優婆塞則順教也。私云此解妙同舊俱舍論也在心名護在身口名戒者立明布薩正是檢責身口令其清淨以能檢在心心卽護也。故詔布薩爲護今故用此言來者意在此也。注律中布薩法一處等者謂律中明布薩事聚在一處名說戒健度此還是布薩也。上釋注義已竟。

佛法大綱者謂說戒攝僧之本住持綱紀也。故律中隨清淨比丘說戒佛法住世不滅也。如昔日佛自說戒後因別緣付僧上座說並由此務是佛法綱紀故使大聖躬自宣揚又云我不滅度半月一來今若半月常說能令正法久住以能維持佛法壽命故曰大綱也。攝持正像匡維等者正是正法像是像法匡者

正也亦是教也。應師云維繫聯結也亦維持也。又維繫也此明正法及像法明欲匡正僧務使維持不斷者必由說戒故也。

希作欽責數爲賤辱者立明此商略今時僧尼若一年中一兩度作說戒事似若貴重若半月常住則多懷賤慢也。亮云犯重之人誦戒八百遍夷罪卽滅故知大是滅罪方法也。亦不委在衆說房中自誦但言八百遍耳。故高僧傳中齊朝有釋僧雲辨聰詞令備明大小崇附齊講恒以常任齊鄴盛昌三寶雲著名焉住寶明寺襟帶衆理以四月十五日臨說戒時僧普集堂雲居衆首乃白衆曰戒本防非人人誦得何勞煩衆數數聞之可令一僧豎義令後生開悟雲氣格當時無敢抗者衆咸從之。訖於夏末常廢說戒至七月十五日且將昇草座失雲所在大衆新歲未受交廢自恣一時崩騰四出追覓乃於寺側三里許於古冢內得之遍體血流如刀割處借問其故云有一丈夫執三尺大刀厲色噴雲改變布薩妄充豎義刀膾身形痛毒難忍因接還寺竭誠懺悔乃經十載說戒

同舍羅舍六

布薩讀誦衆經以爲常業。臨終之日異香迎之神色無亂。欣然而卒。隨心輕昧者。立云。以說戒法。凡聖同集。不得輕慢也。北齊有大覺寺。範法師行。掩鼻倫德。光衆望。講通大小衆經。律論每至講時。多有群鳥翔集堂側。爭趨聽法。時有外人談謗法師。惡者咸被善神打死。還蘇而法師習業門徒有數千人。後因遊行路宿他寺。屬十五日夜。便合一小師上座。立義衆人。雖難有一善神。問高座者云。今是何日。而但講經。豎義者對曰。今十五日是說戒日。卽以手拍高座。比丘曳著地上。又至上座處云。今是何日。而不說戒。還以手打其頸。當時仆地。大衆驚怖。一時四散。從此已後。半月不廢布薩也。情可知矣。者立云。以帶犯居身耻已穢。行不欲聞於淨法也。故心疏云。淨法穢人不樂聞也。故律中有遮說戒有遮自恣者。義同此也。謂人既穢不欲聞於淨法。佛世尙爾。況末代乎。齊竟陵文宣王撰淨住子二十卷。大論在家布薩法式。一如僧中布薩法。唯誦菩薩戒本也。相承此解。自恣檢淨住子不見在薩法式。或可別撰也。

普照沙門等者。沙門是比丘之通名。開士者。美其之嘉稱也。齊云。其道安直。撰此法。然布置一切佛法。行用軌儀。後經律來。與安所設冥然同也。又經無大小例開三章。序正流通。此亦安之初開也。故靈祐法師嘆云。安和上鑿荒途。以立儀。故知安非凡類。立云。安雖設布薩法式。當時未有人行。用至廬山。遠法師始行安法。其還是同學同事。佛圖澄死之後。安於同學中最長。乃發遣遠往羅浮山。行過匡山。彼山神留住云。開士者是符堅。立此號也。言直得承用。文據莫憑者。安師撰時。經律來未足。故無憑也。參者同也。雜也。謂今同取安之法。以雜其經意。爲此法一門也。言開者。謂聞其安師之法也。齊同此解。言粗者。略也。澆者。薄也。言敦者。爾雅云。敦謂相勸勉也。若說戒法不壞者。立明由僧清淨不犯。應其說戒布薩法名不壞也。若僧有犯。則不合說。不合。聞名爲說戒法。壞也。有人云。良以僧清淨無犯。有犯尋毀。通應淨住以戒淨。故定慧可期。正法因此相續不絕。故久住之相由斯而弘。若至說時。無思憊蕩。或不可憊。又

不依悔同聚聞說皆與心違增煩動悶事不獲已不來理得又耻非數如斯同說未足住持或都不聞一生虎過如此等例俱非正法久住也證得白法究竟梵行等者此正明護戒之法若能半月檢責身口專精護持清淨不犯者名為第一白法脫因過犯尋即悔除名第二白法若雖有犯覆藏不懺者名為黑法有鉢本作煩惱有受者此全法余親檢伽論第六云捨諸惡不善法及諸煩惱有愛證得白法今言受者多是錯也故上十門云抄寫錯漏相承傳謬卽是其義

二食前後者此據中時前後也三若晝若夜者此就明中明也准律文晝夜俱得所以知者律中晝日布薩有比丘房中臥佛言別衆不成故知晝日得作又律中合然燈火具舍羅者明知夜亦得說唯不得晨起作惡人來不及也四若增若減者此謂約其難事故有增減若知惡人十四日來十三日卽說十五日來十四日前說此名減也但知前說名減若難已入界當白僧衆待後十五日當說等此名增耳若取

易解者向後名增向前名減也五時與非時者十四五六日說者名時若鬪爭來久隨爭減時卽說名非時也緣起是拘睢彌國諸比丘鬪諍來久僧不和合今旣和合佛令隨和合日應說先作單白和合布薩白法如律文

五分八日十四日說法等者立云爲俗人說五八戒等

當令入浴者謂見難比丘已來入界卽語云大德旣行來恐身體垢汗可洗浴也其人若入洗浴僧卽出界外疾疾結三小界而說故云出界也

但明二度不明三度者彌節爲增却自恣謂難來入界遮僧自恣故却待後半月若更不去更增至半月唯齊此時亦以夏分之末是自恣時但唯二却若更却至三入冬分故說戒對此故亦二却若或三者恐蓋自恣故故但二却耳言蓋自恣者恐人情意謂說戒旣有三却我自恣亦應得三却也云云亦無三度不說法滅之文者立云古來相承云若經三度不布薩佛法則滅今言無此義舉世蓋傳耳昔人意謂見

中經卷三

律明增說戒。唯得二增。不得至三。謂言三度。不說佛法。即滅然。律意不爾。但是恐。恐自恣。故不至三。自恣要制。夏末若增至三。入冬分放。不合。自恣。故但二增。准理說戒。至三無過。但恣人情。意謂說戒。既有三增。自恣亦應三却也。恐此。恐故說恣二法。唯開二却。故曰。恐。恐自恣也。云何。故月盡說戒者。喻聞戒相。為表惡法消除。止持行成。復言月半者。為彰功德。漸增。作持行滿。故不階聖果。名為法滅者。此謂救上法滅之言。謂上云。不說戒法滅者。非也不妨。應是開諍。不得道果。名為法滅耳。阿難疑高勝比丘者。依檢四分云。高勝比丘有檀越家。檀越病。語比丘言。我有二小兒。黠子者。我有寶藏。已語比丘處。所此二小兒長大。若勝者。示其寶處。檀越命終已後。兒漸長大。高勝看此二小兒勝者。即示寶處。其不得者。涕泣至寺內。語阿難言。大德。看此高勝比丘。以我父遺財。二人之分。併與一人。時阿難語高勝。汝可去。不應與汝同。布薩。阿難經六布薩。不與共同。後時阿難具問。究其情已。語高勝云。汝乃至不犯吉羅。儼祇相嫌二十年。

者。依檢彼律云。弗迦羅聚落。有比丘共。蘭若比丘。同一布薩。時蘭若比丘。有大名稱。聚落比丘。見得利養。起嫉妬心。時蘭若比丘。至十四日。來入聚落。語聚落比丘言。共作布薩。聚落比丘答言。十五日。當布薩。蘭若比丘。便去。去後。聚落比丘。即布薩。至明日。蘭若比丘。來欲共布薩。答言。已布薩。竟。便語蘭若比丘言。汝叛布薩。我不復與汝共法共食。從是已。後蘭若比丘。每至十四日。十五日。便來。如是。經二十年。不得布薩。時有一善神。敬重蘭若比丘。往校提山中。白樹提陀婆比丘。具陳上事。尊者樹提聞已。即到聚落。善神還白蘭若比丘。尊者樹提。今在聚落。可往問訊。到彼問訊。已。樹提問言。汝叛布薩。耶。答言。我二十年來。十四日。布薩。十四日。來。十五日。布薩。十五日。來。為是。叛非。叛。樹提言。汝順佛法。聚落比丘。二十年來。所作羯磨。一切不成。受具不名。受具羯磨。不名羯磨。為檀越問僧。不知數者。立謂西國俗人。每取僧說戒。竟知僧清淨。為欲興福。或財或食。故來問數。壽極短。並五指者。有云。應是佛指。便長一尺。若人指。

佛子
難取

量通計唯五寸太短也。比丘若干沙彌若干出家人和合若干者。沙彌謂法同沙彌也。出家人謂形同也行舍羅者。取此草將以爲籌。因以名焉。聲論云。外國名爲舍羅。分此翻爲籌也。

五分白衣以華散高座比丘等者。立謂白衣若將華散比丘上。佛則聽之。比丘若將華散比丘上。佛則不許。五五分比丘以華散高座。佛言不應爾。復有白衣爲供養法。故華散高座比丘不聽。便恚言不堪受供。養白佛言。白衣散隨意。若落比丘頭上及衣上。應拂去。落高座上無苦也。

雜碎文句難持等者。景云。即四重十三二十九十等。悉名爲雜碎。准戒疏云。雜碎謂二不定至衆學是也。有人云。除四根本戒。餘二篇已下皆是雜碎。一者五百二者七百以通尼戒本者。濟云。准僧祇文。至布薩時具誦二部戒本也。

爲末具人說五篇名得罪者。勝云。非謂通說五篇名得罪也。言得罪者。淫夷觸殘等的。說其事犯名也得。語一切犯者得吉羅者。謂沙彌通犯五篇俱是吉羅。

今若見有作五篇事者。應語云。汝作此事犯吉羅。由戒戒下結沙彌吉文。又云。一切犯即沙彌也。以其雖犯五篇通得一吉。故一切犯者也。欲明不得向說夷殘闍提之名。得向道吉羅之稱。

若諸緣事起者。立云。八難等緣也。諸羯磨法並在說戒前作者。彌云。五分中比丘先說戒。後作諸羯磨六群比丘說戒。竟即便起去。不與僧和合作。諸羯磨白。佛言。應先作諸羯磨。然後說戒。以戒是攝僧令不得去。應直說不得歌詠聲者。五分不許四分則開二律相反。今欲和合會者。須作歌聲。但不得過差。故四分中誦戒時。歌聲過差。佛言不應爾。因說歌聲有五過。即四分說戒。離度中明之。此鈔下文自出。准此今時誦戒不得過過長引聲也。

十誦知布薩法盡供養者。立謂若比丘知教相解布薩法。用儀式者。堪受供養。謂知說時。聞華。總略之緣。識同住淨穢犯相輕重。名爲布薩法也。

已下三明說戒。儀中國布薩有說戒堂者。立明彼國寺大僧多。或五百。或一千二千堂宇復多。至時集處。

中國撰述

難知聽白二結一處大堂至說戒因眾僧雲集結法四分說戒健度中文云大德僧聽若僧時到僧忍聽僧今於此處結作說戒堂白如是大德僧聽僧今於此處作說戒堂誰諸長老忍僧於此處作說戒堂者嘿然誰不忍者說僧已忍於此處結作說戒堂竟僧忍默然故是事如是持結已恒於此處說戒也大夫已上時復施安者立明大夫之中不盡皆有時復有者耳如東晉已來尚書省中有考堂堂中有八行宋至定考時五品已上大夫及州牧刺史得坐其上又云考堂中八行床者名為八座即二僕射六尚書坐故八也今時尚書廳者濟云古人三品已上稱大夫也若唐初如員外郎已上皆號大夫今時國家於朝堂設蕃客皆地上通鋪紫褥而坐焉郎漢官一面蕃客一面相對而坐皆不著床聖人御承天門看其契食據此今國家猶有古風也亦得雙用者立謂床前敷席僧在床坐維那行嚮在地席上一時用兩處將為要便故言雙用然於本事行時多有不便者立謂依西國席地行時乃是不便須准今時

三於說戒日上座白僧令知者文明此白辭應令上座白眾也餘如眾綱中者彼云每至說晨令知事者點僧眾誰在誰無健病幾人幾可扶來幾可與欲乃至眾主教授至布薩日房房案行慰喻病者等若沙彌有緣依法與欲者立明欲詞與大僧少異應云諸大德聽沙彌某甲如法僧事與欲清淨言沙彌不來還成別眾者謂別沙彌之眾非闍大僧也其沙彌布薩有二處安置不同或沙彌別集自為一眾或時入僧中共作法事如上五分恭敬具儀者謂如前不得睡眠反抄衣叉腰等此是極教所遺等者教制半月當作則是見法身忽有難緣猶制略說定不可闕故言極教若叛有罪界內外制令盡集聞疑須求故曰攝僧根本繫聚者奇竟反似疊足高京中曾見香爐籌案者立謂眾大籌多手捉既難數時將置案上亦可案上浴籌也今時人少不必要須案也盥字體作盥音管洗手曰盥此像形字也曰者此是兩手各有三點是指中央是水皿是盛水器也

愚叟者立云老年愚痴曰叟此是意解案方言云東齊魯之間凡尊者謂之叟也蘇走反

打靜法如雜品中者如上第二雜法衆具門中明也賓云打靜不得使有餘聲令衆不和合又行籌及收籌時相傳云勿遺墮地若籌墮地表此衆中有人死然顛倒相應往往果有此事

注云收謂收攝衆具者謂收取籌及待說戒竟收衆僧家供養之具卽布薩所須之物也注云淮上文中心已具者立謂不須更唱云并供養收籌也既云小者收護言包已盡上言供養收籌者只是佛前執香爐供養小師猶如今時定座意亦同此及隨維那後收籌之主也人此白時皆須命召此二人也今兩京行事云衆中誰小小者收護三說并供養收籌不局賢聖者立明斥上來人解云是的召賓頭盧也

但恐有別衆不來應更相檢校非爲局命賓頭故云不局賢聖然實說戒之時三乘聖衆同遵此法故高僧傳中魏時洛都融覺寺有曇無最法師俗姓董氏武安人也靈悟洞微凜凝玄秘少稟道化名垂朝野

主觀者
人製作

序後序

博貫立儒尤明律部而最厭世情重將捐四部行施獎誨專以戒律爲先丞音氣動物機信用雲布曾於邯鄲崇尊寺說戒徒衆千餘並是常隨門徒至四月三十日布薩行籌次依授受數之常計之外乃長六十餘人最居坐端深恠其異既無外衆通夕懷疑明且重推有人見從邯鄲城西而來者並異倫大德衣服正帖翔步閑雅亦有見從鼓山東面而來或於中路逢者皆云往赴崇尊寺聽僧說戒如是數般節級勘其年齒相扶人數多少恰滿六十故知道會聖心是使幽靈遐降但最德洽釋宗屢當僧望後住融覺寺而最善弘敷導妙達涅槃華嚴僧徒千人常業無怠天竺沙門菩提留支見而禮之號爲東土菩薩嘗讀最之所撰大乘義章每彈指歎善翻爲梵字寄傳西域彼方讀者皆東向禮之爲聖人矣

若依僧祇三律者謂五祇十律皆前唱出今依當宗行事也故彼戒本云至未受者已出等者立謂外宗三律戒本皆有此言未受戒者已出也

不須道及不清淨者出等者慈云古德立法唱沙彌

時便云不清淨出以不合共犯者說戒故有此言來。今不同之當宗外宗俱無此義不須便云不清淨者。出至戒師說戒時自有三問是中清淨不若至此時猶得心念發露即時聞戒何須前唱出也。

諸僧一時隨上座儀式者濟云今時有人見上座互跪而自安然端坐此大非法尚不如俗禮可觀採也。且知州縣官人與刺史同席皆承仰翹翹忽見長官起動即皆隨起一聲命即坐今時小師師僧遣坐乃辭遜不肯即是違禮遣坐即須坐也。

不得復座待供養已者立明南山開梨要待定座已方始復座若老病不能互跪者聽之復座今時多在維那唱白已復座者亦好不依此教得違法罪也。祇云清淨如滿月者彼律調達破僧向伽耶城制立布薩佛令阿難往喚云世尊呼汝來調達言我不去從今日後不共佛法僧不共布薩自恣羯磨從今日後波羅提木叉欲學不學從我意阿難聞已念言奇事出是惡聲將無壞僧耶具以上事白佛佛令重喚如是至三時調達伴黨已布薩竟阿難聞已作是言。

奇哉已壞僧竟具白佛世尊世尊聞已即說偈言

清淨如滿月 清淨得布薩 身口業清淨

爾乃應布薩

說是語已語阿難言非法人已布薩竟如法人應作布薩

准上僧祇但得次座者立謂准五分但令請上座若辭不能直往能者所也上令問次座者即是僧祇文也

唄匿如法者出要律儀者義云唄匿者持律者云歌誦亦云讚偈今謂此是毘鞠國語唄翻爲止匿翻爲斷止謂止一切惡斷謂能斷諸煩惱也又匿翻爲息謂息諸勞務也准伽論中半唄吉羅謂表義不聞名半唄也如勝鬘經二偈歎佛三身如言如來妙色身乃至無比不思議者歎佛化身如來色無盡智慧亦復然者歎佛報身若色若心皆無窮盡也一切法常住者歎佛法身是一切法之所依止常住湛然也今時有人但作一偈故名半唄也准知一切令一人代衆者安師令人人自於坐處執香爐供養

今嫌繁故令一人佛前作也

以無別德可明者謂教尼總具十德須二十夏是總德數中之別德也。今下座未滿故曰無別德也。別謂總別語十德是總隨一一是別也。

注云上且出一兩律文等者。羯磨疏云所以令上座約勅者。但今末代廣法闕矣。時行略法以衆首比丘網維法務。每有事違無不承撫。卽五分云替補佛處也。今時多見不學識者年高坐首。動無法則令空遣尼還。曾不對答識者齊耻。此說戒座上主客通有賢愚。總集何得自輕。今言勅尼乃至莫放逸者。大略如此。必有餘暇臨時更道。豈局斯也。

尼明日來依命傳告者。其尼取進止也。還於寺中集僧索僧欲梵唄已訖。使尼告云。大僧上座今有略教。聞此語已。尼衆齊起。端身正立。立已具宣上座略教。宣已高聲唱言。頂戴持戒。佛取教若端坐宣者。大是無禮。

答言說戒羯磨者。羯磨卽是法說戒是事。事法雙答。方乃成也。注以言通用不了。彼此者立謂布薩之言。

通道俗用也。如五八等戒皆名布薩。今若言說戒羯磨。卽如是僧布薩之法也。以羯磨之法非俗行。故若不言羯磨。則道俗通聽。故言不了彼此。此則屬僧彼屬俗也。

若至略教已當鳴鐘令沙彌集者。立謂略教卽七佛偈也。必待誦七佛教已。方得起未竟起者。得別衆罪。以此略教是攝僧故。縱容具儀辭遜之暇者。濟云向佛前陳辭謝衆。故曰辭遜。今作唄引時長者令戒師有閑暇故名之暇也。

諸佛出世第一快等者。濟云此自慶偈。正是俱舍論文。古人文質故云快也。今新翻俱舍云諸佛出世樂聞法歡喜樂。大衆和合樂。衆生離苦樂。

若多若等縱說戒竟皆令重說等者。謂客比丘來若說戒竟若等若多更須爲說。若少則不須也。此中大句數云云。

注解此偈辭出阿含中者。准增一阿含云阿難語迦葉。增一阿含出生三十七品及諸法皆由此生。且置增一阿含私云結習時先宜結此經也。然一偈之中。



女姪如

白

便出生三十七品及諸法迦葉問言是何等偈阿難
即說昔偈諸惡莫作諸善奉行自淨其意是諸佛教
解云諸惡莫作戒具足禁清白之行諸善奉行心清
淨自淨其意除邪顛倒是諸佛教去惡惡想以其戒
清淨者其意豈不淨意清淨者則無顛倒以無倒故
惡惡想滅諸三十七道品之果便得成就已成就果
豈非諸法乎佛之囑累者轉次相囑名之曰累
染汚淨識者立謂出家修道所習善業用更識種遠
希出離今不依教修行故曰染汚也若准舊翻譯應
有八識新翻有九識此即是最後名曰淨識也
若經懺悔來不隨意者即犯重已作學悔沙彌也爲
逼說戒待竟當懺悔得聞戒者今時行事對此多依
律文單白懺悔其罪滅不令判不滅以律本云自己
當懺蓋謂後時當更懺也南山判滅謂讀律時當字
應作去音謂准當懺悔也質今詳不然二藏亦令後
更懺悔有白法僧都集無與欲者又須同犯除去四
夷了了識相不可作白若有與欲與欲之人女言清
淨若信清淨猶應就懺不合作白若不信者須喚須

也字註

舉以其有犯不合同說不得妄白今時有人罪難疑
忘與欲非一共行此白望得滅罪甚也爲非理若有
八難等者礪云一王者謂王來繫錄比丘也二賊者
來執縛比丘也三火者謂火來燒寺也四大水者汎
漲漂伽藍也五病者說戒師病現礙說戒也六人難
者如住處有衆多白衣礙說戒故也七非人者即鬼
神燒亂比丘也八惡虫難者即毒蛇蜈蚣蟻等也皆
不得出聲心念口言今日說戒者既有上諸難比丘
不可出高聲而誦其戒也實人者立謂國王大臣等
上言八難者即是四分文引也言地有生艸者恐壞
生得提罪也
五分說戒賊來應速誦經者依檢五分云蘭若處
諸比丘十五日布薩說戒有賊來比丘見便止不誦
戒賊問何故嘿然答我所說者不應使白衣者聞賊
言汝所說非佛語耶答是佛語賊言既是佛語誰不
應聞汝等今集必是論說不利於我便打諸比丘奪
其衣鉢以是白佛佛言從今已去若賊來應即誦餘
經不令斷絕准僧祇云說戒時有賊來比丘說至九

十末文云。裁已波夜提破已波夜提正誦時。賊來誦人嘿然立。須臾便出復誦。如是至三。賊念言。此惡沙門。作是說者。將非載我破我等耶。即打比丘。後即白佛。佛言。賊來時。當更誦餘經。若賊先知比丘法。作是言。沙門我已知。汝但誦先所誦者。應急誦使章句不辨了。令彼不知。

一略取謂取諸八篇題首者。如言是四波羅夷僧常聞。乃至是四提舍尼法僧常聞。言略却者。略篇中名種也。略除姪盜之名等。且如十三殘直說五六個。竟餘者。不直言僧常聞名。略却故曰。隨諸篇中種類之名也。然實略取略却一義耳。又解略却者。略除戒羸等語。直言犯不淨行亦名略却也。

當量事緩急觀時進不等者。准律中大略有二。一從緩至急。名略却。二從急至緩。名略取。言從急至緩者。有五个五種。成十五種。初五者。賓云。舊人雖誦出十五種略意。不識其所以。今爲述之。且如在莊嚴寺正說戒。聞有難從北來僧。即共平章。難若遠近有人答云。難欲至北門僧。即言可誦序餘者。可言僧常聞此。

謂唯擬誦序爲一略也。後於異時亦如前有難共議。唯擬誦序已誦序已竟。難猶未至。更誦四重爲二略也。後於異時亦如前有難共議。唯擬誦序竟。難猶未至。更誦至十三爲三略也。後於異時亦如前有難。乃至誦序竟。難猶未至。更誦二不定爲四略也。後於異時亦如前誦序竟。難猶未至。更誦三十爲五略也。次五者。正說戒時。聞有難來。稍遠衆僧共議。可誦序及四重。謂觀難遠近。唯擬誦之爲一略。其難未至。更誦十三爲二更誦。二不定爲三十爲四。九十爲五略也。後至五者。亦謂僧聞難來。更遠共議。擬誦序四重十三。誦竟難始至此。爲一略也。次於異時亦擬誦序四重十三。誦竟難猶未至。更誦二不定爲二略也。餘句准知。二不定爲二略。三十爲三略。九十爲四略。提舍尼爲五也。此十五種名爲略取。謂難未至。漸進取也。礪云。尼但有兩個五。以無二不定。故但有二增。故也。思之。尼但二五者。賓云。一序二至八事三至十七殘四至三十五至單提第二五至八提舍尼。准知。賓云。古人謠言。從急至緩。大能詔也。問何故不至衆學。

者答戒有五篇。若至衆學不名略也。則爲名廣。乃至七滅諍中。若有難至。但得直去。不得略也。二從緩至急。名略却者。有七略。一直去一者。如難猶寬。從前廣誦容得說。至提舍尼。竟難即到。不得誦衆學。即略却衆學。是二略也。三從序誦訖於九十難。即到略却提舍爲二略也。三從序誦訖三十難。已來到略却九十爲三略也。四從序訖二不定略。却三十爲四略。五從序訖十三難。即到略却二不定爲五略也。六從序誦訖四重難。來略却十三爲六略也。七唯誦序訖難。來即到。不得誦四重略。却四重爲七略也。此曰七略。若難近。不得誦序。即散則云。諸大德。今十五日各正身口意。即散去。名一直去也。彌云。尼無二不定。但有六略。一直去。皆謂難來近。略却下文也。然相承七滅。不得略。以七滅屬於衆學。亦令得略。但相承不略耳。濟云。七滅諍者。先已是略。略中不可重略。故須具誦也。若從前廣誦來。過衆學。竟即成廣。不名略也。看今鈔意。云略取題目。略除種類。意況稍別。與此十五種不同也。

言一一各題通結者。通結別結。但得也。通結者。總唱諸篇題目。已通結云。僧常聞等。是也。言別結者。謂隨唱一個篇目。已結云。僧常聞。如言是四夷僧常聞。是十三僧常聞等。是也。今准毗尼母論說也。者立云。齊此也。字已下。是其論文也。

或有略緣止。不說並通治罪者。立明。既有略緣。不得廣說事。須略作。今都不說通治衆僧違教之罪。上來釋僧說戒義竟。

或云。發露或云。得待人等者。立云。此謂犯重吉羅。既是獨住。逼其說戒。不知若爲進否。律又無文。若是輕吉羅。律令責心懺。竟即得說戒。今此重吉羅。令對人。今時獨住。律則不明。此法致諸師或發露。或有師云。待人。今通望大家道理。應須發露。故言。今准通解通解之意。如已下文是也。

五百問云。乃至向四方僧懺悔三說已者。立謂。准今時僧法。向四方僧懺悔也。明其既獨住。至說戒日。淨身口意。合掌向十方賢聖。僧發言懺悔所犯之罪。三說已得誦戒本也。上來釋十篇竟。

中會本疏
上列之二

○安居策修篇第十一

上篇衆既聞戒曉了持犯略識名模至論離過皆由
檢攝況復時臨夏限是須勇勵專精勤修道業良以
出道要務馳散難成八聖園因檢思易就對時立教
托處裁規限契九旬修行三學故此文來也又云前
篇識相護持通途警動然後時臨夏分聖有成規出
俗務道馳散非業今乃法隨邑野追逐情塵顛仆巨
察無思返迹是以大聖以法遮防不許遊涉常居靜
慮託處以安方能趣道故次之後有此篇來

中心下疏
住字

次釋名栖心靜慮曰安要期托處曰居又云身心寧
靜曰安托處不移曰居羯磨疏云形心攝靜曰安要
期在住曰居首疏云約法明者離危苦之道曰安心
於法曰居蒼頡篇云安者靜也爾雅云安由止也亦
云定也策修者立云策勵三業進修定慧故曰也勝
云既處在夏熱策三業進修心行故曰也又言策修
者修四正勤也未生之善令生已生之善令增長未
生之惡令不起已起之惡令滅除故曰也受日法附
者然恐一夏時長脫有生善滅惡緣宜往救拔義不

中托修託

停留既制有法而住還須有法行制則防其過開則
通其益開制爲緣故有受日法附也

夫靜慮思微者思由惟也微者妙也無漏眞慧非凡
所見曰微靜謂寂也寂於身心思微妙眞理是出道
要儀故曰道之正軌也假日追功由果也假九十
日中熱修戒定日有增益證增上果緣未得果終是
果處之因必獲道益故也隨緣托處等者或依藍聚
落蘭若等或依巖穴等處但隨當時之緣不定也言
志唯尚益者志是意也意在利益希出離之道也
通制三時者謂春冬夏俱不許無事遊行廢修業雖
三時通制夏月過多故偏禁約言情在三過者下文
卽出其過相也翻此過成三益也一無事遊行妨修
出業者立謂出家僧尼是三界遺客擬取涅槃今若
不修出家之業但事遊行故曰妨修出業也二損傷
物命違慈寔深者立明初受戒時於一切衆生上立
誓要期離殺害想今若損傷違本慈心也三故招世
謗者立明外道呵言禽獸尚有巢窟沙門釋子常自
遊行損踏生命心無慈愍口自稱言我知正法如今

觀之有何正法。又謂俗人外道計草木有命。見比丘踏傷。謂言殺生。故呵也。

然諸義不無損。飯護命故。然制安居。雖緣上來諸義。妨道招譏。非無此義。然通三時並有。若論損命局。夏偏多。故今坐夏。意存護命耳。罪在不請者。立明。既違教結罪。非求請得脫也。如經云。唯除宿殃。不請耳。此解疎自意。既違教結罪。自招其過。非請得此罪也。亦如自貽伊責。義也。永流苦海者。永調長也。踐傷物。命制教得提復有業。道夏不安。居違教犯吉。牛。報泥。梨。何時見出。故曰也。上釋序義已竟。

初中分五者。謂安居爲初。受日爲後。今就安居中分五門也。

不得在樹上安居者。以佛制不得上樹過人頭故也。足障水雨者。觸解云。非手足之足也。此是足得免其水雨。義也。若依牧牛人。壓油人等者。立明。其人要常在闕若牧牛。或一年二三年者。方可依之。若暫時非久承者。不得依之。其人若移比丘。須得逐去。押油研材。船上人。並然。觸去依船上者。要是住船。又非暫時。

量計一夏住者得也。言文中不了者。檢四分文。安居中云。諸比丘。欲依放牛人。斫材人。船上人。安居。佛留聽之中。聞移徙。隨其去。應去。又諸比丘。依聚落。安居。若聚落分爲二分。隨所供給。所須具足。處住。安居中。移徙。隨所去。處應去也。律文如此。立明。文中不了者。謂四分不明。如上。人此。作久住。意不久住。意。但言得依安居。又不云。得夏不得夏。但云。隨去耳。五分云。諸依如上。等者。四分此。要。先有住。意。方得依之。安居。隨信樂衣食。豐足者。依檢五分云。時有比丘。依估客。安居。忽然後去。比丘不知云。何。白。佛。佛言。聽隨去。諸估客。分作二部。比丘不知。以是。白。佛。佛言。若一部信樂所足。豐樂。隨去。乃至若依放牛羊人。作押棧人。船行人等。亦如上。釋。立云。信樂者。謂其人。既四散。則隨。敬信。尊重。比丘者。去也。又隨好衣食。豐足者。去。不破夏也。二夏初十六日前。五月十六日。成後。此略舉一夏初十六日也。故知前後兩個十六。俱得安居。故了論疏云。前後各及十六日也。

東方已赤者。此明十五夜分盡。明相出。竟。方是夏分。

●圖解作五

言爲破十誦疏家者立明彼十誦文不作此說但後人作疏作此行事耳云要令十五日及界分房舍了十六日安居則成至十六日方來者則不成安故四分羯磨疏破云若十五日結者則是春末日不名結夏今鈔引了論疏及四分破十誦師執也但是十六日夜分未盡之前入界乃至一脚及界等皆成安居也別住謂布薩界者立謂今結攝僧大界皆名別住此界非彼界故稱別住以在此界內起心安居也太遠聚落者疏云得待形須濟爲藉資緣遠覓妨業故不許也二太近城市者城市糞雜出道清修往往相違返也此上二處雖不中安居是處先有伽藍豈不成安居也三多蚊蠅等者蚊蠅物命輕害者多或嗟形骸無心思擇濟云如并州石壁寺極多拘蜚有老師常作絹帳夜入中臥不者絕不得睡也小師相謂云汝不從石壁寺作夏來夜中拘蜚擊汝離床幾地四無可依人者羯磨疏云人須良友全梵行基雖並號善未必相副故須簡練又須具有五德問無滯一也故云未聞令聞此明能依之人心中有疑欲求

開解者其所依人即能教示令聞者也言已聞令清淨者立謂能依之人聞已所依之人令其能依之人清淨疏云隨說生信二也言能爲決疑者立謂能依之人疑輕疑重疑有疑無所依之人並能爲決疏云隨疑決之三也言能令通達者疏云問答無疑四也言除邪見得正見者疏云辨屬見正離諸邪執五也五無施主者疏云身匪匏瓠繫而不食前須藥食交濟飢虛旦夕若無則不可結四分摩得伽大同此論者立云四分與此了論是同故不重引文也十誦無人深山可畏處不應住者依檢十誦云憐薩羅國有一比丘深山林中獨住時有非人女來語比丘言共我作姪欲來比丘言我是斷欲人女言汝若不我當破汝利與汝衰惱比丘言隨汝所作我終不共汝作姪其女中夜比丘臥時便合納衣持比丘著王宮內夫人邊臥王見已問言汝是何人答言我是沙門釋子具以事答王即放之諸比丘聞白佛佛言從今日如是無人深山中可畏處不應住又有一比丘因緣如上其鬼女持比丘著酒舍酒甕中乃至

佛言比丘深山林中。空處可畏。無人處不應住也。毗尼母論第六卷中。大明安居方便法。用等者。依檢彼論云。比丘夏安居處。若僧伽藍。若樹下等。應先往看。有敷具。不其處無音聲。惱亂。不無師子虎狼蚊蟲。賊難等。不此中可得安隱安居。至竟。不此處飲食如意。不有病醫藥可得。不復共住者可信。不如有所須。可隨得如意。不得安隱行道。不若共行住坐臥。不爲我作留難。不若病時不棄捨我去。不如是籌量衆事。合和已。然後安居。復觀大衆中。無有健闘爭者。不生我惡心。不衆中有解知毗尼者。不是名安居法。乃至安居上座等。不彼母論云。安居衆中。上座應當問大界標相處所。又問攝衣攝食處所。又問布薩處所。說戒法差。說法人呪願差。營事人差。僧淨人。諸比丘出界外。七日十五日。一月。日白二羯磨處所。又應巡房看敷具。誰如法受用。誰不如法。如法者。應示教利喜。讀其所行。不如法者。應諫令憶念。語言長老。應如法受用僧物也。言爾許時已過等者。立云上座安慰大衆。既覺察無常。日月過。遇時變歲移。無常潛至。可

◆安子疑別

勤修。道生死可畏。無宜放逸。如是上座。眞僧父母。亦名僧師。是名上座法。

上釋初處。是非義。竟已下。明結時前後法也。必無事不依同結吉羅等者。立謂大僧不安得吉。若三時中無緣遊行。通得吉羅。尼若不安。

何爲但結三月者。此問意。夏有四月。何故但結三月。下有二義。答開後一月。爲成供身服者。此謂迦提月是也。

律中有三種安居等者。立云。古來諸師有不立中安居者。然安居健度中。唯明前後安居。不明中安居。法下增三文。中有三時安居。謂前中後也。故羯磨疏云。增三具明。前中後也。據時定分。初後一日。中間二十九日。就健度中。但明前後各住三月。則無中也。故此健度下文云。舍利弗。目連。欲於佛所安居十五日。從所住處。往十七日。乃至不知云何。佛言。聽後安居。據相而言。前但一日。餘三十日。爲後安居。莫不望初。但名後。故則缺中也。有云。四分第五十八卷。增三文。有三種安居。前中後也。於聖法律中。歌戲猶如哭舞。

如狂者戲笑似小兒有人將此三種安居別是安心之法非是安居唯在前後兩日賓許三時安居也云小見封文大智隨義古人云我觀此律結安居法唯有前後兩日成安居若爾何故增三文云有三種安居前安居中安居後安居答云彼續次文云於聖法律中歌戲猶如哭憊如狂者戲笑似小兒觀此文勢靜緣正念名曰安居初心觀歌中憊後笑故云三安居非謂九旬安居法也今亦有人扶此曲見今詳此乃迂會明文妄通已見也以觀歌等無有前後安居之相但是別節之文也不須配屬三安居之上母論第五直言比丘法自不得憊亦不得教人憊佛所不聽六群比丘自歌憊作伎佛即聞之制一切比丘不得歌憊作伎也有六群比丘如拘槃走法佛不聽也憊法是童蒙小兒所作歌者似哭音露齒笑有狂人相貌此皆比丘不應作也彼無三安不相配屬故知增日盡五月十五日日日可結明知夏中有三安居然尋四分律本無與于闍迦茲國中卑摩羅又是龜茲人依新律本故作此說若言他部並無中安之文

云云

若將此律會通他部者何成諸部各有自宗也高云然三時安居古來共許至余決然以義求唯二時也當部捷度無三時文此^一外部諸律並唯前後二時^二也唯五百問許有三時未足堪依增三文中本非夏安之法別是調心有^三三時之別故曰有三種安居增三中辨三安居即是夏中三者何以增二文中不說有二種安居謂前後也^三又云中舍利弗目連十七日至佛令後安明知既不及前佛令待後至五月十六日^四又忘成及界皆是開文以不暇加法開有忘成若得續結名中安者何須開忘成及界只開中安豈不爲要^五又此捷度下文受他謂安居背請中諸句數皆言十五日界內界外布薩十六日往安居處等既言對布薩時明知唯是四月半月半也若開中安則無布薩可對也^六中間不辨於理自明者立云如鉢量上下三斗半間中不辨義可知也結文各別如後法中者如後正加法門各稱前中後三月等也上明結時前後義竟從此已下有三義正論前後一

中法論受

明賞罰前後二得罪前後三難事前後既有三義不同。今即是初。以有緣如法不結無犯者。既有機緣開不結無罪。若准祇律。要令隨住處。即結後若有破者。隨破更復結之日。破日日結不結。隨日得罪。故祇文云。若在道行至安居日。即於路側若依車道。應受安居。然後往趣所住之處。應更安居。中道不道安居。一越至住處不後安居。二越言無緣吉羅者。謂無難緣不結得吉也。此上約五月十五日已前入也。唯除難事者。謂却踰上五月十六日之前也。時若無難不結。得除有難事則無罪也。尼同僧犯。唯有墮別者。礙云尼不前安居犯吉。有以可結故。輕不後安居。提更無結日故重也。今此鈔文。正明不後安居人也。已下明難事先後。是名三十日安居。同至七月十五日受歲者。立明此有難人。從四月十六日至五月十六日中間。日日欲安居。有難不得結。仍不出界。宿至後夏來開戒前安居也。至七月半同僧受歲。此人於一月中。竟不加法。是名安居教一月自恣日時去也。是名一日安居。三十日受歲者。立云此五月十六日安居。唯

局此一日結至七月十六日已去。至八月十五日來中間。日日有難。日日欲自恣。緣難不作。畢至八月十五日夏盡。不得自恣。是名三十日受歲。故云安居隔一日自恣教一月也。上來釋第二結時不同義。竟三夏間。延促者。濟云。依閏日。延不依日。促比於薩婆多等者。立明。依閏安居。諸律無正文。今引此論。夏月雨衣得百二十日。明攝取閏以雨衣。要是夏中閏用餘時。不許用。既言百二十日用雨衣。明知即是攝閏安居也。又復衣是開教。尚令攝閏安居。是制何得越閏。即非相續而滿者。羯磨疏云。有人不依閏者。正月便安閏月。不安對此人。故故有此語來也。若不依閏。數滿九十日。自恣者。立明此伽論意也。謂結安之時。未知有閏。故不依也。彼伽論云。安居已。王作閏月。本知有故。則須依閏。不令受衣。不知有者。數滿九十日。成夏也。摩得伽云。安居已。王作閏月等者。檢伽云。問頗有此。丘一衣受作迦絺那衣。即此不成。受耶。答有。謂依閏。彼安居。依閏自恣九十日。得衣。即受作迦絺那衣。不依閏。成迦絺那衣。依閏者。不成受。

王作閏月數安居日滿自恣已受迦絺那衣成受也
言既二文兼具至時隨緣者立明多伽二論各有依
闍不依闍之文故曰兼具今良恐不爾所以知者下
文云若取闍者不得依伽論明知多論唯浴衣一向
取闍又羯磨疏云若據多論似攝闍取以雨衣四月
此決如文若言多論有依闍不依闍之文鈔所不直
引來而但引浴衣之文例決也故知多論無不依闍
之文無妨有義耳立又一解二文兼具者總約伽論
中有依闍不依闍之文故言二文今若要心取闍則
百二十日住若不要心取闍則數滿九十日自恣私
云二文兼具者多伽二論故有曰二文多論雨衣既
百二十日明知依闍伽論復云王作閏月有依不依
今會二論之文證義如足故曰兼具也言至時隨緣
者謂隨夏前要期取闍不取闍之緣若取闍依多論
不取闍依伽論名為隨緣也夏初要心取闍不得依
伽論等者謂不得數滿九十日須依多論百二十日
也言若反前通二論兩文者自意云謂反却要心即
是不要心取闍故言反前以不要心取闍故今依伽

今會二論

今會二論

論不依闍文亦得若依多論取闍文亦得故言通二
論兩文故知若要心取闍必須百二十日即是依多
論故曰不得依伽論若不要心取闍者依伽論九十
日亦好故言通二論兩文作消文無妨以雙會兩邊
名通二論論各有據名為二文故曰也
限依一月不得過法者以其受日是開今不可更闍
月以開不重開故也
由是開奢法者奢由侈也六明五利之法其開文上
行之人不受次下之輩依行今明五月之利已是開
奢何得更攝閏月故十誦云問受功德衣已官作閏
月者隨安居日數取滿則不得攝閏也古來諸師皆
不許攝閏唯願律師解許五事實勞得含閏月五月
二日以後結者由欠一日至八月一日方得滿也上
來三段不同總釋初安居緣竟
何者經勞房主者住自選擇也若新作房開十二年
住若料理故房六年與住若權時修理開一時住
者四月若有餘徒上座更有人來名初一遍分為受
日也
用故與亦為治事故與後更分者等專為料理故與

卷之十二
雜律文

故多開客比丘住處者。恐後更有人來名為客。故留待客也。現集者。不名客也。隨力修治者。以其破壞補令好也。

僧食上下平等者。此同意食則平等行之。不論上下。今房舍何故許上座選耶。問意如此。下答意云。食可均融。使平房則不爾。既有好惡。不可改轉。使均。故先饒上座也。又有師答云。食則體現。交盡不問老少。事須均傳。房則不爾。體非可壞。老人令得於好者。少年不死。還作老人。後得好者。少年不死。還作老人。後得好房。故亦成均也。兼復美好不同者。或上座欲得近食處。近佛堂處。則不計房之好惡。任上座意。意所好者。任情給與。言限日非促者。濟云。一夏九旬。時既是長。故曰非促。故隨取便任上座意也。

現前等分通有一分等者。此明現前隨人數平等分之也。言投策者。器也。濟云。只是擲籌探鈎而取也。具通二與者。為治事與為受用與。故云二與。不得分衆集處者。謂衆僧常集其處。平章衆務。如講堂等是也。若有別房好窻等者。謂有施主於僧地上。

三疑主

或蘭若處作別房供養衆僧。非是僧家常住之房。以僧處房三時須分。可得題名字。耶。言坐夏訖。滅名去者。恐多人來。故須題名。令其見者。斷望今夏既了。若不滅名者。恐明年有餘人欲來。謂言此房已有云。護猶不敢用。故制夏訖。滅名而去也。然西國多於其巖門上作手印。或指印。以將半塗墨印之上。釋第二分房法竟。

初對首此通諸界者。謂作法自然。自然有六作法有三如前說也。

大德一心念等者。就對首正加法中文分段。故羯磨疏云。初大德一心念者。告所依人證。無餘想也。二我某甲者。簡非他也。三依某伽藍者。定所標處。隨現言之。不得變遷也。四言前者。簡異中後居也。世云。若五月十五日。月正圓滿時。西國始結夏坐。漢地安居。已滿一月至八月十五日。西國自恣時。漢時已受迦絺那衣一月也。善見論中。亦以六月十六日為後安居。准此時節中。邊寒暑早晚。故有前却不同。此方神州曆有三代。漢初猶以十月為歲暮也。余參傳譯親問來。

人鐵門闕外觀貨羅國用十二月十六日爲坐初也。准此經中乃坐春初。隨時沿革。豈越規猷。修道爲先。餘避譏耳。五明三月者。通餘一月爲開制也。六言夏者爲除春。冬則四月十六日。屬春八月十六日。分屬冬也。七安居者。簡遊行。故入房舍。破修治者。料理資緣也。所以三說者。表無錯謬也。

料理修治。隨事有無者。立謂依嚴依聚等。則無料理等事。言不同昔愚皇帝者。昔人云。依南閤浮提大。唐國某州某縣鄉里聚落等。今不同之。

一謂誦戒至三十等者。此文列五種律師。是從微至著也。劣者稱第一。優者在後。明也。春冬依前四種律師。應是新受具人。依此律師。濟云。時人相調弄。汝是好人。第一律師。慎勿歡喜也。夏中多緣。須善通塞者。立明。夏中多人共住。疑事亦多。疑重疑輕。又急有生善滅惡等緣。受日出界事。須諮問。故制依第五廣解二部律者。二部者。應是僧尼律也。問夏中不依持律人提春冬不依但吉等。是不依何以罪有輕重。答夏中事多不依過亦多。故制提罪。春冬過少。但得吉罪。

中之安居

羯磨疏問云。文制依持律者。方隅持少。自他依復。須依不有人言。不須也。今解。須依如五分法身成。方離依止之類。今雖無人而有誠教。細尋取悟。如律五答五答者。卽五種律師也。

律有名無法者。謂增三文中。雖明三種安居。仍無中安居之法。故曰有名無法。通用後安之法者。但改後爲中也。三忘成者。立云。且如直歲綱羅比丘。四月十六日。或從州縣及向莊檢校者。還寺欲安居。至寺疲極。卽臥忘結者。開忘成。以爲安居。故來也。

四明及界與園者。立明界。謂攝僧大界。是伽藍給孤獨園。是其證也。又菴婆女捨園爲寺。卽維摩經菴羅樹園也。明有人爲安居。故來。纔入一脚。明相卽出。不知成。不佛言爲安居。故來。開成。又有人兩足入界。未得加法。明相卽出。不知成。不前人。既一足入園。人明相卽出。以恐切。故不得加法。故開成。安我既兩足入界。容預得結。未結。明出。應非。前夏佛言爲安居。故來。開成。前安園。既如此。對界亦然。彌云。先是兩脚入。次是一脚。以轉成。恐切。故開。彌問。雙脚入界。成安居。雙

●安字通計

脚俱出是破此義可爾。既一脚出界是破以不解言。爲利益故一又開成一出非破若爾如入淨地亦應一出免宿一入是觸。不答觸唯雙入方犯出但一出免宿亦爲益故成易破難。又如受捨亦蓋行者受難捨易。謂受戒法生善事大制緣則多捨戒背善故開隨人一說也受。

●擇入隨照

四分律鈔批卷第五末

四分律鈔批卷第六本

江東杭州華嚴寺沙門 大覺 撰

●安等一行

安居策修篇第十一

於第三作法不同門中分二。一者設教對緣二者用法分齊兩段不同其第一設教對緣門義已如上釋竟。

自此已下第二明用法分齊上四安法約時通三位者。礪云約時有三節。即前中後也。約法有四開制不同故有此四。謂對首心念是制忘成及界是開。時便

隔礙橫局。三時各不相通。法者豎通。二三謂對首等四法。

通於前後二時或亦通於中安。即是三時故曰二三也。約處通二界者。即作法自然也。今約此時處人法分別多種安居也。初有二種安居。即前後也。或爲三種安居。即前中後也。或爲四種安居。謂前後各有對首心念也。或爲七種。即對首心念忘成及界與園各有一足。雙足合前成七也。或爲十四種。即前安居具有上之七法。後安居亦具上七法。成十四或爲十六者。即前後二時各有七法。唯中安居但開對首心念二法。合成十六或爲二十一者。即上七法通三時成二十一或爲四十二者。一時中具七種三時成二十一更通作法自然二界爲四十二也。或爲六十者。對首心念二法通三時爲六也。更通二界爲十二也。更通五衆成六十也。或爲一百者。忘成及界與園有五法。除對首心念二法。將此五法通前後二時爲十通二界爲二十通五衆爲一百法也。或爲一百二十者。對首心念忘成及界爲四通二界爲八法更通三時爲二十四通五衆則二五一十成一百復五人四四

五二十應是一百二十或爲一百六十者前安有七法謂對首心念忘成及界與園一足二足等七也後安亦七二七或十四中安唯開對首心念也三時成十六法通二界爲三十二通五衆成一百六十或爲二百一十者謂三時各有七法成二十一通二界爲四十二通五衆爲二百一十也立謂雖有多種不同今取十六種安居將爲分明可用也十誦佛制五衆安居四分亦爾者礪同佛既制五衆安居具戒有數歲下三衆不數歲者何答以大戒有師徒位則依止分齊教誡尼等下三衆無此故不數歲故房舍鍵度中下三衆等以生年爲次節也以初二法容預作等者謂對首心念二法也言故月一日結之者深云此對首心念二法從四月十六至五月十六日中間有三十一日用此二法故言月一日結也後二曲開者後二謂忘成及界此二法是曲開但前後二時開用謂四月十六五月十六開用忘成及界中間二十九日不開忘成等此古師義也故疏云有人不許中安居有忘成及界也前之二法既聖教可通三時忘成

及界此之五法作法開成本無三說故中安居所以不開也恐不及前故損五利恐不及後一夏處坐有斯兩意開於二中間不開如此約數則一百六十種以前二法歷三時兩處及以五衆則六十復以五法依前後二時則一百也又有人言忘成及界等五法但開後者則唯一百一十法又若三時並不開忘成五者則六十法耳如前已明也言一百一十法者謂前中二時各有對首心念二法成四法也通二界成八通五衆成四十後安有七法通二界爲十四通五衆爲七十配前四十爲一百一十法也並非聖言以意用也者謂上二師所計無據也和上云鄧州有昭律師作一百餘紙文書廢中安居法也上釋作法不同門竟已下明第四過緣失不門也本時婦者疏云斯梵難也凡心染愛無始纏懷今暫割削過緣還起故有境來知非是淨或因斯緣容有犯重說爲難者此是因中彰果也若已犯者不名爲難言伏藏者立明伏藏何故說爲命梵二難者由此伏藏若有主屬主無主

屬王比丘此住見之生貪致犯大盜斯曰梵難復爲官所投容喪五陰斯名命難問無主之藏屬王須達何爲輒取既是聖人經生歷死得五不作戒豈容行盜答地上屬王地中無屬給孤獨取者謂是地中之藏耳今文中所言者應是有主之地地中伏藏也有云此伏藏者正有非人守護非人能誘調比丘令其作惡故今文云皆因人來誘調等也律中時有比丘在一住處安居時有鬼神語比丘言此中有伏藏比丘自念在此安居必爲梵行作留難白佛佛言應去礪云姪女伏藏等命梵二難何故聽移夏直去不許受日者以命梵二難無定期限故聽移夏如下文爲和僧故亦是無有期限佛聽直去二者鬼神惡賊毒虫惡獸不得如意飲食等者斯是命難也律中但云卽應以此事去不言不得歲也有師解云旣開無罪用夏何爲如明了論中有難隨意但不得歲也若依律中二處安居二處受衣准知無夏不得受衣得受明知有夏也又五分云食糞不足父母親戚苦樂等緣我若住者恐失道意及梵命和僧聽破安居無有罪

也十誦命梵者無罪不言得夏僧祇有二難者接界通取此應得夏直去不得以無界攝也毗尼母中如文所開大如四分前解所也明了論中安居有難者住處多有博易往還見此生貪致犯大重卽此爲難但破安居亦不失夏夏計行功不虧法故安居在處出故名破

準此結成等者立云有難移夏至彼不更加法但須勸覓處所得卽依住名爲結成也若得住處夏法隨身者立謂旣言移夏卽是移法故曰法隨身也結成後去至及法等者謂至彼住處自有法起名爲結成從此已後故言後去若聞本處難靜亦不得返來言須有緣及法者旣不得返來今若有生善滅惡之緣卽作受日之法故曰及法也

五分食不足父母親戚苦樂等者檢五分云有一比丘安居鬼伏藏作是念此藏足我一生用若久住此或能失意而世尊不聽破安居我當云何以此白佛佛言聽以此因緣破安居無罪若見國王尊貴乃至父母親戚苦樂等恐失道意皆亦如是

此文直作立云此說

父母有官王賊難被人言訴是名苦也。非比丘力能如何。若住爲比丘。難改須去也。樂者謂親眷聚會。追送還往飲酒等事。婚姻吉慶受獲官職等。能誘比丘。破戒還俗。故須去也。四分亦爾。者立謂四分同上。誦見論移。夏但言無罪。不言得歲。下文將受實勞衣。例知准應得夏。住處多有博易往還者。古人言利動君子。今處多博易。焉不動心。

摩夷云。移夏不被等者。立云。此名本母一切諸論。能生法相論。是義本故曰也。準此無夏不成。有受理應得夏者。立明證上移夏。聽二處受衣。乃至自念處取衣。明知成夏。以十誦律中破安居人不得衣。分今聽取。分明知夏非破也。

不得過三悔等者。立有二解。初言諸安居爲坐夏也。謂一夏中不得過三度。忘不受日出界。即破夏也。若齊三未破。又解忘不受日出界。至彼坐時不得過三度。憶不還也。後解不然。若言坐憶開三。忽若行憶復是開。不有何義。意坐開行開。故知不爾。故今正解。乃是彼文。諸安居爲坐也。乃是一夏之中。聽齊三忘也。

檢彼論云。問夏中忘不受七日法。一宿出行得坐不齊。憶即悔得。一坐中不得過三悔。過三悔不得歲。因事出界。水陸道斷等難。不得返界。失歲不者。羯磨疏有此問意。云若不受日。擬夜當來。當日日出界。逢難經宿者。律中辨失。並約經宿。必有斯緣。無文開得。昔高齊十統盛集。明德共許。斯理並懷。慈濟通傳。倖故立云。高齊者。即北齊也。齊是國號。帝姓高也。崇敬三寶。別立十德。號爲僧統。判定佛法。曾評此事。判不失夏。既無佛教。終成人語。未可即依。必如其所言。亦須據動隨若動。覓方便不得還者。依汝判得。若汎爾有難。因即不還。終歸破夏。

界外宿明相出得會夏不者。此問意。暫爾出界。迴來至門邊。明相已出。成夏不戒。場及餘小界者。立明小界。謂在大界之中。有別小攝僧之界。如圍輪別住之例。若本依大界外。伽藍者。立明。此是界狹。藍闕。本依藍安。後乃結界。小於藍也。雖入中不破。夏由本依藍。故若依大界內。伽藍等者。立明。藍狹而界闕也。本依藍安。出門破夏。言小界者。

爾者有人云。小界還是戒場也。立謂是圍輪之界。本依此小界而安。後出小界之門。雖在大界內。亦破夏也。又解云。此句是反上句也。謂上既界大。藍小。依藍結夏。出藍即破。今是界小。藍大。依界結夏。出界即破。故云。小界亦爾。應言界小。亦爾。若根本通依大界。不知二界相別等者。立謂此明。不論大界及戒場。但要心依如藍大界內而坐。不知戒場及中間小界處所分齊。故通往彼此不破。夏並所要之地。故勝云。不知二界相別者。謂大界安居。不知界內有戒場。通依界結戒場。及界來往行處。不失立。又一解。此句正是料簡前藍大界。小界大藍小之文。謂本依大界與藍。不知藍與界分齊。後往彼此。但使不出本所要之處。皆不破。夏言隨本行處。不失者。立明。若本依小藍。今則出藍。雖在界內。是一失。若本心依界。不依藍。今出界。雖在藍內。又是一失。上是藍小。界大。下是界小。藍大。此言但是結前文意也。又解云。若本依界安居。出界則失。若本依房出房。又是一失。將此一解稍好。並緩依法界急隨房處者。立明。如祇爲難結三由旬。若依

此界則緩。若依房則急。以房狹小。故護夏是難。曰。愈界謂作法之界。廣狹由僧護夏。不難。曰。緩。當白檀越求移者。謂檀越四事供給於身。有益在恩。既重。故去時須白。破僧和僧律開去者。明此界衆僧。因我故破。或彼界僧諍。須我往滅。隨有此緣。俱聽直去。到下文更明。

上釋有難。移夏義竟。下明得法有緣。不來義也。爲父母兄弟。本二私通至意。留等者。立明當時。或緣父母等病患。生善滅惡。等受日而來。限滿欲還。至意留住。不爲餘事。但信樂比丘留之。供養滅惡。生善云。師若去者。我當即死。或能邪見退失道心。若此相邀。聖開且住。不名破夏。若汎然留住。住則破夏。虎狼諸難。同前得成者。同上。父母至意留之。得成夏也。今雖有難。要勸竟還。計如不得還。非情過。故由本有法。故得夏也。汎然開難。雖復道斷。猶有餘道。得去不去。破夏須知。

準即破夏者。佛遣和了。當日即歸。停住。輕慢佛教。故得破夏之罪。上釋第四過緣成不義。竟已下第五明。

迦提利法也

廣如自恣後法者。立謂到下迦絺那衣法中廣解人解有言破夏者。此謂古師執意云。界本是所依人。爲能依所依之界。既失能依之人。夏亦破也。此妄引聖言等者。此言斥古師也。南山師意云。汝道佛令安居竟解界者。非謂夏竟要制解界本爲異界同受功德衣。故令夏竟解結共受。非本爲夏進否。汝判夏未竟解夏亦隨破者。是妄引聖文耳。古師引律文云。安居竟應作四事。謂解界結界。自恣受功德衣。既令夏竟而作。今夏本竟而作。故知破夏也。鈔主難意將自恣來例律。自恣文中云。後安居人夏雖未竟可從前安居人自恣住待日足。律令夏竟。乃作四事後。安未滿。卽非夏竟。如何自恣不判破夏。自恣既非破夏。解界亦不合破夏也。言廣文十誦者。彼律第五十三云。問曰。諸比丘。安居竟。衆多僧坊共結一界受迦絺那衣。受已。捨是大界。是諸比丘皆名受迦絺那衣。不答一切比丘皆得受之。文兼二會須兩相通者。立云。取自恣解界二文相會以通疑執也。此明安居未竟自恣

既不破夏安居未竟解界亦不破夏。須將自恣不破夏之文。以會通解界不破夏之文也。故知自恣與解界二文俱非破夏。故曰二會也有人云。文兼二會者。謂夏未竟自恣有破。有不破。解界亦有破。不破。自恣竟卽出界是破。若住待日足。卽不破。解界亦爾。謂夏未竟解界若出本所依處。則破。若不出所依處。則不破。既俱有破。不破。故曰二會。此解弱羈縻磨疏云。自然界中安居中結作法。卽破安居。又云。若爾先在自然界攝衣。忽結衣界。亦應失衣。答不類。以本受衣不假自然衣界。故今雖結不失受。法謂其安居無成。局界以雙隻入界。亦成安居。云云。無作法中安居亦爾。復有古師云。本依界故成安居。若解本界。便失夏也。以失所依。卽曰雖結亦不成。就故文云。安居竟應解未竟而解。故非也。又問云。在處成安居。出經宿破。何以解界。卽曰。便破。答。出界外者。所依界在。要經宿破。今解本界。失本所依。是以不待宿也。復有人云。夏中雖解。但不出界。不破。安也將攝衣界。以破前師之執。破云。如在攝衣界中。護衣緣。故須解。亦應失本所依。

卽日明離然未經宿不說離衣夏亦同爾何得卽破
若夏內解界今言無妨等者疏云本依自然結夏尙
成由人結作法牢強於中何得云破以不離界故然
立心行者行護從急若後結還於自然但依自然分
齊既無難緣不可從開若結狹本有說依新意以依
處安居隨本自然爲定由本作法意在羯磨安居隨
處不要加結有人言隨後作法是聖教本如依自然
護衣後結作法既失前界亦隨廣護也但結結夏情
限不同故須分別者立明此猶料簡上文謂安居不
必盡依大界或藍或房或山巖石窟隨處而坐豈唯
獨依作法界耶故知今解法界定非破夏無難依本
處有難準僧祇等者結竟本爲避難有難可得從寬
今若無難不得出本分齊言有難準僧祇等者彼文
云夏中前結安居已忽有難起王賊破戒虫小澣不
得欲至餘處三由旬內若彼坊寺有此丘者若呼來
出界已白二羯磨結之復欲就餘處者當捨已更結
如是捨後結前隨適意處若卒難至卽聽直去明知
有難得三由旬開之若狹還依本等者立謂狹稱可

伽藍而結也若本於自然藍中結夏後若結作法稱
藍而結者唯得依本爾坐言若寬同前二緣者立明
同上祇中有難無難兩緣也若有難得越本分齊至
三由旬若無難唯得依本處也上來五段不同並釋
第一安居策修義竟

二明受日者上既安居是制住法今此受日是開去
法對住有去對制有開故次明也爾云然受日法若
作法時限諸部差別七日一法應通諸部羯磨受法
五分一同此律十祇二律羯磨少則祇有事說十律
有三十九夜無半月法也

妄自誑心至可悲之甚等者立明非緣稱緣此是誑
心對他而受亦誑前境言虛損信施可悲者立明如
有施主施安居人或施十夏衣物藥食今比丘受日
不成在夏已破不名安居妄受他施或數爲歲云我
十夏妄得利養名虛損也如下善見論云自長已夏
受施犯重卽是其義今受日不成妄計爲夏受利是
也

從五衆受者立謂佛制五衆安居各自相對受日非

謂比丘對下四衆也。羯磨疏云。計互作非所足何得從受。此立法通文如五衆安居。例此各從所位也。又云。十誦今從四衆。豈是正教文。非可用有人云。但告四衆。知我行往何如。不告。故猶勝也。今解不然。立法須定。安有比丘對尼爲證。證即敗也。若欲通消。但得心念必欲令。和口告處。所終不以此爲受。日法。彌云。下三衆雖制安居。若有緣。出界無受。日法。以不數歲。故不論受。日法。去亦須白。

不同古師。唯七日後。方羯磨等者。立謂昔人云。前受七日。用竟。以受十五日。後受一月。一夏之中。不得過此三法。今不同之。彌云。昔人言。要先七日。次十五日。後一月。日如此次第。若已受十五日。不得更受七日。以長攝短。故如功德衣。五月卽攝迦提。又月望衣。開取十日等。今解不爾。如功德衣。就時定。故又俱五。利一月衣者。取衣爲准。俱開一長。更無緣故。是以此二。卽爲定開。以長取短。今此受日。約緣事別。緣既長短。先後不定。寧得定令。先短後長。故今正解。受日三品。逐緣長短。前後所須。若有長緣。先羯磨受。或先短緣。

先受七日。三品緣事。各先後若爾。何故。文言受過七日。法答此謂前事不及七日。還者事過。故又復羯磨。法過。故過非謂已受七日。竟名過七日也。更問。何以不言過十五日者。答此半月。一月二法。對七日。並具二過。故事過。若十五日。一月日相望。但有事過。無有法過。故不言過十五日也。宣一同受一月法時。何不言過半月者。答七日。別人餘皆衆法。但云過七日。明知餘二俱白二也。同是衆法。故不說分也。又問。今受半月。一月法者。若值小月。如何數之。答依律文也。半月加法。依十五日。則不同。大小數日。還返如十誦中三十九夜也。若受一月。則依大小。不可數日。如律云。住三月等。小攝在其內也。

四明相攝者。看羯磨疏。此一門義。並述古師之非云。有相攝。謂若受七日。用竟。方聽羯磨受日。若受七日。用未盡。或未用。若更羯磨受日。前七日法。則謝若前羯磨受日。用未盡。後不得受七日。以羯磨法強在。故七日法不起也。且述彼師立義如此。今次消文。律云。不及七日。還聽受十五日等者。是古師執律文也。謂

若前羯磨受日用盡方得受七日法也。以一身中無二法現故云不及即日還聽受七日也。又不及七日還用羯磨法。然今七日未盡何得已羯磨受。明知相攝鈔主解言不無此理也。但本是一緣不得有長短二法。可如前判。今前後別緣各依受日。前法被事未是息。何得失法如爲患。事須服蘇油兩緣未差。口法隨在律列受法三品不同。並約衆緣不可隨受。故不及即日。例用七日。取明知以法收緣。依緣法則隨有也。此上是羯磨疏破如此也。

若前羯磨用盡方得受七日者。亦是上古師一家意也。鈔主恐濫一緣二法同用。故下云三十七日不許通用。疏中明法不失約日。滿要至界宿也。言此多有之。謂受一月不足等者。鈔主通古師義也。謂汝言不得一身二法者。謂於一緣上不得二法相枯滿三十七日用也。必是異緣何爲不得也。

善見自長已夏受施犯重者。立謂有人將物施僧。問覓十夏人。此比丘實有九夏。而言十夏得物犯重。治生造佛不應體廣如後文者。立如隨相中盜戒明。

立解錯也。自疑是販賣戒中明也。

準此若爲大寺諸處緣者。立明上所列佛法等緣。皆是爲已身耳。今準爲寺僧家佛法等緣。受日日出界外。理得無疑。問今時爲寺家向列縣言。訴得受日往。不答案四分中波斯匿王。還國人民反叛。王自領軍往征討。王先所有供養佛及僧衣被飲食所須之物。有不信樂大臣便奪不與。諸比丘欲往白王。自念路遠不及即日還。佛言有如是事。聽受日去。又波斯匿王往征有不信樂大臣嫉妬惡心。欲鑿祇洹通渠。比丘欲往白王念路遠不及即日還。佛聽受七日去。今準此文。故知爲僧事相。訴得受日也。及自經營佛像等者。非謂僧家造像亦非爲俗人造。但爲自身求福。故造若非法亦不得受日。由爲利故。

布施聽去者。立謂俗人欲作僧得施不閑方法。請比丘指示。亦云欲施比丘物。受日來取也。十誦問爲誰受七夜者。謂彼律中優婆塞問也。爲七衆與福受日等者。謂七衆爲請主也。下文列二百四十二緣。並是此緣。皆七日緣也。言還使不遣使者。謂前人遣使不

遣使俱得去也。此是十誦文。四分則不爾。要遣使喚方得受日故也。若中路聞死者。立謂受日本爲往彼看病。既聞彼死。緣謝却還。曰反戒者。謂前人反戒邪見生。故不須往。又解由聞彼死却還。曰反界也。難起者。謂路逢八難。須退還也。

父母大臣不同信樂。不信樂者。謂父母恩重生。育陰身。大臣力勢能作損益。雖無信樂。往化使信。若先信樂。故宜須往。

如上安居命難中說者。勝云。但此衣鉢藥舄是命難。准梵行難。亦開亦可。指前二者。鬼神惡獸等。及不得隨意飲食等。必爲我命作留難。佛言。聽去文也。准過知足戒等者。立謂如三十中失三衣。戒失三唯得受兩失。兩得受二。若過取名不知足。言知足者。禰解有二。一在家人知足。二出家人知足。言在家知足者。謂白衣爲失故。施失三與三。隨他白衣元施之心。卽此知足。俱在家人。故曰在家人知足。言出家人知足者。失三受二。失二受一。是也。今引此文。明失三衣。尙得受兩。何況長衣豐厚。那不且死三衣。方更乞求。故不

聽受日也。言捨制取聽者。畜長是聽三衣。是制今爾三衣而多畜長者。是也。

四分中有同界安居。因我故闕等者。立明此界之僧。因我在此故闕。又或彼界之僧有闕。須我和滅。佛聽直去。不須受日。由前僧證不可計量。感之時限。今則義約而受。不失道理。故下文云。約緣而受。不傷大理。是也。此下破僧和僧律中有八句。分爲二段。律文具列二段。前一段有四句。明此界僧由我故破。爲和故去。此移夏至彼。不須却來。言四句者。一見破二闕。破以見闕。位別各有僧尼。故合成四。後一段中。異界僧破亦有四句。一欲破二者。已破各對僧尼。合成四句。謂前二句闕異界僧尼。欲破後二句。闕已破。須我和滅。此則亦聽直去。至彼中前和了。可中後。卽還若暮訖。且還若停不還。經宿破夏。以其本處元非有難。爲是不同。前段移夏。彼成故。祇律若二難并前段和僧從初去日。卽須勤覓安身處。勤覓處未得。隨所還宿處。不破夏。以非心慢故。反此破夏。若得住處。夏法彼成。不得輒反及出界有緣。須得受日。如鈔云云。此

上礪釋也。言約緣而受不傷大理者。立謂觀前靜人。是何等人。若是我門弟子。弟則受我和滅。不假多日。俗觀前緣而受者。不傷損大家道理也。

除餘因緣衣鉢藥劑等者。立明其人不得倚傍上五緣。以爲飲食。若專爲飲食。以倚傍上五緣者。不成受。日若別有因緣重病須藥等。卽得受也。縱爲而乞律結正罪等者。謂乞麥得吉羅。故律中比丘乞生種子。吉羅言曲命別情。令他請召者。謂囑俗人令蠶熟。請貧道來乞綿等是也。此則能所俱非。乞綿尙犯捨墮。囑請理又不成。若父母餘人同十誦中者。此謂依十誦不問父母信樂不信樂。使不遣使。但是力能反彼。令信及生善者。皆得去也。餘人者。立云是大臣及師僧等也。

二對事離合者。立謂有多緣事。各各受日名爲離衆緣。合受一時。牒緣入法名爲合也。言得合受日者。羯磨疏云。或張王兩緣。各是七日。不可合用。作羯磨半月受也。以事是別人所行止得前後受七日也。如是例諸若俱三日。滅或復互。可同七日。彼此兼用。或張

是別緣。王是衆緣。法隨依受。亦不得合用。言如懺僧殘多罪。同法者。立明懺殘法中。若犯十罪。同時行覆等六夜者。名之爲合也。今明受日。亦爾。一時牒多緣。共受往彼。而用亦得也。

三懸受等者。立謂緣現。故得懸受也。言虛構成緣者。立謂事既未實。懸構爲緣。或云十日。或十五日。一月等也。構者。架也。或倚傍昔言。彷彿未實等者。立云。知有俗人來言。應請比丘行道禮懺。亦未剋時。後持比丘忽自受日。去名未實也。言由事虛。限盡日數。妄置者。立云。見十誦受戒老師行事如此。若安居竟。便受七日。置中。擬後有緣當用也。今不同。此由未有事。名事虛。未委事之長短。輒受七日者。是限監也。以預前受日。待有事來方用者。豈非妄置。又解以倚傍昔言。卽使受日是事虛也。未知事之長短。是限監也。輒受七日。乃至半月等。是日數妄置也。必有本緣何爽。通用者。立謂如受七日。爲僧事出界。用三日。竟迴來本緣。僧事猶在後更去。不須受日。但用前日有何爽也。十誦白餘殘夜用者。依檢十誦云。

諸比丘受七夜到聚落七夜未盡所作未竟來還比丘不知云何白佛佛言受餘殘夜用我受七夜法二夜已過餘若干夜受彼出界律文立云要是本緣未謝今去還爲本緣故也言非謂異事等者此言對古師故來古師即首疏云既有受法屬已但是事如法互用無損今冥破此師故曰非謂等也

不是前緣三寶及他雜緣等者立謂前爲張家三寶事後爲是王家三寶事也言及他雜緣者立謂布施懺悔生善滅惡等也

若一家通緣准理應得者立謂此明元來受日爲張家說法并懺罪及施等若元本知有此衆多事受日來故得通共用也彌是生善者上問意云此界僧受日往彼界爲彼三寶等事及爲他病患受日爲往東西求藥等爲得以不謂此是正緣聖教開許故云彌善也

律制二請者即僧次別請俱得受日若准律文又開別請若准諸經不許別請以奪十方僧利犯盜故僧次應得別請不合等者此謂元本是僧次請今受

他捨則得受日往由施主無簡別故若元是別請今捨與我不得受日由施主無心故也

昔解一夏之中關於三法者立云古來諸師云前受七日次半月後一月過此不得今則不然但使兩緣若如法皆得受也禪律師亦破古師之執云昔人言要先七日次十五日次一月等如此次第若已受十五日不得更受七日以長攝短故如前已辨云

言廣有微難如疏述者羯磨疏云有人言安居立行修道爲宗緩急開三以濟時要何得重受無此理也故十誦中爲破僧故聽受一七夜不得二七夜乃至受二十九夜已破安居去此明文矣有人云修道務急何必制住必有緣來隨意開得今以義通并以文證初解通者如前檀越召受七日後有三寶要須經管何得不開明知亦得若爾何故十誦但聽初七今解初制不可恠也或可一事上不重二七豈制異事不許受耶望法似重望事望緣前後不異何得重也不如爲父母得重也又如爲父母受日往彼限滿留連尙開檀越今更受往即不許者何如彼住不受便

得若言留住限滿得夏是難故開父母令我更返受日乃至三寶經營未了來受重往不往大損何得不開又如官事須二三日曾受七日何能不去等爾直去寧勝加受夏制本意無事遊行今大緣來依法受往非專檀去何得獨制律中不及即日聽受七日此是通文不專一事豈非重也如緣故列父母兄弟並開赴彼兄已前請父後復召豈不開之律中但云佛未聽我如是事去因以白佛佛言隨聽如四分中一夏受日開十八緣或更有者十九亦得如非時入聚佛制觸往豈可前開後者不許若爾十誦何通答彼不許二七夜者謂一時不得雙牒二七夜故不妨前後去者亦得也律中列二十餘緣者立明並是七日緣由事未現佛未聽去不言不得重去也信樂父母則有四重者立謂父信母不信一也母信父不信二也父母俱信三也父母俱不信四也四句皆得受日往也若看律文不然謂爾時有信樂大臣謂比丘大德來我欲見比丘自念被處遠不及即日還佛未聽我如是事去白佛佛言自今已去聽有如是受七日

去若有益無益及七日還二有不信樂大臣亦爾三不信父母亦爾四有信樂父母請亦爾五分若有請無請乃至聽受七日者立謂五分與四分還別四分要是有請方得去也十請律中列多七夜者立謂十誦中憂波離白佛為誰受七夜佛言為七衆與福故受即列為憂婆塞列二十二緣為憂婆夷列二十二緣為沙彌亦列二十二緣為沙彌尼亦列二十二緣為式叉列二十二緣為學悔則列二十三緣為學悔尼列二十三緣為比丘列二十三緣為尼列二十三緣合二百四十二緣並是七夜事若如法皆聽去若准和僧似一事上不許重者檢十誦云時有異界僧諍起彼知不滅便遣使往近住處僧所請來斷是事即應往斷若僧先安居應受七夜去若七夜盡應受三十九夜去若三十九夜去若三十九夜盡應破安居來集一處受是事斷如法如毗尼如佛教斷鈔意云此由和滅事是難知故開破夏非謂不許重受也觀十誦律意似如一事上不開重受文復不了若於異事上定知得重義

如蘇油爲病異故雖同是七日得加法並服也。然古師執一夏開三法受日者正據此十誦文也。賓云古師引十誦證此蓋部別宗殊未須通會也。且如僧祇事誦十誦三十九夜與此四分全乖。何須引彼和僧此開重受。故今正解但有緣來重受。何爽然彼有不請之文寬於四分者。十誦遣使不遣使俱得受。日往四分遣使方得。故曰也。言文非明了理須通明者。謂十誦和僧似一事上不開重受。此則急於四分也。又有不請之文復寬於四分也。今則通會二文以十誦雖不許重受。文不明了復有不請之文前寬。既二文互有寬急。今則通明重受無失。

明了論中得受疏解云等者立謂上來昔人不許重受。七日謂前七次半月次一月今則不然了。論疏中有其九句皆是重受。檢了疏云論偈曰七日有難隨意行善解三種九品類釋云如安居時由三義故出界行一有因緣請七日出界二有難事起出界三有因緣隨意出界此三各有三故成九品類言九品者三三之初三者一有事先成七日緣後更成七

日緣二有事先成七日緣後成有難緣三有事先成七日緣後成隨意緣第二三句者一有事先成有難緣後成有難緣二有事先成有難緣後成七日緣三有事先成有難緣後成隨意緣第三三句者一有事先成隨意緣後成隨意緣二有事先成隨意緣後成七日緣三有事先成隨意緣後成有難緣且列句如此今約疏一一解釋言初句先成七日後成七日者初受七日出界爲父母親戚和上闍梨同學善友等病及受施和僧等至第七日須還本界至第八日若更有如上緣者更得受七日。往若先請七日出界已用三日。前緣若謝應還本處別有餘緣但得用後三宿出界外此後三宿皆成。由此七日皆出宿故謂先請七日出界用三宿事即竟後更有因緣止得用餘三宿不得更別受七日宿用後三宿盡須還本界宿後方得更請七日。由七日有定量故二先七日後有難者先有因緣受七日出界事竟應還本處其本處有水火等八難事起仍往餘處住者是也。三先七日後隨意者先受七日出界事竟應還安居處其安居

處無好善友或喧動妨修定慧或無好藥食四大麻煩爲此因緣仍往有善知識等處住名隨意行是也雖有此因緣開隨意去經一宿即破安居由有因緣故不得罪若無此緣隨意行破安居得吉羅雖破安居不失夏夏計日月不論安居不安居四先成有難後成有難者先爲有賊難出界未經宿賊於此日即去比丘應即還來更聞有火難起仍往餘處住是也所以須就未經宿論之者若經宿已破安居不須復論此人後去悉爾五先有難後七日者先有難事出界難靜即還本處有檀越請因緣仍謂七日往者是也此難緣還約當日聞靜即返經宿更不須言六先有難後隨意者先爲難事出界後爲無善友即等往好善友處是也七先隨意後隨意者先爲無善知識等隨意出界未經宿聞有善知識本處即應還本處又爲喧動因緣仍往餘處住是也八先隨意後七日者先爲無好善友因緣出界後聞有善知識來本處即還本處仍有檀越請緣即受七日出界是也九先隨意後有難者先爲無善知識因緣出界後聞有善

●釋疑

知識來安居處即還本安居處其處忽有難起即往餘處住是也今鈔唯引初一句意取重受義也其真諦三藏者記云優禪尼國人陳梁二代至此方譯經論三十四部合一百四十一卷然其諦或鋪坐具蹴跌水上若乘舟而濟岸或以荷藉水案而度之如斯神異其例甚多賓云其人博識古今無比遍達三藏大小乘經論解十八部律唐三藏唯伏此一人發自西城遠來遊化初達揚都值候景作亂梁主被囚餓死即至陳朝陳主深相敬重請以翻譯始翻唯識論名無塵論時有天子門師烏瓊媛白瓊之乃奏稱所翻無塵論於國不詳陳主遂斥即還西國行至廣州汎舶西遊道遇風起吹船轉還至廣州其刺史歐陽頤請就宅供養欲令翻譯先請示神變弟子嘗聞羅什吞針願師示少道術答曰甚易耳針小易吞乃索纒頭得一車許就而吞之須臾於宅西園中積以爲聚願乃驚異拜首稱善三藏報曰此之小術未足爲難西方大人耻之不作乃請翻譯攝大乘論部執論了論等各有疏也云云通達三千佛化者謂佛化周

三千世界也。論云：「四天下有一須彌山，一四大海水，一鐵圍山。」過一日一月名一世界。以此爲數，數至千是小千世界。復從此數數至千，是中千世界。又從此數數至千，是大千世界。一佛出世，道王其中也。夏末一日在，亦作七日法者，此且約七日緣故也。若有一月半月緣，並須隨此緣而受也。故礪云：「縱無三品日，在但有三品緣，須依緣而受也。」三品者，謂七日半月一月也。夏唯一二在，忽有緣來，或七日半月一月，皆隨此三緣而受日也。若路近得還，由緣經宿等者，立謂雖去此安居處三五里，當日得返界，以由檀越請召之緣，亦開須受七日。不必要是路遠名爲不及，即日還方開受日去也。

但令緣至三法等者，古師蓋云：「七日半月一月，此三法受日開尼得用，但使有緣應此三法，皆得受之。」便引難云：「至如僧家百一羯磨，皆對僧開尼，並無文令僧尼通用。豈獨受日羯磨，便不許今不同之云？未見祇律明斷也。」高云：「計理用僧百一羯磨，皆通尼行。何獨受日，頓不許用理？令通尼不須引祇證，祇是事。」

訖羯磨望我四分大僧，亦不得依何局尼也。故今立義，尼用四分半月一月法，理亦無失也。言四分無文，僧祇明斷者，謂四分中無文明尼得羯磨受日，及與不得，但祇律中尼無羯磨受日法，此明證也。

亦濟別緣者，謂但受七日，亦濟於前佛法僧事病患等是別緣也。

八事訖等者，羯磨疏中有人言：「事訖不來，不破夏。如七日藥與類同，狂病差不失等例。」故礪疏云：「若受日出界，事訖須還不還，得小罪，未卽破夏。以有法故，如與欲事訖不來之類，卽須作來之方便。或有諸難，不來無過鈔主破云：『如欲法羯磨不牒事，今受日法，牒事加之，事謝法失，亦如藥法病止無用，又不同狂解須乞，故何以浪引也。』立釋云：『礪意狂差不來，不名別衆，說欲已後，事了不來，亦不別衆難云：『狂差須乞解，以今未解得法在身，故非別衆言說欲者，本不牒欲之緣入羯磨法。故緣謝法在今受日，則牒緣入法，故緣謝法亡。』言所牒緣謝亦無施者，謂受日羯磨，牒前請喚等緣，今緣既謝，則羯磨之法亦壞，故曰無施也。」

十誦明文不許往等者。勝云前引十誦遣使不遣使俱得受之。若中間死返界等不應去也。言僧祇意亦同之者。前引祇云和僧不得迂迴至彼中前和了中後即歸。若停住失夏是也。上來多段不同。總是釋第二對緣進否門義竟。

從此已下正明第三加法法。即三種不同。今即是初十誦五種人謂獨住等者。一獨住二闍若三遠行四長病五飢時依親里住。此五種人獨住聖開受日。若也有人不待作法不成違教得罪。若有沙彌等者以非同法只得口告也。

相傳准羯磨白文者。立謂諸部無受七日文。但有其事。今則依衆法受日。羯磨中白文而用也。故上序中十門云或就理有而成事。即此義也。雖諸部無文然理合有也。

若無法。謝不同七日藥者。此明前緣若癯羯磨法則謝也。其緣若在法則未失。但受日竟要從物用日數之藥則不爾。伽法已後不問服與不服數過七日其法則失。由病七日一轉故。受日未用法不謝者。由緣

在故從若爾下是更難難云。病轉藥則失病住藥應在

服之七日堅病得消者。此明病至七日則轉故不須更服。若至七日病設不轉服復無益。以藥勢分齊七日故。就能立法。故限七日。

不同十誦七夜等者。彼雖七夜然與四分七日不殊。亦須第七夜明相前及界故。知還是六夜耳。此立釋也。賓云。彼律七夜論日則八日也。言僧祇事訖者。謂不論一月半月但隨前緣長短了日。即還名為事訖。羯磨也。案彼律等二十七云。若事月若一月若二月白乃至自恣緣自恣應還不還者。越若有難於彼自恣無罪。四分受日有三法。五分同之。十誦二法。謂七夜三十九夜也。上明對首法竟。

三明衆法所爲之緣。同前通用者。立明上對首中有得一時牒多緣而受。通得隨用。今羯磨亦然。言得通牒多緣而受也。彌云。然異界僧得足此界僧羯磨受日不同處。分義局當界僧也不同存單人者。立謂古師一夏得三法。受日名為存單。如前已辨。遂引七日

● 假設版

令長者謂十誦家師所執唯開三法。差此不成。要前七日。次半月。次一月等。不得重受人。曾前受七日。竟後更有七日。緣來則作半月之法。又復忽曾用半月法。竟更有半月及七日。緣來則作一月之法。故言引之令長。非謂引緣令得長。但自引法長也。今加法有四不同。二家羯磨文相少見等者。第一曹魏時曇諦所出羯磨本。第二姚秦時覺明律師所出。此二家本。今時並闕不見。行故言少見。意云鈔主曾一文度見本希更不見。故言少見。第三高齊光統律師所出。第四即并部願律師所出也。上四師中立云。第三光師所出。增加乞辭。謂受日既是恒情作事故。須乞詞。諸羯磨中若順情者。皆有乞詞。故也。今則不然。律既不安。不可輒加。是以文言不如白法。作白謂斯人也。羯磨疏中對此大有料簡云。初人加乞羯磨不牒。恐成增法。此古羯磨即第一師也。第二人雖差乞詞。准乞覆藏中兩遍。牒事時到已前。增加乞詞。忍聽已後。略事而作。羯磨亦爾。此光師集魏世盛行也。第三師但准六夜乞法。牒緣誦事並盡。以律文云不

● 心鈔作止

如白法作。故今若增減並不成也。凡斯三集文局義通。有人定判依受破夏補判鈔家今解不然。但順教故。增乞減乞各有所憑。羯磨大途規猷在。故依受不失近世諸師不加乞詞。准律直誦以律制斷。加乞是增不敢輒用。問凡受日法為防破夏。夏是私緣。若不乞求何容妄與。故乞是也。答凡情所信。憑教為言。律既缺文不可妄著。不同杖囊加乞是法。以彼白中銜乞作故。翻傳漏文非是不合。私云杖囊律無乞文。是翻傳之家漏也。統通諸部律杖囊皆是須乞。故非輒加。受日不爾。三律無文令乞也。第四師依律文不加乞詞。礪師亦爾。不許加乞也。言心可隨其綱。綱者立謂不著乞詞。但須上座告僧。言今時盛熱。乃知徒衆疲極。今彼此丘。既有某事從僧受日。可為齊心共秉聖教。故曰隨其綱。綱也。言順教誦受之者。謂依律文之教。不內乞詞。依教直爾誦羯磨也。而羯磨大宗無失者。立明先律雖內乞詞。但是牒緣事。第二第三句中。以非羯磨正骨。故無失也。

第四人依律出文者。卽并列願師也。今鈔不得雙誦

十五日者。勝云。不得雙誦。兩個十五日。成一月也。直

須云。今受一月也。又解。不得雙誦。十五日。一月。成四

十五日也。上明加法義竟。

已下正明料簡之相也。同緣受等者。謂衆多人同爲

事故。得三人一時加法。若異緣。則不得同番羯磨也。

若依界安居戒場。及餘小界者。立謂小界。還是攝僧

之界。如圍輪別住是也。以本心依大界。不依此小界

故。不得於中受日也。若後結二界者。卽大界戒場也。

縱入戒場。不破夏。而離衣者。立謂以先安心此地而

坐。故不破夏。由界在後結。故言離衣者。以依大界上

稱大界。而結攝衣界。今入戒場。則非衣界。由中隔自

然。便成異界也。若不結攝衣界。雖有戒場。但依藍護

衣。雖入戒場。衣亦不失。由藍能攝衣。大界不能攝衣

也。

若本結大界。小於伽藍者。立明此藍大界。小本要心

依藍。不依界。今就界中作法羯磨。磨受日不成。由非本

要心處故。若欲坐夏者。可指取界相。依界安居。後得

●合本疏
上四之三

受日。此則成安。以界是強。藍是弱。故要須依界。比上

一句鈔家義。決。問。藍中有界。依何處結。答有二解。

初令依藍等安居。文云。依某聚落某伽藍等也。又解

須依界。所以知依界爲護夏分齊者。文云。一脚入界

受日。出界等也。上來釋十一篇竟。

○自念宗要篇第十二 迦絺那衣法附出

先明來意者。上篇一夏安居。九旬同住。恐有慳過。不

自見知。故須自陳三業。恣僧糾舉。故安居後有此文

來也。羯磨疏云。同住久處。心性義開。陶冶精靈。方對

正量。故陳已累。通告前緣。必事糾治。無宜杜嘿。故能

展轉以相清淨。律中同住受啞法者。由妄設法。因言

致諍。俱行嘿然。何事乖越佛法。不爾。義須識非。生知

者。少必假良友。豈伊不語。何能離慳。故呵責言。同白

羊也。至死無聲。此但強戾。復作何善。故佛制之。互相

檢按。是以安居後有此篇來也。賓云。律中二喻。一怨

家。喻謂共住。既不共語。猶若怨家。二白羊。喻以相共

住。無言自雪。故喻白羊。謂安居中。無所言說。有事不

申。似若白羊。曾見屠家。牽羊往殺。彼亦知死。淚下交

流然不作聲。乃至屠割倒懸在樑。從後割却半身已來。命全未死。亦不作聲。然其衆生業報不定。何業然也。今詳此是官人打他百姓。非理抑伏。有理由。不由故。今歲報得相似果。亦令有理。不能自雪。義必然也。言自恚者。縱宣已罪。恚僧舉過。故曰自恚。又云恚已身心。任僧舉過。故曰也。言宗要者。此明自恚是懺罪之宗要也。又云宗者尊也。由能尊此自恚之法。使道風常舉目之爲要。故曰自恚。宗要也。注云迦絺那等者。此是梵音。翻爲功德衣也。以其九旬修道坐夏有功。僧別無憊。任其受利。德衣蔭大功。被行人。故此法附也。釋名者。以坐夏有功。五利貨。德故曰功德衣也。九旬精練身心等者。立謂一夏之中。修習定慧精進。懃苦研練身心也。此解恐不著。礪羯磨疏云。以其九旬修道迭相諄練。將欲告離。故須恚僧舉覺。彰已夏未有皎潔之美故也。意云據此礪意。言精練者。謂大衆熟相諄委其身心也。言人多迷已不自見過者。立明世人但見餘人之過。不見自過。故法律三昧經云。世人無知。但見人過。不見已過。但見已善。不見人善。卽其

也。托鉢作死

證也。身口托於他人者。此明造過不出身口二業。將恐身口所犯三根外現。自迷不見。故委託他人舉我之過。他人者。卽五德也。亦可通指大衆也。不孤獨者。此明恐自有犯已。所不見。更不恚他。舉糞冥目之後。生報三途。失諸善法。是謂孤獨。今恚他舉。罰依教懺。蕩恒與清淨法律。以爲伴侶。是不孤獨也。又解恐有過不見。復不恚人。舉發恐將犯大罪。不預僧法。棄出衆外。亦是孤獨也。有人云。人若破戒爲惡。所欺名爲孤獨。今自恚懺悔。身口清淨。不爲惡。欺名不孤獨也。將同期欺者。謂吐欺亦云。輸心曰欺。明其共要期吐欺。同住安居也。廣正云。欺由愛也。蒼頡篇云。欺誠重也。說文云。欺者意有所欲也。障道過深者。既犯罪已。不階聖果。隔在法外。於道無分。名障道惡業濁重名爲過深也。有無知濫行者。立謂自恚爲濫者。是濫行也。上釋下覺。依閼安居至七月十五日。自恚等者。此謂閼四月五六月也。言依伽論中。數九十日。自恚者。立謂若本知

有閨不依者不成安居。今此明者。據本不知有閨。如前篇已辨也。若閨七月取前月自恣者。立明此謂四月十六日後至五月一日結者。此中有十六人。但須三月住。故得前七月自恣也。自意云。今文但是通明。大家自恣時節耳。准律應從前安人自恣。故須言取前月自恣也。非前夏安居過閨已數滿九十日自恣者。此謂閨七月也。明其若五月一日已前安者。至七月三十日自恣盡。得出界。今正是五月二日已後安者。則至七月三十日夏猶未滿。隨着閨月更得過閨月。已至八月一日。竟方得自恣出界去也。由閨是虛月。不得在數故也。

二因諍增減自恣。如說戒中者。立說如說戒中者。立謂如說戒中。若有難來入界。當令落。如彼說。令此亦爾。若知十四日來。十三日須自恣。若知十五日來。當十四日自恣。此是減也。若已入界。可令入浴僧。即出界外。結小界。疾疾自恣。若不得如此作者。即作單白。待後十五日。當自恣。更不去者。增至第二十五日。自恣。唯得至二。不得至三。至三。必須強和而作為入冬。

分不可更增。和上云。此中有三却兩增。一常十六日。却取十五日。二常十五日。却取十四日。三常十四日。却取十三日。此由因諍。因難。故開此名減也。言二增者。一若正自恣日來。增至七月三十日。二若猶在不。去更增至八月半。只得至此。二增更不開也。為入冬分故。

三修道安樂。延日自恣者。檢四分云。有住處衆多。比丘結安居。精勤行道。得增上果。證諸比丘作如是念。我曹若今日自恣者。便移往餘處。恐不得如是樂。即白。佛。佛言。應作白。四月自恣。應云。大德。僧聽。若僧時到。僧忍聽。僧今不自恣。四月滿。當自恣。白如是。謂是單白和僧待。至八月半。自恣也。疏云。九旬勵修。將起忍位。待時解脫。末代便多。若更他行。衆具難得。故白停之。會正方作也。

言及至急施衣次第。增中者。立明。健度文中。但言十四十五兩日。自恣。急施衣中。則有十六日。自恣。今引此文。證有三日。自恣。將十六日為定。何以得知。謂王大臣為僧作安居中。賞勞衣夏。竟擬施有急緣。速行。

小註作克

欲預將施僧諸比丘夏未竟不敢受問佛言夏有幾日在答言十日在佛開既有此緣自今已去聽前十日受之名急施衣卽是七月六日已去得者開受過此則受者犯提言次第者謂若七月六日得衣過七月十五日夜分盡恰得十日至十六日且合犯長罪由入迦提月是佛開故越此一月過至八月十五日方用說淨若七月七日得衣數至九日卽入迦提至八月十六日方用說淨若七月八日得衣數至八日卽入迦提過至八月十七日方用說淨如是漸漸次第至七月十五日得衣皆數前日數過迦提月已將非時中日增之數滿十日卽須說淨以將迦提月後之日名非時之日增迦提之前受衣已後之日爲數故言次第增中也今鈔引此文來意顯顯七月十六日是自恣日既七月六日受急施衣云去自恣十日是在明知十六日是自恣日也尼十五日自恣此謂相依問罪等者立明尼要來僧中自恣竟後還尼中自恣今若先於尼中自恣竟後來僧中自恣者一向非法須知言尅定一期十六日定者立明律雖明

三日自恣今若計會尅定十六日作者好以律中令夏竟自恣以十六日方是夏竟又復須知若受賈勞衣及受作功德衣要是十六日方得受之若十五日受者不成但名非時衣是名非時僧得施也若有難者如五百問一月自恣者如從七月半至八月半中間有難日日欲自恣爲有難不得作至八月半來皆不得作故名一月自恣也上明自恣時節竟此已下正論人之是非也
住待日足者至八月十五日方滿也上釋緣集門義竟
下明自恣方法也卽三人者立謂五人已上得羯磨差五德卽僧法也若四人僧只得對首名衆多人法若一人僧唯得心念法故曰三人也
處床慢相不絕者羯磨疏云言離床者捨其憍慢故也
乃至沙彌亦須集堂等者賓云今鈔中今沙彌待唱出已往別處共集自恣唯淨三藏云過午已去衆咸共集大僧先自恣後方尼衆次卽下三衆各來對僧

分經

自恣也。計理下衆先集一處上衆自恣竟方喚下衆入僧中自恣辭句同僧義亦無爽。

具二五法者謂一人身上具兩種五德也。故羯磨疏云差五德緣制兩德初自恣德取不愛等者以衆雜是非染淨同住無宜枉濫分汚僧倫知時知法非人不顯故須之也。又取舉罪五德者衆以清淨爲先過犯具彰何得杜嘿故須舉處德人行事也不愛者濟云於親厚所見犯不以愛故恕也不悲者濟云於怨憎所不吹毛寬過也不怖者於強力有勢者之邊亦不快而舉也。知自恣不自恣者謂知有難無難廣略之宜也。知時不以非時者羯磨疏云舉過靜靜無不和順也。濟云前人雖有犯若於他門徒及俗家眷屬前舉他云犯者即是不知時也。故疏云對白衣沙彌淨人非具戒前不合舉罪又衆不滿四亦不合舉。皆曰不知時反則名知時也。如實等者有實非謬有根非濫也。謂有犯罪是一實又三根不互是一實也。利益等者欲令前人清淨美德外彰故也。柔軟等者謂慈心尉浹無鼓怒也。慈心不以瞋恚者濟云慈愍前

人故舉其罪豈得瞋恚也。意令和合無諍者合上知時等句也。言有罪非謬者合上如實等句也。欲使前人懺悔美德外彰者合上利益等句也。故能勸喻離於懷惱者合上柔軟等句也。言愍物與樂者合上慈心等句也。

所以差二人爲五德四分文不了者立云四分但云令差五德不云一人二人今准十誦僧祇爲更互作故也。如百千人以衆多故恐疲頓也有人言四分文不了者以四分文單差一人爲法以一人無自恣處故言不了也。五分中二人已上乃至衆多人者立謂此非一時差牒衆多人爲五德一時入羯磨但爲僧多故差或十或二十人爲五德更互息作差白之時唯得兩人一時牒名入法也。三千威儀要差二人者以相向自恣以五德不可對餘人舉過緣彼無德又復不被僧差故不可對之自恣也。今行事者多有人人別差者立明若六人已上作法須一時差兩五德令若前後羯磨者並是非法。由此未見諸部也多差上座有德者老宿若作五德衆人

肅敬也年少反之

下明差五德法也。此律自恣開與欲不同。他部者立明僧祇文中不開說。欲諸部並開祇意。由是舉罪事須現前。恐倚托房中畏僧糾治。恐有此避。故不開欲。檢祇云不得與欲自恣。若病應將來若畏死。僧應就彼作法。若病多僧應出界自恣。禰問云。夫說欲時不得稱僧所秉之事。但是僧事皆須與欲。若稱事者非法。今自恣欲辭何故言與欲自恣者。答言不聽稱事者義實可爾。今言與欲自恣者。謂說已心行恣。僧舉罪本非稱僧家之事者。此非類也。答云自恣羯磨亦有通別。如上者立謂通辨羯磨中明其答有通別也。今若答言自恣羯磨者。卽是通答。若言差五德羯磨者。卽是別答。至後五德單白時更須問答也。大德僧聽。今日衆僧自恣者立。謂若依濟律師解云。今日者是出家法語耳。應白月某日黑月某日等五分布。卽而坐者。羯磨疏云。恐有損故也。其行卽勿使五德行也。應命下座行之。至五德單白已卽須行。卽置面前敷之後移身就卽也。亦名長命。卽亦名

亦願作欲

吉祥草也。行卽時喚取一童子俗人投草互跪上座。說偈云。吉祥童子。施佛卽如來受已。成正覺。我等比丘學佛。慧如自恣淨三業。說已比丘受取自行。告諸比丘。各就卽座。我願受歲者依檢增一阿含云。佛坐草座。告諸比丘。汝等盡當各坐草座。諸比丘坐草座已。時佛嘿然觀諸比丘。勅諸比丘言。我欲受歲。我無邊答於衆人手。又不犯身口意乎。如是至三。諸比丘嘿無對者。時舍利弗從座起白佛言。諸比丘衆觀如來無身口意過。所以然者。世尊今日不度者。度不脫者。脫爲盲者。作眼目病者。作大醫王。三界獨尊。爲迷者作逕路。以此事緣如來無答於衆人。亦無身口意過。時舍利弗白佛言。我今向如來目陳。我無答於如來及衆僧乎。佛告曰。汝今都無身口意過。所以然者。汝智慧無量。無與等。智總持三昧。戒定慧解。知見成就。能降魔伏外道。所作如法。未曾違理。如是五百比丘各各受歲。亦復如是云云。其一五德至上座前大敷坐具者。立謂五德不敷草坐。故須敷坐具。必若敷草不須坐具。注云。此僧祇文。

者祇二十七云若二人作自恣人者一人受上座自恣一人下座前立上座說已下座復說如是展轉至自坐之處受自恣不得待僧自恣竟然後自恣已上並是祇律文也

大德一心念下正作法也。羯磨疏云文有五句初言大德者正告五德求聽說也。小者言長老二眾僧今日自恣者僧自恣時也。三我某甲亦自恣者下應上法縱陳過咎恣僧舉也。四若見問疑下我有三根慈悔賜示也。五我見罪下從聞悔過成我清美也。所以三說者表仰嚮之慙非是謠託也。礪解此詞亦五句初言大德者言對五德不問大小成稱大德此是褒讚之辭。二舉十方同遵故言眾僧今日自恣三仰則成規表依僧法故言我某甲亦自恣四縱宣已過請求舉罪願垂誨示故曰若見問疑等既歎彼求舉大德長老並稱無妨五彰已見過悔除令行皎潔故曰我若見罪等表已懃懃如是至三言大德長老者羯磨疏云前單言大德者但告五德也後雙牒者懃重之至在僧故也何以知然律中不得竊語自恣疾疾

語自恣等故是對僧令知名目理須清明擬眾通淨也。准善見論云大為大德小為長老且分二人耳義通上下更須論之長老乃大故經中長老舍利弗賢者阿難律中不定今略釋之行解具故名為大德年德高遠名為長老謂夏歲多是也應作四句一是大德非長老少年解行備也二是長老非大德年高解淺三俱是謂年高行解著四俱非者少年無知也。首疏云昔人云初言大德者喚五德人也中間大德者喚眾中大於已者次長老喚眾中小於已者問若如此義者最大上座喚誰為大德末下小者喚誰為長老若言眾通凡聖由唱清淨大沙門入此義且然意明最大上座望聖人名小也末座小者喚誰為長老豈有聖人小於無夏初戒僧矣注云此明最小下座不下喚聖人為長老由聖非小也又復小者即喚長老何故九十中率他出房戒中十七群既小於六群何故語六群言長老是我等上座又七百結集中離波多喚一切去最大上座作大德長老者今解云行之具足稱為大德高監愍哲道遠見退目為長老今此所

稱大德長老初中後言皆喚所對五德之人也。問此義若然。但稱大德卽足。何須復言長老答得。但爲慙歎求請五德。舉我罪。故恐不在意。故須重喚。若如此者。何不言大德長老。大德長老一解亦得。但是翻譯家換互耳。第二解者。重言卽醜。又亦義異。談德別故。若爾。何故不得初稱長老。答若初稱長老。復問何不。大德在初。難無窮。故二解所對之人。爲具五德。衆中差出。既稱五德。德是根本。故初稱德。道遠見還。是其緣助。非正根本。故須後曰。直問何不。初作重呼。後以單喚。答初未求。請不假重呼。中間正爲求守五德。罪是以重喚也。

律開病者。隨身所安者。謂復本座。非謂歸房也。卽破十誦家法者。立明十誦文中。令待僧自恣。竟兩個五德。自相向作。今祇不同之。至本坐處。須作進不如四人法中說者。如下文四人對首法中明其違退。

從此已下。正明尼出罪法也。不須同說戒問尼有無者。謂說戒時。問言誰違比丘尼來。請教誡者。此制令

問擬差人往教。使尼衆清淨。彼此俱益。今之自恣。直是尼來求僧舉。過聖不制。問來與不來。故不須問也。餘如尼別法者。如尼衆別行。篇明此義也。

僧祇教誡中本無羯磨法。亦令隨緣說欲等者。此明尼來僧中。請教誡人來。傳大僧中。上座略教。莫放逸等詞。句還尼衆中。說有尼不來者。還須說欲。據此亦無羯磨。今引此文意者。明尼來僧中。自恣以請僧舉罪。若僧隨不集者。卽須說欲也。

以尼獨行出界犯重罪者。是僧殘。罪名爲重也。然差尼來僧中。自恣者。但得羯磨差一了事。尼餘者。口差爲伴。今時尼衆。七月十六日夜。明相未出。前來僧中者。一向非法。以十五日夜分未盡。便夜起來者。皆破夏離衣。何須如此夜急去也。見往僧又復夜半盡衆來未見所出。可白曰。二三尼來。卽是依教上明尼出罪法竟。

四明略說者。疏云。僧正作法。難緣忽生。若獨廣說。惱亂僧衆。德人進不作白。告知一時兩對。彼此陳露。此謂不對五德作也。若對五德有二略。謂一說二說也。

對本五德緩急自知任時量事不須和白不對五德有三略說者改衆也初一白各相對三說則百人爲五十對一時彼此三說也次一白各各相對二說也後一白各各相對一說也和上云此三白者宣合爲一禪分爲三白卽羯磨疏云有人分爲三白今合爲一是也

言不得竊語自恣者事起六群比丘或竊語疾疾語自恣佛言非法也

逆作次第等者立云從下而上也言及行行置人如益食法者謂一行頭安一五德或二行三行頭著一五德是也言并超越總唱等者立謂不依次第越次而作如第一五德在上座前作已其第二五德應向次座前立今則越次座向第三座前名超越也又言總唱者謂一時同說名總唱也鈔指十誦文錯也事出祇律依檢祇云應從上座次第下不得行行置人如益食法不得超越不得總唱言一切大德僧見聞疑罪自恣說律文直作此語

文同前法者謂其自恣詞同於前也

五德作六

四分六種略說者如前解者是也謂對五德有二略初對五德二說次一對一說是也此鈔不出二說之文應合有也就單白相對自恣有三略謂三說再說一說也并後難急直去爲六也此皆約難來有遠近故有此差別六種不同也

結小界圍坐自恣者明衆僧相向坐五德在中央四向受自恣上來四段不同總釋第一門已竟

大明五人僧法者問上明六人此明五人既等是僧法何故分爲取段答義有所以爲簡益故恐不開教者界有五人一人說欲界若六人一說欲餘五成僧得羯磨差五德也若五人者一人說欲餘四雖是僧但是能乘更無別有人可差五德也若差一人爲五德者三非僧故一向不成又復五人雖盡集又恐一時雙牒二名入法餘三非僧故又不成但得前後差也故今立此段簡異故也

若界內五人索欲不開者謂自恣四人不得受第五人欲以四人集堂不得羯磨差五德但得乘對首法對首既是別人之法豈得受欲然復此本衆法今四

人集是乘衆法對首界猶有人成別衆故此屬人非作法不成

從此已下正明四人僧自恣方法也但入偷蘭說中者此謂犯其偷蘭罪乃至波羅夷畢來至僧未及得治因難驚起名入偷蘭說中謂犯事已彰教中說犯故曰入說中等也又復但自犯罪衆雖未知亦名人偷蘭說中餘僧殘及夷亦爾

不應礙自恣者明其犯者已被他舉不合自恣餘無罪者依常自恣不可因他有犯餘僧便止不自恣也既俱是淨行衆法攝治功齊者立謂自恣與說戒俱是淨行衆法也說戒是防未起之非自恣是防已起之過防過是一故曰俱是淨行也說戒座上若憶有罪聖令心念發露即得聞戒自恣亦爾若憶有罪亦須發露方得自恣

若不實者結罪隨犯三提者此明體實不淨對他稱淨是故妄語三說三提不同說戒嘿妄但得吉罪已下明一人法也若犯故作吉羅以上無治罰義及以發露則不應自恣之法等者此中言稍似倒欲明

小僧殘後

若犯此故作吉者且須心念發露然微方可心念自恣謂既犯須對人懺今無人者只得發露也言餘依前者依前心念自恣之詞也

上明自恣法竟下明第三難相料簡答僧中通有治舉之義加法容得具足者此明僧法自恣時舉得罪人或是犯重即加擯棄或是殘者即得行覆六夜出罪等乃至蘭提惡作皆得治之以僧數不必盡足故云容得具足具如悔重蘭須大衆十誦謂八人也今唯六七人則還是不足別人雖有治舉攝治未能得盡者謂前人既少縱舉得罪若是提吉可得治罰若夷殘重蘭者以人數少不得懺治故云攝治未盡自恣即說戒者說戒爲知戒相防未起之非自恣爲除已起之罪成皎潔之美已未雖異清淨義同故曰也

還同對首如前所明者即上云三人大德一心念今日衆僧自恣等是也

答不得破夏離衣者此明上十五日自恣竟當日出界破夏由十五日夜分未盡至明相出後方得出界

言離衣者。謂夏既不成。不獲五利。豈許離衣。受日出界亦爾。

答僧祇不得者。此明祇與四分不同。四分別云。此處安居。受日往餘處。於餘處自恣。亦得。乃至移夏令住日多。處受衣等。令祇不示要還本處。自恣。若於餘處自恣。結罪深解。

答律令受物。餘日應足者。下答意云。此云得者。謂是時中。僧得之物。若時現前。物一向不合。以時現前。物具四義。故一者。時定。卽同是七月十六日。受得也。二處定。局此界安居人。三者。人定。局現前同住前安居人。四法定。謂不須作羯磨。皆直數人分也。故知後安居人。不得此物。今言得衣分者。是時僧得施。也不簡安居前後彼此之界。皆施通一化僧也。若分房舍臥具。亦聽爲未來故受者。立云。此明後安居人。日雖未足。得受衣也。引房舍臥具來者。明其自恣。竟分冬房分等。後安居人。夏日未滿。亦得。懸受此房舍臥具。若不及時受者。恐自身夏竟。不可更僧分房。故言爲未來受也。賓同此解。又釋云。爲未來故受者。安居健度

下文夏日未了。疑不敢受臥具。佛言聽爲未來故受。謂是當來要須也。又勝云。律文中。以前安居人。夏滿遊行。因自恣時。便分房舍。後安居人。未滿。亦得分。不佛言聽爲未來故受。所以然者。現在分房。卽用未滿。不得輒受緣爲冬分。於今望冬。卽是未來聽受。

使授自恣者。教者立。謂諸五德爲自恣者。亦得教也。老者云。何者。此明正是老弟子也。非謂別餘人也。迦葉阿育年少者。謂汝解年少。以解少故名爲年少也。從安居多者。自恣者。隨前安居多人自恣也。

安居竟不去犯罪者。檢母論云。有諸比丘。尼檀越諸安居。安居日滿。比丘尼爲飲食美。故不去檀越心。生疲厭。諸比丘。白佛。佛言。安居竟。若過一日。波逸提。若大比丘。吉羅。此並據在俗處安居也。有緣不去無罪。必在寺中。不須如此。若不作限等者。謂檀越慢心。請比丘不限局一夏是也。言若非受諸處者。卽寺內殿中等處也。反此得五功德者。卽無上忍。奪懸親等之患也。

上來多段不同。總釋第一自恣法義。竟從此已下第

二正明坐夏有功五利賞勞門也。迦絺那衣者。此是梵音。翻爲功德衣也。迦亦上聲。此方字書云。小曰葛。大曰絺。葛卽葛布是也。言衣者。唯局三衣也。先辨來意者。由前安居進業。夏坐有功。自慙無慙。美響遐布。表裏清潔。感動物心。對此時中。多招福施。聖開五利。賞德資功。俗不云乎。有功者賞。故有此文來也。注堅實者。立謂受此衣。竟能令五利堅實。謂五利不壞也。礪云。堅實者。多有施衣。箇半勝者。搆成此衣。故曰堅實也。又了論疏云。迦絺那能感多衣。若人受迦絺那衣。若有檀越施衣。皆屬此人。此人既有多衣。衣無敗壞。故言堅實也。又當作迦絺那衣。時此衣爲多所成。故言堅一切堅實物。皆稱迦絺那。乃至煩惱強盛。亦名迦絺。又如人瞋心。欲心執固難捨。亦諸此人爲迦絺心人。也。言衣無敗壞者。以受此五利。故得資衆多長衣。不犯捨墮。若無敗壞。向若不由受此衣。畜長過限。犯捨卽名爲敗壞也。注又名難活者。了論疏解云。此是貧名。貧人資生短闕。取活爲難。故言難活。貧人若能抽微得一兩張物入此迦絺那衣。功德果報勝

以衣聚如須彌山大爲施也。佛示作此衣時。貧人亦應於中行施。爲引貧人令於中行施。故偏從貧人作名。故稱難活衣也。注或云。堅固衣者。同前堅實之義。也以能令五個戒得堅固也。注或名覆蔭者。立謂十誦中。諸迦絺那衣爲覆蔭也。欲明此衣服覆蔭於五利也。亦名功德衣者。礪云。若受此衣。能生五利功德。從功德彰名。故曰也。然五利中言得離三衣宿者。非謂盡開離其三衣。但是開離大衣。以緣起中爲大衣重。故下二衣無開離文也。乃至八月十五日。日亦得受衣者。立明從七月十六日後。至八月十五日。此三十日。中日日得受衣也。若月一日。猶是七月十六日者。立謂佛法中。但有三時。如四月十六日是夏初一日。今言七月十六日者。是夏中第四月之一日也。若二日三日者。卽是七月十七日十八日也。言乃至八月十五日。亦爾者。中間有越故云。乃至謂從此七月十七八日已去。至八月十五日來。隨日得衣。當日便受。不得經宿。故言亦爾也。

五分受有三十日捨亦三十日彼但得四月利者檢五分云受迦絺那衣有三十日捨亦有三十日若前安居七月十六日受至十一月十五日捨若七月十七日乃至八月十五日受至十一月十六日乃至十二月十四日捨若後安居八月十六日受十二月十五日捨此但月日得四利也四分則不爾受則有三十日始從七月十六日終至八月十五日日日得受捨則有一日即十二月十五日也受雖三十日不同捨則唯齊一日中間日數漸少可知也

隨安居日數取滿則不得攝閏者立謂受功德衣已即作閏月者但從安居滿日已後數取五月日不得攝閏也

不以相得者謂現寒暑相得也不以激發得者是激勵令他施也云張家得一段物竟欲令他施也作此得物不成作功德衣言不捨墮作淨者應法者立謂若犯捨墮衣不得作若是說淨長衣得作也賓云不捨墮作淨者舊相承解云謂若曾犯捨墮今雖作淨亦不堪用今解不然謂是不犯捨衣及餘一切作淨

者皆得作之所以知者以對下文明非法中不作淨犯捨墮故知此明如法即是不犯捨墮及作淨也言五條十隔者此且舉五條爲言餘者例知皆須依法也言若過是條數者立謂即七條九條大衣等也若故爛壞覆死人身到家取來者濟云如改葬家敗換屍上之衣是也猶如則天死與大帝合冢開大帝棺由石棺盛水銀包之是形白如常不改其太平公主別作新衣盡換除故者其故者即是此衣也注云四分糞掃者則非死人衣者謂是街衢中拾得者成也經覆死人衣則不成作及曾已受作迦絺那衣不成等者立謂去歲將作迦絺那衣竟今更重將作也言若撲棄者立云即納衣是上安撲棄也

若急施衣時衣成受者立云時衣即今夏末七月十六日已去實勞衣是也今時人作者盡是言急施衣得作者若本於非時中受得此急施衣若本受時擬作功德衣者即不合也今言得者謂本受時無心擬將作後忽與僧作功德衣故得也

僧祇未曾受用作三衣得作者立謂此明比丘新作

三衣未曾善用故得作也。若一經身者即不得也。若貪五利故捨五事皆不成者。立明欲貪五利故受。不爲檀越長福心者。不成受也。

善見七衆衣得受者。問上言送功德衣來。即日須受。不得經宿。今言僧尼得爲施主。豈非在界內作衣耶。答雖在界內。由未與僧者。無過若將出。施作功德衣。即當日須受也。齊云七衆衣中有俗人二衆衣。何堪作功德衣者。謂是俗人身上所著之襪。將裁割而作也。若三衣中隨受一二得者。謂俗人將衣來施。隨受一衣二衣三衣。皆受作迦絺那衣。不必要具三衣也。若俗人云將此衣可與守衣人。亦須隨於彼意。五衆爲生亦爾。齊云准四分三衣中。隨上中下科得一衣。作不須盡作。但以一今作耳。又云極是三衣得作。若准十誦要是割截。僧伽梨成。受若下二衣不成受。伽論減量衣不成受也。上釋衣體是非義竟。

三箇人差別者。齊云若受此衣。約人分別者。要是大僧及尼。下三衆以非具足修道人。勞不重故。又無僧伽梨可爲故。緣起爲僧伽梨。重故開也。今何以知下衆非受此衣。

人故見論四比丘一沙彌安居。欲竟爲沙彌受戒。得足成五人受功德衣。新受戒者亦成受衣。一比丘四沙彌亦爾。明知沙彌無受法。然要是具戒中約安居者。不安居人不得受。就安居中要局前安居人。雖是前安若破安人。不得受衣。又約非破安居人有僧伽梨。雖有伽梨。要在界內在僧前者。成受衣人。故十誦行別住人不得受衣也。要須五人已上得受。四人已下不得也。四分云不僧前受。

注謂與欲人者。立云此明若在中則不成受。謂此與欲人不得五利。又不足僧數也。若有難若無僧伽梨者。立謂是十三難人不合受功德衣。亦不得五利。深又解云界中有難不得受功德衣也。齊云若有八難起。則不得受功德衣也。又解雖是前安居。以夏中有難。破夏出界來不成受。法解恐非言若無僧伽梨不成受者。謂緣起中本爲大衣重故。令受功德衣。開其五利。既闕大衣。則不得利。故不成受。餘下二衣。闕與不闕俱非妙也。言而彼在界外者。立明雖是前安居人。若衆僧正受功德衣時。而比丘在界外。此人不得。

五利也

異界僧亦不得受者。立謂異界人雖來此爲僧作法。而此界人不得受利。十誦諸異僧欲受衣等者。依檢十誦云。憂波離問佛。諸比丘安居。竟衆多僧坊共結一界。受迦絺那衣。受衣已捨。是大界捨已。捨迦絺那衣。一切比丘名捨迦絺那衣。耶答捨者。成捨不捨者。不捨立云。上明諸異界僧欲同共受。不知若爲方便得受。故佛令各捨本界共受等也。

言捨者。成捨不捨者。依利者。立明。既共受衣。竟卽解向者。受衣大界更各自別結。各得受五利。若彼界僧是中。自捨成捨其餘界。未旨捨者。不成捨。故言依利。學悔沙彌者。卽是犯重而學悔人也。犯殘擯等身不清淨。故不合受也。

上辨受衣人竟已下。正明持人謂知得受不得受了。了分明者。立明持衣人須具五德。須知破夏不安居人。無僧伽梨等不得受。反此得受。故曰知得受不得受也。

餘同輕物分等者。明此衣物一同亡比丘物分處也。

輕者。應分重者。屬常住僧。此謂夏末俗人多得輕重物。施僧也。深云。此據時中所得者。故有輕重兩屬。今時多是七月十五日得衣物者。但名非時。現前則不問輕重。盡須現前分之。又復若施主時中將物來施。須問施主心。爲施此界前安居人。爲通施一化僧尼。耶答言。施此界安居者。卽名時中現前施。正當今文所明是也。若言弟子通施一切安居人。不問前後者。卽名時中僧得施也。要須作羯磨。限約方得分之。上言時現前施者。不須作羯磨。以四義定。故一時定局。七月十六日二處定局。此界也。三人定局。前安居人也。四法定。直數人相參。墮籌分也。古師亦有須作羯磨。法鈔主不存也。若施主言持三衣作盡。與持衣人者。立明須隨施主意。雖然若有三衣得隨彼意。若是重物。定屬常住攝也。

明了論疏云。於初安居時欲受等者。立明有人於夏中云。後若有衣來。我情願持衣也。僧須量議。此人何似等。若是惡人。不得與持也。

從此已下。正明第四受衣法也。一萬六千比丘團遶。

作者立謂以心慙重故共闢遮看作也。檢見論云。法師曰。何以於迦絺那衣如是慙慙爲佛所讚。故往昔有佛名迦華如來。有聲聞弟子名須闍多。作迦絺那衣未成。蓮華如來與一萬六千比丘圍遶。共作迦絺那衣。

如是五綴等者。此明恐有解散。故須橫作四攝。兩頭作兩綴。中央作三綴也。

上座白言。大德僧聽。今日衆僧受功德衣等。此單白是。白僧欲受功德衣。然後卽作差持衣人。羯磨如文。可尋。彌問自恣法中。所以先差次白。此受衣中。何以先白次差。答自恣制作。故先差後白。受衣是開。不受無過。不知受否。故須先白後差。大德僧聽。此住處僧得可分衣等者。此是羯磨文中。先牒衣根本。是時中賞勞衣。卽是現前可分之衣也。以今將爲功德衣。故次卽牒其事法。故云。僧今持此衣與某甲比丘。某甲比丘當持此衣爲僧受作功德衣等云。

言於此住處持者。彌解云。爲彰此人不得衣利爲重。此衣羯磨付彼也。賓云。然作法時要須簡取共作法。

者舉僧中央作之。若如堂中有衆多行床。行床作法者。則前床人作法得成。後行床人被前行背。故所以不成也。又若不簡預作法人同一處坐者。爲中隔異界人。非前安居人。破夏人等。由此人非受衣人數。故與應受人相間雜坐。脫地露地。應受衣人各各相望。在申手外法卽不成也。

此衣衆僧當受作功德衣。此衣衆僧今受作功德衣。此衣衆僧已受作功德衣者。制令三說律中。憂波離從此卽問佛言。此中受衣九句。當受者是。未來次句今受者是。現在句已受者是。過去三陳此句。豈非九也。三世各三。故問何世受功德衣。佛答波離爲滿足。語故說九句。亦不以過去三句受功德衣。亦不以未來三句受功德衣。正是現在三句受功德衣。何以故。過去已滅。故未來未至。故是以現在受功德衣也。彼諸比丘應作如是言。其受者已善受者。彌云。此明衆僧領受爲彰持衣合法。故曰已善受也。此中所有功德名稱。屬我者。立明以持衣人不得五利。利屬於諸比丘。故云名稱屬我。也言功德名稱者。功是功勞。德

是行德名稱是五利也。以其得此五利故無破戒之事。美德光顯故云名稱也。彌云五利功德既無過咎。美響外彰故言名稱。令我獲此五利故名。屬我也。答言爾者彌云謂持衣人發言許順也。

又廣明要心失捨者如下文八種十種是也。

僧祇有多種捨法者。依檢祇文有十種捨。一衣竟捨。二受時捨。三時竟捨。四開捨。五逆捨。六懷捨。七失捨。八出去捨。九時過捨。十究竟捨。初言衣竟捨者。受迦絺那衣時作是念。我作衣竟當捨迦絺那衣。作衣成已。即名捨故曰也。二受時捨者。作是念。受此衣時當捨迦絺那衣。受衣時即名捨故曰也。三時竟捨者。作是念。爾許時我當捨迦絺那衣。要期滿已。即名捨故曰也。四開捨者。作是念。我聞和上闍梨捨迦絺那衣時。我當捨。後聞和上闍梨說今日俗捨迦絺那衣。爾時即名捨故曰也。五逆捨者。作是念。我是衣與他已。當捨迦絺那衣。後遂已。即名捨故曰也。六懷捨者。受迦絺那衣已。中間自言。我今捨迦絺那衣。作是語時。即名捨故曰也。七失捨者。作是念。是衣中間壞敗失。

不現。我當捨後衣壞敗若失。即名捨故曰也。八出捨者。作是念。我此中住。出去時當捨迦絺那衣。若出時去。時即名捨故曰也。九時過捨者。臘月十五日不捨。至十六日。即名捨得越毗尼罪故曰也。十究竟捨者。至臘月十五日。應捨一人僧中。應作是唱言。大德僧聽。今日僧捨迦絺那衣。如是三說故曰也。餘部八種十種者。立云十種出。祇文如上已辨。八種者。出了。大同四分。依四分中有八種。前六是要期捨。後二是作法捨。一去捨。二竟捨。三不竟捨。四失捨。頌曰。去竟不竟。失望聞冥。知合五望。斷捨六聞。捨七冥伏。捨出界。八自來共和合。捨初言去捨者。謂無受利時有如是。要心云。爲在此作衣。則受利。我若出界去。則不受利。故今不作衣。出界去。時與本心相應。即是捨也。彌云。言要心者。或可當出界時。要心。或可本受衣時。要心。但使決意去。時即失德。衣故曰也。已下並是彌約律文解也。二竟捨者。謂本無上門去捨之心。故雖出界不捨也。謂無下一衣以求得衣財在此界作衣。本要心云。我若作衣。受利。若作衣。竟即不受利。後作

●教字原本
皆無不明

衣了遂本要心是名竟捨所以不言無三衣唯言無下二衣者謂其人必先有人大衣若闕大衣本不合受功德衣也故唯言下二衣賓云今雖言下二衣且據緣說然亦合舉作秋也三不竟捨者亦謂無上來去要之心雖出界不捨謂此人留下二衣財置界內出界時要心言待還當作我若息不作衣亦不復還衣所既至外已心即思量我亦不能作衣妨礙道業既絕心不作即不還來本處故曰不竟捨也由元有此要故不竟亦成捨也四失捨者謂受時要心本爲作衣故受功德衣今此山寺多有賊盜若失二衣財無所作爲則不受利後界被人盜將此物去與本心相應即捨故名失捨此人亦無上來去竟及不竟之要故雖法及竟等不捨也唯有失惡故今遂本要故曰先捨五望斷捨者亦謂無上來去等要也以受功德衣時要心云欲作下二衣我去某村不得更去今村雖前村不成乞未失爲當時要心處多後更去則村還如前不成乞即失也律中亦云續望失謂本要心云欲往某處求衣財若所望處不得衣若更有望

處續我即不捨利若前家望斷後無望續我當捨利後至望處更無望續謂今乃往乞至前家不得是斷後更無望處可續遂本要心故名望斷捨也六聞捨者亦謂本無去竟要故去竟不捨也但元受衣已要心出界外若聞僧捨時我亦捨衣後聞僧捨遂本要心故曰聞捨此聞通虛實賓曰但使聞捨即失不聞前人實捨不實捨縱使虛傳聞亦失也問若聞僧捨名聞要者僧若捨竟何待要心又若不要心聞應不失今解聞者謂聞僧中別人不受衣利故名聞僧出衣言出者捨失之別名此上礪解意明其受德衣處有一大德名望可重比丘要心云此大德若受利時我則受利此人若捨我亦不用利也其人既出界求財後聞此大德已捨利便遂本惡心故曰聞捨謂六事若無要心有六不失七受已出界僧和合捨者亦云冥伏捨謂其人受已出界界內比丘衆主等爲受五利散亂不修道業即集僧和合捨其人在界外冥然自失若不知捨受利無罪八和合捨謂受已出界無去竟不竟要心故後時雖去竟不竟俱不失以還來在界內

◆各案歸案

不能受利共僧和合論故言和合論。禪料簡云上六是要心捨。下二是作法。捨言各各違本心皆成捨者。即入種中前六足還本心故曰也。

上來釋多種捨衣之義。竟從此已下明其五種名相及時非時相攝義也。注云時非時相攝者謂如上急施衣次第增中已明也。若有功德衣從七月半已後齊各未來皆名時也。七月半前十二月半後名為非時。謂其時自攝時非時自攝非時故云相攝。言時攝時者謂時中得長衣時中盡須說淨是也。非時自攝非時者即急施衣次第增是也。此義到下隨相中三十捨墮末釋急施衣戒廣引首疏釋如後當明之也。又釋時非時相攝者。濟云為安居故施名時衣時中得者時中須說不得將非時之日合數也。若非時得衣非時自相攝亦不得將時之日合論也。上來至此始自標宗顯德終乎自恣宗要有十二段文是其衆法中間非無別人對首心念之法。然皆為成衆法之行。今若舉宗往攝皆是衆法網納之義也。

四分律鈔批卷第六本

◆會本從卷中之一

四分律鈔批卷第六本

江東杭州華嚴寺沙門 大覺 撰

○篇聚名報篇第十三

上來始自標宗終乎自恣有十二篇是明衆法竟雖稱衆法若衆不滿亦開別人對首心念秉之今從根本所攝唯是秉於僧法故言衆法亦可標宗一篇義含衆別集僧篇已下方稱衆法此篇已去明其別人自行之法故序文云上卷則攝於衆務成用有儀中於遵於戒體持犯立機即此篇已下是中卷也又云上卷已明作持行成未辨止持之法止持之相勿先戒本故今欲約戒本釋其相貌故且先明篇聚名體報果不相欲令行人志懷折厭有此篇來也故慈云上卷辨衆行已周復須廣明別行理須識達持犯廣顯其開遮應有稽相文來明欲顯相先須識篇聚之名報果之別故先明此篇也釋題名者言篇聚名報者篇是五篇聚是七聚文中廣明篇聚名相若對篇聚毀犯行成當招苦根故曰也戒疏云篇是章品之嘉名分段之別號也篇是簡名自漢以前本未有紙

例用竹木兼之執素而用蠶絲後漢蔡倫創造於紙用易簡素古書簡策可有一章以韋編之號爲一篇今仍此義供以名焉所言聚者昔人解云衆罪非一聚在一處號之爲聚解云古人以隨名求罪故曰聚也故磯問云爾無別文何以名聚答聚在大聚之中或可集在一名之下若舉一名往命則無爾而不盡此問意破古人解衆罪聚在一處曰聚義也故心疏但可云聚一名之下不可道聚在一處也云若如昔解偷蘭及惡說聚在何處又如夏不依人犯墮罪者非戒本收乃至如法治其相無限非戒本所收聚在何處故不同昔今但名收無罪不盡義可解也言名者夷殘提吉各須品目是也報者約犯論報輕重不同犯夷則九百二十一億六千歲生報泥梨下之四篇來報階降如下引目連問罪報經說故曰篇聚名報也

所以爲世良田寔由戒體故也者謂由有無作戒體秉持無染是世人生福之田有能於此田行施必獲反報之益由田淨故能長善苗種子也若無此戒自身諸善功德尙自不生豈能生他之福也所以俗人

非福田者良爲無戒故也以僧尼有戒故能習生三昧發智斷惑終獲道益以三乘聖人皆稟此戒故經云戒淨有智慧使得第一道又梵網經云戒如明日月亦如瓔珞珠微塵菩薩衆由是成正覺以其離染行成三乘因種故曰良田也如世福田無砂礫芒穢者堪投種子必長嘉苗也有云今此篇首創言戒體歎意如何謂欲明持犯名相故先且談其體有體可使論犯無體作本無違故序宗之由致義不徒述也受持禁戒爲性剎染爲相者欲明性相兩端方稱福田若唯取相如外道亦有剃髮者只爲無戒不名福田十輪經云披著袈裟是一切諸佛解脫之相亦名大正法幢亦是大乘解脫味幢意云准此幢相若直是稱福田若無戒破戒亦合名田但福利減少不得稱良田耳故下文云福出淨田道起少欲今若性相兩具方是淨田

今若永潔其心等者永由堅也潔由清也以堅持禁戒清淨心無垢穢能發生定慧故曰生善種也明今僧尼若行似冰霜心同清水乃堪爲福田也言玉潤

其德者立明玉則懷潤美好人所珍貴玉有十德如別記明今僧尼戒若清潔爲物所推如玉可貴故曰德也此德可珍如玉可貴故曰玉潤其德也以玉能潤物故借況於戒德亦能潤物津通萬像也濟云玉性光潤服之令身潤澤見今作玉家水漬玉作冬天手不覺也乃能生善種號曰福田者此結前文成上爲世良田義也檢智論云佛弟子衆戒衆具足定衆具足慧衆具足解脫解脫知見衆具足四雙八輩應受供養恭敬禮事是世間無上福田譬如良田耕治調柔以時下種溉灌豐沃所獲必多衆僧福田亦復如是。以智慧犁耕出結使根以四無量心磨治調柔檀越下信施穀子溉以念施恭敬清淨心水若今世若後世得無量世間樂及三乘果如薄拘羅比丘毗婆尸佛時以一呵梨勤菓供養衆僧九十一劫天上人中受福樂果常無疾病今值釋迦牟尼佛出家漏盡得成羅漢又如二十億耳比丘毗婆尸佛時作一房舍以物覆地供養衆僧九十一劫天上人中受福樂果足不蹈地生時足下毛長二寸後見佛聞法得羅

◆ 求難求

◆ 求難求

萬果於諸弟子精進第一如是少施獲大果報是故當知僧是無上福田。准僧祇云瞻波國有一長者子四分名字其家富樂脚下生毛作金色長四寸行時以衣摩敷地躡上而行後來佛所遙見世尊在露地坐見已即却衣摩躡地而來佛語諸比丘此童子九十一劫來足未曾躡地今見我生恭敬故爾以過去世時用一白疊敷地供養衆僧因此果報九十一劫生天上人中未曾蹈地佛爲說法即便出家精勤苦行在尸陀林中所經行處血流汚地如屠殺處佛因開著革屣不然縱拒等者謂不如上求潔其心玉潤其德故曰不然也但縱三毒四倒煩惱違拒佛教故曰也縱由恣也拒由逆也亦云抗也謂縱恣凡情違逆聖教言自貽伊戚者爾正云貽者遺也遺者與也又貽者招也伊者爾正云發語辭也亦轉也深也感者憂苦也此明違犯教者自招其苦非他與也便招六聚之之幸者事由過咎也謂隨作何罪必難其犯網成其犯行在六聚之中科斷也言報入二八之獄者檢長阿含經第十九云總有八大地獄違言八大

大經

者一。想地獄。二。黑繩。三。推碑。四。叫喚。五。大叫喚。六。燒炎。七。大燒炎。八。無間地獄。此大地獄各有十六小地獄。遼之十六小地獄者。頌云。黑沸釘飢渴銅多石膿量。灰鐵斤。豺鋸寒水。第十六。一曰黑沙。二。沸屎。三。五百釘。四。飢渴。五。銅釜。七。多銅釜。八。石磨。九。膿血。十。量火。十一。灰河。十二。鐵丸。十三。鉞斧。十四。豺狼。十五。鋸樹。十六。寒水。想地獄既有十六小地獄。圍遼乃至無間地獄。亦具此十六名字。同前合成一百三十六地獄也。又案毗婆沙論。亦然名字大同。但初想地獄改名唱活地獄。復無間地獄改名阿毗地獄。其阿毗地獄。最在閻浮提下。底次上。即是火燒炙地獄。如是最上名唱活地獄。此七地獄。一一地獄各有四門。是一門各有四眷。屬合十六眷。屬通正及眷屬合有十七。阿毗既有十七。餘七地獄亦具十七。都一百三十六也。其受苦差別不同。如別記之云云。又案觀佛三昧經。亦同今鈔所言二八者。且取眷屬之數耳。言地獄者。毗婆沙論云。梵言泥梨。迦秦言無去處。謂生彼衆生。無有去處。無有依處。無有救處。故曰也。今言地

中

獄者。是此方之名。宣云。地獄大約多在地下。重相有八。圍遼各十六也。由獄在地下。故曰地獄。獄者。周名。圍遼。周禮云。三王如有獄也。後亦銘爲黃沙。五篇明犯違犯持行。自成者。立謂五篇七聚名爲犯法。今若不須此犯法。則成其持行也。故心疏云。五篇明犯者。舉彼犯法也。違犯持行。自成者。明不犯行也。違犯法成。順聖制意。若順犯法。便成違聖制意也。七聚彰持順持諸犯。冥失者。立云。七聚之中。並彰所持之法。若順此法。而持則二犯。冥然自失也。彰由明也。顯也。新學學多愚魯者。爾正云。學。學者。動也。學者。總也。無智曰愚。痴鈍爲魯。論語云。柴也愚。參也魯。孔安國云。魯鈍也。未識條例等者。立謂不識五篇七聚持犯條例也。言寧辨憲章者。爾正云。憲。訓法也。章。由篇也。此約隨相決斷。皆有法章也。隨戒昏同。霧遊等者。謂新學之流。不識戒相。夷殘提吉之名。冥然不辨。猶如霧中遊行。故曰也。言罪報類之觀海者。立明如遠望大海中物。或謂是船。或謂山。謂鳥竟莫識其爲眞。明其新學。豈識罪相。犯戒招報。輕重叵知。順流長逝等者。逝

開往也由前不識戒相不知罪報故隨六塵五欲常往其境耽荒染愛不知返迷歸本也言順須生須生死之流長往赴於苦海也言貪蜜滴忘歸者蜜喻五欲也如經明丘井四蛇三龍二鼠五狗等喻云云忘歸者忘失正念不知返其源也僧尼毀犯禁戒受利養者檢母論云比丘受人施不如法者爲施所墮謂食他人施食不如法修道心生縱逸因此當墮三途若無三途受報此身卽腹壞食出所著衣服卽應離身也

●律部作

然業隨心結報逐心成等者謂心能造業鼓動身口作善作惡皆由心使若無記餘緣雖作非犯必行心成就是持是犯此約心爲業因也言報逐心成者此舉果酬因也由心爲善惡是因來報有苦樂之果必先張因果廣明相號等者立云五篇並是果罪七聚則合因果謂方便曰因究竟稱果此解不著應是序此篇中有兩段之意先解五篇七聚名相曰因後第二門則云二明所犯果報曰果也釋文深云先張因果者序此篇也言廣明相號者序後釋相篇也亦恐

不然但是序今篇中意也謂因中亦有相號卽下引目連問經等是也故曰廣明相號又解先張因果者能持能犯是其因來報苦樂是其果觀果知因者謂下文廣明毀戒招苦果者欲使行人觀斯惡果不作惡因慙加護持也

初中所以犯戒果報罪業極大者釋疑故來人或致疑何故犯戒罪寧頓重而不輕者今言但爲戒能生善體巨塵沙復能任持佛法以勝多故故使毀犯罪亦重也由戒護生善中最建立功強等者戒爲萬善之基經云若無此戒諸善功德不生又云戒是正順解脫之本又云戒淨有智慧便得第一道故曰生善中最也言建立功強者毗尼是佛法壽命建立之功勝餘二藏故上序云住持佛法群藉息唱等又論云以有律師持律故佛法住世五千年豈非建立功強故使毀者便招重報也

謂在心名之爲護等者賓云新經論中名根律儀亦名爲護舊來經論但有護名所言根者謂眼等六根言律儀者是防護義謂念智捨防護六根名根律儀

舊名護者。眞諦解云。能隔惡事。攝善事。故能守護六根。門令業惑不入。故能防守行人。令不墮四趣。故能防守行人。令出凡位入聖位。故由斯多義。故名爲護。廣明此義。至下持犯篇中當說。云云。言在身口名之爲戒者。謂外防身口。七非白戒。也有護不必有戒。至其必是護等者。了論疏離身口惡名。戒離意地惡名。護非戒。必是非護。非護未必非戒。所以爾者。若動發身口。必起不正思。惟故非戒。必是非護。若起不正思。惟未必動發身口。若不動發身口。但是非護。不關非戒。護亦爾。戒必是護。護未必是戒。宜作四句。一是護非是戒。如白衣等有念智捨等。而未流至身口。防非賓云。舊來諸德解。有護必有戒。多將行善俗人。雖起善心。身中無戒。但得是護。故曰有護不必有戒。出家僧尼得戒。其必從護起。故曰有戒其必是護。今解不然。案了論意云。念智捨等。是根律儀。由是根之律儀。故曰根律儀。依主釋也。了論名護。此護是發業近因。然未發業。謂雖有此護。未防身口。不得稱戒。故曰不必有戒。若身口不造諸惡。必由前念智捨心。故曰有

戒。其必是護。二是戒非是護。雖有受體。起不正思。惟而無心護。以不動身口。未必非戒。三亦是護。亦是戒。以惡假念等。方能流至身口。防非。四非戒。非護。若動發身口。必起不正思。惟故此四句中。鈔但引第一。第三兩句也。上言念者。論疏云。謂正念也。念戒功德。不起邪念也。智者謂分別戒如浮囊。脚足踏陸。能感當果。不起邪智。捨者離憂喜等。其心平等。故名爲捨。問有何義意。捨憂喜耶。答若無捨心。而對順境喜。故起貪。復於違境憂。故生嗔。貪嗔既生。二犯由知。憂喜不起。貪嗔二行。故善行得成。問此護以何爲體。答若依正量部。正念。正智。正捨。三法爲體。於緣明記曰。念。謂能憶持本所受也。簡擇功德過失曰。慧。謂能簡擇分別也。離貪憂二品。心平等性爲捨也。上言離憂喜者。憂是嗔煩惱品也。喜是貪煩惱品也。由喜故多起貪。憂故多起嗔。貪嗔既生。何能護戒。品謂品類也。如忿恚。憊恨。惱嫉等。是嗔家品類。故總名爲憂。貪。淫。覆。憍等。並名爲喜也。言有戒其必是護者。立謂比丘能防身口。七非名戒。要假內心防護身口。故曰也。即上

了疏第三句是也。經中明佛讚得戒護人者。檢了論疏。疏指諸經。也不出經名。或未翻度也。慈云通指一切經中。皆讚美於戒非是。的指一經。於此經中有八陰。皆讚其戒也。一者如王生子。喻此明能以紹佛種子。由此戒故。必定成佛。後必得聖者。謂王子爲人敬愛者。由能紹王位。得戒護者。亦當紹於佛位。故人敬愛。二如月光明喻。者立云。既有戒護。如月光漸圓。後得定慧。解脫解脫。知見五分。法身圓滿也。三如意寶珠。喻者。謂必稀必果。人也。得此珠。能感萬物。隨願必得。得戒護者。若願生人天勝樂。三乘道果。隨願必獲。濟云。若無價之珠。復異如意珠也。言無價者。謂人中無人能定與價也。雖然其珠則自解作價。謂有人欲賣此珠時。以淨物擎之。都市衆人欲買。卽以衣物錢財而鎖珠上。珠皆透出衣物。皆散其買者。續復將物覆之。價若未足。珠隨復出其價。亦足。珠卽不出。齊此爲價。故知珠自作價也。案觀佛海三昧經云。金翅鳥業報唯食諸龍。初日於閻浮提。日食一龍王。及五百小龍。次日於弗婆提。食一龍王。及五百小龍。次復於

西瞿耶尼。食一龍王。及五百小龍。第四日復於鬱單越。食一龍王。及五百小龍。如是周而復始。經八萬歲。此鳥乃死死時。現相現相。如何。謂諸龍吐毒。無由得食。其鳥飢逼。周憶求食。了不能得。遊巡諸山。永不得安。至金剛山。然後暫住。從金剛山直下。至大水際。從大水際至風輪際。爲其風所吹。還至金剛山。如是七反。然後命終。鳥肉散盡。唯有心在其心直下。如前七反。然後還住金剛山頂。難陀龍王取此鳥心。以爲明珠。轉輸王得。爲如意珠。案智論云。眞珠出魚腹中。竹中。地腦中。龍珠出龍腦中。如意珠出自佛舍利。若法沒盡時。諸舍利等皆變爲如意珠。譬如過千歲水化爲頗梨珠。因此便明。虎珀者。廣疋云。虎珀珠名也。漢書云。罽賓國有虎珀也。博物志云。松柏入地千年化爲伏苓。伏苓千年化爲虎珀。一名紅珠。廣博物志云。虎珀生地中。其上及傍不生草木。深者八九尺。大如斛。削去上皮。中生虎珀。有汁。初如桃膠。凝堅乃成。彼方人取用爲罽器也。四者如王子喻者。此明自愛惜與第一門異。前則他人愛敬也。五如人一目喻者。立云。

有人有兩目然亦護惜失一猶有一在若一目者護惜更甚失則全不見道戒護亦如一目失則不見涅槃之道也六貧人愛少資糧喻者謂賴能支計肉身之命戒能支計法身慧命

二欲塵者濟云即官人采女也餘二可知八者如病人得好良藥者明戒能除惡喻藥能除其病也上來釋第一戒護違失之宗門義竟

五篇七聚約義差分者謂篇中五篇名還是聚家之目爲其蘭吉二罪體合因果雜碎難分總作聚名然於吉聚復分爲兩身犯名惡作口犯名惡說故言約義差分也言正結罪科止樹六法者立謂吉羅罪雖分兩聚不離身口惡作懺法既同同作吉稱故正結罪科既合爲一但有六聚故曰正樹六名法此上六名並無正譯等者佛化中天隨緣制戒結夷蘭提吉之名此土先無其目是故不可翻譯但就義意翻之如言無餘僧殘捨墮等者但約義立名非正翻對然佛何不制四篇六篇恰制五者疏中種種解釋初一師云藥有五故故立五篇謂犯四夷與學

心惟謹擇

悔法名爲藥也殘罪與摩那埵等藥也提對人三說藥也舍尼一說藥也吉羅心念藥也通律師問下四可悔悔法稱藥夷不可悔如何稱藥答犯夷無覆學悔是藥名若爾有覆滅擯亦應名藥答殺活雖殊不妨俱藥學悔之法如治病藥滅擯之法如殺人之毒藥問七聚應有七藥答聚唯六病惡作惡說體類同故同黃蘭又同提共用一藥對首悔故雖七聚亦但五藥若爾七滅應除多諍答法相不同應爲三例一藥多病少如七滅除四諍二藥少病多如四輪推八難三藥病俱等如五篇有五藥也言四輪八難者且爲頌曰三途北長壽前後辨聰根善處摧前五值願植餘三高云今釋迦遺法在世不名佛前後難也法滅盡已方是難也生聖生盲合者單雙單盲及餘根不具亦非難也以聾而不盲不癡禮佛盲而不聾不癡聽法故也又一師解准俗制道如五刑法俗有五刑斬絞流徒杖也約此五刑以立五篇今破云此土近俗立此五刑豈可遠佛制戒同於近俗又梵漢懸隔輒便相擬又一師解此是如來隨機制教宜立五

篇即作五名今詳此後師最好如人面上兩目一手一鼻皆是逐便宜然何須問其多少所以也故婆沙中有脇尊者每釋義時皆言法爾宜立一二三四亦然也上已略列六名竟今即是初

僧祇義當極惡三意釋之者立謂祇律三意釋其夷罪今文且標其三意下更一一牒釋釋中先釋後句次釋上二可尋一者退沒道果無分者賓云非爲已得道果今則退失但是應得不得故言退沒也立謂若犯此戒定墮惡道名爲退沒不階涅槃之果故曰無分亦可道果無分即是退沒也此後解勝若進前解望下第三意有妨此既明退沒是墮惡道者不應更有下文三者墮落義也此是標一句竟下更有之二不共住三墮落並是標三章門更不入二種僧數者謂羯磨說戒二種也

由與魔闘使墮負處者檢多論云波羅夷者名墮不如意處如二人共闘一勝一負比丘受戒欲出生死與四魔共闘若犯此戒則墮負處問曰犯五篇戒皆墮負處何獨此戒得名若餘四篇戒當犯時亦墮負

處但尋悔滅非永墮負處故不得名也如怨家以刀割人命根不斷雖云得勝非是永勝若斷命根名決定勝犯四篇戒如命未斷犯此四重如命根斷故也四分波羅夷譬如斷人頭乃至行法非用爲名等者立明此舉四分文釋成前僧祇三意中第一句也言此從行法非用爲名者立謂上言斷頭非比丘故此約道分無用也故下文斷頭之喻此望不階聖果爲言便成此義又言波羅夷無餘也者立謂此下舉四分釋上祇中第二句也故偈云諸作惡行者等者此是四分律初勸信序偈無德之辭也彼云譬如死屍大海不容受爲疾風所飄棄之於岸上諸作惡行者猶如彼死屍衆所不容受以是當持戒不得於說戒羯磨二種僧中共住者釋前不入二種僧數文也戒之有無此入評論者立云古人各執有戒無戒之言故云評論有一師云犯重失戒所以知者一戒爲提衆戒爲水以犯一戒衆戒焉在復一師云犯重不失戒所以知者案律中打誘犯重比丘同結提罪若無戒者打但小吉又解評論者如涅槃第二十一卷

中有二十二雙諍論其犯重比丘有戒無戒是彼一雙諍論數也故彼經二十二雙諍論是迦葉菩薩舉來問佛既善知衆生根何不定說致人有諍論也佛一一答我爲緣故說不定隨機作失不失二種說也有時於一名中說無量名於一義中說無量名悉爲調伏諸衆生故我諸弟子不解我意便作實解遂生諍論云云其第十八雙諍論云或說比丘犯四重已比丘戒在或說不在此聞言佛下文答我於經中作如是說若有比丘犯四重已不名比丘名破比丘已失比丘不復能生善牙種子譬如焦種不生果實如多羅樹斷更不復生犯重比丘亦復如是我諸弟子聞是說已不解我意唱言如來說諸比丘犯重禁已失比丘戒我復於經中爲純陀說四種比丘一者畢竟到道二者示道三者受道四者汚道犯四重者即是汚道我諸弟子聞是說已不解我意唱言如來說諸比丘犯四重已不失禁戒榮疏解云初明爲假說犯重戒失後爲純陀說則是不失畢竟到道者阿羅漢也斷二障盡名畢竟到示道者三果也然以正示

之

人令學須陀洹向已下也領受聖道在身中故汚道者犯戒人也意疑鈔家專指此文令涅槃疏家解此二十二雙諍論專引諸部律及諸論人數人及十八部執等義云如犢子部作此說薩婆多部作此說等各標不同故曰諍論定云賓云婆沙六十六云准陀經中亦作是說沙門有四無有第五一者勝道沙門二者示道三者命道四者汚道當知此中勝道沙門謂佛世尊自能覺故一切獨覺應知亦然由道覺故其道最勝示道沙門謂尊者舍利子無等雙故大法將故常能隨佛轉法輪故一切無學聲聞應知亦爾無學之人自行已得但應度人命道沙門者謂尊者阿難陀雖居學地而同無學多聞聞持具淨戒禁一切有學應知亦爾謂有學人身中增長故云命道也汚道沙門者謂莫唱落迦茲獨惡盜他財物等是莫唱落迦此云大惡者謂都無有此翻爲伽計難心中解有戒非無者案雜心論傷云別解脫調伏是捨於四時若捨及命終斷善二根生解云若捨者謂捨戒也俱舍云與受相違故命終者種類滅也俱舍云所依捨故斷善等者謂善根斷及

二形生也。俱舍云：斷善者所因斷故。二形生者所依。變故持律者言：法沒盡時，彼說戒結界羯磨一切息。斷毗曇者說曰：法沒盡時，先所受律儀相續生，不捨未曾得律儀者，不得是故。說一切息有說云：犯初篇罪名捨律儀，此則不然。若言犯初篇失戒者，犯根本罪已還俗，應得更出家已捨戒，故今正解犯初篇罪於別解脫戒，是比丘於無漏戒非比丘也。上並論文有無此語論或指此論文也既言邪見二形出命終及捨失不許犯重失，唯在四捨也。案法勝阿毗曇第二卷存其五捨，謂加第五正法隱沒時，捨今不在之。如前已破，未曾得者更受不得，先受不捨。瑜伽十三立五捨加犯重捨也。問：難心不存犯重捨者，何故律云犯重已非比丘？彼論解云：佛言非比丘者，非第一義比丘也。謂犯初篇已於別解脫律儀是比丘，於無漏律儀非比丘，是犯戒非捨戒，故曰有戒非無。若論重犯罪，自明斷者律云：若比丘犯一一法，如前後犯亦爾，即其義也。

此別解脫戒由境緣別等者，立謂於一一境上別別

防非得解脫，故曰別脫戒也。以發戒時隨境而別發，今若犯還隨境別犯，不得頓也。女人身上發二十一戒者，此是多論文也。此且舉淫戒爲言，約七毒歷三瘡門，故成二十一也。言七毒者，謂約三毒煩惱爲三，單三雙一，合言男子十四者，謂七毒歷三瘡門也。直約姪戒若盜殺妄下文當述，自餘諸姪至稱本受體者，謂本受時發無作體遍周法界，今雖污一姪境餘境未污，常淨儼然，既未毀犯，故曰稱本受體。打勝犯重比丘等者，舉律文證犯重比丘有戒非無。若打勝無戒俗人，律結小吉。

答：懺本清淨理當足數，如得作說戒自恣者，立偏答上言云是數之非，謂實堪僧用以無人時開秉二法。餘法亦無開文，然此人實是體淨合應足數，由情過重不堪僧用，望其自行是淨非穢，言來不隨意者，謂僧作法時不來非別衆也。

如下懺法中者，下懺六聚中引僧祇等律云：犯重與學悔已，比丘不淨食，彼亦不云淨食，彼不淨食，比丘亦不淨等。既言同有不淨，豈非比丘又引母論與白

四悔法已名清淨持戒比丘等惶懾者說文云齒業反心服曰懾爾正云懾由懼也言常淨儼然者儼謂恭之容也

若先嚴淨識托對五塵者立謂先興起觀行之心後對色聲等五則不染者如不淨觀成對女人不貪色若慈悲少欲觀成則不行殺盜也即涅槃經中無勝長者見諸女人猶如白骨如刀毒地等云云所以舉五塵不舉法塵者解云法塵意識所得二乘制防身口不禁意地故不明也此自意解耳自懷藏疾等者立謂犯不發露復不懺悔但知覆藏如人有病不令人見以衣覆蓋故曰藏疾傍人雖解療治不見來由加益遂至於死言財法並亡者同一利餘曰財同一說戒曰法二俱絕分故曰並亡便冒受用自他俱負者以破戒食人信施不消來報極苦又令他施主福德減少故曰自他俱負故五分云能施所施二俱犯墮故曰冒受也言用者蓋入僧數塵金清衆自招冥責又誤僧家業法被事不成亦是自他俱負也此受用二字屬上財法並亡之言也受屬財字用屬法字

多福經法

如人身中四處得死等者景云一髓髓頂二咽喉三心四腰也婆沙論中唯明二處得死故彼論二十七云問何故斷頭及腰便死斷手足等而不死耶答頭腰二處是大死首故斷便死手足不然復次欲界有情依段食住喉通段食腹爲食依故斷二處命根便斷復次頭是眼等多根依處謂於頭中具五色根此五色根十二入中五入是也斷之便壞眼等諸根腹是息風所依止處斷腰腹壞息無所依故斷二處命根便斷

出家持根本戒者立謂諸僧尼四重八重之戒也案十輪經云佛言若有族姓男女以深信心歸依佛法或欲趣聲聞或趣辟支佛或趣大乘於我法中而得出家受於具戒極有信心護持根本四重等罪常慙精進勇極不休終不虛受人天供養於三乘中隨所樂欲何以故志求解脫乃至捨命終不毀犯又云何故名爲根本之罪謂若人作如是惡行身壞命終墮於惡趣作如是行是惡道根本故名根本罪也後四則所說者此指下尼衆別行篇明也

同名之罪則有重犯等者謂十誦中姪殺盜妄此四

同名夷則有重犯謂前作姪犯夷後作盜亦夷同種無重者如前作姪得夷後作但吉四分則不爾同名同種俱有重犯何故名爲種種爲類義也亦可以罪從此生能生罪故故名爲種言此據初篇以言者謂唯初篇同種無重犯若下四篇同種亦有重犯不異四分也學悔犯殘等者據犯衆多僧殘既次第行讞故知是有重犯立云舊解非不能引也上言犯衆多僧殘是同種之殘也言餘如別部中說者指下諸部別行篇更明也

明了論律中說有五部等者謂了論說篇爲部也彌云部是當類之別名也言此間爲篇者立謂篇是此七名如前已釋本是祇律名篇以魏時嘉平年中外國三藏曇摩迦羅來至雒陽創立羯磨法受戒出僧祇戒心隨此七名爲篇也四分但立犯聚五種犯五種制也今相承章疏家云篇者隨物來時僧祇之稱也今依本義立名者部謂了論云解律中本名部也一成就根本義者立明前三方便罪能成就根本之果此是欲作重罪不成住前方便也此三可憊但

是能成根本故曰成就根本義二隨順根本義者謂覽因成果也明其三方便罪隨根本不可憊故曰隨順根本也

夷有十六罪者彌云然五七之果成本由因故有方便蘭吉之名也了疏中夷四戒一戒各三方便論根本四四成十六也

不成僧殘此罪對人悔者謂若本爲戲樂而觸得殘今本心擬姪雖觸但蘭此蘭是夷家方便非果罪也若爲戲樂故觸得殘此殘是果罪非夷方便也謂本心只擬觸取樂不擬進趣故曰果也問摩觸近重殘非方便盜亦近重而成方便者答盜五必假四故四而非重大姪不假觸故觸非方便故多論云犯姪不假他如已三處也又云盜有續成重故作方便名再觸非大姪如何能究竟如律云再盜不滿五佛言相續夷言此罪對人憊者立明謂對衆僧憊非對一人也

前三方便皆爲成就者立謂此解前成就根本義也濟云願律師不許方便中有步步得罪也謂不許有

進趣方便中有蘭罪也。夫言結罪者一待心停二待事畢可有結。正進趣之中無此二事何得結罪。今期心造境事未究竟何得於中輒論科其犯也。但可步步之中得不善業終不可結其罪名。若於方便中即住不作前根本即結蘭罪。故律云成者夷不成者蘭是也。願師嘆七方便名為七不成。由作根本即結不成之蘭吉也。礪與宣等名為七方便。願不許之不許因中輒結罪。品要待心止結不成之蘭也。資願意凡言結罪一待心停二待事畢進趣之中無此二事何得結罪。由如須達往向佛所步步增其順理之福。故許犯戒步步增惡而無罪名。此即以達理不善為進趣體也。今且破曰須達見佛果無名。故許因中無福號今違佛制果有目應許進趣有慳名。又復達論文云步步有蘭也上言由如須達等者即涅槃中須達欲往佛所道過天寺時有天神空中告曰假使有人身佩璆瑤香象百頭寶車百乘。錄金為人其數復百持用布施供養不如有人舉足一步詣如來所。彼師引意向佛有順理步步之福也。前三悉不可懺即隨順根本

義等者解上隨順根本之義也。言餘三例此部者謂盜殺妄三也。
四分但言成等者謂四分但言不成者。蘭不說遠近方便。蘭之輕重及有初吉。今准下了論十誦明有遠近方便不同。若准十誦蘭分輕重者謂次方便是輕。蘭近方便蘭重。遠方便是吉也。然彼十誦中偷蘭有三品懺一大眾二小眾三一人懺了論唯結一品者謂前二方便並是吉羅。但有近方便一蘭故言一品。體通彼此者立云蘭吉名殊體一通其律論兩文故言彼此謂了論中次方便是重吉。十誦是輕。蘭然名雖不同罪體一等俱是對一人懺也。上釋夷聚義竟二者僧殘聚者立謂有殘之罪由僧除滅故曰僧殘。從境立名者謂僧為能懺之境。殘是罪體之名也。應言境體立名僧是懺境殘是罪體也。又應從境義作名境亦僧也。義謂此罪有殘之義也。
四分中正明僧殘便成上解者立明四分名僧殘同上婆沙中解也。又云有餘以行法不絕為名者此明懺竟復本僧用故曰也。

理須早救等者。齊云卽律序云可救有十三餘者。不須救言。強與波利婆沙等者。此云覆藏也。從所治情過爲名。明犯殘已。雖無心悔。過僧若強爲加法。亦得清淨懺夷。不爾出彼。自心由過。懺重必洗心悔。若自無心。僧強與法不成也。言隣者近也。摩觸。觸語姪家氣分。苟能爲之。將有犯重之事也。

尼有十七六異。七同者。六配七成十三。此且約僧十三也。就尼十七而明者。有十異。七同言。十異者。頌曰。言人度賊外解舉。四獨染食并勸他。習近違諫。誘僧違囑。寶發淨僧違諫。一言人二度賊。女三界外輒解。三舉人四四獨。謂度水獨行。獨宿。獨入村。五受染心。男子食。六勸受染心。男子食。七習近住。違諫。八誘僧勸習近住。違諫。九囑捨三寶。違諫。十發起四諍。誘僧違諫。言七同者。一媒。二誘爲三也。及四个違諫爲七。頌曰。媒嫁有根。無根謗破僧。伴助汚性。違此七配前十是尼十七殘也。言僧六異者。漏失摩觸。二。麤語。二房也。頌曰。漏失并摩觸。二。麤與二房。所以漏失僧重。尼輕者。多論解云。女人煩惱染重。難拘難制。若制

多示以情

之應於作尸

與重罪苦惱衆生故也。又云。女作在屏苦乃盈流。男子不示隨事能示故也。摩觸一戒。尼重僧輕者。尼則煩惑性重。既受摩捉。必被陵逼。成大過。故方便之內。制與重名。丈夫摩捉。必無陵逼。不假染防。但就限分。制於輕也。二。麤語。僧重尼輕者。男則剛獷。無羞爲之。義數故重。女則軟弱多耻。爲之義希。故輕。二房亦爾。所以不同者。僧是多利孤遊。造房事數故重。尼卽反前故輕。又如多論二人共造不獨宿。故人無房。豈縱有過者。輕而非重。

僧位。抵施沙等者。是僧伽婆尸沙別名也。以了論說不同耳。梵音輕重。故爾言有五十二罪者。有三方便合根本成四。故有若干也。

此乃正量部名等者。謂上了論云。僧伽抵施沙者是正量部中之名也。了論釋正量部故云然也。言有三義者。立明物一義。與薩婆多部同。謂是戒見同。是僧義不由定。慧是也。第二卽是救義。第三是勝義下文自出是也。薩婆多部。稱僧伽婆沙有一義。正量部同等者。謂薩婆多部。唯一義。與正量部中第一義同。

也

言解云由見衆人和合等者應是了疏解云也衆人謂是僧也要以同一正見故言由見也復同一戒復須和合是名僧義然僧具六和且舉戒見二名以釋僧義由此二不同不由定慧者此語斥其多宗也多宗僧伽者具三義一戒見二定三慧此三若同乃名僧伽義也以多宗慧辨僧體今則不然不由定慧但具戒見則成僧義未假定慧今言由此二不同者謂由戒見不同即乖僧義此上並是釋其僧字也有三義初如前解者謂僧伽抵施沙中有三義初僧伽義上已解竟第二救義第三勝義也可知上釋僧殘義竟

偷蘭名大者立謂過相羶重故由大也遮言障善道者立明道是所障罪是能障以犯此罪能障於道故曰也彌云夫言破戒障道者障何等道謂障初禪二禪三禪四禪空無相無願障須陀洹乃至阿羅漢果此亦是就遠說障也既尸羅不淨不能集生三昧發智斷惑終獲道益故說爲障道也由能成初二兩篇

之罪者謂能爲夷殘兩篇之因是方便也初謂初篇二謂僧殘篇兩謂都結也又翻爲大罪者有云約破僧出血逆等爲大罪也

一是重罪方便者此因罪也有輕有重大方便是輕近方便是重二能斷善根者此謂獨頭果亦有輕重如破僧出血是逆偷蘭則重若裸身見佛人皮石鉢則輕也以破僧出血是斷善根也所言過者不依佛戒而行者此是罪過也濟云不是罪過之過直是過度義也謂越過戒律限域之外故名也如下舉喻其義自顯如牛突籬援等者立明闍爲重罪之因如前牛破籬爲後牛之因也後牛因前得度亦如前犯闍致後犯夷前牛破籬喻犯闍後牛得過喻犯根本重也然過名亦通等者立謂前牛破籬名過後牛亦名過也謂犯闍犯或雖過名過然過有輕重也案了疏云然過名亦通諸罪但此罪應於上過名最初犯爲過後去從初受名如初牛出過界得名後牛出隨前者故亦得過界名今釋疏意然七聚皆是不依佛所立戒而行故言亦通諸罪也言此罪最初者約能爲初

二篇之方便。由前方便故。後乃犯根本。故曰最初罪。通正從等者。獨頭是正。謂云如破僧伴助皮盜露形。名究竟。蘭亦名獨頭也。若爲他方便者。曰從是因。蘭正是果。蘭也。

言體兼輕重者。如下通輕及因中具論輕重因果之義。至下廣有解釋也。律列七聚六聚並含偷蘭等者。謂律明六七雖別不同。然蘭必居一位之數也。或在上下抑有由也者。抑云止也。案也。謂蘭或居殘下曰上。或居提舍尼下曰下。置處不定。非無所以。故曰有由。重者則居上。輕者則居下。不可雙出。故或前或後也。若准礪解作因。故三爲果。故五爲辨。成他他成。故爾解云爲他之方便者。故居第三聚。故曰爲辨。成他。謂能成他夷殘方便也。爲果故五者。謂獨頭果蘭。即居第五聚。即用吉羅爲此果蘭之因。故云他成。故示爾呼吉羅爲他也。

示字註釋

入非字

今

輕重其第二篇近方便與初篇遠方便同。若第二篇遠方便則輕也。故下文云輕者如第二篇遠方便等。故知此中之言猶有餘也。蓋是且判夷殘兩篇各二方便云是重也。未暇簡出二篇遠方便云輕也。謂裸身用髮者。謂露身見佛用人髮爲繩也。

戒與威儀通別互舉等者。謂二名雖殊。此是互彰其目以別別而明。作此分別。若通論者。七中通得名威儀。如犯殺盜。豈非是威儀。佛呵須提那云汝非威儀。非淨行等。此即通名威儀也。就戒而言。七通名戒。如言二百五十戒。豈得簡却下四聚耶。如犯吉羅亦名破戒。故下篇開通中亦云最初未制戒等。故知戒名是通也。故礪云若也。通論五篇能治皆有防非齊稱爲戒。故下文並言最初犯戒與比丘結戒等。若據身口進止威儀法式。皆名威儀。故下文言非威儀等。令且位分爲兩。前二所防過。能治稱戒。下三犯細能治名威儀也。言別者。即律文遮法中云有人舉他罪來。佛令窮問。破戒耶。破威儀耶。若言破戒。破何等戒。波羅夷耶。僧伽婆尸沙耶。偷蘭耶。若言破威儀。破

何等威儀波逸提耶。惡說耶。據此明知前篇是戒後篇是威儀。此就別說也。

若就均雜往分等者。謂夷殘提及提舍尼。此四是均均義有三。一名均同名夷殘等二體。均且如四重罪體無輕重。其報亦無階降。同是九百二十一億六千歲也。殘提等篇類然。約違教罪其體均也。論遮性業道有無則別。三究竟均者。謂上四篇非因是果罪。故名究竟。以具此三均故。非雜也。雜則不具三均。故心疏云。凡立篇者必具三均名體究竟。此是定義。且如初篇同號。即是名均。齊須擯治。即是體均。罪非方便是究竟。均乃至第五三均例。然言無非正果者。謂上四篇非爲他方便是究竟果罪也。又是正非從故言無非正果。下三爲雜通輕及因者。謂偷蘭惡說惡作。此三爲雜有輕有重。故言通輕。含因含果。故言及。因其輕重因果不均。故名爲雜。然果罪有重因罪。亦有輕重。因罪輕重者。且約蘭辨有三品不同。若初篇近方便是重對大衆。悔十謂八人爲大衆。四人爲小衆。四分五人爲大衆。四人還。是對首法。故名小衆。

初篇次方便二篇近方便。名中品對小衆。悔只有四人。僧受懺之時。無有單白。但問邊人也。若第二篇次方便。是下品對一人。悔果。蘭者亦名自性偷蘭。亦名獨頭蘭。亦分三品。若破法輪。僧若盜僧食。盜十方現前物。偷四錢及非人重物等。皆是重對大衆。悔若盜三錢已下。破羯磨。僧與女互有衣相觸。名中品對小衆。悔剝三處毛。露身行。著外道衣。畜人皮石。食生肉。血。噉心。破塔。裂破三衣。名下品對一人。悔吉羅有因果者。戒本一百衆學。一向是果罪也。若爲蘭提及重吉。作初方便者。曰。因言輕重者。初方便則輕。近方便則重。亦有三品。謂對人悔是重。責心悔是輕也。責心復兩重者。重責心。輕者輕責心。故有三品也。果吉辨輕重者。就故誤明也。立云。如沙彌滅擯吉。雜是重。由此輕重因果不同。故言通輕及因。准理應言通輕重及因果。但文家略部重字。果字也。然偷蘭雜中之重。故居第五者。謂下三聚是雜。蘭聚最長。居第五吉分兩聚。次輕居六七立問。蘭既不具三均。故進入聚。不入篇義。容可爾吉。既入篇義。具三均。何爲復在聚。

攝答吉具三均得入篇者唯指一百衆學餘二不具均者總入聚收由體含輕重罪有正從故也上釋偷蘭義竟

四波逸提聚義翻爲墮者非是正翻對義翻也十誦云墮在燒爇覆障地獄者檢十誦律九十中戒戒唯作此解更無別釋

若據罪體同一品懺者三十九十雖分若捨衣竟但對一人懺與舉提同也

三十捨墮餘入別懺者尼二百八中離取三十因財起犯制以捨墮餘一百七十八單提但對別人悔故言餘入別懺言種相同異如別顯之者謂尼戒本自明指或尼衆別行篇中釋也

尼柯部有三百六十罪等者謂僧有一百二十提用輕重二吉爲方便并根本成三三百二十三三百六十也百尼柯者彼喚名別只是波逸提也言翻爲應功用者明此罪微細須加功用意故也上二篇罪過相繼大治行易成不假功用也二性罪及制罪者謂九十中如毒罵兩舌殺畜飲虫打搏等是性罪如掘

不
明
起
惡
字

小
同
於
作
明

中
同
於
單

地墮生飲酒數洗浴水中戲等是制罪亦曰遮罪謂此篇中具含此二是曰難持應加功用也因時能燒心等者謂初犯罪時其心熱惱故曰也果時能燒然衆生者犯此罪者來報燒熱地獄故曰果時能燒也但有三部者兩吉爲方便并根本提爲三也卽此律戒中具明悔過之詞者謂我犯可呵法所不應爲等是悔詞也尼有八種與僧全別者並是索美食爲緣起也一謂尼無病索蘇犯可呵法二索油三蜜四黑石蜜五乳六酪七魚八肉有十二罪者二方便并根本爲三三四成十二也翻爲應當學等者謂式又翻爲學迦羅尼翻爲應當謂學應當覺言倒故也謂翻譯家改異故曰應當學濟云此方言倒耳故唐三藏云在天竺每被彼僧詞云彌戾車汝言自倒旣云喫飯前卽云喫爲喫空耶應須云飯喫皆先所後能也父汝父字向下讀者亦是倒也故梵本經文字皆橫下亦有理致也汝若向下爲正者今僧中次第而坐何不頭上著人又汝言豎讀爲正者汝眼何故橫耶隨眼橫著豈非便易擅

眼上下亦難乎戒疏引多論問何故此篇獨名應當學者何答餘戒易持而罪重犯懺是難此戒難持而易犯常須念學故不列名但言應當學又云若就所防彰名應云衆突吉羅今隱其所防就能治行以立名目故言學也論其所學實通上四篇非局此篇但人情薄淡重罪多持輕便不敬若論成行非勸護終不可成所以大聖觀物機緣特加勸勉故與學名又能持此戒滿足無缺即名學行成就終彰名學功義顯故偏於此戒受學稱也言胡僧云守戒者爲此戒能守護於四重由持此戒防守前篇便不犯也又云專旣在心名爲守戒也十誦天眼見犯罪比丘如駛雨下者檢十誦云時諸比丘得天眼見諸比丘犯罪如雨駛下見已便遮諸比丘說戒以是緣故開靜事起不得布薩說波羅提木叉是事白佛佛言莫以天眼隨以肉眼所見應遮出遮說戒法中也尼法指同大僧者謂尼第五篇還有一百戒同僧多少也言必有解判如疏述者戒疏云惡作惡說從具得名

母論云身名惡作口名惡說作義是乖名通身口故律下文無問身口皆突吉羅善見解云惡作者是明了論解非四部所攝等者立謂如一百衆學並是果罪非是上四篇方便故言非四部所攝今詳此釋恐不應理觀了疏意但言非前四部所攝不言第五部唯果非因今何得言局百衆學然了疏意云第五部中或有二因或全無因故不同前准數爲部謂但起心不動身口唯果無因若有動業因果具有如欲上樹未動身語是遠方便動身或語是近方便上樹過人即名究竟隨應准說賓述也言所餘諸罪共學對者謂一百衆學及餘一切吉罪但非前四所攝已外皆名所餘諸罪也賓云前四部中雖有因吉隨應自攝入前四中今辨第五雖亦名吉要須非是前四部攝取所餘罪也言共學對者對首心念名之爲學以其對治所作罪故名爲學對今言共者謂輕重二吉俱須對治懺之故名爲共了疏云責心及對人名學以其對治所作之罪故名學對也解此疏云責心及對人俱須解知名學也二種各對治除滅名對吉

也及婆數斗律者此云品類律也彼律有二百戒多明輕戒謂是吉也亦是此第五篇正果罪也賓云舊人皆言婆數斗律是二十部之內一部之別名今詳不然婆數斗者真諦翻爲品類也故知是捷度之異名耳品類卽是法聚義也亦是蘊積義故知只是捷度耳如捷度中多不論殘夷重戒唯明輕吉等故今文云多明輕戒是也梵本正音應言毗數斗此翻爲事也如捷度中說戒事集在一處或安居事自恣事聚在一處皆名捷度故知婆數斗是其捷度也言一切皆是第五獨柯多者此結上文也從上非四部所攝下並是獨柯多部攝也獨柯多者吉之別名也此是正量部名等者謂獨柯多部是第五篇罪也正量部呼名不同耳了論解正量部云此獨柯等名出彼部也言無別身口業故意是惡作翻之者有人云了論意明無別身口業者謂身口所發皆由意地今但是意地流至身亦名惡作流至口亦名惡作故知身與口同名惡作不得身惡作口名惡說故曰無別身口也立明正量部中將意業爲惡作身口但是造善

之惡惡解

惡之具自不能成業如死人亦有身口不能造業故知由意方語造業故將意業翻惡作也故了論疏云獨柯多部者翻爲惡作正量部解無別身口業但故意是業故意能發身口名爲身口業依此部解唯意是惡作也薩婆多云等者立明多論用身口二業翻惡作也故了論疏云薩婆多解身口是別業通三業皆是惡作又戒疏云吉羅者律本解云惡作惡說分身口業故有斯目明了論中二業一名俱爲惡爲惡作身口爲非無非鼓動故也言同翻一名而義兩別者謂了論用意業爲惡作多論用身口業翻惡作故云兩別也

分輕重中等者此明了論約吉羅中自分輕重二別故彼疏云若通說第五部中諸罪同名獨柯就中約輕重分之重者名獨柯多輕者名學對爲分別輕重異故於輕中別立此名故名學對又言輕名學對者了疏云對首心念名之爲學以對治所作罪故名學對也

若動身口有遠近二方便等者立明吉羅亦具二個

方便故了疏云如發心欲上樹未動身口未說欲爲此事是遠方便動身去或口說或手觸是近方便上樹卽是根本吉羅餘依此尋之問重罪若已作根本故便隨根本不可別懺今此輕罪已作根本方便可別懺不答亦隨根本不可別懺由方便皆成就根本故也

重罪重責心輕罪但云不應作等者立謂吉羅二方便中自有輕重重者重責心輕者輕責心也言亦通下用者立明責心懺吉通下三衆謂式沙足沙彌尼也

二不定法托境以言者立謂托覆露兩境爲犯處也言通該六衆者立謂此二不定覆露二境之中容犯六衆之罪也以身與女在屏或作姪事是夷或身相觸纏語等是殘期行姪事是闍屏坐故是提戒無病端坐受食是提舍尼或無染心共坐是吉故曰通該六衆也若論罪體生疑不信者如緣起中可信女人舉來白佛猶心疑故故曰生疑則不信比丘清白也由使他不信及疑故卽將此不信與疑爲罪體故結

不應之吉謂不應使生疑故卽首律師云以疑似爲體今彼上解云疑是女人豈成過體云爾吉師亦有不許結吉者謂有犯卽入篇聚收未犯理合無罪故首疏同七衆之中無二不定之名云何結吉答若作此難我反問汝七衆之中無不應爾及如法治之名然不應爾如法治爲有犯不然此既是犯亦不入聚我二不定聚中雖無結吉何失又略說戒中亦具有二不定意說若不許二不定名爲戒者十五種略說戒中何故舍二不定方十五種略說戒也既名說戒明知不定亦入戒門收也十五種略說戒具列又戒疏云房室私禮俗所常行而比丘無侶獨一女人同處纏語令他疑恠罪相難分故約生疑吉羅罪故略跋律云如何此戒作不定說答未來中或容有無實犯故實叙古人釋此罪體云三罪二罪爲所防離染清淨爲能治非法自言爲所明如法自言爲能治又以治罪不如爲所防如法治罪爲能治相傳破云非法自言爲所明者尼有自言應有不定又復豈容要待自言方犯不定也治罪不如者過在俗衆豈可此



戒防治僧罪也。首律師言疑似爲體。同此鈔疑在女人豈成過體也。彌云以屏露二處應須檢審以爲所防。此謂二不定在於屏露涉嫌疑處行住坐臥以爲所防。如人惡子制令離過。故不聽其至可疑處。設若至者。父母必須勘問。來由此亦然也。崇云檢未實時。在不定攝勘檢實已。卽定聚收何須此明所防體。今詳律儀防護爲義。二百五十戒體須存。豈容此中無所防體。故今以其在嫌疑處爲所防也。問在嫌疑處容犯一切不應唯局愛染諸戒。答理實雖通犯一切戒。然由愛染過失尤重。故立不定以深防之。由此亦顯尼有伴故隱而不立不定戒也。文彰三罪二罪者。立明文云若波羅夷若付殘等者。此是略舉三二罪名也。准理合舉五篇。景云文中雖彰三罪二罪。然或有或無。若生疑不信。吉羅此則定也。景問其二不定。無別名種。何故戒本制三問者。答舊云今三問者意云汝不與女人共坐。生他人疑心。不所以須問。非有罪名也。今意不然。此中通問前後不局問生疑也。七滅諍中罪亦通有者。立明僧尼各有七滅諍事以

尼律中不爲他滅諍結提罪也。僧若知法不爲他滅諍得吉。僧尼不滅諍各有罪。曰通有又解。但明僧七滅諍也。既有諍事。比丘解知七毗尼之相。不爲他殄四諍者。犯吉故曰罪。亦通有謂望七毗尼上通是吉之罪境也。後解爲正而僧尼同數共成通戒者。立明僧尼同防身口七非故言同數也。以上五篇七聚以僧尼同用故言通戒也。又言有人云是七滅諍以僧尼同有此數。今言不爾。尼中雖有諍事。不爲他滅便得提罪。僧但得吉。既此不同。何得言同數也。濟云後解爲正。以僧尼同有七滅之名。同數同何。癢有輕重也。此解恐非。今正解云。據尼戒本中亦不定有家出尼戒本。則無七滅。然據律文尼戒本單墮中唯有一戒。若比丘尼明解聖教。不爲他滅四諍者。波逸提。今言僧尼同數者。謂據尼亦合同僧有七滅戒。故曰僧尼同數。但尼戒本通速七個爲一戒。故曰用成通戒也。

五篇七聚何義。差分者立謂問意云篇之與聚若爲差別。故或離或合。又復六七不同有何殊狀。

答言立五篇者。僧祇律中明。魏時曇摩迦羅初至。漢地出僧祇戒心。翻名五篇。今相承仍作此名也。卽四分下文者。立云。其六聚七聚。雖別。並是吉羅。以是尼律之文。故言四分下文。今且分七五不同者。此是答上問意也。上問五篇七聚。何義離合。今答此問也。一名均者。齊云。同名夷。同名殘。同名提吉等也。其偷蘭家。卽出頭來。訴我亦名。均以無問輕重。皆名偷蘭。可非名。均不許我入篇。篇家卽報云。我夷殘提吉。非但名。均約體復。均以無輕重不定。汝之偷蘭。或輕重不同。或因果有異。謂有時作他方便。或復自號獨頭。據體非均。故篇家簡出其偷蘭。聞已卽走脫。便謂云。阿嚩向聚中坐去。二體均者。如犯初篇。治擯及受來報一等也。不具此三通入聚攝者。問既言篇具三均。篇則有五。何故上云前四是均。下三爲雜。答若從聚論前四是均。下三爲雜。若從篇辨五並是均。所以爾者。由吉羅一聚。罪含因果得篇名者。直指一百衆學。由是果罪。又具三均。其餘因吉不具三均。通收名聚。故心疏問曰。吉羅罪中。既通方便。如何在篇答簡取究。

竟者。以入篇中。餘方便者。入聚所攝。問偷蘭罪中。何不簡除。從生取究。竟者。以入篇答不同也。偷蘭究竟。或均或雜。或前或後。難定其罪。大約且分三品。故入聚收此問意云。吉既在篇。復在聚。爲含因果者。蘭亦含因果。還合將果蘭入篇。因蘭作聚。何故唯聚不得入篇。答意可見。心疏又問。如上立義。罪位分五。各具三均。墮罪之中。僧別兩悔。第五一罪。對首實心。無有二悔。明如輕重。何得均耶。答今言均者。以義故。罪經一篇中。懺有輕重。至於名種。一向不異。何以知之。初篇名。棄則不覆。開悔及不足數。相同棄也。二篇僧治。則行覆在別。至於本罪。出必在僧。三篇對首。而或衆衆者。以財事難遣。對僧微駁及論捨罪。與別何殊。第五一篇。雖有二懺。故誤兩心。雙捨本罪。何妨義攝。以位通之。

六中合吉羅。以體同故者。立謂雖惡作。惡說名。殊同是吉羅。罪體體無輕重。來報修短。是同。故合爲一聚。七中離惡說。以過多故者。既身口二業。造過不同。故離成七也。戒疏云。古師解七五離分品位不同。文極。

樂廣宣並廣叙後卽拂除言如此云云並是古義今人行誦未能思釋不叙謂言不知若知復無所以故今解云大聖立教爲顯時心或立結業以收非或立名相以求罪隨其所通得解便止如陰界入隨迷故謂陰界入三名同迷取悟故此分別迷名唯是一義耳可以例曉罪雖聚大位三階五篇六聚七聚定其重輕取究竟者莫不齊五故有五犯五制五品五篇五部等也定其來報年劫遠近者莫不齊六故有六聚等是也言其果由因成自有因不感果者莫不齊七故有七聚等是也自意釋云離爲七聚者便取爲他方便因之吉爲一聚也且列兩名廣如戒疏說者彼疏釋五篇四門分別一位立五篇并解名義二置不同翻名顯相三但置於五而不四六四五篇次第等至時可尋戒疏相因成宗必觀時宜廣略機變不事誦文彼此同憫宣云有人不解道理者云爲我盡底道余云底何可盡至佛方知今且大略識相奉持還妄彼彼實時指業大破正功無任法利余老矣桑榆轉迴不暇多述願諸學者時復思焉

答兩列定數約指爲言者約由限也謂且約略列二百五十及五百之名也言踐運者小道曰踐大道曰逕可指此爲所防者謂豈得唯指三百四十八戒而防須約萬境而防護也言可得由豈得也上來釋第一篇聚義竟

二明所犯果報者前序中云必先張因果廣明相號卽約因果爲二段文因文已了此下當第二正明果之相號也

我心爲本等者由橫執妄我故起三毒若修無我觀成毒不復起也言如懺法中者下懺六聚中廣明心業淺深之相也起罪必約三性而生者謂起過之來隨緣萬別統明因起不過三性謂善惡無記此三能爲起罪之因故曰也受報淺深由意業爲本者說三業中身口獨不能成善惡要假意地成善成惡意有重輕故便報有淺深等故善生經云一切摸盡無勝於意意盡煩惱惱盡業業則盡身故有好醜之別重心破輕戒得罪重等者卽如伊鉢羅龍過去迦葉佛時故壞伊闍樹葉死墮龍中風動樹時膿血流注

釋迦出世未記脫時令待彌勒佛出汝可問也言或由見起者謂五見之中此屬邪見撥無因果此並慈心造罪而前境違重者立明由殺前生夫是衆生皆惜身命今若殺者違前所殺境之心得重罪故言前境違重也勝云前境是人具緣違教得重故曰前境違重也

不同犯性廣如下智論中說者下憒六聚中云大論云戒律雖微細憒則清淨犯十善戒雖三惡罪不除如此丘殺畜業報在三心之中解善心義竟

已下明不善心也由無慚愧初無改悔者若有慚愧不名惡心今言惡心犯戒由無慚愧故也即涅槃經云有慚愧者罪則非有無慚愧者罪則非無是也蓋於天者曰慚羞於人者曰愧亦云蓋自曰慚羞他曰愧經云一作業定二受果定者此是善生經也案彼經云業有四種一者時定果報不定二者報定時不定三時與果報俱定四者時果二俱不定時定者所謂現在次生後世若時不定果報不定是業可轉若果報定應後受者是業可轉現世受之何以故善心

智慧因緣力故惡果定者亦可轉輕何因緣故名果報定當作無悔故專心作故樂喜作故立誓願故作已歡喜故是業得果報定除是業外悉名不定無生行業有輕有重有遠有近隨其因緣先後受之如修身戒心慧是人能轉重業爲輕輕者不受若遭福田遇善知識修道修善是人能轉後世重罪現世輕受若人具有欲界諸業得阿那含乃至羅漢能轉後業現在受之也有云若定業者佛亦不免卽如調達推山押佛時有進石方四十里隨逐世尊處處走避天上人間悉隨不捨乃至傷足跌而出佛說傷曰非空非海中非在山石間無有地方所脫之不受業等云云以調達等三個釋子報得力故能舉四十里石一佛二調達三阿難也阿難爲有此力常持佛石鉢不以爲重准摩耶經調達使鬼捧大石欲害於如來則非自報力也今詳佛是圓德何惡不盡亦有業報以誘衆生大乘經中皆言示現我觀人天無有能敵和合僧者云上釋第二惡心義竟

三無記心犯者多論第十三云無記語者不修三業

食已而眠。眠起洗浴。共論世間無記之語。令身肥壯者。是也。

言妄用僧物者。立謂屬上媒嫁淨人。也將僧財供給。婦具。所以屬無記者。謂前有方便及至和僧之時。不分別善惡。但無記心和僧而作也。

非即如上者。立謂此是恒懷護護。偶爾而犯。屬無記也。不同上文散亂不攝。及有方便。如前媒嫁淨人。非時入俗等。並先有方便。業成雖是無記。亦亦結罪。並如論中無記等者。立云。即下成實論也。

而實無記非記果者。謂當來還感無記之報也。又解云。非記果也者。明我雖先有方便。方便之時。是有記及至正作罪時。即入無記。詔此正作之時。為果。故曰非記果也。不感總報。非不別受者。立云。地獄名總報。業道名別報。若准唯識論中。總報謂是今一報身也。別報謂後身也。然諸教中。多明三報。一現報。二生三後言現報者。如昔一人入山覓薪。遇寒失道。值見一罷。一將至穴中。以身抱之。爽觸得蘇。出外求食。將還館之。逕於七日。然後辭去。昔畜解語。與人無異。其人臨去。

小經師作順

辭熊曰。蒙鄉教護。甚生慚愧。汝求何願。熊曰。我無餘願。願汝出外護我身命。答曰。諾。言已辭。去下山。見二獵師相慰問。已示其熊處。獵者往取。喚其相隨。其人骨羞見熊。故但示處。所須與殺。已擔出其人。住待。擬索肉。分即作三分。二分與二獵者。一分過與覓此等人。舉手欲取。兩手一時墮地。此名現報。又昔有黃門。見人驅五百頭牛。擬刑其勢。令牛身大。黃門見之。將錢盡贖。牛得免苦。黃門當日男根忽生。此亦現報。言生報者。捨此身已入地獄也。後報者。從地獄出。墮畜生身。千生萬生。或復為人。諸根不具。邊地難處。怨家相對。是也。作噉糞鬼等者。案五百問云。昔有比丘。為僧知事。手指捫器物。言取是用。是因爾不懺死。墮餓鬼時。有一羅漢。夜上廁。呻喚聲問其所由。云。先於寺中。為僧執事。持不淨食。與眾僧。故墮餓鬼。問何以呻喚。聲答。飢極欲死。兼復虫噉身痛。故爾意欲食糞。而不能得。以諸餓鬼。排推不能得。前羅漢言。我知奈何。何鬼言。為我呪願。羅漢即還向僧說。眾僧為呪願。已便得食。糞不復呻喚。下文更廣說此緣成論睡眠成業。是無記。

● 雜抄中

● 由日

● 雜入力字
○ 雜入力字

業者立明先作方便後正眠時業成名無記業

業苦綿積者綿由遠也。齊云生報者謂是入地獄也。從地獄出受餘畜等名後報也。若犯四重五逆必入無間地獄故由綿積莫窮言無間者謂常苦相續無有間隔故成實私頌曰無間有五種果苦時命形一趣果無間捨身生報故二受苦無間中無樂故三時無間如犯一逆定一劫故四命無間中不絕故五形間如阿鼻縱廣八萬由旬一人多人皆遍滿故不相障礙業力不可思議此綿積義也既無三善等者斷食等三名爲三善今不斷此故曰三惡由此三毒招於三道貪招地獄嗔招餓鬼癡招畜生卽此三道受苦無際故喻於輪亦可取其生死不盡喻輪常轉也上來釋料簡起業義竟已下引文證也四天王天一日一夜當人間五十年者亮云目連問經中可呵三億六十歲吉羅九百千者此中有妨吉合數少令却多也既言九百千乃當九億九億豈不多於三億耶今欲會通此言九百千乃存小數前言三億卽存大數卽萬萬爲億也內存大數故數少也今應將吉九

百千歲作大數計之則少前可呵三億也

此謂數有大小萬萬爲億者立明十百爲千十千爲萬十萬爲億此小數也彼既不同是存大數謂百百爲千千千爲萬萬萬爲億億億爲兆也案經皇帝爲數計謂有三種上中下數十萬曰億中數百萬曰億上數萬萬曰億深云涅槃存小數目連問經存其大數也

非失譯疑僞者實是正經但失却譯目故曰失譯言疑僞者經目中有疑經有僞經僞者謂人造也疑經通真僞但無譯目者入疑經故謂既不見目經文似真疑僞真僞不決故曰疑經

鹿野初唱等者佛初成道在波羅奈仙人鹿野苑中爲拘隣等五人說四諦法爾時有八萬諸天發菩提心故言大道雙林告滅等者謂涅槃之會本明大乘常樂時顯跋等十仙外道但證無學此豈由教大小但悟之有淺深故曰解悟在心三毒勑與等者明此三心能害人善根慧命故稱毒也雜集論中自有多名或名三株杌對治道聖難可

今托鉢作此

今托鉢先

壇故或名熾然瑜伽云如大熱病故名熾然謂熱勢
 增盛熾然身心此約當體燒雜集云由依食熾然故
 廣爲非法貪大火所燒此約貪等熾然或名三垢者
 以能污染淨淨提故言教者博正云盛也又云作色
 也與者起也今先以戒捉定縛者此成實文也慧若
 不固定發名有漏慧定若不依戒發名曰邪定故三
 學相假如鼎之三足也今言殺賊者謂殺煩惱也煩
 惱常劫人善財喻之如賊故聖教偈云殺害於父母
 王及二多聞誅國及隨行是名眞梵志釋曰貪愛爲
 母業煩惱爲父自恣造惡曰王戒取見取名二多聞
 煩惱所依處曰國士煩惱種類曰隨行也梵志是淨
 行也不肖之人者廣正云肖由似也類文云骨肉相
 似曰小肉今言不肖者謂骨肉不相似類不似其光
 也字從肉作禮記云其子不肖是也此是會意字也
 小下作肉是所生子而似父也如人生子似父者曰
 肖謂子曰小肉也子既似父曰肖堯生朱子不似父
 名爲不肖今謂非法之人不能紹繼如子之不肖也
 妄自安托云是大乘等者自涅槃東度三肉罷緣伏

膺至訓長疏靡倦而反相謂此曰小乘自有魚肉遠
 聲稱菩薩行蓋羅刹之業何菩薩之謂乎不聞楞伽
 涅槃之極教乎若依天台云有六種菩薩一理性菩
 薩謂一切衆生也二名字菩薩聞經人也謂涅槃三
 觀行菩薩謂發心人也四相似菩薩謂三十心也五
 分眞菩薩十地菩薩也六究竟菩薩諸佛爲菩薩也
 今不肖之人無妨是理性菩薩數也言輕弄眞經者
 慈云三藏之教名爲眞經自重我教者謂所學教大
 乘也即勝鬘經說毗尼大乘學者案彼經又盡明大
 乘義也文云摩訶衍能出生一切法如阿耨池出入
 大河如是大乘攝受一切善法其處有六一者正法
 住二正法滅三波羅提木叉四毗尼五出家六受具
 足戒皆爲大乘故以正法住者爲大乘住大乘住者
 卽正法住正法滅者卽大乘滅大乘滅者卽正法滅
 波羅提木叉毗尼此二法者義一名異毗尼者卽大
 乘學何以故以依出家而受具足是故說大乘威儀
 戒是毗尼是出家是受具足戒也八十部者立謂智
 論明結集時憂波離一夏八十度昇高座誦出律藏名

八十部亦名八十誦。卽尸波羅蜜也。此翻爲戒卽六度中之一也。六度者。豈小乘學耶。百喻經下卷云。譬如一師有二弟子。其師患脚遣二弟子人當一脚。隨時按摩。其二弟子常相憎嫉。一弟子行其一弟子捉其所當按摩之脚。以石打破。彼既來已。忿其如是。復捉其所按之脚。尋復打破。佛法學徒亦復如是。方等學者。非千小乘小乘學者。復非方等。故使大聖法典二途兼亡。上言非千小乘者。謂其相非毀也。菩薩設教。乃至不染其風者。立謂菩薩得淨心地。卽初地已上。菩薩爲方便利益。故具行殺生等十惡。內無染心。雖以和光。而不同塵。故曰不染其風。如前卷引攝論。菩薩得淨心。雖行殺生等。自無染濁。過失卽其義也。初心大士等者。謂如上有緣而作者。是初地已上。得行此法。若地前菩薩。名爲初心大士。要同聲聞律儀。不得逆行化也。謂未能離染。但分斷惑耳。如我不殺。則施一切衆生。命者案智論云。持戒能生檀波羅蜜。檀有三種。一者財施。二法施。三者無畏施。以其持戒自檢。不侵一切衆生財物。是名財施。衆生也。

又見者。慕其所行。又爲說法。令其開悟。又持淨戒。與一切衆生作供養福田。令諸衆生得無量福。如是種種名法施。又一切衆生皆畏於死。持戒不害。是則無畏施也。慈云。凡施有三種。一財施。唯濟於外。資二法施。而資其神。用三無畏施。卽不殺等而施其命。言過其實等者。慈云。理本絕言。非言能論。離四句等。是理體之實。其人於此理。強生分別。言戒相如虛空。持者致迷倒。理外分別。故言過實也。余意謂不然。但是內無實用。口言無相。眞理出此言。過其心所見也。言優者。勝美也。形儀可觀者。立謂但有壇場受時之形儀。而不發無作之戒體。凡所施爲。無非戒律等者。明釋迦一化正法像末。凡有軌儀。盡是聲聞之法。無菩薩僧故。彌勒文殊心。雖菩薩形相。並同聲聞。剋染持戒。逮乎今日。並祖其風。此釋迦如來化儀如是。今若呵斥。爾與誰教。何佛所化。底死奮流。不識根本。若生善受利。乃至云。我是大乘者。宣云。攝御門學。非戒不弘。相善任持。非戒不立。故名利相及淨位。夏而殿容師授尊。摸趺。

壇場而點帶豈非貪決情勇攬戒奉以爲師行絕網
 獸委戒填諸溝壑專志在於本毒去取近乎方寸此
 迷甚矣立鳥鼠比丘之喻等者案佛藏云佛告舍利
 弗譬如黃門非男非女破戒比丘亦復如是不名在
 家不名出家命終之後直入地獄又譬如蝙蝠欲捕
 鳥時則入穴爲鼠欲捕鼠時則飛空爲鳥而實無有
 大鳥之用其身臭穢但樂暗冥破戒比丘亦復如是
 既不入於布薩自恣亦復不入王者使役不名白衣
 不名出家如燒屍殘木不復中用無戒定慧品解脫
 解脫知見品無有善聲戒定慧聲但出破戒弊惡音
 聲論說衣服飲食受取布施常於日夜戲笑言說身
 口意業不能清淨樂於闇冥如彼蝙蝠遺教經亦云
 既非道人又非白衣無所名也言聽披師子波者案
 十輪經云佛言若有衆生起於惡惡愚痴癡口自謂
 爲智不離邪見貪著名稱不能守身口意心常念惡
 先有愍傷不自省已過念譏彼闕心無寂靜而自稱
 說是大乘人亦讚嘆大乘教他讀誦自不調伏於大
 乘道如此之人難得人身亦失二乘之果常趣惡道

本經作別

不欲親近諸有智者而唱是言我是大乘譬如驢
 著師子皮自以爲師子有人遠見亦謂師子驢未鳴
 時無能分別既出聲已遠近皆知非實師子諸人見
 已皆悉唾言此弊惡驢非師子也如上等人亦復如
 是既造十惡燒滅人種非諸聲聞辟支佛器敗壞種
 子誰惑他言我是大乘佛因說偈偈戾喜破戒若聞
 讚大乘誰稱爲菩薩驢披師子皮廣毀譏呵何俟陳
 顯者謂經中廣自譏訶何待陳述也

新學爲彼塵蒙者如調達破僧化五百新學等是也
 豈有先學者隨其迷耶上來釋十三篇竟

四分律鈔批卷第六末

中論本經卷
中之一

四分律鈔批卷第七本

江東杭州華嚴寺沙門 大覺 撰

○隨戒釋相篇第十四

先明來意者前篇已辨篇聚綱要但是釋其題目至於篇下種相品類極多故復須辨至於隨相曲示規模復明識故有此篇來也又云上明篇聚名相違犯果報業位已彰曉鏡心目欲使行人順持無犯但持犯戒相細行猶多若不隨事曲陳持行難立故此篇來也亦可本為將釋此篇故先明篇聚名報是則前篇來意對此篇與言隨戒釋相者立謂隨其二百五十戒一一釋其相貌謂釋其持犯輕重開遮通塞之相也意謂不然今篇中具明戒法戒體戒行戒相四法若唯立解攝四不盡故今有釋謂發心要期壇場作法曰受後對境行護順本受體策慙三業防禁七非曰隨隨家之相既多故今釋其相貌故云然若作此解攝戒法戒體亦所不盡以法與體本屬受門非是隨家事也或可篇中正意本明戒相法體行三相從故辨若作此明唯前立釋亦無有妨其注子

者鈔家自生起此篇來意也

注淮律條部者律中前列僧尼戒本明止持作犯次二十毘尼度明作止犯雖持犯兩分猶有未具故憂波離更一一條牒上文問佛佛一一答名為條部以波離是傳持之主所有疑事一一諮決使識相而持故諮問行相犯以不犯決疑却滯曉了分明故曰條部言以正本持犯未具者指律文前二部戒本及與毘尼度為正本也以正本中持犯未具故有條部之文故曰更列之也何故引條部意來者為欲明此釋相一篇來意同律條部義也注今為諸篇未足等者謂上下二十九篇雖明持犯恐收來未盡故立此一篇故言別生一位也

此丘二百五十戒者約戒本論二不定七滅諍等恰成二百五十也今且就此數隨釋其相也注廣說無量無邊者戒從境發境通情非情塵沙萬品何有邊量也注在家不具尸羅者明俗人雖受五八但防身口四支故言不具也出家僧尼具防身口七支故具尸波羅蜜也言戒度者即尸波羅蜜也尸羅是戒波

不作

羅蜜名到彼岸到彼岸者即是度義也依之修行等者依此所標二百五十戒修行識持犯重輕之相罪之名種故曰種相便發定慧者因戒發定能發慧慧破煩惱故曰剋剪言關於所緣等者立明心爲能緣戒相是所緣若不識相是闇所緣破其淨戒名爲染惡也言方更沉淪苦趣者受戒本希離染使獲道益今由闇所緣乃隨境違犯何能返彼生死乃却趣三途故曰沉淪苦趣也依教出相者謂今依律教出持犯之相也言庶無禍害等者鄭玄云庶由衆也又云庶者望也亦訓爲使也

直陳進否等者謂統論心境如下方軌中今直論持犯之相若具緣成犯曰進闕緣不犯曰否勝云進者善也是持否者惡也是犯

戒是生死舟航者意取運載濟渡之義名爲舟航其舟航義序中已廣釋竟言出家宗要者宗由主也尊也謂必尊重戒也以出家僧尼五衆常須勤修八聖道人聖道者卽是三學戒定慧也戒居其首故曰宗要也受者法界爲量持者麟角猶多者立謂麟唯一

字疑刻

角千年一現甚難求也亦可麟與角兩別角是牛角如說云學者如牛毛成者如牛角明今末代弟子受者極多雖同法界之量持者如麟如角也今言猶多者謂麟角猶多於持者持者猶少於麟角也未曉本詮者戒是能詮詮於無漏眞慧諸眞慧爲本詮也亦可近而論之詮於二持二犯棄德惡就善持行若成至無犯之處名爲本詮也意謂原佛制戒禁防身口發生定慧終獲道益所覺智窮淨妙菩提爲本詮也由未識此詮旨故隨六塵五欲起染故曰隨塵生染染是煩惱能汚淨妙菩提是垢穢故云生染也聖賢欽序者立謂佛世三乘聖衆固宜遵奉滅後羅漢皆先結進毗尼此並賢聖尙所欽崇凡夫豈容不奉其戒欽謂欽仰序由述致也抑者止也言直筆舒者序中已解此卽體出離之道者立明由白四聖教受此戒法發得無作之戒以此戒法可依奉能出三界成無上道故曰也自意云體通出離之道者明此戒法之體能開通出生死道路出生衆行之本者謂此戒體能爲萬行之根本萬善從此生故詔爲本卽經云

若無此戒。諸善功德皆不得生。又羯磨云。夫戒體者。所謂約聖法於心。智即法。是所納之戒體。然後依體起用。防遏緣非三者。戒行者。依戒而行。名為戒行。言謂方便修成。順本受相者。謂隨行之舉動。運為如持衣設淨等名。方便修成也。由此方便。不違受體。故曰順本受相。若造非法。即是違受體之相。相謂約比丘身所運動之相也。問上卷標宗中。已列法體行相。今復更列有何殊狀。解云。前卷略列為欲集成衆行之法人也。今文廣明屬別行之人。故不同也。又前標宗中。明第四戒相。取威儀光顯之相。謂是持行家之美貌也。此中欲明戒相者。取能證之教相也。與前不同。明體亦異也。云云。四者戒相至互通篇聚者。從此已下。正廣明五篇七聚之義也。

一聖道本基者。謂戒為三乘道果之因基。故曰也。故遺教云。戒是正順解脫之本。又地持云。三十二相無差別。因皆持戒所得。二戒有大用者。能滅惡生善。隔凡成聖。又能任持佛法。我不滅度半月。一來若在世無異此也。三略知名趣者。略解戒律名義旨趣也。四

具緣不同者。受緣有五。善來上法等。今但唯明羯磨一受具緣等義。五優劣有異者。明木叉戒。按其禪無漏二戒勝劣也。六重受通塞開重受。曰通不開重受。曰塞。有兩家各據不同。多宗戒不重發罪。亦無重犯。疊無德宗有重發重犯。七震嶺受緣不同者。即明佛法東流。師資傳授時節處所不同。

制增戒學者。始於外凡。專加護持。悟達生空。理解資成。戒品牢固。善勝於前。故曰戒學行根。面首者。礪云根者。取能生之義。定慧萬善由斯而起。所以名根。又云行根。面首集衆善法三昧成就者。此是嘆戒能生於善。論其戒體集生萬行。喻若於根。故經云。若無淨戒。諸善功德皆不得生。戒聲法身。故稱面首。謂世人面首居身之上。戒亦如是。居五分法身之初。故曰面首。法身謂戒定慧解脫知見等集衆善法者。釋上根義三昧成就者。出所集法體。亦可集衆善法者。謂成慧行三昧成就者。謂諸定行尸羅淨。故能生定慧。是以經云。依因此戒得生諸禪定及滅苦智慧。即斯證也。

雖諸苦行皆名邪行者。以八聖道泥洹正。因離此緣。修皆名邪行。以戒定慧攝入正。故今不依戒而行。縱有定慧。名為邪定。名為有漏慧。未離生死也。

並有勝能明義。各別理須略舉等者。立謂三學雖明。其義各別。謂若直爾修戒。得免三途。招人天勝樂。是欲界繫法。若直修慧。不修戒定。是無色界繫法。若齊修者。出三界法。故曰。並有勝能。故戒疏云。三藏聖教。明義不同。各有兼正。若會正之極。勿過明慧。然戒律者。指事而與仗業。方便若取會正。則劣明慧。若就住持。與建三寶。明律為勝。由世隨相。有律附緣。生親成大用。故下文云。以眾和合。故佛法得久住。若約根條。定慧不及。自不能起。必因戒生。如經云。依因此戒。得生禪定。及滅苦智慧等。所以見論中。佛告阿難。有五種法。令法久住。一毗尼者是。汝大師。二下至五人持律在世。三中天法滅邊。方五人受具足戒。四乃至二十人得有出罪。五由有律師持律。故佛法住世五千年。言理須略舉者。謂將欲解釋戒有大用。今則生起來意也。此文中有總別兩意。從此已前。名為總舉三

今經竟

學自此已下。名為的舉其戒也。言三寶所以隆安等者。疏云。隆由高也。盛也。謂戒能紹隆三寶。能使不斷也。言九道師訓者。卽三乘并六道。皆以用戒為師訓也。諸行之歸趣者。立云。趣是附也。謂萬行依附戒而生也。

如是諸佛子等者。此是四分律序也。彼云。如人欲度河。用手及浮囊。雖深無沒。憂便能到彼岸。如是諸佛子。修行禁戒。本終不迴邪流。沒溺生死海。

故結集三藏。此教最初者。案善見論云。迦葉語諸比丘。為初說法。藏毗尼藏耶。諸比丘答言。大德毗尼藏者是佛法壽。今毗尼藏住。佛法亦住。宜應先出毗尼藏。迦葉卽作白問。憂波離。憂波離又單白和僧已。頭面禮僧。上高座。取象牙裝扇。迦葉一一問毗尼波離。一一答結集已。放扇從高座下。向諸僧作禮。禮已復本坐。處次阿難上座。結集法藏。亦如前禮僧已。捉扇等與迦葉問答。諸經故諸經首。皆云。如是我聞。卽其義也。

餘經但汎明化迹。顯通因果者。立謂汎論佛在化世。

事迹之相人時處事等又況明因果感應作惡招苦集善生天全不顯受報劫數修短故曰況明也事隨理通者謂真如道理本性無生滅長短青黃赤白之早體是通同謂大乘真理妙用虛通也今大乘中亦將世間事相隨此理說謂事亦無得通同與理一體故曰事隨理通如經云不斷煩惱而入涅槃慶勞之偽爲如來種等論云因緣所生法我說卽是空是爲假名說亦名中道義又云色卽是空等此並是事隨理有也言無所寄者立明化教之中談真如道理離四句絕百非非聲非色言語道斷心行處滅言所不能言雖言無有屬著故曰言無所寄有人云如涅槃經明五百身因等是也故戒疏云餘藏明理理在虛通達一門皆符正道五百身因無非正說意在祛滯何局文言意謂言無定指不止一方故曰言無所寄此意深遠凡夫未能行也故曰昏情未曉諒得其要者立謂勤由少也學大乘者少得道理意趣也要者妙也多滯筌相者筌是覓魚之具也如經之中若說一切法是有衆生卽著常不知說有爲破無也若說一切

法是无衆生卽著斷不知說無爲破有耳由不藏詮下之旨故曰由迷教旨此字單作不假須戈也如論中偈言定有則著常定無則著斷是故有智慧者不應著有無樂云然立象以表玄庶得立於象外因言以託旨冀得旨於名表又如解脫與涅槃等名然解脫非言象寄言象以嘆解脫庶得言於象外勿滯筌也有云破有故說空有亡空須捨破空故說有空遣有不留何得執筌如機喻者比知人則形服異世等者謂俗以瓔珞冠帶爲服道以剃染著壞色衣名慈悲者之服言執用有儀者於四儀之中凡所運用皆有法則故曰有儀也住既與俗不同等者俗則城邑聚落宅舍所居道以山間樹下而止中下之流曲闕房舍曾難行條然自別者謂著衣喫食來去進止預是隨行中一一與俗有殊也由世隨相有法逐相成等者立謂所作之事皆隨世相而立加世間計名相爲有故卽隨相立名然實名無得物之功物無當名之實且如瓶用何爲相卽時磨顯顯細履宛底平說以爲瓶皆是隨相有此假名世法

如此瓶既如是萬法同然。又解世隨相有者。謂世諦中執名相爲有也。言法逐相成者。立謂如瓶等既有瓶之形相。卽呼爲瓶法也。明佛所立毗尼教法。皆隨衆生所執名相而立法也。眞理之中。本無形相。佛若約此理立法者。衆生卽墮斷空之見。長夜受苦。故佛還約世相立毗尼之法。且隨衆生所計有處而立法也。故曰法逐相成。如下引智論。世人多識此時非時。故依世俗制。非時食戒也。便能綱維不墜地者。謂毗尼教既約世諦而立。以能依此而行。能綱維佛法而不滅沒。此謂法不滅於心地也。

又以法能資人親成衆行者。謂此戒既有大用。能益於人以成其行也。故律云。以衆和合者。四分序中偈云。聖衆若和合。世尊所稱譽。以衆和合。故佛法得久住。

初言毗尼等者。然三名有次第。初毗尼翻爲律。是能詮之教。以戒是所詮之行。行不虛修。必有當果。可證解脫是果。故以木又翻之。四分十八法中。毗尼等者。律文破僧毘度中。調達說九對十八法。一非法。二

毗尼。非毗尼。三犯不犯。四輕重。五有殘無殘。亦云餘無餘。六麤惡非麤惡。七應行不應行。八制非制。九說非說。若廣解如下。持犯篇中。毗尼及律二名不並者。十八法中。若有律字。則隱毗尼之名。若有毗尼名者。則隱律字。二名旣不並。顯明知律卽毗尼也。引此文來證毗尼翻爲律者。其義正也。謂七毗尼或以滅翻者。以七毗尼能滅四靜。故翻爲滅。此非正翻。對但就功能義用立名耳。亦如高麗詔。眠爲眠。閑時是眠。以能眠由眠。眠豈是眠耶。卽六度所說者。謂六度中有尸羅波羅蜜。此翻爲戒是也。良者善也。信也。波羅提木又者。此云別別解脫者。明於二百五十戒上。別別防非得解脫。今言處處解脫者。謂戒從一切情非情處發得此戒。旣防護不犯。卽約所發戒處盡是解脫也。

顯三次第一。一化始終者。立明三名旣殊。表義各有次第。初言律者。夫行不自成。必由於教。故律是能詮之教也。教能詮行。行是戒也。因修戒故。後得解脫。故木又居終也。此三統釋迦一化便。始終次第盡。

也

上引文證竟下明其義也。問餘之兩藏亦明行法者。立云問意修多羅毗尼二藏亦明法何不標律名獨此毗尼藏中標律稱者何也。

言先取法名引生後二者立謂此藏獨標律名故曰先取法名以標律名故則能引定慧二藏也。如因發生定慧義也。

而外道俗流謠同聖迹乃至妙以法除者立明外道有鷄烏鹿狗俗人有五八之戒戒名既同恐難比丘之戒故首標律宗簡異被戒故曰妙以法除法即律也。外道鷄戒等此是邪見之行報居三途俗人五八之戒報果人天我僧尼之戒不同此類是正順解脫之本以此勝妙之法報果菩提故標法名簡異於外道俗人之戒也。創弘律名用顯知法者三藏之教律藏爲初故曰創也以安律字顯知是微妙之法也。簡其非法外道戒等也。

二戒義類通法界者謂約法家情非情境所發七支之戒故曰類通也。

學調伏心等者此是善生經說也。謂戒非直防身口亦防心也。如律中發心作心念作皆犯又如凡所犯者佛問汝以何心等故知毗尼具防三業然又須知單心不犯期心是犯也。云云上言從心辨者謂約此防心名爲戒也。上來釋猶未理故實引俱舍十五云言調伏者意顯律儀由此能令根調伏故此即約根律儀釋調伏也。謂以正智正念二法爲體防護諸根名根律儀非表無表律儀戒體也。然調伏者是所詮行案善生第七云又復戒者名學學調伏心智慧諸根是故名學。經文謂調伏心離貪欲故調伏智慧離無明故調伏諸根善防護故即顯根律儀也。以體是善非惡無記者三性而論戒是善性而得非餘惡無記而能發得戒也。

性通善惡故惡律儀類亦通周者立明戒是性者然性通善惡若受善戒禁惡不起令善戒成就此名善性也以受時稱塵沙境上而發故言通周若受惡戒禁善不起令惡戒成就運運增長以要期普故亦通周法界也。若善律儀反解即是等者上是禁善而修

● 釋入果字

惡亦名戒。今若反之。則是禁惡而修善也。言此則以戒從教立。名者。濟云。謂結前文也。謂喚戒爲律儀者。蓋是從教立。名律者。教也。儀是威儀。故說從教立名。非謂釋戒字爲教也。戒乃是行也。今若言惡律儀名。惡戒者。豈非約教得名。若望就人所行戒。卽行也。此因從果爲號者。謂以果名於因上立也。唯理戒是其因。未是其果。今言木叉。翻爲果者。此是因中彰其果名也。故彌云。波羅提木叉。此稱處處解脫而言戒者。戒非解脫。能尅解脫之果。就因彰果。故名戒爲解脫。是以經言。戒是正順解脫之本。故名波羅提木叉。濟云。喻如人言柿樹梨樹。非梨柿。但是梨柿之因。以能生其柿。柿卽果也。今言梨樹者。亦是因中彰果號也。

上釋戒義已竟。下明解脫義也。近而彰名隨分解脫者。立明木叉名解脫者。遠取成菩提邊是空竟解脫。今隨分解脫者。約免三途招人天利樂。故曰隨分此解。稍疎不應。今文應是且約二百五十戒。能防七非名。隨分解脫耳。且如初戒離淫。防於內貪。望貪不起。

名爲解脫。又如制不飲酒。望不飲酒邊。卽是離惡亦稱解脫也。遮取戒德。乃至望彼絕果。由遵戒故等者。謂若遠論解脫之義。由因戒德。終尅道益。惡盡解滿。萬累都亡。名爲絕累。由此戒力。故言因戒尅聖也。四具緣不同。若論末代唯羯磨一受者。謂受戒之緣。緣雖有五。善來一受。唯局佛乘上法。一受局在聖果。三語局八年前八敬。唯局愛道。故五百釋女皆羯磨受。羯磨一受。通今末代。故云然也。故羯磨疏云。僧尼合明受緣。有十一善來。二破結道。成羅漢。自然感戒也。三者三語。謂值羅漢。憑受三歸。卽發具戒。四邊地持律五人。也。五中國十人。此上約僧說五尼中復五一八敬。二十衆受。三遣使受。四小年。曾歸卽十歲。曾嫁滿十二得受。五邊方。義立十衆受也。此上十緣。若約報明善來破結。此二通僧尼。三語局僧。八敬尼。羯磨通僧。餘亦可知。就時明者。善來三語。八敬局佛。世破結及羯磨。通佛滅後約。處明者。善來八敬局在南州。由佛在中成道。故羯磨破結通三天下。然上諸緣。今時殆盡。唯羯磨一受。末代通行也。

必藉因託緣便能長立者長平聲。因是能受者之心。心有二品不同。得戒亦上中下異。以受時心緣一切情非情境有斷惡修善之心。曰因。言緣者是師僧如法結界成就。羯磨無非衣鉢。已有等如上卷中能受有五所對有六並是緣也。

毗尼母論有五緣一和上如法二兩阿闍梨如法三七僧清淨四羯磨成就五衆僧和合與欲者。礪云羯磨受戒昔來所辨具於四緣。准律所說解八種比丘中言羯磨比丘者若受大戒足緣。白四羯磨如法成就就緣。得處所緣界成就別衆緣。不住比丘法中年歲滿足身。若具此四是大比丘。故今約此四緣爲定。如前母論五緣全不周悉。彼雖有五舉律中四緣往取但三緣攝初及二三屬第一僧數滿足緣第四一句屬第二教法成就第五一句屬第三不別衆緣。既但具三是不可該謂受者三根無染等者。立明十師之內無破戒事。令受者見聞疑也。若弟子知十師中有犯吉羅心若生嫌則不成受。若十師互相望要知犯重方不成法。若犯僧殘已下皆得言心不具法。

小意疑書

了了知非者能受之人知十師有破戒事不犯重心是不具法也。論云若言語不具前後不次者案毗尼母論第二卷中云羯磨不成者或言語不具亦前後不次第說不明了名羯磨不成。反此則成立云增減文言名爲不具或前羯磨後作白等名爲不次也。又云若在家受五戒等者五是毗尼論也下更引多論共證成此義也。唐朝靜邁法師翻譯圖紀云沙門智嚴涼州人也曾遊西域得梵本還宋文帝元嘉四年於楊都枳園寺譯普曜等經然嚴未出家前曾受五戒有所虧犯後受大戒疑不得戒遂汎海至印度諮問羅漢羅漢不決爲問彌勒彌勒答云得戒嚴甚意焉言即十三難中初難攝餘十二難同者案毗尼母論中具列十三難事如律無異並云此人不得作和上故下文云此十三種人不任作和上何以故是人無戒故也并禪無漏一切不得者謂既破五八十具重者便即障道故不感此無漏戒也立云破五八者要當時如法受得此五八戒破故成難如善生經受五八戒要問遮難若先犯五八逆等父母男女

僮僕不聽許者不得受。若不問遮難等不成受。今破非難。

今有無難因緣結小界受亦是非法者。景云此但得違教罪而結界得成受具亦得。

可是願行相應者立謂受時是願斷惡修善故也。行謂隨行行副前願故言相應。律云共比丘同戒以受持同故者立謂同。白四而受此戒可名比丘。名有戒可是犯戒。若如俗人元來未受無戒可破。故言反上反上謂不同戒也。及雖受不得者例然。景云以受持同故者此釋同戒與法界同受同持故可有得戒犯戒若不同受持則名無戒無戒不犯也以無無作故。

多論問云羯磨竟時等者立謂問意云心有四種謂善惡無記及無心。若羯磨竟時四心之中八若箇心是得戒限不得戒限。答通是得戒者通有四心並得戒也。答意云若作白時有此四心是不得限。若羯磨竟時有此四心通皆得戒。言具上四心者善惡無記心無心故也。又不類餘無

心者立明入善心不得戒者謂緣別善故不得戒。即緣其行檀布施作會修福寺故耳。若緣戒善之心何非得戒限也。若惡心無記心無心此三心一向不得。故言不類餘無心也。言無心者入滅盡定及睡眠等是也。無記心者謂汎爾不緣善惡是也。

木叉戒佛在世有者佛法未滅已來皆名佛在世也。言禪無漏戒者立云禪與無漏是二戒也。從初禪至四禪中有此戒善望不造惡名之爲戒此皆是有漏業然亦通有漏無漏也。俗人外道亦學此戒故下文云餘禪戒者外道亦有。更下無漏戒者即道共戒也。以與無漏道相應故曰也。羅漢已上方有此戒前三果人分斷漏業未得此戒。故律云若人修道得羅漢果即名受具足戒是也。又復羅漢若修行時要心擬取此戒果成即感。若先不惡心雖得羅漢未得此戒後更須受律中名爲上法是也。亦名破結使也。善生經云捨此身後更不作惡名無漏戒也。二有漏木叉等者立謂木叉戒是有漏業欲界繫法故成實云戒是有爲有漏業若與定慧相應是稱無漏法也。言餘

二局情狹者立謂禪戒無漏戒。但於情上發非情上則不發也。三有漏木叉從慈發者。謂緣三世衆生境斷惡修善之心。發得此戒。禪戒無漏戒者。取其遠因。非無慈心。望今曾成發戒之時。但與道相應。即發此戒。不要慈心也。四木叉戒被七衆者。謂五八十具同名木叉也。賓問云。七衆之戒同名木叉。則五八十具皆木叉也。然則要佛出世法未滅來有此木叉。佛不出世。無木叉者。聖人皆得五不作戒。謂初果生惡國不作惡業。不犯五戒名不作戒。若是木叉。應命終捨。何以經生仍成五戒。答理實命終五戒隨捨。由此五戒感當勝果。故隨生處五戒性成。故非不捨本木叉也。然此五不作戒。理是新成。非往生之本叉也。謂是五種亦俱生戒也。據此義理。獨覺出無佛世及初果五不作戒。亦名木叉。不假佛世也。紹續三乘三寶三道者。立云。上兩個三可知。言三道者。一學二無學三非學。非無學也。學者謂前三果也。無學即羅漢也。唯阿羅漢向名爲非學。非無學。謂若望羅漢名之爲學。若望前三果。即名無學。故曰也。慈云。三道者。人天修

羅也。若無此戒。但招三途。不得人天修羅也。賓云。三道者。謂見道修道無學道也。初果名見道。二三果是修道。羅漢是無學道也。涉法師曰。阿含說三見修無學也。仁王說三謂學無學非學非無學也。言餘二無能故劣者。立謂禪無漏戒不能紹續三乘三寶三道住持功德。故劣也。禪戒外道亦有者。立謂外道亦有四禪八定等生上二界是也。日光須彌木叉最勝者。謂合上喻也。上言諸光此則曰爲第一。山則須彌第一。學則木叉第一。案見論云。波羅提木叉者。名無等學。於諸光明日光爲王。於諸山中須彌爲最。一切世間學波羅提木叉爲最。如來出世。便有此法。若無佛出世。無有衆生能豎立此法。故勝鬘經云。聲聞乘中亦無此戒。緣覺乘中亦無此戒。菩薩乘中亦無此戒。唯佛乘中獨有此戒。由唯佛能制此戒。餘不能制。故曰也。上釋優劣義竟。六重受者。文中有一家明義不同。尋文自顯。言罪不重犯者。景云。唯舉四以是聖道根本。故若破此戒。聖道無由得生。故第二犯時。但得小罪也。言故羅漢心



中下品戒者立明彼論師引此羅漢下品戒事來證無重發義也。今言不爾。但此羅漢先受戒時是下品心。以隨行時增進遂獲聖果。不由受時之心。

答此對隨行不論受體者立明。若護特不犯若厭善護微則羸。由隨行不論受時所發業體亦可作戒在一念隨心一品定者立明。此重釋前羅漢下品戒義意也。謂受時是作。但在羯磨時一念中有上中下品心。則發得戒。隨其當時發何品心為定。以戒酬一品心。因故始於一品。更不增微。無作非心盡形故。隨行有增微者立明。形俱無作非是色心也。受得此戒竟盡其一形。常恒定故。無有增減。但以隨行有增減耳。又解亦指受中無作也。若隨行中無作則有增減微。優劣肥羸之異。深云無作雖非心。由隨作時之心。作時心既一品無作亦隨一品。故至形終故曰無作非心盡形故也。言隨中有增微者。謂隨行自有肥羸不論受體上中下也。此一句別讀。

成論有人云。下者立謂此論有重發重犯之義。勝者受名者立謂若受五戒名滿分憂婆更受八戒名淨。

行憂婆更受十戒。卽名沙彌。如是從微至著。從勝受名以後受者轉勝也。案成實第十二卷七善律儀品云。問曰。律儀幾時可得。答曰。有人受一日戒。是初律儀。卽日受憂婆塞戒。是第二律儀。卽日出家作沙彌。是第三律儀。卽日受具足戒。是第四律儀。卽日得禪戒。是第五律儀。卽日得無色定。第六律儀。卽日得無漏。是第七律儀。隨得道果處得律儀。而本得不失。但勝者受名。隨得道果處者。隨得四禪及無色等世間之道。又得無漏出世間道及聖道果。於如是等得道果處。應卽得定道律儀。雖得如是定道律儀。而本所得五戒等體。今亦不失。雖復不失而從勝者名比丘等而復應知。但可五戒從沙彌名。或復沙彌從比丘名。決定不得比丘具戒。從定道名也。然有人言七善律儀者。八戒十戒具戒。定道二戒及斷律儀律儀爲七也。彼不尋成實論宗。復以薩婆多宗無色界中無有律儀律儀是色彼無色故。除第七無色律儀也。爾除七中第六定戒。今詳此不應理。今依成實無表。旣以非色非心爲其體性。故無色界亦有律儀。勿以薩婆多宗。

而令成實亦同彼義言禪戒者立謂是欲界頂若修有漏業則入初禪若修無漏業則入初果今言禪戒者是四禪家方便也亦名未至禪若更進修方入初禪立又一解禪戒是根本四禪若言定共則別是四禪前方便未至四禪則名定共入定則有出定則無戒與定俱故曰定共戒也未可言定戒者新經論中名定俱戒即無色界中四空定也四禪屬色界諸初禪至第四禪等屬前禪戒四空定屬無色界謂空處定識處定無所有處定非想非非想處定也今詳先釋非理也上言禪戒即根本四禪次言定戒謂是無色界四空定也何得更言四禪有重沓過如前已序言道共戒者無學已去與無漏道相應證果之時道戒俱發名道共戒若三果已下未是盡漏分斷煩惱未獲此戒亦有雖得羅漢未感此戒但是沙彌羅漢即如均提沙彌等云云又如沓婆等後羯磨受是也所以爾者由要心不要心故也

中何復得重受景云案此傳文與成實同也有重發義

言依本臘次者此約前受時事事如法約受得者恐非上品今更受得依本臘次反此可知祇桓寺慧照等者祇桓寺是楊州今江寧縣也以晉宋梁陳並都江左在後南朝既破從都江北案薩婆多師資傳云爾時祇桓寺慧照等諸僧有數十人並同受戒其後二衆隨次欲受會安居時到獲且停止云云言或問其故者傳中云時祇桓寺慧照法師當時望重為性剛直見僧伽跋摩等重授具足情所不同怒曰大法東流傳道非一先賢勝哲共有常規忽有改異豈種衆心跋摩答曰五部之興此自常理相與棄俗本為弘法法必可傳何忤衆情問曰夫戒非可見之色理自難辨但即事而言足致深疑頃見重受戒者或依本臘次若先受已得戒則不容更受若復始得則不應依本臘次更有問答云云其義法師折然心伏無復後言遂令弟子三人慧基靜明法明等受戒于時始興寺叔法師評曰見惡僧採揚觀善思不及而義

公於可同立異未提旬月而復同其所異蓋譏其始惑也上來釋第六重受通塞義已竟

余聞有人言者立謂是唐三藏立辨法師也其人先學經論後往天竺國見彼受戒如法妄謂此土僧尼先所受戒無有從始乃於彼受具已後歸震旦將五百餘部經論至此翻譯初到之時見漢地僧無不致禮此土僧尼無戒以未有外國三藏弘傳此教本未有師僧總是無戒今時若受者不須論其師僧衣鉢具足事等故曰先無從始也縱今受者小乖緣具者正是立辨之言也謂此方既先未有好師僧今若受者是乖緣具也但作奉戒之心忽然得戒者亦復何難莫論師僧等緣一向不具此上並辨旨賓云憑何驗知此土僧尼有戒等耶故南山律師記云昔魏文帝三年內作無遮大會文帝問曰此土僧尼得戒無由云何可知諸大德等悉皆不答于時卽有比丘請向西國問得戒所由到北天竺遇見一羅漢啓問曰振旦僧尼受戒得不答曰我之小聖不知得不又語比丘曰汝且住此吾今爲汝往問彌勒得不來報於是卽

入禪定向兜率天上問曰我是小聖不知邊地爲得戒不故來問尊彌勒答曰邊地得戒遂請證驗卽取金華而願言曰若使邊地僧尼得戒者願金華入羅漢手若不得者金華莫入願訖金華卽入掌中一尺影現奇徵既爾內懷歡喜彌勒語曰汝下至振旦比丘所當亦發願若使振旦僧尼得戒不虛者唯願金華入比丘手當卽如教發願已訖以手案華華入比丘掌中一尺影現瑞應既爾欲來還國遂有迦毗羅神現身語曰道路懸遠多諸險難弟子送師令達彼國未至之間魏文帝殿前先有金華空中影現文帝問太史曰何變怪也太史答曰西國有佛法來此于時不盈一月比丘掌中有一金華來到之日空裏金華卽滅不現當發漢境總有八十餘人或慕聖情深卽往彼方或有逢難命謝正有一身從其大花情尋舊跡來達秦地也忽聞斯語不覺喟然者立云從此已下是南山閣梨發言也三蒼云喟音塊謂嘆息也亦云嘆聲也謂既聞此言故有情懷憤滿不覺太息謂是何言歟也雷震振地聖者不聞等者應師

云經字定亭挺三音爾正云疾雷謂之霆說文云雷餘聲所以挺出萬物也霆亦電也郭璞曰雷之急激曰霆蒼頡篇中云霹靂也言七曜麗天者立云麗麗是壯麗也謂日月星辰壯麗在天也依大集經云佛告梵天言七曜者東方彗星書云木曰歲星是也時人號爲曜曰是南方螢惑星書云火星螢惑星是也西方太白星書云金木太白北方辰星亦曰恒星書曰水曰辰星是中央鎮白書云土曰鎮星是也此五并日月爲七又解云東方始星漢言歲星南方明星漢言螢惑星西方金星漢言太白星北方輔星漢言辰星中央尊星漢言鎮星也縱緣境有濫者立云此明西國師僧至此中間或縱有破戒非法是緣境有濫也但使於受者無三根十僧之內亦無三根依律開成得戒故曰依法亦有明訣

自漢明夜夢者謂後漢第三主明帝永平元年卽位至永平五年帝夢金人因令蔡愔等往問西國訪尋佛法至永平十年摩騰來到漢土永平十一年法蘭方至二箇羅漢白馬馱經至於雒陽置白馬寺今上

東門外白馬寺是也初置寺度人爲僧數未足但爲受三歸五戒如是至第十主桓帝永康六年總經一百年唯用三歸五戒而相傳授桓帝既崩至漢第十一主靈帝卽位自建寧年北天竺有五沙門支法領支謙竺法護竺道生支樓識五人至此土與大僧受戒自爾已來始有戒法相傳未有律本其支法領口誦戒本一卷羯磨一卷在世流行今時有古羯磨本及戒本是也此並出曇無德部自爾已後逕五十五年至魏文帝曹操子也黃初三年有中天竺曇摩迦羅或羅柯此云法時其人總敏實貌瓌瑋尋讀一覽文義悉通善四韋陀妙五明論圖識運變靡所不該自謂在世無過乃入僧坊遇見法勝毗曇莫知旨趣因嘆佛法鉤深遂卽出家誦大小乘經諸毗尼來至許昌觀魏境僧衆全無律範自來之後又逕二十八年兼前五十五年合八十三年至魏廢帝嘉平二年於洛陽更集梵僧以羯磨法與大付重受唯用十僧并翻僧祇戒本一卷今鈔言迄至曹魏之初者取後重受之由越却法領等五人與受戒之由也自從佛法東

流至魏嘉平二年有一百八十三年戒律始備計大僧初受從漢靈帝第十一主建寧已來至今大唐開元二年正經五百四十七年若論大僧重受戒時從魏嘉平二年已來至今大唐開元二年經四百六十五年中間經周武帝滅佛法有靈裕法師等十人藏在鄆_居摩提將軍家大隨創興纔得九人與人受戒_{緣信行一人中間造}改先妄習出僧祇戒心等者_{過故唯有九人也}改前齊儀同祠祀之法也

上來釋僧重受戒義竟已下明尼受具之法也譯善戒等經者立謂是善生經也名善生憂婆塞戒經楊州者今時江寧是也師子國尼八人者立云本有十人尼發來擬漢地爲尼受戒於路二尼身死俱有八人至於此也鈔中所說事不盡理今更盡說比丘尼初受之由者謂漢靈帝之後亦有尼從本僧求受大戒支法領報曰依如佛教唯開邊地五人大僧受戒不開尼衆尼衆泣淚而退自此已後逕五十三年至漢末魏初東天竺國有二比丘尼來到長安見此土尼衆問曰汝於誰邊受大戒尼衆答曰我至大僧所

受三歸五戒二尼嘆曰邊地比丘尼未有具戒遂遠中國化得十五人來三人在雪山死二人墮黑湖死居至此土唯有十人自爾已前諸尼悉赴京師與受具戒後到吳地與諸尼衆受具足戒從此尼衆始有戒法相傳受戒於後三人命終唯七人在逕十七年思憶故鄉卽附南海商人而還本國一去已來更不委耳此初受戒但在魏初未詳定是何年日月猶魏初已去逕二百一十一年至宋第二主文帝元嘉七年蘭賓沙門求那跋摩此云功德鎧卽其國王之少子也至于楊都譯善戒等經亦名善生經又有師子國尼八人來至宋地云此地未曾有尼何得二衆受戒鎧云尼無本法者得戒而僧有罪尋佛制意先令作本法者正欲生其善心爲受戒方便論其得戒法出大僧但使羯磨成就自然得戒今詳魏初尼已受戒而鎧是西域之人不鍊根由而言無本法也當時尼衆苦求重受功德鎧云善哉隨喜且令西尼學語餘文一如鈔引云云又案薩婆多師資傳云宋元嘉六年有師子國尼八人隨舶至都停影福寺上經三

今譯

年言辭轉狎八人間諸尼曰頗曾有外國尼來此國不答曰屬有大僧未曾有尼來也八人愕然曰尼受要因二部僧得戒汝等前師受時那得尼衆諸尼不知所對既知尼衆受無因起乃請求那跋摩三藏及請外國八尼更從受戒三藏答曰佛制戒法出大僧俱使大僧作法成就自然得戒所以先令作本法者欲生起其心爲受戒方便耳至於正得戒時是大僧中也假使都不作本法直往大僧中受亦得戒而師僧犯罪耳唯大愛道一人入敬得戒初羯磨時未有尼僧也諸尼欣然心解適又思曰我等凡夫盲無慧目既已出家爲世福田脫爲田不良可慨可懼夫善不厭增功不倦廣決定更受使千載無恨若無受未得今更獲之若先受已得今益增勝心事了然無負信施三藏曰善哉夫戒定慧品從微至著今欲增明深心隨喜但衆緣難具耳汝等苟欲從外國諸尼受戒者此尼唯有八人數不滿十人胡漢音異不相解語無傳譯人不得作法諸尼聞此唯深嘆泣女人多部惡感閼梨而不蒙慈悲救當何所歸三藏慰其誠

至即使設計爲囑舶主難提更要外國諸尼又教先來者學習漢語諸尼蒙許於是慧果淨音等十餘人便受學戒細心企滿事未及就又值三藏無常諸尼望斷謂永遂理到元嘉十年難提舶返更得師子國尼薩薩羅等三人足前成十一人其先來者學語已通尼衆既滿諸尼僉然求果前志時有三藏法師僧伽跋摩此名衆證及三藏神足弟子菩提並時所推崇諸尼祈請即皆許之至十一年奉於南林寺前三藏本戒場處與諸尼受戒最初爲影福寺尼慧果淨音僧要智果等二十三人受戒次爲小建安寺尼孔明及僧敬法茂法盛姊妹等受次爲瞿曇寺法明法遵等受次爲永安寺普敬普要等受次爲王國寺法靜智穆等姊妹受總得十一日法事相仍有三百餘人祇洹寺僧慧照等重受亦此時也私云上言元嘉六年與鈔不同者應是約發來時也解律經心者立謂解律及雜心論也言自涉流沙者流沙應是地名謂從西道路涉流沙行來也初求那許尼重受未滿而終者謂既許爲尼重受未遂其事求那於九年卒

於祇洹寺也。立問上言。宋地未經有尼。今受但應名初何名。重受今詳。此言是不委漢靈帝時尼已受也。答言。重受者。宋元嘉年中。外國尼來時。名為重受。然晉朝竺法汰亦約大僧一衆為尼受戒也。即是東晉之日。道安法師在於西秦。秦後為兜奴所逼。安即領門徒南過于時。竺法汰是安同學。因辭安曰。上座住持西北。某甲取法。東南。汰法師即至江寧。仍依五分初緣立大僧一衆為尼。受戒于時。律本未至。未有尼戒本。汰法師因約附大僧戒本中出尼戒本。時諸大德咸所不許。云戒是佛制。自佛之外。聲聞菩薩皆不得制。汝今出之。應當是佛後律本。既至。果然符同。唯一二處少異。故知汰非凡器也。又詳云。魏時尼衆已受具。竟一如前說。云云。又案南山尼注戒心序云。尼初一衆受緣者。昔東晉簡文帝太元中。金陵瓦官寺沙門竺法汰者。道安之同學也。生知敏亮。獨擅時美。為律部未具行儀。難進。遂那約大僧諸戒。并依隨律等經。撰尼戒本。在世傳用。又以尼衆數闕。本法無施。便同愛道緣制。但從僧受。於時化行江表。流統魏秦。

中會本
卷之三

卷之三

期則尼戒之初本。被於世。至晉江寧咸康中有僧。緬北丘者。發憤西遊。遠觀中城。於拘夷那國得尼戒本。寄還渭濱。名德翻之用。為正軌。比汰所出。厥旨懸同。時人雅嘆。益相推伏。初汰公開尼一衆受戒。而無正法。可憑。至宋元嘉之初。求那方始印定。比丘尼初受。從前魏黃初元年至今。大唐開元二年。計有四百九十五年。論其重受。從宋元嘉十年至今。大唐開元二年。正當二百八十二年。出高僧者。此傳有十四卷。釋慧皎撰名僧傳三十一卷。釋寶唱撰僧史十卷。王簡栖撰又齊朝裴子野作高僧傳。張孝季撰廬山僧傳一部。中書陸明霞撰沙門僧費長房撰三寶錄一部。王聞撰僧史等也。永為龜鏡者。其龜能知三世事。鏡照現前也。其鏡者。只是照義。若識此緣。則明照前後也。猶如世人之鏡。將以鑑於形。亦如國家有鑑形之鏡。而濶一丈高。宋在日。每抱孝敬相。王向其鏡前映之。或時騎馬。以映於身。也。上來七段不同。總釋第一戒法門義竟。二者戒體者。從此已下。正當第二明其戒體於此門。

中又分爲四如文

所以別解脫。至止可三五等者。謂於一境上。別別防非得解脫。故曰也。言止可三五者。受戒雖多。據其明誠戒體者。其少故曰止可三五人也。此且聊舉三五耳。皆由先無通敏者。通由洞也。廣疋云。通謂明微也。敏者。孔安國云。捷疾也。杜預云。達也。賈逵云。敏由干也。言不廣諮詢者。應師云。詢由謂問也。左傳云。訪問於善爲諮。諮親曰。詢。諮問善道。詢問親戚之議多。昏體相等者。昏闇也。謂不識戒體之相狀也。言盲夢心中緣成而已者。立謂受時亦有十師衣鉢具足。結界成就。此普是緣成。雖復此緣而受。據論得戒不得戒。曾不委識。如盲如夢。謂見不明了。盲則都不識見也。又解此。據受時心如盲夢。不識其緣。雖有具足心了不識。故如盲夢及論得不涉同河漢者。立謂雖信緣而受。問其得戒不得戒。渺然不測。事同河漢也。爾疋云。渺者。遠也。遠視渺然。寂漠不知邊際也。相傳云。漢時張騫尋黃河。至天河。得玉女支機石來。又盜得目宿菜子。以藏眼中。將歸。此種故曰目宿。又言天河

今爲三字
疑則

地河相連。此是妄傳。落漠難信。故今時人借以爲辭也。爲悟也。然實張騫尋河原。至大月氏國。卽月支國。近在西域也。唯正法念經云。帝釋乘象與修羅戰。象鼻之氣一道直前。世人觀已。妄謂天河也。其實無有河耳。有人云。舉天漢地河。只是取隔絕之義。喻今約得戒以否。不知分齊也。言然後持犯方可修離者。意謂此篇正明戒相。前且明法體行等三門。實廣論相貌。以示初學。參現身心。得知已身戒之有無。然後二持可修。二犯應須捨離。故言方可修離。

答論體約境實乃無量者。羯磨疏云。別脫一戒從緣發生。戒本防非。非通萬境。戒隨境攝。則無量也。二戒通收無境不盡者。立謂對一切情非。境立誓要期斷惡修善。名之爲作。由此作。故發得無作。故知作與無作收境得盡也。

答若單立作等者。羯磨疏云。若唯立作。但在一念。非通一形。何能防也。又不可常作者。疏云。一受已難義。非數作。非故須無作。長時防非。若單立無作。則起無所從者。立明作是果作。則是因。因能生果。所以無作。

藉作而起。必不孤然。發故不得立一羯磨疏云。事業相假。故唯有二。何以明之。若唯立作。但在一念。非通一形。何能防非。也要賴作生者。立明此二法。是相待藉義。要藉作戒。以發無作。又要藉無作。久長防非。不可唯立一要。須立二。羯磨疏云上。據下機。故說相藉。必如聖戒。道力所成。此意云。若言要待作。方生無作者。上法得戒。不假作生。而發無作也。

但由體相道理相違者。此意云。既立作無作爲二。何不更立成三。謂令作無作合一也。謂作與無作相違。猶如明暗不可並言。體相等者。作戒以心爲體。無作非心爲體。故曰體相違。又作戒是色。無作非色。故曰相違。一作無作別者。羯磨疏云。有三義。故不可合一。作者是色。心無作非色。心二者是初緣。無作是後業。三作是運動。無作非故。以如是義。故性不可均通。故不立三也。二心非心別者。作戒是心。無作非心。故不得合。若就所防隨境無量者。山河大地。塵沙萬境。情非情類。並是所防之境。故云無量也。

二引證者。立云。文中有兩家據義不同。一是多宗二

是成實宗也。多論所明作。既是色。無作亦合色也。因既是色。果何非色。乃引雜心論云。無作假色。牟尼之所說也。彼宗計。無作是色者。非是報色。及方便色。乃是假色也。別有假色。以爲無作之體。成實論不爾。作戒是色。無作非色。非心中自顯。

言若淳重心。身口無教者。立明重心。則發身口無作也。初一念色。有身口教。及以無教者。立明第二羯磨。欲竟之時。名爲初念。爾時既有作戒。故曰有身口教也。復有受中無作。故曰及以無教。此約正羯磨時。名初一念。若羯磨已名第二念。賓云。謂是身口色聲能發作。與無作。故約身口。雖然色聲中。復有報與方便。舊譯名報。新名異熟。報謂酬報。酬報宿業。故言異熟者。亦是酬報。然由此報異時。而熟名爲異熟。酬報業時。異類而熟。名爲異熟。因是善惡果。是無變異。而熟名爲異熟。謂所造業至得果時。舊名方便。新名加行。方法巧妙。令事得成。故名方便。言加行者。行是造作。加心造作。名爲加行。今言作戒者。身動身方便。若其不欲加心造作。既任本性。故名報色。今既加心造作。前事

故令身動身方便。故俱舍云。由思力故。別起如是如是。身形名身表業。口作唯方便。非報也。故俱舍云。語表即言聲。聲體非是報。又云。聲無異熟。生隨欲轉。故婆沙百一十八云。有說聲是現在加行故。發異熟果。是先業所發。有說聲隨言轉。非異熟法。可隨言轉。復有說者。聲有間斷。異熟色無間斷。是故聲非異熟。若依犢子部。聲亦異熟。故彼宗中。引施設足論云。菩薩昔餘生中。離羶惡語。此業畢竟得梵音聲。故知聲是異熟。且叙如婆沙百一十八。身口二無作。非報。非方便。如礪疏可尋。第二念中。唯有無教。無其教者。此約羯磨竟後名第二念也。爾時但有無作隨形。故言唯有無教。作既落謝。故言無其教也。疏云。多論陳體云。教無教也。成實雜心云。作無作也。宣問三羯磨竟。發一形戒。三結安居。即應滿夏。何不同也。答不結亦成。夏不羯磨。可成受。故不同例。又解云。受時對法。願心一期安居。對時行。隨前後故也。注云。不可教示於他者。立明無作。既色無心。故不可教授。示現於他人也。羯磨疏云。無教等者。此明業體一發續現不終緣辨。

無由教示。方有成用。即體任運。能爾成立。故立無教。首疏云。第二念中。唯有無教。無其教也。教者。作無教者。無作。故知今文云。教示於他等者。是解無作也。濟云。或言作無作者。只是身口運動之所造作等也。唐三藏翻為表無表者。如受時身口運動。是表。內心有求受之心。故名為表。既受已。後身口不動。無所表彰。名為無表。據義雖同。然玄奘所翻。為勝。若言作無作。則來他難詰也。難曰。戒既言防。非為義作。戒是運用。運用能防。非無作。無運用。何得說言防。若言表無表。即無難處。賓云。新譯經論。名表無表。譯此名者。謂善思等等起。身語表彰。善惡故名為表。言無表者。而非表示。令他丁知。故名無表。言教無教者。准表釋也。作無作者。即作動義。稍疎僻。言即如上論者。指上多論之宗也。言不發者。不發無作之戒也。是十惡法。或有作色及無作色者。立謂身三品四意三業中。若輕心造。則唯有作。不發無作。若重心造。具作無作。造十善業亦然。如人手執香梘等者。鈔引善。

◆不難辨

生經恐錯也。檢善生不見此文。或可義有也。事出心論。案雜心論第二卷云。偈曰。作當知三種善。不善無記。意業亦如是。餘不說無記。解云。作當知三種善。不善無記者。身作及口作。故曰作也。身口作三種善。不善不記也。善者淨心。身口動如施戒等。不善者惡心。動身口如殺生等。無記者。無記心。動身口也。意業亦如是者。意業亦三種善。心相應是善。惡心相應是不善。無記心相應是無記也。餘不說無記者。餘二業無作及口無作也。此二種善。不善無無記。何以故。無記心羸劣。故強力心能起身口業。餘心俱行相續。生如手執香花。雖復捨之餘氣續生。非如執木石等。此說立謂執香喻作善。臭喻作惡。若重心造身口善。惡喻若捉此物時也。由重心造故。發生無作。喻放物時猶氣在手也。若輕浮心造善。惡不發。無作。喻捉瓦木捉時是有放之無氣也。

言以上諸文有二非虛者。立謂結成有作與無作二文也。即羯磨疏云。如是多文證。唯有二戒也。從此已下明解義。如陶家輪等者。立明瓦陶家有捉

輪人手搖時曰作。覆手猶轉名無作也。今以身口動轉名為作。戒緣成事畢。其業滿足。雖身口不動。任運常存。名無作。戒羯磨疏云。光律師自立三喻。如磨如輪如獨樂也。索喻報色也。匠治方便也。與繩俱轉作戒也。癢繩而轉。喻無作戒也。故雜心云。作者身動身方便者。立云身是報色。今以動轉其身。方便色用此方便色為作戒體。不取報色也。如前已廣述。案雜心論偈云。身業當知二。謂作及無作。口業亦如是。意業當知思。解云。身業當知二。謂作及無作者。身業二種作性。及無作性。作者身動身方便無作者。身動滅已。與餘識俱。彼性隨生。謂善受戒穢污。無記心現在前。善戒隨生。謂惡戒人善。無記心現在前。惡戒隨生。此雙此二戒也。口業亦如是者。口業二種。作無作性。亦如前說。意業當知思者。謂意業是思。自性有人欲令意業是無作性。此則不然。意非作性。以非色故。上言報色。應是惡性。寶云。身動身方便者。現緣動發。稱為方便。簡酬往業報色體也。謂身口運動。名方便色。簡除報色也。唯取方便色。新經論名加行。舊名方便。加謂加行用。謂預

起心行運用而作故曰加行舊名報色新名異熟果以今身之異是酬昔因謂果是異時而熟故曰也由今身酬昔因故曰報色此異熟身體是無記不能成於無表業故異熟威儀工巧變化悉是無記四無記中三無記心能發表業其異熟心不能發表然又三無記中唯能發表不發無表故除報色取方便色也然身是報色口非報色是口體今欲語欲嘿巧續不常豈是報色身則不然一期不斷天言報色一期相續更無間斷故名報色聲有間斷故非報色婆沙云犢子部音聲是異熟果若依薩婆多聲非異熟若據大乘聲通報色如施鐘鈴報得好聲豈非報色小乘不爾故婆沙百一十七云然身語業定非異熟加行起放故是此義也然今戒體假身語發不取報色唯取方便身口故言身動身方便也即婆沙云加行起故雖諸有為利那生滅無容從此轉至餘方謂當處生滅不滅不容別去也然相相續假言方便也謂方便色利那落謝何能相續但是假言相續故曰也謂利那利那生已即謝過動轉義何能相續但假言

本字原不
明或曰
字義大
同唯聲
義次

相續動也故婆云一切有為皆有利那若此處生即此處滅無容從此轉至餘方故不可言動名身表也但相應假所以言動據實有為利那利那生已即謝無動轉義問此報與方便為一為異答諸定不同且薩婆多宗若起內思動異熟身即於身中別有大種造身表業故依彼宗一向是異不得言一若依成實宗說色性非善惡隨能發心假名善惡方可說為非一非異謂若任性如本而住名為報色若由內心鼓動造作名為方便二義既別故名為異然鼓動時於報身外無別大種造身表業故復是一大乘宗義亦可同此言大種者舊名四大也案婆沙百二十二云然表無表起身而起有依一分如彈指舉足等一分動轉作善惡業有依具分如禮佛逐怨等舉身運動作善惡業此中隨所依身極微數量表業亦爾如表數量無表亦爾此顯同二十七云問諸有情類口所發聲當言何處大種所造有說唯邊大種所造有說心邊大種所造有說齊邊大種所造評曰總說聲一切身支大種所造若別說者輕小聲應言唯邊大種

所造叱吒聲吼號叫等聲。應言遍身大種所造現見此等覺身掉動故。此顯語表私云。此上數句釋作戒方便色義竟。

◆插入無字

言無作者一發續現始末恒有者立云一發已去無作續生運運常有相續現行故曰續現始者是第三羯磨竟發無作之時為始訖至臨終乃至四捨等名末中間縱入惡無記中無作不失故云恒有四心三性等者二宗計義不同。若成實宗即善惡無記及無心為四心也。若多論宗即約五陰上陰色一陰餘識受想行為四心也。言三性者善惡無記名三性也。皆謂既發無作已後雖入四心三性中無作不失。賓云四心者鈔主多依成實宗義故准成實第九卷無作品云。若人在不善心無記心無心亦名持戒。故知爾時有無作。善心有戒相顯不捨不善律儀亦如是。已上論文此論文意即三性心及以無心為四心也。問於四心中已說三性何須更別說三性耶。答四心中雖復已說於三性門重說無爽二門既別法相無違。問無心非心何名四心。答從多方為名理亦無失。以四心中三

◆插入無字

有心一。是無心從多而說。故曰四心。然實無心不名心也。復有人釋。准多論宗識想受行四心恒有。謂極少約四剎那以辨四心。前一剎那是識。次一剎那是想。乃至第四是故約極少經四剎那復有人引俱舍第一頌曰。亂心無心等隨流淨不淨。大種所造性由是說無表。曰一者亂心二者無心。次言等取不亂心及以有心故成四心。順正理論第二釋此頌云。不善及無記心名為亂心。餘名不亂心。入無想定及滅盡定名為無心。翻此二位即是有心順正理論破此頌云。亂不亂心攝心已盡。何須復說有無心或應但說有心無心。何用復說亂不亂心也。安慧菩薩救云。亂不亂心是據散位有心無心是據定位。故無有失。若准真諦舊俱舍疏云。染污心名亂。餘名不亂。心入定心名有心。二無心定名為無心。入無想定及滅盡定此四位中無作常生也。俱舍長行釋前頌云。亂心者謂此餘心無心者謂入無想及滅盡定等言。顯示不亂有心相似說名隨流。善與不善名淨不淨。上來三家釋四心義若望鈔意初後為勝。言不藉緣辨者明一發以後

不更假緣而辨任運常存此亦就成已所明也。據本必藉作緣而辨。故前云不可孤起要賴作生。由其作戒發生無作。今言不藉緣辨約後而辨也。身動滅已與餘識俱者。立明身動者謂乞戒方便等相續善色聲假身口等業一發無作已後餘五識不能持此無作之體。但隨於意識意識能持。故曰與餘識俱也。欲明發戒雖由身口若領納無作唯是意識也。濟同此解也。又云雖與意識俱然不得卽用心爲體。俱是心能領納此法也。又解當時是身口善心之識發得此戒後入惡無記之識其無作皆在不失望惡無記爲餘識以無作戒能與惡無記共俱。故曰也。賓同此解。故賓云無記心等名之爲餘也。謂無作戒一發之後雖入惡無記中無作不失。又解與第七阿賴耶識俱也。謂正作之時由第六識一發已後但阿賴耶識任持。故曰也。問旣言無作戒體非是色心何得與識俱答無作非色心者此鈔主引成實論文故云然也。准大家道理及雜心論皆言無作戒是色法。但非肉眼所見不可見無對色也。若言定非色心有可與識俱。

及言領納在心等案心論解云有人欲令意業是無作性此則不然。意非作性非色故也是法隨生者賓云是無作之法隨惡無記亦不失故曰隨生謂惡無記而生不失也。謂意識雖與無作俱意識後時忽入惡無記中然無作不失故曰是法隨生名無作也。因心生罪福睡眠悶等者案成實論有無作品文中問曰何法名無作答因心生罪福睡眠悶等是時常生是名無作如經中說若種樹齒林造井橋梁等是人所爲福晝夜常增長。論文如此今引此證其無作戒亦爾一發已後雖入睡眠悶等是時常生運運不斷善生五義者如上廣解竟今不復釋也。三出體狀二論不同者立明成實多論也。今文初且辨作戒體次明無作戒體初辨作戒體中前依成實用身口業思爲體後依多論用身口二業善色聲爲體後弁無作者多論用色爲體成實用非色非心爲體故曰不同。用身口業思爲體者深云此成論具用三業爲作戒體謂假心業慳重口陳詞勾身業禮拜也。文中冥破。

外道及外人義也。外道用身口二業爲作善惡之體。今破此執。故引如人無心殺生。不得殺罪。明知復用。心業方得殺罪。言破外人者。外云思與心同時而體。別此是成實師。破薩婆多師也。至下當述。今破云。體不得別。思卽是心。然思但是心家之用耳。更無別體。故曰離心無思等也。

文云是三業。皆是心者。立明身口是造善惡之具。自不成業。要假心成。故曰也。案成論中有三業品。文中名爲三種行。今鈔云三種業。論中問曰。經中說正行淨行寂滅行。有何差別耶。答有論師言。凡夫善身口意業。名爲正行。學人以斷結故。卽此正行。名爲淨行。無學人斷從結生語。故名寂滅行。又無學人畢竟不起不善業。故名寂滅行。如說身寂滅。口寂滅。意寂滅。又人言此三種行。義一而異名。但義其實直。故稱正離諸煩惱。故曰淨離諸不善。故名寂滅。故雖三名。其義不異。問曰。有論師言。但心是寂滅行。非思是義。云何答曰。是三種行。皆但是心。鈔家云業離心無思。或取意耳。無身口業者。立明心卽是思。有心來必有思。有思其

必是心。實云此破外人義。思與心同時而別體也。謂成實師破薩婆多心王心所雖同一聚。各有別體。而共相應。大乘立義同薩婆多。今卽破云。離心無思。謂離心王無別心。所有中思也。前立云心未必思者。實云了境名心。造作名思。故曰也。言無身口業者。立云若無心時。雖有身口。不能成善惡業。故今成論用心思及身口爲作戒之體。自意謂離心無思無身口業者。如涅槃第三十四卷。明三業。義文云。期業者。謂身口業也。先發故名意業。從意業生。名身口業。疏云。因果相應。有同契疑。故曰期業。此只呼身口之業。與心業相期也。今若無心業。前生則爲身口業。故曰也。若指色爲業體。是義不然者。立謂成論用身口業思爲作戒體。若但直指身口之色爲業體者。是義不然。故曰也。深云此句是覆疎上文之非義也。上破外道義云。用身口二業之色爲作業體者。今明不然。謂身口所色也。十四種色至非罪福性者。立謂五根五塵四大也。此十四色是無記者。五塵四大在義可知。然五根者。既能領受色聲。何名無記。解云。由識分別。根能了

別不得五識及意根緣之五皆無記也。所以唯舉五根五塵而不舉意根及法塵者。解云。論有三義。一可見有對色。如青黃赤白。是二不可見有對色。如聲塵。是三不可見無對色。如法塵。是法既是意識所得體。非是色。故今不論意根。亦爾。不可見故。復是有記。故亦不論言非罪福性者。謂上十四種色。既是無記。不能成善惡。故曰非罪福性。要由意識方能成業。又有論師等者。還是多成論師所計。意亦同前。以身口二業善色聲為作戒體。以相續善色聲等者。賓云。謂一刹那實聲之中。無名字句要須相續屈曲成名。是聲之體性也。謂非卒爾善心。若卒爾舉動發言。未能發成。要須身口二業相續善方便。用為作戒體也。善色者。簡惡色。取善身業也。善聲者。善口業也。簡餘惡聲。始從請師。終訖羯磨。中間求乞戒等。盡名相續色聲也。羯磨疏云。若一念色聲眼耳所得。非罪福性也。法入所攝意識所得者。法是意家所緣。故言法入所攝。如六入法入意識也。欲明六識之中。上五不能成業。要由意識方成罪福。今將此意識所得之法。

本為疑以

今文字疑

以為作戒體故也。賓云。所呼名句音詞屈由等名為法入所攝。十二入中雖有法入。此但聲家假用。為為法入。若論實性體。即是聲。謂此名句實體。即是聲。則是耳識所得。應是聲入所攝。今言法入所攝者。謂是攝實從假實。謂聲體性也。假為名句屈曲成名。等是聲之假用也。謂一刹那實聲之中。無名字句要須相續屈曲成名。既是離聲無別體性。故是假。謂以實體無用。還以屈曲等為聲之假用。以攝實從假。故言法入所攝。由是意所領受。故曰法入所攝。若假實各論。則聲是耳識所得。聲入所攝。但由法相之體。假實殊門。故分聲法二入也。若薩婆多宗計。名句文別有體。總別有自性。非聲之體。今約成實宗言。辭屈曲有所表彰。此名文句。即是聲上之作用也。何有自性。故還用聲為性。此約攝假從實。謂聲則是實。名句是假。由名句等。既無自性。故是假也。薩婆多宗假實別論。故執名句別有自性。其多論宗。破成實宗云。語不異能詮。人天共了。執能詮異。語天愛非餘。賓云。西方諸痴人為天愛也。濟云。此執能詮異語者。合死來久天。

於故未死。又云。成實則用聲爲教體名等句。是聲假用攝假從實。皆不離聲。故用聲爲體。隨婆多宗。據名字句等。既別有體性。唯用名字句等爲體。不取聲爲體。上釋作戒義竟。

言無作戒體者。立謂文中。唯約成論。解無作戒體耳。非塵大所成者。立明非五塵四大也。塵者色聲香味等四大者。地水火風也。一色有形段。方所者。色有大。小質。尋青黃赤白分段處所也。二色有十四種別者。十四如前已明。二十者。青黃赤白。光影明暗。煙雲塵霧。長短高下方圓斜正也。前十二是無記之色。後八通三性。謂是方便色也。由人運動作之也。三色可惱壞者。立明以可打可觸可斫可刺等。實云。謂以手等觸色等時。令其變壞也。四色是質礙者。如山河石壁。皆是質礙也。五色是五識所得者。如色是眼識所得。聲爲耳所得。乃至觸爲身所得等。皆謂五塵爲五識領受也。塵卽是色也。實云。眼於色處轉耳於聲處轉等。眼終不於聲處轉。乃至舌不於耳處轉也。體非緣慮者。立謂無作之戒。不同心家有緣有慮。知

也。一是慮知者。立云。心有緣慮卽是繫緣覺觀也。慮者。應師云。念也。亦訓思也。二心有明暗者。濟云。如羯磨疏記立。謂如坐禪觀照。是明散亂。瞋憤是暗。濟云。意識若隨於眼等五識。緣於前境。則明。如明白見色。聞聲。則了了照境。故曰明也。若意識不隨於五識。雖緣境。則暗。如夢中所見是也。以夢中是意識別緣。不緣於眼等五識。雖夢中見聞。而不明了。卽是暗。四心有廣略者。濟云。若心於五識處遍轉。緣於五塵。則廣。若唯於識處轉。單緣一境。曰略也。如色聲香味觸五境俱現。若境無優劣。心則通緣。謂亦見色。亦聞聲。亦嗅香等。此名廣也。若五境雖齊現。中有優劣。則隨其勝者。心則偏緣。如正食食時。聞聲見色。色境若美。心則偏著於聲。於味。心則不緣。此名略也。若喫美食。心貪味。則更不緣色聲等。則是略也。謂心遍緣五境。曰廣。若單緣一識境。時則略也。此據小乘不能一時通緣五塵境也。大乘宗中則通也。如正嘗食時。不撥聞聲見色等。故大乘基云。眼看薄餅也。耳聞百友聲鼻嗅浮麝上香。舌嘗膏糜味是也。立云。或時心緣法界。

橫直十方復緣二世是廣若直緣眼前或緣室內是略故也五心是報法者立明入根利鈍上下不中皆是報法如阿難持入萬法藏用利樂特生謂一偈得掃忘等此並報法也

故以第二聚非色非心爲體者立云第一色聚二心聚三非色非心不相應行聚也今用第二非色非心聚是無作戒證今鈔文中具明三聚上言以五義來證一色有形段方所等此是解色聚次云心亦有五證一心是慮知等此解心聚也但不用此二聚爲體故今用第三聚非色非心爲體言色有者有三義一是可見有對色二不可見有對色三不可見無對色初言可見有對色者賓云十二入中色入也即極微聚相對礙故名之爲對體即是色名之爲色謂壇場互隨合掌時是故心伽二論云身作可見有對也二言不可見有對色者賓云卽五根并四塵也五根眼耳鼻舌身也四塵者五中除色塵也卽此四塵及五根總名不可見有對色不可示現此彼差別故名不可見亦極微聚及互相對故名有對卽求哀乞戒口

陳詞句請師等是也卽心伽二論云口作不可見有對也此二是一作戒也三不可見無對色者賓云謂法入中無作也不可示現彼此差別故名不可見非極微聚不相對礙故名無對若言作戒前二色收身語二表卽色收也無表戒是後所攝此當無作戒體也卽心伽二論云身口無作俱不可見無對也案雜心論云身作是可見有對口作是不可見有對無作俱不見無對宣云所以名無對者有對則有三如五根五塵障礙有對二者如五根七心境界有對三者能緣心緣有對時出過此三故曰無對立云第三聚非色非心論中名爲不相應心法也今強作名爲非色非心爲戒體也精進人得壽長乃至受天樂者案成論云如人離殺得生天上若言無法云何爲因意謂若無作法何能爲生天之因也問曰不以離殺故生天以善心故答曰不然經中說云精進人隨壽得福多故久受天樂若但善心云何能得多福是人不能常有善心故論文立云引此文意證知無作非心法也如上云不能常有善心善心既不能常有那得久受斯福明知唯是無作隨恒故耳故



知無作不是心也。賓同此釋。又意無戒律儀者。案成實論云。如教人殺。隨殺時教者得殺罪。故知有無作。又意無戒律儀。所以者何。若人在不善無記心。若無心。亦名持戒。故知爾時有無作。不善律儀亦爾。論文如此賓云。此即顯戒定非是心也。立云。意無戒律儀者。此言正證成無作戒不是心也。謂心既入不善無記。猶名持戒者。明知無非心也。向若是心心入惡無記。中善戒何不失也。只爲非心心雖入惡無記。本所受戒不名漏失也。涅槃云。下引此多文。證知戒非色也。多文證成非色者。如上已釋。上來明第三體狀義。竟四明二戒先後者。立云。有二家諍義。不同。初是多論次是事論也。今看文意。雖是兩家各執。並約多論文諍也。

初解云。如牛二角等者。立明此多論師解也。羯磨疏中有人解云。如牛二角等。計理應是指古師也。明作無作同時生也。礦云。依心論說。似一時得鈔主云。定一時生。非先後起。豈有作絕無作方生。由本登壇。願心形限。即因成也。至後剎那二戒俱滿。故論云。作時

具作無作也。齊云。論家雖有二執。據義亦非先後。亦非一時。即如涅槃難云。爲身先耶。煩惱先耶。若身在先。身從何起。以要因煩惱而得。有身若煩惱在先。煩惱依何而住。故知亦無先後。又如杖築築回之時。與築時不定先後。以正築時地。地回豈離築之後。回如生耶。若言一時。後因杖之先築。雖身與煩惱無先後。終是要因煩惱而得。有身雖言作與無作不定先後。然終因作戒發生。無作只自無作。非是作謝之後方生也。故多論云。初一念戒俱有二教等者。立謂第三羯磨未竟時。有此作與無作同時而生也。第二念中唯有無教者。立謂三羯磨竟作戒既謝。唯有無作在。此是多論解也。彼論有三種無作。一是因時無作。二果時無作。三果後無作。初因時無作者。始從請師。終至白四中間。身口方便運動之時。有無作也。二果時無作者。謂第三羯磨當竟未竟。二戒俱闕。名果時無作。亦名作俱無作也。三果後無作者。即形俱無作也。前兩無作。並是後者之因。若受戒竟。前二無作一時落謝。但有果後無作。長時防非也。

後解云者立明此下是成論家解也。獨應疏但云有人言計應是古師也。彌云若依曇無德宗似先後起。謂前後生不一時也。故成實第九無作品云。問曰幾時從作生無作答。從第二心生隨善惡心強則能久住。若心弱則不久住。如受一日戒則住一日。如受盡形則盡形住。已上論文。彌疏意釋云。第二心生者。第二念生也。念即是心故也。論雖如是。理稍難通。若許第三羯磨竟時。但有作戒後念。方生無作戒者。即應許有律儀善行不受而得。故知理擁也。今詳第二心生者。應顯第二念已去。唯無表生不遮初念。同時無表以其表業色法為體。其無表者。非色非心。二體既殊。何妨同念也。世間之法。有因果等者。立明舉世間法以況也。作戒是因。無作是果。因果相待。何得同時。准羯磨疏云。此師又引成實論云。第二念須名為無作。故知作為初念。無作為第二念也。言如因水鏡則有面像者。案善生經云。世間之法。有因有果。無因無果。如面水鏡。則有像現。離面無像。作亦如是。從身有作。則生無作。如面水鏡。則有像現。譬如有人發惡心。故則惡色現。

七淨人作字

發善心故則善色現。作以無作亦復如是。如獨樂雖念念滅。因於身口微塵力故。而能動轉。作以無作亦復如是。觀經文意證有。又善生第六云。初發心異。復如是。無作不證先後。心方便心異。近因。作時心異。正起身說時心異。正起也。業緣和合。故得名作。以作因緣生於無作。此顯無也。如威儀異。其心亦異。謂受戒竟改威儀。不可壞故名。為無作。謂雖改心從此作法得無作。已心雖在善不善無記。所作諸業無有漏失。謂從後無作。今詳經意以作因緣生無作者。同時亦是相生。何能正證無作先後。

論云。作時具作無作等者。立云。此是成論師牒上多論文也。將欲破前多論師解一時而生者。故先牒彼多論之文。來然後為通。或可是鈔主自通耳。故羯磨疏問云。若如後解。前何以通。即答云。論云。作時具作無作者。是作俱無作。此二俱是戒因。至三法竟。思業滿足。二戒成處。故云具也。立云。彼師據其作時具作無作之言。便謂作無作一時生者。此是受中無作耳。故言此是作俱無作也。非是形俱無作。猶是形俱無



作之因耳立又解此是鈔主破前多論師也至第三羯磨竟時二戒闕者立謂此是作俱無作也謂作戒及受中無作名二戒也此二戒至第三羯磨竟時其業滿足故言具作無作也若形俱無作仍後生也故言不妨形俱等云云亦是當一念竟時二戒謝後無作生者立謂當第三羯磨竟名一念竟也謂是作戒及作俱無作此二謝後形俱無作方生也此文與前稍異前云羯磨當竟未竟形俱無作則生此中要待第三羯磨竟一刹那頃名爲一念謂此念後形俱無作方生故言少異謂異前文云不妨形俱無作仍後生也計理亦無異耳上雖明先後兩解不同准羯磨疏全符前疏云今解一時非先後起豈有作絕無作方生由本登壇願心形限即因成也至後刹那二戒俱滿故云作時具作無作是也且約一受三時無作初因時無作此與作俱非乖俱體謂不異形俱無作之體不妨形俱因成未現謂形俱無作有二果時無作有二一還作俱同上明也謂此時雖有作俱無作因上因二是形俱方爲本體以三法竟示現之時三果後無作以

之死字誤刻

通形終約時分二謂約羯磨本通三時也謂通因時果時畢後賓云其實體一而義有二現同刹那名曰作俱復能引起後後諸念復名形俱也故云作已過去無作恒在是也

五汎明多少者此謂汎說無作有多種也羯磨疏云此下通叙諸業是也賓云非有論文作此說也但是古來諸德搜尋經論纂集爲八或九或七數亦不定鈔言依多論者非也但是古德通求諸經論意耳既有八門不同今即是初也

一作俱無作者羯磨疏云隨作善惡起身口頃即有業相隨與作同生故曰也賓云即頃無作與作同時故心論云第二羯磨竟作及無作等立謂如正作善惡之時發此無作同其作生其作若謝此無作亦滅也

二形俱無作者如善惡發得無作與報形同至死死方謝即如此丘無作戒體訖至形終戒乃謝也惡律儀反說可知

三事在無作如施衣等者且如施物物體若在常能

中下疑脫
故字

生福無作常有物壞之時無作亦滅此准婆沙百二
十二云或造佛像空塔波等乃至造井橋船階道處
等此諸表業所發無表具有三緣相續不斷一由意
樂謂緣彼事深生歡喜意樂不息二由所依謂所依
身得分相續命未終位三由事物謂所修建佛像等
事未都壞滅如是三緣隨闕一種無表便斷成實論
第十二心論第四並同此說鈔依成心二論也一前
事毀破者謂衣壞已無作便失二若死者立謂雖所
施物在能施人亡事在無作亦謝此義稍惡既云事
在無作但使事在則有無作何須望人死活耶解云
此應是小乘人行施擬盡一形形謝故無作隨滅也
濟云此義與智論相違論中有人造殿捨礎死得生
天後時有人欲作好礎換除其先生天者宮殿震動
不知何緣即以天眼觀見宿業事知承捨礎之善得
生天來卽下化爲人勸令莫換其人卽止不換天福
如故據此事在無作前人雖死無作常存豈不違於
今文也三若起邪見等者立謂正論信心生故施因
發無作今邪見心生撥無因果故無作亦謝事同此

丘邪見失戒也

言惡緣同之者立明若作善事施衣造塔發生無作
若物壞及邪見失無作者作惡類爾如畜惡律儀亦
發生無作若起正見受五八戒信心若生或物壞身
死無作亦謝故曰惡緣同之反前則是惡緣謂殺具
等事也

四者從用無作者賓云此依成實第十一卷三障品
云食檀越食著檀越衣入無量定而此檀越得無量
福慈悲喜捨四無量定錫磨疏問此從用業與前作
俱有何等異答業相虛通不相障礙間雜同時隨義
而別且如持鞭常擬加苦既無時限卽不律儀爲形
俱業要誓常行卽名眞業口教打撲卽是異緣前受
行之又是助業隨動業起卽是作俱鞭具不亡卽名
事在隨作感業豈非從用惡念不絕又是心俱故舉
一緣便通八業餘則例知
五異緣無作者賓云如欲殺人不執刀杖乃用指印
作相作書而殺雖同身業而事有異故曰異緣能發
無作也二者互緣如以指印或以相書作大妄語此

卽身業以成語業。或如讚殺以語成身業。既互造故名互緣。先來諸師不遠異緣互緣別相遂混然。言身造口業等者立云。如有人於衆中云。誰得羅漢者。起立有凡比丘起立是也。妄本由口。今身現相現身表口業。卽發口家無作也。賓云。如以指印或以現相作書而作大妄。此卽身業以成語業。發語無作也。口造身業者。賓云。如心論云。自在者口語。仙人意所嫌自在。卽王也。王口處分殺人。發身無表也。仙人者。卽彈宅迦國仙人起嫌一國皆死。此是意業成殺也。又言師子吼殺獸壯夫。咄殺人。此亦口業成身業也。薩婆多宗不許此義。大乘經部成實宗皆許口業親成殺生。廣有相破斥。具如蜜抄第三疏云。無學著衣身造口業也。深河誑淺口造身業。殺是業也。立云。深河誑淺者。如人問云。此水深河比丘知深報淺。前人卽度溺水犯夷是也。然殺本身業。今以口誑殺死。故發身家無作也。若依成論身口互造者。立明同上。身作口業口作身業是也。

六助緣無作者。如似他人身語等業。用成我身語等

業卽如遣使作事等也

七要期無作者。立謂如人發心來年設會造佛書經。既發心後無作。常生訖遂所期。無作方謝。此解與實不同也故賓云。亦名處中無作。謂如日夜及處中要期等。日夜謂八戒也。處中有善及有不善。謂雖善業非是律儀。或雖惡業非是惡戒。既處中庸。故曰處中通律師云。善非純淨。心惡非深厚。纏故曰處中。今詳未曉其義。故作是說也。古人有立九種無作者。加其願俱無作。謂依成論十二九業品云。若有人發願願我當要布施若起塔寺。是人定得無作。問願俱與上要期有何差別。答現作當作通名。願俱要期唯局現作。依此應言。若是要期必是願俱。而有願俱非是要期。謂擬當作是也。問此願俱既通現作與前事在有何異耶。前現作事但發心。今從發心卽生無表。

四分律鈔批卷第七本

四分律鈔批卷第七末

江東杭州華嚴寺沙門 大覺 撰

入隨心無作者立謂誰多論名隨心無作亦名心俱無作是定慧之業若除之善無此隨心無作也亦名心俱者與心俱遂故曰心俱。實云定道律儀隨心轉故故心俱曰誰多論意有定慧心時有此無作也成論不同如下引故薩婆多宗云靜慮無漏二種律儀在定道心亦成就亦現行出定道心唯成就而不現行成論出入常有等者立云破上多論隨定慧心今不問入定出定常有此無作但可入定時轉勝耳非唯隨定慧心但隨生死心也如此此生彼皆隨之而生故曰隨生死心也。案成實論十二善律儀品云無漏律儀隨心行戒律不隨心行問曰有人言入定時有禪律儀出定時則無是事云何答出入常有是人得實不作惡法與破戒相違常不爲惡善心轉勝故應常有問曰若禪無色中無破戒法以何相違名善律儀答曰法應如是諸仙聖人皆得善律儀若以破戒相違故有律儀者則但應從可惱眾生所得善律

儀有如是答是故不然。實云定共既爾道共應同別脫不爾唯隨於身者立明此別解脫戒發得無作名曰形俱但隨一身身滅戒謝不同定慧隨生死心故言不爾也。卽成實云無漏律儀隨心行戒律儀不隨心行是也。言涅槃初果等者立明引此經文證隨心無作是生死心也。若言無作不隨生死心者初果之人生惡國中何不造作明知承宿善心故也。言前七通善惡者上八業中前七含善惡唯第八隨心者局善業也。言欲界繫法者八中前七縱是善業未離欲界猶是欲界繫縛之法故曰也。且如直修戒無定慧力者是欲界繫法也。後一無作若是世禪等者立明既有定慧無作之業善然定慧通有漏無漏若但修世禪謂四禪四空定及有漏慧則生上二界色無色也。如外道修世善是世禪名邪定是也。若出道法非三界業者立明若修出世禪無漏定慧卽入法二空理觀變派者則入四果之位故曰非三界業謂入第四果方稱非三界業也。或可通指四果以皆是修無漏也。上來五段不同並釋第一戒體相狀門

義竟

二受隨同異者。磔云。昔解受隨義一。譬如一橋。橋岸衆敵爲破。斯義故立此門。言受隨者。羯磨疏云。創發要期。緣集成具。納法在心。名之爲受。此但壇場起願。許欲攝持。未有行也。既作願已。去盡形已。來隨有戒。境皆卽護持。與願心齊。因此而行。故名隨也。受局善法。兼染不成。隨通持犯。皆依受故。問。願行相依。猶如輪翹。持可名受。犯豈名隨。答。隨有兩種。持犯乃異。俱從受後而生。行兼善惡。皆順受故。相從目之爲隨。戒也。言隨者。隨有四種。一專精不犯。隨此隨順。本受寶云。一受之後。盡一報形。曾不暫犯。一往順教。故曰專精。此人亦希。誰其義也。如祇夜多之類也。其餘羅漢雖不故犯。仍有誤犯。如忘嚙入聚落。無學尙犯。尋卽悔謝。雖名白法。不名專精。乃屬第二門中人。也。二者犯已能悔。隨此隨分。違受以初篇犯。懺不復本故也。三者無心護持。隨此隨無行。用雖於境。未犯有違學教。故四者能犯無悔。隨此隨全。缺行雖與受相違。因受有犯。故是以受後行無間持。與犯通名。說隨戒莫

不依受生相。從持犯戒。賓問曰。持順受體。可得名隨。犯非順受。應不名隨。答。悔已成。隨若爾。若犯初篇。如何得悔。答。學悔故。隨若爾。殺無學。悔應不成。隨答。犯在隨位。相從名隨。若約尅性犯。實非隨。今言同異。初約受中無作。及隨中無作。有五同四異。次明受中作。及隨中作。亦五同四異。

言二種無作等者。隨通指受時。發得一形。無作。及隨中無作也。二義同者。立謂受中無作。擬防身口七非。隨中無作。亦防身口七非。故曰也。策云。受隨無作。同以不籍緣。辨任運常有爲義。故曰也。四敵對防非同等者。立謂對非防遏。故曰敵對防非也。然受中雖未有非。可對據本受意。擬對非而防。故從本取義。名敵對等也。磔云。受中無作。懸有防非。未卽有行。隨中無作對事。防非行成。皎潔卽問。懸未有非。對卽隨行受。有何用。答。無其受。隨不成。隨共一治故。看文意。還是同名敵對防非。非景云。敵對防非。同受中無作。體在對事等者。此明由有受中無作。隨無作防非也。此解羯磨疏云。以受體形期。隨非防遏。爲護受體。故謂本體有防非。能

實隨行起護本相依持也。隨中無作一等者。對非興治與作齊等。此無作者。非是作俱無作。謂起對防。卽有善行隨體。並生作用。既謝此善常在。謂作此隨中無作還期一形。故諸此業爲隨無作。與非敵。故與受同。若同古師言無作者。其息方有此非對防止。是作戒。夫業有因果。方成其果。豈有因謝而果忽來。至理推求。俱涉言論。若言一時則同名。過若云前後則無因。過如是互求。皆不可得。故強隨俗。不無如上五多品同者。立云如成論戒得重發。如一日中受七種戒。明得重發。此曰多品。又若先是下品。心得下品戒。今後更受。又發中上。此是受中無作多品也。隨中多品者。謂有肥羸。故曰多品。又解約隨中事。則則不同。如持衣說淨安恣等行。皆是多品。故曰也。彌云將此一門作異門也。言受中無作。謂本一品心。因故受中無作。義均一品。隨中無作。乃有優劣也。羯磨疏亦云。受一隨多以彼宗中不通重。故止約隨行通優劣也。准上者釋此一門中得同得異也隨中無作。別發行不顧修等者。謂如說戒時不得自

恣說淨時不得受食是也。要次第漸作受中不爾發。在一時直周法界律儀。頓得故疏云。受俱處顯欲於萬境不造惡也。法界爲量。豈非總發。隨行無作。次第漸成。不可頓起名爲別也。二長短不同。受中無作。懸擬一形者。謂受時要期擬盡一形。斷惡作善。其中雖入惡無記。中無作常有故名長也。羯磨疏云。受體相續至命終來。四心間起。本戒不失。故寬也。隨中無作從方便。色心俱者。立明對事修行。動身口時。名方便。色意緣法。相名方便。心且約持衣。餘例取解。執衣互隨口陳詞。句是方便。色分別衣體。曉了如非是方便。心故曰也。以其無作之業。與此色心俱起。對事則有事。休便謝。故言短也。三寬狹不同者。立云。受中無作一發已後。雖入四心三性。無作不失。故曰寬也。隨中唯局善性。若入惡無記中。便是犯戒。豈更有隨中無作之善。故名狹也。言二無名狹者。惡與無記。此二心中無隨家無作。故曰也。羯磨疏云。唯局善性。防非護本。彼惡無記。不順受。故義非說有。故名狹也。四根條兩別者。謂受是根本。隨依受起。故隨是枝條。疏云。受

爲行本隨後而生目爲末也

二種作者謂受隨二行同名爲作受中之作謂壇場白四等也隨中之作謂說念等一名同者受隨二行同名作也二義同者謂同防身口七非也實云同者防非離惡爲義策云同此造作爲義故曰義同三體同者謂同以色心爲體受中以色心爲體隨中所作亦色爲體四短同者如受中白四竟則了是短隨中如持衣說念事竟即了亦是短五狹同者謂三性中必局善性方名受戒隨中亦局善性以不通三性故故名狹也

一受中總斷隨中別斷者立明受時要期總斷一切惡隨中但可對事別修也羯磨疏云受中作戒總斷發心過境普願遮防隨中作戒以行約境生境通色心不可緣盡心所及處方有行生即諸此行號之隨作以心不兩緣境無頓現故也二受本隨條者明受是根本隨是枝條三受是懸防隨中對治者疏云受始壇場可即非現但懸遮約故也隨中作者以對境治四受作一品終至無學者准礪疏云應言四二

不疑下

多異謂受中作戒心因一品定也立云此無學本受發下品心後修行成羅漢戒猶下品故曰受作一品也

由境有優劣等者謂隨中作戒何故多品由對前境優劣不同故也且舉持衣一種若絹衣是境劣心則淡是下品持戒若布衣心次濃是中品持犯乃至納衣是境優心則濃是上品持戒故曰隨中作戒多品也又如淫戒色有好醜心有輕重若對美境防心則難此曰境優其心則濃是上品持戒若對醜境名劣心則淡是下品持戒也言故心分三品者謂結上隨中作戒心也既境有優劣不同心亦上中下異故曰分三品也不妨本受是下品心者立明受時心也此下更却釋前文謂隨中雖上中不然本受但一品心因也即疏云問所防三品異能妨戒一品何能對敵防答受起一品心總斷諸惡意心因既是一無作故無三所防罪雖差非受獨能還要假隨行心故隨過輕重心還有優劣也又解起非雖異防約在心不妨重境輕心能遣自有吉避防猶數作因期以言不可

以輕重分心妙以勤怠顯矣也。羅漢有下品戒者。此言證上受中一品心。因始終定也。案心論第四頌云。受別解脫戒。當知從他教。隨心中。中上得三品律儀。解云。受別解脫戒。當知從他教。得如白四羯磨。受具足及善來。邊地五人。中國十人。三歸等。皆從他得也。問何等種得律儀。答。隨心中。中上得三品律儀云。何三品。若下心。受別解脫戒。彼得下戒。下心果故。若極方便得善離於三界。欲種三乘種子。衆生種類相續。彼猶下品隨轉。若中心受戒。得中品律儀。若極方便行善。若不捨戒。作諸惡行。彼由中品隨轉。若增上心受戒。得上律儀。乃至種類相續。猶增上隨轉。或有年少比丘。得增上律儀。雖復阿羅漢成就下戒。上言種種相續。終已前也。此自意耳。立問。羅漢修進出三界。煩惱都盡。何故戒仍下品。答。由在凡時。下品受戒。後雖精勤。得果。據本戒。仍下品。以戒酬本一品心。因定故也。言年少比丘。上品戒者。立謂諸新受戒人。爲年少也。此人當時受戒。發上品心故也。故心論第四云。雖復阿羅漢。猶成就下戒。婆沙百一十七問。頗有新學。苾芻

成就上品律儀。而阿羅漢成就下品律儀。耶。答。有謂有新學。苾芻。以上品心。起有表業。受諸律儀。有阿羅漢。以下品心。起有表業。受諸律儀。是也。上來總釋第二受隨同異門義竟。

使持者有勇勵者。於戒體門中分四。此下正當第三發戒心緣境寬狹段也。謂明能緣之心。及所緣之境。能緣之心。唯局現在心名。狹所緣境。通三世曰寬也。問上卷受中已明心境何繁。更說解云。上卷約受時。略示所緣之境。教其能緣之心。今文所論爲已受者。須識體相。使持心勇勵故也。勵者。爾正云。將率相勸勸也。

斬截死尸者。立云。且約怨家境。自通三世。此是現非之境。由與此人。先是怨。故其人已死。今若壞屍。佛還制罪。及現在怨家子。亦是現境。自意云。此句明斬截死尸。今是過去境。則順今文也。賓云。如見怨家已死。則言賴得自死。向若不死。必遭我殺。此謂於過去境起惡心也。現在怨家子。有可壞義者。立明是現境。或在腹中。亦得是未來境。由與父爲怨。要心擬害其子。

謂已生之子是現境腹中是未來境也未來諸境可以准知者立明見怨懷妊擬生當殺是也又解謂未來一切諸怨境也賓云如見張人云與王人有怨即言彼王人可中與我作怨必見彼我殺也此是於未來境起惡心也

如人供養過去所尊者立云如有人供養過去迦葉佛等豈不得福祭祀先祖亦成孝子此言證知境通三世言律儀亦爾者立明以過去境上亦發得戒故知從三世衆生上得律儀也

三發戒現在相續心中得等者謂能發之心發得戒善者但是現在心中能發也賓云若據曇無德宗不在過未心得戒以非衆生故然現在心中亦不得約一刹那說以其此宗五蘊相續假名衆生識想受行次第而起既於一念不具五蘊是則不可說爲衆生無衆生說誰得戒故約相續假說現在不同薩婆多宗一刹那中具足五蘊刹那過去即非現在也此上成之人能今言相續者假相相續謂刹那刹那生已緣心也落謝何容相續也雖然落謝但假言相續故心論云

雖諸有爲剎那生滅無容從此轉至餘方假相相續說言能緣也

現在無非可防者立謂非若未起則屬未來非若纔起即屬過去由念念不住故故報師云疾賊過鋒本流經刃刃上一毫恒墮已未故知無現在也

毗尼殄已起戒防未起等者此同意云過非既是毗尼殄非關戒防何故言戒防過非耶然戒但合防未起非耳

答境雖過去非非過去等者立明如怨家已死是境過去對現在死屍若作心斬截即得罪故知還成非也今止不斬是防未非故曰非非過去今要以戒防此非令不起也若壞死尸還得闡罪明知死尸是我非境此義證知戒防過未非也又解約四靜事是境雖過去不與他滅得罪即是未非故今答言汝雖將毗尼云是殄過非今我言猶尙還是未非上是立解望鈔又得通有云毗尼殄已起等者此古師立問意云七毗尼則殄已起之靜戒者則防未起之非何故今言戒防過去非耶答意云是如汝所難我今言防

者是防未非今解言過非者謂境是過去非則非其過去也如靜境不是我之非但是境耳今不爲他滅卽是未非今且將此非隨境而論故言過非其實未非今直答其戒義未答毗尼之義謂雖將毗尼來難欲得毗尼是防過非今答言境雖過去非非過去者正是通毗尼義邀成防未非之義此雖答之其義未盡上但是答防未非義也從又解已下方是解得防過去非也故更引能懺之法是防過非謂已起罪對治能懺豈非防其過非耶羯磨疏云如昔所傳毗尼殄已起者據七毗尼也戒防未起者謂壇場受體此局論耳今解毗尼亦除已未何者是耶如四諍對除是殄已起明觀正斷應起不起卽絕未非和上云謂此靜境若已起者則屬過去故言境雖過去今若有德應與七法而不與者則吉羅故言非非過去但爲應與不與得罪故是防未起之非也此意謂昔人云毗尼是防過去非謂四諍事是已起之過故也今宜意不然謂靜屬他非我今應與七法望不與法卽是我未非故言非非過去也

緣境三世得罪現在等者謂受時能緣之心緣過未現三世之境而發戒也若論得戒是現在一念中得今若犯此戒得罪但約比丘現在身上得罪不可結過未之身罪也唯可起心說言三世發者此明雖緣三世境得戒但可言戒從三世發不可言若毀戒三世俱得罪然得罪唯局現在也
論云慈悲布施是有福者此成論文也今文中引兩師解義初師言如人布施三世然過未二世雖無人受用施物望能施人心普故於三世衆生通得施福也言戒亦可爾以通三世皆與樂者立謂將戒類上布施也布施既通三世得福受戒亦緣三世衆生有拔苦與樂之心方得其戒故引布施義來證明知戒從三世發也又云慈功備物等者立謂此一師解過去已謝未來未至汝施雖通三世然唯現在得福以現在衆生業益過未不蒙其益豈得福也戒則不爾要緣三世不同施物此師計布施事稍異若計發戒還同前師前師云戒亦可爾後師云戒則不爾故知同也多論以惡心隨戒有增減者立明若懷惡心因

是不發得戒。還有增減如下文云。惡心不死。能非能互轉生是也。

戒從三世發。唯防二世非等者。羯磨疏問意云。戒緣

三世境。現境是所緣。斯即現非。何得言不防答。緣在

懸對。緣懸三世發。未即非起。謂緣三世時。願欲

斷除。不妨緣義。謂要期防惡緣於。若論其防。正在敵

對。對非。現在之境。不定說非。謂念念不與治有功

非不能陵防。未非也。謂起觀行。治弱非壯。不說能防

依教。懺蕩名防過去。謂起觀行。治弱非壯。不說能防

在非也。又問戒發。唯現在緣境通三世。能防局過未

者。若爾懺悔。為滅幾世罪。答。經論所顯懺三世也。以

過業率來報。未非起現在。既不說名種。故通約三世

律制。則不爾。唯懺已作。不誠名種罪。則不滅。現在無

惡。以善惡二心不同時。故當起罪名。又未定。故不得

題名入懺法也。

若無持心。便成罪業者。立云。受若不持。即得罪。故向

若不受。無戒可犯。今望此戒。便是罪業之業。因也。若

有正念。過則不生者。立謂由先攝心。後則不犯。故曰

過則不生。如作不淨觀。成就則不犯姪。慈離殺。少欲

離盜等。然又以隨資受等者。謂隨行中資助其受體

也。若無其受。隨無所生等者。受是根本。隨是枝條。若

根本未立。故枝條無寄也。答。若論受體。獨不能防者

此答意云。向若受體自能防。非可使如汝問。非何故

起。只為戒體不自能防。但是防具。若有人制。御即能

防。非若無人。御故不能防。非所以非還起也。故下引

弓刀等。明是防具。受體亦爾。但是防非之具。俱須人

御。方能有用。

言戒池者。立謂池由壘也。如言戒壘者是也。

四明發戒多少。如上明者。立云。上卷受戒法中。已明

也。自濟兼入者。謂今復重明意者。欲令自護體相多

少。亦使見者同知也。

有無二諦等者。亦云。真俗二諦。此二攝一切相。盡趣

外中陰四生者。立謂中陰是四生。敗處其化生。非六

趣攝。故曰趣外中陰等也。羯磨疏問六趣生。外更有

發戒。不答。如來非趣攝。中陰亦復爾。故心論云。四生

收諸趣。中陰非趣攝。以趣是到義。中陰但傳誠。到謂

也。准首師疏問六趣衆生外更有發戒處。不答有謂如來不墮六趣。攝問除佛六趣外更有發戒處。不答有謂中陰上亦發戒。非六趣收。所以知六趣不收。中陰者。解云。生寬趣狹。若云一切衆生。則收中陰。若言六趣。則不收中陰。故雜心論問曰。世尊說生及趣。爲生攝於趣。爲趣攝於生。解云。頌曰。生攝一切趣。非趣攝於生。謂生中陰。增當知非趣攝。問中陰何不與趣名答。趣者是到義。眞是前陰已謝。後陰未至。中間傳識暫時而住。非是正報。故不與趣名也。賓云。向列雜心頌云。中陰增者。增謂處所之異。名言地獄有十六種也。古來又云。六趣亦應不攝。如來今詳大乘王宮現生是化非實。容有斯義。若依化相。示現受生。亦是趣攝。是故薩婆多宗。後身菩薩是異生。即此生身雖已成。佛猶是有漏菩薩。入胎三時。正知婆沙百二十卷說佛胎生。由此亦許是趣所攝。濟云。上言中陰非趣攝者。此據小乘多論宗說。謂中陰色微。唯天眼能了。故非趣攝。據大乘中亦是趣攝。如人死後若應生人中陰形如小兒之狀也。若應生畜則中陰身如畜

生貌也。若應生諸小地獄。則如地獄之形。似火聚也。故論說言。地獄中陰身猶如融鐵。聚熱熾燒。然若不可得譬喻。故知一切捨命已後。未到期趣。皆有中陰。似於後有也。唯生阿鼻地獄。則無中陰。以命斷時。獨如攢鋒。故且入阿鼻。則無暇停於中陰也。釋中陰名者。現在五陰爲前陰。未來之陰曰後陰。中間冥道名曰中陰。新經論中名爲初有中。有後有也。俱舍頌云。天首上三橫地獄頭。歸下三謂人天鬼也。俱舍云。戒從一切衆生得定等者。立云。發戒要從法界上一切衆生立誓斷惡。若於一衆生中惡心不盡。戒則不發。此是定義。故曰得定也。景云。從此已下。是立宗從何以故。即一一釋也。宗有三種。一約衆生。二約用。三約分也。分謂七支身分也。因謂無三毒并上中下品心也。案俱舍論云。護戒也。皆從一切境一切分一切因得。雖從此三得。得則有異。故偈曰。於衆生得護。由分因不定。釋曰。護從一切衆生得。不從一切分衆生得。鈔引言分因不定者。此釋上文分不定義也。謂七支是身分。故曰分也。若受具戒。要從一切

阿
●橫經切下

分得謂斷身三口四也。若受五八十戒。但從四分得。卽身三口一亦名四支也。不得一種衆生得者。此是釋也。謂要須從一切衆生得。非謂從一種衆生得也。謂從三千世界水陸衆生皆是戒境。若有偏局戒則不發。

有人從一切分得戒等者。卽是具戒盡防七支之罪。故曰一切分有人從四分得者。謂五八戒直斷姪盜殺妄四支之分。故曰也。

因不定者。此釋上文。因不定義也。因有二種。一約無三毒爲因。二約三品心爲因也。若立無貪等三毒爲戒生因。從一切得者。謂三毒不得相離。要須盡斷。不得分斷。以盡從三無毒得戒。故曰從一切得。若立上中下品意等者。謂三品心不俱起。故但可隨發一品心。因戒則酬一品心。因也。若言盡發三品心。則不發戒。故曰不從一切得。以三品不俱起故也。羯磨疏四句料簡。一有人於一切衆生得戒。不由一切分。因謂隨一品。齊受五八十戒也。二有人於一切衆生得戒。由一切分。不由一切。因卽用一品。因受比丘戒三

有人於一切衆生得戒。由一切分。因得戒。謂前後三品。意受三種大戒。四有人於一切衆生得戒。由一切因。不由一切分。謂用三品。意受五八十戒也。

若不從一切衆生得戒。則無者。立謂却釋上文。戒從一切衆生得定也。要於一切衆生離殺等過。方有戒也。若有不能心。則不發戒。以能不能互轉生故。戒有增減過也。且如水中衆生。我離殺陸地不離殺。卽不發戒。以互生故。既不發戒。故曰戒則無也。疏云。戒是群從行之首。豈隨分學望成大善義不可也。惡意不死故者。此都結上文。謂由不遍衆生起善者。良擬惱害。故曰惡意不死也。

一於某衆生我離殺者。如屠兒持野畜。戒家畜不持。獵者持家畜。野則不能持是也。二某分者。立謂持姪不持殺等。然望具戒。此釋應好。若約五戒。有好彼有一分優婆塞等。俱舍名某枝義。亦相似。三某處者。謂他方能持。此土不能持。或城中持。闌若不能持。四某時者。冬持夏不持等。晝持夜不持也。五某緣除。鬪戰者。謂若與他鬪戰時。不能持也。或病患時。荒亂時不

●此字原本不刊

能也。俱舍云。若人不作如五種定限。乃可得受別解脫律儀。若作如是受者。不得律儀。但得律儀相似妙行。

於非所能境云。何得戒等者。立謂上五中前四爲所能後一爲非所能境也。自意云。五中各含所能非所能也。疏云。如屬者持野獸戒。獵者持家畜戒。此則有能非能也。

若從所能境得戒。有損減過。能非能互轉生故者。謂獵持猪羊死生獐鹿中戒。則減或鹿生羊其中則增。屠者例爾。

若爾則離得捨因緣者。立云。却覆疎上文。若如有能非能者。戒則自有增減。自成受捨時。不須十僧受捨。亦不須對人捨。故曰。離得捨因緣也。謂既有能非能境。互轉生時。則隨得戒捨戒也。文中言。隱應云。則離得戒。因緣得戒。則離捨戒。因緣捨戒也。言得戒捨戒。此義自成者。立謂能境若死生非所能境中。即離捨戒。因緣捨戒也。非能境若死生能境中。即離得戒。因緣得戒。得捨之義自成。故曰。此義自成。且如有人。

持家畜戒。野畜死若生家畜中。戒即增。自然得戒。不用具緣而受也。若家畜死生野畜中。則自然失戒。則不須作法而捨也。

縱離得捨因緣。有何過等者。立謂此更微前也。謂我既不從緣得。又不從緣捨。有何過也。縱如此得捨。亦無過失。但無奈不發戒。何故不發。由惡心不死。故不成普周義也。

毗婆沙問。若爾等者。立謂若如汝上明。能非能互轉生戒。則有得有捨者。亦可我今春時受戒。發戒則多。冬時受戒。戒應少也。又復我當時作普周之心。受戒已後。草木生滅。衆生來去。戒亦隨增減。不故作四句通答。此一問也。案婆沙百二十二云。問於外物中得律儀。不若有得者。所得律儀。應有增減。謂生草枯時。酒味壞時。應減。即彼生時。熟時。應增。乃至若無得者。即此律儀。應沙分處受。而世尊說如是律儀。無少分受。評家云。如是說者。於外物中。亦得律儀。問。若爾律儀。應有增減。答。無有增減。以總得故。謂此律儀。總於一切生草等上。得一無表。而世間無有無生草時。總

於一切蒲桃等酒則不壞時得一無表世間無有無諸酒時是故律儀無有增減。據此婆沙於一切草上總得一無表與前多論不同多論則一草一粒一支一根乃至大地一微塵一髮若傷一一皆得罪也今於一一境上皆發無表不許總發一个無表此乃部別何可致疑下有四義答其上問

一心謝境不謝等者立謂自修道出三界更無煩惱是心謝而前境衆生草木戒境猶在戒亦不失二境謝心不謝者立謂前境衆生修道成聖及草木死盡是境謝而比丘三毒猶在持心不捨戒亦不失以三毒猶在故言猶心過罪在也三心境俱不謝者立謂比丘三毒俱在衆生草木復在心入般身死者言入般者且約小乘入有餘般涅槃也要是灰身滅智無後分段之身名入般若直證羅漢未入滅者猶有分段身在則有可惱壞若殺犯逆豈得非戒境也今所論入般者惡約灰身者也四心境俱謝者立云自修得羅漢前衆生盡成佛草木滅盡也准文中解如尼轉根爲僧是心謝其有不同之戒如紡績洗淨等戒

則失故曰境謝僧受戒時懸發得僧戒今若轉根不須更受其不同戒但可不用不得云失此上四句並證不失戒戒無增減。彌云僧尼互轉根時佛判不須更受道舊夏歲即互得成然有無不同之戒者諸師多判不同如雲律師釋不同之戒隨時生滅故使僧得成尼若爾者其相如何若當轉根爲女比丘本受得防轉教授尼等戒即滅洗淨紡績等戒始生所以然者以本要期有要當斷爲因轉根爲緣因緣具故是以戒生尼變亦然。彌釋云不爾若言不同戒生即是不受而得又有漸受之過又轉根之業非發戒緣又可五受。善來上法三之外更有轉根之受以斯理驗明知不生又若不同戒失者一非捨時捨是即律儀便有增減二有漸捨之過三來轉根非捨緣四若捨戒者應有五捨邪見命終二形生作法捨此四然若爾故知不失今彌又釋云能防受體不生不滅雖僧尼互變不得以本惡境無故即使能防隨捨又不可以所防惡起故還使能防隨生所以爾者以本要期一還有惡當斷致能防無作還總發得雖可過境

與廢能防恒不隨緣生滅既斷本要期總斷其意亦即發得與尼不同無作戒善是以大僧變根即得是尼能受防受體更無生滅其猶器械但可有用無用不可即無器械故此亦爾又云既轉根後先受持衣鉢法失義有其二解不同初言見論云比丘變爲尼三衣及藥失受法說淨法亦失以比丘受衣有過六夜罪尼無此義不同故失比丘受藥法與尼不通爲是亦失淨法對人說異故失淨法又釋亦並不失所以爾者如先安居亦是對人說異何以乃言依本年歲往尼衆中尼變亦爾又轉根非離衣宿失衣緣故亦非失淨緣故

可殺不可殺等者賓云諸入滅定慈定中陰如來輪王佛使等決不可殺如佛使著婆往火中取樹提時六師前牽云沙門瞿曇所作多術未必常爾或不能脫其不能恐相爲害者婆答言如來使我入阿鼻地獄所有猛火尚不能燒況世間火爾時著婆前入火聚如入清涼大河水故知佛使決不可殺謂約佛使作事未了畢竟不可殺入滅盡定定不可殺殺

●佛入不可
殺三字

亦不死縱使確磨磨終無有損立謂凡是可殺聖非可殺又就四天下中餘三方人非可殺以後來生此即是可殺又解天非可殺人是可殺雖不可殺以互轉生還即可殺故須普周言乃至可欺不可欺者賓云諸得他心者是不可欺也人是可欺天非可欺天若轉生人中復是可欺又約凡聖論之凡則可欺聖不可欺云乃至可欺不可欺者謂是妄語戒也亦可誑不可誑也乃至者中間越却姪盜二事也言如來有命之類等者羯磨疏云如來並是戒緣有損壞毀謗之義也言三因緣者即三毒也今反三毒即爲三善根發得戒也且如殺具防三毒貪肉故殺是貪毒若殺怨家是瞋毒見父母病苦方便與藥令死是癡亦不可信因果殺其前人是痴也奉戒德瓶等者瓶喻戒也瓶若完全堪盛未漏戒若完具能集衆善功德也案智論云持戒之人所願皆得天人涅槃無事不得破戒之人一切皆失譬如有人當供養天其人貧窮一心供養滿十二年求索富貴天懲此人自現其身問求何等答求富貴天與一罍名曰德瓶

而語之言所須之物從此瓶出其人得已隨意所欲無所不得。造作屋舍七寶具足供養賓客。客問汝先貧窮今日何爾。具答所由。并將瓶出示客。其人憐軫立瓶上。憐瓶即破壞。一切衆物亦一時滅。持戒之人亦復如是。種種妙樂無願不得。若人破戒。憐快自恣。亦如彼人破瓶失物。又云下品持戒生人中。中品持戒生天上。上品持戒得至佛道。

其猶河水洗除破戒煩惱者。立謂無始煩惱垢累。行人不能得離。今由受戒斷滅煩惱。萬累漸除。除陰河水洗滌也。故了論疏云。若未受戒有何諸垢。汚此福河能令清淨也。受戒後若破戒。如法悔過。更持所受。還生此福。亦名洗垢。汚令清淨也。如婆數斗律者。了論疏解云。此翻品類律也。此律多說犯罪緣起。制諸輕戒也。賓云。舊人言是二十部數別部之名。今不同之。婆數斗者。既翻爲品類。則品類之罪同居一處。事如此部。捷度也。捷度翻法聚。則顯品類。前是法聚。義亦是顯積義。故知只是捷度耳。如捷度中多不明夷殘重罪。唯明輕吉爲此。今言多明輕戒輕戒者。即吉是

也。優婆提舍者。了論疏解云。此翻爲正教緣。此律正說是罪。非罪制諸重戒。賓云。舊人言是別部之名者。今恐不然。且如十二部經中有憂波提舍。經此翻論義。經即是律中調部之類也。以譯部中多有問答。謂憂波離。調牒問佛義。同論義。以調部多。牒夷殘蘭等問佛。即是重戒。故今云多明重戒是也。比丘尼別戒有九十九者。如洗淨紡績等名別戒也。論疏直言九十九不出其相貌也。合上數成四百二十也。一一戒上有十功德。如攝取於僧等。便成四千二百也。又一功德。上有十種正行。即是四萬二千也。言十正行者。信等五根。謂信根進根念根定根慧根。爲五。并不貪等三毒。爲三。及身口二護。爲五。配前五根是十也。此是了論略舉四百二十戒耳。未是盡理。問僧尼二衆戒數各別。何以直言四萬二千者。問意云。僧尼二衆戒。既是別。何不別明位數。而直合而言之。何耶。又解無願毗尼等者。謂第三羯磨竟時。萬善之法滿足。更無願求。故云然也。若下衆十戒等。由戒未具。名有願也。

乃至如來皆得四戒者。卽身三口一也。言得十二戒者。具約情上明也。如殺必有嗔心。故殺或時貪故殺。或痴故殺。殺上既三餘姪盜妄亦各有三。三四成十二戒也。一切酒上咽咽得三戒者。飲由三毒故也。貪毒味故飲可知。或時不論罪業故飲。違禮過度飲皆痴心飲也。言嗔心飲者。如今世人向嫁娶之家。先慳則相知強欲飲他酒。令他覺損。卽是嗔心飲也。設酒滅盡。羅漢入般者。立云前酒境竭盡。一切衆生。修道成羅漢。羅漢復入涅槃。灰身滅智。無境可觸。而五戒不失也。所以戒不失者。由心煩惱在。故雖可無所防之境。能防之心未死。故戒不失。

女人所得十八戒者。立云身三口一。姪處有三。瘡門更剩得兩支。并前是六境。三毒歷之成十八也。八戒發者。衆生同上者。立謂於情上而明。同上五戒所發也。非情得五者。立謂并根本非時食也。齊是八戒根本。若不齊者。定不得受。鈔存根本。故說爲九。准首疏引多論云。八個是戒。第九是齋。齋戒合數。故有九也。若准增一阿含中云。不過中食爲第六。作倡伎

樂香華塗身。合爲一個也。報恩經中憂波離問佛。夫八齊法。通不過中食。乃有九法。何以八事得名。答。齋法過中不食爲體。八事助成齋。體共相支。名八支齋。法故言八齋。不云九也。

戒戒下文皆結吉者。立謂此證沙彌戒數與大僧一也。也以僧尼二衆戒。本下文皆結沙彌沙彌尼吉羅。故知所發戒與大僧同也。

故三歸羯磨俱無戒數之文。乃至方列十四者。言三歸者。受十戒時三歸也。羯磨者。受具時白四也。明此二受正作法時。文中不列其戒數。至受後說相爲沙彌說。十相爲大僧。列四重。蓋具列重者。餘則和上曲教。此言來意。證上文明沙彌戒體與大僧同也。說十相者。且略舉耳。事同大僧受時說四重等。故言兩種類解也。

二三等分者。分卽三單三雙一合也。立云。二三等分者。有三單三雙。卽是兩個三。故曰二三。言等分者。應作去聲。謂合三毒爲一名爲等分也。齊亦同。此解。問七支攝戒盡不等者。立謂有兩歸師解。一師云盡

也

如配戒種類等者。案多論約五篇明之初。淫戒種類者。十三中初五戒。三十中有三戒。從非親尼取衣戒。浣衣戒。浣羊毛戒。九十中十五戒。與女說法過限戒。教尼至日暮戒。已下有十戒。食家安坐戒。與女同宿戒。與女期行戒。四提舍尼中第四戒。學中不眄視。不高視。戒。移行戒。並是淫戒種類。十三中二房戒。三十中七戒。畜寶戒。買寶戒。販賣戒。乞縷使織師織戒。奪衣戒。迦僧物戒。九十中三戒。藏衣與賊期行戒。四悔過中第三戒。衆學中以飯覆美淨草淨水。並是盜戒種類。十三中污家寶云。此污家是污殺戒種類者。據其緣起。自灑灌壞地等殺多虫蟻故也。二十中蚤臥具九十中飲用虫水打搏比丘斷畜生戒。四悔過中初戒。衆學中大團飯食淨艸淨水等。並殺戒種類。十三中二謗戒。破僧伴助二戒。惡性戒。三十中三戒。一二居士作衣戒。忽切索衣價戒。九十初十個戒。四悔過中第二戒。衆學中一切說法戒。並是妄語戒種類。此約十誦戒本言之須知。

又云攝戒不盡。乃至能防體異等者。此是第二師解也。云攝戒不盡。以罪性同者。羯磨疏云。有二不同。一輕重不同。二能防體別。殺打二戒。因果條別。打因殺果也。立云。如殺望斷命。得罪打搏。望惱他。得罪業既不同。是攝不盡也。故下引善生經證。彼經別有業戒。根本是七支所收。餘諸種類等戒。是業戒攝也。言能防體異者。立謂殺是果罪。謂斷命也。打是因罪。謂惱他。也。既因果不同。輕重有異。今能防之心。望此因果輕重。隨心差別。故曰體異。故知七支攝不盡七支。但攝殺不攝打等也。除善惡戒。已更有業戒所不攝者。鈔脫此三个字。案善生經中。業品云。善男子。除十善業及十惡業。善惡戒已。更有業戒所不攝者。謂善惡法如是善惡。有作無作也。文相難識相承解云。更有業戒所不攝者。謂身三口四等。此根本業戒之外。其餘種類一切戒。是名善惡法也。即如打搏同宿。掘地壞生布薩說戒。衆學七滅等。盡是也。觀經文意。取句稍異。舊來承習。應云。除善惡戒也。爲一句。更有業戒所不攝者。爲一句也。若作此節文意。則易識。羯磨疏中雖

引經文亦不可解案羯磨疏云善生云除十業外更有業戒謂善惡法故知不盡若爾善惡何以俱十答且列根本重故先標自餘枝條略不盡矣者釋曰即如上掘地壞生非時食爲惡法布薩自恣持衣加藥爲善法故曰所謂善惡法也復云如捶打非時食等非身三口四所攝也他難意云汝既云十業外更有善惡法汝何故但云十善業當知不啻有十答意云且示根本故知根本十業爲七支所收根本十業外所餘輕業爲種類所收當知七支攝不盡也濟同上解勝云除善惡戒已更有業戒者善惡戒即十善十惡戒也業戒者俱舍第十六云思不善中身惡業道於身惡行不攝一分謂加行後起餘不善身業即飲諸酒執打搏等故知根本七支所收者立云此下兩句通結上第二師解義也今此結後師之義謂根本四重之戒收得身口七支所作之惡故曰七支所收又解亦可言根本者即十善十惡戒也明此根本即是七支故曰也後解業戒種類所攝者立云此却結前師義也謂如前明善惡之法名爲業戒此業戒既

非七支收但如上引多論配戒種類所攝也又解還是結第二師義也種類之戒即是業戒所不收也七支但收七戒餘戒盡名種類種類即是業戒故曰所攝尋文意兩句總結後師義也濟亦爾云宜作四句者此四句作料簡前收盡不盡義直是戒根本十業上四句料簡明其何者曰戒何者曰善不證攝盡義也所以知者羯磨疏云就十業中屬爲四句故知是也有人云此是定義一善而非戒等者謂十善中後三無貪等三毒但是善非戒戒者要禁身口方名戒以律制聲聞身口戒未防意地也二戒而非善者立謂外道鷄鳥鹿狗戒屠兒等禁善行惡戒是故曰即惡律儀以戒名通善惡故三亦善亦戒者謂防護身口七非必由心行故曰也今文意云要須立誓要期受者發得無作方名戒也若直爾修行禁防身口不得名戒但可稱善計理不然如十善十惡齊稱爲戒豈可作受耶故知但是禁身口者皆名爲戒此解好雖違今鈔文大家義當又可四俱非者謂戒十善惡戒亦望有要心曰戒也非善復非戒身口之業恒在無記非善惡攝也

答通行無崖是律儀者立謂通望一切諸善是名律

儀若對境而防則名戒也行者反諸戒邊著水水邊

著反諸錄千于夾水名之爲行此是流行之義水流

日衍字統云衍者水潮宗於海也立云如山頭一滯

之水及爲百川派別歸海而會此是衍義今律儀亦

爾明所發戒善流通無限皆歸於受體明此戒善律

儀所被無壅通一切境無一境上不得有律儀故曰通

衍無有崖岸邊畔也望餘通類有生皆罪等者立謂

既受惡戒通望四生雖未加殺等皆名惡律儀也皆

有無作之罪故善生經文云衆生作罪凡有二種一

者惡戒二者無戒惡戒之人雖殺一羊及不殺時常

得殺罪何以故先發誓故無戒之人雖殺千口殺時

得罪不殺不得何以故不發誓故善戒反此類知上

來釋第二戒體義竟

三明戒行者大門第三也立謂依戒修行能令戒體

光潔故名戒行羯磨疏云夫受戒者願也依隨奉持

行也知受不知持從願而無其行何異攝空成有盡

餅充飢本不可也必強加行但可空施虛上戒德之

瓶妄損明珠之喻

先立院牆等者北人造宅必先立院牆然後架屈與

南地別也

若但有隨無受至局狹等者立謂若不受戒直爾修

行此是善而非戒以不緣三世衆生不遍法界情非

情境要期斷惡是局不周也既無無作戒體雖修行

諸善不能發生定慧不能出超三界還墮流生死故

曰此行或隨生死也又言局狹不周者但是對治而

防以無要期普周法界亘其萬境故曰不周言穿窬

者反欲朱三蒼云窬門邊小竇也說文云門旁穿水戶

也穿墻爲之也方有所至者立謂有受有隨能發生

定慧至於佛果也受是願也隨是行也願行相依如

車具二輪鳥全兩翅必能涉遠高翔故曰有所至也

招生樂果爲受爲隨者此問意云今言因戒將來感

人天勝樂及菩提果爲是受故而招爲是隨行而招

此也又解問者云戒經稱名譽利養死生天上又云

戒淨有智慧便得第一道此果由受由隨故致斯問

也

中一之四

不親受體者。此答意云。謂不直親用受體。以擬感果。要藉隨行。以受隨相假也。又云。若望招果。受則是親。隨則是疎。以必由受故。爲善提之因故也。有人云。謂受體是疎。緣行是親。以行親故。得名近因。受體疎故。但屬遠因。流入行心。三善爲體者。約五陰中。第四名行心也。前三無記體。非善惡。未能成業。要至行心。方是善惡。然行心通善惡。故今能持之行。要是善行。離貪等三毒。故曰三善爲體。反爲戒欺。流入苦海者。立謂由受此戒。不能護持。廣起違犯。死入惡道。故曰反爲戒欺。上釋第三戒行義竟。

有境斯是者。立謂以受時。遍法界。情非情而發。今論戒相。亦遍一切情。非情境並是。故曰有境斯是。此境既寬。堅通三界。橫亘十方。故曰綿亘綿者。遠也。自餘萬境。豈得滿言者。謂豈直但持二百五十。自餘塵沙萬境。豈得漏而不論耶。故使前文有境斯是。義意同也。准例相承。薄知綱領者。立云。古來諸師。體相承依二百五十戒。且復解釋。以爲持犯之綱領也。又云。此篇本意。爲撰釋戒相。上來諸門。並是將欲釋相。且前

明由漸方便。故使辨體相狀。明戒法差別。戒行進否。欲使持者。識知功業高廣。持心決徹故也。

已下正釋戒相。既約戒本五篇。以釋卽爲五段文也。初篇淫戒者。謂此四重戒。居五篇之首。故曰初也。篇謂五犯聚之通稱。淫謂四棄中之別名。首處云然。淫欲之性。體是鄙穢。愛染纏心。耽惑難捨。既能爲之。則生死苦增熾。然不絕沉淪。三有莫能出離。障道之源。勿過於此。患中之甚。寧容不救。釋名者。愛染汚心。作不染行。曰淫。離染行。成曰戒。戒是能防之行。淫是所防之過。能所通舉。故言淫戒。心疏云。然此中邊喚名不同。至如西梵所傳。先列其境。後心緣。謂先所後能也。如欲喫食。云餅喫。彼岸到鐘。打佛禮之類。若據東夏。先能後所。故應號之爲戒淫也。若謂淫戒。從本從義。若謂戒淫。從未從時。兩通俱得。慎勿迷名。今欲准本名。故言淫戒。然淫非是戒。謂將戒防其淫也。以邪私曰淫。故書云。男女不禮交曰淫。淫字要從女邊作也。若存水邊作。則有兩義。滯雨多者。名爲雨淫。滯書多者。名爲書淫。如皇甫士安三年讀書。經時不識。

春秋乘馬不知牝母此名書淫故知女邊作者即名邪淫故滯於色者名為色淫即此淫者亦名淫荒故書云內作色荒外作禽荒有一於此未或弗亡即其證也言此比丘性無正慧隨塵封附迷著深結名之為姪聖知非法制教防約依教修行無由可染故名為戒故言姪戒立謂律文云為謂三毒令盡故制增戒學然今一篇對治三毒何者物有兩戒對治於食第三殺戒對治於嗔第四妄語對治於痴然於食中復有內外內謂姪淫姪是就滯專固為名外謂貪著資產此戒防內貪次下盜戒防外貪也

以下例分為三者立明此戒立義且分為三一所犯境即人天非畜三趣是犯境也二成犯相謂入如毛頭也三開犯法即被遮開與境合等也此戒既竊餘下二百四十九戒例然更不具張故前序云或略指以類相從即此義也廣如下篇者謂若明心境想姪等如下持犯方軌中若科釋篇聚名相即如前篇聚名報中此問直明成犯不犯之相也餘義並如戒本疏中者彼疏廣作十門料簡五篇名義得名廢立諸

部司異等至時類略引也云云今鈔對此何不廣序者為鈔文上下亦已具也如篇聚離合前篇已明心境差互後篇當辨三段不同今即是初

可畏之甚無過女人者立謂如劫初時人食地肥次食自然粳米身漸嚴重失去神通遂生女人于時衆人唱言此中惡物生即女人也又如佛言女人於我法中無所長益譬如有人無男多女當知其家衰滅不久首疏引多論云女人如她毒有三種害人一見害二觸害三嚙害女人亦三種害人善法一若見女人心生欲想滅人善法二若觸女人犯僧殘罪滅人善法三若共女人交會犯波羅夷害人善法若為她害但害一身女人所害無數身又她但害人身女人害人心又毒她害猶足僧數女人害者不足僧數又毒害不障生人天女害生三途是故勸汝寧犯毒她莫犯女人即下如文以男根內毒她口中等是又如經云惡從心生反以自賤如鐵生垢消毀其形樹繁華果遷折其枝蛇含毒反害其軀欲不久停猶如假借枯骨無膩痴狗便之欲無罪美凡夫妄著淨

住子云。女人最爲惡難。與爲因緣。恩愛一纏。著牢人入死門。其體甚臭穢。外爲嚴飾容。加又含毒。螫劇於地。與龍譬如。錦繡牙。雖殺髮鋒已。愚者觀其表。玩之必被傷。姪欲雖不惱。衆生心心繫縛等者。殺盜妄等。則惱於前境。姪則共和而作非。惱前境故。曰不惱衆生。但以繫縛人心。就染難捨。故曰也。言大罪者。波羅夷也。姪欲爲初者。立謂由出家僧尼。喜犯姪故。故置初戒。如五八戒。用殺爲初。亦就數作喜犯故也。以俗則無慈喜殺道。則習樂多姪。故此戒而居初也。故戒疏云。所以戒列有先後者。意有所以。有人言。由愛染氣分。無始故。習喜懷犯。故所以姪戒先明。如是次第。終於大妄語也。如諸篇首。漏失長衣。小妄等類。可以求也。又有人言。對毒立戒。貪既在初。故姪第一。如僧祇中。佛成道後。第五年中。十月二十七日。制於姪戒。第六年九月十日。制盜戒。亦以其年九月二十四日。制殺戒。亦以其年十月三日。制大妄戒。若如上判。從犯次第。文相甚明。若准智論云。姪法不惱衆生。心自繫縛。故爲大罪。律中初也。問同是出家之人。戒法不

異。何爲下三衆殺爲初。禁與僧不同。解云。下衆十戒。前五本俗戒。後五出家增之。故所以爾。問。戒法是通。道俗無別。何義。次第二種不同。答。出家所爲。要斷煩惱。道分爲障。勿過此。欲故。姪在初。俗不修道。斷姪非分。畜妻行福。不妨世善。或乖慈行。有懷殺害。故偏制約。以令斷故。若爾。下三衆者。既修習分。應姪在初。亦令斷故。如何。同俗者。有人解云。年少。惑微。姪惱未發。不妨無慈。故殺在初。又有人言。小學未通。教非極制。現有禁者。從俗無過。今世取涅槃。故立謂比丘三衆。實客非久。住於三界。豈唯剃染食。著衣。本意爲無上菩提。以上求佛道。下化衆生。故也。又如經言。若不與女人行。姪當來不入胎。歟。蓮華化生。又智論云。下品持戒。生人中。品持戒。生天上。品持戒。得佛道也。首疏云。諸比丘。呵須提。那子言。汝應喪生死。因懷生死。果修出離。因證出離。果是汝所應云。何反之。行不淨。行謂人非人等者。立問。既有六趣。今何有三者。解云。天與修羅鬼神。地獄攝在非人。一趣并人與畜生爲三。也。明今四戒三趣。三重不同。若姪三趣齊犯。罪無

無輕重下三戒者昇降不同如下方軌中明也據報則男女二形者謂男女之身俱是報形也據處則女人三道者獨屠疏問殺盜隨境各唯一戒云何於姪遂分三境答隨境行姪皆有染故若爾死有四處亦應一身立四殺戒答不可也隨殺一處諸根並死可隨姪一處餘境同壞故四死同一戒一姪分三犯也莫問心懷想疑者立明姪戒不開想疑但是正道縱作非道想疑皆犯夷也

及論問犯犯皆結正者濟云謂曾有人來問鈔主我作如此心戲笑而作為犯以不細細窮數皆已陷犯位謂此過相易識故曰也言犯皆結正者謂結大重也夷非方便之罪故曰正也有笑耻出者案見論文解姪戒犯相分齊竟乃云法師曰此行不淨法何以故此惡不善語諸長老問說此不淨行慎勿驚怖是沙門慚愧心應至心於佛何以故如來為慈愍我等佛如世間中王離諸愛欲得清淨處為愍我等輩為結戒故說此惡言若人如是觀看如來功德便無嫌心若佛不說此事我等云何得知波羅夷罪偷蘭

突吉羅若法師為人講聽者說者以扇遮面慎勿露齒笑有笑耻出何以故佛愍愍眾生金口所說汝應生慚愧心而聽何以生笑有斯緣故所以耻出上明犯境義竟

一自有姪心向前境乃至大重等者以波羅夷罪名為斷頭故言大重也具四緣成犯如文可見心疏對此明闕緣義一闕初緣非道道想及疑得二闕闕境還立是正境界闕第二緣無染心者則無有犯謂入無記昏睡無心及明觀故也闕第三緣未起方便威儀不破犯吉羅若動身相則有遠近二方便可解闕第四緣未與境合有二偷蘭從破威儀吉至對境來犯輕闕從境交對毛分未侵便止心者得重蘭

上釋自有姪心義竟已下明怨逼也或將至前境者謂被女人逼也或就其身者謂被男子逼已身也是一是正境不問自他者深云自將正境入他正道亦犯他將正境入已二正道亦犯故曰不問自他又或可云不問自他者應是不問自造自境如弱脊等是及自造他境亦犯也

五分若刺者是戲偷闌者。檢五分時有比丘以男根刺他比丘口中。後俱生疑問。佛言。若刺者。戲偷闌。非戲者。夷受者。俱戲偷闌。非戲俱重。

初入覺樂犯重者。此明若比丘自造他境。不論受樂不受樂。俱入如毛頭結重。今言覺樂者。據怨逼故也。既有三時。便六句皆犯。初一句始入已。樂出時樂三時俱樂。夷第二始入樂入已。樂出時不樂。第三始入樂入已。不樂出時樂。第四始入樂入已。不樂出時不樂。第五始入不樂入已。樂出時樂。第六句始入不樂入已。不樂出時樂。六句皆重。乃至至要隔四句亦爾者。一有隔有。隔二有隔無。隔三無隔有。隔四無隔無。隔將前六句歷此四種。要隔通該三趣之境。總得四千三百六十八句。謂自造前境得六百二十四句也。若為怨逼得三千七百四十四句。先明怨逼句。謂正境有十五種。即人非人畜生三趣。一趣各五。謂人婦人童女人二形。人男人黃門也。非人亦五。謂非人婦人童女人二形。非人男人黃門也。畜生亦五。謂畜生婦童女人二形。男黃門也。此合成十五。且就人

如經加

婦上有三瘡門。上有隔等四句。成十二句。一一句上復有樂等六句。成七十二句。人童女人亦七十二句。二形亦七十二句。此三个七十二合成二百一十六也。謂三七二十一。故有二百一十又三。如六故也。人男黃人門各二瘡門。合成四瘡門。一瘡門亦有隔等四句。四四成十六句。一一句上亦有樂等六句。合成九十六句。謂樂等六句。歷十六句。十句自得六十又六六三十六。成九十六也。并前三境二百一十六句。總成三百一十二句也。非人五境亦三百一十二。畜生五境亦三百一十二也。三个三百一十二。應是九百三十六句也。即於覺境。睡眠新死。少分壞。四境上一一境上各有九百三十六。合成三千七百四十四句也。自心造境有六百二十四句者。謂正境還有十五。同前作之。謂人婦人童女人二形。此三境各三瘡門。合九瘡門。一一瘡門有隔等四句。成三十六句。謂四九三十六也。人男人黃門二境。合四瘡門。一一瘡門有隔等四句。成十六句。謂四四十六也。配前三十六成五十二句也。非人畜生亦各五十二也。三个五

十二成一百五十六也。還對覺境。睡眼新死。少分壞四境也。一境既有一百五十六句。四境成六百二十四句也。此自造境。既非怨道。故無樂等六句。故異前也。合明淫戒。總有四千三百六十八句也。

能教犯蘭。不作吉羅者。謂受樂在已。教者但蘭。若雖教他。他若不作能教。但吉殺盜二戒。能教所教俱夷。妄則不定。教稱已聖。希招利養。能教犯重。直教前人。自稱被聖。應得蘭也。注云。乃至下篇等者。從夷至吉。越却三篇。故云。乃至上來釋第二犯境義。竟已下第三明不犯法也。

盜戒第二。就防三毒中。前戒防內貪。此戒防外貪。然亦通瞋痴。如盜怨物。是瞋心成。及燒埋壞色等。本非潤已。不得成貪。又如盜下姓物。是名從痴。謂俗人外道。計梵天為父母。以劫初時。四姓人民。皆從梵天生也。婆羅門。種從梵王口生。刹帝利。種從梵王齊生。毗舍。從膝生。首陀。從脚跟生。故將婆羅門為大姓。亦有將刹利為大。據實婆羅門大。以劫初時。梵天散諸珍寶。以布世間。與我四姓受用。後時首陀等各自分。

取將去。據其根本。皆屬我物。今取本物。何有盜罪。此是邪見痴計也。先明制意。資財形命之大。非此不濟。人情保重。戀著處深。出家之士。理須捨已。所珍以濟於物。今反侵奪。以自樂。已自憐惜。他過中之甚。是以聖制釋名者。心疏問盜劫偷竊。不與取等。無非損財。所以此戒。標盜名者。一解云。不可具頒。故且標盜。又解餘三名。盜故不得題。如言非理損財。名之為盜。公白強奪。名之為劫。私竊而取。畏主覺。知名之為偷。物主不捨。名不與取。然則偷之與劫。名局義乖。不與取者。雖是名通。然於義則有非盜之謚。何者是也。應作四句。初與取。不是盜。可知。二與取。是盜。如儉時貪心受二餅也。三不與取。是盜。可知。四不與取。非盜。如親厚意取。輒用等是也。今言盜者。義則收盡。該通彼此。但是非理損財。則名為盜。故言盜也。首疏云。若劫與偷。名各是局。義不相攝。今言盜者。但非理損財。無有非盜之謚。故就通以標名。故云盜。戒盜是所防之過。戒是能防之行。能所通舉。故曰戒盜。

性戒含輕重也。者立謂此篇四重之戒。是性重戒。若

下諸篇所有性戒如殺畜盜物等如此種類亦名性戒。則是輕也。然輕重雖異。性義是同。故重性戒之中。含輕重也。據理遮戒。豈無輕重。今文對性戒而明。故且略不明遮戒之輕重也。如第二篇二房是重遮也。三十九十衆學中遮名輕也。又解然此四戒是性戒。但此戒中則有想疑非畜之別。故言含輕重也。若如前姪戒。則三趣齊重。想疑亦重。下之二戒各有昇降。就此因明四戒約三趣犯之輕重。初則三趣俱夷盜妄二戒。非畜蘭吉殺戒。非蘭畜提姪三趣同者。良以荒情內逸。垢心厚重。不問境之美惡。但是正道適暢。不殊故制同犯。又不就損境而制。不論趣之優劣。何以知然。死屍犯故。但姪是生死根源。故偏制割下之盜戒。人重餘輕。所以然者。良由人趣善。因所招生處殊勝。知解者多。於此財物戀著情重。乃至盜奪守護亦強。能令失者懷惱。增苦。故制極重。非畜異此。故得輕。憐問地居諸天報勝解。多何不同。重答天雖報勝。趣別路遙。盜之義希。又復於物戀著情微。損惱不重。又復天物於人無用。智論云。四天王衣重二兩。忉利

天衣重一兩。夜摩天衣十八銖。兜率天十二銖。化樂天六銖。他化自在天三銖。色界天衣無重。相述曰。既全輕薄。故於人無用也。又於財物無我所心。故十律云。盜三天物重。此方人物輕。故知約我所心也。殺戒人重。餘趣輕者。人是道器。善因所感。今若殺者。損害道器。故重。餘趣報果形非道器。故輕。天報雖勝。以無木叉。卽非道器。又殺之義希。故蘭問趣別義希。殺天輕者。共天行。非何故同。重答天趣雖別。愛染無殊。不簡境之美惡。容有下就爲之義。數踰之殺盜故。重妄語人重。餘輕者。凡論妄語。虛稱已德。顯名招利。故欺罔同類。義多奉供。故所以重。餘趣不爾。故輕。餘如戒六塵者。色聲香味等六也。

言六大者。地水火風空識也。至下當廣明之。而前非盜境。並不結犯等者。立謂已物及無主物盜。全無罪。名爲非罪境也。故戒心疏云。自盜不成。以無他境。故自慳則成慳。自物保自。故自施不成。施自貪增。自故可以例知。

子作惡事。父母送去等者。案見論中。若人兒落度。父

卷一百一十五

母以水灌頂。過去後時父母死。已比丘盜。如是人物無罪。此據盜其兒無罪也。今鈔准義。此兒既不屬父母。父母死後物不屬兒。其物無主。比丘得取無罪也。濟云。此外國法。爾今此唐國。如此之物。即屬於官。不得名為無主也。鄧^音懸往年中有一老人。唯有一兒。其家臣富兒。每白打輸錢。前後三百餘貫。其父語兒令休。一三恕其罪。猶作不已。即遣奴縛取兒。不對母前。謂恐母慈不能忍。乃將向終南山谷中繫樹。從足至頭。段段切割。既殺之後。乃報婦知其財物既多。老公死後。官並收取。二國中問者立有兩解。初云。前王已終。後王未立。其中時節。名二國中問也。又解約地界論之。如昔秦晉二國中。問塹界上齊花岳山。晉家據山東。秦據山西。中間山有七八許里。兩國不攝是也。

上釋犯境義。竟已下第二正明犯相也。一有主物。二有主想等者。戒疏對此立五緣。一是人物。以盜餘還不成重。故物雖人主及至盜損。還須人想。若生餘想。疑謂別境是輕犯。非此戒收。故須第二作人物想。

雖當境若無盜心。本自無咎。故須第三明有盜心。雖有盜心。若盜輕物。不成重罪。次第四明是重物。財雖滿五。若未離處。損主未就。屬已不顯。亦未成重。故須第五明舉離處。今鈔中雖列六緣。至下解釋。亦但解五緣。也不解第五與方便緣意。同心疏故疏問云。其餘諸戒成緣。方便今此盜緣。無方便者。答盜就損財。即成重罪。自有盜重。不假方便。恐涉盜。故縱有方便。亦俱不明。但知未離已前。並方便。攝今鈔不解此一緣義。在此意也。資云。興方便者。或如寄物。先在箱篋後。主來索。卒爾不還。即無方便。猶不定。故今除之。上言有主物者。南山云。於物自在。集散皆得。故曰主也。次辨闕緣義。若闕初緣三。闕初緣人。謂非畜及無主物替處也。於此三境。作人物想。取得境差。方便闕望。盜人主物。方便闕也。於此非畜等三境。本自無心。則無罪也。若闕第二緣。有九闕。然有第一緣。始得辨第二緣。言九者。一盜人物。臨至物所作非人物想。得取一闕。謂結本人家方便。又得二畜生物想。亦爾。結本後心。盜非人物。方便吉也。二畜生物想。亦爾。結本後心。盜非人物。方便吉也。三無主物想。亦爾。本心盜有主物。臨至物所。作無主想。取但結本

方便一此上名想心三句亦名轉想也次疑心亦三二盜人主物臨至物所作非人物疑非人物爲下二准知爲人物爲畜物次雙闕亦三一盜人主物非人物來替處卽生疑爲人物爲非人物一闕下二句亦爾謂盜人物畜物替處卽疑爲人物爲畜物三無然此雙主物替處疑爲人主物爲無主物並闕也闕寄前闕境中明亦得故云單雙俱闕境一六想疑並闕心一六闕問初緣闕境第二闕心復何須雙闕耶答異境上生疑不同闕初緣疑當於異境別前闕第二謂初緣者對異境而作本境想故三闕若第二緣者對本境作異境想疑今疑闕者則對異境則是闕境而復若闕第三緣有盜心無盜心則無生疑卽是闕心也罪闕第四緣重物作輕物報結方便兩第五緣未離處輕重二闕隨相分別可解既有六門分別今卽是初

我聽二種人掌三寶物者案大集日藏分經護法品云時頻婆沙羅王問佛言何等入堪爲知事守護僧物供養供給如法比丘佛言大王有二種人堪持僧事守護僧物者具八解脫阿羅漢人二者須陀洹等三果人此二種人堪知僧事供養衆僧諸餘比丘

或戒不具足心不平等不令是人爲僧知事也自無瘡疵護他人意者立云以持戒清淨無破戒之瘡疵亦可以能持戒識達教相凡所運動無諸過患故曰無瘡疵也此人若爲知事時有俗人乞僧食者能爲善說因果語以福食難消不令前人起嗔懷歡而退故曰護他人意也或可外道俗人侵損三寶物比丘則隨時消息不令損失故曰護他意也

因卽犯者愚痴慢故者以非如上人之人不識教法卽互用三寶物也三出貸他戴謂將物與人擬後返取也若作貳他得謂從他求物後擬還也正望佛邊無盜罪者景云望法身非佛是像也謂望佛邊同非人物但蘭今望本施主故斷重闕云望佛於物無我所心但望守護人邊得重者如有人自作供養佛具只自未捨入佛我自守護時節之日將供養竟以自收取此物未定屬佛盜者得重實云此盜佛物諸部不同祇夷損正十據護夷涅槃離義准應吉今文約斷有少乖理旣言佛於佛無我所心又言同非人物擬非人於物寧成無我然又無我唯局

北州且如北州衣食自然登同三方功用方得佛既受施示攝財物義同功用何類北州故有盜佛物者佛在日重滅後定無夷罪以佛在日有人主義滅後但有福田攝受無人主義今若盜者望護結罪又復若言於物無我所亦應許偷羅漢等物法相便亂理不應然故知無我據方不得別判下文引祇摩摩帝用佛物重者據佛在日示同人趣南州所攝故同人夷若言無我應同北方何以祇文唱言斷重又言正望佛邊無罪者此違婆沙百一十三問若盜如來卒觀波物於誰得根本義道有說於國王處得有說於施主處得有說於守護處得有說於能護天龍藥叉非人處得如是說者於佛處得所以者何如世尊言若我住世有於我所恭敬供養及涅槃後乃至千歲於我舍利如芥子許恭敬供養佛皆攝受由此言故世尊滅度雖經千歲一切世間恭敬供養佛悉攝受據此盜損定不約佛而結罪也言無我所心者我謂神也我所者即是陰也神名為我陰名我所

解策

故十誦盜天神等者立謂此言證上盜佛物得闍也問據涅槃盜佛物犯闍何故僧祇中寺主互用三寶物佛言夷如何會通解云約佛邊同非人故闍祇中望損本施主福故夷未詳寶云祇律斷夷者據佛在日同人趣故也用珠華髮至不知等者應師云梵言摩羅此譯云髮音案西域結髮師多用摩那華行列結之以爲條貫無問男女貴賤皆此莊嚴經云天髮寶髮華髮等並是也言若知不知皆犯偷闍者立云比丘盜此髮知得罪亦犯不知得罪亦犯由事是可學以出家人應合學於聖教以不學故不識此罪相故使知與不知俱結罪也不同了教之人迷心不犯也有人云此檀越供養物以屬佛故不問知是有施主緣及不知是有施主緣但望佛邊結闍由屬佛故佛邊結罪由佛於物無我所心但得闍也此解亦好意制盜佛物之義也又解云若知不知者知謂了教之人不知謂迷教之人也以盜佛物故得闍而言知者識知教相故犯得闍若不學問迷於教相而盜此物謂言無罪佛言不以無知故得脫故曰知與不知皆結犯也

此解爲正

若有守護主三寶物邊皆重者立云望知事護主結罪也若盜佛物縱無護主者亦望損本施主福邊得闍文中自顯也塔上掃土淨地棄之等者立謂施主造塔用功加土今若棄穢處損施主福敗也

盜非人廟中物者立謂五衆死皆得造塔塔中有物名人廟中物也又解如公王卿相死後立廟其中有物若盜望護主及子孫等結重即如衛王懿德太子等並立廟在城內是人廟也

不望佛邊結之乃至盜人物中分別者謂雖約守物人結罪然守護有難墮不同盜者結罪亦有不定護主若慢望護主結護主若望還望本正主結至下人物中自辨

薩婆多謂轉賣者深云此言來意說上伽論結罪義也十誦何故無犯伽論結犯結犯謂轉賣故耳上釋佛物義竟

文云時有比丘盜他經卷等者首疏問結集後方有經卷者何故條部律云諸比丘盜他經卷計紙墨犯

金剛經作集

夷解曰佛在時雖無都集三藏結集經卷則不無諸比丘有小小別集記錄經卷者也

若燒故經得重罪者立明如燒父母約業但得逆罪五逆之重非夷重也以經是佛母解從此生也今燒故經同燒父母逆也故戒疏云有人無識燒毀故經我今火淨謂言得福此妄思度也半偈捨身著在明典內字除惑亦列正經何得焚燒殊失事在之福也借經拒而不還令主生疑偷闌者謂借既不還索又不與主即生念爲更還我爲永不還所以得闌若主絕心定知不還而犯夷也

如論中盜佛舍利等者此問意從前盜佛物中多論文生也故前多論言盜將供養無罪此間何故得重豈不相違故有此問也不現前供養名大大供養等者案地持論云云何菩薩供養如來略說多種一者身供養謂於佛色身而設供養也二者支提供養謂若菩薩爲如來故若供養偷婆若窟若舍若故若新是名支提供養三者現前供養謂面見佛身及支提而設供養也四者不現前供養謂若菩薩於不現前

如來及支提心念供養爲一切佛故爲一切如來支提故是名不現前供養。又若菩薩於如來涅槃後以佛舍利起偷婆若窟若舍若一若二乃至百千萬億隨力所能是名菩薩廣不現前供養。以是因緣得無量果常攝梵福常於無量大劫不墮惡道若菩薩於如來及支提現前供養得大功德不現前供養得大大功德若其現前不現前供養得最大功德也。上釋法義竟。

盜僧物有護主同上結重者立謂十方常住物也。計理此都約四種常住爲言也。若主掌自盜准護見犯重者立謂總望十方僧通爲一主。以此物不可分賣故一化僧俱有其分通是一主。故盜時即重也。然此僧物者餘人若盜望護主結重。今既主掌自盜則望十方僧通爲一主亦得重。

一者常住常住者亦名局限常住局約此處故曰常住。即此當處亦不得分復曰常住故曰常住常住也。言局限者唯約此界限不通餘寺恒供養則住故云然也。總望衆僧如論斷重者案善見論云佛告諸比

丘有五種重物一田二園地三鐵物四木物五土物。此五種物不應與五人僧亦不得與衆多人亦不得與一人亦不得與鈔據此義故通望僧爲一主也。南山云古來斷者皆望十方僧無滿五理故輕有護主者故重。今意不然若有護主望護結重如無護主滿五亦重。即善見僧祇云時有知事以僧物佛法兩用佛言波羅夷此豈望四方僧而通方便也。若疑四方常住交離重輕者又文云假使能盡集十方僧共分物亦不得故知通望一切僧物爲一主畢竟無分此物也。如何約數可更分之言可分者謂四方常住物也。約於見論而說故曰如論斷重也。

二者十方常住者亦名四方常住。謂義通域外。即曰事局方中。即曰常住。故云然也。若盜此物望護主結重已護主自盜望十方僧無滿五理故唯結闍同共盜損應得輕罪者謂約護主同盜望十方僧不滿五故得闍也。僧祇若將僧家長食還房得闍者立謂以體是十方常住僧食今食若長即是分外合返還僧若將還房

如何非盜計人不滿五故且結蘭若取僧物如已物
行用與人得蘭者卽如今網羅衆生將於僧食餉設
私客者是也。以是護主故但結蘭若餘人用理合重
也。又復雖是護主約是十方常住物也。若是常住常
住物者護主自盜卽犯夷也是名第五大賊者。案見
論第一卷云。佛告諸比丘。今世有五種大賊。一者聚
集衆多。或一百二百如是乃至五百人主劫城聚落
穿牆墻壁。是世間大賊。比丘亦如是。犯五篇罪受他
供養讚嘆。禮拜捨離師僧。及以同學而求覓利。養恣
意飲食。身體肥壯。共相調戲。或說飲食美味。或說姪
欲國土富樂之事。種種思憶放逸之意。不能自制。遂
成破戒。受信心檀越四事供養。實非釋子。而稱釋子。
實非梵行。自稱梵行。受此諸施。是名第一大賊。二者
有惡比丘。從善比丘。聞受法已。爲他講說。言辭柔和。
人所樂聞。衆共贊譽。大德善說妙法。從誰受答言。
我自知之。不從他學。如是自稱如來。積劫具足諸波
羅蜜。慙苦如是。得此妙法。而惡比丘。因偷此法。求覓
利養。是名第二大賊。三者復有大賊。精進比丘。持戒

具足得須陀洹。乃至羅漢。或凡夫比丘。持戒清淨。以
波羅夷法。謗之憎嫉。他行自稱。已是清淨人。如是謗
諸賢聖。偷一切聖法。是名第三大賊。四者一切重物。
謂園園地及鐵物竹木。以此諸重物。不得妄與人。不
得分分者。犯蘭若。若以此重物。而取白衣。意望白衣。不
可與之。而偷取以餉致白衣。候取其意。是名第四大
賊。以此重物。餉致白衣。名爲汚家。應須出衆也。五者
有比丘。取僧物。如已物。無異行用。與人得偷。蘭遮罪。
若以盜心。取者。隨直多少。結罪。是名第五大賊。賊者。
無過此賊也。注云。准似有主者。立謂如上第五賊。取
十方常住物。但合得蘭。今言隨直多少。結重者。應是
有護主。故望護主結重也。資云。此現熟之食。古來共
許。望十方僧。皆各有分。今若盜者。必不滿五。得多蘭
罪。今詳不然。分食雖然。唯得一分。望爲食主。實得遍
爲展轉相望。無非是主。其猶一家同居。有物。父攝一
家一切諸財物。兒子兄弟等。各皆遍攝。盜此物時。如
侵一主。但計滿五。卽得夷。慙猶如一家共餐一食。分
時。雖復人得一分。未之分際。爲主理。卽盜此食。滿

五卽犯僧食同。若許十方僧皆有分。必不滿五者。此言何據。若不別分爲衆多分者。卽不應說不滿之言。若許別分云不滿者。且如有人唯盜一食。其所屬僧。既如塵算。分塵算人無一毫。此中如何論其不滿。猶如唯識論中。於麤色相漸次除折。至不可折名曰極微。若更折之。便似空現。今此爾更無所直世尊但言下至草葉。是有所直而不許盜。若更分之便無所直。如何結闕。問若未分前各遍爲主。應盜一五望多主。故亦得多夷。答由物同攝。義同一主。他有自有無差別。故但唯一罪。問若遍爲主。應得獨用。答但使依時如法受用。實無所遮。所以然者。十方凡聖於同梵行同許受用。故得無罪。由此善通諸犯戒者。名盜僧食。十方凡聖不與用。故非時打鐘及全不打並名盜食。計直成憾。明前打鐘待天明。義同不打。非今日是無有。由此見論十七云。若比丘無戒。依僧次受施飲食。是名盜用。母論第二云。比丘受人施。不如法用爲施所墮。乃至若無三途受報。此身則腹壞。食出所著衣服當卽離身等也。

三者現前現前者。宣亦云。當分現前僧物也。謂如供身衆具。限分衣食。猶事局別人。非通僧結。今言現前現前者。對下門十方現名得也。下門則義通內外。卽曰十方立法遮分。故曰現前。今此義局現在。故曰現前。更須分給。復曰現前。故曰現前。現前也。有人云。一曰物現前。二曰僧現前。故曰現前。現前也。下文十方現前者。十方屬人現前。則屬物也。立云物體其相如何。如今計齋轉經得物。未分望本主結。以物猶屬本主。別人非望衆而結罪也。亦如有人施安居。物未分若盜。亦望本施主結其重。若多人共物一人守護。亦望護主結罪者。立謂此亦不定。或闕若護主。慙謹而盜者。則望衆多人而結。或容不滿五。卽爾也。若護主慢藏。後須偵緝。使損護主。卽得重夷。由計易滿五故。

四者十方現前物等者。謂情通內外立法遮分。故名十方現前物。以情通內外。卽曰十方。以立法遮分。攝入現在。復曰現前。故曰也。若未羯磨。從十方僧得罪輕者。此明治輕而業重也。謂今雖結闕以業道則重。

◆已抄布訖

謂十方僧不可集無懺悔處也。若已羯磨望現前僧得罪重者。此則治重而業輕。以人數可限來業可懺。若臨終時隨亡者囑授物與人約所與人等者。立謂如亡人物許與前人已定。而未及將去後若盜此物者。望所與人結重。非關現前僧事。若知事人抑而不與。奪入現前分者。計直得重。

因即有人言。若盜僧物不成盜等者。立謂此古師云。六群既分僧物身子等往奪。故知前分者定不成盜。必若成盜身子目連等義不更奪。以此例知。今有盜僧物者。則不成盜。奪取無罪。今明不然。身子奪者由知機故。具委六群非承人已之意。但是權計故分。若承分者奪則成重。以賊奪賊故也。礪亦同古師此義。故疏云。若盜僧物一切得奪。據十方凡聖僧遍是物主。無人的作捨心。既主心未捨。故得奪取也。

舊學僧用故結輕重者。謂六群在綺連聚落行污家。行佛令身子目連往治。六群即分僧物入已。使目連等來無住處。當時權設斯計。分物且屬四人。令彼住無安所。內財既無損外迹。彌復澄消。以此適僧可

爲明略。然本非長。永故罪事不成。律據本情依情權結。然目連身子深鑒斯緣。故即奪之。仍舊服用。

餘如日藏分等者。案大集經。日藏分中。佛說大集經時。有無數諸龍來至佛所。舉聲大哭。白佛言。我今身中受大苦惱。日夜常爲種種諸虫之所咬食。居熱水中。無暫時樂。佛言。汝等過去於佛法中。曾爲比丘毀破禁戒。於無量劫。墮地獄中。復受龍身。既聞佛語。誠心悔過。佛爲說法。時衆中有二十六億。餓龍念過去身皆悉。雨淚以佛力。故皆識宿命。咸言世尊。我憶過去於佛法中。雖得出家。備造惡業。或有說言。憶往昔或爲俗人。與僧有親屬。因緣或復聽法。來去因緣有餘。信心捨施飯食。我時與僧依次共噉。或有說言。我曾食噉四方僧家花果飲食。或復說言。我往寺舍布施衆僧。或因禮拜。遂噉僧食。或復說言。我毗婆尸佛法中。曾作俗人。或言我尸棄佛法中。俗人乃至迦葉佛時。俗人如是。七佛法中。各有俗人。或因親舊問訊。因緣或復來去。聽法。因緣往還。寺舍有信人心供養僧。故捨施飯食。比丘得已迴施於我。我得便食。此業

緣放於地獄中經無量劫火中燒煮飲洋銅汁或吞
鐵丸從地獄出墮畜生中捨畜生身生餓鬼中備受
辛苦惡業未盡生此龍中熱水爛身熱風吹體熱土
沙熱熱糞熱灰受如是苦不堪忍願佛救濟佛告
諸龍此之惡業比五逆業其罪如半然此罪業受報
未盡汝今當共盡受三歸一心修善以此因緣於賢
劫中值最後佛名曰樓至於彼佛世罪得除滅佛對
日藏菩薩說故云日藏分月藏亦是菩薩名也

云云
如別

因說三藏法師還債事者案五百問曰久負佛物云
何而償答直償本以佛不出入故不加償也雖爾如
此放入地獄苦佛涅槃後有一比丘精進總明有一
婆羅門見比丘精進將女施比丘作尼修道女既端
正比丘後時失意作不淨行共為生活用佛法僧物
各一千萬錢用供衣食此比丘能說法化人使得四
道果忽自思惟其罪深重便欲償之詣法沙國乞大
得財物還欲償之道路山中爲七步蛇所縛曰比丘
知七步當死猶六步裏便向弟子分處償物還還本

國言汝償物已還我住此待汝弟子償物訖還來報
之卽行七步死便墮阿鼻地獄初入臍煖猶未大熱
謂是溫室便大舉聲作經唄呪願諸獄鬼聞經偈者
數千得度獄卒便舉杵打之卽以命終生三十三天
以此驗知佛物不可不償雖復受罪故得時出問等
就盜中僧物何義得罪頓重解云據佛本意開立常
住僧物者爲十方僧經遊來往既無隔礙得安樂修
道但使剽染隨所至處及施及分皆得其分故今作
容聽學修道離家十年所至之處皆有飲食臥具房
舍受用長道則解脫可期且如俗人遊方學問自將
糧食一人背負三千兩資未盈一月之間食之都盡
卽須却還緣茲身累所欲學問何有成日比丘不爾
隨處得於衣食安樂修道此是如來大慈門中安立
此皆是佛果報故流墜末代遺法弟子謂如來本合
壽命百二十所以八十入涅槃者爲留後分利養果
報供諸弟子故前捨壽今言念報佛恩者意在此也
然常住之食既是十方僧衆和合修道資緣今若盜
損失和合之益類同破僧故得罪亦重或夷或闕也

所以經云五逆之罪我悉能救盜僧物者我所不救等卽其義也上來釋第一盜用義竟

四分律鈔批卷第七末

景雲元年十二月十三日於授記寺錄至此故記時屬嚴寒無容思擇俟乎暇日更擬決詳脫有尋者敬存余意僧大覺記之

四分律鈔批卷第八本

江東杭州華嚴寺沙門 大覺 撰

□□□□□□□□□□□□□□□□
 □□□□□□□□□□□□□□□□
 犯相門中又分爲六一有主物二
 者有主想三有盜心四重物五興方便六舉離本處
 就初有主物中大分爲三一者盜三寶物二者盜人
 物三盜非畜物於第一盜三寶物中料簡復分爲四
 一者盜用二者互用三三出貸四將三寶物贖待道
 俗方法於四門中已釋第一盜用義竟

中兩人持字

從此已下正當第二廣明互用之義於此段中更分爲四一三寶互者立謂佛法僧物互用得夷也二當分互者立云得吉也

僧祇寺主摩摩帝互用乃至廣文如彼律等者案祇文云若比丘作摩摩帝塔無物衆僧有物便作是念天人所以供養衆僧者皆蒙佛恩供養佛者便爲供養衆僧卽持僧物修塔得夷若塔有物衆僧無物便作是念供養僧者佛亦在中便持塔物供養衆僧得夷賓云此據佛在日示同人趣故同人夷如前已辨也言摩摩帝者此翻經營人也

常住招提互有所須者常住是僧祇大物招提別房物下引阿難受別房及菴羅女施等名爲招提唐三藏云招提者訛也正音招闢提奢此云四方譯者云去闢去奢招拓二聲復相濫故有斯誤也

若佛塔有物乃至風吹雨爛等者立謂此既佛受用物以天人瞻仰事同法身又施主重心施故不聽轉易下更明之

若准此佛堂之內等者立謂准上所明三寶物不得

互用之義也。謂若三寶位別不許互用者。今佛堂內安僧席。僧房置佛像。理令不應。然若不妨僧用。暫時通許。佛堂置僧敷。不妨佛用。亦應得也。故下引戒本云。不得安佛在下房等。明知暫時安佛在房。理亦得也。以房有好惡名爲上下也。

招提常住是何物耶。者此問意云。常住與招提有何殊。狀答云。阿含經文。不了。據理華果等。是僧變常住之物也。房舍是招提物也。謂道俗七衆造立房舍用。施衆僧。通於三世。於中四事供養不絕。擬十方僧經遊來往名招提也。羯磨疏云。招提僧房者。或是七衆爲招提。僧於坊寺中別置房宇。有來入住。別有供養。故律文。幾房有福饒。是也。幾房無福饒。即僧常住房也。寶云。准五分第十捉遺寶戒云。毗舍佉母以所遺寶持施四方僧。白舍利弗。可以作招提僧堂。佛言。聽受。此即四方僧堂。又唐三藏云。招提者。此云四方。問若言招提即四方僧物者。何故寶梁上卷云。常住僧物不與招提僧物難。以其常住即四方故。答云。寶梁僞經何足爲妨。亮云。今南山云。准此房宇等。是招提

者。此解定是也。亦引五分毗舍佉緣來證。故知今時寺中房舍。非常住錢造者。即名招提房也。菴婆女以園施佛爲首者。榮云。此女是瓶沙王夫人。菴婆之母也。將園奉佛。由作伽藍。案長阿含經第二云。佛遊行至毗舍離。坐一樹下。有一婬女名菴婆梨。聞佛至此。便往禮覲。佛爲說法。發歡喜心。便受三歸五戒。白佛願佛及弟子。明日受我。請即於今暮止宿我園。佛即許之。明日時到。佛與千二百五十人至其家就座。而坐。女手設上饍。供食。食訖。已時。女手執金瓶。行澡水。畢。前白佛言。此毗舍離城所有園觀。當最勝。今奉世尊。願惡我。故受佛告。女言。汝可以此園施佛爲首。及招提僧。所以然者。如來所有園林房舍衣鉢六物。正使諸魔。釋梵天神。力無有能堪受此供者。時女受教。即此園施佛爲首。及招提僧。然文正華果等。是僧變物者。古來相承解云。爲常住僧物。名僧變物。即涅槃經不犯僧變物。則生不動國是也。若准三藏玄獎法師云。僧變物者。現前對面施物也。故心疏云。如中含云。施招提僧房。所謂別房施是也。如經中是變物。

者。此是梵音。據唐言之對面物也。如今謂俗以供養奉僧。無間衣藥房具。並施現前僧也。

佛在世亦與弟子同房宿。故者謂離云作沙彌時。諸比丘緣佛制戒。不得與非其人同宿。遂越羅云夜宿。廁中世尊夜見喚歸。夜同房宿等。雖喚歸房宿。世尊竟曉面坐。以與比丘同制戒。故佛不敢違四攝之中。此名同事。又迦旃延弟子億耳。比丘亦與同宿。如下九十中。與未受人同宿戒。廣釋此義也。

若僧中分行得者。謂僧物雖不得通佛法互用。今若別人依時堂頭分行得者。卽是已分將供養佛法。任得也。無可問白者。立謂晚生不知失物。三寶分齊。若和僧得將作常住之用也。若功力由僧當籌量多少者。立謂是塔家井造井之時。復用僧功力計錢若干。如河東蒲州造井。當二十三十千用功則多也。灌索一驢馱乃昇後。時僧取此水計滿若干錢。則止過直五錢犯夷。

樹皮枝葉隨比丘用者。此約死壞。無任僧家用者。開別人得取葉染等也。或可約無住僧家用者。開別人

今結經數

得取葉等也。或可約多無限。故許取用。猶如山寺多樹木處。又要淨戒。故開用之。亦得借僧鉢鉢瓶等者。立謂此要是新淨。亦染膩。故得也。若曾經僧家用者。卽有惡觸之罪。義不得借。或可雖得借僧器物。用據比丘手不自觸。使淨人用耳。

供溫室等者。此非浴室。謂寒時別作此室。於中然火取燭也。今時此方詔浴室。爲溫室。義亦應得。此中得取用僧物也。若准僧祇洗浴。僧時須作相。以用僧物。故今時維那晨起唱白者。其理亦通。不唱不合。卽犯盜罪。言別房不得過取者。立謂今時僧坊樹枝葉等。別房既是淨戒。理應得用。仍不得無趣過限取也。此出僧祇明文。若僧須木用。或有樹在妨地。乃至施主不許用。魚骨刺等者。立明西國諸寺多是俗人所造。與僧受用。而寺猶屬施主。故此諸白問其施主。今時此方不准此也。言灰汁澆樹令死者。要先去少皮。然後澆之用。桂屑塞其孔。大易死。調去塵灰汁最好。四分瓶沙王以園施佛等者。立明若園屬佛。則不通法。及僧受用。若施與僧。得白和通於佛法也。

伏藏物爲齋講等得取者立謂要是上有鐵券云若作齋若講等任取者方得用若不爾者卽屬主若無主屬王故不得取然今引此伏藏文意者謂藏中雖是三寶物後隨偏所用不必要分爲三分證上不得破爲三分文也財法皆同者據不犯重同一利養卽是財同同一說戒卽是法同若犯重者財法不共可知得罪無量廣如經者謂同上所引大集方等及僧護經云盜僧物者我所不救也

又如傳云等者立謂齊州靈巖寺傳云有一比丘死盡見地獄仍遇觀音菩薩相領看已身界業薄藉仍爲舉一石函盡見衆僧罪藉藉上並注僧物等云云自隱而參取焉者立謂隱是審義參是同也明其自審業行合不合取也亦有作隱反隱謂自隱當淨非淨也

二當分互用者此言當分對上得名上門是三寶更互互用獲罪今門則佛佛自互法法自互僧僧自互故曰當分互也皆望前境理義可通者立謂此當分互得罪不定釋迦彌陀雖復少異通是佛義俱得福

田僧房車乘雖殊通是爲僧之義故曰理義可通今但違施主心得互用罪但結不應之吉也及現前堂直迴作五衣者今言五衣據尼緣起僧則三衣可例知也律中事起安隱比丘尼因至聚落居士舍直與作現前僧堂尼自念言若我以此物作堂者多諸事故比丘尼衣服難得應作五衣居士後聞生嫌佛制犯捨墮此約現堂直故爾若四方僧堂直迴則犯重非此所明

乃造人集僞經因果全乖等者立明本造正經今造僞經人造非佛所說今則不名當分互用故結重夷以真僞全乖不名當分也上文云若本作佛迴作菩薩還結重者此乃菩薩是因身佛是果身又師弟有異此亦非當分互用故結重夷從此菩薩已下盡因果全乖來並判得重福無福別邪正雜故者立謂真經曰正造者有福僞經是邪造者無福故曰也又造經多福造論少福然論復有二種謂或菩薩聲聞造或人造等亦福無福別也上來將經望論經則是福論則非福然經分真僞亦分凡聖造故福各異

在疑存

若東西二施佛法財物有主不合無主通用者立明有兩施主各施東西兩施佛之財物供養具等不許互用施主若在一向不合若死得即有二義謂施主雖死若復比丘知本施主心局不通者還不得互今直約後比丘不知本施主心故得通用此中名當分互得吉羅

若無通師徒及眾供養具者即侍佛菩薩聖僧金剛師子八部等是也作鳥獸形得罪除佛前等者如彌陀變作白鶴孔雀鵝鵠舍利作涅槃變還依經文作雜類眾等即得也

善見若施主本擬施園果爲衣服湯藥週分食隨直結重者立明有護主望護主結夷景云此舉施常住僧爲僧衣服今違施主心作食故結重也若擬作僧房重物迴作僧食犯闕者景云此舉施主心未定故輕也若施心定應同上得重云此約損福邊結闕以施主本心造房有長時無作之福今迴作食闕事在無作以福短故和僧減用上園果等重物作食者立明上善見論中施主施園將供衣服而迴作食得重

今疑

今此既乏少食糧人欲四散故開和白得用也言乃至四方僧房亦得者謂若欲守護住處以無食故賣房舍覓錢供僧食也若賊亂世聽持隨身者立謂僧家臥具等諸物隨身亂靜可復本處欲供養此像迴與彼像者因說襄州人作佛各有施主造佛像安景寺中別作房戶安置至時節日自將香華飲食各各供養忽若施主身死子孫絕嗣者其像至竟常忍飢渴亦有奴婢造像在寺中供養者良人若知是奴婢無肯作禮者也

五百問中白衣投比丘未度者白僧與食者立謂此人欲入佛法出家眾僧緣事未及得與剃髮白僧與食若汎爾俗人不得白僧與食案彼論云問白衣投身爲道未度得食僧食不答白僧僧聽得不白犯墮若爲僧乞白僧聽將食在道等者立謂雖白僧同和要須償方得若雖和不償或雖償不和俱不得也然和者以求僧聽許耳非即不須償也若和不償犯重債而不和得不應之吉也意恐案彼論云問爲僧乞道路已身得食僧食不答若去時先白僧僧聽者



好不白還白亦好若不聽還償不償犯重景云此通
道俗使也若供僧齋米僧去齋主將後僧等者案彼
論云問供僧齋米僧去後齋主得用供後僧不後人
得食不答打健槌得食若不打一飽犯重立謂施主
將米前若干僧食既不盡其僧與共此餘米卽屬十
方僧盜者合得偷蘭以本能施人在中守護今望此
護主結重非望前結也一飽犯重者且舉實時直五
錢必也賤不直五應輕更有諸釋不繁廣出云云
路非乞食之所和僧將食在道亦不必作相者立謂
要無乞食處方得白僧將去雖白復須償白僧求許
但免輒用之罪行還須償案云大有人不許此義且
如雇作人既全與錢食豈要局界中與之今此比丘
專爲僧使於僧實有功夫非爲倚傍者理合與食無
過准善見守寺之文者謂准上善見論知取園果爲
僧作食爲護住處故及白和四方僧房作食等以是
白和僧故卽得用者今亦向和僧故將食在道理宜
得也亮云此上皆約爲僧故得今時綱維爲當寺徒
衆入臺省向州縣乘常住人畜船車等皆犯重也以

當寺僧是現前非關常住常住則通十方現前局在
何得使他常住人畜慎哉慎哉
言住處各鳴鐘通食者立謂是寺家莊舍中必須作
相後不用填以莊與寺通一家故
僧家人畜犯吉羅者立謂彼此雖別同是常住故不
犯重以彼此異但得吉也戒疏問云十方常住之食
如現熟餅飯聲鐘召集是僧皆得未知他寺奴畜得
不答不合也僧具六和隨處皆是人畜別屬義非通
使使卽是局食亦如之上釋當分互用義竟
三像共贊互者像謂住持別相三寶卽泥龕素像黃
卷赤軸剃髮染衣是也寶謂眞如一體三寶也新經
論中名勝義三寶世俗三寶也
言施佛寶置爪髮塔中供養法身等者景云以色法
二身別故此舉在世已有斯事也
一分與誦經說法人者立云以人能弘法法不自宣
藉人弘通故今受施卽分一分與說法人
第一義諦僧者謂理無違諍說常和合故曰也亦名
勝義僧實云若盜此物並得吉羅由勝義僧性無攝

施字
本主上應有

物之義然此吉羅極重難計

若施衆僧凡聖俱取分等者立謂正是施今常住僧也凡聖同集故曰衆僧以常住僧物體通凡聖受用也云以言無當者立謂既不的言此施事然此施理實也又解以施時不的定言我施凡僧我施聖僧故曰以言無當也

受施之時善知通塞者立明須問能施之人汝爲施理實爲施事實彼若不解爲說事理兩理泥龜卷軸等及至理一體三寶等實云受施之時應須檢審施主本心不得懸依主口語恐彼不解誤標施物故十誦第六十云祇洹中四方國土不知法人皆來大會布施者比丘呪願時讚佛法僧舍利目連那律金毗羅如是三寶無數無量阿僧祇是中或有持佛名法名乃至持阿僧祇名大會既散還田舍聚落餘時諸比丘出諸國乞有持佛名字者言佛來與乃至持阿僧祇名者言僧祇來與比丘不受白佛佛言是邊國人不知爲是比丘故與食而名與佛法等自在應受已上多論第六云凡爲施法應令心定口定施福

既深又易分別若施法寶口必令定若施經書口亦令定若施說法誦讀誦經人口亦使定若施衆僧亦有三種若僧祈願若自恣願若面門願於此三種應好分別述曰僧所是四方僧常住是也自恣者時十僧得物也面門者即十方現前僧食是也誦二十七云佛言與物時使一比丘在彼立看知分別是塔物四方僧物食物應分物也

四隨相物中自互者謂上明像與寶互此下明當像中亦自有互文中四門下一一自出深云若佛受用物一向不得移易下三隨緣收張容得不得也

不得互易如前寶梁經說者如前言佛法無主無人作價故知此中不得互易若佛園坐具一切天人供養不得輒用等者立謂園是佛華菓園林也坐具即佛所坐之物欲明此佛受用物人天敬仰戒心疏中亦明四種差別第一明佛受用物不得差互常擬供養生世大福故律云若是佛園坐具等者約一切天人供養同塔事故所以不許互易者莫不即體法身之相表處是深不可輕故

二施屬佛物等者心疏云此屬佛物所以得轉者由

本施主通擬佛用故得貿易不同前者曾爲勝相故
 唯一一定佛物不得移至他寺犯業者景云此舉違施
 主心結也以施主心局此處故棄謂犯重誓僧作羯
 磨擯棄衆外故曰也此丘客作佛像書經得物不得
 取者立謂若用此物與用佛物經不異也決定得夷
 三供養佛物等者心疏云以幡華等得貿易者事同
 屬佛物可以義求佛幡多欲餘佛事者立謂幡多故
 將幡作佛衣帳或廉佛床或作敷具但莫折破以相
 連合卽名不轉變本質也一以惡心故壞得罪者案
 智度論第六十三云如畫作佛像一人以像不好故
 壞一人以惡心故破以心不同故一人得福一人得
 罪亦如調達出佛身血祇域亦出佛身血雖同一名
 出血心異故一人得罪入阿鼻一劫一人得福生天
 一劫對此因說著婆天樂事案多論云如昔一時目
 連以弟子有病上切利天以問著婆正值諸天入歡
 喜園爾時目連在路側立一切諸天無顧看者著婆
 後至顧見目連向舉一手乘車直過目連自念此本
 人間是我弟子今受天福以著天樂故都失本心卽

卽字疑衍

以神力制車令住著婆下車禮目連足目連種種因
 緣呵責著婆答曰以我人中爲大德弟子是故舉手
 問訊煩見諸天有爾者不生天以著樂故不得自在
 是故爾耳目連問曰我弟子有病當云何治著婆答
 曰唯以斷食爲本有時目連勸帝釋云佛世難值何
 不數來相近諮受正法帝釋欲解目連意故遣一使
 勅一天子令來反覆三喚猶故不來此一天子唯有
 一婦有一伎樂以樂欲情深雖復天王命重不能自
 割後不獲已而來帝釋卽問曰何故爾耶卽以實答
 帝釋曰目連曰此天子唯有一天女一伎樂以自娛
 樂不能自割況我作天王種種官觀無數天女須陀
 食自然百味百千伎樂以自娛樂視東忘西雖知佛
 世難值正法難聞而以樂樂纏縛不得自在知可如
 何
 四獻佛物等者心疏云此獻佛物開待衛者用之義
 同佛家之所攝故如薩婆多有施法師說法誦經者
 亦取分故
 法物亦有四別者若是法家受用物一向不得轉易

故戒疏云一法受用物謂紙素竹木上言經像或箱
函器稱骨經盛貯尅定永施不許改轉此則一定敬
同聖教皆是滅理之所依持故有損益並望涅槃而
生罪福也餘三種得否准上可知者三種即屬法物
供養法物獻法物此三同上佛物隨緣進否故曰餘
三得不准上可知

若二種常住局處已定者即常住常住十方常住故
曰二種皆不得輒將出界故言局處如上盜僧物中
已明也

二種互用通和得不准上可知等者立云此指上來
二種常住中和白與招提通用得不如彼也深云謂
箱上見論守寺之文和僧用園果作僧食及將僧房
作食等是也

若論二種現前罪五如上者自謂盜僧物中明其施
現前現前及十方現前也言罪五者如亡比丘物是
十方現前將現在僧更不作法直准現前現前物分
是互也若本是現前現前之物謂施主唯局此界現
前安居之人今即普召十方而分是互用也就輕重

二物斷割非文違者雙結二罪者立云言雙結者是
出法家意爲欲義有該合故言雙結二罪此句從上
二種現前文生故田就也賓云對此因明此方施聖
僧物崇云盜聖人錢必得重罪以上座身現在自爲
物主若盜餘般圓寂者之財非親爲主但獲業罪今
詳西方本無此施教闡明文難爲裁斷文准崇斷理
復不然本施聖僧非專上座又施雖捨聖未必來以
錢並是不淨物故若常受者自付檀越或須說淨豈
容空攝事得了配又被總相但施聖僧聖僧誰當即
來專攝今詳此物猶無定主若當盜者並得吉羅若
有主想即得闡罪然此闡吉業皆深重由於聖境起
偷心故又此施物施心無當又未定屬一个聖僧可
買供養聖僧或復起立聖僧塔廟於聖僧境福田皆
通不同昔來唯作僧座又不許以錦綺等物爲聖僧
座者恐不然也又此施法傳來矣不得於今令其頓
廢故受施時應告施主云此物應爲聖僧起塔或造
形像種種供具供養聖僧檀越云何答言任意一切
無過又崇判云般圓寂者盜得業報今詳雖般圓寂

非但業報於律亦違諸所不應皆吉羅。然此吉羅極深極重。波羅夷罪。猶不可比。雜毘陵中。舍利目連檀越起塔。種種供養。佛皆聽許。供養塔食。沙彌若優婆塞。若經營作者。應食然。然供具。理應不得過易餘。用今時或於寺中有諸神像。俗人乞福。所有之物。即屬非人。其事不可。寺中縱作教未見。開作隨取。命亦有人言。於三寶處。若有所須。擲卜卦。是得便聽用。今詳三寶不應在此取。命求物不取者。取者好。又今寺中堅牌題名。所乞得物。以牌名定。亦勿佛前爲僞。堅牌令施者誤。亦招互罪。又今諸寺多有通用錢者。但可於三寶處得。有通用。若設酒肉。雖爲三寶。有所乞托。或將買杖。以打淨人。此損施福。還招盜過。若盜此物。由於三寶。是通惡。故理應得業。別有護主。結重。亮云。說法高座常住之錢。不合將造。以非一切僧共受用。故既是說法得將錢作。也准施法物中。則開一半與說法誦經人。故知得造上釋第二互用義竟。三出貸三寶物者。立云。此字兩用。若出物與人。曰應從人借物。曰貸入。若准斯文。開貸借三寶物。但令僧

要須分明券記耳

善生經病人貸三寶物十倍還者。案善生經第三云。出家菩薩若畜出家弟子。先當教告不放過法。受苦樂時。當共俱設其窮乏。有所須者。六物之外。有不應惜。病時當爲求覓所須。瞻病之時。不應生厭。若自無物。應四出求。求不能得。貸三寶物。差已依俗。十倍償之。如波斯匿國之正法。若不能償。復當教言。汝今多負三寶之物。不能得償。應當勤修。道得須陀洹果。乃至羅漢果。若能至心發菩提心。若教千人於佛法中。生清淨信。若壞一人。慳重邪見。出家菩薩。能教在家如是等事。是師弟子二人俱得無量利益。諸隨一事。非是俱作。言與律不同者。謂此經與上十誦不同。十誦開貸計直。輪還不言倍數也。疑是俗中二衆者。既令十倍還之。於義太急。恐是俗人貸三寶物。若是比丘合同十誦。十誦既得開貸。令計直還。此經令十倍還。故疑俗也。若據經文。又似出家五衆。故曰也。四明瞻待道俗等者。此文來意。且明用僧物。看待道俗。應不應義。若接過方法。下卷自立一篇。專明主客相

待事也。若知摩夷者立云摩夷梵音此翻理本謂此比丘明達阿毗曇藏故得用於僧物而支持也。亦不言四方僧物等者。明用僧物供待三藏比丘。不知定用十方常住僧物爲用。現前僧物鈔意准償知事比丘。衣但得將十方現前僧物以類屬攝入現前故作白和與今供給知法人者亦准此也。應是十方現前僧物以此人替補我處故須供給者。謂三藏比丘能宣佛教代佛說法益利衆生故云替補我處。所以經云宣揚助法化此應合明與尼食得不多論第七與尼衣戒云乃至一餅一果皆突吉羅除打毬椎衆次第與食不犯。

便起嫌心乃至惡器與者案五分云諸比丘食都不與客客便譏呵言沙門釋子常讚嘆布施唯受人施而不施人。以是白佛。佛言應與客食。既與著手中不與器物。復譏言諸比丘作小兒遇我以是白佛。佛言應與器下食。又有諸白衣來入僧坊見菓從諸比丘乞比丘不敢與。即便譏呵以是白佛。佛言應與供給國王大臣。應用十九錢者案十誦云有時衆多

王臣數數詣竹園房舍觀看若來時索食薪火燈燭。若與畏犯不與懼作損患不知云何以是白佛。佛言應立分處人立分處人已不白衆僧得與十九錢供給若更須者白僧竟與立云此據古大銅錢一个當今十六錢也。合成三百四文。濟云高僧傳中周武帝當時與姚道安法師相看極好其道安慈孝常負其老母遊方聽學供給所須周武知其孝行勸令還俗言取爲宰相安不從之。周武曾幸房安以席地令帝坐下食設之。帝王舉筋噉即語安曰朕聞常住僧食不合食之法師今日如何以罪相加安曰惡王盜賊教亦開聽帝曰乃將朕處賊盜之流遂不食也。

若彼此知法如律亦得者立謂道俗相望名爲彼此。謂僧既明開聖教俗又識知罪福知其事不獲已而與不壞俗信情合與食不名汚家言如二篇下說者僧殘下汚家戒說也。

病人索僧賣藥聽與兩錢半價者案十誦云時有居士辦種種藥所謂蘇油石蜜薑椒棓機等並至竹園精舍時六群比丘早起出門邊竟送此等藥來問言何

●下篇
●字

物答言某藥六群便言我欲行去與我蘇油等合持餘惡者入僧坊中與諸比丘諸比丘白佛佛言從今已去應立分藥人和合平等分與若有實價藥來者應別舉置若病比丘索者應與半價藥若索多者應從索直立云亦據古大銅錢也濟云外國多用金錢銀不妨是金銀錢也如上卷中者如僧網大綱篇中具說所以也上來多義不同物是釋第一盜三寶物門竟

●中之一五
●字

從此已下第二明盜人物也一有所心無守護者立謂計是我物名爲有所心二有所心無守護如田中等者立謂如張王家各計是我田但自無人守護三無我所心無守護地中伏藏者立謂以無人知有此物又無人護今若盜者直望藏處地主結罪以藏處地主故又有解望國王結罪也一有所心則守護者立謂如現前可分物即夏竟實勞衣等人人各計有分故曰有所心且令一人守掌故曰別守護若比丘盜此物望護主結夷二無我所心別守護者立謂如關鎖上奪得違勅非法之

●云云
●字

物前人既捨是無我所心關令既掌錄名爲別守護比丘若盜此物望關令結罪又如比丘失物官人爲比丘於賊處奪得失物比丘其心已絕賊既被捉心又復絕是物名無我所心官人則是別守護今若有比丘盜此物者亦望官人邊結重罪也

若謹慎掌護堅鎖藏戶者謂堅牢鎖於庫藏門戶也以守護既強雖失此物不償本主今若比丘盜者無損護主之理但損本主故望本主而結罪也若主掌懈慢不嚴掌錄乃至不望本主等者此明守護既慢失物已後須償本主今云盜者便是損其護主故望護主結罪云此上或望本主結或望護主結不得望於二主雙結二罪以其財無二屬義無並損故也言若不還守護結犯者此謂護主既慢須與本主不若結護主罪

若寄居士物居士寄比丘物如上二說者立謂若好心誤損不合索償若惡心故損應須索取一是好心一是惡心名爲二說皆謂將物寄他處他損之時他有好惡二心故有索不索兩別緣中是六群比丘有

人寄鉢與六群其人於路實擊舉但誤打破後見六群具說本緣六群無愧苦就徵掘白佛佛言若好心誤破不須還若惡心故破索取

及以投鼠誦呪而取等者案十誦三十九云時六群誘他弟子此六群各呪誓言我若誘汝弟子者作佛說法呪僧呪佛言從今比丘不得自呪不得他呪犯吉羅後文卽言爾時六群比丘失衣鉢語諸比丘言我失衣鉢當共投鼠時諸比丘各各思惟不知云何白佛佛言從今不得自投鼠亦不得令他投鼠若自作令他作者吉羅何以故呪與投鼠一種故已上賓云故知但是他呪之類不勞異釋立云鼠者玉篇云藏也匿也景云衆主失物衆主不得令他方便投鼠出也和上云投鼠者明其衆主於大衆中放言云我知有人盜我識此人我未忍道名字耳若盜物者可夜中方便鼠著某處其賊恐怖夜中鼠著某處令人投得其物者衆主結罪策云古人解中既失物卽令衆人夜暗中各各盡將房中所有衣物集一空房中至明且令衆人各各自認取已物意令賊者夜鼠將

出明且既各認已物必長所失之物如是誰盜者故曰投鼠言誦呪而取名立謂其人盜物藏訖其衆主及失物人或自誦呪或令他誦呪使呪神往彼物處取來也今時人失物作誓深汕者此是相誑也其鑊底著水上安油微著少火水纔煖其油似沸將手探之水猶不熱意可見也

言義張二位者一是不現前二是對而現前也不現前者如盜田中五穀及暗中盜物者是也

反上二緣奪得重罪者立謂上明本主不捨奪者未作得想今反此句一則本主已捨二則奪者已作得想故曰也若先捨者無主物故亦不合奪舉離屬於後取者立謂如有賊盜比丘物將去比丘心絕賊於前路或被入跡或被入趁逐遂放此物而去此物正是無主後忍有人捉得卽屬此人本主比丘後若於此人邊奪取正成犯重由物已屬他望他結罪故也上釋不現前義竟

二對面現前奪者上言義張二位今此卽是第二文也又闡逐賊彼藏物去卽取將來乃至和喻恐赫等

者立謂賊盜將物去比丘逐後越賊賊將此物藏著
 草中又比丘當時逐後而越心令不捨賊去已後比
 丘草中將還佛言不犯由彼此心得失俱未決故案
 祇律第三云諸比丘失衣鉢已入林中藏時賊即藏
 衣鉢覆著一處更劫餘人比丘見藏伺賊去是比丘
 若先不作失想還取無罪若作失想便爲賊復奪賊
 物又比丘被劫賊將衣鉢順道而去諸比丘隨後追
 望追之不止漸至聚落語賊言出家人仰他活命汝
 等何用此衣鉢爲如是得者無罪鈔取意云若賊罵
 言已乞汝命何敢復來比丘念言已近聚落必不害
 我當恐怖之語賊言我當白王及諸大臣得者無罪
 賊復嗔言欲去任意若先捉賊若縛若殺不應告若
 語聚落主方便慰喻得者無罪言若和喻恐嚇得者
 立明語賊云努力還我物來若也不還當來罪重等
 此日和喻或復語言若不還我我則告官等此曰恐
 嚇便爲賊復奪賊等者戒疏對此四句分別皆望一
 主心絕以不也一若財主已絕賊主得定此不可奪
 知律賊復奪賊二財主雖定賊主不定此則可取以

緣不具故三財主遲疑賊主已定此不可奪以緣故
 犯重死云此句鈔家斷錯以與奪衣戒中四句相違
 彼言與者不決取者決犯墮據此義邊今奪賊物失
 者未定得者已定不合犯重以我未作捨心奪有何
 罪若言彼得已定奪即重者三十文中奪衣四句第
 三句取者決定與者未定如何非重而言犯墮彼既
 得墮義容可爾此斷犯重終乖道理若言賊業已成
 令我不奪恐不應理彼自業成關我何事而不得奪
 如律文中使人取物而其使者犯已豈即今主不得
 還取僧祇藏物伺去取來賊豈當時不作得想若未
 得想寧肯舉藏指上引祇律三卷也寶說也可將此義破輕重
 儀云云何問本主四俱不定此則得心不定故業非
 通暢故也

乃至盜金像知藏處不得取者立謂賊偷佛去得心
 決定屬彼義成比丘雖知處不得取
 但可取之依本處用者謂若知是佛物將作佛用知
 是僧物與僧家用不得互用及私入已作餘用也
 收囚縛賊主者謂比丘見收囚縛賊之時聚此賊囚

之物或容犯重故望此時結罪此賊因是物主故曰也其相如何即唐初上官儀家及大周初革命裴炎家近張易之家市家等是也其家既破屬官若宦抄錄物名已竟將施比丘者不得取以屬宦故彼人若將寄比丘不是布施亦如此若佛塔僧等者立謂約未抄前得受也

若父母可知等者謂知是某坊某村識其父母知非令施故不得取得重罪案伽論云狂人施衣若比丘不知其父母所在兄弟姊妹自持物施比丘得取若父母等可知不自手與不得取

主人兒落度等者依檢見論云法師曰我欲現偷人無罪者云何無罪答曰無主人故無罪若人兒落度徒各父母以水灌頂遣去或父母死已比丘取如是人無罪若負他人債比丘將去無罪_{此止}若父母亡者立云此兒縱非落度但父母已死望無我所心今盜此兒亦不犯也若負債等將去無罪者立云父母負比丘錢比丘將其兒去無罪恐此解非論文既云若負他人債比丘將去無犯明知非是負比丘債也

本謂經

本謂經

有人解云其兒既被父母逐却不屬父母但爲其兒先負餘人之錢今比丘盜此兒望先債主不關比丘事也但是其兒負債比丘不相負持亦不須爲還債也下文准私度等者以其兒負債比丘盜此兒來比丘既不相關我亦爲他私割私割之人雖負王謂比丘無有負王課之義事同不須爲兒還債也注云准此私度王稅不犯者謂據上論文父母於兒無我所心即得將去者計理真由父母不由於王故知私度不負王課今若私度有福無罪由王不明於一人有我所心故景云百姓稅王役人度之無罪也故戒疏引薩遮經不輸王課非盜賓云西國人課稅不同謂若百姓占王地者則輸稅不佃王地者但是寄王國內住曾不輸稅然多立關彼處國法其與易者既有財物關頭過皆稅於關王於後時從關家索物餘非與販者雖過關亦不稅也盜奴犯重者見論云若他奴婢比丘語汝在此辛苦何不叛去若至他處可得適意奴聞此語初發心欲去吉羅畢一足蘭畢兩足夷若奴已叛比丘語其道催令急去隨語比丘重若徐徐

行語言寬行主捉得汝即急去者得重若奴自急走
比丘語言汝如是走可得脫比丘無罪或言此處辛
苦某處豐樂奴即叛去不教去故不犯或聞豐樂逐
比丘去者即驅使此人無犯

不合從乞者謂了知其人非物主故今若從乞令他
作賊起不如法行

或重或輕者立謂六根對六塵若不如法視聽嘗觸
皆結其罪他有好色好聲若有看約得直方與而不
與價看聽者若堪五錢已上得重四錢已下得蘭故
言或輕或重若人食毒者立謂比丘被毒藥他有好
藥能治此毒嘗藥即差須得價直比丘偷嘗計直結
罪未若偷地水火風空等等取於識識謂盜智結
也空者謂起閣臨空妨他事務也水者舉堪錢時也
塚中一擔水直二三文錢是也

有諸仙人等者依檢了疏云有仙人名斷嵐波也那
是諸行蛇等師復有仙人名阿死底反張何是諸
毒藥等師若人爲蛇等所螫書作仙人身書心上作
一字是呪語呪語他有一字被螫人若見此書書色

中與師作觀

及色蛇等即攝毒此人病即差中藥亦爾若有人被
蛇螫欲見此盡須與直則不看書比丘被蛇螫不與
直偷看病得差計直犯罪滿五夷不滿蘭除看色得
罪例此尋之此約眼行盜盜色義如此也上言冒行
蛇者謂一切蛇無足用胸抵地而行也若誦呪治病
者了疏云有人能誦呪治病此呪是秘法人若欲學
得直方教比丘竊聽而得不與價直計直犯罪滿五
故夷此呪能使病差故言治病此約耳盜偷嗅嘗觸
等者了疏云有師能作藥若人有病嗅此藥即差若
欲嗅須與直不與直不得嗅比丘有病不與直偷嗅
藥病得差計直犯罪此約鼻盜或作好藥嘗則病差得直
方與此約舌盜或有好藥觸則病差比丘偷觸計直犯罪此約身盜若秘要術者了疏云有師有法術若人病心緣此
法病即差若欲緣須直師示其法若不與直則不示
其法比丘病就師受法既得差不與直計直犯罪此約意盜也
次約六界前三可知者謂地水火風空識也上三謂
地水火可解有扇藥塗比丘偷搖等者此名盜風了

疏云有師呪扇若人病搖此扇引風觸身其病即差。若欲搖扇須與直不與直不得搖。比丘有病偷搖即是盜風計直得罪。言藥塗者有云用藥塗扇或呪此扇故曰也。

上釋第二盜人物義竟。大門第三盜非畜物者具緣中列有主物中自有三門。一明三寶物。二人物。三非人畜生物。此下當第三謂非畜爲物主也。有師立四門。謂非人畜生離爲二門。今合爲一。故唯三段於此段中分二。初明盜非人物。二者解畜生之物。兩段不同。今卽是初盜神祀舍物得重者。此望護主結也。若無護主隨境結之者。立謂望非人邊結。闕故言隨境隨非人之境。及人繫樹物非人亦不護者。立謂如今俗人於樹下祭鬼神。或求福解除等。所有幡華雜綵不敢將還。是無守護非人。又不用。今若取者無犯。濟云若在庵中非人則護。擲下而知捨悵者。如今時就神廟中擲杯琰乞物是。

上明盜非人物義竟。從此已下解盜畜生物也。盜畜生物者立云古來有師云同犯重卽引律中鼠偷胡

本得下疑者
鼠字

桃比丘取之得鼠雖偷胡桃來其主全未覺失護心猶謹。今約本主結不望鼠邊科也。鼻奈耶律盜畜生物犯重故彼律第一云師子竹園外殺鹿而食飲血而服餘殘若比丘取食乃至下直五錢而食爲成棄捐不受者僧不共住也。盜餘鳥獸物亦爾。文繁不叙五分十誦多論並犯吉羅五分第一云畜生物不與取取皆吉。皆者五衆也十誦五十七取虎殘吉由不斷望故師子殘可取以斷望故多論第二云一切鳥獸殘取吉師子無犯此律條部文云於鼠穴中得藥及帛佛言畜生無用無犯而不應取如是物。畜不應善見者吉也取畜物無犯彼論第十云畜生物者迦樓羅龍王爲初若化爲人殺鹿而食不得奪取恐殺比丘若食竟比丘取去然後取食無罪。無罪者此亦部別也此上皆據無別護主若有人護理望人結。

一切鳥獸殘吉者謂如今山野中見鳥獸殘菓子比丘輒取皆吉上來三段不同並釋第一有主物義竟。二明有主想者上明有主物雖有主若作無主想本迷無罪轉想客有前心闕故次第三明有主想也。

始終不轉無罪者立謂雖是有主物想謂無主雖舉離處以未迷故迷心未轉至罷無罪發心取時曰始舉離本處名終於此時間迷心不返故曰始終不轉也前後互轉互得輕重者立謂本擬盜人主物藉方便闌臨至境所轉想作非畜想取又得後心吉羅謂非畜家方便也此則轉重爲輕若先擬盜非畜物結方便吉臨至物邊轉想作人主物取得人家方便闌此則轉輕爲重此上二句皆不結根本由心不稱境故又解本作有主想臨至物邊作無主想取但得方便闌若本作無主想臨至物邊轉作有主想取望本心無罪望舉物時犯重故言互結輕重也

上釋第二有主想義竟已下第三明有盜心也盜由心結不望境之是非者立謂雖是無主物若作有主物取得方便闌雖是有主物始終迷心作無主物想取不犯故知由心也不問物境是有主非有主故曰不問境是非也

十誦六種盜心謂苦切取者立謂打闌他人或苦言切勒非違罵辱意令前人以物相謝也言輕慢取者

謂恃已陵他倚藉豪強高門大姓輕慢貧弱取他財物是也或輕欺前人對面捉物而去以無心畏他故也以他名字取者立謂稱他大德貴勝賢善云我是其門徒眷屬令他敬重意規財利是也又解如稱爲佛法僧等乞得物入已是也或稱爲某處名聞大德乞求衣藥得物入已是也或如今時比丘與官人往還希他囑請送物入已是也言觝突取者置借不還謂買他物借他物後不肯還是也受寄取者他所寄物在已邊後覓不還是也言除出息取不犯者以兩情和可依世俗法收利故不犯

強奪者他元不與強奪將去也言輟語取者謂詐現善相從他得物也施已還取者謂將物惠他後悔便奪也又云非唯與竟奪而成犯但作絕心施他物猶已還後若不與皆犯重也

曲心至恐怖取等者立謂邪曲也曲斷方便以求其物又解以不直心更相容爲相阿曲取他物是也但是一切非直心取皆名曲心言嗔心者立謂嗔責前人令他與財物也亦可燒埋褒色俱名嗔心也言恐

怖心者立謂虛示威嚴令他怖畏與物也

四分十種一黑闇心者疏云謂痴心也愚於教行不肯修學故於盜境生可學迷是也二邪心取者戒疏云卽邪命也貪心規度爲財說法卽是以利求利惡求多求外現清白內實邪濁故五分云謂心取財是盜也立謂只是今時齋講說法轉經專心求利無長福之心是也四恐怖心者立謂有二種初謂或說法怖取者謂說阿鼻地獄可畏等事令他布施也戒疏云或說地獄等惡報或說云官勢力而得財者是也言或自懷疑怖者立謂向俗人云貧道比來多有病苦或精神恍惚恐死不還心怖他物以爲湯藥等也六決定取者立謂如空處盜物是也七寄物取以少還他者立謂如有人將物寄比丘後或還他一半或少許或全不還也八恐怯取謂示身相者立謂張目大聲令他生怖而與我物也疏云示以身相令生怖畏故取彼財物如十誦中輕慢觸突而取他物是也九兒便取因利求利者立謂如落花師爲他說法則取財物是也心疏云伺他慢戲陽作陰伏之類也

深云此謂見他睡時迴眼則取也言因利求利者心疏云貪心規利爲財說法卽是以法利益前人心求財利也慈云如語他布施生天令他得利而得財者是也

足得垣牆防擬妄境者謂前件事相約此爲防護不使毀犯義言如垣牆也如今垣牆防其賊盜今此戒相亦謂防其盜過也深云無覆曰垣有覆曰牆應師云垣卽牆也

上釋第三有盜心義從此已下第四正明是重物也答有三解者立明彼論中自有問答三解不同

初依彼王舍國法者立明佛問頻婆娑羅王大王國內何罪令死王言姪他婦女殺人盜五錢已上及於大眾中妄語作此四事則犯死罪佛因依此國法制四重戒此是初一解約古大銅錢也二隨有佛法處等者立云此解與上有異也此直約隨國土所用金銀銅鐵胡膠錫銀竹木等錢隨方土所用五錢爲限又云依王舍國盜五錢得死罪等者立云此是第三解也謂隨方斷死罪爲限如王舍盜五犯死約此而

制今此方若盜五未死者不得依五斷犯重要隨此
 國齊幾斷死用爲限也。今時此方斷死不定。或時盜
 一丈斷死。或時盜一匹二匹方斷死。豈得約此爲定。
 雖然如此。此約斷死明也。若欲攝護宜從急也。下自
 明之論師以後。義應是者。依檢多論文云。盜至五錢
 得重罪者。初或言金錢。或言銀錢。或言銅錢。或言鐵
 錢。無有定也。又云。盜至五錢得重罪者。謂閻浮提內及
 東西二天下。有佛法處。准王舍國法。以五錢爲限。又
 言五錢成重罪者。佛依王舍國法。結戒限至五錢。
 結夷如是。各隨國法。依而制夷。罪觀律師意。以後義
 爲定。此說立云。論文雖判後解爲定。今鈔意取第二
 解。謂隨方用五錢爲定義也。故戒疏云。多論文中盜
 相通。證初解本錢何由可曉。指論家三解中初解也後解隨國
 現斷入死。言亦通。證難可依。承如此。唐律強盜滿尺
 則是極刑。竊盜三十匹罪至役流。縱多盜者。不加至
 死。論令准此。刑無死名。比丘多竊。少有強者。縱有強
 奪。計尺死刑。盜五十匹。又非死例。准俗制道盜相拒
 論。如僧祇云。王無定法。斷盜不定。若依四分。但云五

錢。錢則八種並同一制。可如多論中間一解。隨國用
 錢。准五爲限。則詳論自息也。
 律論互釋不同者。立謂諸律與論釋此錢數多少不
 同也。多論雖有三解。未可全依。十誦古大銅錢。誠難
 可准。祇文四錢三角。固不可承。以善見解云。還同五
 錢故也。今則取四分爲定。謂隨方用五錢處。盜五結
 重與多論中三解第二稍同。不取前諸律論文也。判
 罪宜通攝護從急者。立謂若斷他犯。可從寬通以斷
 之。若自護從急。下至草葉等也。
 十誦彼云。盜五者。卽古大銅錢一文。當此十六文也。
 計彼五文。當今八十文。豈得依彼爲定。宜依當處五
 文也。
 僧祇王無定法。斷盜不定。當取瓶沙古法。四錢三角
 重者。依檢僧祇云。佛問瓶沙王。法大王治國盜齊幾
 錢。至死。王答佛曰。十九錢爲一闍利沙。槃一闍利沙
 槃分爲四分。若取一分。若取直一分。罪應至死。今隨
 所盜義。以此爲准。准此廢上律論。以後爲勝者。立謂
 上多論三解及十誦古大銅錢。此並太寬。今故廢不

用也。宜依五分五錢爲勝。與上多論第二師解同。縱四錢三角。善見解之亦同。五錢者。案祇中十九錢爲一。屬利沙。繫分一。屬沙。繫分爲四分。若取一分犯重。摩娑迦成。一迦利。娑繫分。迦利。娑繫分爲四分。一分是五摩娑。迦若盜滿五摩娑。迦犯重。

善見若壩中等者。立謂引此文。意證前攝護宜急斷罪。宜寬文也。又觀五事等者。案見論云。智慧律師爲他判罪。應觀五處。然後判斷。一處二時三新四故五等初言處者。立謂此處盜彼處。實依本盜處所直結罪。二時者。立謂貴時盜賤時貨。或賤時盜貴時貨。亦依本盜時價結罪。三新者。謂盜時新貨時故。亦依本新四故者。反上新義也。五等者。謂盜得時及賣時物價。既等。還依此等數斷也。

十誦伽論錢有貴賤時。不妨錢貴盜一入重者。十誦憂波離問。佛頗有盜三錢犯夷耶。佛言。錢貴時又問。頗有盜五錢不犯夷耶。佛言。有錢賤時言遇值賤時百千犯輕者。立明如今木皮。儼錢時所不用盜。但得

蘭

上三句互反。皆得輕降者。立明上三文皆是貴時盜賤時貨。望本處得重。今若反之。則是賤時盜貴時貨。即得輕。故云降降者下也。

盜不滿五犯重者。有二義。一者衆多人遣一人盜五也。二者共往盜五各分也。

如師徒四人等者。鈔引論錯錯相承解者。咸刀刀今依檢善見第九卷末云。於問難中四人共偷三人得罪一人得脫。我今問汝。汝當善思。答曰。有四比丘。一是師。三是弟子。欲偷六摩沙。迦此云錢也。師語弟子言。汝人各偷一摩沙。迦。我偷三弟子言。和上偷三。我偷一。汝二人各偷一。餘二人展轉相教。亦如是。師自偷三錢。得闍教三弟子偷三。亦偷闍何以故。自偷異教人偷異是。故二闍三人云。何得重爲教他偷五錢。故是故得夷。謂教師偷三。教同學偷二。豈非教他偷五耶也。賓云。論家立義不應道。謂然望損一主師亦合夷。何須言自盜業教人業異。遮莫業異。但望損主成五師同犯夷。何得判言一人得脫。南山依此意破。故判師亦犯重。非是引錯此

救大能自他兩業歷別各異不可相合故曰自業不合教他業也上來於盜戒犯相第六一分別釋四段已竟問前列六緣今何故不見解第五緣者何答此論離處含得第五與方便緣也若論與方便則不攝舉離處緣也又復戒疏弟唯立五緣無與方便緣故知前後緣攝得與方便緣也

上釋第四盜重物義竟從此已下正明第六舉離本處之義也言作盜心得吉等者立謂方便罪也言掘地得提者謂壞地罪也故戒本文云若比丘自手掘地教人掘者波逸提即其義也其第六緣雖云離處云犯義有不離亦名犯也故義解有十句分別

如律師疏判以重入輕等者景云此舉情有所爲而不依教如今若依教縱以迷謬無罪言非法用僧物者立云知事人用常住僧物媒嫁淨人供給媒具網維同判判竟結重書地作字等者謂作書字云是我地也案見論云若書地作名字初書一頭偷爾書兩頭夷若盜心唱言齊是我地田主聞已生疑恐失我田是比丘得爾若田主作決定失想得夷

地主生疑等者立云比丘唱是我地地主起疑爲是我地爲比丘地此時得爾若地主想作比丘地則得夷若來問僧答同皆重者謂地主聞唱云是僧地心生疑恐來問大衆衆咸同答是僧地隨同答僧人犯重違理判與者景云此明比丘曲判與人也言違理判得者景云此舉求人得違理判也

標一舉等者案見論云若比丘盜他田地乃至一髮大作決定盜心夷何以故地深無價故若此比丘來問衆僧今取此地僧答同者皆得重罪若有二標比丘舉一標得爾舉二標得夷若地有三標若舉一標吉舉二標爾舉三標夷若地有多標舉一標得吉乃至二標皆吉除後二標在舉一偷爾舉一夷若盜心以繩彈取他地初一繩置一頭爾若置兩頭夷言謂量地度者濟云如竹弓量地是也盜移弓進地恐此解非應是插標記地之量也

律云若壞色故者謂四分燒埋壞色皆重也盜他牛馬舉四足不成重者案祇律云若比丘盜心取此馬已欲向東方馬往趣南西北方未渡羅夷若

◆不見疑竟

欲盜向東去東者夷若本無定方隨風而去者馬舉四足夷若比丘盜乘馬馬主即不見其主逐之不作失想比丘不作得想未波羅夷

如空中吹物等者立謂有人於楮上曬衣物風吹上空中從比丘界上過比丘以杖撥取或口吹令墮計直結罪盜鳥曲弋等者如鷄鷹之屬他所養護或飛來入寺或飛從界上過或比丘道逢若盜心斷取故犯案見論若盜空中鳥手牽左翅過右翅尾至頭上下亦爾得重捉杖遮不隨所向闍也論又云有孔雀空中飛比丘當前立鳥舒翅而住比丘去舉手解亦吉若搖動闍若捉翅牽尾離頭處夷牽左翅過右翅夷上下亦爾立云若籠貯鳥子比丘盜鳥離籠即犯若本無心取籠離合籠將去未夷出鳥離籠方犯案祇云若盜船抵解時闍雖斷繩未離者闍雖離船未斷繩亦闍斷繩離處者重若出流水中解船離船即得重以惡心沉船若破船若放流去以壞失他物故祇云若盜船若順牽尾過頭處若倒牽頭過尾處過左邊至右邊皆重車亦爾也曲杙者立謂壁上衣

鈎龍牙杙等是也若作心盜衣衣離杙即犯合杙將去衣未離杙闍若本心盜衣及杙舉離壁夷如見論云謂盜壁上曲鈎中物離極重也盜車船中物亦爾本心盜物不盜車船雖乘車船去未舉中間物時闍結方便罪若舉物離船即夷濟云曲杙與鳥一事也如國家苑內養鳥皆安杙上也言斷流水注者自疏引祇云盜水者若以筒就孔飲滿者重若稍稍數數出者口口闍若器先塞盜心拔蓋時越注器中闍注斷滿者重若往未斷即起悔心畏犯重故以水倒本器中闍蘇油蜜亦爾雖繩斷未離繩皆闍若有漚灌流水或一宿直一錢乃至四五錢比丘若為佛僧自為盜心壞彼渠者越水流入田闍滿者夷蟻妬心壞棄水得越四分問云偷彼塘水得何罪答計功水滿得重四分他網畜生慈心解放皆應歸直不歸者重若壞具亦如是十伽云壞他獵網犯闍慈悲心壞吉鳥網壞獄亦如是見論又云比丘盜心解他被繫猪隨直多少結直若以慈心解無罪應還直若比丘慈心以先物准直繫着繩然後解放無罪餘鳥鹿等准

● 戒律部

此戒疏引五分壞殺具無犯不應爾十誦伽中壞網
慈心者吉維也。又解斷流與水注分爲兩句。斷流
汎物竹木等順流下。比丘盜心捉木木頭水流至木
尾卽夷故曰斷流。言水注如前解述。目合爲一句不
樂離分廣知本疏者指戒本疏也。案首疏引兒論云
若瞋心破壞燒他一切生治具吉維應還直不還得
重十云若盜他水中鳥及木若舉離水得夷若汎水
底闌祇云有比丘與他要言共盜和上。衣若得者當
半分其一人往取誤偷自己衣來便不與他半分。佛
言計直滿五犯夷。

必遙盜網終無有出者。宣云既位非初果抵債義難
性戒無機終須酬報。至如牛呵比丘但損一粟五百
世償今雖遇聖足猶是牛律明持犯犯雖開悔悔違
教罪業道豈得除耶。猶恐不肖者肖由似也。昔言不
肖卽不似也以小下作肉謂子不似父也。

上來多段不同總釋第二成犯相義竟。此下第三明
開不犯法如律顛狂心亂痛惱所纏也。律中具七法
名親厚者。濟云卽阿難與盧至長者爲親厚也。上釋

盜戒竟

殺人戒第三 前之二戒對治於貪此戒對防瞋毒
瞋能劫掠善財經云劫功德賊無過瞋恚是其義也
戒疏制意云所以不許加害者人趣報勝善因所招
形心俱是受道之器出家之士理應四等爲懷慈濟
物命今反內懷瞋忿斷彼相續違慈寧深故聖偏制
言殺人者斷報相續名之爲殺又云斷其命根名殺
故涅槃云衆生佛性住五陰中若壞五陰名爲殺生
若有殺生卽墮惡道色有三種過去現在則不可害
遮未來故名之爲殺夫衆生者名出入息斷出入息
故名殺生我等諸佛隨世俗說說名爲殺宗亦云息
風名生隔斷不續名爲殺生今詳涅槃爲闍王說風息
名生闍王俗人不達法相謂言息風名之爲生世尊
遂依隨轉理門作如是說若據實理羯邏藍等根本
未滿時息風不轉豈不名生若不名生殺應無罪故
婆沙二十六說羯邏藍等根未滿時息風不轉也故
今正解斷壞陰境以之爲殺卽婆沙百一十八云問
諸蘊之中何蘊可殺有說色蘊可爲刀杖觸故有人

中快論式文

說五蘊謂色蘊。壞餘之四蘊亦不轉故。如破瓶時乳等亦失。瓶喻色陰。乳喻四陰也。然薩婆多及大乘宗中一利。那中具足五蘊。若成實宗云。五陰相續中有衆生。若壞此相續故名殺生。此謂識想受行次第而生。由壞色蘊令識想等不相續。生名曰爲殺生也。問三世五蘊殺何世。蘊答依婆沙。雜心有兩釋。初解云。殺未來蘊。問未來未至云何可殺。答彼住現在。遮未來世諸蘊。和合說名爲殺。由遮諸蘊和合生緣。故得殺罪。即同涅槃。遮未來故名之爲殺。又有說者。殺現在未來蘊。問未來可爾。現在不住。設彼不殺亦自然滅。云何殺耶。答斷彼勢用。說名爲殺。先現在蘊雖不住而滅。然不能令後蘊不續。故今現在蘊不住而滅。則能令其後蘊不續。故於現在亦得殺罪。論文上雜心二說亦同人者。仁也。仁山忍也。謂人立志存育爲先。故云然也。濟云。快上接下名之爲人。謂年大者。附接少年。少年又承仰老宿。故曰扶上接下也。此曰接下。此曰快上。此名會意字也。所以人邊著二名爲仁者。相形可有忍義。一人獨住何所忍乎。昔有一人居仙山學忍。獨止。

中食經

無對謂忍行。成有人來問君學何法。答言學忍。重復相問。卽嘆繁重。罵言向道學忍。學忍戒是能治之行。殺是所防之境。能所通舉。故云殺戒。然殺非是戒防。殺殺是所防戒是能防。故云殺人戒。
注云。初識在胎。猶自凝滑者。心疏云。謂初託陰。心是凝滑不淨。卽男女赤白兩精相和是也。初識托之。故涅槃云。歌羅邏時是也。如五分云。入胎四十九日。名爲似人。過是已後乃名是人。卽五王經云。受胎一七日如薄酪。二七日如稠酪。三七日如凝酪。四七日如肉團。五七日五胞成就。六七日已去六情開張也。注乃至命終等者。此是後識。謂臨終時一念有煖氣。是後識也。戒疏云。所以言此二識者。爲遮惡比丘念也。若殺人者可得重罪。如胎中迦羅羅者。則非人。故不名犯。所以張網通取初後。若有胎人識所依止。隨有損害。無非極刑。卽如五分。若人似人意可見也。下文墮胎等相。身現相者。律云。現其身相。食令墮大坑中而死等也。戒疏云。或令畏怖墮溝壑。或示死相等也。立云現身。

相者現於異相。張目吐舌。樓層可畏。令人怖死。口讀死相者。律中名為口現相。謂嘆令取死也。立云見他發病。勸令取死。前人用語。死者是也。戒疏云。現死相者。或以言說。歎勸其死。或以大聲恐嚇令死者。即如世中有欺身者。或投火墜巖。或刀解繩縊。不識知教者。合掌唱善。或扶接登山。或為辦繩具。斯即教歎正符犯法身口俱現。即此流也。坑陷倚撥。乃至與藥等者。律云。審知彼人行道。必從此來。往當於道中。鑿深坑。著火。若刀。若毒。若刺。令墮中死也。戒疏云。知人遊行。必從此道。故設坑。穿墮死也。言倚撥者。律云。知其人必當倚撥此樹。若牆壁等。便於外著火。若刀。毒蛇。毒塗。刺機。撥使墮中死是也。應師云。發所曰。謂機發也。機主發之機也。律文作撥。補末反。廣正云。撥除也。亦棄也。撥非此義。立云。審知人倚某處。便施刀杖。依倚而死是也。如人張強是也。言安殺具者。有云。即世中行刑之所。比丘往看。施以繩索。令他死者是也。言與藥者。立謂今時僧尼墮胎。盡犯重也。二教他而殺者。彌云。殺時自看教前人運手也。與遣使殺有何異耶。

答教謂自看教前人運手是也。遣使殺者。比丘遣使往斷某甲命是也。言若教嘆者。立云。令張人嘆。王人令早死。能所俱重。有云。遣語彼人語。所殺者生。多衆罪。不如早死之詞也。教遣使者。立云。教張人遣王人殺趙人也。亦教前人為遣使往殺某甲也。有人將教字。屬上句。直言遣使殺者。指示某方所而往殺也。往來使者。立謂教王人往殺張人。王人受命往彼未殺。或殺不得。却來尋更遣去。如是往來命斷時。重未斷之前。隨使多少。往來一一。蘭言重使者。立云。前遣張人往殺。尋復遣王人往殺。乃至更遣李人去。如是百千人得。蘭不犯夷。唯前後能教及能殺此二人得重也。初人是能教。最後是所教也。彌云。本末犯重中間。但輕一非能教。二非所教。業自不作。故言展轉使者。立謂初謂教張人往殺。張人遣王人。王人又遣李人。李人又遣趙人。殺如是展轉百千人。皆重。由並是能教。故最後一人名所教也。雖最後一人運手斷命。通前百千同。皆一重。求男子教求男子等者。謂求男子為殺也。言教求男子者。律云。教人求是中誰知有如是人能用。

刀有方便久習學殺人法能斷某甲命也。遣書教遣書等者。律云書中令其取死也。勝生等教遣書亦如是。問遣書殺人何業所攝。答口業也。然成實論師身口意業皆能互造。乃引維心頌云自在者。私云國王口勅殺也。口語仙人意所嫌。故知口與意業成殺生也。薩婆多宗不許此義。云口語意嫌之時。前人未死。事未究竟。惡假護仙鬼神打殺一國及假使人打殺前人。成實師云。若爾師子吼殺獸。壯夫咄殺人。何有身業答以身力強吼咄方死。若爾深河誑淺。何有身業答。誑時未死。要假前人身入水中。亦是身業。若爾呪物過關。何有身業。答呪力故持也。若爾妄語現相。豈非身成。答假他口業。唱言坐起。故非身業。述曰此多連也。今詳諸師以護仙神身業殺故。遂判以爲仙人身業。若爾仙人便受他人殺生之罪。豈容他抑我受果耶。妄語現相以他口讚判非我口業。餘同上今應更釋薩婆多意。但遮意業不能殺生。不將他身判我身業。謂身業者必不待餘。即能斷命。今仙意憤乃假他身故知意業不能親殺。故假他身殺彼爲緣。發生仙

○補入成字
○補入成字

○補入成字

人身中無表以爲身業。深河誑淺亦假前人入水爲緣。發我身中身業無表。餘皆例之不同。大來經部成實皆許意憤親成殺生。不假身中別發無表。故唯識破小乘宗云。彈宅迦等空云。何由仙忿意罰成大罪。此復云何成。述曰真諦云。彈宅迦是王名也。彼時有仙未獲五通。先有妻室。顏貌端正。與世無雙。彼仙後時遂與五通山中神鬼。每使其妻營辦飲食。彈宅迦王入山遊戲。遇見仙妻。問是何人。傍臣答云。此是仙妻。王言仙人既已離欲。何用妻乎。即錄入宮。仙人食時望食不得。問其所在。有人答云。被王將去。仙人往至王邊索妻。王不肯還。云汝是仙何用畜妻。仙言我令供給飲食。再三不還。仙便生忿。於其夜中。遂雨沙石。王及國人悉皆死盡。此國俄頃遂成山林。如是等處空寂無人。既由仙忿。豈非意業成殺生事。薩婆多教云。護仙鬼神敬重仙人。知嫌爲殺。遂即破云。意罰成大罪。此復云何成。此意昔有聖者名郎波離。來至仙所。佛即問言。汝頗曾聞彈宅迦林皆空寂。不長者白。佛此仙憤。佛言長者故知三罰意罰爲大。謂由一念

殺一國人豈容身業有此大罪。既佛引此彈宅迦林爲成意。對汝薩婆多。何得執言護仙鬼神爲仙殺也。問大乘等。宗許意成。殺何故經中殺一生業道皆名。身答從多分判。多由身殺。非謂意業不能殺也。三性之中。能教犯重。餘如後篇等者。謂善惡無記爲三性也。明其前知作方便。使他已。縱後入善。無記心中。前人命斷時。即犯重也。首問云。如遣使受戒。要須使還方始得戒。遣人殺盜。何不例此者。答受戒時。要期思願滿足。爲義殺盜。損壞爲義。故不相並。言餘如後篇者。指下持犯篇中。明境想之義。此直陳殺相耳。不欲舒者。謂不欲舒展。強與他案。摩令伸致死也。比丘知星宿。曆陰陽等者。案多論云。若比丘善知星曆。陰陽。易解。國與衰。軍馬形勢。若以比丘語。故征統異國。所有殺害。兼得財寶。皆犯殺盜二波羅夷。若優婆塞。以王故同心共征異國。若破他國。有所傷殺。兼得財寶。雖手不作。以同心故。亦犯殺盜二戒。立云。此約五八之戒。優婆塞也。准善生經。受五戒時。具問遮難。問父母國王妻子奴僕。聽不者。若不聽。不得受。

金剛經作人

也以問王者。恐王後時。令征伐異國。破五戒。故受時問王後憶念也。

爲人作坑。畜死得闍者。立謂結人家方便罪也。非望畜邊得闍。正殺畜時。無罪。由本無心。故爲畜作坑。畜死如律者。律結提也。言人死得吉者。亦望畜家方便也。人命斷時。知有何過。由本無心。故若本慢心等者。就尅慢中。此是大漫也。尅漫有四。若大漫擬殺三趣。是也。小漫局殺一趣。不簡張王等。是也。大尅擬殺一趣。合張王等二人也。小尅唯局張人也。言隨境輕重者。謂人死得夷。非畜闍提。

因相從人。案手巾絹帛等者。立謂有比丘犯王法。多有餘比丘相從。往看名爲相從人也。膽子從此人。案手巾等也。

自殺得闍者。立謂結其方便也。准自殺亦合得重由命斷時。身既已死。別脫戒謝罪。無料處。從此已下。明不犯法也。

大妄語戒第四。就防毒論。此戒對治於痴初。明制意。戒疏云。然無漏聖道。非凡所證。由未得。故冒假。

虛談自言已證惑亂群心欺誑於世希招名利以自擁已。瞋法因時過中之甚故須極制。次釋名者。過重欺深名之爲大。又云對九十初小妄稱爲大體。非實錄名之爲妄。成業在言名之爲語。能治之行名戒。戒是能防。妄是所防。能所通舉。故曰大妄語戒也。具緣九者。如文闕緣者。心疏云。若闕初緣。容有三闕。亦可單。又二闕。廣各十九也。闕第二緣。六闕。想疑各三。故也。闕第三緣。境虛。今爲實者。全無罪。容犯提如下。九十中實得道戒說也。云云。闕第四緣。即增上慢。無罪。闕第五緣。有誑心。今戲。故吉闕第六緣。說過人法。今說人法。如多論云。自言持戒清淨。姪欲不起。不誦四含毗尼。不坐禪。非練。若而言我誦我是者。並闕第七緣。自言已證。或有功德。讚歎三寶。或得吉羅。或我師是。故或得偷蘭虛說他。得以謀名利。邪命活。故闕第八緣。言不了輕。闕第九緣。前人不聞。或聞不了。但隨罪也。

若現身相者。立謂衆僧盡坐。有人唱言。得羅漢者起。比丘自知是凡而立者。前人若信得。夷疑者。得漏宜。

作四句。一我疑他究竟。二他疑我究竟。三自他俱疑。四自他究竟。初言自疑者。有人唱言。得羅漢者起。比丘即起。現得相。竟即自懷疑。疑前人爲信。我得爲不信。也。此則犯闕罪。住方便也。言他究竟者。前人見起決心。謂是羅漢也。此上一句結。方便偷闕。二他疑自究竟。如言得羅漢者。東行比丘即東行。前人生疑。此比丘爲得。爲不得也。其比丘自心謂前人信。我得羅漢。故曰自究竟。此句亦闕。三自他俱疑。如言得羅漢著衣。比丘即著衣。前人生疑。此比丘爲得。爲不得。比丘自又疑前人爲信。爲不信也。此句亦闕。四自他俱究竟。如云得羅漢者。南行比丘即南行。前人信得羅漢也。比丘又謂前人信。我是羅漢。此句結夷。

此不淨等是小法等者。立謂此問意云。此法是外凡五停心觀。謂貪欲多者。作不淨觀。瞋恚多者。作慈悲觀。乃至覺觀多者。作數息觀等。此既淺近小法。說已所得。何故犯重耶。答是甘露初門者。得理資心和神適志。義同甘露。理通神解。說之爲門。言一切聖人由之而入者。要從初不淨觀中入道。以漸修也。五停心。

觀不淨最初名為淺近

欲向此說乃向彼說一切重者立謂本欲向張人說王人來替處說時還夷以張王雖殊同是人故已下明不犯法也

中會本經卷
中二之一

僧殘篇

立謂此篇從懺時境體得名由犯此罪從僧乞懺僧是能懺之境殘是所犯之體故曰僧殘若欲豎義如戒疏述今聊出三門一曰遮性就十三中媒及二房是其遮戒餘之十戒體是不善故是性戒二曰持犯者謂二房中具二持犯以中合止作二持犯也餘十一戒止持作犯亦可止持作犯通十三戒三曰僧尼同異者媒嫁二謗四諫此七戒僧尼同犯然而四諫得罪難齊各違當衆如謀謗三戒境罪俱等有六戒僧尼不同漏失僧重尼輕所以爾者多云女人煩惱深重難拘難制若制與重罪則是苦惱衆生又女人多在私屏多緣多力苦乃盈流故輕男子不爾隨事能出故重摩觸一戒尼重僧輕所以然者尼則煩惑情重既受摩觸必爲陵逼容成大過方便之內制

尼與重名丈夫摩捉必無陵逼不假深防就限分故制輕也又女人貪觸情重律有背夫從觸之相如彼賢愚試之以戲女住男去情有善故也二房亦爾僧重尼輕僧是多利孤遊造房事數故重尼則反前故輕立云今此釋相且約僧十三而明尼有十七今僧十三中七戒與尼同犯餘之十戒下尼衆別行中自明

一令正法久住者疏云然姪欲惡法正是生死之源障道根本理宜制斷令梵行清淨故也以犯此戒何能維持佛法故速滅正法今由制故正法久住故二止誹謗者多論第三云世人外道常言沙門釋子作不淨行與俗無異也三欲生天龍善神信心者多論云若作此事雖復私屏天龍善神一切見之也

注云內色謂受色者律云謂心領納名之爲受受相應色名爲受色即是人身有識持者是也立云此約有心識能受其色即一切有情之類也二外不受色者謂非情色也即一切外物無情之類如衣物竹木等約爲漏失境也此非情物不能受色也三內外色

者謂兩色中間也一邊是有情色一邊是無情色於此二色中間出精也准五分云內色是於已身外色是他身也風中同水法者下至口吹亦得是風也注云乃至餘境者據律且約六境而言准義一切萬境皆得爲犯境也放下持犯篇云如漏失戒觸緣斯犯何須境想又云漏失同然境仍是寬

若亂意眠有五過者一者惡夢案見論十二云夢有四種一四大不和故夢如見山崩地動飛騰虛空虎狼賊逐等也二先見故夢如晝日見青黃赤白男女夜則夢見三天人與故夢或有善惡天子爲現善惡兩夢也四想心故夢此人前身爲福則有善夢誦經禮佛等若爲惡者則見殺盜等前二不實經云如夢幻等是也後二爲實經云但取夢相如方等佛名所說也實云有人引見論四夢於此義中全成無用二諸天不護者立云國王一人有多人護貧窮人雖有衆多無一人護若一人持戒衆多天護若破戒者雖復衆多無一天護五喜出精者律中精有七種謂青黃等以故出時還有七種心謂擬出青黃等也一種

心持入第二
二字

精上既有七心七七便成四十九心象一漫心成五十心於前內色外色等六境上一境有五十心六境是三百心也律中出精時有十一法於一一法上有三百合成三千三百句皆犯殘也下明不犯法

摩觸女人戒第二身相捫摸曰摩二境交對曰觸女者簡異於男人者甄別餘趣故曰摩觸女人戒今日制此戒作伴有依怙等者以出家僧尼善法爲伴也准理其餘諸戒豈不作伴其實亦得作伴也言依怙者依由仗也怙者恃也此是諍競根本者謂比丘觸他婦時夫主聞之特生不忍必與比丘而生諍競也不但謂捉而已謂作大惡者謂俗人見觸女時謂言比丘亦作姪欲故曰也

言相觸有三種者一比丘往觸女人二女來觸比丘三互來相對亦名俱設三段不同今即是初不問受樂不受樂皆殘者立謂此約比丘受樂不受樂也對此作句應有九百七十一句如別記說女來觸比丘不必有姪心者立謂約女人不必有姪心也此律文不了者立謂四分中唯明動心吉羅不明動身犯罪

之相今准十誦動身則殘若先有染心於前女後女來觸等者立明前後雖殊而女是同故犯殘也此中有二女耳深云唯只一女謂比丘先起染心於此女此女後時即來觸比丘即犯蘭動則殘此非別有女還是前女也計理深解義長所以然者若無染心於前女前女來觸比丘不動身受樂但吉只爲先有染心故便受樂則蘭

此又律文不了者立謂四分但言觸二形蘭則不明意在男邊也今准十誦意在男者蘭意在女者殘以二形佩男女二根故使觸時心緣男女二處也

覺境不覺境應作四句者立云一覺觸不覺殘二不

覺蘭三不覺觸不覺吉四覺殘初句所犯殘者文云

一身分故但是觸爪髮亦犯亦犯身根互壞相觸

者檢十誦云若女人身根壞比丘摩觸得蘭若比丘

身根壞摩觸女人得蘭謂男根女根俱壞也

觸不能女男身得蘭者立云石女及不男也檢十誦

云若摩觸不能女人身得蘭若比丘不能男摩觸女

人身得蘭祇意謂男子黃門而是女人犯殘謂前有

方便等者立謂本心擬觸女人然前境實是女但往

觸之時中途轉想謂是男子或謂黃門而境實是女

觸著之時犯殘以稱本期故又緣具故依檢祇云謂

是黃門而是女人觸者殘又云謂是男子而是女人

觸者殘今詳鈔解錯也何言謂前有方便心後稱本

境此解定非今詳乃是祇文於戒上不開想疑故犯

殘耳非開取前方便是女人雖作黃門男子想觸者

亦殘相觸得五罪謂夷殘等者案見論云五罪者一

者尼摩觸夷二者僧觸得殘三者比丘以身觸女人

衣得蘭四者比丘以衣觸女人衣得吉五者比丘指

拈他比丘得提下明不犯法

非不犯餘罪者謂犯不應吉羅也

水不流斷於女人有生姪心者約比丘有姪心向女

也

若乞食時有端政女人持食來者案分別功德論云

有練若比丘乞食逢一長者女從女乞食比丘與女

二俱端正互起染心比丘受食欲心既盛意動手掉

投飯於鉢錯注於地女自恠起咲比丘見女面白即

自覺悟曰。女人口中。純是骨耳。如佛語。人身中有三百二十骨。六百節。七十萬脉。九十萬毛。孔一孔入九孔。出泄漏不淨。無一可食。諦觀女身三十六物。慘然毛豎。專自思惟。卽解身空。得須陀洹道。念曰。我因女見法。則是我善知識。今當報恩。爲女說。向所解觀身法。女卽心開。亦得初果。以此言之。身念爲勝。

十誦。四分開處。猶多者。案十誦文。有諸女人。向阿脂羅河洗浴。河水卒長。諸女被溺。諸比丘見。不敢救。女言。大德救捉我來。比丘言。佛制不得捉女人。女人又言。大德慈悲。憐愍我。何處沙門釋子。見爲水深而不救。捉諸比丘。以是白佛。佛言。應救捉諸比丘。便捉姪。欲心起。還放諸女。言莫放。須待到岸。以是白佛。佛言。雖有姪心起。但從一處莫放。到岸不應放觸。

與女麤語戒第三。先釋名。姪欲鄙惡極爲不善。故名爲麤。今說其狀。表彰在口。曰語女。則簡男子。人頸非畜。此戒兩重境界。一約人。女人女想。疑二約麤語。麤語想。疑也。比丘性好麤語者。立云。由性好故。雖對女麤語。不得殘。唯犯蘭也。律中。人女者。要有所了知。

者。今引此言。明異前摩觸之境。前則境通死活昏睡孩童。俱犯此。則唯是活女。情有智能解姪欲意。故此戒女。異前戒女也。麤語。非梵行也。者。案四分律中言。麤語者。惡說大小便道。得殘若說餘處好惡者。得蘭也。消蘇著赤衣形露者。案四分調部中云。時有比丘。往白衣家有女人。消蘇形露。比丘見已。語言。汝消蘇。彼言。大德。爾我消蘇。比丘嘿然。生疑。佛言。說不了了。蘭復有乞食。比丘往白衣家。時著赤色衣。女人形露。比丘見已。語言。汝亦衣。彼答言。我著赤衣。比丘嘿然。生疑。佛言。說不了了。故蘭。賓云。比丘意欲名彼女。形爲消蘇。爲赤衣。然不了了。故蘭。彼了知卽殘也。此赤衣事。與前消蘇事別。是兩女人也。立云。其必向若知比丘此言。是調搆者。殘由不知。是調搆故。蘭僧祇云。比丘見女人新染衣。形著露者。有比丘乞食。至一女人。著新染色衣。坐正形體。露比丘見已。欲心起。卽語言。姉妹太赤。答言。阿闍梨。此新染衣。是比丘生疑。問佛。佛問何心。答欲心。佛遣一比丘問彼女人。解不比丘卽問上事。女卽具答。比丘後還白佛。佛言。解義不

解味蘭解者不解義蘭義味俱解殘不解越毗尼言義味者首疏云味者是語義者是理也出語表事周圓曰味也理是語下所表之旨故曰也義味俱解殘互解蘭俱不解越若准五分具有彼此互向蘭語者立謂比丘向女說蘭語犯殘可知比丘受女蘭語亦結殘也謂女於比丘前蘭語染心相領亦同犯也依檢五分不見此文恐鈔者錯指耳案十誦云比丘在女前發歎三瘡門形色端正不大不小及毀些三瘡門隨意作如是事皆殘若女人在比丘前讚嘆三瘡門形色端正及毀些三瘡門形色不好乃至比丘前乞三瘡門中隨意作者我隨汝意與是中比丘隨順其心少多語出一一語皆犯下嘆身戒亦同者謂比丘於女前嘆身索欲犯殘若女來比丘前自嘆身等亦殘也又戒疏解云下嘆身戒同者同此蘭語戒女必命根不斷有解解姪欲語者也不同上觸身戒女通於死活昏睡等下明不犯法也

歎身戒第四 制意者良以惑染深厚展轉相纏自歎已身意規姪欲出家離染爾所不應水內火然特

乖宜望招讓納醜故制僧殘釋名者言多巧伏美已之善意專在欲言現清淨潔逸其情妄謂歡適招誘令施因說情懷故言也

媒人戒第五 此戒亦兩重境想謂人女人女想及媒嫁嫁嫁想疑等也媒者謀也合嬌兩情以成昏禮計度二姓用為好合故曰也首疏問一時多媒嫁多男女得幾罪答准祇文多少不定若各別受男家語得多吉雖各各別向女家說得多蘭集多家一時報得一殘若一時多受男家語有一吉別求者得多蘭一時通報一殘若各各別受別說別報多吉多蘭多殘若一時受說一時報一吉一蘭一殘除二道已者立謂大小便二道也媒餘處身分口等但得蘭也又云媒口亦合犯殘然今但舉二處者略也應合言除三道已然無有媒口之事故不明也詳不能男女者謂黃門石女也白二差人媒一切僧殘者立謂四分調部中諸比丘白二媒嫁也若僧同和一一僧各犯殘若僧物供給媒具犯盜重也今時雖不作羯磨以衆同和亦合殘也若指復為媒者案十誦文云若

今按

女人一懷妊女一懷妊男比丘媒合得蘭立云見他有胎定知生子許後爲媒也賓云以其事奢故結方便蘭也言及自媒者謂比丘自問女家欲求爲婦也以語書指印等者此中參互作得四萬四千八百句初純語作四句一自受男家語自持語往女家自持語報男家二自受男家語自持語往女家遣使持語報男家三自受男家語遣使持語往女家自持語報男家四自受男家語遣使持語往女家遣使持語報男家第二段將書帖作四句一自受男家語自持語往女家自持語報男家二自受男家語自持語往女家遣使持語報男家三自受男家語遣使持語往女家自持語報男家四自受男家語遣使持語往女家持書報男家如是已後乃至指印現相來帖一事已上有四句四四成十六一事中既有十六成四个十六句合成六十四句又三事相帖作句亦有四段一段中有三事第一段四句者一自受男家語自往問女家自性報男家三句中俱安自持語二自受男家語自持語往女家自持語報男家三自受男家指印

今現於作體

今攝入後題

自持指印往女家自持指印報男家且除現相如是已後若與現相則除指印等四迴作一句中如前自爲遣使句中當分自有四句於三事中有四句三十四成十二句一段既有十二四段則成四十八并前六十四合成一百一十二句也乃至歸婦私通黃門三道男子畜生等三趣各作句如上女中又有二十種女謂父護母護等合成四萬四千八百句也其鈔文不出現相但有二事耳指印者昔解以指節爲印也賓云不然乃是將手指上文橫豎有異善惡吉凶皆有表彰若示橫文凶豎文吉文表所求尅不尅等則知女家許不許也言現相者先與男家期契若見我來著弊衣持空鉢卽知不許婚事不成等見我著好衣持滿鉢則是所求和合之相也僧祇勸歸婦早還等者首疏引僧祇云若主人畜多婦妄不均關諍一婦私求比丘卽爲和平若夫婦關諍不便勸和合皆蘭若婦女還家比丘到舍使勸早還者蘭畏他夫噯不得合會故也下明不犯法也

四分律鈔批卷第八本

四分律鈔批卷第八末

無主房戒第六 初明制意出家之士理無滯着隨事將擬卽堪修道有信施量時而受縱有經營安身便罷今乃廣作煩勞不少是以聖制次釋名者身獨運造故曰無主專任在已故曰僧不處分大非法限故稱過量故曰無主僧不處分過量房戒過起廣野中諸比丘由造私房乞求無度俗生厭弊濫及賢良是以迦葉後時人村乞食居士逐叛謂乞人來處從我曹乞索財物迦葉惟問方曉其源還白世尊即便出界到耆非人復來白佛由伐神樹傷損神子佛復但舉非人來白不言迦葉以護人心故也

長己貪結者立云既多乞求遂乖少欲知足之道貪煩惱故曰長貪結也檀越施雖無厭而受者應知之也律緣起中佛叙昔從鳥乞毛事云云准祇第六云暮鳥集時比丘言汝釋軍多鳥各乞一毛我今須用衆鳥少時無聲寂然不得已各拔一毛著地晨朝復乞時衆鳥即便移去異處一宿不樂彼尋復來還比

丘復乞一一復與衆鳥念言今此沙門奇異喜乞恐我不久毛衣都盡段肉在地不能復飛當如之何便共議言我等當去不復宜還惱亂人非人者多事乞壞俗深信故曰惱人斬伐樹木壞鬼神樹天傷彼命惱非人也單就伐樹邊立惱亂三趣也斫此神樹傷害神兒惱非人趣也世人藉此樹覆蔭涼樂律明此樹下容五百乘車世人經過用爲止息此人趣也一切虫鳥依之爲舍此惱傍生趣也或自損行違慈道者專事造房廢修出業名自損行也貧云或自損者據難處也容有師子虎狼食噉比丘也平治土地殺傷虫蟻是曰違慈道也上釋五過義竟

已下正明其緣六緣成犯第四過量不處分想者首問曰處分羯磨防妨難不答不防若爾說淨應不防長解此中若有防難本不聽處分要無方聽是以處分不防難說淨是懸防過限是以說淨得防長正由處分不防難故處分竟猶得難生說淨正防長故說淨竟必無長過是以不並此戒四重境想一無主二不處分三無妨四無難

多論終作

多論末後二搏泥未竟輕偷蘭者立明表事未成故不結根本也必決心罷雖搏泥在者同下善見亦殘案僧祇文團泥者謂用團泥覆屋非謂泥壁知之也若自身受用古者立明自作犯殘後若受用又得吉也

平治如鼓面乃至長六搏手廣四搏不須乞處分者立謂此善見文其量小於四分也

僧祇佛搏手長二尺四寸者心疏云此僧祇律翻在宋朝正當元魏之代所用一尺當於宋家尺二開傳佛教從北自南則有魏尺當於佛祇謂則將佛祇所依於魏尺也以五分二尺則爲定者此律翻在東晉于時道生智嚴並是名士既明曆緯又善方言所以通於東西定於尺秤誠有由矣南尺本是姬周所用從秦漢魏並無改張晉氏南遷斯法永定元魏撥亂文籍焚除無所依准故隋世立用古尺二今觀魏一尺即唐雜令還如此

凡人一肘半者立云長尺八九寸由翻經有南北二國者立謂江寧卽南朝也洛陽卽北朝故曰二國也

南朝三藏翻譯多明小尺卽姬周尺也北朝三藏所翻譯多明大尺卽魏尺也今唐之尺尺有二寸卽是魏尺也各相矛盾者謂言義相違反也卽上律論所明搏手不定論中自矛盾律中亦矛盾以論望律復有矛盾也如善見佛搏手長人三搏手了論則二尺四寸多論凡人一肘半此並論有矛盾也五分佛搏手長二尺僧祇二尺四寸此是律矛盾也今通計會用五分二尺爲元然用尺雖諸家不同約取姬周爲定姬是姓也周是國號有兩種故標姓以簡之斯時用尺同今南吳小尺也姬升者卽今小斗也三升當今唐家一升也姬秤者今藥稱是也三兩爲唐兩一兩可知矛盾義韓子云楚人有鬻矛盾者譽其矛曰此矛極利物無不陷復譽其盾曰此盾極堅物莫能陷人謂之曰以子之矛陷子之盾何如義不能答也鬻者賀也案說文云矛長二丈建於兵車也盾可識耳故隋煬帝者此是揚廣也死後立諡應師云江東呼火熾猛爲楊說文云楊慘也炙也案楊向火也謂向火而炙物也廣正云楊熱也立云今言煬帝者以隋

時多旱故作此名也。又解隋後主無道多擅造醢毒百姓。決金溝鑿新河。征遼東。幸楊都。致大業末年天下喪亂。物無安堵。熱惱人心。因茲失位。故諡曰煬帝。諡者桂花珠叢云。音示謂行去迹也。大夫以上死後以其生時行迹爲號。謂諡也。要後立斯名也。帝王及三公得立諡。自餘凡庶不合也。若如隱士賢人亦得立之。如郭林宗死後立諡爲靜節先生。如陶隱居即陶弘景也死後立諡爲貞白先生。卽如世人生子三歲爲立名。年二十曰弱冠爲立字。以表其德也。欲明煬帝博通經史。廣許尺秤制。用斗秤尺等。還准姬周古法尺秤斗也。望前從周秦漢魏並用斯尺秤。至元魏撥亂文籍被焚。無可依准。至隋陽廣始立。還用斯尺。唐朝御宇。任世兩用者立。謂字者訓覆也。任由當也。明今唐家用大小二尺。用爲准則不局大秤也。南吳小尺斗卽世盛行。藥家小秤至今不改。又復今國家漏刻等量其尺度。皆存小尺。乃應於律曆。且如今時取針灸之穴。量其分寸。若用大尺。全不相當。准論以言者。有人云多論也。此爲率者。齊云率由則也。如輕重儀

記云云

既不達道俗二制者。俗制則是唐尺。道制則是姬周尺也。所以姬尺曰道制者。謂律中操手斗量以依古法故也。

文軌無二。言立云。文者文書典籍軌者法式軌則也。及論用尺五種不同者。立謂一是唐尺。當姬周尺二寸也。二姬周尺。今江東盛用也。三是洛州尺。長唐尺二寸。如姬周尺四者。山東羅歌尺。長唐尺四寸。此據大尺爲言。若論姬周尺。當尺六寸已上。五是南吳所用小姬周尺。寸也然戒疏中但有四種尺。今訪南吳無有小姬周之尺也。今詳上解。並是夢傳。現今所行有三種尺。○二唐尺。三羅歌尺。鈔中五字。應是錯耳。合作三也。衡量無事不平者。案衡者平也。謂秤上橫木也。量者卽斗尺之量也。閭浮並用豈直姬周者。如上言百王不易卽其義也。尺秤依古彌彰。上言者立謂據此鉢量云。三斗者可得依大斗。若依大斗上品之鉢。則有三斗。則小斗一石已下。豈有此鉢也。明其所用約姬周小斗。斗既如此。尺秤准知須依古音姬

屬其義符合故言彌彰也六尺爲步者豈論大尺明
依小尺是也忽絲爲先者此明度之所起也第經云
度始起於忽也登口初出名忽十忽爲一絲十絲爲
一毫十毫曰釐十釐曰分十分曰寸十寸曰尺十尺
曰丈十丈曰引四十尺曰匹五十尺曰端也

及以關輔者卽關內京師也關有多別京師正東華
州界有障關東北蒲州有蒲津關傍黃河上至龍門
有龍門關更傍河上至綏州有永和關傍河上至銀
州有孟門關至勝州界有合河關已上在西北至注
京師北州渭州中間有隴山關更北出有水碓關入蘭州界
有金城關傍河東上至會州有會寧關更河西上
至河州有鳳林關正西過岐州至龍州有大振關又
有安夷關西南向益州道至岐州南有散關至鳳州
有甘亭關至利州界有百牢關西南向梁州也州道
有駱谷關帶南向壁州開州有子牛關此在終南山
子午各中正南向余州房州道有義谷關東南向涇州至藍田
縣界有藍田關輔者助也有三輔如前序廣釋之也
反光九代者自漢至唐正有九代其間諸師不能通

多疑名
校對作統

明此之尺秤余皆定此分量望前九代明白可知也
以其上來所明尺量律論矛盾言義相乖不可以情
通不可以博解古來執諍連代不消今我冠通非反
光何謂也

明內爲言者謂其房量從房內量取也齊云戶限之
內名爲明內戶限之外名爲明外謂明暗之明也邊
壁高一丈二尺者此謂高下若斯也草車者唧舉今
時載草車也

尸陀林者正言尸多婆那此名寒林其林幽遂而寒
因以名也在王舍城側死人送其中今總指奔屍之
處多尸陀取彼名也王誌護處者立謂如今國家苑
園陵處是也四周不通十二桄梯者有十二桄一桄
間牽一肘一肘尺九寸通計十二桄有二丈二尺八
寸地也明其房處四邊逼他田園等中間若容此十
二桄梯迴轉通車馬過則名無妨也若南面逼水不
通此車梯或北邊逼山東西逼官園墓樹不容車梯
迴轉皆名妨處此據善見文如上明也若淮下十誦
四邊但一尋卽名無妨謂七尺也量謂部別不同

欲於中住必須隔斷者立明。若依巖穴等處住其中。若寬闊料理費功。故使隔作齊域。又須僧羯磨處分聽許。

不得羯磨四人往彼等者。立明羯磨不得被四人也。一番但齊三人令往彼處分也。有四種人。一越年等者。依檢祇文云。若比丘將諸比丘指授房處。若他界僧不名指授一也。若先年豫指授二也。若僧中一人不作房。乃至二三人不作餘並作房者。亦不名指授三也。若妨難處是處不名指授_也。此文意明不得異界僧來為指授羯磨處分。又不得越年指授。又不得指授妨難處等言。一越年者。濟云。古人相承。謬解云。年八十已上老僧名為越年也。此人既老不堪為他指授也。今不同此解。謂去年乞法。今年始造。故不成也。和上云。乞法經年。方始作也。謂從僧乞處分經年不造也。首疏云。若沙彌時乞處分。已至大比丘竟。方作房。此人更不須乞位。雖不同委僧。已足人復不異。故不須也。又云。人雖不異。具不具別僧。或安處不同。故須更乞。二異界僧者。如前祇解三作私房多者立。

冬八字疑刪

謂造處不同。故須乞。二異界僧者。私房人界內極多。不得為他處分也。實云。且如一界有百人八十人已作私房。餘二十人人更不得作。眾僧不得與羯磨法。四妨難二處者。妨難二處不合處分造也。

薩婆多云。處分得作餘處不得者。首問曰。此處分法。為與人相應。為與處相應。答界與指授此羯磨法。與處相應。不與人相應。何以故。論云。處分處得作餘處不得。故問既處分法與處相應。餘人就上不得作房者。結界竟與處相應。餘人亦應不得作一切羯磨。答結界時無人乞復不稱人名。法無所局。故此僧結界。餘僧得作處分羯磨。前人乞授此處。作僧妨復稱人名。與作羯磨法別有所屬。餘人不得作。故婆論云。若人就此房上作重房。房主聽得作無不處分。罪以就他私房上作屋。非地故。

若互過減僧殘等者。立云。律有九句不同。長衣三三。分之初三句者。一長中過廣中過房_疑。二長中過廣中_疑。如房疑三長中過廣中減房疑_疑。衣提_疑。准多論衣吉次三句者。一長中如廣中過房疑_疑。二長中如廣中如_疑。犯衣_疑。

提三長中如廣中減犯並不後三句者一長中減廣中

過房犯次二長中減廣中如犯並不二長中減廣中減

並不謂房是過量中制衣就如量中制故不同也若

段段計人分滿過量亦犯者立明其房既大雖多人

共造若計人多少人人外猶長者成房人得殘

答此房爲造作故犯者立明房是自造惱亂處深故

但互過卽結殘罪長衣體非自造但由貪畜過相是

輕俱過方犯

若教他作受教者過量犯者立明此言雙科二人之

罪語中該含謂能教所教俱犯但犯有輕重未卽出

罪體下乃解云若是房主殘巧師得蘭巧師卽屬所

教也戒疏云教他作房亦同犯罪爲他造非法故律

中但言受教者犯不出罪名所以不定者若作過者

是房主則重巧師則輕故也彌云若教他作受教者

犯者爲欲一言通結二故直言犯也若言犯殘則不

攝巧師之蘭若言犯蘭則不攝房主之殘故直總言

犯已下明不犯法也

爲僧多人不犯者景云此爲僧多非別人多也心疏

云多人住者以擬多人住故非多人共造也

有主房戒第七 此戒三重境想由有主故無過量

罪問前後皆房所以分二戒者答同少多故不可合

也何者一有主無主異二有量無量異三羯磨法中

相番是異有斯三別故所以分爲二戒也

僧不許賣得罪者既是私房他欲行遠行或時已隨

彼分處或賣或與人僧若不許其賣僧卽得罪若行

已前不處分死後方屬僧耳

犯下明不犯法

無根罪謗戒第八 此下六戒僧尼同犯先明制意

者夫出家同住和合爲先迭相衛護許不相惱今乃

懷瞋損壞構重事誣人自壞心行增長生死以滅正法

又復塵盆良善頓在衆外惱他一生廢修正業欺罔

事深特須聖制內無三實名曰無根假說四夷名爲

重妄構加誣稱之曰謗無根謗非是戒但是戒家所

防戒是能防謗是所防能所通舉故曰也緣中查婆

比丘十誦名陀驪十四出家十六證羅漢分臥具時

不須燈燭其人左手小指出大光右手持與僧指臥

具處五分第三云卽入火光三昧左手出光右手示

臥具處時有遠方聞有是德皆作是念我當往彼問訊世尊并見陀羅及現神力見論云入火光三昧者此是第四禪定禪定起已放右手第二指以爲光明須臾名聞滿閻浮地諸比丘從遠方欲齊神力齊婆自隨一比丘爲安止住處其餘比丘安止住處悉是化身如眞身無異多論問曰佛法道理罪當發露功德覆藏何故放光自顯已德答顯德有二一爲利養名聞故二爲佛法衆生故若爲佛法衆生隨時自在無所障礙但齊婆手出光者婆論云有八因緣手出火光一爲止誹謗顯已無愛悲怖如佛爲婆羅門女誘智論云旃遮婆羅門女緊木孟作腹誘佛共我私通故有娠身音佛報言我有十力四無所畏等豈有此事耶舍利弗神力爲鼠嚙十力可亦是顯德耶二息學問坐禪比丘見營俗事者意生輕毀手出火光滅相輕毀勝負心故三爲折伏山林比丘高慢心故常謂城傍比丘恒在亂心是故齊婆雖在事亂神力放出光別僧臥具伏彼高慢心也四爲現精進果報以勵懈怠者故五爲增長施主善根故六爲現被誘

心不退故七欲現僧有大威德故分臥具者神力乃爾況復諸余大德寧不高勝八爲愛惜正業今不廢缺常在定心兼知臥具僧和得辦故四分云其人爲僧知事常入火光三昧一手放光一手指授臥具時有五百客比丘來至夜齊婆各各一時遍照五百一時授臥具云云

爲護自行令法久住者立謂誘他自犯僧殘名壞自行也行既壞不能秉法被時使千歲不墜阿任持之益今則反此故曰令法久住也令梵行者安樂修道者內實無犯外被加誣惱亂賢良廢修道業今制此戒則得靜緣修道也

以誘假虛成者立謂誘假虛爲體則不名誘故誘時藉妄成無別結妄罪今鈔主義通云必有誑僧之心亦兼妄罪如殺父羅漢等者以父修道證得羅漢今若殺之違恩養爲一逆損世福田邊一逆案五分十六云優延王有一夫人王放出家得阿那含生梵天上飛來空中勸王出家即釋王位付太子已出家學道在城左右止林樹下太子見父恒恐還奪時王比丘

金剛經

未曾見佛欲往禮敬念已便行遂忘坐具須臾還取
子見王還恐其將勅人速殺凡是沙門亦盡殺之使
受王命比丘言我出家所求未有所獲汝小寬我使
者聽之即熱思惟得須陀洹如是四返得四沙門果
便語使者汝可隨意還語汝王我不貪位行忘坐具
所以暫還汝為殺我便是殺父殺阿羅漢念汝長夜
受大苦耳言已就死使還白王知王聞此語血從口
出生身入大地獄時瓶沙王與其隣國先聞其教盡
殺沙門恐入已界勅人守護諸伽藍門今別此義明
謗時兼有妄罪也勸云善見無別提罪者難曰如我
為欲損主假殺畜生不應損主得重害命得提答謗
定假虛無有謗而非虛者是故一罪盜則不定自有
損主不假殺生盜布絹是也自有損主又假畜生即
如殺他畜生是也非一向相假損主害命二境別故
得二罪謗則不爾要假虛成唯有一罪此勸律師意
也梵云應作兩合四句相對辨之一是損主非殺畜
盜錢絹是二是殺畜非損主殺野畜是三是損主是
殺畜盜殺猪羊是四俱非取無主物是將謗對辨四

金剛經

金剛經

句者一是妄非謗違想者是二是謗非妄理無三是
謗是妄即相假者是四俱非清淨比丘也即闕一句
故與盜非類

除下三衆二者謂此二字上句明其下三衆只
是二部攝耳心疏問所以謗下三衆輕者解云謗惱
情微不廢修行又所犯名輕能謗非重如打奪上二
則重下三便輕若爾何故隨舉中沙彌與大僧齊者
答莫非違衆是同所以大小齊結若爾違衆是一故
同犯隨者僧尼互隨亦齊約衆罪分輕重尼隨順被
夷份隨但者答尼隨有教可傍故夷僧則反前故吉
又問何故何故謗尼同大僧打尼同小學者答打
據位卑謗約修行不同除律打謗同罪言想心謂淨
不妨實不淨者立云所謗之人雖實不淨但能謗之
人而作淨想謗則得殘不問境之淨穢但使作淨想
謗則犯也准戒疏中諸釋不同初云雖是比丘要須
體淨如戒本中非波羅夷比丘以無根謗等故也又
如驅他出聚出房淨者犯故若爾何故律文彼人不
淨淨謗者犯殘者答云此謂犯下四篇耳若爾何故

打犯重墮者。答相惱約位。謗就治罰。故清濁須別。又一解云。謗不淨者。亦犯夫論衆法。但取見聞。故違見淨。說他言犯。自惱惱他。故清濁同。罪不可如緣如初。戒緣豈有尼也。戒本言。非波羅夷比丘等者。據緣起說。亦句就於謗者情。想淨者何由加謗。故律云。彼人不淨。淨不見彼犯謗。故成殘如犯重打提之相也。上來解者。相從出之。然不如律遮法中云。若遮無根。無餘作者。不成遮治。其謗罪無餘者是。重作者。是曾犯何得復言。有人問曰。若使所謗實不淨。能謗作淨解。向他道不淨得殘者。我前境實非。人心中作人想。隨想行殺。應得夷罪。若所殺實非。人我亦所謗實不淨。心中作淨解。亦心中作人解。若使淨想說不淨。便得殘者。亦應人想殺非人。同得夷耶。若言謗他是惡望心。故結罪殺人心極惡。何爲非大重。此既是齊何故不淨淨想。謗殘非人。人想殺有輕重。謗殺二想。境心俱違。有何義理。因果不等。答謗就心虛爲義殺。惟心境俱實故也。若遮無根。無餘作不成等者。立謂遮是舉義也。無餘是犯重已衆法絕分名。無餘明其

雖犯無餘之罪。而舉者未委三根不成舉也。須治其謗罪。此義出遮攝度中。

若不是者。我使不受者。案善見云。法師曰。能謗者。至僧前白。僧言。願諸大德。爲我等歡喜。奉行衆僧。應爲判此事。若言衆僧爲我判此事。莫停若是者。我當受持。若不是者。我不受。若作如是語者。衆僧語謗者言。汝且禮佛等。一如鈔文云云。方問被謗之僧。依法斷之者。立謂能舉之人。既先是不可信人。不得卽信其言。須作如上方便。已若心惱。已方可喚所舉之人。問其實情。若實有犯。須治其罪。若不實者。卽須依法治其謗罪也。

已下明不犯法。一真實者。立云。實犯姪盜殺妄也。二想實者。謂實於前人作犯云。罪想若違想說。則是心想虛謬。則成謗也。三事實者。立云。如殺一張人。還須道殺張人也。此准十誦十一也。故彼云。若自言殺父。謗言殺母。殘四三根。不互實者。若見云。見聞云。聞名爲不互。若見稱聞。聞稱疑。並成謗也。礪云。觀視等。稱之爲見。納響。喚聲曰。聞。論言眼識隨生。見耳識隨

生聞見聞之後猶豫不決心無定執號之爲疑五四戒不互實者如自言犯盜卽謗言犯姪則名互也實云此上五實下四可爾第一真實者隨應除攝不應別立

假根謗戒第九 犯緣制意同前但以假爲異礪問二俱是謗分作二戒者何答若望無根處齊橫起不別理應合制但前是無根次是假根是故須離又問三根謗人各別得罪何以合一義若望得罪不必相假亦應立三但爲無根處齊得罪義等又復容有共證一犯是以合制緣起如律至時付在說者云云案多論云陀睺比丘過去迦葉佛時曾作知食人時有諫若比丘是阿羅漢儀容端正而在路而行有一女人見生染愛隨觀不捨時知食人見其如是謂先與交誦尋作是言此比丘必與是女共作惡法以謗賢聖故墮在地獄罪畢得出以本善業值佛得道殘業力故受此誣謗案雜寶藏云迦葉佛時有年少比丘面目端正顏貌美妙乞食未還有一女人惑著欲色看比丘眼不捨離查婆比丘時爲倉監會見此女隨逐

比丘卽便謗言此女必與彼比丘通由是因緣墮三惡道乃至今日餘殃不盡猶被誹謗又以過去迦葉佛時出家學道今得羅漢

一對異趣者立謂見羊行姪便言見人將畜謗人人畜兩殊名爲異趣二異罪者立謂見犯下聚以初篇謗也亦云見犯殺盜謗言犯姪三異人者戒疏云謂見比丘與所謗者名姓相同以彼人犯用謗此人故也四異時者立云見昨日犯云今日犯乃至朝見云暮也戒疏云約在家出家時異在家時犯非今非也又云謂所謗之人犯罪非謗僧卽覆檢罪是異時亦治其謗五假響者若比丘自語聞響聲乘響來謗故亦犯也謂能謗人於山谷中叫云某甲比丘犯姪盜等響聲隨應卽乘此響聲將此爲根便云我聞此比丘犯等亦成謗也

破僧違諫戒第十 制意如戒疏云云邪法敗眞分衆異軌稱爲破僧固執不捨名曰違諫戒是能防之行也然破僧非殘但違諫故殘也僧有二種若破法輪僧重闢若破羯磨僧輕闢案首疏云僧通凡聖實

乃無量今舉要略就教分二一羯磨僧以無勝德可彰就應羯磨教法和合以標其德故曰也二名法輪僧佛說淨教契理之說軌成行者名之爲法即以此法能摧結使轉凡爲聖名之曰輪若就體說輪以無漏空觀爲體所以名輪者就喻得名如重輪寶以眞實爲體如前空觀無漏等今言破者破十輪家法無別法輪僧可破此法是成僧之因若言羯磨是御僧之法唯局大僧一界之內各別羯磨不成辨破此只是破羯磨僧家法不破羯磨僧此亦是成僧之因此皆就事辨破也僧體者論云或指非心爲體今律家辨僧是假名攬四以成僧四外無別體指四人爲體故律云僧者四人若過四人等是也云云約法就行辨破法輪僧者指八正道以之爲輪正語正業正命三是戒數爲較正見正思惟二是慧數爲輻正念正定二是定數爲輻正方便是精進數是輪轉合此四成共一治能輾生死故名輪也頌曰語業命三戒數較正見正思慧數輻正念正定定數輻方便精進數輪轉令調達於伽耶山立邪三寶自稱是佛替正佛

寶說五邪法替於八正法寶立三聞等四替正僧寶使三千世界法輪不轉禪誦不行此曰破法輪僧也云云此違諫戒逮于下篇者謂及下第三篇九十中阿利吒比丘說欲不障道亦有別人設諫當世寡用者明此違諫之事縱有其過闕不設諫此法既希時所不行今亦略却故云寡用也或但有因未辨果者謂此破僧之事當今無佛與誰競化故無畢竟破僧之罪今若生此心或僧衆爭競不和乃是其因既無成破僧之逆則闕違諫之殘故曰未辨果也局佛在世等者將下引雜心頌來此說大好故下雜心頌云未結界前後牟尼已涅槃息內未生時及無第一雙於此六時中不名破法輪注云即此二破僧者立謂主伴爲二也如調達是主破僧違諫也三聞等四是伴助破僧違諫也至如汚家擯謗者立謂以略提舉下文也不妨惡行行定網生者立云網是法也明其汚家惡行非是殘罪以違僧諫故諫是法網因違諫故故結殘也罪從

違諫法下而生諫是法網故云網生欲明僧殘罪行從教網中生也。深云末代比丘雖作惡行時無諫設諫事雖廢有惡行者必違教網既羅教網故致獲罪罪由網生故曰也。謂既作惡行行羅網也。又云以於俗前行此惡行壞於俗信使彼此獲罪由此惡行以罪網其前人故言網生。生謂俗人衆生之類也。或辨相事可通行者立謂且如汚家等戒自檀華果令人種等此皆辨相也。事可通行者謂此經華果等事通惡也。若爲佛法等種此曰善事是通也。若爲俗人種者則是惡事曰塞也。今雖辨此汚家之相相有通塞故曰事可通行等也。深云此明諸諫事時雖同廢所以我今辨其相者使人識知持犯進否通須行護故曰通行或可依而不犯者何妨應有此人也。且如破僧事末代是無諫事亦無今辨其相者恐有人別食別布薩還是破僧之因。今略辨其相使通識其相行護莫犯故曰通行也。或開緣乃當時要者立明如汚家戒既開爲佛法種華菓使人採華將供養佛既是時要開緣則當也以開通文中開將供佛無罪有禍

是時要也。又如下文飲食與病人及父母等是其開緣豈非時要。又如諸違諫得殘開又云若能諫之人罪法違則不犯。又如破惡知識欲作惡行事破則無罪不犯破僧此皆要也。理非可犯者謂大師晦跡雙林今復與誰競化既無此事故曰非可犯也。今試列者爲令新學識相也。一先明立邪三寶者知調達稱佛替正佛寶說五邪法替正法寶三聞達多等四替正僧寶故曰也。第三羯磨竟者祇第七云三諫不止比丘白佛佛言提婆達多過去世時已曾如是拒諫遭苦過去有婆羅門於曠野中造立義井時日向暮有群野干飲池殘水有野干主不飲池水內頭罐中飲已戴罐高舉撲破罐口貫頭以此爲樂諸野干輩諫言莫爾野干主言我但快心那知他事如是乃至破十四罐數諫不止井主察見便作木罐堅固難破令人頭易使出頭難持著井邊提杖伺之向暮如前飲訖便撲不能令破井主執杖打殺野干空中有天說此偈言知識慈心慈愍戾不受諫守頑招此禍自喪其自命如是痴野干

今上疑說
破字

遭此木籠苦佛告諸比丘野干主者調達是也群野干者今諸比丘是過去已然今不受諫當墮惡道長夜受苦

廣如戒本疏者案彼云自雙林軫慧日潛暉法輪既寂孰爲爭破然邪正二部人法四依業風驟激妄海驚波破法輪僧末代所無羯磨僧或容時有故今約以二破對簡是非雜心論云三方極少入是則羯磨壞闍浮提有九是則法輪壞言九者調達邪佛替正佛寶所說五邪替正法寶三聞等四替正僧寶已上約能破正部四僧此約所破故所以非則成破也所以者何如來不入十數者俱舍云破在別處不親對世尊一以如來不可輕逼二以言教最可信受故心論云大師在衆中彼無威光故一約處辨破破羯磨通三方北方無法三方有佛弟子得秉羯磨破法輪僧者局南方可知二約數如前說三約時者法輪局佛在世涅槃後無羯磨通佛世及滅後俱有破義四約人者法輪要是大僧羯磨通於尼衆然尼女報號佛無信下三衆未具不合羯磨也破羯磨者不假號佛故尼通

有就大僧中要是清淨就清淨中要是傳聞多智多智中要是見行非是愛行愛行懦弱善惡不竟見行剛烈善惡決暢故心論偈云未結界前後牟尼已涅槃息肉未生時及無第一雙於六時中不名破法輪釋云未結界者以能破之人僧秉羯磨要在界內所破之人通界內外但受邪化即有破義前後者前謂佛初成道也後謂欲涅槃時也俱舍云前者初轉法輪未久後者世尊將欲涅槃此二時中大衆恭敬同循一味故無破也故心論云雙林九年明在中間也牟尼已涅槃者滅後無人競化也息肉未生時謂調達起惡戒惡見名息肉也及無第一雙者身子目連是第一雙也向若無此二人能滅者亦不破也以邪正相顯故有耳鼻奈耶云諸佛常法食時僧壞至還和當於調達唱說五邪法時乃至天地唱告三千世界禪誦不行至於世間天人無悟道者天地暗暝若春不和天地翻覆故須有第一雙方行破也已下明不犯法及三三人欲作非法羯磨者立謂羯磨須四人秉今三三人則名非法破此無罪作無住

本達下經說
達二字

處者謂作擯出羯磨也。明僧爲和上。鬘梨等作擯出羯磨。若破則無罪也。言若破是人。不犯者。心正破邪。及非法緣。開不犯也。

助破僧違諫戒第十一。釋名者。衆僧作法諫調達時。四伴影響助成破僧。僧尋設諫。拒而不受。故曰也。四伴助破諫僧者。立謂三問等四伴助破僧也。諫僧者。謂此四伴却諫僧言。不須作法諫於調達。所作如法。如律如毗尼也。今僧正諫此四伴。故曰也。作三法。竟便犯者。謂三羯磨竟時。犯殘中間。隨一羯磨竟時。不捨犯一蘭也。

汚家擯謗違僧諫戒第十二。事起六群先在聚落。本希利物。今汚家惡行。壞彼時人平等之心。情過是深。須僧治罰。故命衆僧往彼治擯。彼即生謗云。有愛憎。由前擯時。六人同犯二過。走身不現前。不得擯相。似於怖竄云。彼走向王道聚落。時王勢力。僧今不治。似懼彼王力。故曰相似怖也。即僧祇云。三問達多摩醯沙達多走至王道聚落也。賓云。謂王常所行處所行之道。故言王道。如子城內是也。迦留陀夷闍陀逆

路懺悔。改過伏從。無罪可治。相似有愛二人。阿濕婆富那婆。跪在見非。走非悔僧。爲作擯相。似有恚。爲是義。故使彼謗僧云。有愛恚怖等。若不諫。除無由自曉。是故須諫。表內無瑕。僧實平等。僧既自理。是非已分。固執不捨。違法諫滿。理與僧殘。釋名者。四種非法。一。家二依。利養三依。親友四依。僧伽藍。穢淨士心。名曰汚家。舉過顯衆名。擯無罪。橫加曰謗。以理曉喻。拒而不從。名爲違諫。故曰也。謗僧是也者。此明汚家。但吉由謗僧。故違諫犯。殘若比丘取華菓。與一居士等者。立云。此但明汚家之相。若論盜物。如前初篇第二盜戒中。已辨也。俳說作鳥聲者。皮皆反。說文云。俳戲也。又俳樂也。得四事供養。或免諸難者。案祇律中。解依止聚落。住義耳。文云云。何依止聚落。住若比丘。於彼聚落中。得衣服飲食。床臥具湯藥等。是名依止。住若彼不得衣食等四事。但依止聚落。得免諸難。亦名依止。若復不依聚落。免難。但依止聚落。界住者。亦名依止。住立云。此是開依聚落之意也。爾疏云。聽依聚落。有二意。一有待之形。假資方立。故須衣以障體。食以充飢。濟身長道。爲

成自利二爲利益施主僧田行施獲反報之福有斯二義故開依聚言或免諸難者立謂冤山中惡賊虎狼師子等也若在村落飲酒非時食不名汚家者此但自身破戒壞俗信以俗識知是非法故不名汚家若壞俗人信敬平等善心乃名汚家之行等也

惡性拒僧違諫戒第十三 事起闍陀即車匿是也性多反戾倚傍釋種輕陵諸比丘又迷心造罪不自見過今僧如法諫喻理宜伏從反傍勝人恃已陵物情過尤重所以結殘次釋名者俱戾自是名爲惡性衆同和喻固執不從名爲拒僧違諫戒也案見論云闍陀不受諸比丘教語諸比丘言汝不應教我我應教汝何以故佛是我家佛何以故我與佛入山學道不見諸長老一人侍從佛者得道已而轉法輪是故法亦我家法是故我應教諸長老法師問曰闍陀何以不言僧是我家僧答爲與衆僧鬪諍故不言僧是我家僧僧祇第七云過去曾已恃我輕人昔有大學婆羅門常教五百童子婆羅門法下姓不聞家生一奴因童子故聞之能持後走他國學婆羅門法已重

聞故聞悉能持其師大喜以女妻之婦爲作食恒嫌嘔患奴主往投奴密自言我稱大家是我之父願勿彰我事當奉奴直奴主答言汝實我兒早見發遣一時其婦密來禮婆羅門足問曰我夫常嫌飲食願專指授本家何所食噉奴主作念苦他子女臨去教一偈言無親遊他國欺誑天下人麤食是常食細食復何嫌與汝此偈若彼嫌食時背面微誦婦後試之奴聞之後常作慚語佛告比丘奴主者我身是也奴者闍陀是也彼於爾時恃我陵人今復如是言言乖越合者經令自觀身律則令諫二文雖乖故曰言乖俱是離惡擬越道果故曰越合經即涅槃第十也故彼經偈云於他語言隨順不逆亦不觀他作以不作爾時世尊唯爲阿闍世王而說此偈善男子亦爲護持不毀禁戒成就威儀見他過者而說是偈經文上有六種不同者立謂皆約所諫之人觀能諫者有六事也二若鈍根無智言說無益便止者濟云觀能諫之人既無智慧則須語言汝但自觀身行等不須諫我也若聰智利根發言利益便諫者謂能諫之人既有聰明利

智其所諫者須用他語也。三若少聞見出言無補便止者。應須語言汝既少聞。何須諫我。但自觀身行也。若廣聞見有所弘益。便諫者。其能諫者。既多聞弘益。便須受他語也。四若爲利發名聞。便息者。能諫之人。但爲名利本。無利益他心。則不須從其諫也。五若爲現法樂。但欲自攝便止者。謂能諫之人。常以獨善自居。以法自樂。則不須受其諫。故云便止。又解現法樂者。慈云。卽人貪坐禪誦經等。隨心所樂者。便止。賓云。爲現法樂。但自觀身者。通相爲言。爲得聖道名。現法樂。若別相說。根本靜慮。爲現法樂。住也。謂入禪定有樂也。如佛初成道。受解脫樂等也。六若爲新出家愛戀妻子等者。能諫之人。既有此過。不須受語也。若久染佛法等者。謂如此人。須諫他。方堪受語也。據理有四種人。咸須設諫也。賓云。此四亦無聖教可准。但以古德意立耳。一年耆宿德者。今時多有老僧。恃老惡性。惡口罵詈是也。二久居聚首者。或非年耆。由久居衆。首德望既重。多輕餘人。亦須此諫。三薄學淺識。謂智過人者。謂學業極淺。將爲自足。擬佛齊德。憍慢自

本經疏

居故須諫也。四共勝集者。且如今人還領處高。恃勢陵人。故須設諫。卽戒緣中闍陀是也。已下明不犯法。若其事實爾者。彌云。實謂已所行是。無其情過也。上釋第二僧殘篇義竟。

二不定者。立謂對此引大疏略爲三門解釋。一來意所由。二釋名出體。三僧尼有無初釋來意者。聖禁從緣曲尋萬緒。因人興犯制狀。塵沙必欲隨境攝修。難備若不迭相鑒察。容無自勵之心。故列於此。二釋名出體者。昔云屏露兩殊名之爲二。是中四法各無楷準。故曰不定。言四法者。彌云。一犯不定。謂或犯夷。或犯殘。或犯提。或兼犯三。或復犯二。多少差殘。故也。二舉不定。謂犯既不定。可信稱事而舉。故亦不定也。三自不定。舉既多少。自言列罪寧容一准。或可言自言不犯也。四治罪不定。若自言夷滅擯治之。若自言殘別住治之等也。今言不定者。本無三四之名。浪立治舉。但於二中未定。實犯律云。是中無定法。故云不定也。言出體者。亦有多釋。今並略之。有師云。屏錄三罪。露收二罪。爲不定體。宣云不然。三二罪體名種各

●攝入女人
二字

別束之以爲一戒。解云。房室私禮俗所常行。而比丘無侶。獨一女人同處。羅語於三罪中。令他疑怖。犯相難名。故云不定。所以須禁者。出家遊。栖或入聚落。因事交染。汗辱彼此。所損非輕。故宜須制。所以取三罪疑事。此之疑心。由來未制。教約生疑。以爲戒體。若取三罪諸篇已結。何假此中方言。最初毗跋律云。如何此戒作不定。證答云。此未來中事。有實犯。故四分云。坐既非處。生不信心。故知疑定。第三僧尼有無者。亦有多釋。或云。制尼不得舉僧。故有俗女替尼舉之。僧得舉尼。故無可知。或云。尼制有伴。故無此戒。難云。尼何故有屏坐等戒。宣解云。尼所以無者。但比丘與女生譏處。坐夫主不信。或時耻出。爲患處深。故制僧有尼。雖與男獨坐。生譏。夫無屬婦之義。過微不結。問何故言可信。俗女所舉者。答通七衆。但女情僞。非實者多。故以可信。乃堪爲證。言可信者。案僧祇云。住信優婆夷者。信有十六法。一歸佛。二歸法。三歸僧。四於佛不壞淨。五於法不壞淨。六於僧不壞淨。七僧未得利能令得。八已得利能令增長。九僧未有名稱能令

名聞遠著。十僧有惡名能令速滅。十一不隨欲。十二不隨瞋。十三不隨怖。十四不隨痴。十五離欲。十六成就羼戒。也。若能成就此十六法。名可信。優婆夷。即毗舍佉母是也。十六信。頌曰。三歸三寶。不壞淨。本利已利。善惡名不隨欲。瞋怖與痴并離。欲向及聖戒。言不壞淨者。即不壞信是也。新經論中。名四證淨。由證得淨。故爲證淨。或證即是淨。故名證淨。舊名不壞信者。信不可壞。名不壞信。大乘宗中以信爲體。佛法僧戒爲境。薩婆多宗無漏信戒二法爲體。俱舍亦以信戒二法爲體。四皆唯無漏也。十誦名鹿子母也。鹿子是其堵名。其夫鹿子敬重其婦。猶如其母。故曰鹿子母。即毗舍佉母是也。

一爲止誹謗者。立謂與女坐時。招外譏謗等也。二爲除閑諍者。謂夫主若見容有廝違。比丘是諍競本也。三斷障道惡業次第者。謂此戒能爲罪家初門。姪之由漸。故曰次第也。姪是生死根本。障出世法。故曰障道也。四隨所作犯者。立謂隨作五篇之罪。則隨結也。

中二之二

及多女人是也者。立謂雖有多女。猶是屏也。要有男子。方免屏過上言。無第三人者。還是約男子也。案見論解。二不定。或云。屏者。若至檀越家。屏處坐。波逸提。若出已更還坐。一。提若衆多女人共坐。衆多波逸提罪。

廣如前篇者。自意云。指前篇聚中明二不定罪體是也。今此但明罪相耳。上來釋二不定義竟。

第三篇三十捨墮

此下正當第三篇。雖三十九十前後。又別然罪性均等。二悔處齊。故有百二十戒合爲一篇。問。所以分爲先後者。解云。良以因茲財利。取納乖方。生罪墮道。欲洗心悔。必須上境。方能絕滅相續。貪心。心事既捨。墮業須還。故明捨罪作法。是難。所以先列三十。然九十墮者。單悔別人。但斷相續。卽成洗過作法。既易。故次後列。先難後易。義有由也。言尼薩耆者。尼薩耆梵音。此方名捨捨。有三種。謂捨財。捨心。捨罪也。波逸提者。此方名波逸。故曰三十捨墮。此卽帶數釋也。崇破云。古舊諸師。多依論釋。捨有三義。今解論無三義。正文據理。但

捨財故名之爲捨。若以捨罪。捨心。名爲捨者。是則單提亦應名捨。今詳多論第四卷云。衣已捨罪。已悔。畜心未斷。若更得衣。是後衣於前衣邊得捨墮。又云。衣已捨。畜心斷。罪未悔。正使多日得衣。衣捨作吉羅。機既準多論。心若未斷。染後衣犯。又罪未悔。亦染後衣。不同單提。心罪未捨。無相染義。故知崇破不應道理。就三十中。略以二門分別。一遮性不同。二僧尼差別。初遮性者。迴僧物一戒。是性戒。餘二十九是遮也。二僧尼差別。就三十中有十八戒。僧尼同犯。故律中單列戒本。有十二戒。三種不同。故尼別也。初有二戒。有無不同。如過前用雨衣。蘭若六夜。此二戒。僧有尼無。所以無者。浴衣常用。尼爲佛開。既無時限。非制所及。尼是女。蘭若不行。故無離犯。二有一戒。犯同緣異。長鉢。僧尼同隨。故名犯同。僧限十日。尼制一夜。故曰緣異。問。所以然者。答。僧是多利。故開十日。擬於續散。又僧不制伴。故開十日。覓人說淨。尼則反前。故也。若爾。尼畜長衣。有伴可說。不應同僧十日。答。鉢不同。衣未成。非鉢。無長可犯。若鉢已成。卽須對說。衣營未成。

皆有受過一日。審縫不得成。辨故開十日。若爾長衣未成。有伴對說與鉢相似。何爲不得又解衣。開十日。據但三衣者。爲言以十日內開成。不須淨故。若說淨者。亦制一日。若爾何以同開。答一開已。後同至十日。如病開粥。不病亦同。三有九戒。輕重不同。謂五敷具。取尼衣浣。故擔擲尼。吉僧提皆就希數。故爾。

初長衣過限戒者。貯畜分名之爲長。越於期數。故言過限。又解三衣之外曰長。違期不說名爲過限。此是所防。戒是能防。能所通舉。故曰也。違佛四依者。四依之行。泥洹近因。初受戒時。已爲說竟。皆言奉持。今則多畜長衣。故不說淨。故云違也。

若長廣互過減。皆不結者。立云。總有九句。三三三。初三句。一長中過廣中過。提二長中過廣中。如提三長中過廣中。減不犯。次三句。一長中如廣中過。提二長中如廣中。如提三長中減。不犯。後三句中。一長中減廣中。過不犯。二長中減廣中。如不犯。三長中減廣中。減不犯。此九句中。唯四句犯。

三衣雖不受持。日過無犯者。礪問云。不受衣罪。輕離。

衣便罪重者。亦可破夏罪重。不安居罪。輕答安居有時。限受衣無分齊。故使不安。罪重不受衣。但吉。祇安不廢修道。故破夏罪。輕離則闕資守護。故罪重。以三衣無長可防者。謂三衣是限分之所有。更無犯長之罪。可犯也。謂說淨法本擬防其過。我今將作三衣三衣既過。日無長罪。則淨法失也。勝云。緣有三衣望三有餘。即有淨法。防長今無三衣。即當衣體更無餘長。可防淨法即失。故言無長可防。又比丘有緣得藝等者。立謂此舉月望戒中。但三衣人故也。若一衣三肘五肘外者。立明三衣中。兩衣先具。唯闕一衣。今得衣財計一衣所用之外。即便說明者。約闕一衣也。

月望衣不割等者。引此月望衣難意者。難前言。藝指爲衣。則免長過。何以月望衣中。不割。贊縫日過。成犯長也。贊反。通俗文云。綴衣曰贊。贊是細竹也。

以上諸文。故須第一是已者。簡他衣也。以三贊別人物。雖在已邊。日過無犯。以一日所成者。立云。二解初言是第十一。日若但是十日。則未犯長。此不當也。後一日者。謂由初一日受得衣。故使我犯也。若不由初

一日受得衣者。至九日來有何可犯。故知由初一日得衣。故犯也。勝云。長易。故一日成五條。二日成七條。四日成大衣。五日成以長衣。易作。故一日所成也。齊同斯述云。此是論文。

若忘等緣者。立云。此言證不作屬已意也。忘有兩義。約慳情者。而慳者。開情者。不開注。綿毛之類。不須說者。立謂如貫手子小綿也。若大不成衣。相者如梯。綿等須說。毛亦復爾。若直是毛。故不須說。若已成。應仰須說也。以西國人通著。統衣。故也。心疏云。毛綿。量限可約者。則爲衣。相。自餘。未成尺寸。不定。如毛束。綿。屯本非衣。故何得應。而有說也。

至十一日地了者。立謂。明相也。案見論云。西國音。阿。留。那。此曰。明相。多論云。明相有三種色。若日照。閻浮。提樹。身東方色。黑若照樹葉。則青若過樹。照閻浮提。界則白。三色並是。明家之相。白色爲正。言不應量。同前者。謂同前多論。犯吉也。

問能染應量所染云何者。立云。此問意能染。既是應量被染之物。是不應量爲犯。以不答意云。能染若是。

應量所染。通量俱犯。捨也。若能染是不應量財。而所染應量不者。答意云。盡染。謂能染是不應量。所染是應量也。准五分針三挺。一皆須說淨。不作得吉也。謂衣鉢雖有大小。罪有輕重。然莫非是犯。今言大提小吉者。此相非故得名。提無大小。對吉稱大吉。既無小大。對提曰小。問者不應量物。論犯罪律。不犯。今如何通。答攝護從急。可如多論。斷罪從寬。卽同律制。

注云。前句不共活者。立謂指上祇文二人共物。未分若施僧衣。未分者。雖久不犯欠也。

邊方開五事者。案四分阿槃提國大迦旃延弟子名。億耳。住在阿槃提國。在拘留歡喜山中。欲受大戒。三年乃得見佛。白和上言。我欲見如來。和上令持五事往。白世尊。既到。掘山禮佛。已勅阿難。爲客比丘。敷床。當夜與佛同宿。與佛共說法。要佛極稱贊。并陳和上五事。佛明旦集僧。開斯五事。謂阿槃提國并餘邊方。東方白木條國。已外等。俱開五事。四分億耳三年求師。僧乃得五分。六年僧祇七年。母論十二年也。賓云。此億耳者是商人也。非是守籠。那其守籠那亦名。

億耳但是名同兩人各別處所守範那自於佛所出家得道旃延弟子億耳邊方出家受戒後方見佛言五事者一。邊方僧少開五人持律受戒二。多砂開重草履三。邊方多寒開皮臥具四。邊方多塵土開數洗浴五。邊方僧少長衣入手數滿十日說淨有人云其四事獨開邊方其長衣入手開十日此一先開中國後開邊方非獨開邊方也思之竇云此戒緣起阿難得衣擬奉迦葉不知云何乃問佛言迦葉何時當返答却後十日當還因開阿難長衣十日不犯然今復言億耳請開五事長衣入手七日說淨何以二文緣據不同解云億耳在前請開五事唯被邊方然中國猶未開十日也後因阿難之緣方開中國從此已後中邊俱開十日問阿難得衣擬奉迦葉迦葉既不在無畜衣之心何犯長解云但是阿難施心未決故恐犯長佛開十日令其佛壽根本慈悲恐迦葉犯長由迦葉未知得衣何長犯長也所以知非開迦葉者故疏云何以開十日者爲籌量施入等故知是開阿難也准此餘方未必手捉始犯者立謂將邊方開又以

望中國指中國謂餘方也謂中國不必手捉竟數滿十日但作屬已意數滿十日即犯邊方開故必須入手數滿十日方犯中國不假入手但作已有想過十日即犯故下引了論四句正成此義有人云後因請佛開其邊方衣入手數滿十日也若未請前衣雖未入手但數十日即犯此是定義案五分云億耳比丘白佛開五事前四可知五者若此處比丘宰衣與餘處比丘比丘雖先早知衣未今不犯長衣罪今據此文具入手仰論十日衣云何爲犯謂入手若膝上等等者立云此明邊方也此文對上言來上則中國不必手捉此則邊方入手方犯要須手捉至肩膝上數至十日方犯若俱屬已未夫至身邊不犯也了論四句有物眼至得非身者知人施置地而去比丘雖以手畢竟未捉也入算數至衣蘇等者立謂從得衣日數之爲初日也算至十日須說淨也亦可算計爲我物也言衣蘇者景云准了論蘇遙加法過七日即犯長也二有身至非眼至者立云暗中送物比丘捉竟內於匱中此計日滿須說三有眼身至得者

中之要也

立謂人來施三寶物。令比丘受。資不作。已意物。雖在此丘處。不得論犯之。四有非二至得者。立謂如暗中送物。報云。弟子施師一段物。在其床中。比丘既不見。又不手提。計日過十日。亦犯。

若初日得衣二日不得。等者。立云。犯捨二日已後。既不得衣。可染也。准戒注云。不犯有八。一若不得衣。故知初門是引不得衣也。律中有八。門初得不得。自有十章。轉降作句。得四十分。乃至超間。倒前等云。餘無法緣。是犯者。謂無下淨施。失壞之緣。則犯也。二中間淨施者。立云。初日得衣。未說淨二日得衣。乃至十日得衣。盡持說淨。說至十一日來。但初日衣犯。捨若中間淨施者。皆不被染也。三遣與人者。宣謂初日未說淨二日。乃至十日得衣。將與他人。至十一日來。但初日衣犯。捨中間與人者。無犯。斷失衣者。立謂初日得衣。未作淨二日已後。得衣者。既失十一日來。但初日得者。犯捨中間失者。無犯。七親厚意者。謂初日得衣。是自受第二日已後。得者。為親厚受。至十一日來。但初日得者。犯中間為他受者。非犯。八若忘去者。謂初

日得衣。不說淨第二日已後。得衣。竟即忘却。至十一日來。初日衣犯。其忘者。盡無犯。

昔以財去。蓄心染犯者。立云。昔人即勵律師也。云。犯長衣。財於五眾邊。買得餘衣。蓄心不斷。故染犯。捨以後新衣。須更捨。懺由先蓄心。能染後衣也。言吉者。彌云。著用吉也。又云。陳實故吉。今宣解不然。但懺先提。此後衣體是淨。不須捨也。律云。犯提者。謂先衣提也。昔者不應觀買也。宣云。先衣上得提。昔於後衣上得提也。

言論中不爾者。此鈔主通論云。破前古師義也。論是多論。故引之。破於昔義也。二若先應量捨物。更買衣財。即作二衣等者。立謂此上雖引二句。但是相從。故須明之。今文正須明之。今文正須此義。以定今文也。作二衣者。即應量不應量二衣也。

故律云。尼薩耆衣。不捨不應與人。乃至作三衣等者。羯磨疏云。不得與人者。既犯過義。須捨淨。愧於罪失。直斷乞人。制本淨心。豈在財物。故不淨財。施後受穢。果必欲與人。如律捨造。也不得作三衣法服。不容非。

染故不許也

已下明不犯法。若作失想亦同上解者。立謂同上無心故。畜不犯更開十日也。深云先說淨物標心。施他尋悔不與。即盜罪。故律中施已還取是也。更須說淨不者。又墮以是盜得理同新來故也。

今案此者○

取著實對失燒漂。若先自有犯長之衣。取著不犯。故曰也。然許頗有過十日衣。即一夜離宿等者。立謂此明一衣之上。同日得兩罪也。即犯長衣犯離宿也。賓云計理捨時。但捨離宿一衣之上。無二過。故先時犯長直爾。機提今引此文。來意證知犯長衣得作三衣也。此論無三衣者。故開作也。若有衣。即不得用。故律中尼薩耆衣不得與人不得作三衣等。彌云若比丘先闕三衣有犯長。即將此長充三衣持不須捨之。若販博衣不得充三衣持。以無長可防故也。此據有本三衣者。此是答前文也。今且充衣色者。立明此即正明今文意也。下引見論遭賊等著五大上色。以類此文理令得也。

若他與被不合說淨者。賓云但相傳解云釋疑故來。

今案此者

若他與小物可言不犯他。為作被應當是犯釋云不亦犯。亮云舊人解云被是重物。不須淨施。故非犯也。今言不爾。但約他與我作被。故非犯也。律文之中上更有語。鈔不具引律云。若取著他與著他與作被也。取著如前解。竟若他與著者。他犯長衣。將與我著。故不犯也。亦是釋疑。故來此顯不同。他人犯長之藥。若與我者。不許服也。以藥味是通一人犯長。他不合服。衣是別屬。故他犯長。我著無罪。被如賓釋。立謂約已成。被故不須說。若是被段衣財。即須說之。以是輕物。故也。若付衣者。遠行者。立明兩人共活。一人受得衣。竟安著。懷中即遠行。住伴不得說不犯。由隔故。爾非情過也。言付衣者。謂所付之人也。疏問曰。何以不開直令畜長而與結戒。說此方便。答佛法以少欲為本。結戒不令畜長為衆生根性不同。故後聽設此方便。故耳。離三衣宿戒第二。先明制意。所以不聽離衣宿者。夫三衣者。蓋是三世諸佛應法之服。資身長道為要。理須隨身。如鳥二翼。許是無暫離常。願奉持。今置衣在此。身居異處。寒暑卒起。忽須難得。又闕守護。容成

失奪事惱不輕是故聖制人衣異處曰離賓叙西塔
每云人衣異礙者好以其染礙非異處故巡夜名宿
久則事慢促則致惱限期一日過則便犯故曰也
三衣人異礙者濟云所以不言異界而言異礙者以
界中有礙雖復同界則不免失衣故不言界也礙名
是寬以攝界故下文有界礙是也四不捨會者既
不得會又不遙捨也五無因緣者謂衣重得法及迦
提月等是也

三衣五衣者五衣謂尼所持五衣也祇支覆肩同三
衣不得離宿也不同昔解者立謂古人云離長衣犯
吉便引例云百一是佛聽離宿犯吉長衣佛亦聽如
何非古今解不然百一加法受持離故結吉長衣本
受持但淨施別人有所依故離則無罪

又三衣是制通上中下者佛制三品人俱衣也以是
佛制故離則得提百一是開離但犯吉離問三衣六
物同是資身所以離三衣失受而犯提罪餘衣等輕
者何答三衣止制受通三品今若離者違制罪重而
失法餘衣物等開於中下為資道不足今若離者對

一作持

二字入并底
各開疑問

開有異唯得吉羅而不失受若爾鉢亦正制離何以
輕不失受法答衣是資用寬許無暫離故違得提失
受持鉢但一用用有時限有須故輕而不失受法百
一助身開於中品者立云此是三品准心疏物有六
品至如土土面王報力殊異胎衣隨長謂生時白藍
隨身而出
未假資待及將入法誓不服餘大聖知機任聽但一
便能自靜緣濟修道後出家時聖命著
來此處變為法衣二者報力次
強堪耐寒苦隨緣施造不以爲難制者三衣並須持
奉即但三
衣人也三者雖制者三首足猶露力薄心願寒苦
所逼神情亂涉無心存道如來量機關畜百一記識
受持第四人者形報微弱心用非利待時待處須暖
須好若得供給便能進業制同上士翻爲退道故開
畜長隨施聽受令彼獲福此得資道第五人者報力
最弱要假重物方能濟苦寧身進業可有階漸故開
被摩車舉重物依教而畜以事重故不合說淨第六
人者須得衆寶莊嚴房宇方得安心分別功德論天
須善提開說羅衣不肯入道索諸寶舍佛令偕王一
切供具比丘受用一宿得道佛言當知悟道在心不

拘形服自今已去。須者開之上。雖通開不爲發報。如

來出世。爲除我本。如持世佛藏。若不爲除。我倒故。在

我法中。不得用一杯之水。一納之衣。爲解脫煩惱。故

者。如涅槃云。雖復十萬。不以爲多。行者自量。據位何

在。又如母論云。若無戒行而受衣食。不向地獄者。衣

賈離身。食便破腹。斯言甚矣。何得自欺。立云。如大集

云。破戒比丘。不得受信施。如亭驛子。又如佛藏經云。

如折一髮。爲百千分。破戒比丘。尚不能消一分之施。

況復四事供養也。云云。景問曰。迦提之月。既得離衣。

亦得離鉢。不答。不得衣有三。故離一。餘有二。可得披

著鉢。唯有一。故不得離。

三衣人異礙者。就此戒中。別緣有六。今約第三緣人。

衣異礙中。廣明四礙。及十五自然界。一解釋云云。

上之三礙。通界並有等者。立明染礙情礙。隔礙。此三

不開作法界。及十五自然界。若隨有此三。卽失衣也。

若論界礙。彼此不通者。立云。此界非彼界。此蓋非彼

蓋。此樹非彼樹。各自別攝。故云。彼此不通。此皆是料

簡上來四種礙也。僧伽蓋有一界者。立謂。既無三礙。

但是蓋之一界也。

形露等者。立謂緣起中。比丘留衣在村。往取時。衣帶

解。比丘形露。乃至慚耻。因過白佛。佛言。自今已去。

不得置衣在村。若欲結衣。界卽須除。村云云。村有五

義者。一爲除誹謗。二除鬪諍。三生嫌疑。四護梵行。五

聚落是不定衣界。是定欲明村中有此五過。不得置

衣。欲結時。除村言聚落不定者。謂村或時來。或時去。

也。村中卽有男女。於比丘上。知前四種之過也。言誹

謗者。應師云。字林作誹。反。誹者。謗也。謗者。毀也。性

相乖忤。多致譏逆等者。謂與女人。性相翻也。女以染

欲爲性。當相調。時令爲惡業。比丘常有護戒淨善之

心。故曰乖忤者。逆也。是以論中云。女者。出家之怨

也。古師云。要男女共處。名村。不得置衣。若單有女人。

但名染礙。一門攝。所以多論男女同居。名爲村也。

若水陸道斷。離衣開無過者。深云。後見衣時。須更加

法。僧祇寺門外。不捉戶鑰等者。立云。僧祇無勢。分故。

須捉門屋梁頭也。以與界內連。故開不失衣也。言

戶鑰者。謂既不進房。但戶鑰鈎在手中。卽不失衣。以

開閉自在欲會即會也言十二樓梯等者立明門戶
既開更不得進若有此梯得登來往上下會衣故開
不失也

兄弟分齊等者案祇云兄弟分齊處此名家界若兄
弟二人共一家於家中別作分齊兄不聽弟入弟不
聽兄入若比丘在兄分齊內衣在弟分齊內失衣若
語比丘言俗人自相違於法不礙任意止者爾時隨
意置衣不失立云此兄弟雖同宅住以衣食事業各
別故身在兄家衣置弟舍則失也王來界內等者以
王出時持更唱還軍兵森然以妨來往即曰情礙王
若與夫人相隨又或染礙及以作幻作樂人等者立
問王妨比丘來往是情礙樂幻等人不妨來往豈名
情礙解云樂幻之人雖不妨來往爲其多相調排容
礙梵行故是情礙濟云幻謂幻惑眩亂人心如玄奘
法師入於西國彼大齊日作樂奘古樓上上尋於經
文時戒賢論師相喚看樂奘曰去家百萬餘里尋求
聖教情非樂戒賢勸觀風化看亦善矣即相隨者乃
見幻者化作一城名曰尋香城以西方幻人傍村尋

金決疑

他飲食之香而往乞求以作幻相設故曰尋香其城
中有一小兒將置杵頭復著一杵柱下如是相接有
無量杵令此小兒上天去又約勅云慎莫偷其帝釋
華果彼必殺汝須臾之間小兒漸高入青雲中漸不
見之少時即見一脚下又見手下又見頭下其行生
主乃言此小兒盜天華果被殺如此遂即收取頭手
足決云即變成於小兒走去如初又近見西方幻人
至京中賣驢其買者乘驢還舍明日見是一束草尋
即趨驢主行至西涼州東界見本主即撮來其人即
言我有田取收刈將粟還汝即待他刈粟打治量粟
准錢雇車載歸行到中道看之盡是砂土也
上之三礙入此二界者立謂作法自然二界內若有
情染隔三則不得依界護衣必須隨於身也二界各
別通得護衣者謂作法自然二界之內無上三礙各
各自得護衣也

今明自然有十五界者偈言蓋聚場車船村舍堂庫
倉闌若井水道并及於洲界此十五種前之十一出
四分律下有四種餘部明也四分中將此十種自然

●平聲五

●阿折二字
法詳

●句註曰

爲一百句。謂此藍非彼藍。此藍非彼樹。此藍非彼場。此藍非彼車。如是等得十句。須將樹爲頭。亦得十句。如是平將爲頭。各得十句。合成一百。其律文既有十一个界。那只約十界作百句者。答蘭若一界。律中離在後明。故不入數也。云云。所以須作百句者。阿圻故須作也。人情意謂此彼俱藍。人在彼衣在此。應不失衣。恐有此執。故須言此藍非彼藍等。餘句例然。各有四種者。立謂藍村二界。各垣牆。柵籬四物爲相。故十誦名句。可分別聚落。卽此村界是也。謂四相若周名可分別也。無覆曰垣。有覆曰牆。又云高者曰牆。低者曰垣。木作曰柵。竹作曰籬。籬牆不周。四周有屋者。立謂俱有其屋。而無籬等。聞遠名不周也。有人云。四周有屋者。謂若無垣牆等四相。但四周有屋。亦成僧村二界之相也。故言四相有屋。此解頗文大好此等諸相不周。伽藍相壞。樹車叢生。故云若干者。立云此是故師義也。言僧伽藍裏有若干界者。此是律文古師解云。謂四相不周。名藍相壞。中有樹車等界。則起明若干界也。今宣意不然。謂四相若不周。本未

名藍。何得言藍壞。其中樹車等。但是別界。豈名藍裏有若干界。律言若干界者。上三礙耳。若藍界中有此礙。比丘不得自在往返。故名藍裏有若干界也。案首疏云。文言僧伽藍有一界者。謂籬牆周迴是名一界。若不周迴。彼此房樹勢不相及。故令明之。此止是別界。不名僧村二所者。從此已下。是鈔主正破古師義也。僧村界四相。不名僧村之界。其中樹車等自立。故曰止是別界也。古師解僧村中有若干界者。是樹車等也。今鈔解若干者是三礙也。然雖破古師義。古師義亦有道理。須知乃至舍屋尼寺。聚落道行界。亦爾等者。立明右尼寺等中。還依院相護衣。若衣若有三礙。不得往返。則失也。言屋舍者。眼目之異。名北人呼屋爲舍。南吳喚舍作屋。淮祇文。此屋舍界。壁四面外各得二十五肘。是衣界。體若淮四分。則有勢分。三樹界與人等者。立明樹如人高。起不得礙頭。卽得約此護衣。此舉極小者。爲言謂身在下坐。各枝葉所得蔭內。得容身者。卽得護衣。且約獨樹。但得依樹若

● 淨如作

有異樹相接不斷中間不見天日者即得通護一俱盧舍也

若樹枝偏長等者立謂或一丈十丈皆得護衣林界衣在林中十四肘中不失者此約極小之林有四樹相接也此林有人來往無衣界者立謂有男女樂幻別人等在林中則有情染礙起不得約林而護故曰無衣界大林無難者立謂無三礙起故曰無難大林者齊一拘盧舍小林齊十四肘此限定也若林減十四肘者但得隨體大小不得依十四肘為量為林體大於十四肘復狹拘盧舍者則不得依體大小便但依十四肘也若林體大於一拘盧舍不得依林體但齊一拘盧舍限重就立口決之是定義勢非廣及故衣界狹小者深云此四分文且舉小林之量計有十四肘也非謂林界唯只得若干肘也必若無難依前十誦一拘盧舍為體今此舉四樹就極小言之若減四樹止得名樹不得稱於林也

祇蒲桃架四相取二十五肘者立謂蒲桃是蔓草生也祇中言各架四面取二十五肘為自然衣界

● 攝入齊字

● 攝入在字

● 淨如作

體非謂令架量齊也若四分但各外得十三步勢分下樓閣等亦得齊柱外取二十五肘為衣界體案祇云樓閣梯道外各得二十五肘為衣界也樹界各去樹葉外得二十五肘名衣界若比丘置衣樹下過二十五肘外乃失一切蔓架外各二十五肘為衣界若著衣在蔓上身在下宿或衣在蔓下身上宿皆失若繩連著身方不失

明了論解者謂衣在樓樹下身上上何故失由衣在下忽有情染等礙故失也若身在下衣在上則不失此言未了更決通謂今言如是者皆約先未有難故也必若先有難人衣手在上下者俱失立云由身在上衣在下恐有三礙冥然失也言衣在上身在下不失者立明衣得落下身得上取以自在故故不失也其樓樹大小者如帝釋樓一由旬得也樹大如圓浮樹高百由旬亦得也

四場界者立謂依祇場外得二十五肘四分有勢分也五六車船二界者此明俱在陸地又復住者故約迴轉處也衣在車船中身在車船迴轉限內不失向

若船在水中出船卽失由水界別故案祇律云陸地船及住車比丘置衣船上離船過二十五肘失衣內則不失

中車杖所及處者此人乘車牛盡不騎牛背但車上坐以杖打牛今約此杖有衆多車前後共行或身在前車衣在後車但車車相望牛杖相及名爲一界不限多少縱人衣互隔千車但中間無雜皆名衣界載船水等有多住處等者如大驛馬及餘船等上有多男女同上比丘得自在往返衣則不失若有情染等礙則失僧祇第八云若比丘浣衣於船上隨風鼓盡向外者犯若半在船內半在船外者尼薩耆不截故盡捨是名船界

七舍界者立謂是獨屋無別院相其院相外開勢分也若據村聚相後當廣說者近指下文三行許之善見無市云村及多論四句是也僧祇若樓閣梯橙道外得二十五肘者立謂樓閣四面四壁外面各得二十五肘竟今齊梯車根下更得二十五肘謂隨梯車所安之方得二十五肘餘無梯車面不得今言道外

●房界計

●以房爲院

者齊梯車下已外名爲道外也梯車只是踏道也齊梯車根四面得二十五肘也此梯從閣外安也重說立決之景云唯梯橙外一邊不通三面也准四分庫倉界明內爲言等者謂齊柱內也對上祇文云壁外更得二十五肘是衣界體四分唯許壁內二文不相同對出也言明內爲言者戶限之內名爲明內戶限之外卽曰明外也言兩無任得者立謂僧祇無四分庫倉之勢分四分無僧祇樓閣外之二十五肘今欲道行俱得故曰任得景云兩無任得者僧祇有樓閣無庫倉四分有庫倉無樓閣僧祇欲取四分庫倉亦得四分欲取僧祇樓閣亦得故曰也自意云四分雖明內爲言然有勢分僧祇外得二十五肘今欲依四分勢分不取祇二十五肘此是一無亦得若欲取僧祇二十五肘無四分家勢分復是一無亦得故曰兩無任得謂一邊無勢分一邊無二十五肘故曰兩無任得對上舍界因解聚落者立謂四分直明舍界不云聚落然復聚落與家若爲因景故准多論四句分別是聚非家者立云有兩聚落其聚院間狀如兩京坊

也。二个聚中各有一家。今則依聚得護衣。也不須依家。沒却家名。但得依聚。故曰是聚。非家也。景云。二聚各有一家。但名聚。落不名家。界所以然者。若各有兩家相對。名聚。既無別家相對。故不名聚也。有人云。言聚者。約院相周。因若言家者。約張王之別也。二是家非聚者。立謂唯有一聚。無別聚。相形但名家也。夫以聚者。要有二聚。相形待。故得聚名也。今此則依家護衣。由聚既大。中有兩張王等家。恐有情染礙等。今依家護衣。不得依聚。沒却聚名。故曰是家。非聚也。三亦具二界。聚落有二。各多家是者。立謂有兩聚落相對。之中各有多家。但得依家護衣也。

言別界者。難飛不及等者。立謂以是勢分。外故名別界也。案多論第四云。聚落有一界。亦有別界。相接聚落。是名一界。不相接聚落。是名別界。言不相接聚落者。雞飛所及。處箭射所及。處慙愧人。大小行處。分別男女處。若聚落只有一家。比丘身在家內。衣在箭射所及處。或衣在家中。身在箭射所及處。皆不失。若聚落有多家。衣在家中。身在箭射所及處。等別失衣。以

多論

家界別。故四邊聚落。各有一家。若有車梯迴轉。相及者。案多論第四云。言相接聚落者。四邊有聚落。以十二梯。梯四向到牆上。得登出入。身在梯根下。臥置衣在四聚落。則不失衣。梯四向相接。故此亦約四个聚落。各止有一家。衣隨在一家內。故不失衣。若聚落有多家。衣在家內。則失衣。又聚落中。雖有一家。若無梯。燈衣在四聚落。則失衣。以不相接。故言車者。論又云。復有相接聚落。界如兩邊有聚落。中間有道。容車行來。若車軸兩頭到聚落。以衣著一頭。人在一頭。設在車上。俱不失衣。以車連接。故設聚落止有一家。以衣在一家內。身在車上。臥亦不失衣。若無車者。不成相接。則失衣也。聚落止有一家。衣在家內。車梯上。不失等者。深云。此為屬前多論四句中第一句也。若衣在外。身在家中。亦爾者。謂翻上句也。謂身在家中。衣在車梯上者。亦不失之。故曰亦爾。若眾多家。衣在家內。身在梯下。失者。佛多家。故情見不同。各有分齊。又是情礙。或容染隔。故即失也。深云。此句屬前多論第二句也。

家有一界別界者立云兄弟未分同一事業是名一界若兄弟分張異食異業是名別界即詔此別界以爲族然族界復有一界別界以兄是一族住處各別不相關涉是名一界言別界者謂兄弟雖不同食而同造食處取水處大小便處由其各共來往故此取水等處是若干界若置衣取水處而身在別房即失衣也故言別界或大小行處衣在族家內皆失衣也故下文云若在二處皆失衣即斯義也以其身在井邊衣在家中名爲二處也

族亦有一界別界者景云雖有多人以同衣食故是一界言別界者景云雖同一處住以分各故衣食不同即是若干界也雖復不同而同造食處取水處等以多家來往取水等處即名別界若在二處皆失者身在族家內衣在取水等處故曰也

僧祇四聚落相接乃至手足各在一界等者案之四聚落界相接比丘衣枕頭臥比丘頭在一界兩手各在二界脚在一界衣在頭底衣離頭者失衣若車於此四界上位車扼在一界車後在一界左輪在一界

● 處位住

右輪在一界若置衣車前身車後宿置衣車後身車前宿置衣車左身車右宿置衣車右身車左宿皆失衣也

若同見同論者見謂九十六見是外道所執也論謂外道之論四圍陀等論也若諸戲笑人遊行營處如前等者立謂比丘外道舍彼雖同見同論各有作幻人樂人國王來往遊行此中則是情礙失衣也取水處等者如前族界所明也以取水等處有衆多異見異論外道來往此處則是別界故失也若同是一見外道取水處等不失

上並四分無文理須通九者立謂從上舍界已上諸許處文非四分有也雖是他部之文理須通用九者信也

八堂界者律云多微露等也者立謂一面有壁三面無壁等是也

注假以樹量大小等者以空野闌若處無似分齊故用樹量取七弓等也如虛空無丈尺以丈尺論於空是也兼有其勢分七十有餘者云總唯有五十八

● 似疑有
● 丈尺難分

● 許疑件

步半擲石及處是界體故也。不同僧祇七十三步半也。上來釋四分十一種衣界竟。

十誦比丘與師持衣道中行者謂弟子爲師持三衣。在道行前後去師遠卽值明相恐失衣。白佛佛問相去幾何。令亦得四十九尋者。且約闊大之道如長安大路可准此論。若如小道一邊逼水一邊闌若者。但可論縱不得論廣也。准應身在樹界闌若也者。謂今言將衣在道枕頭起時失衣者。非謂身衣俱在道中也。謂是衣在道身分在闌若及樹下等。將衣枕頭眠起時明出以界別故失衣。

若弟子夏未滿等者。謂未滿五夏以隨師行。遇人說法心貪聞法不犯離師罪。但師失衣也。

此義轉車界中廣明等者。了論疏云言轉車方便者。比丘出界頭陀值明不及界恐失衣。行至寺門數步不知如何佛以慈愍故方便開之。令取一杖以隨伽藍用何等爲四相或壘或離牆等。隨其高處將此杖量之。若以壘爲相者其壘必有大小淺深若廣而淺量廣爲量。若狹而深量深爲量。若離牆爲相者取高

處量之。若四相並低淺或無壘壘等相者可隨界邊有大樹竹等取極高者用杖量取高處爲量。以將此杖一頭置車中央將車置明相出時身至處望寺門邊相去之中間迴轉此車若杖一頭及牆院令此人住昨日明出處轉車若杖頭撥著此人則不失衣。不及此人卽失衣。此名轉車方便義也。若有人來往衣不隨身失者謂王作樂人女人等來往故失也。僧祇水道行界得二十五肘者立云准祇文也。以是淺水不乘船於中洪水行得二十五肘名衣界。體若深水垂船船自別界出船卽失。

十五井界准僧祇亦二十五肘者。景云此舉置衣井蘭傍四周一面各得二十五肘。若衣在井內則不開之。要須繩連方免失也。窻窻等者衣禁反北人多爲之。屋下穿穴暑月入內取涼或將置飲食冬日則不凍夏月則不壞也。

諸部並無勢分者。首疏云祇無勢分。若爾何故車杖船等皆二十五肘者。此是界體非勢分也。十誦亦無若爾何故車界去杖所及處等者。此並是界體本非



●雜記

勢分聚落箭所及處等事亦同然諸部並無唯四分
一律開有

彼有擲石之文別爲餘事者謂彼雖明擲石非是護
衣界之勢分也以擲石事雖是同而所爲義別案見
論中明盜戒明盜之處所緣闌若聚落俱是盜處其
中有物盜取犯云何聚落界謂取不健不藏盡力擲
石所及處取石落處不取石勢轉處齊此屋外石所
及處以還是聚落界若聚落無籬者住屋欄水所落
擲石也又露數層成中云比界壁唯不通法界者立
明十五自然兼開勢分唯作法攝衣界則無勢分間
等是衣何以自然衣界則有勢分作法之界則無勢
分者攝答云開不重開木制隨身今結攝衣界已
是開文何得更開其勢分
宣答云有法故無無法故有作法衣界是日有法故
無勢分自然衣界是日
無法故有
勢分也

祇云比丘有緣乃至借俗人被等者案祇第八云比
丘著上下衣入聚落有女人語比丘言我今夜欲供
養形像當助我料理比丘即初日沒欲還憊憊留宿若
彼住處諸比丘有長衣者應暫借受持若無比丘有

●爲疑者

●祇乃經乃

●加入內字

●者疑中

尼亦從彼借若無者俗人有衣被從借作淨安施紐然
後受持若無是事後夜分城門開者當疾還寺莫踰
城出到精舍門猶未開者當索開門若不得開應住
門屋底若無門屋應內手著孔中有二種若門孔若
水漬孔若水漬孔中若先內手脚脫有蛇螫應先以
杖驚之然後內手與衣合若無孔者應踰垣牆入應
作相令內人識莫令內人疑是賊相驚動也若不得
入當疾持衣寧無衣犯越毗尼以輕易重故景云若
不作淨不安紐成受持得失法罪注云以門屋梁連
界內故彼律無勢分以此爲自然界體者立謂既不
得連但住門下以手捉梁即不失衣由彼律文無勢
分故故須捉梁深云開捉梁者非作法攝衣界也但
是僧村之界耳若作法界要須會衣立又解云祇約
二十五肘爲衣界體者此約餘井堂等有之爲僧村
二界不開有也以僧村二界四相既周故更無二十
五肘又云以門屋梁顯乃不同四分應知者此注有
病若言祇無勢分故須門下而立乃至內手孔中四
分既有勢分則是不須內手於孔者其寺門既閉身

●疑注

在門外卽是隔礙用在勢分何益豈以在勢分故卽免失邪也

若准此言必界內有上三礙等者立謂雖作此法必界中有三礙猶不免失謂上令捉梁據界中無三礙若有三礙身在界中當須隨身若捨衣須界內隔礙及界外事者水陸道斷急難等緣名界外事故須懸捨若不作上三事者一須在擲石及處二謂有情染二礙須手捉衣三謂有隔礙遙捨

十五自然衣界各別不通等者謂彼藍非樹樹非車車非船隨所置衣處不得相離故言各別不通也對此引前依律百句來此明亦好

雖有樹舍沒名等者以僧村二界中有樹車等界者以僧村四相既周但得依僧村護衣樹車等自體不立故曰沒名也諸界相望不論強弱者立謂十五界中唯僧村是強能攝樹車等界其餘十三皆無強弱不得相攝故戒疏云如樹車等不論強弱爾若一界不守自性全是其弱僧村二界互兩相形則俗強僧弱何以知之俗人入寺別有村界比丘入村無別藍

●力疑內

界礙亦判云僧村是強爾若最弱以爾若有樹車等則沒爾若也諸餘樹車等全無強弱准願律師解云主強客弱如樹下有車車則是客樹則是主但可依樹又如場上有船船客場主但依場也如是例餘此願律師解爲勝對下有車則有車界乃至無別勢分等者立謂樹下若有車二界俱無勢分以出車屬樹故更不得開勢分也深云車樹二界相形無有勢分謂車界是樹之勢分樹界是車之勢分故無別有勢分此解景云以樹界力若有車之時車界卽生車界雖生而無勢分以在樹界內故不妨其樹而有勢分又云車外是樹若出車屬樹更分車之勢分若出樹至車亦無樹之勢分也

若僧村二界勢分有樹乃至中分勢分者立謂僧村界外勢分之內有樹車者不得盡用僧村勢分須與樹家一半勢分也景云以僧村二界勢分無力於中有樹樹界起非止界起亦有勢分故言中分勢分也餘車船等准知立又云僧村二界相去不遠中間卽須分勢分也如此例餘者謂有餘車樹井場等界若

一家勢分內有餘界者即須半分勢分

如淨地不周通置食不犯者引此文來意者證知上亦庫四而若周能攝車船也若堂庫四相不周則不攝於車船如淨地不周不能攝食也若互錯涉各有別界者立謂堂庫是顯能攝餘車船若餘樹車船等不能相攝雖有交涉但是別界也

一別人作法或對首心念者立謂既不得會適心念捨也有人則對首無人則心念故曰對首心念也以輕易重亦有小罪二對僧作法離有二等者立謂今文約人病衣重開離及共作迦絺那衣開離然法亦不定若人病衣重離開一月九月離謂少齊一月多至九月中間延促任當時乞之唯不得過九月以夏中不許離故但九月也若中途病差及衣輕限滿等則不得離若迦絺那衣亦不定雖一時作法開離若持衣人出界及八種十種要心捨及限滿等不得離故云不定注云三十已去名為老者此是多論文也賓云約受戒來三十夏也四分得一月離案五分得九月離九月離者約前安居人也後安者但得八月離

所以夏中不許離者以夏中不許遊行故今若安居了從僧與法至來年四月十六日足九月後安者八月半夏滿得法至來年四月十六日唯得八月離也此上且約法分齊如此若實而論病差則法失四分約離大衣五分多論開離七條由入聚落必須大衣又五條常被不許離然諸部乞法不同或月月從僧乞法離或九月通作一乞法離也問乞得法在身身未行未離後若欲行其法在不為約得法之日論之為約離衣日論之答若病在者法竟不失但從離日而數也二共作迦絺那衣者即五月利也三對處作法離者謂盡小界大結攝衣界是也然亦有不定若界無三礙開離若有情染等生亦不得離四蘭若恐怖離者立謂寄衣在村不良家是也此中亦有不定若蘭若中有難開寄不作日限若無難衣須隨身五王路隔塞者立謂亦有不定約勤惰兩人可知若勤覓方便不得會者不失若汎爾有難而不會者即失六迦提賃勞離者此亦不定若前安居人得此一月利開離若後安居人被安居人則不開也七如五分

僧塔諸緣及諸要事者立謂此與上蘭若恐怖離異也。上則不限日數。今則唯開六夜。言要事者。即看病等緣也。景云。此六夜離與前第四緣。蘭若恐怖離此。二是同。以他部兼有別離緣也。即佛塔六夜。四分但言蘭若恐怖而不列別緣。即四分不言佛塔等六夜之緣。故舉他部爲一耳。事訖不反吉羅者。立謂離聽六夜事了。須還以不還得吉。又六夜未過。不得離衣罪。由佛本開日數定故。

蘭若通有無者。謂在蘭若中。恐有怨賊將寄俗人。是無法離。既不得會。恐犯捨墮。即遙對首。心念捨之。是有法離。故言通有無也。

得罪分別下者。深云。何故不料簡第一門。謂第一門一向是罪。故不料簡。今言第一第三有罪者。第一犯吉。謂但是輕易重也。第三下文自釋。謂作法界內有礙。則失是有罪也。

五中隔塞或望斷故者。立謂更重料簡上第五門也。此約若作失想。謂賊將去。不妨實在而作失衣體之想。則失受法後。見須更加法。若覓方便而不得會。

心若不斷。無失受法。又須無罪。對僧作法有緣時在者。立云。更釋上第二老病乞法離也。病緣及衣重緣。若在不犯。若限滿便失者。即九月日滿也。又復守功德衣人未出界。亦名時在。若此人出界。或至十二月十六日。僧和合捨。即名限滿。若病差衣輕。亦得是限滿。餘一一准思者。深云。謂上之七緣進退皆准。此第二門限滿法失等義。准此而思。餘上下緣也。已下明不犯法。

注云。此謂失體不同者。立明此文失奪想等。決心謂失衣體也。然實在界內。故但失受法。仍無罪也。如上弟子隨師行。將衣入界。謂言失者。疑心不知在界之內。外而實在內。故體法俱不失也。故曰失體不同。論云。衣不失受者。是上善見論也。深云。前是決心故失。此是疑心故不失。故言不同。自意云。弟子持師衣。此即令師疑謂失受。今此文中。決心謂受體俱失也。若先慢不攝等者。立謂恒是懈怠。人不將隨身。以佛制無問晝夜。若遊行時。常須自隨。如鳥二翼。今乃慢故。空身出在界外。雖逢此難。故不免失。若恒懷謹護。

●以疑比

暫出逢難者故開以情慢故佛息不被前言失受事隔不知等者立謂指前善見文弟子隨師行貪聽法文也又解指前失奪燒等五想也謂衣實現在妄起想心謂失即是捨心但失受法而不犯罪也立又解事隔不知者謂界中有情染等事隔之以心不知冥然亦失受法而無有罪深云牒上文若水陸道斷等離失受無罪也非恐又恐是指前住子文也彼云想心言在界外其實在內不知在內故決心捨失受無罪此二礙可知者立謂是情隔二礙也此既有染礙須依上情隔二礙若恒懷謹護忍爾有此難又難覓方便取會不得方免犯也若汎爾有染礙不會則失深云言進退此二礙者進是不犯退是犯也今此染礙更不廣釋但指同前情隔兩礙明持犯也有人云此二礙可知者反以方得也此不通諸部者立謂此部明文具有染礙今不許立染礙者謂不識諸部也深云十誦文中具有染礙義也

事同長衣開者立謂此是慙謹之人以非情過隔爾不與衣隨身者猶如長衣忘不說淨便開不犯若懈

忘者聖所不開上釋第二離三衣戒義竟

四分律鈔批卷第八末

四分律鈔批卷第九本

江東杭州華嚴寺沙門 大覺 撰

月望衣戒第三 南山意云此是但三衣人也今詳不然下具緣云初十日常開明知通畜長人也又律中列五長月望是一數明知不局但三衣人也此戒是但三衣人者持爲此人故開一月畜齊三旬名之爲月希冀擬足故稱月望案見論云言月望者以小小不足得置一月望得也或於僧中望得或於親里望得或於知識邊望得或於糞掃處望得或於自物望得故曰也此謂有故三衣堪持不堪著用欲造新開其一月隨得衣財十日之後至三十日隨足當日須成若一時作三衣亦通開一月中作若前後作則開三月詳未五無因緣同長衣者深謂迦提一月五月也若是此時任得過限立云同長衣中失奪燒漂

爛壞等不犯也。有二位初十日常開者。立明其前十日開得衣財。雖足未作不犯。由此十日開同畜長法。故得十日。若十一日至二十九日中間。隨得衣財。若足即須作成。不足開至二十九日。隨更得者。足之使成。若當日得足。前者不作成犯。長不成。使過一月。故犯若得不得者。立謂即是足不足也。若同不同者。謂如前得布後得絹。此曰不同。前得布後亦得布。此曰同也。若至三十日不同。同不足不足。但使此日不成。便過一月。皆犯也。僧祇十日。即作者立謂第十日。若得財足。當日須成也。若三俱故。並少不同者。謂三衣俱故也。三个衣財齊不足。名為並少。言不同者。謂乞得布絹不同也。明其三个俱故。不堪著用。今若作三个得開一日也。礦云。若三俱故。各開一月。若衣同者。即須併作一衣。如不爾者。隨過限犯長。謂離間一今時造三乞得物細絹。若同互各闕少者。即須得之。且作一衣。不得云未足。經留不作。則過十日。是犯。乃至十日之外。隨日不作結犯。云云。若大衣同足。限滿下二衣財少不足。亦染犯者。立謂既開三月。作三。若前大衣乞

得衣財。並同又足。仍即不作。謂一月內不作。即犯捨也。由此大衣犯長。故即染下二衣財也。下二雖少未足。或不同。等終被他人染也。今若捨微須盡捨。故下文云。隨衣多少。盡捨也。然何故彼他染下。即出其所以。由有故壞三衣。非正替故者。此是出其能染衣所以也。謂問若無下二衣。故則不被染。即同上來得。繫指作三衣。日過不犯。又也。今有為二故者。非是正替。故被他染也。除同長衣開之者。深云。謂迦提月等及失奪爛與他等。皆不犯。

取非親尼衣戒四。虛心送與。領納屬已名之。為取離七世族。故曰非親尼者。簡下二衆衣者。唯局五衣。伯叔之婦等者。謂出家為尼也。若是親里少。尚應與等者。案十誦。取非親尼衣戒中。佛種種呵責已云。若非親里尼。不同衣足不足。為長不長。越得便取。若親里尼者。當問衣足不足。為長不長。親里尼當自持衣與。何況不足。而取佛如是呵責已。即便制戒立云。若是親尼。設有設無。比丘即知若無者。比丘當得供給。今作親里有無安測。以不知他有無。故不得受。今但知

・向歸問

受納而不思前有無也。十誦若尼先請爲說法者。謂尼先請比丘說法。自施衣者。得取無罪。當畜五衣。完堅者。謂尼畜五衣。須完全。又須堅牢。物作也。五衣之外。聽隨意施人。故知今取局五衣是犯也。既云與人。何箇道俗者。此言冥破古人也。下當明之。律文既許長者施人。人義通於道俗。今僧若取理不合。犯但不。得過分令人貧賤耳。引此言者。證上得取尼衣也。礪云。人解言律令尼畜五衣。完堅者。自外聽隨意施與人。礪云。尼衆五衣。佛制須畜。本爲資身。今以施人。即得無衣之罪。破戒行檀。奉不應法。餘聽隨意與人者。謂五衣外得施三衆。不得與僧。施受俱犯。又解若與者。謂五衣外長財得與比丘。若僧得尼施時。應檢向前人。知彼五衣不具。則不得受。若具得受。無罪。礪問。尼取僧衣。何故但吉答大僧上。尊與尼義。希尼受不數。故但犯吉。若爾。大僧與希。能與應聽。所以提者。答謂與尼衣。議過中。制生思義。深得提罪。已下明不犯法。

使非親尼浣故衣戒五 役彼外尼名使非親洗滌

穢服故曰浣衣戒也。浣染打實三戒者。明其以俱是一衣。故合爲一戒。礪問。浣染打等。所以合制者。何答有三義。一使尼處。同二俱由故衣。三容一衣相由。致犯。謂垢汚須洗。失色。卽染由舒故打。所以合制。緣起中。令浣改衣。因卽色落。復令爲染。因染破囊去。復令爲打。故曰。同由一衣生也。此戒業重者。使尼浣衣。妨修道業。因交致染。容壞梵行。迹涉世譏。清白難委。故也。又可作平聲讀之。云此戒業重。平謂浣染打三業。重重各別也。如是互作五句者。案五分云。一若令非親里浣染打。而親里浣染打。二令非親里浣染。而親里非親里共浣染。三令親里非親里共浣。而親里浣。四親里非親里共浣。而非親里浣。五令親里非親里共浣。而親非親共浣。染打皆提。此五句中。俱著三。是已故衣者。簡除新衣。新衣浣希。又無緣患。不如浣故之患。又新衣。若使尼浣。但吉羅也。僧祇自與使與作。四句者。案祇云。一自與使受。二使與自受。三自與自受。四使與使受。下解釋云。初句比丘自與比丘尼尼遣使受。取尼自浣。餘句例知。雖中間有使與使受。然約

本律字原本
不明

浣時皆尼自浣故並結犯十誦若犯捨衣與浣得小
罪者以彼宗中無重犯義故使爾也一衣無過有重
犯者景云三衣體淨故言無過若體有過使浣不犯
以不重犯也若體無過使浣染打即得三罪故言重
犯也又言重犯者異戒也非謂此三不可殺故全捨
者既使滿處有罪餘不滿處雖罪雖無罪不殺破
故合將捨懺重使浣染比丘尼薩耆吉羅者此謂先
令浣得尼薩耆重使浣復得吉也已下明不犯法
從非親俗人乞戒六緣中跋難陀先有三衣故不
許乞見論第十四云釋子出家有八萬人憂波難陀
最為輕薄而性一聰明音聲絕好即跋難陀也一令
佛法僧尚者立謂既制此戒則不過度乞索順少欲
知足之行外生物信使佛法僧勝也若實好言好得
物犯墮者謂口自述道德得物犯捨言好不好者謂
如法非如法持戒破戒等也景云若實持戒自言持
戒以自欺德得物犯提內實破戒妄言持戒誑他得
物故犯棄也注云應是無戒沙彌者即形同沙彌也
以未有十戒故得提寶又復比丘不得言乞錢令沙

彌代述也已上論是貧匱等者謂親里既貧還從乞
索犯吉貧無曰既又云匱由謁也作寒暑相者冬著
夏衣夏著冬服也案祇云乞時作寒相熱相言寒相
者若比丘寒暑時著弊故衣詣檀越家現凍戰相檀
越問言閣梨無衣耶寒凍乃爾答言無有汝父母在
時恒爲我作時衣今汝父母去也誰當爲我作者非
但汝父母死我父母亦亡檀越即言閣梨莫怨恨我
當爲作時衣此是寒相云何熱相謂五六月大熱時
著厚裯衣流汗詣檀越家現熱相餘問答辭如前說
緣中一條者此舉極少也謂乞袈裟中一條或袈裟
中一條也案祇文中此當開通文也謂若乞畏瘡物
若衣緣若乞衣中一條如是等物不犯若不還本處
如法治者謂是僧物雖開暫用今不還僧則犯重也
言如法治者治通輕重今此文中須如夷法治之故
曰如法治也除如雜法中者深云指下諸難要行篇
明過賊法也下明不犯法通前五緣者立謂上失奪
燒漂并五分衣壞時也是此戒首明其四緣深云指
前離衣戒中失奪燒漂壞五緣也明有此緣許乞十

誦第六云奪衣者若官奪若賊若怨家若怨黨也失者若失不知所若朽爛若虫嚙燒者若火燒日炙漂衣者若水漂風飄也五分非法求施等者立謂邪命乞求作非法用俗復知而故施二彼同罪即涅槃第六云買迦羅迦果噉已命終即其義也疏家解云命終墮地獄案此語出五分律謂佛涅槃後一百年中跋闍比丘檀行十事九事可知第十事云於月八日十四十五日令諸俗人施金銀及錢作衣鉢藥直時耶舍比丘語諸比丘言莫作比求施我親從佛聞若有非法求施非法求二俱犯罪復語諸白衣男女言莫作此施我親從佛聞若非法求施非法求二俱犯罪彼諸比丘得金銀錢已共分令耶舍取分耶舍不受乃至集闍浮提七百比丘于時有上座若一切去有一百三十六陂第二上座有一百二十陂總有七百羅漢共滅此十事刊正法律云云

過分取衣戒七 祇律第九云憂波難陀語失衣比丘言汝若不能乞者我爲汝乞即持紙筆語諸優婆塞言助我乞以有比丘從北方來遇賊失衣故即至

肆上乞得多衣難陀復言猶故未足優婆塞言有幾人耶答言多人復問爲有幾人長引聲言乃至有六十八人優婆塞言此衣可供五百比丘何況六十欲坐疊肆耶即擲紙筆嗔恚言何處生是不知足人耳若失一衣不應取者由餘二衣有三重二重可摘作也今文中案律判若失一失二俱不許乞若三衣都失方開乞也尋文易知若僧伽梨乃至安陀會者立謂既失二衣餘一衣在若有三重四重摘作伽梨陀會等也不得別乞若無三四重者乃得乞一衣此戒若爲他乞受犯者深云緣起中諸比丘既奉佛制不許過受俗人來施懼不敢取六群囑言汝既不用可爲我受因卽爲他受佛便制戒不應爲他故知自他俱犯

勸增衣價戒八 虛心辨價者謂不從其乞故自擬施價量有限也若先無限約勸增則無過十六分之一分者立謂是古大銅錢當今十六錢將此一錢當彼一分也首疏問此戒勸增價幾乃至一縷便犯前乞衣戒乃至一條方犯何以相違答乞衣本施主無

心捨及至乞時任彼籌量隨施多少。惱義是微。故得一條方犯此。勸增之中主先虛心。自施分限已定。不賀其恩。嫌少更索。長貪惱彼。過患情深。故多少皆犯。勸二家增價戒九。勸夫婦合作者。其夫先擬爲作。比丘復來勸婦共作。增其價續等。亦犯。祇中知足者。若與細者等者。案祇云。此是爲好。故爲好者。有三。一知足。二不知足。三足。好言知足。好者。若與細衣時。便言我須麤者。是名知足。好犯提。二不知足。好者。若與麤衣時。便言若與我麤衣者。不中觸我。脚我是貴人。應與我好衣。此名不知足。好得衣。提言。麤足好者。若與細衣。便言我不用此好衣。我是練若人。如鹿在林。中住在蘭若空地。與我麤者。是名麤足。好若得衣犯提。

過限忽切索衣。價戒十。越三六制名爲過限。逼迫淨主。故曰忽切索衣。故曰也。四過分索之者。善見云。純語索齊六。不犯。過六方犯。純嘿十二。未犯。十三反犯。但知一語破。二嘿參作。可知。案祇云。三語六嘿者。非一往反中三語。乃是三往索。是名三語也。言四五

六反嘿者。非一往反嘿然。乃是六反往嘿然也。深云戒文云。若一二三反者。是三語也。又云。若四五六反者。是六嘿也。其實合從前云。一二三四五六反。今翻譯家存省。但借前語家之三。則承此三下。從四五六數也。可尋戒。上言純語齊六。未犯。純嘿齊十二。未犯。今戒本則三語六嘿。則是半參也。向若四語。唯有四嘿。若五語。則唯有二嘿。若六語。更不得有嘿。以過六悟則犯故也。下明不犯法。若彼言即相布施者。立謂淨主報云。我不自用大德。不須自來。我即將施大德也。勝云。即相布施者。寶主永捨。不懼失。故波利迦羅衣者。立謂此云。雜碎衣也。羯磨疏云。波利迦羅衣。唐譯云。助身衣也。即百一供具。令受持之。不合說淨。唯除衣鉢坐具等五餘。悉是也。深云。本施主爲作此衣。故施過限索者。不犯。

乞綿蠶戒十一。不害衆生命。故者。蠶綿因殺故。得。以六群往蠶家。乞綿看暴。蠶作聲爲俗所嫌。聖便制戒。縱得已成者。斬碎和泥。諸戒捨憊之時。財還本主。唯斯一戒制。斬塗壁。由殺得。故意可見也。且如僧伽

●釋疑

梨尚不聽著雨中行。隨一滯沾。卽結小罪。今由綿作制。斬可知。反充字林云。細軟羊毛也。說文云。獸細毛也。劫具者。卽白氈也。聲論云。天竺應言。割波婆翻爲樹花衣也。持律者言。譯云。樹華。亦云草華也。應師云。此或云劫波育。正言迦波羅。高昌名氈。可以爲布。罽賓以南大者成樹。以北形小。狀如土葵。有殺割以出華如柳絮。可細爲布也。塗壁及墻者。深云墻謂墻堵波。是此曰塔也。齊云。西方人多作土墻。方如床上安繩床。如京中街頭侍官土床是也。以地低濕處卽作此墻。故曰也。僑奢耶者。蜚口初出。此方名忽者。是也。注云。總名臥具等者。此戒諸師多判不同。云是袈裟。彌云。相亦難識。四分名臥具。諸部或稱敷具。或稱被也。資云。淨三藏云。是臥具也。有其二別。一是織成。二是紆作織成。卽是氈氍之類。紆作乃是氈褥之流。謂取高世耶絲織爲敷具也。或高世耶耶用絹縫之作。帛內貯羊毛及樹華絮以爲敷具。本是臥具。不是三衣。今譯三藏言亦難准。若是敷具者。下黑毛戒律文乃言作罽作臥氈。不犯文既相違。若爲通會。若

依南山是袈裟者。亦有違文之失。故下減六年臥具戒云。減六年捨故。更作新者。不犯。豈可三衣捨而更作月望衣戒。既不捨故。卽應是犯。故知此戒非三衣也。進退唯谷故。彌判云。相亦難識。亮叙南山云。此是袈裟。昔人迷之。至今未識。但以三衣名相。東土本無。知何以翻。但取量同。此方臥褥三肘五肘。故使四分五分同翻。臥具教令後習。謂爲臥褥。今以義求。定是袈裟。以老病比丘。從僧乞法。安有羯磨加於氈。又下黑毛臥具緣起文云。做諸離車著黑色衣。夜行不見。明知是衣上蓋之服。若是臥具。寧肯披行。又黑毛戒開通文云。若作罽。不犯。明知此戒定非敷具。南山此判妙盡其理。故論云。毗尼名爲五處求章服儀中。廣詳是非。可引彼證。成付在臨時。說者外國作衣有二種。乃至亦得作三衣。受持者。景云。准此他部得已成者。亦得受持。不同四分俱不許也。以乞得故作成犯捨者。深謂若他將施。不犯由乞得。故將自作衣若作成犯捨。故云也。一方禪衆皆著艾布者。謂南岳思禪師。領徒在山。皆不著綿。用艾爲絮。表裏著布中間

● 提提

著艾用爲禦寒也。今終南山中亦有斯人也。野蠶者立謂外國純取野蠶。全不殺命。皆待虫出已方取用也。于闐已西多有此事。淨三藏云。高世耶者。卽是野蠶之名。此虫不養自生。山澤西國無桑。多於醋果樹上而食其葉。其形皓白。蠶如拇。指長二三寸。月餘便老。以葉自裹。內成其蠶。大如足。指極爲堅硬。屠人揀之。取絲成絹。其絹極生。體不細滑。若此虫不彼收者。經一月餘。蠶中出蛾。其翅兩開如大張手。文瑋煥爛如紅錦色。每至宵中。雄雌相遇。還於食樹復生其卵。總名此虫爲高世耶也。西國屠兒方爲此業。勝人上姓極汗其流。乞食僧尼佛遮至宅。若無蠶家乞蠶。自作綿無罪者。深云以展轉離殺者。手故不犯。皆約不得從養家乞也。爲買故有虫吉者。立謂將賣故輕。若自作衣則提言有虫者。謂雖非養蠶家。聽從乞若蠶中猶有蠶者。比丘犯吉也。作不應量衣等吉羅者。此約有虫未壞也。

黑毛臥具戒十二 立謂四分緣起。天竺離車喜作綵衣。夜著黑衣。使人不見。并爲盜者。亦所習之。比丘

● 釋疑

輒著招識。故制案僧祇中制緣。全別爲黑羊毛。貴或一金錢得一兩。乃至二三四金錢得一兩。此毛細。觸人眼睛。皆不淚出。甚爲難得。此羊毛出四大國。一毗舍離國。二弗迦羅國。三利尸羅國。四難提跋陀國。時人爲求此毛。故或時得還。或死。不還。以毛難得。是故極貴。而諸比丘人人來乞。破我家業。唯至窮乏。昔人疑之。至今不決者。立謂古師云。是毼毼也。今解臥具是袈裟。總名故引僧祇。稱僧伽梨。證知是三衣也。又緣起中比丘著此衣道中行。因議故制。豈是著稱。順路而行也。章服儀中具載古義云云。注云元作擬割者。立云此釋上文也。謂向若不擬割。壞作成則犯。今爲元心擬割。今雖作成。未犯不割。方犯。若不元心擬割。作成卽犯。此釋亦同。濟謂割者意欲非是。將擬作袈裟也。但是擬補衣及餘用故也。注云元意後得者。立謂當時作雖是細貴者。擬後更得麤者。賤者相摸重疊而作。卽非純黑。故不犯也。此釋同。戒本中。觸羊毛者。應師云。胡羊也。埤蒼云。羴羴。羴。通俗文。云羊卷毛。謂之羴羴也。羴。女佳。宣云。羴羊者。謂小羊。

黑也。雖熱巾者非拭汗巾也。乃是捉銅盤時盤熱將巾聚手捉之巾也。

白毛三衣戒十三。佛制參作者參由雜也。同也。又參由參也。謂里白毛也。若純作則犯三色相。參白南一分則犯從多犯戒。故曰白毛。

減六年作三衣戒十四。濟云。此是但三衣人制限六年。今時畜長之人則不類也。今詳若是。但三衣人即同前月望之類。月望戒中有故三衣堪持不堪著。聖開更作未須捨。故今戒律文云。減六年捨故更作新者。下犯故知不捨。即犯與前月望一倍相。翻月望不捨非犯。此中不捨是犯。今欲救鈔義。此約六年內不捨更作。是犯月望約六年外不捨故非犯。所以知是六年外者。有故三衣堪持不堪著。若近來者。應當堪著。何爲已爛也。二不捨故者。有人云。餘之二律捨與不捨減年與罪。若依四分開捨得作案五分云。六年者數日滿六年也。白羯磨衆一一不成者。立明僧須觀其人顏色。若好則是無病。不須與法。與亦不成。不成和合之義。故曰衆不成。亦可白本白於衆。故曰也。

若減六年捨故更作新者。心疏云。此是無本衣得造新也。豈捨受持方復造衣。本造擬捨故成不犯。成而不捨罪則自科。

不摸坐具戒十五。此與九十相對四句者。此戒明不摸後戒明過量。故取相對有四句。一如量不摸犯。此戒二過量而摸犯。後戒三過量不摸犯。二戒四如量而摸不犯。不言毘布者。立謂二物俱得爲摸。隨十種衣通得者。案四分長衣戒云。一純衣者。憍奢耶作。二劫貝衣者。以草作也。三欽婆羅衣者。毛作也。四薊摩衣者。紵麻作也。五憊摩者。野麻作。六麻衣者。家麻作也。七扇那衣者。白羊毛作也。八翅夷羅者。烏毛作也。九鳩夷羅者。絳色羊毛也。十憊羅鉢尼者。羶色羊毛也。少聞者。謂寡學非多聞人也。無聞者。謂破戒不識法相道理人也。二師者。檢祇文意是和上及闍梨也。不分別魔事者。謂不識邪正如上所列之人。雖有不故物合從其受。由斯人非法所有。物事亦非法也。注必有得處如上律論者。謂上僧祇并多論也。若純故者。不犯者。立謂若將故物者。不須與摸也。

持羊毛過限戒十六 頭足毛不犯者立謂頭足毛
麤故不犯要摺細軟者方犯也。頭毛者駱駝毛是也。
成器不犯者立謂成甕及坐具三衣也。宣云器謂衣
相也。各持九由旬者立謂計人各得三由旬也。言重
擔俱犯者此下子注云第四者屬上也。應言俱犯第
四謂三人既共擔九由旬竟若更重擔則俱犯其第
四緣是犯緣是犯緣故曰也不得佐助持吉者立謂
自擔得三由旬竟便使持於限外更助他則得吉。羅
若擔囊裝者充萬反立謂裝去謂是羊裝也。風雨中
披之也。字林云細羊毛也。疏有毳衣古者天子大夫
服之。巡行邦國也。毳繩者立謂只是毛繩也。

使尼浣毛戒十七 制意犯緣同前浣衣戒者但上
浣成衣者便犯新則不犯此則新故俱犯以就損功
妨柔中制也。此戒因六群比丘使愛道浣染羊毛以
汚手故爲佛自見因制戒也。又止惡法次第者恐因
交致染容成屏坐及麤觸等復爲姪事故曰次第也。
畜養戒十八 立謂將欲解釋此戒先且廣明八不
淨物之相。謂云言八不淨者若畜此八長人貪求汚

染梵行故言不淨三爲成聖種節儉行者立明四依
之法乞食糞衣是聖種因也。今若畜養違斯四依非
聖種行也。經論及律盛列通數者濟云經律但通言
八不淨名而不別標出其相貌也。言顯過不應者立
明經律中具顯其過云不應畜也。相承次比者謂如
上列數八種名者雖著在經律但經律中通明無有
列名次第但古來諸師相承如是次第而列也。言不
出佛經者如前所列次第非是佛經作此次第且如
涅槃中雖說八不淨名列之亦無次第今道俗通禁
見畜提知非佛子者釋迦一化凡所制戒必絕俗前
唯斯一戒對俗而制佛告大臣若見受畜如此物者
當知非我弟子皆言沙門四患者日月不明由修羅
煙雲塵霧之四。歸佛法不明由沙門四患者言四患
者首律師偈云姪是生死源酒開放逸門金銀生患
重邪命害戒根此四過深故稱患也。宣云姪及生死
之本三聖絕其根源酒爲昏醉之藥四逆由之得遂
寶爲起貪之緣諸惑因之繁茂邪命害戒之因惡道
爲之開坦有得穢果故名不淨者由畜此物長人貪

結染汚梵行。此是穢因。正報入地獄。後報作畜生等。名爲穢果。言餘如正解者。立謂指下文正解。此戒文也。經中禁重如後明者。立謂楞伽涅槃。僧坊無烟禁。斷酒肉五辛。八不淨財。是經中禁重也。涅槃云。畜八不淨言。是佛聽如何。是人舌不卷縮等。律中在事小機意。狹者明其律中。容有開文。意接小機力劣者也。然經中亦有開文。約儉時爲欲建立正法。有篤信檀越淨施等。田是妨道者。立謂一田園重物。體是妨道也。沉累行人。不堪隨道。故曰也。此當第二開制不同門。礪疏名爲聽畜。不聽畜門。謂就八中第一田宅園林及第二種植根栽門。此二門長貪妨道。無開畜義。就第一門中宅舍等。則開制不定。若廣畜莊宅。卽不聽許。若一口小房。雖是重物。有資道義。聖亦聽畜。不須說淨。鈔意。店肆者。古人注云。肆由陳也。店者置也。肆亦云列也。謂列貨賄於市。故云店肆也。以池施僧供給浣濯等者。立謂受施之時。當先要令若通一切畜生。隨意用者。得受。若局僧者。不須爲受。恐後難護故也。餘如雜法中者。深云如下。諸雜要行。

篇有五種僧物不可賣。是也。覺恐指雜毘度也。儉開三十六石等者。立明人別各畜三十六石穀也。盡形藥中等者。立謂受取一夏之藥。加法竟得一夏。用唯前穀鹽也。後卷具有說淨方法者。如下。四藥受淨篇中。廣明四藥受捨方法。至下當釋。長者將女施佛等者。案增一阿含云。佛在羅閱城迦蘭陀竹園。與五百比丘俱。時城中有婆羅門名摩醯提利。其人有女名曰意愛。顏貌端政。世之希有。時婆羅門善達外道經書。靡不貫諫。自念言。我等經籍所明。有二人出世甚爲難遇。一謂如來。二謂轉輪聖王。若輪王出世。七寶自然。當應我女。顏貌殊特。玉女中第一。今既世無輪王。可將此女奉。上如來。卽將其女往至佛所。白言。唯願沙門受此玉女。佛言止。止。梵志。吾不須此。著欲之人。婆羅門再三白佛言。願沙門受之。此女無比。佛告梵志。已受汝意。但吾以離家不復習欲。時有一長老比丘。在如來後。執扇扇佛。便語佛言。唯願如來受此女。人若如來不須者。與我。給使佛告長老比丘。汝大愚惑。乃於如來前吐此惡言。汝云何繫念在此女邊。夫

● 戒律

爲女人者有九惡法。一者女人臭穢不淨。二者女人惡口。三女人無反復。四女人嫉妬。五女人慳嫉。六女人多言遊行。七女人多嘔吐。八女人多妄語。九女人所言輕舉。是名女人九種弊惡之行。佛卽說偈言。常喜笑啼哭。現親實非親。常求他方便。汝勿與亂念。長老復言。女人雖有此九弊惡之法。今觀此女無此諸事。佛復告言。汝今愚人。不信如來神口所說。吾今當說過去久遠波羅奈城有商客名曰普富。將五百俱人入海探寶。事餘因緣廣如增一阿含抄及歷國傳抄可尋。云云。豈唯犯姪盜亦通犯者。旣畜男女交雜。容壞梵行。名爲犯姪。若後和僧媒嫁淨人。用僧物供給婚具。卽是犯盜。故曰也。僧祇畢陵伽在聚落。自泥房等者。案祇律云。畢陵伽在聚落中。住自泥房舍時。瓶沙王來見尊者。自泥房施與園民。比丘言不須如是。至三猶故不受。其聚落中人聞已。來到其所求作園民。供給比丘。語言汝能持五戒者。我當取汝答能。便取終身持五戒。守竹園寺有五百淨人者。有云此五百人犯王刑法。比丘惡之。乞得立云。西國多有識

信俗人來寺供給比丘。總號淨人。盡持五戒。非如此方僧家之奴。今詔奴爲淨人者。謬也。有人云。言淨人者。以此人能供給衆僧。知錢淨果授食等。能令比丘離破戒之垢。令梵行成立。淨由此人而成。故曰淨人。非望前人稱淨者也。准此奴婢皆得名淨人。無妨若喚奴者。增長口過。濟云。僧伽藍人者。定非今時奴婢也。唐三藏云。西國國王名曰戒日王。敬信三寶。齊於菩提寺四邊。眼所及處。所有土及民戶皆屬比丘。事同此方封戶之類。王若征時。菩提寺主卽簡雄壯淨人。領送與王助王打賊。王後事了。亦送還僧。不與持戒。反與破戒。乃至刹利入阿鼻者。案十輪經中。廣明十善輪。次卽明十惡輪。十惡輪中云。佛言。未來當有利刹陀羅。居士旃陀羅。四方僧物。床敷臥具。田林屋舍。飲食湯藥。資生雜物。不與持戒。清淨有德比丘。辯才聰明。如是人。悉不與之。見破戒比丘。作惡行者。給其所須。床蓆敷具。自恣受用。并與白衣同共食噉。以是因緣。刹利旃陀羅居士旃陀羅。命終皆墮阿鼻地獄。又云。末利夫人施僧布薩錢者。案十誦云。佛在



不犯字原本

舍衛國時末利夫人爲聽法故到祇洹中問諸比丘此處有幾僧答言不知以是白佛佛言應數數時應行籌後於布薩時末利夫人施僧錢比丘不受佛未聽我受布薩錢佛言聽受又居士持金銀與僧作寺食堂園田比丘不得受犯吉者以是爲僧受故不犯捨墮以不遣淨人受故自口受之故吉若遣淨人受取無罪若受後作衣服用得吉雖者立謂若令淨人受不犯若自受竟後若服用披著得吉則破四分人解等者立謂雜舍中須木但直索木縱施木直不得受也四分人解云既開受木今若施直應得作淨受也四分中爲作房事有人施竹木聽受人即解云爲作房故聽受寶物蓋以下律文中開受房錢藥錢故作此釋今鈔意云文言求材木等得受者得受材木也不應自爲身受寶物也前聽受末利布薩錢者蓋爲僧故受今詳文相疏釋爲勝謂作受淨物意不同七百結集夏直受犯非也遠今雜合既不得受則破四分家人語也案雜合云時佛在王舍城迦蘭陀竹園時有摩尼珠髻聚落主來問佛言前日國王集諸

大臣共議沙門釋子自受金銀寶物爲是淨爲不淨中有臣言沙門釋子不應受畜復有臣言應受畜也我時聞已生疑既言應畜爲是實說爲虛妄說爲是順法爲非順法佛告聚落主言此是妄說非隨順法若受沙門釋子自爲畜金銀寶物者不爲清淨非沙門法非釋子種若沙門釋子受畜金銀寶物爲清淨者五欲功德悉應清淨聚落主聞已歡喜而去後佛告阿難普命一切比丘皆集佛具陳向者聚落主之言竟汝諸比丘從今日須木索木須草索草須車索車須作人索作人慎勿爲已受取金銀種種寶物佛說是已諸比丘歡喜信樂奉持注云引經自明者即是雜舍經也餘如正解者如後正解戒本中明也聽受刻鏤床除金寶者謂雖開受刻鏤床若有寶據不許受也若綿褥他施已成得受者立謂簡上乞蠶綿戒中自乞蠶綿犯提此中約他施已成者得受也不得提一切穀者不問自他穀但是一切種子比丘捉者皆吉若得金寶呪願已還主者立謂比丘不得自受用但爲施主得福聽呪願已還主任彼爲寶

淨物來比丘乃得受用。非謂永遠主也。說輕爲重者。謂豐時禁約也。言說重爲輕者。儉時開緣也。涅槃第六卷四依品云。善男子。若有人言。如來憐愍一切衆生。善知時宜。以知時故。說輕爲重。說重爲輕等者。榮疏云。謂國豐民治。有好檀越。則不得畜爾時。說輕爲重。若國亂人儉。又無檀越。佛則聽畜。爾時說重爲輕。又一解云。於四法中。如來所遮名爲說重。如來所聽名爲說輕。四法如後所引是也。觀知我等弟子有人供給所須。無乏乃至若諸弟子無人供須者。疏云。此上之文明有檀越供給。則不得畜。無則得畜。此是第時世飢饉飲食難得者。疏云。此明如來雖許無檀越得畜。要儉時則得豐時則不得。此第二爲欲護持建立正法。我聽弟子受畜奴婢。乃至賣易所須者。疏云。此明雖儉時得畜。要是建立正法。則得不建立。則不得。此三雖聽受畜。如是等物。要須淨施。篤信檀越者。疏云。此明雖建立正法。得畜作淨施。則得不作。則不得。此第四如是四法所應依止者。疏云。一解言。是向四法。此是了義。故可依也。又解云。四謂四依法。謂向說如是四依。

佛法藏經

在疑難

向所法說了義。故可依也。四依如我爲肉眼。至不爲慧眼。說等者。疏云。以肉眼者。不識於法。我爲說人。依是故。我今說是四依。故我於今爲肉眼者。說人四依。聲聞肉眼。菩薩慧眼。私云。此上鈔所引經。一依經次第相違如此也。又解。我爲肉眼。諸衆生說者。立謂慧眼能分別邪正。不假佛說。四依但肉眼不能了達。魔說佛說。故須爲說四依也。十餘處又者。謂八不淨在過既深。故使涅槃一部說處過十。故曰十餘也。又不應以袈裟因緣而禮敬者。雖著袈裟。由八不淨。故不堪加敬也。然十輪令恭敬者。據不分別淨穢。故使著敬。也不用亦得者。謂不用十輪亦得也。以涅槃是窮終極。教決了正義理。合依承也。以護法。故小小非要者。十輪但是護法。小小之教。不如涅槃窮理盡性大要之典也。三明畜罪輕重中。就八不淨物中。前五并後一。但得吉羅第六第七錢。寶并綿褥得提。所以此二得罪重者。由遠淨施。故也。以此二物若畜。要須對俗說淨。付淨人。實舉物非已。還方應以教。疏云。八中六七二種。體是實物。長貪處深。有淨施。遠教過畜。

犯提自餘六種雖亦名不淨體非賣物生患處微兼無淨法無應說不說之過畜之但輕餘則吉羅者深云言餘者有二義一謂八中六種爲餘又解只第七門中除綿氈等已外餘恢復器得吉故指恢復器爲餘也言畜者亦少者綿寶二物體是賣物畜者故多奴婢田宅等畜者全少故曰也從此已下正明第四交買輕重義也若以此八買衣犯捨者謂八不淨物買得輕衣如三衣及一切衣等犯捨故前疏云以此八種買得十種衣皆犯捨此解同寶云此謂容犯販賣捨也五衆邊貿卽不犯販停過十日容犯長也以衣得寶綿氈亦捨者謂將三衣五衣及一切衣買得八不淨中兩個重物也卽是錢寶故首疏云以十種衣買得金銀錢綿繒氈得贖得餘六種者吉同寶曰以衣得寶者犯畜寶戒綿氈者犯長也若得餘六並得吉者立謂將三衣五衣買八不淨中六種物得吉無應說不說之過故但吉也以衣寶相易亦墮者首云若以金銀綿繒等二種相易提立云以綿氈將金寶二物自相交貿故提也買餘六種吉羅者立云將

八中綿寶二物買餘六種得吉首疏同此解此是定義六自相買皆吉羅者立明當六種中一一自相買得吉也如以麁寶等是也首云六六自相買得小罪得衣寶者皆提者立明將餘六種易得綿寶二物皆提首疏此謂與俗增減者立明與俗人爭價上下故提若與出家五衆相貿易雖爭價上下但吉羅也多論若說淨錢寶等者立云先說淨錢易得衣物若將作三衣百一物者不須更說淨若將此說淨寶買得衣來不得作百一者卽是其長要須說淨故言已外須說謂三衣百一之外名爲已外也問百一本不須說何須言錢若說淨寶得百一物不須說淨若爾本錢不說買得百一物亦應用說答百一體不須說無問本錢說與不說買得百一物來皆不須說今所明者欲顯本錢雖說買得衣來若是畜長之人須更將衣說淨也恐人情意謂本錢既說雖買得衣衣不離錢何須更說也景云以寶作淨還用此寶買得此衣衣不離寶解非言已外須說者立明謂是長衣須說以此長衣非是百一之內故曰已外若犯罪悔於

僧中者立謂此是生起下文也。謂錢寶雖先不淨已犯捨。後將寶得衣受持。及說淨前成。但悔前。故言僧中悔也。其後來衣財不須捨之以得淨。即入淨。故但悔先畜寶罪已外。成衣不成衣一切無罪者。景云。以將犯畜寶之錢寶得衣。是即染。但悔先畜寶之罪。衣不須捨。以無染犯。故言已外。成衣不成衣。則無染。過不妨說淨也。有人云。此是定義。前長衣戒中多云。犯捨衣。得餘衣。尚不犯捨。故此亦然。正解本戒者。夫論解義。有本宗有傍說。今此本宗正是解其畜寶戒。自此已前。但說明八不淨物盡是傍說。從今已下。正釋此戒之相也。文言手捉別時意者。立云。文謂戒本之文也。明九十中得手捉者。謂同盥中及寄宿處。由斯二處見寶不收。致失招護。聖開暫捉。非為永許。但為守護也。此戒同畜放捉。即犯指九十同捉者。是別緣開。故言別時意。非我弟子。此失戒者。立謂畜惡律儀。即失善戒。寶是破戒之因。亦惡律儀所攝。故失善戒也。亦可由佛證。非我子聖師。不攝約此義。遂應失淨戒。五欲功德悉清淨者。立謂沙門釋

子受金寶者。則謂穢行五欲之法。亦是穢行。若畜金寶。言是淨者。亦可五欲之法。亦應是淨。五欲是穢。不名淨。畜寶如何不是穢。言功德者。謂五欲既非清淨。亦非功德也。梵志畜述。案增一阿含第六卷。善知識品云。昔有梵志名雷雲。事一梵志為師。名耶若達。其雷雲聰明學。一切伎術悉通。遂欲報師恩。然復貧乏。欲詣國界求財供養於師。師曰。我愛惜汝。設吾死者。尚不欲離。何況今日欲捨我去。今有婆羅門法。汝尚未學。今應教汝。即教五百言誦。誦既通。遂即為立名。名為超術。超術後時。又白師欲去。師不能留。時摩大國去。城不遠。有衆多梵志。普集一家大祠。講論時。彼有第一上座。善達。天文地理。衆中要令稱試。勝者與五百兩金。金杖一枚。金澡罐一口。大牛千頭。超術聞之。念言。我家家乞求。不如往彼衆中共其稱試。便往其衆中。時諸梵志遙見超術來。各各高聲喚言。善哉。大利。乃使梵天躬自下降。超術報曰。我非梵天。我是雪山北耶若達梵志弟子耳。即與第一上座稱試。超術即誦一句五言上座等並不識。默言甚奇。即推



本經釋

超術坐第一座。彼舊上座。即懷嗔恚。設我有功德。皆作誓願。願使其人所生之處。凡所作事。我則敗壞其功。彼時大祠施主。即將五百兩金。金杖。金澡罐。各一大牛千頭。好女一人。用奉超術。令使呪願。超術告主人曰。我受五百金錢。金杖。澡罐。擬供養其師。牛及女人。我所不用。吾不習欲。亦不積財。既受金等物。已欲還奉師。詣鉢摩大國。其王名光明。勅令掃洒街巷。并勅國內。不許賣華。超術見已。問道行人。王欲聘娶耶。行人報曰。王請金光明如來耳。梵志禮記。亦有此語。如來出世。甚難得遇。又梵志書。亦有此語。二人出世。甚難得。但佛及輪王。心即念言。且未報師恩。今將此五百兩金。奉上定光如來。復作是念。書記所載。如來不受金銀珍寶。可持此五百兩金。買華散佛。即入城內。求買香華。城內衆人。報曰。王有教令。有賣香華者。當重罰之。即逢一女。捉五莖華。就其買。得供養如來。用散佛上。并解髮以布淤泥。若如來授我記者。當蹈我髮上。佛即蹈上。而過語云。汝當來世成佛。號釋迦文。云。劇城市之商賈。信佛法之烟雲等者。立云。買客

商人東西馳騁。販博求利。今乃僧之居穀估易。志專財物。故曰劇城市之商賈也。言信佛法之烟雲者。日月不明。由有四患。一謂修羅二烟雲。三塵四霧。佛法不明。由沙門四患。致佛法無光顯。由如日月有四患。無照用之能也。深須信此畜養等。思能爲佛法烟雲也。賓云。今觀律意。文列其五。第一義合爲四。以前沙門四患也。婆沙二十七云。此日月輪五。翳不明。不照不廣。不淨。何等爲五。一雲。二烟。三塵。四霧。五曷邏呼。阿索洛手。此中雲者。如盛夏時。有少雲起。須臾增長。遍覆虚空。障日月輪。俱令不現。烟者。如林野中。梵燒草。木。率爾烟起。遍覆虚空。障日月輪。俱令不現。塵者。如亢旱時。大風旋擊。塵起。遍覆虚空。障日月輪。俱令不現。霧者。如秋冬時。山河霧起。又聞外國。雨初晴時。日照川源。地氣騰湧。霧霏布散。遍覆虚空。障日月輪。俱令不現。曷邏呼。阿索洛手者。謂阿素洛。與天圓時。天用日月以爲旗幟。由日月盛。天常勝彼。時曷邏呼。阿素洛。帝心忿日月欲摧滅之。由諸有情業增上力。盡其智術。不能摧壞。遂以手障。令暫隱沒。反自誇陳。

妄排法律者謂口中陳說我無貪心又自誇矜我是大乘學者不守小乘戒律但作無相之心心無所著作此言者故曰妄排法律也字書云華言無實曰誇誇亦誣也望自矜持者尙書云汝惟弗矜天下莫與汝爭能孔安國曰自賢曰矜反禮記云不矜而莊鄭玄云矜謂自尊大也今末代僧尼貪毒逸動論財利更復倚傍大乘云我等心無貪著斯有何過不思業累望人師敬位過二乘及欲當人非分自處斯之盲瞽地獄罪因負山岳之重事絕分毫之善分也不及俗士等者此下舉俗況道意可知也如王夷甫生來口不言錢又如漢末魏初青州北海郡有管寧者鋤園見金揮鋤與瓦礫無異掘而擲之並不取也又戒疏云世俗常言願雍拜萬戶封家人不知諸葛亮受三郡賞庫無石貯斯豈非俗人尙知足若此也聖俗尙能高節清操不群況方外高僧貪富斯甚何異螳螂者螳螂雖有拒輪之智寧免碎質於輪間類今妄斥小乘生報必委於湯炭螳螂一名莫駘又名蚌音見爾正莊子云螳螂怒臂以當車轍也飛蛾

明在字原本

赴火者雖有智欲投明反遭明之喪體喻今雖言不著坐此還墜狂坑卽如經言或有服甘露傷命而早夭者是也方生重盜之始者立明由與生販賣爭價高低容有犯重之過八毒蛇者卽八不淨也如昔比丘見金唱言沙門毒蛇沙門毒蛇等云若有共僧利死墮地獄者立明僧與此人同住同僧事作羯磨法並不成就是違佛教故入地獄息世戒白四羯磨所得者立謂掘地壞生非時食等此是遮戒故曰息世識也性重者如殺姪等以是性戒有業道故名性重也以遮戒要由羯磨方有此戒故曰白四所得若性戒不問羯磨不羯磨常有故曰也八種錢者案四分云一金二銀三銅四鐵五白鐵六鉛錫七木八胡膠錢也注云似山像也者謂卽釋上似色也若言金銀生像者此梵漢雙舉梵言生此曰金梵言像此言銀以五種取爲畜故吉羅者立謂其僞實若準下文五種受器受身受等受已畜故得吉若捉金薄等並墮不犯此戒者謂犯後九十捉寶戒也祇云若不淨物金銀錢故觸名不淨者立謂其金銀以不得觸

乃名不淨。除寶得觸故名淨者。立謂即似寶也。如銅鐵等得觸。故異於錢等。此則名淨。仍不得著。又名不淨。此謂似寶之中名淨。不淨若望得觸邊名。淨望不應著。又名不淨案云。金銀及錢是名不淨物也。言餘寶者是淨不淨物也。謂真珠珊瑚珂貝玉等是也。若相成就等者。謂文字分明。但時所不用。即古錢是也。若彼爲比丘。買衣鉢等。應持貿易受持之者。立云。自此已下有兩節文。此謂有錢寶對淨人作淨。淨人不解作法。不成便犯捨墮。雖令買得衣鉢。此衣鉢要更須貿易。由本說淨不成。故若淨人當時解比丘說淨法者。則不犯墮。後若買得衣來。得加法。故云應取持之上。雖相承此解。覺意之所不然。今言上既云對淨人說淨。竟若淨人取還與比丘者。當爲彼人物。故受勅淨人買之。又解若彼爲比丘。買衣鉢等。應持貿易受持之者。此謂前說淨。竟錢既在比丘邊。今淨人欲將此錢爲比丘買衣鉢。比丘須持此錢與淨人買衣鉢。故曰應持貿易受持之。謂是應持錢與淨人買衣來。自受持也。若彼優婆塞下。此明淨人既將錢去。

買得衣來。應須加法持也。文作此解者。立云。若彼憂婆下。此謂先對淨人說淨成句也。前文則是將淨人說淨不成句也。二者淨人言易淨物。畜者此謂淨人令比丘易取淨物而畜。即當說淨。此上二法皆約破此知法也。案多論第四云。錢寶說淨有二種。若白衣持錢寶來。與比丘比丘但言此不淨物。我不應畜。若淨當受。即是淨法。若白衣言與比丘寶。比丘言我不應畜。淨人言易淨物。畜即是作淨。若白衣不言易淨物。畜比丘自不說淨。直置地去。若有比丘應從說淨。隨久近畜。若無比丘不得取。取得捨墮。又云。錢寶淨施法者。應先求一知法。白衣淨人語意令解。我比丘之法。不畜錢寶。今以檀越爲淨主。後得錢寶。盡施檀越。得淨主已。後得錢寶。盡比丘邊。說淨不須說淨主名。說淨已。隨久近畜。若淨主死。出異國。應更求淨主。除錢及寶。餘一切長財。盡五衆邊作法。等斯文意。錢寶若散落者。得以磚瓦擲入者。謂旋淨人。令下錢時。錢有散落者。比丘手不得觸。亦許將瓦石打其錢。令轉墮入坑中。也不得觸四邊等者。如諸王公主貴勝俗

●戒律令

人多有斯事。以將金。斂貯食。施僧。比丘則不得手受。令置面前。正下之時。口云。受受。卽成受也。但食器中之食。不得手觸。內外四邊。言讚歎手捉者。既是金。碗等器。則不得口贊。譽言。大好器具等。亦不許手捉也。若言。與是淨人。皆犯者。自受。受人受。同犯提。故若僧中。以行者立。謂僧中。依次得分也。除似寶及百一物。乃至作吉悔者。僞珠等物。名爲似寶。畜之不淨。故犯吉令悔也。深云。此言百一物者。非中品受持。百一物人也。畜百一物。既加受法。一向無長過也。今言檢者。還是畜長之人。有此物也。謂隨物一一之中。名百一也。錢寶說淨有。一著。景云。一僧二俗。如前引多論。文是也。若彼此不語。取得墮者。謂比丘與淨人俱不言也。上明或比丘言。或淨人出言。皆名說淨。今則二彼俱不言。故不成淨。景云。此舉有受蓄心也。不得與沙彌者。謂是法同沙彌。不得捉寶也。故下引僧祇證也。僧祇曰。連將專頭等者。案祇云。佛在舍衛城時。日運共專頭沙彌。食後到阿耨達池。上坐禪時。沙彌見河邊金沙。便念。今當盛取此沙。著世尊澡罐下。目

●戒律已

●六難七

●由沙作證

連從禪覺已。神足乘空而還。沙彌爲非人所持。目連迴見。喚沙彌來。答言。我不得往。問言。汝有所持耶。答持是金沙。汝應捨棄。捨也。卽乘空而去。老比丘將沙彌還村者。佛在舍衛城時。有比丘將一沙彌。飯看親里路。經曠野中。道有非人化。作龍。右邊沙彌以華散上。贊言。善哉。大得善利。捨家出家。不捉金銀及錢。比丘到親里家。問訊已。欲還時。親里婦言。汝今還去。道迫多乏。可持是錢去。市易所須。沙彌受取。繫著衣角頭而去。中道非人見沙彌在比丘後。行復化作龍來。左邊沙彌以云。空上設是言。汝失善利。出家修道。而捉錢行。沙彌便歸比丘。顧視問沙彌。汝何故歸。答言。我不憶有過。無故得憍師言。汝有所捉。耶答。持是錢來。師令捨棄。棄已。非人復如前供養。以此緣白佛。佛言。自今不聽沙彌持金銀及錢等。此由可治。故遭幽責。者謂上來二沙彌之過。此過可治。故逢幽冥之責也。若現在不可治者。則未來重受。必入地獄。於今現在不達此輕責也。如下池神議者。亦是可治也。如池神議者。案智論第十七云。有一比丘在林中。蓮華池邊。

經行聞蓮華香鼻受心著池神語言汝何故捨彼林中禪淨坐處而偷我香以著香故諸煩惱結使臥者今皆覺起于時更有一人來入河中多取其華掘挽根莖狼藉而去池神嘿無所言比丘言此人破汝池取汝華汝都無言我但河岸邊行便見呵罵云我偷香池神言世間惡人常在罪垢糞中不淨沒頭我不共語也汝是禪行好人而著此香破汝好事是故呵汝譬如白氈鮮淨而有黑物點汚衆人皆見彼惡人者譬如黑衣點黑人所不見誰問之者餘有未懺必遭顯戮者慈云如作偷盜等事必被他人刑戮不疑即是刑戮亦可作過不懺罪於現在日夜增長又解如暫嗅香尚遭神責況更非法犯重必被滅損故言顯戮同煩腫者案百喻經云昔有一人至婦家舍見其搗米便往其所偷米噉之婦來見夫欲共其語滿口中米都不應和羞其婦故不肯棄之是以不語婦惟不語以手摸看謂其口腫語其父言我夫始來卒得口腫都不能語其父即便喚醫治之時醫言曰此病最重以刀決之可得差耳即便以刀決破其口米

本經要

從中而出其事彰露世間之人亦復如是作諸惡行犯於淨戒覆藏其過不肯發露墮於地獄畜生餓鬼如彼惡人以小羞故不肯吐米以刀決口乃顯其過已下明不犯法也開緣如上者謂此一戒上文並自有開運文也

賢寶戒十九 以說淨寶轉易與他等者深云若非說淨寶已犯前戒捨墮竟今若更買餘物但得吉以無重犯故言當與他時得墮者雖爭價上下若結犯時正是約與他時得提也此與下買衣戒五種不同者戒疏云一對人不同買寶七衆俱犯買衣唯二俗犯二買寶自作教人爲已同犯除爲三寶寶衣使人犯三寶寶一制不開自爲買衣則開蘇油相易四衣寶捨則道俗不同五還財本非本別故謂買衣捨機還本衣更得却受買寶捨機財捨與俗人已後還財惡須買得淨物方得受若本財不合受也今言買衣戒者只是下販賣戒也緣起是販難陀與外道買衣爲緣起故諸此買衣爲販賣戒也又對上畜寶戒四句分別一是畜非寶俗施錢金也二是買非畜衣易

錢寶也。三俱是以錢買金者。四俱非。即衣物相易也。但無衣食爲異者。立明此戒。直論金銀錢相買。不論衣食。下戒則論衣食。故簡異之一。是錢寶者。簡除衣物非犯也。二互相易者。皆提互相貿易。總有四十句。其中錢與金銀開之爲七。即金三銀三錢一也。金有三者。一已成金。謂已成器。釵釧等也。二未成金。即金挺等也。有人解云。未成金者是金叩也。今不同之。朴既雜石。未得名金。三已成未成金。謂鑄打。竟仍未摩治也。高云。已成者。環珎器具也。未成雜叩者也。已成未成者。挺等銀中三句。亦爾。并錢是七。其七中更互相易一句。有七。以成四十九。七初七者。一已成金。買已成金。二已成金。買未成金。三已成金。買已成未成金。四已成金。買已成銀。五已成金。買未成銀。六已成金。買已成未成銀。七已成金。買錢。此七句。純將已成金爲頭。後个七句。還如上次第。即將求成爲頭。買除六乃至將銀及錢作頭。亦爾。次將未成金爲頭。應云。未成金。買未成金。二未成金。買已成等金云云。次將已成未成金爲頭。應云。已成未成金。買已成金。

二已成未成金。買已成金等云云。若將已成未成銀。買已成未成銀者。先且對牒。次則從前與謂從金爲首也。若將銀爲頭。亦且相對牒。謂錢買次從金起。不得向二三人前者立云。此戒罪重要。僧中悔已下明不犯法。

販賣戒二十。成四增種者。即四依行也。一在家二衆者。簡其出家五衆不犯也。准餘部雙開者。立謂四分中。唯得教淨人買。若准他部。應令淨人買。是一開也。如無淨人。比丘亦得自買。又是一開。故曰雙開。然比丘自買。要須知淨語也。寧作屠兒者。屠兒則普願天下人皆不殺我。得獨賣。若屠恒願四遠反亂王路。隔塞者。謂如長安城中。居得十石五石鹽。已忽王路。塞車乘不通。四方路斷。其此鹽貴。豈有價耶。五百問云。治生得物。施人犯墮者。景云。此舉受者犯墮。以治生罪。故下句亦然。若窮厄處等者。立謂若飢時無食。處此治生道人。使白衣將此物作食。亦開得食。其治生比丘。要須對衆中白云。此非我物。方得食之也。若治生比丘。不作此言。僧食犯墮。若將此物施俗人。

彼俗週施。僧得食爲主別。故十誦若相似。買相似者。立云相似。不相似皆墮。如鉢。買鉢。瓶。買瓶。犯墮。此名相似。若盜瓶等。亦墮。名不相似。若可捨物。金銀。糴粟。等得衣。提得食。吉者。此明畜穀粟。但吉畜衣。得提。故今輕重不同。亦如前明八不淨中。輕重有異。今明用錢或粟。買得物。來若得衣。是提。若得食。是吉。四分販賣。買三事俱墮者。立謂買賣之中。或含其販。或時直買。而不爲利。曰買。或時但賣。而非販也。若爲利。故買擬後賣。賣名販。一皆提。擬價就高。曰賣。抑價歸下。稱買。買已規利。而賣復曰販。此三皆提。然販者約當時收。取有心規利之時。卽犯。未待出時。抑揚物價。方始結罪。縱臨時依平價賣者。亦得販罪。十誦據一物爲語者。慈云。納一衣上有賣買。同生犯。四分約一一物各得罪。立謂彼律販中含賣買也。私云。謂賣與買於一物上。生犯也。案十律有三句。初句云。貪賊故買。吉羅。謂直爾見賊。卽買。不擬後賣。二者貪貴故賣。謂有衣鉢。本無賣心。忽見時貴。卽將賣者。亦吉。三買已擬賣時。犯尼薩。今詳第三句。是於一物上生犯也。

之數疑故

四分則不爾。但使買時雖不擬販。若不作知淨語。爭價高下。卽得提。或賣時雖非貪貴。若不作知淨語。亦提爲販。而賣買固是提罪。今詳四分於一物上及異物上。俱有犯義也。四分不了等者。立謂十誦七日內得還四分。但言不得還。仍不明日數。故曰不了。然復須知。皆約比丘私賣買也。必知賢善聽直與者。立云汎爾比丘共僧交賣。當須價均。今此比丘少欲。賢真又是貧乏。故聽將僧物直與。不須交博。案五分云。時有比丘拘執衣。四方僧有僧伽梨。欲買之。諸比丘不散與。卽白佛。佛言。聽易若拘執。價多應陪與。比丘若僧伽梨價多。比丘應陪與。僧若貧無物可陪。與僧者。而必是少欲。知足亦聽與之。餘衣亦如是。四分衣法中有賣價衣。令淨人買者。深謂健度中云。若有淨人令淨人貿易。若無淨人。遣比丘買。不犯。若有淨人不遣買。仍使比丘買者。提。未詳得檢四分文看四藥隨輕物。淨不淨物等者。案祇云。一時藥。二夜分藥。三七日藥。四盡壽藥。五者隨物。六者重物。七者不淨物。八者淨不淨物也。四藥義可知。言第五隨物者。三衣六物。覆瘡。

衣雨衣鍔鍔水囊錫杖草屨等種種所應畜物皆名隨物也。首云祇疏解言隨有二種。一可隨身。二可隨道。三衣六物不畜得。罪違道不隨。故名二種。反上可知。言重物者。床臥具坐褥枕一切銅器。一切木器瓦器等是也。言不淨物者。錢金銀等。比丘不得觸故名不淨物也。言淨不淨物者。真珠珊瑚珂貝頗梨玉等是。諸寶物得觸不得著。故名淨不淨物也。若將時藥買時。若將時藥買非時七日藥。乃至隨物重物。作不淨語時。吉得物犯提。若將隨物重物淨不淨物。作皆亦如是。為僧月直市油麵等者。案祇云。若為僧月直市油蘇米豆麵。作不淨語。吉此約為僧。故但吉若自為己者。作不淨語時。吉得物犯提。若自舉物價等者。立謂比丘賣物。前人問。幾錢。比丘若長案價。商人若依口與直。得利犯盜。若食殘持博蘇油等者。立謂此且約貿易之罪。若論將僧食還房復得蘭也。但非此所明。言得施者。謂一切俱捨。識也者。濟云。販賣之物。既犯捨。實不合施。即得吉。羅今若欲將施人。要捨。從僧得還。已然後方得布施人也。已下明。

提作餘

不犯法不得與餘人貿易者。餘人謂是俗人也。但開與五衆貿易耳。言令淨人買者。深云。此開通文也。十誦三度語案者。深謂與俗人交貿時。論價高下。開三度問。未犯過三方犯。至第四度。應使淨人問。以爾許物。乃至有利等者。立謂此是教淨人貿易方法。如此故非犯也。

畜長鉢戒二十一 僧尼犯同緣異以不作淨同犯提罪。故曰犯同。僧開十日尼當日說以開緣不同。故故曰緣異。三如法鉢非提油者。礪問衣。若過減。皆受持鉢。何不爾。要須如量者。答衣有截續鉢無延促。故使過減不成。受持言提油者。立謂提者作鉢。坏已提使有光。即用燒之。更不重也。如北地多見提瓦狀同也。油者。荏子為之。古師多將油鐵鉢。此全受賦用。必獲罪。畜此鉢者。過限不犯。由屬非法。不犯長故。餘如長衣戒者。謂彼廣有八句。數論犯不犯。一如長衣戒釋也。礪云。第五緣云。五無因緣。謂失奪等四想之緣。非迦提一月五月緣。知之若得鉢五日。已被三舉。被治設經多日。亦無長過。若解舉後更得五日。首疏問。

衣中所以有勸增價縷鉢無增價者答衣資身寬多
喜勸增故聖制犯重鉢唯一用資身義狹勸增義希
故得小罪所以不制。彌問云所以不受迦絺那鉢者
答衣有三領爲持重故開受功德衣得離衣宿鉢唯
有一常須受用何得受迦絺那鉢以蔭持鉢事不可
也。彌意也。縷五利不該於鉢謂不得離鉢宿又復若
有長鉢時亦須作淨也

乞鉢戒二十二 從非親乞故犯若從親乞若自買
得無過五乞如法鉢者箇餘不應量非法之鉢不犯
事希少故者謂若論行機等法具如律文然行機時
要局大界。彌云若有乞得衆多鉢者盡須奪取好者
追入僧庫箇餘惡者僧中之已下明不犯法若減
漏者立謂減謂減量也。漏謂破漏也若先減量之鉢
及雖應量而漏更乞不犯又深云若減五緣而漏及
過五緣不漏更乞並不犯不必具二方開乞也故前
立緣中云減五緣不漏合爲一緣可知

使非親織戒二十三 濟云此戒是損織師故制前
第八勸增衣價戒是損縷主故制作羅一切吉者應

師云蘇對反方言羅車趙魏同謂之歷鹿也江東人
曰羅車今明吉者即是從非親得縷使親作縷故得
吉也

勸織戒二十四 如僧祇緣起極要可尋祇抄云
對此須明跋難陀爲二老叟分衣事如僧祇及十誦
抄可尋

奪衣戒二十五 光統律師云先與衣不分明強奪
戒甄下衆非行類者甄由箇也以緣起中本規同行
今下衆位卑卽非比丘同行類也。彌問若沙彌言不
犯者何故隨順被擯與大僧同犯答與衣共行沙彌
非類與之義希奪亦不數隨順解義同違僧法損壞
無殊爲是同犯四句中二句者此謂與取俱決定奪
犯夷二若與定取不定奪得夷三與不定取定奪犯
此戒今據此文前盜戒中奪賊物云失者不決捨賊
已作決得想奪犯重與此文相違也今既言與者不
決定取者決定但提明知失物未作捨心賊雖決屬
奪不犯重也四取與俱不定奪吉一切奪舉不藏者
立謂爲舉藏故奪非是奪歸屬已故不犯也勝云一

金瓶梅
文

切。舉不藏者。此不藏者。此不藏舉由對面現前不藏舉未犯若不對面但移物即犯不假藏舉者也。畜七日藥戒二十六。五無因緣者立謂迦提一月五月也。覺意謂之不然迦提五利未聞開畜長藥勝云同長衣八門開緣故曰也。戒疏云五無遮難即是淨厨中往取不得或以八難不得入手取說等又失奪及藥壞等是因緣也。已下明不犯法也。若過七日藥者謂比丘初日受藥。竟次二三日更受別藥。還是七日藥至第八日相從犯捨。由初日藥既不說淨便犯捨墮。其二日已後受者復被他染。今文中有三例。言初者是過七日次者正明七日後者未滿七日。是六日已來乃至一日也。今若捨懺俱捨此三與僧。僧後還時其過七日者與闍人若正七日者得與餘比丘未滿七日者還此比丘塗脚等。第七日藥者立云是次日受得者也。前藥八日犯長此藥雖始得七日未犯由被染故捨懺還來須捨與他比丘食自不得食也。若未滿七日者立云此藥始得五六日已來亦由被染以其近故得還本主比丘塗戶嚮等。自按律文此上

並是論犯捨戶向許高。三若云向謂北出牖也亦是竟殘藥也。戶向反。三若云向謂北出牖也亦是。意也。今言塗戶向者。濟云將蘇油塗窗上紙令明也。如今時將臘紙黏窗是也。有人云此七日藥若乃擬服故畜可有長過不為服而畜者雖過日無長罪也。又復若受七日藥經五日已來遇緣被觸更得加七日法。若入六日已去雖被觸者不更許加法也。過前求雨衣戒二十七。立謂此戒衣狀大同縵安陀會也。首問曰過前求與乞衣戒何異。答有三種異。一衣體不同。此是雨衣。彼非雨衣。二開緣有別。此約時而乞過時便犯。彼無時限。唯除四緣三親非親。別彼親不犯。此二俱犯。過前用中列四緣成犯。第二緣云二時中得者。深云三月十六日已去得者皆名時中也。過此前受即犯前戒。非此所明言三過前受者謂中唱令加法受。非謂從俗邊受得也。立云要是時中得方有過前用。若是過前求得已犯前戒不更犯後戒也。和上云過前受者謂未至四月一日即受。然又非過前求也。但是過明前而受也。三月十六日求四月一日用等者。深云戒本云春殘一月在應求雨。

同
●總釋
大

浴衣今三月十六日已後至四月十五日。是春殘一月也。言四月一日用者。戒本云。半月應用。浴卽四月一日去。夏首正有半月也。皆謂夏前半月開用也。彌引多論云。若閏三月。三月十六日不應求。後三月十六日應求。不知有閏者。無犯。若閏四月。前十六日安居者。卽日受雨衣。用乃至七月十六日。百二十日。以夏雨濕熱。故求有所總。故不得合閏前求用。無貪總。故聽合閏前用。立云。若過此。前一日用。則犯。提若已過。先求雖更過。先用。但犯吉一衣之體。不重犯。故不得受當三衣。不得淨施者。明不得將此衣。准三衣用也。言不得淨施者。正受用時。不須說淨也。言不得作三衣及淨施者。此皆約正受用時也。必限滿已住。自轉易。不得裸身著者。立謂當著舍勒及餘故衣。觀裏也。若雨早止。垢液等者。立明著此衣。在雨中。浴浴既未了。其雨則止。身上垢若未盡。更得著入河水中。洗上言不得著入水者。由無此緣故也。此浴衣語通者。立云。此衣謂得兩用也。謂著浴并雨時。護三衣俱受濕故。又曰。語通者。以名雨衣。須濕故也。以水薄酒。

令濕等者。謂浴時必須著也。今既著餘衣。而浴。癢其浴衣。當須水洒。令濕。所以爾者。浴衣本擬用。浴浴時不用。故得吉羅。以水洒濕。義同。用竟也。至八月十五日。當捨者。立謂捨已。須說不者。犯長。此衣從三月十六日。後四月十六日。來日日得受。准此受時。亦通唱者。捨時。有文對僧唱捨。受時。既無其文。然義合。有今准理。須通唱。告知。未必對首而秉。已下。明不犯法。過前受急施衣。戒二十八五分第五云。急施衣者。若軍行。若垂產婦。如是等急時。施過時。不復施也。祇十一云。急施衣者。若男若女。在家出家。欲征時。征還時。死時。女人歸時。商人去時。施主語比丘。言。若今日不取明日。卽無是名。急施。七月六日。已前受名。過前也。若七月六日。得衣。至八月十五日。不淨施名。過後畜也。注云。二戒合制。不同一衣者。立謂若過前受犯。理無重犯。則無過後畜罪。若後畜罪定。非過則受。若不過前受。而過後畜。則是。有罪。不是一衣體上。有兩犯。故言不同一衣也。此是雨衣。合爲一戒。一是過前受。一是過後畜。故言二戒。若受便得不受。便失者。立

謂施主既欲遠行逆將奉施對此之時若受則得若不受永失也。謂施時不取後須難得四無緣者案四分云謂有失奪燒漂等緣闕無三衣得過前而受用作三衣今無此緣故曰無緣一二同上緣者謂一是急施二知是急施三是十日內者若是七月六日已後受即是十日內成急施衣有過限畜罪若七月五日受即是過前受已犯前罪更無過後畜罪以罪不重犯故問何故佛開去自恣十日內受不許過前受者答約施主無心本為夏勞故施正合時中而受今有急難緣故預將奉僧故十日內與時分相接還同本施故開十日內受若過前受則不與時分相接不稱本施心故不許也。如七月六日得衣至七月十五日正滿十日合說淨至七月十六日得十一日即入迦提月不須說淨至八月十五日足假滿即須說淨若不說是過後畜也如是七月七日八日九日已去得衣慈過迦提月數日足前得十日即說淨若不說即犯今言十日內者正是指此十日內也。廣明時非時法者深云迦提一月五月名曰時除此已外皆名

非時急施衣據本心為安居故施今去時分十日內與時分相接是名時衣也以七月六日受得過迦提月方須說淨餘非急施衣即如長衣等則不爾若時中得長衣則際迦提月滿即須說淨若迦提月之前得長則名非時得衣則不得齋迦提月要將時中日足前非時之日滿十日須說迦提五利不說淨者據時中得長衣故開未用說也。若時前得衣者唯許急施一色得齋迦提也。故戒疏云七月十五日得長衣時中九日須說如是例之首疏問何以非時受衣過一月五日外更增九日時中受所以不增日者答非時受衣還得非時開今既時受何得非時開若爾我非時受亦應不得時中開又解要是急施非時受時外更增九日時中受者既非急施衣受無時限何須更開九日。彌問汎爾長衣十日不說越十一日明相出便犯此急施衣七月六日受十日竟入十六日明相應犯何故乃言一月五月應畜不犯答長衣不與時分相接者但有前開無其後開是以便犯此急施衣十日受者是其前開入十六日復是後開兩相接

越此分齊是以無罪若爾七月十五日離衣及安居明相未出未成破夏離衣入十六日復是令去之限應無破離之罪答夏與離衣者但有後開無其前聽以十五日夜猶須界內守夏護衣是故不類也私解云言夏衣但有後開者謂自恣後方開出界方開離衣也自恣前無開出離衣也長衣若與時分相接者則前後俱開自恣前則有平常十日之開自恣後復有迦提開也

有難蘭若離衣戒二十九疏問此戒與前離衣戒有何異所以更制者答但前戒聚落清夷一宿即犯此則若險怖過六夜犯前是常流人有功德衣開此是有難又兼勝行勝行者即頭陀行也不受德衣但有迦提以非作故故有異也佛有教網六宵一會越此期限乖違聖旨故制提罪二冬分非時者即八月十六日後至十二月半來是冬分非以其夏中不許離衣也亮云疏主及南山并古師並判夏衣冬分開離也由四分文隱古來錯判據其諸部咸約夏中後加引五分祇如何四分獨違難通律云若比丘夏二月律十誦

竟後迦提一月滿已上律有人出本云若比丘夏三月安居竟至八月十五日滿疏主則云是前安後安俱滿故曰也南山輒足已字云至八月十五日滿已今詳俱非得意若言夏三月安居竟前安者合得迦提五利理合得離何假有難方開離衣遂即解云此蘭若六夜是上行人不取五利故也今詳不然文無此相又乖餘部故今正解言夏三月安居者謂前安結法竟也至八月十五日滿者謂齊後夏滿際已來則是約夏四月內也昔師意謂八月十五日已後今須定約八月十五日已前須引諸部證成如下當述云云賓云古來共傳謂迦提月滿足已後非時分中開離六夜今淨三藏云此戒本為後安居人開其六夜由前安人夏滿出去後人須至迦提滿來此處護夏此月多賊又為獨居故開六夜非關上行但有迦提今觀此律不局後安故緣起云夏安居訖然後離安訖猶居蘭若亦得說為迦提滿來在阿蘭若故釋前戒文應言滿來理非滿外南山輒改戒本云夏三月安居竟至八月十五日滿已若迦還有疑恐

怖處者太成疏失。准駁餘律皆是滿來。非是滿外。且五分第五份祇第十一。並悉大同五分。戒本云。比丘住阿練若。安居三月。未滿八月。釋中云。安居三月者。前安居未滿八月者。後安居祇律開緣。非唯為難。彼云。佛告。憂波離。往沙祇國。與僧減靜。憂波離言。我僧伽梨重。而今半安居中。留衣犯捨。佛問。幾日可得往還。憂波離言。計去二日。來二日。都計六日。可得往還。因開六夜。彼戒本云。夏三月。未滿比丘在阿練若。等釋中云。安居三月者。復四月十六日至七月十五日。未滿者。未至八月十五日。比丘未至末月中。阿練若處住。上來諸文皆是滿來。古人何因誤解也。五分云。爾時有八月。賊當伺捕人。殺以祠天。多論第五。始過十五日。未滿八月十六日。謂前安居人始過七月十五日。外國賊盜有時。此次六夜中間。是賊發時。案十誦第八卷云。若比丘三月過。未至八月。未滿歲。若阿練兒比丘在阿練兒處。住有疑怖畏。是比丘欲三衣中。隨一衣。若界內家中。此比丘有因緣。出界外。離衣宿。齊六夜。過是宿者。尼薩耆波逸提。解云。白未滿歲者。後安居已下文。又子注解云。三

●在疑怖

月過。略謂夏有四月。三月雖過。而後安居人。日猶未滿。故言未滿八月也。五無緣者。謂無水陸道斷難緣也。又解迦提一月緣也。此上行。人不受迦提那衣。無五月也。疑失一水器者。立謂處所有疑盜賊下至恐失一盛水器具等也。寄著可疑俗人家者。為不良是賊。故以寄之。則知比丘空身在蘭。若不來作盜。也不得單著者。立謂三衣合常隨身。今既聽留一個。餘二必須相隨入聚。等若重著。是如法。今時單披一衣。大非法。用習俗生常耳。明兩緣者。景云。一謂有疑恐怖處。聽離衣不限日數。隨難離促也。二為佛法等事。聽六夜一會不限冬夏。故曰兩緣。此並五分明文。而古師妄執蘭若恐怖。但得六夜一會不限時節。良以不見五分明文。又四分戒本。但云有疑恐怖。得離一衣。未云更有緣得離。而不出緣相也。今准五分並有兩緣。前言明兩緣者。五分文也。僧祇夏三月在蘭。若恐怖處。開置一衣。村內不作日限者。案祇云。是憂波離佛令往餘處。和僧減靜。僧伽梨重。佛開離之。問往彼減靜幾日得來。計用六宿。因此開六宿也。後因滿足戒本中

今同字疑刪

今夜疑去

乃云蘭若比丘夏三月中有恐怖疑難得寄一衣著聚落中不良家若無此難但爲餘佛法僧事等但得依前六宿耳祇云夏中有難還許離者卽如上引祇文是也五分夏中不許離衣要待後安居竟乃至寄白衣家不作日限者案五分云佛在舍衛城時有八月賊常伺捕人殺以祠天主蘭若處欲殺比丘聞之各各逃走賊卽欲散餘處別求賊中有一先出家罷道者語衆人言我聞佛教不聽比丘離衣一宿但共守之問向曉必還時諸比丘懼犯離衣雖知賊未去至後夜悉還爲賊所殺中有不死者念言佛若聽我滿八月日寄一衣著白衣家不遭此難以是白佛佛言聽諸練若處比丘安居三月未滿八月寄一衣著白衣家既寄衣他家都不往看又濕穢虫嚙諸比丘以是白佛佛言應往視諸比丘數數往視居士厭惡諸比丘白佛佛言聽十日一視又諸比丘有塔事僧事和上園梨事及已事他事須出界爲衣故不敢出白佛佛言聽爲是事離一宿諸比丘出界一宿其事未畢復還白佛佛言聽六夜若過六夜犯尼薩者

罪上言安居三月未滿八月者下文解云安居三月者前安居也未滿八月者後安居也餘義如上釋訖必有他緣方制六夜者如上引五分有難不作日限今非有難但是爲塔事僧事和上事等之緣開離衣六夜後因聚落比丘起過者謂諸比丘留衣在村身在蘭若頭陀村中失火比丘走來恐火燒衣俗人讖言沙門釋子見他失火走來劫物以是白佛佛言開六夜一看得知在無不致忙憶也而不顯相致古師妄執者立明但云得離六夜不云有難不作日限不言餘緣開六夜等勝云古師執言有疑恐怖但開六夜過則結犯既同過生制限六夜已定何得更開文但言恐怖等緣不開餘緣也古師雖有此執違他五分明文若擲石所及處等者謂入勢分內則得不失若有三礙當須入手捉也言若捨衣者立謂若不得會開對首心念遙捨餘同聚落離衣戒說者立謂若論開文劫奪想燒漂等想水陸道斷等緣明失不失大同前離衣戒也

迴僧物戒二十 初緣一是通許僧物者汎爾許僧

未分彼此。當住現前之別。迴之正犯此戒。立云此約輕物。然須作許。想想心謂未許。僧迴亦不犯。一爲僧故作未許。僧者立謂此句是重物。以施主心未決。施僧別故。迴得吉。前句是提然。古來諸師。諍此二句不同。有云俱是提。實判第二句吉。由是重迴。彼犯吉也。若言我已施。僧今施。尊者慈云。前能施者自是非法。受施者無過。如從賊受施。即以賊爲物主也。若施彼長見受用者。立謂禪師等常在寺行道禮佛。使得見也。注云隨前犯者。深云指第三句已許。僧不許。別屬迴得棄也。自意云此言通明。隨許處迴入已。隨境犯未必的指一文也。首疏引伽云。若檀越請僧食。次未至自言我應去。故妄語提。若是食隨計直犯。若越次差請。此是定屬之物。又復越次專由我意。損他成重。若爲前人說法。令物入已。犯捨墮。迴尼僧物入已。亦同捨墮。若僧物迴此與塔。卽入彼塔。不須還取。以福同故。比丘吉悔。此僧彼僧亦如上迴。此彼畜生物。越心悔者立謂且約畜邊結也。必是有主之畜。各自給物不許迴。互今若迴此與彼望主結。夷如他餘馬草。

◆每人屬

◆會本卷中三之一

麤豆等迴之。豈唯吉耶。若許惡勸與好者。破戒之人。名爲惡也。持戒比丘是爲好也。於第三篇中分爲兩段。上釋三十捨墮義已竟。

四分律鈔批卷第九本

四分律鈔批卷第九末

江東杭州華嚴寺沙門 大覺 撰

九十單提

從此已下正當第二九十波逸提法。就此段中略依戒疏。聊以三門分別。一遮性不同。二僧尼差別。三諸部異相。初言遮性者。有三十戒性。與理違悔犯事淨。集業未遣。要傾我倒。苦報方止。餘六十戒。但有事違。不無譏醜。故違教網。故聖同禁。言三十性者。頌曰。故兩髮麤異。嫌強事用。譏諫耻恣。覆疑畜飲。發說隨拒。毀同欲不屏。聽打搏無。二僧尼差別者。就僧九十中有六十九戒。僧尼同犯。故尼律中單列戒本。辨相同。僧有二十一戒。尼則不同。有三種異。初有無不同。有

三戒謂教誡尼說法至暮譏呵教師尼非師位故所以無二輕重不開十三戒偈言作衣持屏坐三期受齋食勸足美牙角過量覆三衣多於大僧數故便重尼布故輕然衣有五與尼衣與尼作衣及三種過量三有五戒犯同緣異謂背請足食犯同而開緣不同與外道食犯雖是同與緣不同減年一戒受緣不同過量浴衣生犯緣同用緣不同三諸部不同者十誦有九十一墮無此不受諫戒別立不敬說法人戒說戒時輕僧浪語戒似觸惱而彼自有隨問答戒五分有九十一墮無此不受諫戒用虫水飲虫水合爲一戒別立入尼寺輒說法戒二輕三師戒三迴僧物與別人戒僧祇有九十二墮無此不受諫恐怖二戒別立爲尼說法迴僧物與別人不捨淨作三衣輕衆僧四戒又離餘語別立觸惱戒解脫律有九十墮無此餘語與屏坐共羯磨後悔三戒別立在尼寺輒說法戒迴僧物與別人不敬戒三也依光統律師分此九十以爲九段初從妄語至壞鬼神村來有十一戒明守口攝意身莫犯惡善調三業行二從異語下

• 忍辱

盡覆屋過量來有九戒明善將人心隨護衆意不相燒行三從輒教尼至與女同行來有十戒明遠避嫌疑離染清淨行四從施一食處下至四月請來有十七戒明內資節量欲知足行五從觀軍陣下至三染衣色來有十三戒明繫意住緣離逸修道無著行六從放斷畜生命下至與賊同行來有七戒明常行遠離修慈愍物行七從說欲不障道下至不攝耳聽來有六戒明深心信解敬順教法行八從同法後悔至無根殘謗來有七戒明同住安樂祥和無二相違奉行九從突入王宮下訖此篇來有十戒明衣服外儀節量謹攝無違越行既有九段不同今則是初訖壞生戒來有十一戒正明守口攝意身莫犯惡善調三業行言故妄語者言不稱實名妄彰之在口曰語無心不犯曰故戒疏問曰故誑則重戲即犯輕何故藏物二俱犯墮答妄語非惱重約情故則結墮戲便結吉罪論藏惱境深望藏雖有輕重望失情惱一是故俱結墮立云或稱小妄者對前大妄故言小也案十誦五種妄語謂夷殘蘭提吉也虎稱得望是夷妄

語四重謗他是殘妄語上來夷殘兩妄方便未至究竟名闕妄語將僧殘謗他名提妄語除此四種妄語餘妄語犯吉羅故曰也。妄業熏積等者立明曠劫已來習此妄業熏成種子積在識中故曰妄業熏積也。言識種尤多者立謂將此無始妄心之種子積集於第八識中也。資云然論識義真諦三藏說有九識前六可知第七名阿陀那識唐三藏譯阿陀那者是執持識即第八識之異名不同真諦也第八阿梨耶識唐三藏名阿賴耶識翻為藏識亦是第八異名也第九阿摩羅識唐三藏云阿摩羅者此云無垢識與大圓鏡智相應真諦所翻決定藏論有九識品第九名阿摩羅識真諦譯云此有二種一者所緣即是真如二名本覺即能緣智意識此識通能所緣合為此識體也唐三藏釋云轉第八識得無垢識無別第九也。廣如唯識攝大乘等不能繁叙。決定藏論即是意即論中攝決擇分唐三藏云其諸妄安九識品也第八名阿賴耶亦名含藏識謂含藏善惡種子也亦名藏識亦名宅識第九白淨識屬於佛也今言識種尤多也故隨塵境動便虛構者立謂

六口說妄

隨六塵六大之境常妄言說心口違為恒虛妄構架而造業也不思返流之始但願畢世之終等者謂無本源之始始自真如但由妄起乖真不知返本今若斷妄修真越出三界逆返生死之流會得真如之本始故曰也如須陀洹人名逆生死流言但願畢世之終者謂處世已來恒事口語未思改革願畢其生故言畢世也以此安生者以由用也謂用此妄語之業安鎮其一生也亦可以此妄語為安身故曰也為要當死者立謂抱此妄業契至於死死時始休故曰也定非排業者立謂既常習妄語何能排生死苦業也言良者善也信也加以犯無定境者謂境則無定於是非也但約心想違想是犯順想無罪然境不當虛實但起心自有虛實耳心若虛者即是犯但使違內想心不論外緣者立謂不論前境違順但使心違是犯然境心違順此義極難至下略出且如境順心違者如曾見張人之境中途迷想心生謂言未見後被人問見張人不答言見者即犯是也約六心中此是一句六心義如後辨也六緣成犯一是人二人想首

● 入語字

問曰想與知有別不答有同有異了境之心名知當境穴微名想俱能了境故同言異者知唯了境想通迷悟了境穴微名想迷境穴微亦名爲想相歷作四句者立云一是妄語非兩舌惡口二是兩舌非妄語惡口三是惡口非妄語兩舌四俱是也餘口三業者謂妄語兩舌惡口除綺語可知也或合或離者一謂或但妄語無惡口是離或時有妄語有惡口即是合也綺語一種不相離者立謂上三業中皆含綺語也妄中亦有綺語兩舌惡口例有綺語也案成論中廣明綺語竟即云餘口三業皆離綺語不得相離若生有人於十業道乃至謂無業道等者立謂今引此文來證上文四句或離合意也言一時作八者景云舉前後心一時成也言乃至八事者謂單將毒心作前身三口四之事是也以貪時無嗔無痴時無嗔等故但得八事耳以貪嗔相違故不得同起以順境起貪違境起嗔相不俱故云不作十也於此八事中若約自作故得有八若論令他唯得爲六以姪姪業必是自爲由適暢在已不可令他爲我姪也撥無因

果無出自心餘殺盜妄能所同犯四分五分因法師比丘等者案五分云舍衛城有法師比丘名沙蘭_{分四}名衆聰明才辯一切四衆外道沙門波羅門無能及者遂以非爲是以是爲非知言不知不知言知恒以切辯勝人之口時諸比丘莫不歎伏問言汝論義時意謂爲見爲知非耶答言我實知非取墮負處故妄語耳語比丘舉過白佛佛卽制戒僧中妄語罪重百羅漢前者羅漢局聖復數限於百僧中通凡聖數則無邊故可知也又羅漢聖人雖對作妄語義難信受凡僧受誑生信不疑故重也案智論中佛說妄語有十罪一口氣臭二善神遠之非人得便三者雖有實語人不信受四者智人謀議常不參豫五者常被誹謗醜惡之聲同流天下六者人所不敬雖有教勸人不承用七者常多憂愁八者種誹謗業因緣九者身壞命終當墮地獄十者若出爲人常被誹謗推寄有本者立語且如高坐說法莫言我自作此說云是我語須推本師便有典據縱有過失乃屬前人斧在口中者案多論云佛言夫人生世間斧在口

●本文無說
兄弟與四子

●本文無說
字

中佛自說本緣過去遠劫有佛出世號阿梨羅彼佛
法中有兄弟二人出家兄坐禪故得羅漢果弟學問
通三藏聞揚佛法時四輩崇奉二人但兄以聖道力
故利養偏勝時有檀越施兄一端氈不施其弟凡飲
食衣服四事皆偏不同弟生嫉妬加誹謗時有檀越
遣一女子至弟比丘所其弟比丘語女言汝與我勝
彼比丘女初不肯云彼聖人如何加誹此弟比丘以
種種方便誘惑其心云我當索取彼氈持以與汝以
證其罪但言與我行淫即就兄索得氈與之女即還
歸家家人問何以經久即言彼比丘留我戲許是故
經久復言與我此氈於時世人咸生疑惑其兄羅漢
見此二人作大罪惡即避異方便佛言弟比丘者我
身是也女人者孫陀利是我前世謗聖人故今得
漏盡還被誹謗律云見聞觸知等者此四中境語有
入並犯言境語者且如實見聞觸知此四是境誑他
言不見不聞不觸不知是語也又實不見聞觸知是
境誑他言見聞觸知是語故曰境語就見聞觸知中
約對五塵而論者見聞對也聲色觸者即香味觸三

也謂鼻舌身俱名觸也三根唯了別近境同名爲觸
問舌身觸境事容可示鼻聞香時何曾觸境答要假
息風引其香氣到其鼻根若鼻塞時息風不能行不
能引香故亦不聞明知鼻根是其觸也若眼耳唯了
遠境若物來觸眼眼則不能見故論具五緣能見謂
因眼也因空因明因識名爲見耳亦如是唯聞外
聲耳中之聲則不聞也故心論頌云二境不近受等
也長行釋云二界不近受者眼識耳識不近境界如
逼眼色不見故耳亦如此逼則不聞意識者遠近境
悉受餘一向近受者鼻舌身識要近境界依緣無間
故述曰依識識所依根也緣謂識所緣境也根境無
隔方能受也論云如耳聞鳴還自聞者此是耳竊聞
外之聲也論云聞具四緣因耳因聲因空因識能聞
也餘香味觸三種但具三緣能了知一者隨三根不
壞二有觸塵對身根如香塵對鼻根味塵對舌根等
三發識意即是因識既具三緣不假因空明知觸等
三唯了近境也言知者即第六意識以緣於法塵之
境此屬知也若依律文見聞觸知有有想謂反此四

更得四也。謂見言不見。見言見。餘例可解。對此作六心義。百疏云。舉八境。誑他成犯。就中有二初。就不見聞。觸知四境。誑他成犯。有二十四句。第二就見聞。觸知誑他成犯。亦有二十四句。律文中言不見不聞。不觸不知者。依而起妄法。應就不見境。誑他有六句。一實不見。誑道見此心境。俱違第二。實不見。誑言不見此境。順心違第三。實不見。內生疑心。我爲見。爲不見。及至誑他言見無疑。此心境俱違第四。實不見。疑心同前及至誑他言不見無疑。此境順心違第五。實不見。疑及至誑他言我疑。見此心境俱違第六。實不見。無疑同前及至誑他言我疑。不見此境。順心違此約一不見。上作得六句。至犯提下聞。觸知三境。各得六句。可知故有二十四句。今律文好略。辨舉不見不聞。不觸不知四境。上以歷於六心。故更有四六二十四句。可知。彌云。上六心中初三五心境俱違二四六心。違境順所見異者。心疏云。入定行心中見諸惡像。言見妙相也。及被人問答。他異本所見。故曰也。彌云。行心之中。見於虎狼言見佛像。答他異本所見。

也。所忍異者。心疏云。納違安苦名之爲忍。語他樂受也。百疏云。前納違境。安心苦受名之曰忍。答他王樂受是也。律中有所樂異者。財物緣求名之爲欲。答異於本云。樂正法也。觸冷言熱。忍苦言樂是也。所想異者。心疏云。怨想言親是也。亦可實作見想。答言不見。違於想心。故曰也。又有三時者。謂前後二方便及正作時。故曰三也。若前後不憶。正作時憶知是妄者。提正作不憶。但有前方便及後心。隨喜皆吉。對此應有八句。一前有心。中後無心。一吉。二中有心。前後無心。一吉。三後有心。前中無心。一吉。四前中有心。後無心。一吉。五中後有心。前無心。一吉。六前後有心。中無心。一吉。七三時有心。一吉。八三時無心。不犯。善生若有疑心。無疑心者。立謂且如前人實不清淨。人問言謂此人清淨。不然。心實疑爲淨。淨即誑他言。彼人實淨。不疑即犯。故曰若有疑心也。言無疑心者。謂實不疑。前事爲有。爲無人。問疑不答。言疑即是犯也。若問不問者。謂不論前人來問不來問。但使誑他即犯。不問者。實不見聞。誑他故言古不大見聞。故犯也。立

◆釋入經字

◆影字原本
不明

謂實不見不聞便誑他言。我不了了分明見聞故言不大也。案善生經云。若言不大見聞覺知亦是妄語。不名具足。問見者識耶。根耶。答二宗不同。若成實宗。但識能見。根其名也多。論宗云。根見非識。見即離心。頌云。若眼隨生見耳界隨生聞。又頌曰。自分眼見色。非彼眼識見。非慧非和合不見。影色故。自分眼者。謂發識眼識現在根名為自分眼。與眼識同作自事。名為自分也。新經論中名同分眼也。非彼眼識見等者。經部立義。識見非眼。故復有餘部眼識相應慧能見色。復有經部一師別解。眼與眼識和合名見。今薩婆多並皆破云。不見部外色。故謂心心所取境之時。無有障隔。若識等見想見部外。故知識見不應正理。若破相說者。如行至西房見某比丘修治房舍。後至本房人問見某甲不答。他見與不見。但言彼比丘大能作生活。是名破相說。則不犯。景云。破相說者。如實說也。有人云。破其執見之心。云色性本無何所見也。濟云。凡夫執相計色有常。今破此相。則言色是空。然此丘眼實米見空。但約教而作此破。亦無犯也。言不

◆破字未詳

覆藏說者。謂稱實而說也。異音說者。立謂他胡漢等音。意欲令他不解。而語中不妄亦實犯也。首云。異本所說者是名異本音也。慈云。異本語音。或令聲大小不令前人解者。名異本音也。令看指甲者。立謂應語云。檀越自看。若一闍非庶欲。兩闍是庶欲。今若欲作方便者。答坐見庶過來而起。答云。我起來未見也。濟云。西國人用指甲作鏡。磨兒若問見不比丘。即自映指甲見人面。乃語言不見。猶等不犯。乃是方便意也。檢祇文云。若屠家畜生。走問比丘見不比丘。不得妄語。復不得示處。應言看指甲。下文即經云。看指甲者。胡音與不見同。

罵戒二。內法與外法等者。謂內心善惡名為內法。外感世界故有淨穢名。外法也。但是一切衆生有情之類。皆名內法。一切非情山河大海皆名外法。以衆生心有善惡之因。故招外依報。依有好醜。曰緣如山河世界。是衆生所依之境。故曰也。畜生聞毀慚愧者。律中將牛覺罵毀云。折角是也。准多論云。畜生古時皆能語者。以劫初先有人。天未有三惡。並從天人中

來宿習故語今多從三惡趣來所以不語十誦五分
毀下四衆吉者然此戒是僧尼犯同緣異僧局同類
尼毀僧尼俱提僧毀尼吉六品者謂一姓二業三伎
術四犯過人五多結使六禿瞎下其列之謂家盡作
此解也有三行罵法者面罵喻罵比罵也汝是阿練
若坐禪人皆吉心疏問云善法是好罵者是惡如何
結罪答以罵者心欲相屠割後見小失使張廣大汝
是諫若如何猶著離著無學尙攝瓶衣故以微緣潛
相扇作也過情非重故結亦輕和上閑梨是偷蘭者
景云此是輕蘭輕於提並遞減一等者准祇文意應
言餘有中上惡法罵者可檢僧祇抄如別地有金藏
好令鬪者案祇律云過去世時波羅奈城有一長者
子有奴名阿摩由爲性兇惡時長者子與諸婆羅門
子遊戲園林諸從人輩皆在園門外時阿摩由在園
門外打諸侍從人時諸從人被其人打者各告其主
諸婆羅門子盡出呵之時阿摩由不受其語答諸婆
羅門子言不隨汝語我大家子來呵我者當受其語
遂打不止卽來告阿摩由主阿摩由主先得天眼觀

是闢處下有金銀伏藏其地凶故使其闢耳卽往呵
之其奴卽止亦有經中明地中有伏尸則名伏藏人
居此地多喜鬪諍濟同此解迦葉舉造序僧過等者
十三戒中有比丘造大房聚落乞求人皆厭弊所以
迦葉入村乞食居士走避追問所由後舉白佛佛聞
說已勅令出界宿其夜又非人來白佛比丘伐樹傷
損我子支體我以信心不敢加害願佛知之佛明且
集僧呵責造房比丘直言昨夜非人來白不言迦葉
舉告者以佛護人心故令迦葉出界使造房比丘不
疑迦葉白也下明不犯法十誦有比丘說他罪諸比
丘知是人等者案十誦自恣法中云僧自恣時有比
丘說他比丘罪若見若聞若疑諸比丘知是說他罪
人身業不淨能姪盜妄壞艸非時食飲酒等者不應
信是比丘語治他罪僧應語言長老莫瞋莫鬧莫諍
莫相言也下文約舉罪人口業不淨身口業俱不淨
作之亦如是說云云景云此謂知能說比丘自有過
也縱所說比丘實有其過以能說之人體非清淨僧
須語能說之人言勿瞋諍相言也

兩舌戒三 無有上中下法者案祇文有七種罵法就此七中則有上中下三品罵法得罪階降今若兩舌則是傳他之罵但作分離之心誰問罵之上下但傳三品之罵作分離心俱提不同罵中自分階降今鈔家略述彼文之意故讀者皆迷可檢祇抄如別云云說已更說墮者和上云傳他語來重重向前人說重重得提已下明不犯法

共女人同宿戒四 具緣中一是人女者亮云准五分乃至初生未乾亦犯僧祇第十云三趣同犯若牛驢等墜頭時未得罪委頭眠提離狗舒頭無罪屈頭眠提鵝鷄等屈頭著翅下提象正立時無罪倚時提畜生既爾亦祇云若多比丘在房內眠母人抱女兒入一切眠比丘皆提若維那知事人應語言汝正豎兒抱入准此四分小女應不犯故下釋相中人女者有智命根不斷故也十誦他舍有女宿孔容猶子入犯也一四周有障上有覆等景云此舉大堂內一切障雖中間別隔以障同覆故亦是犯也注云准論不合者准多論并見論也下文自出謂一大堂內四周

有障中間更別施小房雖有隔別故犯由同一大堂四相周故二前徹無壁者立謂即多分有障三面有壁也注云即長行房簷下兩頭有障等者景云此室唯舉三面有壁縱有別門以在三障故是犯不同前室唯舉堂內分障也即是一切覆多障也今若長行房簷前兩頭無障或一頭有障亦不犯以非多障故室相不成准此俗人廳下皆犯三雖覆不遍者立謂周匝障兩頭覆中央不覆也四雖覆遍而有開處者下注云謂上開明孔者景云前室上多開此室但有明孔為異耳謂此地多見之其室四邊無窓但開頂取明是也亞臥和上云倚東倚西或倚壁或倚繩床而臥但是不正身而臥皆名亞也故韻集云偃者倚也即其義耳比丘晝臥女人立吉羅者景云雖白日臥非同宿攝但是屏坐攝縱二俱坐臥但犯屏墮羅漢不與女同宿如熟飲食者案十誦云阿那律寄宿為姪女惱已後還佛所具陳斯事同四分律文佛以是事集諸比丘言阿那律雖得羅漢離欲不應與女人共宿如熟飲食人之所欲女人欲男亦復如是

●準律
○

因制戒注云卽并部平頭屋者謂并汾之州多作斯屋上不起棟半作盡與土覆中間開溝泄水極長十間五間中不隔塞共同一戶。齊云并州此屋或盡一宅通作一屋對中央開其一孔取明通行一戶也。又云多房共一戶者義亦同也。如道中店舍共行一戶然此舍中有衆多倚客房客房雖別共遊出入皆行一戶。然此房中有女反未具者比丘雖在別房亦犯也。故善見云乃至以衣縵作屋亦犯若多房共一戶亦犯。除別有戶又云若四周各向裏開戶共一大戶出入亦犯。卽店舍是若別有戶者不犯。又云若屋相連接大乃至一由旬共同一戶亦犯。同行等戒者謂下文共女期同道行戒中皆明能受姪者也。汝無福德者謂同汝同眠使我獲罪損汝福德也不覆不障等者此有九句由室相不成故開不犯如前足數篇中引此九句證在斯室秉法申手內免別衆過得成足數以室相不成事同露處也。

共未具人宿戒五 一是未具人男女者此中冥破昔解云但言男子不須著女若與女宿一宵卽犯日

●準律
○

屬前戒何開三夜有人引非時飲酒以難古師謂非時飲酒得非時食罪及飲酒罪故知第三夜與女宿亦合二罪。答云酒本開時飲何須對非時辨犯時與非時俱不開但須約飲以結犯女宿本無二夜開豈約過三以結犯聖不開宿是宿皆犯本無前開不得約過以明犯聖不開酒是酒皆犯本無時中開不得約非時以明犯也。古師意謂此與男宿故限三夜今鈔不同若與女宿犯相如前若更過限雙結二罪故此下文云已與二夜共沙彌宿至第三夜共女宿得二提首疏云古人立緣云一是未受具人男二甄女却所共女宿無過三夜者解云佛制不聽與女同宿轉側結罪本不開宿何有三夜之憊又引伽云若與女人相續過三夜但有同室罪無過三夜罪此謬引文也。伽論第二云若曾前與男二夜宿竟第三夜與女人同宿隨臥轉轉側犯二提今解順上論文與女同宿雖制不聽亦有過三夜罪若與女人共宿不結過三夜罪者我過量不處分卽是犯不應有妨難罪又殘宿卽是過不應更有非時等罪若言緣異故結多罪

者我亦女人未受具亦是緣異何爲不結二罪餘義如別者立謂若廣料簡男女之相如戒本疏也又首疏及諸家多引諸部明文故僧祇云有清信人爲佛作廁佛雖不須順世故受羅雲露眠時夜風雨到世尊廁抗廁板臥夜有黑地亦畏風雨欲入廁中佛常觀衆生見地欲入畏惱羅雲即放光明自到廁上以金色細滑手扶起拂拭身上塵土已將入自房指身床前言汝此中住如來已與弟子制戒是故順行此戒是故世尊跏趺坐至地了十誦諸比丘斷羅云廁中宿佛恐地整來至廁中以手摩羅云頭爲說傷云汝不爲貧窮亦不失富貴但爲求道故出家應忍苦說是偈已佛即提臂將至自房中到地了已諸比丘是沙彌可憐愍無父母若不慈愍何緣得活若值惡獸得大苦惱親里必嘆言沙門釋子能畜沙彌而不能守護呵已制戒五分佛呵諸比丘言汝愚痴人云何野狐貳逐師子兒四分呵言汝痴人無慈不護我意十誦佛種種呵責已從今已去爲二事利故聽與未具人二夜共宿一名爲沙彌二者爲白衣來入至

房故善見十五云所以入佛廁宿者以淨潔故多人以香華供養是故入中注云准此不去吉罪者立謂應是去時不去約失法故且結吉羅望過二夜至明相出自結根本提罪今爲明相前應去不去結不應罪又解約慙墮兩人若恒懷謹攝偶爾不去得吉若惰慢者本無去心結提與下善見同也亦約慙人忽爾不去者也准戒本疏云三夜明相未出應起避去注云謂不犯提者立謂准見論文說前當部云明相前不去雖不犯提則知犯吉又證前慙人不去但吉注云准此必須第四夜離之者初夜坐者不成開者景云此舉四夜同宿常護明相也立云先二夜共宿竟第三夜緣無去處至明相出時應坐不得臥也至第四夜要須出去不得唯護明相也下文引五分云皆謂通夜不臥開者是從初一夜至第四夜恒坐不臥至曉故得四夜耳此戒上義要第四夜離之若不離隨脇著結犯注云非謂護明相皆四夜通夜不臥開者立謂此應上文也明四夜之中從初夜至明相出恒坐不臥若直護明相則不開也必須第四夜

三

離之轉長罪者立謂明其既犯竟應懺罪若不懺罪若不懺更共宿更增罪也深云已犯罪竟仍未懺罪雖經多日別房宿竟若更共宿者轉長罪也當第一夜即犯故曰無二夜開悔過已當別房宿更得二夜者景云雖悔其過不得即日同宿隨臥皆墮要悔罪已須異處宿隔一夜已更得同宿如初開緣三夜也多論四句者一人一室異者如共張沙彌二夜在此宿至第三夜共往餘室宿也二室一人異者如共張沙彌得二夜宿竟第三夜共王沙彌宿也三人室俱一者如共沙彌同室三夜不移也四人室俱異者如共王沙彌二夜在此宿第三夜共李沙彌在彼宿也開緣同上者謂如前其女人同宿戒中開通文也九種室相不成不犯乃至命梵等難緣開也彌云若避明相過三未犯第四夜犯祇若三夜犯竟未懺無二夜開隨宿宿結前來文明者是祇文也

與未具同誦戒六 祇云婆羅門憐言而此中嗶嗶似如童子在學堂中學誦聲亦復不知何者是師誰是弟子彼人見已不生信心所以佛制不許同誦二

字句味者立謂一字爲名四時爲句句下之旨曰味首疏云能詮之教有所表彰曰句句下所詮之旨以之爲義此字句味用聲爲體非約紙素文字也此乃是教之像貌也以去聖時遠不覩眞佛言教乃將世俗紙素傳佛之聲教非是教體也教體是何謂約佛所說教佛語語性卽聲爲體此聲用有名句文此名句等體是假有不離聲故准新譯經論應言名句文而言名句味者古譯謬也如下述名句文者是聲上運用能詮旨趣藉此名句文也二宗計異薩婆多宗計名句文別有自性不用聲爲體性成實宗計此名句文無別自性但是言辭屈曲有所表彰無別體性還用聲爲體此約攝假從實也謂聲是實名句等是假謂名句等無自性故曰假也薩婆多假實別論故執名句文別有自性用爲教體也故薩婆多破成實云語不異能詮人天共了云云實云梵言便勝那此云文也古翻爲味者其義失也西國呼文呼扇呼鹽呼男女根並名便勝那謂文爲依能顯名句扇能顯風鹽能顯味男女二根顯其報別由名相顯逐譯爲

味此是鹽義非關文也。譯既有失解者亦非故。云資神之益名曰句味。今詳全非義理也。經論中意詮法自性目之爲名。顯義周員目之爲句。如言諸行自有爲體也。復言無常即顯諸行定非常住。既簡於常顯差別義。義既周足。即名爲句。故識論第二中云名詮自性句。詮差別文。即是字爲二所依。名句二法。依文也。云字者非紙上字。此是盡耳。非是字體。要從口出聲。曰字字即文也。或有一字成名。如言水言火是也。二有二字成名。言大覺是也。亦有三字四字五字爲名。此皆不定。但召得物體。即曰名也。言句者亦多少不定。如言諸行無常。則四字爲句。若五言偈七言偈。即五字爲句。亦有九字爲句。極多用十八字爲句。故薩婆多宗總約此名句文爲教體。結言。此名句等是聲假用。不離我聲。故將聲爲教體。攝假從實。故也。南山母言聲教者是也。攝引祇云。今時維那打靜云。一切誦堂中有沙彌與比丘同聲令誦。一偈是犯提罪。若准此義。今禮佛時與未具者同聲唱南。無其佛悉是犯也。故祇十三云。若僧中唱說偈時不得同說一

偈。得同時各各別說餘偈。若口授者謂比丘口說未了。前人即隨言讀誦。此名口授也。若書授者謂比丘口誦沙彌隨誦。後即書亦犯沙彌口誦比丘手書亦爾。賓云。謂直爾書授文故。言了了不了等也。注云。四分不了文者。慈云。四分直言聲聞天仙所說不云爲佛印。可此言渾也。故祇云。要爲佛印可者。名經雖聲聞天仙等說。非佛印可不名經也。向非具人說。雖罪戒七。寧破塔不說他罪。則破法身等者。明犯羅罪者不廢。猶有信心得修餘行。忽聞人說我之罪。遂即雷同造惡。頓休餘業。故不許說。然破塔犯闕望提。稍重約業。天乖破塔但毀形像。說羅則壞法身。言則破法身者。由說他罪自壞。惱他妨撥正修。令應得不得。故壞法身也。二犯初二篇罪者。彌云。下三說之過。微初二同。雖有壞衆之義。過重故提出血破僧。此二偷闕名雖是輕。其業深重。說亦壞衆。同前犯墮。若爾何以辨相。但彰約二不列二。爾合輕重。若列名者。蓋餘偷闕爲此。但言除僧羯磨已顯不得羯磨。說出佛身血。明同是犯。不同十誦也。此謂

見他破僧出血犯蘭已還不得向非其人說如調達等所作要羯磨法差人說之方得向說直爾輒說亦同犯提問說初二篇罪同得提謗他初二便有輕重答謗據治罰損有淺深故有階降說他癰罪即無治罰就壞衆處齊同結提罪首疏問謗人惡說還得惡說謗人犯重還應犯重答謗人犯重下更有罪名復階降故犯僧殘謗人惡說是極下之罪下更無罪名故得同罪四無僧法開者立謂若犯癰罪白二差人往報俗人知是比丘犯癰罪使世俗識邪達正不濫染清倫如調達破僧佛令衆僧白二差舍利弗往告白衣言調達所作非法非毗尼非佛所教非佛法僧事也若已作法人問等者景云此非法人仍是餘比丘故還及問之也若即說者犯此戒立謂有比丘犯癰罪已衆僧白四擯出竟俗人具知若有問比丘不得即答應却問檀越何處聞彼若云我於某處聞比丘方答言我亦某處聞俗女說偈者案僧祇云舍衛城中居士諸衆多知識比丘食中有一長老比丘是居士知識犯殘行摩那埵在下行坐檀越憂婆夷見

已問云那在此坐時有難陀比丘語言汝阿闍梨小兒時戲猶故未除憂婆夷聞心不歡喜作是念阿闍梨故當爾耶在此下坐即捉飯簞飲食擲地而去便入房裏掩戶一□而說偈言出家已經久修習於梵行童子戲不止云何受信施十誦有呵云者有人云此是女呵也女言佛法中有如是痴人等也應答我家等者謂佛教比丘答詞也一若說名字者謂某甲名某甲等二種姓者立謂如衆中有大姓比丘犯罪餘並小姓語言大姓犯某罪或云張家比丘王家比丘等也三衣服者謂著布衣或乾陀褐色衣等四房舍者亦言南來第一二房等五相貌者身容大小長短也不癰惡想者不癰前人實作罪然我心作善想四說不作罪想而俗人尋言自解者不犯實得道向未具人說戒八問此戒具五緣一實得道除增上慢虛故不犯二自言已證三向未具人說四言詞了了五前人聞知結究問大妄語戒說已得及身現相皆犯大重今此戒中實得聖道口說即提賓頭盧現其神通何爲但吉答口說有濫涉故得波

逸提現通無蓋涉故結賓頭吉又助一解現通開爲利如有時生信故有神通輪爲益全無罪無益故得賓頭取鉢卽同無益故聖結吉口說對俗本未開故說得提罪立云制意但爲凡若聖不說得果恐凡言我是聖若後見說卽知非聖以謾大妄語戒也與女說法過限戒第九除有智男子者亮云縱不請時若有男子亦得過也問戒本但言除有智男子何不言除請答昔解云若言除請恐蓋有智男子謂言請時仍須男子欲明隨有一緣卽是開限故不重述除請也今詳不然如別衆食亦有多開緣戒本盡判何不恐蓋故知此不除請文中略也立謂此戒不開親里知之五分由五六語得解故便制者彼律中時有婦女應發風比丘不爲說法果發風死因白佛佛問比丘汝說法幾語得解比丘言五六語得解於是佛歎此比丘因卽制也文又解云五語者謂說五陰無常也六語者謂說六根無常也亮云五六語者此是五數法門六數法門謂不請開齋此也請時爲說不論多少多論云五語者五種語色法無常受想

方便釋

行藏無常六語可知見論十五云一句經文五句義疏合成六句不犯景云若分別五陰六根子細說之解釋其義亦得但不得出五六之外別明餘義也首疏云五分律若爲女人說五六語竟語言姊妹法正齊此從坐起云有緣更來爲說無犯若說五六語竟更爲後女說如是相因爲無故女人說無犯若自誦經女人來聽卽問要義爲解雖過無犯便汝速盡苦者立謂既說五陰六入竟更語言願汝速斷諸結盡諸苦除者亦墮由過限故必是俗人出家不得以事同故者立明雖善俗服既出家已情同比丘不成證明故須別俗人也同今譯此解非理以破句故故多論云有智男子若方類不同者一切不聽男子必是白衣一切出家人亦不得以事同故祇律十三云若七歲若過七歲雖過七歲不解語義亦名無智又云衆多女人欲聽法各各得爲說六句應語第一女言我爲汝說六句說已復語第二女言爲汝說六句如是衆多無罪比丘出已諸女送出與別若咒願言使汝盡苦際得提若言使汝無病安樂無罪復詣餘家

●寫本文作
五戒法第四

先女從來比丘見已語言可聽得提雖見不共語直爲語女說法先女雖聞無罪多論卽言先女邊得罪若不知先女在中者不犯又云若轉經者亦事事提爲女轉經令女諦聽卽同說法也若說不了吉罪者謂說過限語未了卽止吉了卽提已下明不犯法授五戒及法者戒疏云受五戒者謂三歸體也爲說相也八關齋法者亦同上解疏云八關齋者八戒也閉掩根門如世關之拒防或言八支齋者齋是不食爲本將餘八事以支持其齋故曰也

掘地戒十 一不惱衆生者謂地中多虫故也二止誹謗者有二意一以外人計草木爲命傷則謂言殺生失慈悲之道也又招謗云何不靜坐居宴敷行道業損坤掘地斯務何益三大護佛法者卽文中云以遮王臣策役也注云謂安僥倖者非分遇福名爲僥倖明今僧尼因福造罪謂爲佛僧掘地應無有過謂應獲福此是妄謂而得罪也經四月被雨者景云此舉夏四月中隨一雨下若掘皆犯以夏中多雨能令地勢生也錄者勝云虛對反耕具也檢律中無此錄字

●口口不

但有金邊作新竹雨說文云新所也應師云字體作新今作斲非正體也拈公入反說文云刮也若不教知是看是吉者謂得失法之吉據根本又得提也蜀本多論者景云先關中翻多論但有八卷解九十不盡後有蜀本多論乃有九卷卽云爾也立謂其多論在蜀地翻故曰也賓云先京中本唯有八卷釋戒本九十不盡首師情愛此論常廣求訪餘殘之文不知爲是譯者不了爲是失落後時遇一蜀僧言說之次云余蜀地則有九卷釋戒本盡待某還日當卽附來與閣梨其僧還後經於三年而附來更作書案方乃附來首卽寫其數十本付諸藏中令得流通因此各爲蜀本多論古經藏內多闕此卷今時新藏則者九卷也四月及八月者景云此舉多雨處則春四月夏四月之雨若少雨處但夏四月有此舉多少之處然實隨雨下卽不得毀莫問春夏冬也牆根齊濕處者此據北地多作土牆下有與地連垣濕上則乾也若壞漏處得提乾處無犯房壁相壞成功越者謂如房中壁是功力所成不得損壞若壞打杖得於吉也

畫地未除者立謂如天久晴日曝塵生若壞不犯若壞壁使淨人却泥等者景云此據露地壁也井池瀆注水新雨等者景云此舉露處井等經雨初取應犯提罪以雨能生地故然律無文但得小罪言抒者徐反說文云酌取物也大小便時水手摩地等者景云此悉舉露地爲言雖此屋下外雨漂及其地潤濕能生草木若摩此地亦得墮罪今時往往而見此事特須慎護方免其過也若地有沙以水淘之者立謂其地先有沙後雨水衝之則和土也若野火來近寺乃至得剗草等者謂此是遮戒有緣得開故十門云遮戒一往制止有益便開即其義也若三衆不爲三寶利益等者然三衆發戒與大僧齊令但有三寶利益等緣故開不犯其律中結吉者祿無緣時而作也僧祇覆處地得自掘者景云此舉覆處明內爲言若是明外際簷下則犯以非覆處掘故而明內得自掘者以覆土不能生草種故也注云四分文中不了者立謂四分但言生處不得壞死處得壞則不明覆露處致令古師所執不同或云土壤是死地縱在屋

下若連地皆是生此言蓋也由當律不了今故引祇證覆地卽名死土景云古師以將崩岸土來難以律開通文中取崩岸土不犯但得取土不得損地我亦覆處唯得取土不得損地此引非例以覆露雨殊祇文極顯已下明不犯法若反顧石不犯者景云以無損地故此土悉是覆處疑云既是覆處何用言無心故始不犯也壞生戒十一具緣如上者此戒制意且緣同前掘地戒礪云此戒不別有緣起舉前房戒緣中斫樹以爲緣起耳注云恐無知者濫用者立謂古人有云樹木者爲非人所依若小草及種子則非所依壞有何過今不同之古師立此戒名或云壞生艸木戒以艸木爲非人所依名村也種子非例今鈔立名名壞生種戒蝨蝶等者上兼牒反實云案十誦律通於鬼畜總名爲村故彼律第十云鬼村者謂生草木衆生依住衆生者謂樹神衆神河神舍神交道神市神都道神蚊虻蝨蝶蠅蠚麻虫蝎虫蛾子等是衆生以草木爲舍亦以此處爲村落城邑依之而住也注云如此當通相同明鏡者立謂諸部各言生草種等



律部文獻中

雖非人所依引十誦傳祇明文事同明鏡案十誦文云若比丘所代鬼神村種子村波夜提也律中五種村者磧云生雖五義合爲三第一種根生二種枝生三種子生根莖各分二初根中不假節生作根種之名二根中假節生者作覆羅之稱枝種亦二初枝中不假節生者作枝種之名二假節生者作節生之目子種中當體立一始末差分離成故有五分根種者用根爲種故曰根種卽如莖芋蘭荷等是也枝種者用枝爲種故曰枝種卽如楊柳石榴荷杞等節種者謂用節爲種故曰也如蓼甘蔗等是也覆羅此言雜種者戒疏云言覆羅者根中假節生如芹竹等也立謂有根有莖如橘柚等樹若無根有枝有根無枝俱不可生假根假節而生故曰雜種子子種者如芥菜子等是也若所炒釘杙並隨者磧問打杙樹上隨打多少一一提罪殺生何不隨所得提要待命斷耶答艸木有多生相故隨壞處皆障一分生不起是以隨壞得罪畜生報者一假名命要斷方犯牙目者有云在土曰牙出土曰目離動者本名離動者趙主石

勸改曰蘭香十七種穀者僧祇云一稻二赤米稻三小麥四蕎麥五小豆六胡豆七大豆八豌豆九粟十黍十一麻子十二苳句十三閼賊十四波薩陀十五莠子十六脂那十七俱陀婆頌曰稻亦小麥小豆胡大豌豆黍麻苳句閼賊波薩陀莠子及脂那十七俱陀婆上十七種俱脫皮淨也注云謂生熟二棗者未乾曰生今時乾棗曰熟皆須大津得合碗食景云此文中共列五生種卽上一根二枝三節四覆羅五子是也下則五果謂一核果二膚果三殼果四穉果五角果在文細尋方見也注云但令相著卽得等者立謂一切法要令果子相著不得隔莖幹淨則不成如淨甘蔗要須除殼合束淨得成若不除殼唯所觸者成淨除者不成由中間隔殼又云前穉果既云有子火淨我今蒿草等上有子合束相著亦應成淨此是義准耳石上生衣者卽見石上生花也餅上生毛等者景云此舉前得吉由是覆相故翻覆淨淨越者景云此舉不離水也離卽得提注云淮南暫時者深云上文道行記處繫草并此中妨竹押石鎮者皆謂

暫時故耳須除也此律一業壞多種隨多種結者立謂上十誦隨壞一種得一提盡壞五種得五提四分則不然隨壞一種隨數多少結不同十誦此律如此丘將一把豆一時爇隨數多少一一提十誦律文通得一罪就地離地壞皆墮者謂如前柳樹等即是楊柳榴是石榴此二生種雖以離地猶生故就地離地俱提若下槐樹之屬但就地壞犯離地已去壞則無罪若猶有生相但可犯吉此戒有兩重境意約此而立槐樹者槐戶反爾正云槐樹葉大色黑者名為槐音立云小曰槐大曰槐離地色未改吉者律中有七色一青二黃三赤四白五黑六縹正七紫也釋名云縹謂淺青色也此皆是生相之色約離地色未改壞亦得吉此正是壞生相也下明不犯法若除經行地土者景云此舉地上死土也

身口綺戒十二 依光律師九段此下卽第二段至覆屋過量來有九戒明善將人心隨護衆意不相燒行礪云據律緣起前後而起應分二戒以其身口二業雖殊違制處同故合爲一戒口業綺者作異語之

今日要目

名身業綺者作觸惱之稱三爲俗卑白呵止者雖身口二綺若僧未作卑白但得吉難得法後犯故結提罪身來僧中應坐不坐應立不立身業惱僧須與觸惱羯磨若來僧中口業惱僧由不時集僧問何處來答過去來僧問何處去答未來處去或俗與語時反問僧言爲向誰說爲論何事此曰口綺亦曰餘語僧卽與餘語羯磨故僧祇十四云若人問言從何處來答言過去中來何處去答言未來中去何處眠入木上眠床有四木并四時爲入也何處食答言五指食如是不正答者越毘尼此約來作目代餘語故言也作白已語墮者謂得卑白已更作餘語卽犯此戒餘如口綺法者慈云如前口綺未白前吉白已犯者墮是也以言無本義理不次者謂出言無補不依佛教也

嫌罵知事戒十三 一是羯磨差者箇餘前人口差非羯磨者罵但得吉立謂此律白二差也五分隨用卑白白二兩法差也正拜人者立謂喚被差者曰正拜人此人有緣更請別人權知僧事所情人復緣事更倍一人若隨罵此三人皆提景云被僧白二差者

◆
律
文

名正拜人如俗官受職之類致拜也。賓云祇父詔差爲拜也。蓋是譯家取意故言拜人乃至差五德亦言拜五法成就者作自恣人。今詳此謂拜冊也。如今國家冊太子冊王附馬皆名拜冊也。非謂差五德及知事時要合五德拜也。案祇文云若拜人拜囑人拜囑人下卽解云拜人者香爇是也。拜囑人者香婆倩餘人料理僧事是也。拜囑人者所倩人復轉倩人料理僧事是也。嫌憤此三人者皆得提罪。因說大魚百頭者案祇律云佛在跋祇國人間遊行與諸比丘衆至一故河邊見捕魚人捉大網沉石浮氈順水而上。邊各三百五十人。叫喚牽網向岸。爾時衆更皆墮網中。有一大魚有百頭百頭各異世尊見之便喚其字卽應世尊世尊問言汝母在何處答在園中作虫。此大魚迦葉佛時作三藏比丘惡口故受雜類頭報。母受其利養故作廁中虫佛說此緣時五百人卽止。網業出家修道得羅漢果。又智論云如經中說有一鬼頭似猪頭極臭虫從口出身有金色光明是鬼宿世作比丘惡口罵客比丘而身持戒故身有光明。

口有惡言故臭虫從口出言嫌罵者。彌云見而不聞處說有愛患等曰嫌聞聲不見處曰罵實有其事者謂實有愛患痴等也。

露敷僧物戒十四 五分見僧臥具在露地等者明彼律科見僧臥具在露地雖非自敷敷教若見不舉卽提祇若僧床上安像比丘禮拜不舉者景云此舉在露地見像不舉故犯立謂敷僧臥具在床床安佛像比丘於上拜佛已手觸竟須舉取臥具有衆多人屬最後者犯。

便應隨雨中疾時還者謂計去後還前無雨也。若二人同床下座應收不者墮吉者景云謂下座應收不收得失法罪故吉也。律中云以非威儀故得吉立謂上座與下座同床起時上座令下座收下座不收違上座教得吉自不收又得提若上座見不收下座不收卽合自收既不自收但得單墮故曰上座單提若俱不收二俱墮者景云前舉同坐下座故得提吉後舉別坐各不自收故俱提也。故律中若二人不前不後俱不收二俱提及臥具表裏者景云覆衣被氈褥之

●會不後
中三之二

衣也。此戒局臥具等若薦席等敷在露地。但得輕罪。覆處敷僧物戒十五。制意同前。所以離屏露異者。一得罪時異。露則出門。屏則出界。決意位還如上。出界若暫非。永過夜犯二。開緣不同。覆則兩有緩急。律云。若即云。即還若暴風疾雨疾得。還若中雨中行。若少雨徐行皆開不犯也。屏則開兩夜五。或出界或過三宿犯者。立謂此中有兩意。若無心去不擬還出門。便犯若擬還。緣礙不得。即還者亦開其一。夜至第三日不還。門相出結犯。

強敷戒十六。若語已住先與開問者。明其彼人語。言此有人住。竟若聞即止犯。又若有人先開其問。分後來敷亦得不犯。古人云。情有愛憎。致處有寬狹。如言臥長。江枕阡陌。不須來此處。連情同則云。臥斗底。枕禪丸。但來此處。寬今此戒緣正約情乖。故強敷致惱。

牽他出房戒十七。一是春冬房以夏房入。已牽出犯吉者。賓云。春冬非是分得。既有通義。牽出過重。故捉是夏中分得。屬已牽彼出時。情過是輕。但犯小罪。

得
口口羅故

立明律中分夏房已。設上座來。佛言應移。明知屬已。已定何人。縱牽無有離義。以所惱處輕。故得小吉。若春冬分房已上座來。律今相讓。須移。明知不屬已也。牽則有出離之義。所惱處深。提罪又解。夏房所屬既定。奪者心弱。故吉。冬房屬不定。奪者心強。故提。景云。然三時房雖復俱分。春冬分已後。見上座應轉避之。夏房不爾。一分已竟。後有人來不應避也。故春冬牽出犯提罪也。若將不喜人來欲令自出者。檢五分云。若將其所不喜人來共房住。欲令自出。若出不出。皆吉。羅文齊。景云。身體穢汚者。將此人令。伊不喜見。會即出也。若出不出。故犯也。前是戒俗處等者。前戒是聚落。對俗人前放不簡。此戒在藍中。若惡戒惡見犯重之類。牽出無犯。礪云。前戒是俗處。是他有。故屬先住者。以非僧住處。故不簡淨穢。此戒是僧房。淨者有共住之理。不淨則無共義。故雖出無犯。問此牽他戒為約業結犯。為約境結犯。答約業亦約境。故十誦中一時牽十比丘十提約境也。或多人共牽一比丘各各提。或牽一比丘出多房等多提。此約業也。

坐脫脚床戒十八 鈔文所列別緣有三戒疏及磧疏具四緣成犯一是重屋二薄覆三床脚欲脫四坐臥犯

用虫水戒十九 此戒謂閤陀用水灌尼諸比丘呵責答我用水不用虫隨河中魚虫一一提者此不獨望所損者結罪通望池中多少魚虫隨百千頭數得百千提罪也

覆屋過三節戒二十 隨茅板等若覆三重爲三節也過三即犯不去見聞處者立謂既作三節竟便離見聞以使俗得識故也律中見聞互離吉者磧云三節之相事在難識如緣起中草三重覆見論若過三節竟在邊著隨用草犯犯提伽論頗有過三覆不犯耶答有謂用草覆者是五分塼塼薄覆作於四壁極重復聞重故磧地_音若至第四重若草若瓦若板一草瓦板皆准提准此等文不問一切似三重爲三節也

輒教尼戒二十一 依光律師九段此下訖與女同行戒本有十戒當第三遠避嫌疑離染清淨行八敬

合註合

分註三

者百篇舉受懺諸無疑此義至下尼衆別行中廣明之僧祇前三後二者謂就半月半月中唯中間十日是教尼日如白月十五日若一日至三日是名時未至十四日十五日名時已過中間十日科去取一日即免日非之過也黑月例之以月初一日至三日名前三謂是前度布薩之後也若十四十五名爲後二即是說戒之前故言去布薩日等也問何故祇文不聽前三後二日答此謂去布薩日近僧多疲勞故取中間十日爲教誡時也磧云愛道來請止論比丘何不請佛答請佛教授有二種過一違八敬敬中令半月半月間僧二違本誓受心若請僧者翻前兩失若爾八敬文中佛已制尼半月往僧愛道何故今乃求佛者答尼雖蒙制僧中未奉勅故重來請佛勅僧往教又問佛何故不自教吉答有其分過一是狹過不通三列二是少過只佛一人三是短過不通末代比丘作者翻成三益但德須具十者云何爲十一者戒律具足善修威儀磧云具持二百五十戒專精不犯犯已能悔合行光潔皎然無缺故曰具足也二者多

●口口經法

●奔騰凡

●行處行

聞善解經論母云若解修多羅阿合理教有廣見之
長字曰多聞三誦一部戒利偏熟律文云善誦二
部行教字句分明音聲流利言詞弁了令人樂聞四
決斷無疑礪云匪直誦亦善解其義理犯相輕重
開曉人心豁然生解五善能說法言詞辨了者然爲
尼說法初中後語皆稱法相純一清白正見無邪六
族姓出家風望可觀者生處高門人標望美故曰也
七顏貌端政者威儀肅衆不生物條觀者發敬皆稟
道益故佛說偈言穢器盛美食噉者心不忻醜人說
妙法聽者心不慍吾爲如是故相好莊嚴身八堪爲
尼說法勸令歡喜者善順人情稱機授口生信解
但前第五德者善能說法謂稱法而談無顛倒過未
必稱機以此爲異九非爲佛法出家被三法衣而不
犯重法者以不犯故堪教授尼生信敬若爾與初
德何別解言若曾行尼三衆悔已具初闕無外化不
具第九犯餘罪未悔不具於初故須明第九不犯重
法及餘戒不犯犯已能悔望於自得即是具初望於
利他亦具第九自他兩異故分爲二十滿二十夏年

之第幾等

之已結尼

之容嚴客

高德重者然上雖具九若夏未滿年少輕躁易可退
敗不生人善要二十夏持法堅固多無虧壞生物善
也頌云戒律具多聞誦二部決斷善能說族姓顏貌
堪爲尼爲佛法出家十滿二十夏
與尼說法至日暮戒二十二一是僧差者甄去不
差但犯輒教不待日暮要是僧差方有暮罪除尼若
爲餘女受經第者立謂上旣爲尼教誡日暮得提若
爲受經等事不犯今言除尼者謂唯尼不犯除已外
爲餘女婦說法受經等吉除婦女已者立謂上明爲
女說法日暮故吉今若除者是不爲說也若船濟處
者賓云多口船經日暮放也立謂如船上路上等
爲他容人說法尼便聽也至尼寺中者立謂爲估
客說法因至尼寺尼聽至暮者不犯宣云律緣中初
令尼來僧寺說法因過制令往尼寺四分無文可尋
諸部余曾見老昏忘去也
議教尼人戒二十三其事實爾供養故者謂其教
尼人實爲供養故議之不犯誦經受經若問者立謂
爲尼誦經受經若問等事也

與非親尼衣戒二十四 律中除貿易者立謂律許五衆貿易唯制不得與俗人交貿也

與非親尼作衣戒二十五 若緣索線者立謂若安緣若索線亦吉也與親里作者立謂今作令字錯也合是與字若作今字文義俱違若佛塔僧事者立謂爲尼家營佛塔僧事等也若借衣浣還主者立謂僧借尼衣著訖浣還尼無犯雖復迹同與尼衣然由本是尼物故也

獨與尼屏露坐戒二十六 二無第三人者多論第六要以白衣男女爲第三人一切出家者不得爲第三人如前過五六語中引之若准祇文尼益食來即不犯去時方犯者即是不簡男女差別皆得以爲第三人也

與尼期行戒二十七 二無緣者謂無命難恐怖等緣也五度界者謂隨度一村一邑隨結也案祇律與尼同舟戒云若經一聚落一提若無聚落者一拘盧舍一提同行戒亦爾

與尼同船戒二十八 此戒隨業隨境結犯如與十

尼同船十提此是約境也業者隨一上下結犯亮云一比丘與十尼期行得十提十比丘與十尼期行十比丘各得一提此約境故也問一僧與多尼同船得多提者亦應一僧與多尼同坐應得多提答坐據屏犯多尼非屏故與一坐得提多坐不犯乘船讓過中制一多同犯礪云與俗女同船亦是犯限此略不彰如律房舍鍵度中時有比丘共女人上船生疑佛言聽直度故知上下明亦同犯船師失濟者謂風驚浪急吹船上下不犯也

食尼歎食戒二十九 祇云除舊檀越者立謂檀越常供養此比丘食也不問尼歎不歎彼常平等施僧故雖歎得食不犯罪也詳未檢祇中此約尼之舊檀越也謂舍衛城有一長者欲供養衆僧緣無人力時有一尼爲營供具長者出供養直至時衆僧到其家見尼爲行食處分等諸比丘即疑非尼贊歎食耶共出去如是白佛佛言從今已去除舊檀越不犯乃至下食已唱等供時更有餘比丘來等者案祇文云謂唱等供時歎始下食時歎有初作食時歎作食辦已歎

●合疑食

●口口疑食

有請時歎也。鈔中略却故云。乃至若如上等時中。隨一時有比丘來尼若歎言。是乞食練若。糞衣露坐者。得食皆提。若尼直報施主言。更有比丘來不稱是十二頭陀者。無犯。若准多論。義則稍別。彼論云。尼語居士婦言。爲請誰耶。答言。請某甲。尼言。汝爲辦粳米飯。蘇豆羹。雞肉。鷄肉。比丘食者。提。乃至教以少薑著食中。比丘食者。吉羅。此四分偏贊其德犯若尼言。應某甲比丘居士婦言。我已先請尼。問辦何食。答言。麤食。尼言。爲辦粳米飯。乃至鷄肉等。比丘食者。吉羅。若不曲讚功德。但口沙門功德。其福甚大。如是汎說。食之無罪。若有歎食不得捨去。當展轉者。謂更互換易。免犯提也。皆謂正坐食時。卽有尼來歎。故作此法。得捨去故也。若言某甲尊者。常乞食不犯者。謂尼語檀越言。彼某甲比丘常乞食。作此歎者。得食不犯。以乞食之是僧常行。非是歎德。自疑云。乞食是頭陀中一數。何故歎頭陀。是犯歎乞食。非犯故。知此解有妨。案云。准祇文云。謂某甲尊者。可常乞食。音器食。謂尼語檀越言。可常乞與某甲比丘。合如此說者。非犯以不歎德故。此解極當。文

●口口疑食

●口口疑食

與女期行戒三十。被打幾死者。其此義可解。若村內一界。吉羅過界得提者。案十誦文云。期同一道。行從一聚落。提若無聚落。空地一拘盧舍。提道者有二種。水陸道也。據此。今時同船定犯。若不共期往安隱者。謂險難處。要須共往。得安隱者。共期不犯。施一食過受戒三十一。依光律師九段。此下至過四月。請來有十七戒。當第四段。明內資節。量少欲知足。行一宿受食者。謂施主元請一宿。爲緣起。故未階犯位。過此則犯。言病過受者。謂病時開過受。無罪。若諸居士諸大德住者。立謂比丘受一宿食。竟施主更請住。雖過無罪。展轉食戒三十二。此戒僧得提尼犯吉也。數數食等者。文中列名不同者。謂諸部互說如眼目之異名。今言背請戒。以名通攝。盡故也。言展轉食者。彌云。受前請已。復受後請。互背彼此。稱爲展轉。故曰也。戒疏約背前後家。可爲三對四句。初對約正不正。爲四句。謂約五正食。正食也。二對足不足。爲四句。謂雖是正食。約境少不得飽足也。三對淨不淨。爲四句。謂

●押入役字

人爲施主則約五種不淨肉及見聞疑爲已殺者名
若比丘爲施主即約殘宿惡觸等名不淨食也若俗
不淨食也初正不正者一前後俱正背前向後提二
前正後不正背前向三前不正後是正背前向後不
四前後俱不正無犯礪云吉二足不足四句者一前後俱
足背前向後提二前家足後家不足背前向三前家
不足背後向前吉後家足犯礪云吉四前後俱不足無犯礪
淨不淨四句者一前後俱淨背前向後提二前家淨
後家不淨背前向三前家淨後家淨背前向後無
俱不淨犯此是義立四句並犯礪云前兩對四句並
初一句犯提下三句俱互皆吉第三對四句中二提
二吉不問道俗親非親者七衆俱爲施主也律中請
有二種若僧次等者立明此二請不得背也若准律
中開其別請梵網經仁王經及諸僧福田經悉皆不
許受別請也案居士請僧福田經中佛教月德太子
請僧之法佛說偈言供養於中僧僧法次第請心行
平等法卽生不動國別請百羅漢不如一凡僧請者
平等法諸佛法如是莫學諸外道別請親知識佛法

知疑如

無別請六師有是法隨親有德請非眞居士施僧次請衆僧七佛法知是若有別請衆是名爲聚食居士莫同此卽生不勸國

一不白請家者立謂下文食前食後詣他家戒是也。要白同利及施主是也。礪問受他請已中時不去自食已食或食喰僧常食犯背請不答應起但犯小罪不犯背請以盡非請故不名受後背前惱彼小罪故五分若食僧食私食不犯背請祇云請菜羹餅果非家家食病者不堪一坐食者礪云所以開病人苦惱施主體知若不開者形命難濟旣非情欲不作時限施衣時開者礪云開有二義一爲濟比丘待形須立施時不取後須難得恐非理糺損業亂他故也二爲益施主衣食兩利俱得反報就衣施中有三句一多論云前家食請後家衣食請聽背無罪二前家食請後家衣請取衣向前家不犯不向前家竟日不食違信結吉三前後俱食請背犯提又三句一前家衣食請後亦衣食請聽背無罪以其後衣或可多勝二前家衣食請後家單衣請如前三前衣食請後唯食請

犯提十誦多論前家不得隨病食者立謂病比丘至前家或食冷或熱或麤惡非病者所宜背向後家隨所便家乃至齊三家不得背主第四家或無請食者。彌云謂元無請處隨食無罪也立謂請比丘施衣等也以元謂非爲設食今背無過或食已更得食者彌云受前家食已更受後家食或容犯足不犯背請也或不壞生亦得受之或一家有前後食者既同主異食亦無有罪必不壞儀不犯足立謂如有施主設食比丘食未了更有制施主與食食者無犯以是益故又壞威儀已壞威儀更須作餘法也

四分律鈔批卷第九末

四分律鈔批卷第十本

江東杭州華嚴寺沙門 大覺 撰

別衆食戒三十三 彌釋名云但以能別之人食處成衆以衆別他不與同味亦表法食有隔故衆處得罪所別之處豈可非衆私云所別之處或一人二人乃至百千人不論多少故曰豈可

非衆今不取所別之衆立亦但然律據能別之人故取能別之處成衆故曰別衆耳。文云別衆食者四人若過也若從語論應云衆別食今取本意故云別衆耳三人已下無上兩指兩指者謂制意有兩也云云故文云但得三人也今鈔文似繁歎歎故也今案戒本疏三節束之則易見也初云若僧次請來界內不集故犯初雖僧次及至食時界內有僧別不同食此則僧次還成別請二若本別請食時僧來既無遮約此則別請名僧次也此有若別請別衆別乞別衆不問界內有僧無僧但使食處成衆故犯若鳴槌作相若唱召一人則免犯過曉此三節至文易遣立云制意即調達等別乞是也文中何列四分與多論宗不同謂四分別請別乞但使食處成衆不問界中有人無人可別但別乞等稱是別衆若僧次請來稱非別衆但由遮客變成別請耳准多論意直約界內有人不集無是別衆無論僧次別請別乞但界有人無是別他界若無人則不犯四分據食處成衆多論約界有人未食就今一戒又分三段前且立宗次犯緣後隨緣釋釋中不具第三第七緣



● 釋義

後更不釋由文易解初明僧次下至由過常無來是第二立緣及通標舉義門也但明別請不論不集立論若別請別乞不同界有人無人集與不集但食處成四皆犯言僧次請來約界有人遮不許集方犯界若無人不犯濟問夫言別者約有所別若言別乞別請既不約界有人無人從何辨別答別請別乞約別聖本界之人故言別也但請三人食我等不得別衆者謂俗人欲請僧時知法比丘應須開喻作如此說若依緣起等者謂調達領四人家則乞爲緣起也若依多論等者謂界內不集方是別衆不問別請別乞僧次三色皆約界內不集是犯若無人不犯今分三相者聖三是何一者僧次別衆二別請別衆三別乞別衆此三之中各含別衆故各曰明犯緣初約僧次七緣下至由過常有來此略標宗致下更一一際緣解釋但不牒第三第七由文中自含所以不解又云易解所以不釋就標致中文有多勢別請別乞僧次三種通有別衆今總束之約僧次上作七緣成犯列七緣已從多論若施主就僧界內乃至亦更須展

● 釋義

轉來通明施主將食來作法自然界中別施之進否也從或先僧次乃至此明僧次已來亦是通料簡僧次之法也從言別乞者乃至以非一家故來通明別乞之事從若別請人乃至不清淨罪已來通明別請之事從若準此言至由過常有來此義准決會四分多論兩文成別不成別之相也已上諸文通叙別衆之宗致下則一一牒緣解釋其七緣成犯第三緣云要是五正食方有別衆食磯問云正食有犯不正不犯者亦可法別衆中秉羯磨法方有別衆秉對首法應無別衆答不例法中無僧即秉對首等法豈可無僧不成衆時唯食非正食所以故非類也七咽咽犯者磯問此別衆食何不計所別之境之多少而言咽咽從業結者何答佛本制意爲慈愍白衣恐惱衆僧制不應別不是專爲損於何別何須偏約所別隨境結罪人又假衆方犯貪心故食但隨業得罪多論若施主就僧界內二處設食者立謂張王二家來寺中東西兩院各設供養二處人各滿四則別他布薩處僧其東西二院須住布薩處請一人不者送一分食與

●口疑助

●攝入食字

布薩處布薩處不須來兩院請人送食也。由食僧常食不畏犯別。又兩院相望亦不用互請互送。以俱通布薩處故。故曰自處不須展轉也。景云。但布薩處是衆同之本。各各自處不須展轉。昔人取文立義稍急。要具三法。謂打鍵槌法通也。送一分食。食通也。互請一人人通也。今不同之。隨作一事。免別衆以鳴鐘本爲集僧。既鳴表情通也。何須更請人或復送食。若互請卽不互送。及鳴鐘等。若聚落界內無僧界等者。立明此自然界中有二施主。設食各在二處。此中則須更互請人送食也。若互請送食。竟更有異。比丘來入界。若遮不與食。雖前作三法。竟由心遮後人前法亦壞。更須展轉送食等也。若後人來時。心若不遮。前既作法。竟後不復須作也。更有異。比丘入亦更須展轉者。琳云。先有二處食。既互請人送食。竟後更有異。衆四人已上來。到界內自聚一處。受別主食。亦須於前二處互請送也。非唯有一二三人。若一二三人。但入前二衆。何須更請送也。景云。更有異。比丘入若入聚落。也不入二施食家也。至二食處。望後來食處。應

互請送。故曰更展轉也。立云。至後來入者。但是一人或至多人。直隨入前二衆。無過以前互送等。竟也。若遮不與後。比丘入前雖作法。卽壞更須展轉。或先僧次後成別請等者。立謂先是僧次。請臨時客來遮。不許入。翻成別請。云此多論文有四句。料簡或前僧次後若當處遮。卽成別請。或前後俱是別請。此二句提。或前別請當處無遮。後成僧次。或前後俱是僧次。此二句無犯。若不遮。雖先別請。後成僧次。如上立法者。謂如上不遮。客僧或鳴鐘。或互請送也。景云。互送等者。此中有三種。一人同須請一人。二若不來遮送一分食。無是食同。三若念有限。不肯送。乃可打鍵槌。無是法同。此三次。第先人食。後法。今時但打鍵槌。皆不犯也。善見別乞四句者。下文自廣明之一。四人同乞。各不相知。同一主故者。立謂四比丘各自別乞。前比丘至王家乞得食。餘三比丘別處乞。不得還到王家乞食。各不相知。後同一處食。犯由是一主食。故僧次一種。唯局不集者。僧次來要界內。有人不集。則名別衆界。

受必受

何疑

其

若無人不犯別請別乞體是別衆誰問界內人之有無但食成衆無犯別也今更約緣隨相總明者生起下文也謂約上所列七緣今無隨緣曲解也初有施主四分多論不問道俗名施主者彌云論釋不同善見一解要是俗人作施主有別衆罪以其在家白衣儲畜食具客各別請受必供養恐人多難濟損惱施主爲是聖制不聽別衆是以律云慈愍白衣故出家之士少欲自居乞食濟已何有別請作施主之義明知出家施主不犯故論言沙門施食時不犯者或同法沙門外道沙門若依多論道俗施主俱犯別衆故論云一比丘出食三人無食共一處食餘三人犯提食主無犯以自食已食無何惱損故謂內箇比丘共食一个比丘是又此律言沙門施食者在此沙門釋子外諸出家者及從外道出家者是故知同道沙門亦是犯也前言慈愍白衣者且就俗人說耳無明別衆罪乃至或遮客僧等者雖無別衆罪有來報業道罪也彌云昔知事人與客惜食九十億劫生屎尿中至形似人多諸手足案報恩經云過去世時有婆羅門爲僧造寺

無疑
無疑

中無上三
字疑

時有檀越施蘇油飲食知事比丘見客僧多衆惜不與僧行時客比丘便問何不行之知事答言汝既是客何因索此客無答言此現前僧物論何主客知事無嗔罵言汝客比丘何不瞰屎尿云何從我乃索蘇油由此惡言九十億劫生屎尿中爲虫也言廣如上卷者謂如僧網中明也二別僧別乞別請者此下解第二緣也彌疏具緣中二者是別請別乞若僧次請者情無簡別本自無過是故須明別請別乞但僧次有二若言僧次請者如常可知若復言請次第上座若干人亦是僧次所攝以人不出故如五分說上頭無人無是上座上座故知不定別請亦兩若據名以請故宜別請二以法取人亦是別請也言惡戒者出家僧尼犯四重八重之戒故名惡戒也十誦善生中以羅漢法請人者案善生經中佛教善生長者行施以四事供養父母師長和上善舊持法之人莫偏信敬有德一人深信僧中多有功德平等奉施得福無量如我一時告鹿母雖復請佛及五百羅漢猶故不得名請僧福田若能僧中施一似像極惡比丘猶得

無量福德果何以故。由此人報持如來無上勝幡亦能演說三種菩提。正見無謬也。多論若施主長請比丘等者。謂一夏中請於比丘而供養也。不能無遮應打鍵槌等者。謂施主心局。請人有限意。遮外客故。曰不能無遮。門師比丘應須教化令喚入高處唱等文中云。勸化比丘者。言似倒也。謂門制比丘勸化施主也。謂施主施若干比丘。一夏供養至初集日。若不遮客僧者。大善。其先受請若干人皆無罪。故曰無過。若初集日遮僧而未能普及。則門師比丘應教唱令使一人入等也。若不作此二法者。立云若不遮大善。是一法既有遮。心應作唱令。是二法也。又解初一日唱是一法。不者後八十九日日須唱。是二法也。界內比丘乃至一人者。立謂別所之人或多或少。不問僧別也。設界內無比丘。故得遮食罪者。景云。提罪也。若九十日請或長請。如初日法者。謂隨施主請日長短。皆得作此法也。案多論第七卷云。若有檀越或作一月或九十日長食者。若能一切無遮大善。若不能無遮。初作食日應打鍵槌唱言六十膳者入。若有六十

膳者若多若少。但令一人入。即是清淨。若無六十膳者。次唱五十膳者入。若更無。次唱下至沙彌沙彌一人入。亦是清淨。若都無者。亦名清淨。若初日不唱。應日日唱。如初日法。若初日唱者。乃至長竟。若遮不遮一切無過。即日唱竟後。縱遮之亦無犯也。若初日不唱。應日日乃至一人入。已餘遮不遮。亦復無咎。若不作此二種法。若食時有遮。內界乃至有一比丘。以遮故不得食者。此中一切僧得別衆食。罪設界內無比丘。故在遮食不淨罪。若作九十日長食。初日如法唱九十日竟。若檀越續有一月半月食。即前唱法為清淨。不須更唱。唯僧房臥具九十日竟。應日日唱。若不日日唱。即不淨。淨下文又云。若有檀越作長食。或一月或九十日。先隨意請人各使令定。至作食初日。一切令集。清晨打鍵。維衆僧集。已勸化主比丘。應立一處。舉聲大唱六十膳者入。先被請衆僧各住一處。不被請中有六十膳者。應入。若無者。次應唱五十九膳者入。次第無者。應唱沙彌入。若無沙彌。亦得清淨。文意盡此。妙引。類例將前安後。也。唯僧房臥具九十日竟。日日唱者。景云。以房舍等

●第一條

佛制九十日一分今既不分故須日日唱不同食前無用前法以是一主食故立云不同春冬但九十日一分房舍今此是後安居人夏未滿猶在房中住然僧送安居多者已滿即分此房屬於別人此後安者須日日唱云是某甲比丘房也又解夏竟先令分房由僧家緣事未得即分須日日唱云欲分房也不同請食唯初日唱後則不唱濟云唯僧房臥具九十日竟日日唱者謂夏初分房竟至夏末即須與分不得仍舊依用夏初分法不同今文施主請時初日若唱後不須也所以簡異不同言九十日竟日日唱者謂夏竟須分房忽有緣礙未得先分故以日別須唱欲分明日又未得分又唱申至後日故須日日唱也言異處食亦得者謂處所迎狹縱出無過以食味是同不犯也若大界內有二處僧祇者立謂法同食別界也雖二三處別食仍同一處說戒還如上文一處僧祇院中後忽有施主各於二處僧祇各設飲食至不布薩處僧祇之衆應往布薩處僧祇衆中請人送食也若施主別請僧次四人入僧布薩界內食者立

同
本
王
經
其
次

●在
於
作
有

謂請四人入僧常食處別供養將僧並坐不與同味也或將食人界別請比丘者立謂將食人僧界內在別院內三處五處各別施主各設四人至諸處僧往布薩處請人送食自處各不須展轉以同是通布薩處僧故也置上座頭等者此謂路遠或三由旬爲界若送食者食時已過可先留一分食指心擬送且置上座頭表知此食屬彼已後僧中食時可先取擬分食次第行之心指此食作彼所有今取行者義同互易此是方便開使無罪若聚落界內雖無僧界設二檀越等者謂一聚之內二施主設食處四人已上須互請人送食也若更有異比丘應入者謂入聚落界內至前二衆若遮不與食前二處法並壞更須展轉若不遮後人前法不失若遮不與一人食亦墮者謂下至一人入來遮不與食亦犯何況有至多人也疑在吉羅者立謂實無疑有則吉若實有疑有還提善見別乞四句者此皆約一主爲言但乞時受時食時有異故不犯別也論約別謂別乞各有四句應合兩個四句今鈔合明也景云此四句有三應皆約受時結墮

不同四分食方犯也。第一句云或四人一時乞或別別乞者。有云謂非期伴而同時受食故是犯。此句乞受及食三時同。第二句各各去一時受者。此句乞時不同。但受時同。食故是犯。彌云此義稍難。謂不許一時受。食各處。食犯何有。受食一時前後而食。犯不約咽時之業也。注云四分律中不犯墮者。謂四分約食處成衆是犯。見論則約受處成衆是犯。故也。第二句三時俱不同。故無犯也。第四句有三時同。故犯。謂雖別去以受時同。食處又同也。以先雖無期。後同一主受食。故犯已下。明義立僧次。請人至請家已門外。有此丘不許入界。變爲別請者。雖先是僧次。以僧具戒見等六和合。今既不許。情見兩乖。遂成別衆。請也。乃名別請。別衆不名僧次。別衆者。謂先雖僧次。請來今遮外客。失僧和之義。乃變爲別請。別衆也。門外客僧由被遮。故縱出自然六十三步外。亦得別衆食。罪由前遮客壞本僧次。變成別請。別請滿四體是衆。不論界內有人無人。皆犯不同。僧次要界內有人不集。始犯也。既僧次別衆界內不集。今此客僧出六十三步

• 四時後

外故不名僧次。別衆但由食處衆僧心局。乃名別請別衆也。四食處成衆者。此解第四彌云。謂須同類好比丘四人已上。一時受食。有異計。義方犯別衆。三比丘在界內。一在界外者。以在界外不足內數。故不犯也。故知須是好比丘者。結上能別之人也。多論或食僧食。若施主各取食分者。立謂食一向無別衆罪。言施主食不犯者。謂非一時受。前後受取。雖與諸比丘同處。由成是已食也。又不更受。益所得。屬已也。若一時受。同處食是犯。又多論四句。初食主是一者。謂同在一界內。同食一主食。同在一堂中。二食一者。立謂堂舍迎。故出在別堂。以味同。故不犯。若界內更有餘比丘。二衆俱犯者。謂前二衆以食味同。是一主。故不須展轉。請人送食。後既在別僧入界。遮不與食。便是別他後人。即前二衆望後來人前。二衆俱犯三食。別處一者。如僧食時。或施主食時。中有四人別食。他美食。故犯。先取僧中一口者。此明當時同衆。後雖得別益。以先同故。不犯。注云此論露地須申手等者。立謂此注解上第三句。食別處一意。謂非直界內不集。

名別衆。今同在僧中。食味不同。亦犯言。申手內者。意明與僧同處成衆也。必離此外。不名與僧同坐。亦如是數中。要申手內。方名同一衆也。深云。引此言。意者明露地離申手外。不成足數。縱四人在界。食相離申手外。不犯別衆食罪。若露處。不論申手。然此戒制。惡比丘。恐有破僧事起。今食時。既在申手外。衆義不成。破僧也。作此解者。望下第五界內。不盡集者。此解第五緣。彌云。若一人不盡集。作有比丘。想提疑心。輕無想。不犯此別衆食通諸界。並犯界有自然作法。自然分空聚作法。離大小聚落界者。據多論中。明聚落處沒家名。沒聚稱。似不異也。又解。多家同一院內。曰聚。如二京之域。得名聚一院之內。唯獨一舍。曰家。曠野一拘盧舍界者。卽無難。蘭若也。別狂痴滅擯比丘等。若別此三人無罪。若不與僧食。卽不同也。不與沙彌及狂痴人食。犯盜。不與滅擯比丘食。不犯。由犯重過。擯棄衆外。體非僧。故上文惡戒及時有德非時是也。若學悔沙彌。須與僧食。不與犯盜。由慚愧。撒悔體是清淨。又上言。不與僧食。是盜僧祇者。此不局在僧

家常住之食。然請家現前之食。亦名僧祇。僧祇梵音。此翻大衆。皆謂當時抑其檀越之食。不與彼人。故曰也。言別狂者。亦約重狂及得法之狂人也。若常憶常來及半憶念。未得法者。不得別他。又加食處。不集者。立謂是僧次。請亦有別衆也。謂多論文。僧次請來。約界有人。不集。以不集來食處。故曰食處。不集。亦成別衆也。准四分別。請別乞體。是別衆。不問界內有人無人。若僧次。無有別離界內有人。不集。不犯。今准多論。雖是僧次。請來。若界內有人。不集。則犯。無人。則不犯。然多論。還有別請別衆。別乞別衆。一如四分。不異。但更長有僧次。不集之別衆也。注云。如上所列者。指此戒初標門中。明也。病人足四。此謂狂痴者。意明狂痴。既不足僧數。今將足他三人。各示成犯。下文開緣中。病時者。下至脚跟。劈若將此人足四。但自身是開足他三人。三人成犯。不類此病也。以彼體是僧。用堪足數。故但自身是開。不能及他。已下明律開緣義也。開七緣者。彌云。若寬狹相望。僧次一緣。是寬。餘自他。故又福利施主。故餘但開緣。先僧田益。不能潤他。故下

文言無緣者白出以餘有緣不益我故。故知是殃。將
此 義向下文功。二作衣時等者。謂云或有直言衣時。
自他中說亦好 或有言作衣時中含二意故也。賓云二意者。初解直
 辨一月五月中要須作衣。乃得受利。謂元受德衣意。
 爲作衣。若決不作。或復作意。卽失德衣。故下竟失不
 竟失等是也。自有一人直爾受衣。不別標爲極至五
 月名曰衣時。非作衣時。問五月辨異至義可然。一月
 云何。答亦約元意。一心元我若作衣。先受五利。若
 不作衣。便止不受。復有一人不別標爲此兩人中。前
 名作衣時。後名衣時也。三施衣時。如前請戒者立
 謂十二月。中願施衣處。得別衆食。以施時不取後須
 難得。故開受者自得濟。形福利施主。故也。道船二行
 爲四五二緣者。十誦欲行行竟。別食俱提。故十誦第
 十三云。昨日來今日食。提明日行今日食。提卽日行
 別食。不犯船行。亦爾。七緣中道爲第四。船當第五。故
 曰爲四五二緣也。食足四人。長一人爲患。音立。謂一
 人爲四人之患。乃至一人爲百人之患也。如東家四
 人或百人供食。有限。西家有一人爲東家四人百人

之患。令此百人得別衆食。罪謂長西家一人也。言大
 衆集時者。謂十誦八人爲大衆。開別衆食。七人已
 下不開是犯。案十誦極少。乃至八人四舊比丘。四客
 比丘共集。以是因緣。故令聚落中諸居士不能供給
 諸比丘餘飲食。故開也。若減八人集時。別衆食波逸
 提。若八人若過八人集時。不犯四分。但言食足四人
 長一人爲患。戒疏依古師有二解。初有人言。謂食處
 四中長一添成衆。故非謂外人。由是三人隨意食也。
 乃至百人長一人爲患。者。應云長九十七人爲患。但
 云長名義同。故云一也。如和光等六十頭陀同名。一
 供養也。此古師意。謂先有三人。非犯由一人足成四
 故。犯曰爲患也。故賓云古人食足四人。長一人爲患
 者。先是三人。長第四人以成犯患也。展轉相望爲患
 成。犯乃至百人長九十七於其長中。後同一人。故曰
 一人爲患也。此解不正。二有人言。元釋解也。疏云
 五分諸佛常法。歲二大會。春夏末月。諸方比丘並來
 問訊。以衆多故。次請甚疎。乞食難得。比丘念言。若佛
 聽我等大會時。受別請衆食者。不致此苦。白佛。佛遂

中元字原本
不
明
或
無
字

● 補入與字

開聽大會時受別衆食。今言大衆集者。解有二義。一
釋大衆者。謂八人已上。名爲大衆。食無倍供。又是難
得。開別無犯七人已下。名爲小衆。食雖難得。容有兼
備。故亦不開。是以律文將開大衆集時。不犯及小衆
是犯。故言食足四人。長一人爲患。以不開故。由此一
人令他得罪。名之爲患。反解小衆是犯者。謂律言食
足四人。長一人爲患。此是小
衆也。欲明大衆集不犯。且反明小衆集是犯。既
言小衆犯。顯大衆時所犯。故言爲患。思元犯也。又多
論云。食難得處。所別四人已上。開使不犯。以食無倍
供。故若別三人已下。犯以容兼濟。故若食易得。所別
之處。莫問多少。悉犯別衆。若依此律。村落既小。食復
難得。彼此限局。各不相通。所別之處。不問多少。悉開
不犯。高云。論意云。八人爲大衆。主客各四。以施主唯
供四人。食名之爲主。所別之處。亦有四人。曰客。食無
倍供。開使不犯。若主有四客。唯三人則容兼濟。謂減
主四人之分。與客三人共食也。若不減與者。是犯七
人已下。不名大衆。集時不成。開也。又一解云。此是兩
家聚落。東家限與四人。食西家限與一人。彼此二家
施心限局。各不相融。餘處乞食。復是難得。若不開者。

中元字原本
不
明
或
無
字

西家一人與東家四人作患。由是患故。開使不犯。此
謂舉患以開爲患。鈔注問。既是開何故。明患不明
無患。答言。爲患者。將開大衆集時。不犯。先反解。少衆
是犯。故云。食足四人。長一人爲患。乃至五人。百人。皆
以一人爲患。則知四人已上。無患也。律文好略。唯出
於患。無患。自彰。注云。儉故。開成者。以大衆集時。飲食
難得名之爲儉。故開別衆。食豐時。不開也。故多論云。
客主各四名。爲大衆。食不難得。亦不聽別云云。准多
論意。八人爲大衆。時開不犯者。謂主客各四。無是能
別處。曰主。所別處。曰客。食唯足四。不得更供四客。故
曰食無倍供。此時開不犯。若客唯有三人已下。即須抽
能別之處。四人食分。相共食之。故曰容有兼濟。若別
此三人已下。不名大衆。集時是犯也。今京輩者。帝所
都處。曰京也。天子所乘。禮制必嚴。如拜南郊是也。今
不敢言及天子。但指所乘之輦。或言車駕等。如言陛
下。亦是指所坐基陛之地也。說文云。人挽引車曰輦。
古者卿大夫亦乘輦。自漢已來。唯獨天子乘之。見聞
歛迹者。迹謂心也。亦曰行迹也。五分門外有客。乃至

●四經

●會經

●不疑

語往本寺等者。雖令往本寺。彼僧遂語而去。然今家內之僧。猶得別衆食。罪沙門。釋子外諸出家等者。立明九十六種外道。皆曰沙門。若施食時。開無別衆之罪。此是外道沙門。非是釋子。故曰外也。又准論中。僧次不犯者。即是多論也。以僧次無遮。即是開緣。都合九緣者。謂四分七緣。不犯如上。更取多論。僧次。謂者隨界內。無僧不犯。又心不遮。約故開也。又取四分作衣時。也將此多論。五分兩緣。足四分七緣。成九也。問四分已有衣時。何須更取五分衣時者。解云。四分但約迦提一月五月作衣時。開別衆會。餘月雖作衣。不開別衆食也。五分十二月隨作衣時。不至用一縫時。皆開別衆食。案五分中。總開八緣。一病時。二衣時。三施衣時。四作衣時。五路行時。六船行時。七大會時。八沙門會時也。言衣時者。迦緇那衣時。開五利等也。言施衣者。謂檀越施食時。并施衣也。得受此衣。開別衆罪。言作衣時者。謂比丘欲作衣。爲乞食。故衣不卽成。妨廢行道。便是念若佛。聽我作衣時。受別衆食者。衣則速成。不廢行道。白佛。佛言。聽作衣時。受別衆食。

鈔中直言五分衣時者。錯也。合引五分作衣時耳。至五分衣時。乃當四分自恣。竟作衣時也。五分更別有作衣時。通十二月也。鈔意正引此句耳。則須著作字。若直言衣時。便同四分作衣時。既無簡異。何須引之。故知是欠作字。明矣。礪對此戒緣。釋開意者。病人苦惱。若不開者。無以存濟。又無異計。惱僧之義。是以開許衣時者。作衣久延。恐廢正業。故施衣時。益及道俗。故施時。不取後須難得。此是益道。又令施主。若直言衣時。一月五月。是受利時。故道行船行。此二多難。又復食難求。故多劫難得。此是益俗。故也。所以開沙門者。爲少益外道。故問如外道等。無定如何。乃言爲益外道。聽別衆食。答四分文。不了如五分中。瓶沙王弟名曰迦留事。一種外道。而年年普請九十六種沙門。作一大會。問釋子沙門。不受別衆食。而力不能廣及衆僧。以是闕無佛道。沙門愁憂。不樂。便作念。言我今云何致沙門釋子。唯當委王。然後可果。便以白王。王以弟意。白佛。佛因遂聽沙門食時。受別衆食。賓問別食本爲難。調慈愍。白衣見論。覆

● 疑義
○ 釋入耶字

益此律七開寧免二過答順開行事明非難闕故不違理師子長者別請五百羅漢者案維一阿含經云佛在羅閱城迦蘭陀竹園時有師子長者至舍利弗所作禮白言願受我請又至目連所大迦葉阿那律迦旃延憂波離須菩提羅云均提沙彌等總請五百上首還家設供養長者手自斟酌種種飲食人人施一白疊食訖羅云來佛所問今日飲食細耶靡耶答云甚妙又且豐多又施白疊佛問僧衆幾人誰爲上座答云我和上舍利弗最爲上首及諸神德有五百人佛問羅云彼長者獲福多不答云施一羅漢受福無量況今五百真人其福何限佛言今請五百羅漢不如從衆中一沙門請以供養所得之福比前之福千萬億倍不可爲喻猶如有人欲飲一切江河諸水終不可得以閻浮地廣有四大河一一河有五百道今欲盡飲但勞其功終不可盡不如飲海水以一切衆流皆歸于海由此因緣則攝衆流之水今若一一別請猶如諸流或獲福或不獲福其僧者如彼大海所以然者河水入海便滅本名同一海稱令三乘四

● 年經耳

果皆由衆中非獨自立師子長者聞佛說此語後時來白佛我今已後常當供養衆僧佛言我非令汝但供養衆僧不供餘人今施畜生猶獲其福何況餘人但我所說者福有多少年長者言我從今已後當供養衆不選擇人佛言能平等施不害此持戒此破戒如此平等惠施長夜獲福高云請言羅漢福少者謂數局五百人又局羅漢其三果四向及凡夫僧皆被簡故若僧中次請一人則遍凡聖田獲福也賢愚以麁施佛等者榮疏云摩訶波闍波提此云大愛道是佛姨母乳養如來佛後出家波闍戀憶手自織成金縷之氍毹待佛還宮擬以奉佛佛後還國波闍將奉於佛佛時出口恩愛心施無大功德莫供養我當供養僧即供養三歸汝隨我語則供養佛別相也爲解說故即供養法別相法也衆僧之受用即供養僧別相僧也案賢愚云時佛姨母波闍提佛出家已手自紡績預作一端金色之氍毹心係想唯惟見佛擬用奉上佛後還宮持氍奉佛佛言汝持此氍往奉衆僧波闍重白佛言自佛出家心每思念故手紡織規心施

佛唯願垂愍爲我受之佛告之曰知母專心欲奉施我然恩愛心福不弘廣若施衆僧獲報彌多我知此事故以相勸佛又言曰若有檀越於十六種具足別請雖獲福報亦未爲多何謂十六比丘比丘尼各有八輩四果不如僧中漫請四人所得功德福多於彼十六分中未及至一將來末世法垂欲盡正使比丘畜妻挾子四人已上名字衆僧應當敬視如舍利弗目連等時波閣波提心乃開解先以至衣奉施僧僧中次行無欲取者到彌勒前尋爲受之彌勒正著金色氍毹裏相稱威儀庠序入波羅奈城中乞食人觀色相看者無厭云云律明開緣俗次一種功益自他者謂自身不犯又能令他免別諸別衆之過故言功益自他又僧次請來能使施主福多亦曰益他義也注云自身是開益他犯別者謂本有三人得自恣食由後一人是道行病等作衣之人足前三人成四自身有作衣道行之緣是開無罪足前成四由此一人足前三人使前三人俱犯問且言病人足四不成犯限今此病人足他那使他犯者答病緣不同前列以狂

● 補入用字

痴故名病由體非僧數今此病者小小病耳故下文云下至腳跟勞故不同前病也言勞者謂抑破也今冬月有人腳折裂者反諸戒開病則不同此戒下至腳劈洗浴開病下至身體臭穢露燃開病下至須大便身背請開病下至不堪一坐食過一食開病若離彼增助病名雖同各隨其相隨文應知律中若無如上諸緣卽起自言者戒疏云無緣直出所以須白者護施主故也下文有緣直入而須白者護白比丘故有緣入須儀式故隨次入解釋疑也若不白入謂我僧次無緣之徒隨我人故故白簡之無緣白出疑亦爾若有別衆食緣欲入常白者立謂拂疑故須白也若不白云我有某緣恐餘無緣之人見人亦隨入也又彰已不犯此戒故須白云我有某緣合得別衆食也

取歸婦估客食戒第三十四 此戒據緣有兩以取食義同故合爲一戒僧尼同得墮罪一是上二緣者是上歸婦是一估客是一故曰二也三無緣者病時開也四取過三鉢者立謂過取長食令他墮減則

不濟飢渴令彼福薄故齊三鉢不損施主又得充足
 偶云若上鉢取一無罪二鉢是犯中鉢取二無犯取
 三則犯下鉢取三不犯取四方犯今言過三者就下
 鉢爲言若一人取過三鉢前一人不犯後一人犯以
 前五已持三鉢來汝莫持來過在後人故此謂四人
 各取一鉢也望損處過三即結不望食人自己過三
 方結五分僧祇過受及不分比丘食俱犯提此律則
 不爾

●引註列

●原字原本

足食戒三十五 此戒古德建名不同亦曰數數食
 戒尼得吉羅也今文中立兩個五緣者解云前是鈔
 家立五緣引成犯之相後五緣者是律中列解前足
 食之義案律文云一知是飯乾飯等二知持來三
 知遮四知威儀五知捨威儀者此等律文中名爲五
 處解言所言處者元上知是飯等五事是成足之所
 稱之爲處此是律中波離問佛比丘有幾處應足食
 佛言有五處應足食云何五處元上所列者是注云
 長床船乘等者明先於此中坐食忽移床身分離坐
 處船頭柱岸後分離船名懷威儀也案祇文呼爲長

●諸註名

床坐床下自解云獨坐小床名坐床也四不復受益
 者立謂食境堪飢足不受云我未作斷心更擬後當
 食也注食無飽期約境定犯者謂食罷少時飢至還
 欲得喫將何爲飽之限齊以斯緣放故不許也補音
 說文云乾飯也立云十誦家喚四分家乾飯曰補是
 一體也餘同四分者十誦詔四分乾飯爲補餘四種
 飯麩魚肉四名同四分也床粟_反見查韻篇云云
 有人音_反外 者是專輒聲言也應師云關西謂之糜
 冀州謂之糜字體作糜_反託跋改之去林留禾故
 字書不載自宋至陳曾無識者致言力外反莠子者
 今時荷尾草是也錯麥迦師者立謂錯麥此方言
 迦師是梵語今梵漢兩舉故曰也北人呼爲驚麥南
 人呼爲雀麥是也又解舊來相承喚錯麥爲大麥也
 迦師爲小麥也若依南山園梨錯麥與迦師一義耳
 如前解鈔文相承錯者誤也檢十誦文乃是錯麥_{少音}
 五種佉陀食者即草根莖等者火取汁也僧祇五正
 同此者謂祇中五正食名體與四分文同也五雜正
 者祇律喚不正食爲五雜正也細末磨者謂云謂麴

今當延更

• 619 •

・性惡論

・持入部問
百八十五字

答言牛肉比丘言牛肉熟我不便過去若言本牛肉
是比丘言性冷難消過去我不便若言鹿肉比丘言此
風性我不便過去如是離座已食食提六詔曲足者
淨人行五正食五雜正食比丘畏口言足現手作相
若搖頭若縮鉢作不須相離更食提七停住足者淨
人以五正比丘莫先行飯揣恐人當先下菜冷水如
是離座更食提若作雜那直月等指示現相不名足
人自己足者比丘乞食至一家放鉢置置地從主人
乞水欲飲檀越作是念此比丘必常須鉢即問言須
鉢不比丘作是念此檀越必欲家中取鉢與我答言
須時檀越即捉比丘鉢授比丘比丘以惜已鉢
故恐檀越舉已鉢便言置置如是語已離座更食提
看律文意此八種若離座已不受作殘食法悉提有
人云此八皆約未離座也由隨作此八事竟恐已足
更不合食一切食也雖未離座由緣此八事故皆不
得更食若更作餘食法方許食也以授食人謂言比
丘不用更不食也立云八遮者只是上文行住坐臥
長短二床船乘爲八也非一是比丘者簡下三衆

・持入部問

・持入部問

無餘食法也尼雖有此法是五分文也四分不明有
殘食法也三身康和者簡病時直開數食何論殘法
一豐時除儉者謂開八事中有不作餘食法二所對
是比丘者簡不對餘下衆也三未足食者簡餘足食
竟人不得相對也以彼不得更食故不得爲他作殘
法也時食及消淨等者簡非時食不須作也言消淨
者謂簡有八患之食作法不成新淨非病人殘者簡
殘不用作法直爾得食不覆藏者顯覆持來也云
非餘覆上也堅故畏他嚴故有覆藏也僧祇若持鉢
盤等者立謂若誰祇文要須食之乃至但食鉢中不
食碗中不成殘四分不要須食但使者人報言
是我殘則成又祇文若持鉢碗作法以食鉢中者謂
碗中碗中亦成殘若持二碗相並作法以食餅橫其
二鉢上若食餅中央則二鉢俱成殘法也下明義解
律不犯者食作非食想不受作餘食法者云食作
非食想者如具食稠粥作薄想中食上不受作餘食
法不犯又一解如具食稠粥決意作出釜時薄粥想
或可至中飢不堪耐謂前不足故言不受者明一向

不受故謂其人且來未嘗受食也。非食不作法者。謂既非五正食。何須作餘殘法也。但是非正名為非食也。彌云非食不作法者。謂前食薄粥故也。若已作餘食法者。謂先作餘食故也。已上

勸足食戒三十六 尼但犯吉二知者。立謂知足食已故。勸犯提若實足已作足食。疑勸則吉。羅若未足食。足想與疑勸俱犯吉。立云此戒與前戒同是足食。以自他有異。故為二戒。彌云此戒與前戒有四種不同。一業有異。前足食戒是口止。共身犯私云口止不作餘食法。又假身業咽咽也。此勸足是口止作業。假他身犯口止不作餘食法。口止也。發言勸他名口作業。假他咽時。我始得罪。故曰假他身也。二開緣有別。足食開病勸足無開三起業不同。足食是貪心犯勸。足以瞋心生犯。此且緣緣起說。然若好心勸亦成犯。四食不食異。足食要自咽犯勸足。自身不食他咽有犯。有斯四異。故離為二戒。

非時食戒三十七 此戒僧尼同犯五分。非時時想疑俱提。言非時者。慧師云。旭旦則始。晝未異。晚日則

飯食復終。莫若辰午之間。則是初成之際。故午以往則號非時。彌云將欲解非時。先反解時也。若法無時云何。聽時食遮非時食等者。案智論第一卷解。如是我聞。一時義破。蕩時相不可得。謂見陰界入生滅假名為時。所謂一異長短等名字。出凡夫人心中。謂實性名相。言路絕求三際不可得。事可於中論其時乎。即問曰。若無時云何。聽時食遮非時食為戒。答曰。我已說世界名字法。有時非實法。汝不應難。亦是毗尼中結戒法。是世界中實非第一實法。相吾我法相實不可得。故亦為眾人嘆。呵故亦欲護佛法。使久存。定弟子禮法。故諸佛世尊結諸戒。是中不應求有何實。有何名字等。何者相應。何者不相應。何者是法。如是相何者是法。不如是相。以是義故。是事不應難。問意云。理本無時。何以約時而制戒。不聽非時食也。答云。結戒依世諦。不依於真諦。以衆生計時。為有故。聖隨世流布。約假名制。非時食也。為衆人呵責者。若不制此戒。遮非時食。則招外道俗人譏呵之過也。即如緣中迦留陀夷著衣持鉢入羅閱城乞食。值天陰闇至一懷妊婦女家。乞此女持

小寶經

食出門。值天雷電。暫見其面。時女驚怖。稱言鬼鬼。即墮身。迦留報言。大妹。我非鬼。我是沙門。釋子。婦女悲言。沙門。釋子。寧自破腹。不應夜乞食。時迦留聞還來。白佛。故制以息人。呵也不應求有何名字。相應等者。聖人。昔日制戒。防禁緣。非隨機設。教藥病。相稱本。唯應現。未示真宗。或重解。微登示衣中之實。故凡所施設。約世裁規。何得於中。比類真如之道。而言戒法。與理相應。不相應耶。據終而言。無非趣極。即事相。覆戒乃有。爲若爾。何故但說假名。時者。此問意云。汝既道真理中。無時非時。何不莫論時。而強立於時耶。以通多分故者。立云。一切凡夫。皆計假名。有時非時。若真如中。無時非時。世人未了。識者亦。勘今隱而不說。但世人計時非時者。多今從多分而論。且立制於時中。以制此戒。又以衆宜。聞故。若說真時。衆生不悟也。經云。早起諸天食者。案毗羅三昧經上卷云。朝爲諸天子。食日中爲佛食。晡時爲諸畜生。食夜爲鬼神食。唯日中與朝食得福。晡夜二食。使人得病也。晝夜各分九時者。有云是多論。亦如祇分三十須臾也。日下近

今補入有字

須臾分文

似疑文

地熱漸寒。甚者謂冬日落南。離地近。故日短夜長。須臾有增減也。二十四氣者。謂齊中明相云。十五日爲一氣。事同佛法中。二十四半月也。日極長。晝則十八須臾。夜十二也。者。一日有三十須臾。日長者十八夜。有十二。日短者。有十二夜。有十八。案祇云。二十念名一瞬。須臾二十瞬。名一彈指。二十彈指。名一羅。須臾二十羅。預名一須臾。四天下亦爾者。謂四天下皆以午前爲曆。今日月則一日一夜。匝四天下。如南方午。西州日出。東則日沒。北則半夜。如是遷移。比對可知。今有神通者。於此方。齊竟有去西方。食不犯。謂不是前也。如是一日中。得四過。食不犯。由是午前。故日正中。時食者。名時非時。若食得吉者。景云。以是時非時。中間故名時非時也。非時。漿明相出。飲墮者。立謂先加口法。受竟至明。相出。非時之法。有謝已失。受法。若飲得不受食。提若從淨人。受飯。亦吉。礪意云。時食過中。名爲非時。非時。過明。相名爲非時。家非時。七日過服。亦名非時。盡形之藥。無過時。故無有非時。不得約失。但無病服者。結不應吉。注云。犯有輕重者。深云。若七日藥

●圖字十之
未詳及本無

●插入作字

過得提。盡形藥無病服吉如是。例知注云。若不加口法。非時服四藥。皆墮。故戒本除水楊枝等者。大家相承云。南山不合。對此引除水及楊枝。此乃不受食戒家之事。今引是錯也。有云。此鈔家依真諦了疏。作此說。行護太急。故云。古師有解云。油蜜等若加口法。得七日服。若無口法。但得時服。彌尺云。此義今宜決。此義。彌又云。油蜜生蘇等與時食雜者。作餘食法。若獨食者。是非時藥。故隨食無過。何以知者。如七百結集中。問言。足食已捨威儀。以蘇油蜜生蘇石蜜和酪。一處得食。不離波多答言。不得問言。何處制答會衛。國不作餘食法。中制即指足食戒文也。故知蘇油等雜時食者。須作餘食法。不雜時食。不須作餘食法。明知非時得噉蘇油也。五分得嘗食。但不得咽者。彌引祇云。開嘗食。然不得咽。緣起諸比丘。雇作人比丘。爲羹食。嫌或淡或醎等言。我不能爲比丘作比丘白佛。佛開羹時。嘗之不得咽。若是供養僧設會等食。進護淨經皆不許嘗。嘗有是殘。將供佛僧。無福有罪。唐勞辛苦。今鈔引文明。非時中亦不得嘗食。須知二俱犯。

●差疑謂

●差疑者

墮者。謂令比丘作如是上事。能教所教同犯五百問中後一切有形之物。不得入口者。立云。謂齊得也。其摩訶乾陀經中亦同。此說實云。然非時食戒遍尋諸部。皆無開文。唯十誦中文開意。蜜故彼律六十五。那律弟子病服下藥中。後心悶。佛言與熬稻華汁與竟。悶猶不止。佛言與笋汁。不差。佛言。蠶盛米羹粥。絞汁與不差。佛言。將屏處與米粥。曰。稻汁笋汁。蠶盛米汁。次第。悶息。理即不開。悶極。臨終。後方開粥。今有愚人。不服下藥。又非悶極。妄憑聖教。直進稠粥。咽咽結羅。上言意。蜜者。文言開粥。乃是不開。以稻汁等足至天曉。故五分第八服吐下藥。不及時。食腹中而悶。佛言。以蘇塗身。故不差。以髮塗身。故不差。酥和髮塗身。故不差。以煖湯澡洗。故不差。與煖湯飲。故不差。以甕盛肉汁坐著中。以如此等足。以至曉。一切不得過時。食明知十誦稻汁等意。漸引至明。非直開也。僧祇十七亦云。若比丘服吐下藥。醫言應與清粥。若不得者。便死。當云。何爾時。應以洮米。音。即汁。槽盛。清病比丘。若病人不堪者。取不破稻。糲麥。七過淨洗。盛差囊中。

●食戒
中三之三

緊頭淨洗器煮之不得稻頭破若破者不得與病比丘

食殘宿食戒三十八 尼提四藥以論過限結罪如前戒者深云指前非時食戒中云受時藥已過中瞬髮過則失受非時藥七日藥過七日隨等之文也立云此是通舉四藥過時是殘宿義耳時藥過午失受食則結罪非時藥加口手二法已明相出名非時食即犯罪七日藥過七日名非時盡形藥病差名非時皆是過限義食者皆犯殘宿罪故今通明也四句答之一殘而非宿吉羅者礪云亦有惡觸罪也三亦殘亦宿提者礪云得一提又是內宿一吉并任運失受惡觸一吉從此已下殘宿內宿亦有四句義也二是內非殘者立云吉也有云淨地無內宿者此明古師有此執也既結淨地已縱僧中經明相亦無內宿若使結竟不免內宿用結何為今言不然律令除比丘當知有比丘則是內宿也汝難言結竟不免內宿罪用結何為者向若不結通證通犯今既結竟淨地宿犯大界無罪何為無益然外部通結證為淨地亦

此段疑故不

謂不結僧房而通結庭下耳文云除去比丘故知有也者此是錢家意也謂淨地不許有比丘律文令除去故云除去比丘若不除去得其內宿罪故知有也故人消此除去比丘之字情見不同有云除去比丘者謂憂波離隨述前言謂如前所制我已領竟除比丘房外更有尼房得作淨不佛言得作故曰除去非謂不得同宿名除去也以坐禪比丘為緣起者律中迦羅比丘以少欲省事故我今一乞以供多日豈不省功耶此乃善心犯戒佛呵云汝意雖少欲知足後代比丘相法而行事不可也敬戒而增道業者因戒發慧破壞煩惱終獲道益功歸於戒也十誦若鉢著不淨脂蘇受變等者立謂鉢曾貯蘇脂等洗不脫也今將貯變但食鉢中央者不犯殘宿也不淨殘宿鹽食吉者景云此舉加法鹽不病而服故得吉耳或是儉時故開離此二緣皆不合食也深云其鹽是盡形藥以先加口法今病差而服理合得吉若先未加法鹽食者得提伽論膩故不去者非食膩故者明二三度澡豆洗不去者此是新熏除膩致去非食膩故也

注云義准今食殘食與俗人等者立謂如今過鉢盤與淨人沙彌等益食鉢中猶有殘食者便過與他。以心不斷擬後更來其淨人將此食更觸僧家淨食。卽名惡觸令一切僧得惡觸不清淨。食罪今若有此事可須絕心捨與淨人也。又一解云以不絕心過與淨人自成惡觸以後來入手卽結罪也。比丘傳食與沙彌等者立謂比丘與沙彌傳鉢共食。若沙彌過與比丘須洗手受。若過與沙彌時須絕心與若復從受如前洗手皆無惡觸之罪。注云如善見者好者謂如上見論云多比丘與一沙彌行比丘各自擔食而與沙彌相易好也。佛言無急事不應使沙彌持鉢者謂沙彌食已將不淨鉢與師故不許也。今若朝朝從受無過文中明至不受耳。執者應師云所說文云從上挹取也通俗文云滅上取曰挹也切韻云從上擇取物也五百問因緣同上者立謂彼論明嚼野石上取食因緣同上祇多二文也如鬱單越法者立謂彼國於一切物無我所心也今引此意明石上舊食無我所心以施主又捨與比丘又捨與鳥鳥既不來此

食無主屬也。僧祇莫問時非時等者立謂無問時中及非時中受食。但過中一瞬變則是非時。食犯一墮更置地經須臾又得停食失受一墮停過須臾復得停食食墮者案祇文直約時食以明也。又云若五正食若時中受時中食無罪。若時中受過時變瞬食得一提若停置過須臾食者又得一提謂犯非時食罪及停食食罪也。若非時中食得一提停置過須臾又得停食之提如上明也。以祇中有停食食戒與非時食戒合制須知鈔家引意還直約時食一如祇律文也。非約非時禁知之注云若過二時名曰非時者謂若時中受得食過非時如瞬變名一時也。又若入非時經一須臾又是一時故曰二時也。此謂中前受食過中得一提名一時也。若入非時放地經須臾又得一提卽是一時也。深云一時者從旦至中名一時也。正中之時名非時又是一也。粗魯粗者略也。又云麤也。在苦見應師經音義釋也善見若乞食時值風雨塵土落鉢中乃至施沙彌等者景云以無人授雖落鉢中故不成受若自撮取者更不須受也若鉢有孔罅

者反。肆由說文肆由裂也。又云垢也。

不受食戒三十九。尼提諸家章疏對此戒皆有十門。利約首疏大同二爲作證明者。謂能授人作證。知比丘非自取。噉也。三爲止誹謗者。緣起阿言我不喜見。著割截衣人不受而食。是爲不與取。亦同賊相。四爲成少欲知足者。既從他受。裁約由人不得恣情。故成少欲之行也。昔有比丘與外道共行樹下者。案多論第八卷云。如昔一時有一比丘與外道共行。止一樹下。樹上有果。外道語比丘言。上樹取果。比丘言。我比丘法。樹過人不應上外道。又言。搖樹取菓。比丘言。我法不應搖樹落果。外道有自上樹取果。擲地與之。語言取果。食比丘言。我法不得不受。而食外道生信敬心。知佛法清淨。即隨比丘於佛法中出家。尋得漏盡。上釋制意。竟能受是比丘者。隨餘下衆及餘趣爲受比丘不得食也。住於自性者。明比丘之法服袈裟。爲相受持禁戒。爲自性。今能受之人。須具持戒善。是破戒爲受。即不合食。故言住於自性也。勝云。無犯是住自性。求得在於此處者。立謂求得者。謂所求之食。

也。此處者。謂一比丘受已。度與餘比丘食。詔此能受之人。爲此處也。餘一切比丘。從此比丘處取之。俱得食。故言在於此處。勝云。此處者。有下文地及水中也。若破戒等十三難。不成受者。景云。此等人自受自食。成若過與餘清淨人。則不成也。上來解能受義。竟從此已下。明所對境也。除自己及同類者。立謂不得取受。故言除自己。又不得從比丘受。故言同類。餘三類衆生。隨被教不被教等者。即人非人畜也。若從此人受皆成也。然此中在通塞。謂約山世不同。可知言隨被不被教者。謂被比丘使過食。故曰被教。彼自授與非比丘使過。故曰不被教。並成受也。牛上受食。至不得觸之者。案祇云。有比丘欲行從他。借淨人。臨發時。便言。我無淨人。尊者有牛須者。當取使淨人。長養盛種。種糧食。計日日食。分作一齊。已紐結著牛上。至食時。當使淨人取。若無淨人者。一人挽紐。一人承取。口言受。受若餐食盡。而行未至前所當解。裳淨洗已。更求糧食。著囊中。一如前法。鳥來啄一口去。但棄啄處者。約在手中也。飛鳥成受者。立云。佛在時。鳥能言。

●快讀

也知解人語。故成受如多論中畜生古時皆能言者。以劫先有人。天未有二惡道。並從人天中來宿習。故語今多從三惡趣來。所以不語若准祇文。受食義寬。案彼律中有淨人食。燉豆時。比丘欲得從索淨人。不欲與比丘。辭淨人手寫著衣。祇中口言。受受得名。受非威儀。又彌猴樹上噉果。比丘欲得果。語彌猴言。與我果。彌猴動樹下果。比丘以器承墮器中。名受。但非威儀。又有比丘乞食時。若鳥墮段。比丘鉢中亦名受。又有比丘道行過甘蔗園。邊守園人乞答言。尊者。自取比丘。爾時以繩紐繫好甘蔗。著牛頭作如是言。知是衆生甘蔗園。邊有火聚。卽駢牛行過火。不使燒牛。使甘蔗得作淨。已一人快舉牛頭。一人解紐。作是言。受受是名爲受。蔓菁根亦如是。迦葉從帝釋受者。案五分時。大迦葉從貧乞食。釋提桓因作是念。今大德迦葉從貧乞我。今當作方便。使受我食。卽於迦葉乞食之次。作一貧窮織師。卽在機上織。復化作一女人。爲至作。繼迦葉從乞。織師取鉢盛百味飲食。與之迦葉。得已念言。此人貧窮。從何得此食。卽入定觀。知是帝

釋語言。憍尸迦復莫復作。遂不敢食。以是白佛。佛言。今聽諸比丘。從天受食。佛從彌猴受蜜者。案祇云。佛住梨耆闍河邊。佛鉢與諸比丘鉢共在一處。時有彌猴行見樹中。有無蜂熟蜜。來取世尊鉢。諸比丘遮佛言。莫遮此非惡意。彌猴便持鉢取蜜奉獻。世尊佛不受。須待水淨。彌猴不解佛意。謂呼有虫。轉看見鉢邊有流蜜。持到水邊洗。益水漬鉢中。持還奉佛。卽受取佛受。已彌猴歡喜。却行而舞。墮坑。命終時。諸比丘卽說偈言。十力世雄。在棒林。佛鉢在露處。野獸植德有情。知見好。成熟無蜂。蜜直前往。趣世尊鉢。比丘欲遮佛。不聽得鉢。盛蜜來獻。佛如來慈愍爲受之心。悅歡喜。却行舞。脚跌墜岸。而命終。卽生三十三天上。下生出家成羅漢。立云。然此彌猴是迦葉佛時。比丘爲惡罵人。謂見比丘跳溝。罵言。猶如彌猴。相似以五百生中作彌猴身。今施蜜時。最後第五百生也。輕繫地獄者。謂大海畔。邊諸山間。多有諸小地獄。晝則受罪。夜則受樂。或時夜受罪。晝則受樂。從此人受成受慈云。正大地獄不成受食。以苦重故。准此六道知解者。

戒受等者立謂一切比丘不得自取食食二謂前食是可食物三知比丘是受施人故曰也上引諸文證成六道俱成受食上釋對境義竟下明所受十誦五種塵不用受善見令受二文相違者解云前十誦恐是無人處故不須受此見論據有人處也又一解云前十誦所明據小塵眼所不見者故不須受見論據是眼所見者理須受也善見若塵落鉢中乃至餘者不犯細者更受者意云最大者餘之極小眼不見者不須受故言不犯若不者是眼所見不可捉得者須受故言細者更受又解除不犯者立云是望艸木等棄却又不觸食故云不犯又云餘者是食也既除所落之塵已餘食不成觸故不犯注云嚮明中塵者許高反窻也日光照窻時小塵運運而動者是也此座餘食進入鉢中者深云此座比丘受得食已餘食進入已鉢中故成受若本從淨人手中進入鉢者則不成受也僧尼互淨互受者景云比丘殘宿惡觸於尼爲淨尼於比丘亦然故言互淨尼得過食與比丘比丘亦得過食與尼而得非法吉故言互受十誦聽擔食

行乃至取一撮等者案十誦云有守邏人從此比丘乞食若與食少不與又噉是事白佛佛言從今日聽擔食藏莫使人見若食出道取一撮不受得食以逕贖澤故景云此舉無人處但關一撮不受而食不得過也大澤者應是山澤處也案十誦律云憍薩羅國諸比丘賈客俱向舍婆提城巡過大澤諸比丘從賈客乞食報言汝知此間食難得何不自擔糧比丘言佛未聽我道路賈糧諸比丘不知云何白佛佛言從今日聽自擔糧從他易淨食乃聽噉不易不聽噉注云前無人處者立謂指上一撮文也山野無人處乃至七日自作食者景云此舉無人處初從淨人邊受得七日自作而食非謂都不受也要先從淨人淨米已受取故得也灰水見面者謂清故見面不須受也准僧祇好者明至四分關楊枝不受准上僧祇文咽汁須受此義爲好上釋須不義竟已下明轉變義也受生薑後生牙者景云此舉雖生牙先已受得牙從受生後不失受以牙新出故須火淨不淨而食得提非生牙處得食者此舉牙生已不淨非牙處得食也鹽變

成水者亦謂本受得鹽後消滅水不失受也。酪蘇甘
蔗石蜜等者立明時中受得此物以食不盡故便加
記識云此中淨物生我當受作非時藥或作七日藥
作此法竟後雖轉變不失受皆謂酪變成酥。酥成石
蜜。酥成油故言蘇油等也。上釋所受義已竟。五受食
處明了論求得在此處者立謂一清淨比丘受得食
已除一切皆得食故言求得在此處也。地及水中空
中不成等者明了疏處何者地及水者受食不過此
二處若身在空中受食此受不成受由空中無何依
止故。又止立云地者謂持食置地令僧自取有緣開
通此或有端正女人及邪見人等之緣是也。水中者即上
流放食使僧下接義非成受必有難緣理亦開得空
中者如得鳥吊食與比丘義亦開成又如樹上放果
比丘下接但不觸中間枝葉皆成受也。看了論意義
不相應直言地及水中成受空中不成。云云景云此
舉比丘在地水中處成受但比丘在空中則不成
受能受既窮二俱在空理不成也。義准若能授在空
所受在地義亦應成如前受中說者深云指第二門

中明了義論解至求得在此處文也。上釋處竟下
明受食法一至身邊者立謂施主持食至比丘身邊
授與比丘也。二至物邊者謂施主擯食令比丘來取
比丘行至物邊前人過與則成受也。三至器邊者立
謂器盛食與比丘也。此三各別一是物來就身二是
身往就物皆以手受三是器貯捉器成受異上二手
受也。故有三別已下明身心相對就中分四一身受
非心者景云以受時雖無心方便有心故成受也。二
心受非身受者立謂施主置食而去或端正女人送
食與僧置地而退或邪見不喜見僧置地令自取皆
成受。准又當見放時口加受受以嫌比丘故。若案
母論云毗舍離國穀貴乞食難得比丘有神力者乘
神力至外道國乞食諸外道見比丘來乞嫌其不淨
以食著地捨之而去。諸比丘白佛佛言雖手不受將
來著前即是與竟成受也。又有比丘此時往至登伽
國乞食彼國惡賤比丘持食著地不過手中除同前
緣三身心平等非所遮者立謂其人未足食則不遮
於後食名為非所遮。今身心平等故成受若已足食

竟又不作餘食法後更不合食名爲所遮雖身心平等亦不成受又解非所遮者約授食人身心現前專心奉養手自過與故曰身心平等無所遮礙卽而成受故曰非所遮也。景云此舉身心是如法受諸聖教不遮也若已足食竟不作殘等者立謂既足食已不得更食雖身心平等亦不成受要欲作餘食法方成受也身心不關故並成受者爲中前先用口歛期會已竟後送食來便不須受也從此已下明單心無對義也。僧祇邪見人不與食當滿茶邏者案祇云邊方有登瞿國是邊地邪見人惡比丘故不授食爾時應作滿茶邏此翻言不與比丘食者不肯置手中也若棄徹者將樹葉布地作壇合置食於上也大同明了者謂此祇文同前了論單心無對也須云受受十誦亦同不相解等同之者首疏云別國人不肯授受與比丘亦如前文故曰同也立云十誦不相解等者能授之人無有解心不知比丘是能受之人雖授要加口法受受火燒馬屋者案五分云爾時有販馬人請佛僧行水已有人語言火燒馬屋彼此不展

授食語比丘言可自取食言已便去諸比丘疑不敢食白佛佛言若無淨人聽諸比丘以施主語食爲受食僧祇禪眠與食不覺者不成者案祇云若比丘床上坐禪若眠淨人持食來著椀中若覺者卽是受若不覺者覺時當從淨人更受若不欲食者當自捉授與淨人如是著床上懸床邊亦爾立謂此舉先無契會後忽送來故不覺不成上言盡地作相食置於中成受者謂先有契約後雖入定等成受若不欲自食自捉與淨人者謂禪眠覺已見此食不欲自食將與淨人不受輒捉不成惡觸已下正明觸礙之義祇若繩連器物相連不斷者案祇云若比丘乞食時店肆家以斗盛與比丘斗鉢連諸斗或五升四升三升二升一升相連比丘爾時應語施主解後斗令相離已授我若鉢不可得解者當棄已令寫棄上受是名器義見繩繫不成受以無口法者立明見論無加受加受之法故繩絆等不成受卽如連斗之類也僧祇如上成受非威儀者見論繩繫不成由無口法僧祇既有口法如上連斗應成但非威儀容有小罪祇

井上懸食已下井底比丘口言受受勿突中間生草木者案祇云爲闌若比丘無淨人比丘自抒并故在中受食也勿突中間生草者縱突亦名受立謂先解云突則授受兩心俱動則不成受祇文無此意知之若在屋上繩連桿者謂僧俗互在上下皆得成受以注下流故。案十誦云沙彌白衣捉瓶蘇麻油注比丘鉢中不斷諸比丘心中疑我或非是受法便白佛言是注下流非上流不被受法古來相承解云諸比丘從淨人受蘇油寫時注不斷疑謂既一頭在淨人手中一頭在比丘鉢中將非淨人觸失受耶佛言成受不名觸失以注時流向故謂流入比丘鉢中也向者若流向上入淨人手中可言是觸今流向下方觸明矣。應語懸放等者謂淨人行食若手觸比丘鉢或拘觸鉢等皆非法非惡觸故果墮草上即去等者謂西方多用食案案上著草淨人行食落草上若少時住草上成受若雖落草上不住有行至地者則不成受。景云此舉局開但置案上成受非手受墮草也注云淨衣踞坐者西方食時皆踞坐也三世佛出

皆有此法佛昔受牧牛女乳糜亦踞坐受也當語稍授我者謂上既淨人舉不離地雖成受以非威儀也今則可令減之稍稍授成也當安鎗時口云受受者以爲熱故加此法也。從此已下明心境相當受也淨人作三法比丘作三法者深云能所俱有領當之心受授之法也。景云淨人三法者一知比丘不得自取食二知可食物三知是受施人食無七過者一殘宿二內宿三惡觸四自煮五內煮六販博所得七犯竟殘藥已下非心境受也如上乞食自取儉開者立謂乞食不得取昨日石上食也及儉時開八事不受食當一事也此既得即進噉何論心境從此已下明觀門法付已德行全缺多減者立謂戒行全是多戒行缺是減四正事良藥取濟形苦者意在療飢以除渴乏離食醉之過及離求好顏色肥充之心。廣如下對施中說也五爲求道業世報非意者今食此食使身安修道遠超著提假茲在立人天福樂名世報非我所求之意也了論云餘一切文句縱廣道應知者景云此是彼論偈兩句彼論長行廣釋食觀勝云縱

●戒律作

廣道應知者論疏云律爲廣道行此得至一切義中故名廣道律中廣明此義故言應知解云下至然後噉之來者此是了論疏疏解也不爾徒自衣食者應作去聲讀之義則寬通若平聲爲衣入聲言食義則是狹且如言衣但攝三衣不攝裙被若言去聲通收裙被之屬又復外曰衣內曰裳言衣則攝不盡亦如冠字平去二聲義有所以此衣食之義亦復如是亦如後卷者即指第二十與治之篇也從此已下明正受食法若遙過物如上說者立謂持物及手得四句竟至第五句如前文已明竟故前云四分若遙過物與者俱知中間無觸礙即其文也復有五種身衣曲肘等者立謂明至此五句相對受也上五句是交互作此句是自相對如身與身受器與器受乃至置地與也此後一句加口受受受此上兩五句依律如此淨人輕比丘故觸手不應受者以心輕淨何以不應從受也下明失受之法有如亡人不淨食器皆不須翻穢者景云以穢從畜生無畜心故無穢可翻也生變成熟並失不受者謂失加說誠法也六遇緣失如多

●論大受字

論淨人觸失更洗手受者然若遇緣觸竟比丘勿即提之喚淨人來更授未必要須洗手若遇緣觸竟比丘水受即提是惡觸今更受要須洗手以比丘手中

有惡觸食氣故也若准西方不論觸不觸要須行水者表沙門淨心法也如佛受園索水洗手等可知已下明釋義五種供闍尼如是食戒中明五不正是也非時七日藥限過亦墮者非時藥明相出則失受七日藥過七日失受若不復受而食者提盡形無緣不受食吉羅者謂無病緣也此藥既加法竟若無人觸永不失受更不須受有病有服無病而服得吉是此不受食戒中明故言不受非謂失受竟不受而食只得吉也至藥既名盡形一受之後無任逆失但可有遇緣失耳已下明不犯法也

索美食戒第四十律中尼吉羅也問何以尼結輕者疏云大僧丈夫身報力強喜乞美食取食身故所以重制尼乞美食女人所譁爲希故輕律結吉者結不同罪實結提舍問不同何罪而結於尼答不同非罪示不同成隨結方便使異二部一是美食者案論

● 雜律

解云何以名美食者以價貴故以亦難得故以愈疾病故有四句一是美食非美藥乳酪酥等是二是美藥非美食生酥油是三亦美食亦美藥酥肉魚脯是四非美食非美藥阿梨勒是二無病者依祇文約此無病緣與下第四食咽犯緣作四句一不病時索病時咽吉二病時索不病時咽無犯三病時索病時咽無犯四不病時索不病時咽提犯此戒也不得就屠家乞肉汁者立謂肉汁堪錢一爲脂能治風故喜往乞八種乳酪等者案祇云一謂不得無病時往蘇家乞蘇若乞食時自與者得受二不得從押油家乞油若乞食時自與者得三不至探蜜家索蜜四不得至笮甘蔗家乞石蜜五不得從放牛家乞乳六不得從作酪家乞酪七不得從捕魚家乞魚八不得從屠家乞肉汁此上八種若不病時輒索僧提罪尼犯八提舍尼罪若病時開乞仍不得從上來八種家乞得從餘家乞若餘乞食時至此八種家索餘食語比丘言我無餘物正有此等物者得受無罪又云若比丘服吐下藥時醫言此應服肉汁爾時得乞肉汁不得至

屠家乞不得往不信家乞何以故恐索時譏比丘但貪味故索耳若餘乞食時從索漿若擅越言無漿正有肉汁須者當與爾時得取無罪
與外道食戒四十一 僧尼犯同緣異可知制此戒時闕無阿責云云一是外道者戒疏云謂出家外道以在家者道俗位別不生疑惑但犯小罪然由出家名同真偽難別生人惑倒故所以重高問云外道有九十六種佛道爲在其數外數內答諸律論不同祇律佛法在九十六之內故彼販賣戒云與一切九十六種出家人買賣不犯既不甄簡佛法明在其中若准多論淨施中云一切九十六種無淨施法唯佛法有又云此三衣名九十六種外道所無秘勝故又云六師各有十五弟子師徒合有九十六准此佛法在外也若准大莊嚴論佛法在內故草繫緣中云佛之正道不同於彼九十五種邪見倒惑無有果報修行佛道必獲正果二知者除置地遣人與不犯以食味是連理無獨飽既不自授寧生惑倒故開不犯三自與食者甄去非親里與父母外道恩重故聽若如

附載十八父母兄弟姊妹在外道出家者不得自與當
 便淨人無淨人者。詔全自取。彼若嫌言。汝今便作。旃
 陀羅。禮遇我比丘。應答云。汝出家不得處。我佛制戒
 如是。若食便食。不食者隨意。四非置地使人者。約是
 食除。與衣犯小罪。然食味是通與之義。故制以重衣。
 則別屬情。著難捨。與希故輕。五被手受便犯者。此五
 緣心疏所立。與鈔不同。與無見人不犯者。立謂邪見
 人也。亦名斷見人也。又一解。無見者。謂無斷常二見
 識。有因果能契中道。故曰也。既計有因果。非即邪見。
 故與食非犯也。深云。此是著空外道。不見有一師教。
 十五弟子。各各受行。異見六師。各別有法。與資不同。
 故師及資。通數有九十六。如是相傳。常有不絕也。
 不囑同利入聚戒四十二。同受一家。請利養是同。
 故曰同利。尼同犯提二。食前後者。約小食前後也。若
 大食之後。入聚非此。此戒約時。明犯下戒。准祇
 約食竟。明犯不論早晚。縱且食五正已。亦不得入聚。
 此戒要是中前。故約小食前後也。故律云。食前者從
 明相出至食時。此應是約小食時也。又云。食後者從

食時至日中。此是從小食時至日中也。只呼為中時
 是食時。要約中前分為食前後也。高云。食前者。謂齋
 食之前也。食後喫齋。食竟猶在中前也。問既食齋。竟
 往他家。何過。答緣中食雖已竟。時猶午前。方檀越送
 果子與僧。為待跋難陀。故不傳與僧。故制食後不得
 不囑入白衣家也。今雖食竟。或未飽足。日時未過。後
 還房中。得食得果。直得更噉。或雖飽足。日亦未過。開
 作餘法。亦得食之。故使食前食後俱不許入於聚也。
 若過午入聚。自犯後戒。案十誦所明。食前後大異。文
 云。若比丘許他。請僧中前中後。行到餘家。波夜提下
 解云。中前者。從地了至日中。中後者。從日中至地未
 了。餘家者。白衣舍也。賓云。律文言。前食後食者。梵語
 倒也。應言食前食後。譯者不週文也。此謂齋食前齋
 食後也。四詣餘家。無緣者。若迦提月及作白已。去皆
 曰緣也。因往他家。得二墮者。一是背犯前背請戒。故
 提一是。不囑同利犯此戒也。已下明義。準若二比丘
 各受常請。交往亦爾者。案祇云。有二比丘各各別受
 一家長請。若第一比丘。語第二比丘。言長老。今日共

到我檀越家去。第二比丘應白已去。若不自去者。提若第二比丘請第一比丘如是。看文意似白施主。立亦云。張王二家各請一人。張家比丘欲往王家。王家比丘欲往張家。各自本施主也。從食時至日中者。鈔意准時經正在禺中。故是食時。注云。准此與時經食時同者。謂此經明步影而食。與四分同。以齊約日中也。祇文不爾。雖早了。卽曰非時。庫藏處及邊房者。有云。並是寺內邊遠處。向如是。處則失前授法。若至餘僧寺。亦無失文。若向餘等庫藏。倒失也。礪云。此言囑授竟。至餘庫藏。尼寺等。皆失前法。當更須囑後。開通文云。若無比丘。不囑。至餘庫藏及尼寺等。不犯者。此約無人可囑。以不囑。故雖入諸處。皆開也。若家家多敷坐具等者。景云。此舉一聚落多家共設一供。而家別各敷侍比丘也。隨至何處。皆是請處。故不犯也。以元通請故。廣如下卷者。卽計請法中明也。景問曰。如大聚落有衆多家。初入村門。未知犯罪。分齊如何。答初入村門得一提。後過家界。隨至聚界。結多犯。不要入家。方犯。賓云。囑授辭句。義立云。大德一心念我某甲。

比丘先受某甲請。今有某緣事。欲入某聚落。至某家。白大德。知今詳但須的囑一人。令善憶持。不必要須大德一心念等。設今遙相告白。理亦是開。食家強坐戒四十三。此戒僧尼同得提罪也。四食之中。至觸食來等者。四食謂揣觸思識也。立謂舊云。搏食亦曰段食。段食則攝義寬通也。案攝大乘論云。四食者一段食二觸食三思食四識食。言段食者。變成爲相。何以故此段若變異。能作身利益事。是名段食。觸食者。依塵爲相。由緣色等諸塵。能作利益身事。是名觸食。思食者。望得爲相。此望得意。能作利益事。如人飢渴。至飲食處。望得飲食。命身不死。是名思食。識食者。執持爲相。由此識能持身故。住世不壞。若無識。執則同死。人身卽爛壞。是名識食。此四食中。觸食屬六識。思食屬意識。望得段食。屬色。不關心識食。於三義中。屬何義。若汝不說有阿梨耶。識依何義說。此識食復次。若人眠中不夢。及心悶絕。入滅盡定等六識已滅。又無段思觸三食。何法持此身。令不壞。若無阿梨耶。識執持此身。則壞。故知定應以阿梨耶識爲食。

此是觸食者依前攝論解六識所得皆屬觸食立云男女相親情相愛染義如食也以眼對故故言觸也四云云男以女爲食女以男爲食案祇云麤飯魚肉名爲食也復有食名眼識見色起愛念生欲著乃至鼻舌身意亦如是皆名食復有食名釜以蓋爲食曰以杵爲食斛以斗爲食復有食名男子是女人食女人是男子食如上皆名爲食竇云南山云四食之中此是觸食者謬也此意說食不欲辨食今言食家有寢者從喻爲名也噉食欲味故名爲食互相愛重名之爲寢一是食家者礪云以男女情相視曰食家若斷姪等之家卽不名食家也互受一日戒者以緣起妨事故制今夫妻互持一日戒以無姪事可妨故開不犯寢云受八戒也四無第四人者夫妻及比丘是三故犯更有異人成四妨事非獨在我故也多論以著寶衣等者立謂此解其家有寶義也謂女著寶衣輕明照內身外現發欲故曰有寶也准祇云俱男女亦不犯以非食家故

屏與女坐戒四十四 尼同提若大小淨人等者立

云或年八九十老耄不知時事七歲已下未識時事也注云前已重明者二不定中已廣辨屏義

四分律鈔批卷第十本